

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

集部
第五八冊



責任編輯：孫言誠 賀 偉

ISBN 7-5333-0615-5



9 787533 306151 >

2020/06

四庫全書存目叢書·集部五八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第五八冊目次

集部·別集類

寶制堂錄二卷

〔明〕劉節撰

北京大學圖書館藏清乾隆十四年刻本

一

石川瀛洲遺集一卷文稿一卷芝田遺集一卷芝田稿文一卷附金陵稿一卷

〔明〕殷雲實撰

上海圖書館藏明嘉靖十年胡用信刻本

七四

孟有涯集十七卷

〔明〕孟洋撰

福建省圖書館藏明嘉靖十七年王廷相等刻本

一二一

玉巖先生文集九卷附錄一卷

〔明〕周廣撰

重慶市圖書館藏明嘉靖三十七年刻清乾隆九年周挺重修本

二九四

倪小野先生全集八卷

〔明〕倪宗正撰

浙江圖書館藏清康熙四十九年倪繼宗清暉樓刻本

四二二

寶制堂錄二卷

〔明〕劉節撰

北京大學圖書館藏清乾隆十四年刻本

附《四庫全書總目·寶制堂錄

二卷》提要

寶制堂私錄原序

是錄也鄉進士大庾劉子魯之所錄也。厥翁梅國先生天才夔異詞藻逸發倚馬揮毫立可盈紙進士侍鉛槧輒私錄之既成帙懼其佚也梓而藏於家堂乃先生所居故錄以私名志家學也。一旦造予而請曰先生與先大夫有金蘭之好遺稿一函已鐫梨棗敢以序請予喜而讀之恍乎夜光之在室精輝絢爛又如瓊瑤之入座寶制堂錄序 林序

聲韻琳瑯是錄也誠藝壇令則後學津梁也。亟宜流布以公海內私云乎哉予與先生雖地阻雲巒而氣投鍼芥懷深風雨憶自丁巳秋接滕金陵作平原飲勝情豪舉雲涌泉流自後浮沉宦海萍梗東西者幾二十載戊子春予歸自撫莖重會于章江之泚先生秉燭開宴夜闌不忍別今讀斯錄重有感焉是故讀雲巢月塢之記知其出處之堅定也讀三蠹四宅之文知其存

養之精密也讀梅花太極之序知其體道之宏
深也讀清溪橋記知其經濟之博施也若夫忠
孝大節則棠陵方子序之詳矣子奚容贅篇中
祭先太宰泉山公文不肖孤蓋不忍讀焉隕涕
書此不知所云先生字介夫別號梅國以明經
發解江右登進士上第敷歷中外有聲今爲都
御史保釐東魯位日以顯勲業日以隆著作日
益以富進士其慎錄之王子其續梓焉予亦當

寶制堂錄序

林序

二

泚筆以俟 嘉靖庚寅清明日 賜進士出身
嘉議大夫南京兵部右侍郎前都察院右副都
御史奉

勅巡撫保定等處兼提督紫荆等關閩小泉林
庭樞序

寶制堂私錄原序

夫文何爲者也以明道也夫道何爲者也以經
德也其德厚者其道廣其道廣者其文行是故
靡辭不足以闡幽治辭不足以適治游辭不足
以貢俗艱辭不足以辯理故叔孫豹謂臧文仲
之言立而孔子謂子產之辭不可已也今觀梅
國劉公介父之作其殆似之乎昔者予之在告
也梅國提學自蜀來褒衣雅度私以為真士子

寶制堂錄序

呂序

一

之師也及予改官南都又數聞其孝以終母庶
以睦鄉恭以下士嚴以繩貪有古明公卿之風
故思見其著作常棘棘焉乃今固有斯編乎夫
梅國且將肅百僚貞百度股肱王室使 聖主
之德流行于四海雖周之召誥立政商之說命
皆可企而作也則其文豈啻於此乎則其文豈
啻於此乎其文體之美詳在司馬林公序而析
類次題則鳳陽守曹君仲禮之所校定

嘉靖九年冬十二月朔高陵呂柟識

寶制堂錄序

呂柟

二

寶制堂私錄原序

中憲大夫福建提刑按察司副使前進士開化方豪撰

予嘗度彭蠡越南浦沂金川玉峽以達九牛而止于橫浦習見章江之變或潏而為潭或激而為灘或迴而為瀾或湧而為濤或分而為澗其態不常令人目晃神飛以為天下之水自黃河長江之外無如此江矣比考其源則出于大庾之聶都山猶河之有崑崙江漢之有岷嶓也夫

寶制堂錄序

方序

一

善觀水者比考其源善觀文者獨不考其本乎近在閩中有以寶制堂私錄投者予閱之則吾友劉介夫氏所著而其子魯所錄也簿書奔走間就榻如蔗秉燭流覽愈讀愈快惟恨其盡耳其變態之奇猶夫章江也明日以語諸人人曰夫劉子固大庾產也居章江之上源適當其勝故其文宜若是其奇也予謂之曰子以劉子之文有得於江山之助已也非善觀文者也夫劉

子之堂也以寶制名示 君恩之不可忘也

君恩之不可忘吾之所以為報者何如也故隨在而致其力力致而名隨在立矣夫劉子將不為忠臣矣乎夫劉子有如是之文誰弗錄之而魯也私錄焉急于傳也夫酒食衾枕之養恒人之所樂也非吾黨之事也文而傳傳而急焉謂非養志乎夫人子以養志為孝魯也孝矣然聞劉子之事其合浦博士也猶魯之養志也語寶制堂錄序 方序 二

曰惟孝子乃有孝子夫劉子將不為孝子乎忠孝人之大本也而劉子全之是則章江之有聶都也子曰有德者必有言觀寶制堂私錄者當以此法觀之

嘉靖八年己丑四月十有七日序于杭之光輝

堂

書梅國文集後

閩莆黃未軒先生為前明理學名臣詩文集十二卷大吏劉節所校廬陵劉玉作序二劉公皆未軒督學江西時所得士也夫未軒衡文傑地拔通顯者知不僅二公二公皆科甲躋公卿稱受知者亦奚但學使者乃一則序其文而信服其有德一則走幣數千里秦梁慟喪手訂遺編者何居於以見道學淵源師若弟相與在性命之微尚論未軒即以知未軒之取友也余守南安燕署吉州憑弔使廬墓跡吉於昔時故多君子若吏則梅國公拇指焉公風節事業傳乘詳寶制堂錄跋 游跋 一

矣余最企慕乎公者當致政家居慨賢守張東海已去劉蒙川一辦希微懼疎洽之失傳也開梅國書院於言湮教弛之日都人士翕然向風記所稱先生教人以聖賢自期許以主靜為本以窮理為先以力行為要者是已至今日士知務學習尚淳樸非前輩流風餘韻哉公後裔明經斯來偕其子庠士好德欲重錄寶制堂私錄請言於余斯錄林文僖公已弁其首余後進復何名惟未軒為公師文僖為公友皆吾鄉賢大夫公又曾參政閩藩余何可無言獨稽明內府藝文志載梅國集四十二卷錄僅數十篇散佚多矣

維茲後人廣而搜之勿使此即窺豹是所厚望
乾隆十有三年戊辰秋中古閩後學游紹安跋

書重梓梅國文集後

南郡古稱梅花國雪臺劉先生標爲號蓋有取于梅
花太極圖之意而凡蘊爲性情心術抒爲德業文章
胥由是也余年來課業東山步劉公讀書處與蒙川
先生脩濂洛論語遺蹟一脉辨香竅適相聯輒低徊
不能去既而劉公裔孫斯來重構蒙川館並輯梅國
文集命男同學生好德付梓請余一言竊 劉公章
源第一流人物學問風節洋溢楮墨間蒙開梅國書
院嘉惠後學至今餘韻猶存其立言無非本濂洛關
閩之旨採莊列左穀之遺探月窟而躡天根琳瑯奪目

光昭文冊林呂諸公序前太守游公跋後固已無美
不該余何庸贅第念寶制堂私錄私者誌家學所自
也一家之寶不僅私諸一家私也而公之其必有自
鄉而國自國而天下以廣其傳者矣 劉君以經明
行修之彥運壽邑令君故武彊精竭神搜羅散佚脩
復前徽斷簡殘碑悉登梨棗雖未獲窺內府全書而
含英茹華肯歸要領已覩一班今者司鐸臨川將之
任邑故多名公鉅掾奇氣磊落冠西江挾茲編以往
吾知其所以闢太極之精蘊恢梅國之遺緒春風化
雨都人士奉是爲藝苑之金科玉律而有光乃祖之

鼓鐘簞序珠明合浦也由是洛陽紙貴遍播遐邇永金石而垂不朽數點梅花天地心無不可于茲編而一會之矣其有功于理學薪傳豈淺鮮哉書贈之以附簡末

乾隆十四年夾鐘月古閩後學黃允肅跋

寶制堂錄跋

黃跋

二

書梅國文集後

余少時讀鄉前輩未軒黃公詩文集即知梅國劉介夫先生蓋有道而文者也蒞庠初急欲得梅國全集而卒讀之偏訪藝林文苑未見其書徒從省郡志內讀一二碑文碣記嘗一嚮於全鼎謂知其味則可謂足飫饑渴之心抑未也戊辰秋杪手纂邑乘廣徵藝文始得明經劉君斯來出其先人一翼公所刻二卷約數十首雖皆應酬雜紀文志規撫周秦不作漢魏以下語亦足徵先生立身制行蘄進於古文肖其人意必尚有倖典謨追訓誥奏疏論議駕董賡張陸而上之者不寧惟是胡弗未之見也以此知其散失多矣夫有道能文代不恒有間一有之而位望不顯藏諸名山俟之傳人不保其後宜也若先生位高望重梅國全集四十二卷內府紀之子孫藏之乃不再傳而斷簡殘篇僅存十一於千百則夫古今來瑰璋奇文泯沒不傳者不知其幾可勝惜乎或曰先生當武宗之季羣小側目介石自貞奏疏論議不避忌諱恐後來賈禍寶制堂私錄之板致政後已自毀之及其曾孫盱傳皆自他書鈔出非原本也果爾是則後人欲讀先生之書者之不幸不足為先生惜也先生

寶制堂錄跋

余跋

一

有道人也詎必以文重哉

乾隆十三年秋杪莆陽後學余光壁跋

重刻寶制堂私錄記

先太祖諱節別號梅國由解元登進士亞魁試
仕即授兵曹後出爲州牧有政績仍內召蒙
特簡兩任文衡初粵西次蜀其所取士皆有德
有造之彬彬者一時聲施籍籍歷任至都御史
保釐東魯無總兩淮晉秩至刑部少司寇生平
著作有梅國集寶制堂私錄其所手訂若廣文
選若春秋列傳若周詩遺軌當時名公巨卿咸
寶制堂錄記

有序贊交稱爲胥乘子產因歷年久兩遭回祿
存板散失頗多先祖父輩不敢忘先人手澤購
求逸書幾集而成卷矣無柰力不從心先君子
竊嘗有遺憾焉予自髫年從先嚴君講學于賜
書樓之凌雲書院每每出先司寇公之文章示
予曰此文應傳不朽其紹述而光大之先司寇
之所望于爾祖父之爲後人者爾祖父人不敢
不以先人之望于我者望我之子若孫如時可

為宜付之梓人以公於世予承明訓敢不夙興
夜寐勉旰未逮雖不能表揚而章大之然繼志
述事則人子事也敢他諉乎茲幸受事壽邑令
奉職之餘冰蘖自甘決不敢以力綿才淺負祖
父之命不付梓人而傳之不朽耶是子之罪也
夫是予之責也夫

康熙丙午六月之吉會孫一翼謹識于古剡灌

公署

寶制堂錄記

二

重梓寶制堂私錄記

寶制堂私錄吾六世祖司寇雪臺公撰貽後
人藏版兩經回祿伯父伯宿公從灰燼中搜梓
于壽光邑署閱今八十餘載滄桑屢易散佚良
多余自少侍先嚴偃菴公讀祖訓每顧余言曰
吾家自梅谷公司鐸南浦一脉傳經屢代不
絕雪臺公克振舊緒闡儒先微言與義皆足
永垂金石遺編殘缺弗全怒焉滋疚務光祖訓
寶制堂錄記六世孫
以廣其傳是吾志也余小子敬誌不諼年來命
子好德同族士殫神廣蒐凡寺宇斷碣碑銘暨
親友家藏遺稿靡不輯登梨棗彙成卷帙稽內
府藏書僅存什一於千百而精華所萃炳炳烺
烺垂子孫以昭法守播遐邇以公同好亦惟仰
體先人肯堂肯構至意毋敢隕越焉余不敏撫
先型而愧勵交集管窺蠡測未能研晰精微而
卷分上下目詳世次校正魯魚亥豕受為已任

亦不敢不引為己責也若夫顯揚而光大之是在後人繼述罔替與海內好修君子心源有嘿契者惠錫瑤章故所未逮良余之素願也夫乾隆十三年夏五月六世孫斯來謹識

寶制堂錄記 六世孫

二

寶制堂錄上卷目錄

男 魯 錄

曾孫一翼重訂

六世孫斯來重輯 男好德校字

兄斯科 孫藻 全校

曾孫文燦

記

迎恩橋記

兩知亭記

雲巢記

寶制堂錄上卷目錄一

湛泉記

督學題名碑記

達州重修廟學記

月塢癡人記

南康縣學重修祭器記

青谿橋記

存公樓記

盛氏義田記

都憲陽明王公生祠記

重修明倫堂記

郡侯何公德政碑記

重修真覺寺碑記

序

素王祀典通集序

栢嶺吳氏族譜序

韶陽鄒氏族譜序

南安府志序

廣文選序

一鶴山人序

贈羅子序

寶制堂錄上卷目錄二

壽甘媪序

贈符宜臣序

秋崖序

和聲集序

贈方伯陳公之閩藩序

序燕

贈胡大夫序

贈中丞潘公序

贈朱大夫序

贈王大夫序

贈臬使周大夫序

寶制堂錄上卷目錄三

寶制堂錄

男 魯 錄

曾孫一翼重訂

六世孫斯來重輯 男好德校字

兄斯科 孫 藻 全校

記

迎恩橋記

迎恩橋者信豐邑城北橋也城北門曰朝天故一名朝天橋橋當邑孔道決于玄冥燬于祝融有年矣時

寶制堂錄

上卷

詘焉弗暇爲矣力詘焉弗能爲矣勢詘焉弗敢爲矣枉設矣淋則朽漲則漂舟濟矣涉而市利則奸汎淫而弗利涉則溺病哉橋與歲則歲矣月則月矣日則日矣玩愒哉孰爲之恫乃躬哉臬臺副憲林公按部至邑耆老以病告公庶之實怫然曰民隱哉迺擇諸部吏可事事者命之計復曰橋故疊石墩樹者四圯二毀二堤礪者二類其一其一尚存也爲之哉巨石基之堅木梁之削石覆之永圖在茲公曰費當若何僉曰厥金三十四斤有奇公度曰淫祠嘗撤之矣厥基貨哉厥直什八贏以贖金斯盈哉迺請于督府中

丞聶公得允迺以邑令李朝會總其事戎所指揮朱

誠協相之南康邑幕史朱琇專董之經度伊始督府

中丞潘公代至再請焉得允迺屬邑簿曹栢義民李

泰施甫李朝京楊東白甘廷冠分治厥役始事于嘉

靖乙酉冬某月某日石伐焉木斲焉存者飾之頽者

補之圯者增之毀者作之始基之中梁之終覆之某

月某日告畢矣完矣美矣輦而奠矣士忭於校農樂

於野商賈倪旄舞於市塗咸相謂曰我有長幼弗集

于庸我有粟帛弗賦於公昔也焚燬今也阜隆昔也

墊覆今也坦通督府公功邪臬臺公功邪吾莫得而

寶制堂錄

上卷

二

知也迺歌曰孰深而厲孰淺而揭我徒我與萬世之利孰方孰舟孰泳孰游我徒我與萬世之休比訖視邑篆郡照吳崇暨幕史琇報成于督府督府令曰有是哉足以永矣毋棄爾成哉庶勿壞崇也琇也率其民甫也泰也告記于劉大夫劉大夫曰夫難成者功也時焉力焉勢焉弗詘也爲之斯易易也謀同爾矣智周爾矣用裕爾矣說道也佚道也中正節也展也足以永矣記可迺記

兩知亭記

兩知亭宗伯二泉邵先生作也先生先太師元相文正李公門人也道德文行公知先生深矣先生累遷至少司徒疏請省太淑人于家得允公時當國文贈焉曰信難抵錫作歌寄題惠泉示意焉卒曰我歌泉和兩知音先生再疏請得允侍養公尋謝政矣復數年公訃至矣先生哀焉請公遺像於公甥崔尚寶世興置超然堂朝夕參焉拜俯如昔懼瀆也廼作亭堂西麓瞻焉懼湮也廼肖諸貞珉嵌亭中壁永瞻焉亭曰兩知揭公歌中語也節也陋先生門人寶制堂錄

上卷

三

也玄然幽默有靈司焉曰和也和氣相感也是故公歌泉莫之和猶夫和也公知音泉莫之知猶夫知也莫和之和真和也莫知之知真知也故曰通微通微者神也客曰然則公於先生云何節曰公不云誰哉更識泉齋心泉齋謂先生也公於先生相信者道也非徒文也相知者心也匪徒言也是故托歌於泉曰和也托音於泉曰兩知也於戲公意遠矣詩曰他人有心予忖度之客曰有是哉亭左像錢希翁右則存一府君何也節聞之希翁先生友也渙然之亭銘焉期先生於道可謂諒矣府君博學守禮紹美容春先生聞祖也並附焉志感也請復于先生先生日記可哉廼記

寶制堂錄

上卷

四

雲巢記

企齋陳子築室鈴東之墅室成客有過之者陳子速而入客曰美哉隱者之室與陳子曰猶夫室也子焉知爲隱者之室客曰僻而曠邃而雅聞而不雜非隱者之室哉陳子曰異哉子之言與夫隱哉也非室也如子之言室固移人邪異哉子之言也子復有說乎客曰有哉求樵者於水可乎陳子曰不可求漁者於山可乎曰不可求畋者於市可乎曰不可求商者賈者於野可乎曰不可客曰誠哉水不可以樵山不可以漁市不可以畋野不可以商賈也是故樵者必求

寶制堂錄

上卷

五

於山也求漁者必於水也求畋者必於野求商者賈者必於市也何也物之情也故曰隱者之室匪室能移人也求隱者必於是也陳子曰博哉言乎子復有以惠我哉客曰將與子卜之乎迺登於鈴山之丘望焉雲冉冉自東南諸峰起俄頃之間敷布繁密若合焉覆於陳子之室客矍然謂陳子曰鬱蔥乎雲哉子之兆與子之室之兆與子知夫雲乎夫雲者氣也膚寸而屯岩棲谷藏若無心於出者視天下槁死炎赫漠不相與既而升焉瀾漫蔽空霖雨四海厥施溥矣古之人不見乎世避群逃迹若雲之在山也逮其出

潛離隱相焉卿士焉百執事焉下膏澤於元元振疲瘥於燬雪猶霖雨然亦奚擇哉故曰隆污者時也進退者道也道以時措者人也子之室負山山則深矣帶林林則密矣子棲息于是亦既得其止矣子則微之曰雲巢焉固將有望于子哉陳子曰知我者子也知我者子也鳥獸不可同群我故嘗斯志矣時乎不遇抱闕擊柝不能也介石終日亦徒尚其事耳雲哉雲哉吾將與之棲哉客迺歌曰瞻彼雲兮有淦在庭巢之結兮君子攸寧又歌曰雲兮英英在室之陽巢而棲兮君子之光陳子迺從而和之曰我築我室兮

寶制堂錄

上卷

六

鈴山之麓我棲我遲今在我空谷子惠我兮雲之巢我則何心兮佩以終穀

湛泉記

南安郡城東里許廣化僧舍有泉焉寒冽可汲唐開元中始疏鑿築臺臨之名曰湛識以石宋中葉好事者復濬之迨今泥掄不食者若干年矣張子天叙乃得諸蕪莽中甚愛之剔斬澄汰仍故址結亭其上泉之名遂顯食者益衆泉復功焉君子曰遇哉泉乎鑿于始掄于中勿幕于今也夫泉冽者性也泥者欲也潔者復也君子比功于泉其在復乎易曰可用汲王明並受其福汲則福弗汲而福者鮮矣張子于泉有取焉遂自稱曰湛泉亭作于正德十六年辛巳二月

寶制堂錄

上卷

七

某日是年之九月望後五日劉子介夫視學至蒼梧爲之記

督學題名碑記

皇明洪武初年詔天下府州縣立學設諸校官爲師閭里俊秀爲弟子員各以其長吏提調之正統改元設監司提督授 璽書從事景泰元年罷去天順六年復設比今餘六十年不變也廣右諸郡縣立學張官風聲教化與中藩齒督學諸監司往者恒稱得人顧勒名之碑未樹君子謂缺典者非邪節昔承乏西屬嘗作是碑復承茲乏三年矣惟往者莫攷來者莫爲之繼是憂廼碑諸或曰碑勸也又曰勵也曷爲勸且勵也司馬子記諫院謂某也忠某也許某也直

寶制堂錄

上卷

八

某也曲人將指而議之故曰勸且勵也某嘗疑之謂其中人望人者也夫中人者導之善則善禁之不善則不爲不善者也故上知大賢其爲善火然泉下其不爲不善騁虞不殺竊脂不穀何也夫善者性也性出於天有善未有不善者也上知大賢爲善不爲不善率性而已矣性教所從出也監司督學任教人之責者也教人者教之率性而已矣詩曰民之秉彜好是懿德言率性也節也中人弗逮導之善猶弗能焉者也敢不惟是碑是懼於戲道積厥躬有教無類前諸君子其謂斯何後諸君子其謂斯何詩曰高山

仰止景行行止

寶制堂錄

上卷

九

達州重修廟學記

達古州治洪武初置爲縣隸夔郡惟有學建廢之詳
五季前不可攷宋嘗修之燬元末廟獨存入我
皇明治化與文教遠邇窮鄉僻邑宮宇俎豆靡有或
遺達學始克完美歲久弗加葺堅者朽隆者撓飭者
汚廉隅若存漸不可支加之教者惰廢不立司民社
者蹈常襲怠弗知振厲雖豪傑士式克奮興而崇重
作新之幾非才賢者在上孰爲之地哉弘治中副憲
董公齡駐斯地間嘗加意修飭稍就緒邇者盜起東
鄉與達爲隣有司者惟完城郭繕兵甲訓士馬爲急
寶制堂錄 上卷 十
學頽圯視昔日甚副憲曹公將 璽書撫飭兵民
初至衆方以平盜望公禮謁殿庭進諸生語之盜平
當爲爾新斯學無何盜果平迺屬教諭王夢璽董其
役始于禮殿次二廡次戟門次櫺星門次御書樓次
明倫堂次訓齋肄舍又次之廨宇木者石者陶者圻
者丹堊而髹者百工咸集可仍仍之否則易之甚者
撤而增之功垂成迺度學宮南六相樓故址垣而屋
之東向者爲祠二前曰名宦祀昔之吏達有功惠于
民者前之後曰鄉賢祀達之前聞人有才行可法者
又以憲副董公嘗有功于學民且懷其愛馮公傑死

于禦盜達之人哀慕迄今不衰故祀董曰遺澤祀馮
曰進忠二祠居名賢東中復爲樓名曰清風樓之前
楹門曰崇德皆公論世考德義以起禮有關名教爾
也經始於正德十年某月以某月告成凡市物餼工
金以兩計若干粟以石計若干皆取諸贖刑羨餘凡
石以塊計材木以株計磚甃以片計若干皆取諸撤
成樓故物凡力後取諸卒伍之暇更番以就事達之
吏若民若罔聞知而學宮煥然矣節視學至達夢璽
率諸生執邑人唐叅藩錦舟事狀以記請方圖爲公
頌之于時傳使者馳部符奉

寶制堂錄

上卷

十二

天子休命復達爲州節仰而嘆曰事之成有幾哉達
爲邑今百五十餘年爲學今亦百五十年餘矣學新
州復式相符契豈風氣重開文爲之兆哉抑亦文運
丕揚徵於封守宏拓哉况承平日久百度崇飭而達
之學校因陋就簡弗克一大振顧乃興廢起弊於盜
賊甫除之後何也魯傳作泮淮夷獻馘惟公俘戮群
醜學宮乃新事異理同而幾不容間學所繫豈曰細
故哉竊聞之聖王以道治天下而法維持之學校之
設使人將以明道而行乎其法者也故曰校者教也
教立則道明道明則化行法正而天下治矣爲臣則

忠爲子則孝道之大者也不臣者殺無赦不子者殺
無赦法之大者也人倫明於上民志定於下此治天
下以教化爲先而學校爲郡邑所當重者也是故達
今州矣達之學今州學矣聲教日隆人才日衆駸駸
手與蜀名郡齒豈徒侈壯美爲哉吾徒之進修者當
知所圖矣吾民之得於感化者當知所圖矣吾群吏
之食茲土者當知所圖矣公諱超字本忠燕南人登
弘治癸丑進士由戶部郎中歷臨濠叙三郡守進今
職所至以剛果稱蜀盜平功獨居多茲不暇錄也

寶制堂錄

上卷

十三

月塢癡人記

大保永昌名山也山東向東之山咸拱而扶無敢與抗高恃大者朝日夕月容光必先及焉而月夕尤當人意月塢子居之耽樂成癖客有過而問焉月可樂乎月塢子不答大保之月可樂乎月塢子亦不答客曰子癡哉子癡哉吾請不復與子言矣歸而告諸涵虛居士曰大保有癡人焉子曷扣之居士廼巾車秣馬俟月盈之夕進馬徑路迂僻林木深阻宵不知其所之也既而窅入廼見一人焉盤踞大石披襟散髮仰視太虛嗚嗚然爲楚聲歌之歌已而復答焉既而

寶制堂錄

上卷

三

嘯焉以悲居士廼進而扣之曰吾聞大保有癡人焉非子也邪疇昔之夜客有問子月可樂乎大保之月可樂乎子皆不答何也月塢子亦不答居士廼與之坐焉以伺其所爲月塢子復爲燕趙之歌歌已復嘯焉以悲居士曰我知之矣子之樂非月也子之樂而癖非大保之月也子之志我知之矣子非忘世者也子志於世而世且違焉子殆棲遲於是以待世我用而行之者與子寧癡乎哉月塢子亦不答居士廼歌曰皎皎白駒在彼空谷生芻一束其人如玉又歌曰山有榛隰有苓云誰之思西方美人彼美人兮西方

之人兮月塢子廼躍然曰噫嘻哉子非癡人焉知癡人之爲癡也將與劇談焉而東方既白矣廼相謝而別

寶制堂錄

上卷

四

南康縣學重脩祭器記

聖朝王祀孔子天下郡邑咸設學學有廟禮樂器度至隆至備

憲宗皇帝御極從禮官請春秋釋奠樂用軒懸舞用八佾籩豆簠簋壘爵之數成視天子千百世下上崇祀夫子典禮至矣無以加矣南康爲吾郡屬邑設學立廟視郡無殺焉祀夫子禮器視郡學無殺焉殺以樂舞爾矣歲更歷邑吏變置學博士弟子代易典守弗常恪恭寢懈以弛備者闕矣新者故矣精緻者敗矣金者木矣木者竹者陶矣銅毀而孟矣爵毀而柘矣尊壘毀而巽矣王祀夫子典禮顧若是咎孰歸哉戎備憲使林公按部至禮謁

南康縣志

上卷

七

廟庭退而講于堂進博士弟子曰祀夫子禮器備乎哉僉曰弗備也公曰吾事哉迺命攝邑唐丞盛以贖金從事籩竹爲之豆木爲之簠簋登銅尊壘爵成範金爲之夫子一位籩豆十二簠簋四登一銅二雲雷尊一犧尊一象尊一爵三備迺已顏魯而下降殺如制成備迺已凡爲爵一百三十有九凡爲登五凡爲銅二十凡爲簠爲簋四十有四凡爲籩爲豆一百八十有八凡爲尊三既備迺釋菜告成事焉於歲盛哉

重道崇教欽

制飭度敦化茲舉備矣於歲盛哉嗣是作室以居博士門堂寢宇備已作舍以肄習諸弟子舍以楹計二十器成事事有序哉可謂義矣公莆人爲工部抗疏庭筭摘判支郡起

天子新詔進今官碩材宏度貞守懋政君子稱焉魯侯作泮魯人頌曰敬明其德維民之則允文允武自求伊祜頌公功者以之

南康縣志

上卷

七

青谿橋記

淳安之邑南有山焉曰青山山之下有谿焉曰青谿谿當衢發饒信之衝取道者衆溢而漂漲而溺恒是也人稱艱焉是故造舟爲梁以濟病涉厥自邈矣有宋慶曆輯焉名曰百丈紀其度也繼而開禧輯焉名曰嘉定紀其元也繼而淳祐輯焉名曰青谿紀其地也往是廢興與廢不可攷矣遺址具存舟梁不復漂溺孰援可勝病哉嘉靖戊子縣令林學憂民之憂忍弗容已從事棘院懇白于

巡察鳳村張公若曰青谿病涉久矣邑政之敝莫是

寶制堂錄

上卷

七

焉急敢以輯請公曰得無勞乎壘對曰黎民之力弗敢勞也公曰得無傷乎壘對曰府庫之財弗敢傷也公曰然則女慎爲之壘對曰舉勲勤衆構怨興毀敢不慎與既反邑廼卜廼筮廼謀廼度士豫民說旅集工來廼召其耆老告之曰某也某也某也某也女典募從者籍之毋濫也廼召其閭右告之曰某也某也某也某也女典役勵者勸惰者督毋怠也廼召其下吏告之曰某也某也女總羣度初而經中而作終而考毋弛也舟馬載之板馬乘之鍵馬繫之冶鐵而兩其數始事是歲之冬甲子比已丑之夏辛未告成矣

舟以軸計七十有七板以截計一百四十有五鍵以丈計一百一十有八左焉壘之石門以通艣艇名曰古渡表其蹟也前焉構之重屋以聚市肆名曰勝槩表其觀也有是哉事也半古之人而功則倍之財取諸商問之在官在官不知也力取諸傭問之在民在民不知也是故淳之人咸相告曰斯谿斯梁不圖今日復慶曆之蹟也吾與若其免夫漂且溺哉衢發饒信之人咸相告曰斯谿斯梁不圖今日復開禧淳祐之蹟也吾與若其免夫漂且溺哉廼從而歌曰昔也弗梁我其爲魚今也梁兮我車我徒昔也弗梁匹夫

寶制堂錄

上卷

六

輯之今也梁兮萬夫涉之昔也弗梁怨恫靡紓今也梁兮忼舞載塗梁兮梁兮功不可忘兮廼相率謝於邑壘卻曰共事職也功也何敢廼相率領於巡察之臺公拒曰非我也有司之事也廼相率告於藩大夫藩大夫諭之曰惟公弘濟天下者也天下之溺猶已溺之寧直茲哉恫若乃躬俾女有衆咸克永濟公之功也令也式共承之其曷敢居哉淳之人廼欣欣然相告曰允哉惠予于濟公之功也廼相率伐石鑄公之功以詔永世廼相率請於

巡察新齊陳公之臺陳公諭之曰無言不酬無德不

報女有衆其知報哉饒於女石可也碑于女口銘于女心亦可也女有衆其圖之淳之人跣跼躅稽首謝曰聞命矣聞命矣廼相率樹石谿梁之右

存公樓記

樓何存公也存公何存乎公也何存乎公也官所曰公又曰事也存乎公者存其事也存其事於官所事官事也存於其所以昭遠也何取於樓而櫛之也樓重屋也屋而重焉取其高也明也虛也高則華明則徹虛則容是故樹之重屋輦徹而容以昭遠也歷下之墟合青兗而都焉者也藩以司牧臬以司辟閭以司戎群吏綱領也維

天子命內臺之貳撫鎮厥都統紀乎藩焉臬焉閭焉以綱領也是故有公所焉有弘厥基有崇厥臺有嚴寶制堂錄上卷二十
厥堂敷斯納斯以臨治也是故有公事焉有載維板有稽維籍有質維篆受斯藏斯以徵則也是故有而弗存猶弗有也存而弗永猶弗存也是故重屋以居以永存也君子曰允哉可以考政矣夫彰往以俟來也儲委以合渙也執故以程遺也萃紛以絕愆也俟來者信合渙者融程遺者度絕愆者臧故曰可以考政矣詩曰夙夜在公在公明明

盛氏義田記

厥田維何義也厥義維何周於族也何周於族也上有墓也時祭需之犧牲粢盛於是乎備外有戎也歲給需之戈干甲冑於是乎備是故曰義義於族也夫盛吳右族也延及右丞族益大矣族大則繁繁則渙渙則離是故以義周焉義則濟矣夫義孰起之也右丞公起之也公弱而仕壯而為臬彊而為藩未艾而為御史中丞未耆而為司馬為右丞矣昔在司馬秉鉞南征執厥渠魁殲厥虜膚功載奏

天子有錫錫以金綺始也錫金四鉞繼以三鉞公拜

寶制堂錄

上卷

三

稽首受錫義弗自隱廼易田焉維百其畝再進右丞以祿盈之以佃以獲祭戎是需宗人咸具渙者萃離者合老者忻少者慕尊者樂卑者懷廼樹之表以考以識用詔于永永無斁君子曰義哉公之舉與敦禮廣孝推仁訓忠備矣夫享以時薦禮之敦也利以用濟仁之推也因享而思孝之廣也因利而報忠之訓也是故敦禮者敬推仁者愛廣孝者則訓忠者程是故敬立者尊愛生者親則微者化程督者勸是故道修倫厚德崇勲懋而天下之事庶幾矣詩曰德音孔昭視民不忮

郝憲陽明王公生祠記

日者御史中丞陽明王公奉天子命往撫江湖閩廣四藩連屬十餘郡之地誅惡伐叛師旅用命不用命悉得以兵法便宜從事制權嚴重在昔撫臣未有也有之自今日始至下明天子法於諸藩臬閩衛郡邑飭紀由度庶職用肅民用懽忭士卒立有生氣時羣盜四擾閩為急提兵往戮之掃其穴易若振稿吾南安壤地橫水劇賊謝志珊聚黨與盤據之稱名曰輦山溪深阻險惡攻不可入往歲大舉為亂侵上猶攻城南康幾陷犯大庾境諸鄉落居室稼穡悉為之有

寶制堂錄

上卷

三

公還自師廉其實嘆曰狗鼠輩亦污吾干刃耶廼集克閩諸部伍饗勞之選厥精銳分布將領為翼攻計公徒步率先鋒直搗其前以奇兵從間道焚藪澤鳴鉦樹赤幟刼其後賊遂潰一鼓擒之俘獲無算橫水平用是即其地計畫為邑疏于朝俾吏治之召故民及來集者宣之畝之高城深池以衛之以永奠茲土南康邑耆老王貫賢吳登崇王貫理吳持璫輩率相告曰曩盜賊為苦患甚劇邑城圍者過半使射非中賊肩足解去危禍殆不可言我郝憲王公來拊循我有衆親率我子弟斬滅是賊俾我民安我父母保我

子孫利我桑麻穀粟士卒業于校工食力商賈貨殖于道罔虞侮我公萬世之功在我民者如山峙川注永永無斃我民盡爲公久圖之建祠學宮之東肖公像于中祀公以報公也祠成謂節辱從公司馬大夫後宜記竊惟歐陽子永叔以通經博古爲高濟時行道爲賢犯顏敢諫爲忠君子謂宋之元氣在廬陵謂永叔也公稟氣完粹志向剛勇以至聖大賢爲師養心之學洞視千古士自功名而下不齒也當在司馬時逆瑾始用事械繫臺諫人莫敢言公抗疏力救之下詔獄庭笞幾死不死謫貴陽下吏窮理盡性之學

寶制堂錄

上卷

三

益造精蘊起爲吏部郎進鄉太僕鴻臚講學之士四方日集每語及天下事行能善者躍然喜否則憂形于色食寢殆廢救時敢諫之風直追往哲而篤志于道優入濂洛之域與支離空虚之學實相鑿枘議者謂今日休明累洽亨泰隆平賢才濟濟以植王國而元氣之屬如廬陵者意有所在其然邪吾郡最爾一隅師旅制勝有文者餘事也公修仁義習詩書禮樂一旦用武遏強寇風驅電掃不遺餘力使進而宰天下詰戎兵威制四方雖古之專征敵愾幹不庭以式閭疆土可也顧茲祠宇聿崇具瞻依於我郡邑同若

民志不可逆抑然功在捍患揆諸祀典符合無替爰明允不云公則何事於斯于我心不釋然使人存之於目思之于心也於乎盡之矣公餘姚人字伯安學者稱爲陽明先生名業方重視廼考冢宰公爲有光云

寶制堂錄

上卷

四

重建郡學明倫堂記

陳侯克重建明倫堂於學宮重教也高皇帝登極首詔天下立學講堂皆曰明倫昔宋隆道由聖化成麗澤養源尊道諸名皆廢矣南安學設自洪武至今百八十年矣爲殿爲廡爲堂爲齋爲門爲亭爲閣爲祠爲書院備矣建置修頽舉廢可考也比陳侯至謁殿登堂亟圖脩建請于巡撫督學報可乃始於禮殿二廡次之戟門櫺星次之啟聖祠次之敬一亭次之四齋大門次之尊經閣次之周程三先生祠道源書院次之工鉅計周用舒力豫皆可書也顧惟明倫堂撤

寶制堂錄

上卷

五

而一新作于殿廡祠亭之後門齋閣院之前紀事特書重建也是故堂之役掄才鳩工樹表正位壯嚴華美昭其文也崇廣宏大昭其容也臺遠堂伉昭其明也庭植址厚昭其隆也春秋擇真習禮奏樂朔望虔謁陳經講義朝夕升聚迪訓崇範咸於斯焉視成而五典五教師以是教弟子以是學耳聞心警目純月將斯上斯民駸駸乎復唐虞成周之化侯修學重教之功大矣

郡侯何公德政碑記

南安郡守臨山何詹任夫名宗伊上元人也起京國貢士歷遷南都工部郎中擢南安太守視郡事老成練達平易愛民惇厚寡愆寬和有體折獄訟務得其情無酷虐吏胥不得以文法上下其手行政簡靜不欲爲煩瑣擾紛事竟集接人謙恭有禮毋侈位傲物意即南有江以橋濟劍造自昔雨漲輒圯修于前守未久復傾毀人甚病涉侯力修之分任顧倖价督責工役伐巨石增疊梁乘屋覆之結構華密公無傷財民無傷力可謂有功于郡矣逾二年入覲以微謬謝

寶制堂錄

上卷

六

事去之後十年于茲民咸懷慕弗釋乃合謀磨碑請紀詹蹟以章去思竊嘗攷之漢史班孟堅傳循吏文翁以下六人范尉宗傳循吏衛颯以下十二人治行卓異所去見思不可尚矣攷諸郡志賢守列傳在宋則有若祝侯深慈祥愷悌侯潔宣布德澤方侯崧卿平易得民趙侯孟邁廉勤爲政逮我明則有若於侯潤珪橋梁廢墜修舉一新林侯莘公平裁斷興利除害金侯簡靜修橋有功毛侯智節財省費民力不擾侯可謂兼之矣吾郡之民去後追思如不能忘殆感化興起以獲古人之心者哉詩曰樂只君子民之

父母又曰有匪君子終不可諱今節不佞詳書其事而
系之歌猗與何侯有美其才勤敏通達百度用殫猗
與何侯有令其德撫字綏寧民被膏澤人亦有言政
在簡寬簡乃不擾寬乃不殘人亦有言政在和靜和
斯不乖靜斯不競猗與何侯爲政不頗既寬既簡既
和既靜子產漆洧乘輿以濟民私其惠固有屬揭惟
郡有城城下有江自古在昔有扛有梁雨漲既圯既
沴而修財既匱止民亦瘁止伐石鳩工何侯營之堅
密鞏固何侯成之猗與何侯茂勛休績婉美昔賢勤
之于石庾山蒼蒼草水湯湯民心永思百世不忘

寶制堂錄

上卷

七

重修真覺寺碑記

吾郡據西江上游爲京國交廣要津其梅山巖嶠章
水淵澄足稱一郡奇觀去郡治僅里許有山巋然東
峙建佛刹於其上茂林修竹幽曼靚深凡達人高士
詞工藝客無不登臨玄覽一方勝槩萬井閭閻望之
咸在中且峯巒盤結溪澗縈紆余謝事歸愛其有林
居之樂無俗鞅之擾常與鄉大夫耆俊息駕寄興於
茲但其卑隘傾圯不足以延賓從恣遊觀也余欲拓
其址宏其規而聿新之乃以僧性定主盟是事勸郡
中賢俊耆碩甘璧黃廷器湛鑒蕭瑩謝春瑩李恩李

寶制堂錄

上卷

六

呈林謝文秀鍾黼陳鵬許自新尹廷鶚彭泗蕭銓商
鵬曾廷宮蕭士鶚鍾肯謝科曾俊音朱恕朱霞暨吾
免音共成其美庀材鳩工伐石以樹棹楔表曰南州
勝覽厥前爲山門爲蒙川館引泉泛觴厥中爲堂爲
殿厥後爲觀音閣爲真武宮厥宇弘壯厥制英偉厥
度高寬廣厥直取諸衆厥力取諸募規模改觀山川
增勝遊人之憩斯息斯飲斯樂斯隄斯咏斯興適情
怡神爽心曠莫不稱其美麗伉潔也經始于嘉靖丙
午秋九月告成于冬十二月既落而宴咸以修廢起
新之功歸余清紀其盛余口營建協成乃諸君子之

功也余何有焉矧性定清修苦行有足取者余與諸君占溪山之盛結社以終老焉而定也爲山上之遠師草堂之奏功也惜予之迂不能如淵明樂天之曠達而徒想其人于異代可愧也哉

序

素王祀典通集序

是集廬陵周公時可督閩學所輯泰和陳公文明督湖學再刻以傳者太宰晉陵王公司空安成劉公嘗序之我祖宗列聖崇報孔子儀文之盛敷揚至矣節不敏承乏西蜀歷諸郡邑視學禮謁殿庭退而觀之從祀諸賢自十哲下稱列合典禮者十七其訛謬雜遺若費薛公姓名不稱或止書字曲陽居任城上唐儒置漢晉宋間建寧改封猶稱文定將樂既祀主且未立甚則林慮諸城或亡闕不在祀位釋

莫樂久殘缺鼓鐘有聲無節琴瑟無絃柱不作塤箎之音莫辨爲何舞者執籥翟各爲舞或竝立俟微不問邊豆簠簋弗備備且弗制雜以今燕食器品物陳薦如儀度無幾矣嗚呼蜀爲西南巨藩文物衣冠于今爲盛顧于崇祀夫子禮樂獨廢壞至此是誰之責與節用是懼亟取是編付巴邑令張憲鏗梓以布諸學宮憲弗敢苟偕教諭王宥鄉貢士李堯卿較正增輯易今名通二序刻之士範于我有衆今而後考器度修飭服行舉如制罔敢如往者急厥事我郡邑司政者責也飭置既備禮遵法守俾勿壞罔敢肆忽襲

故忝祀事我學校司教者責也奔走在廟恭敬有恪
罔敢因仍惰慢以昧昭格之儀我諸生司其事者責
也作急省成執明憲以厲振從令不從令此不敏之
責不敢不勉者也嗚呼我有衆其敬承之哉

柏嶺吳氏族譜序

此柏嶺吳氏譜也譜吳者奚始乎曰始于柏嶺柏嶺
奚始乎曰始于建康建康奚始乎曰始于延陵延陵
奚始乎曰始于太伯太伯始于姬夫吳奚始于姬也
曰姬后稷受氏也后稷肇封于郃公劉徙豳豳父徙
岐猶故姬也太伯遜居勾吳至壽夢之子札去延陵
遂氏吳故曰延陵始于太伯太伯始于姬夫建康奚
始于延陵也曰延陵而下遐哉邈矣至少馨仕唐元
和爲司戶徙建康沂扎二十有一世故曰建康始于
延陵夫柏嶺奚始于建康也曰司戶而下又十世未
晞仕宋宣和爲刺史墜鷺湖之東山其子迪卜居柏
嶺實自建康徙也故曰柏嶺始于建康是故吳譜自
刺史始柏嶺始遷之祖之所自出也刺史之後四世
爲丞爲簿五世爲翰林爲參軍爲判爲令爲太學正
爲助教六世爲節判爲藩照爲司勳爲郡馬七八世
爲總管爲郡邑教爲山長宣和後舉科第登仕版繩
啟之發之庶其有造也矣彼多士蹈故弗新投牒就
錄往往不齒諸郡最者有遺論焉豈道不足行可
似者不可似邪揣善之謂譽詆惡之謂毀毀譽已之
召也予也慎弗敢肆恭弗敢侮和弗乖簡弗傲匪予

譽也弗致毀焉耳顧動則謗隨賢者或不予棄不肖者曉亮矣端人良士鮮予或異忌者已側目張其喙矣孰召之邪明陟幽黜功賞而勞勩國之典也予往者授邑吏上方略擒元克不遺餘力邊鄙攸奠功若懋矣廼上賞弗賚反致讒于儉人觀風者弗察惑之諸宰蔽諸殿考遂謝事予則何恤讒者之言行殆命邪抑非命邪予其卜之太卜氏釋龜策來前曰馬用卜始也弗錄有司不明也終也以讒去宰衡弗公也暴棄弗爲聖馬入之德高毀來賢者弗免矣馬用卜林子廼輟然曰子喻云云似矣姑舍是子將西

寶制堂錄 上卷 三

之楚悲賈生追屈平之沈而弔之陟衡浮湘縱觀于南海而止將奚獲于其卜之大卜氏曰登于山丘埜斯下矣觀于海溪澗斯小矣鑒于往哲忉憾斯夷矣盪膺豁目凝志怡神與天爲徒攸獲鉅且悉矣馬用卜林子曰然則子其行哉道粵以告于梅國劉子劉子曰太卜氏其知道乎夫物齊非齊情也不我者也君子求諸我而已奚進奚退奚喪奚得奚毀奚譽奚榮奚辱奚止奚行求諸我而已矣林子曰噫嘻哉其在彼邪亡乎我在我邪亡乎彼是故凡未始亡楚未始存也劉子曰盡之矣又馬卜

韶陽鄒氏族譜序

人之於身無所不愛也痛則撫之癢則搔之無尺寸之膚不愛焉有尺寸之膚不愛則痛疾疢癢不知爲癢痺爲癢癩矣所謂不仁也夫子若孫乃吾身之所出也寒焉衣之饑焉食之痛疾焉憂之疴癢焉慮之無所不用其愛也視子孫之身猶視吾之身仁有甚於此乎自夫一人之身化爲千萬人之身則貪心萌焉爭心起焉相視如胡越相挺如仇敵閱於壘瘠於溝而不恤矣昔一人之身今何忍至此也先王於是制宗法以統之所以廣人也大宗統百世百世宗之

寶制堂錄 上卷 四

小宗統五世五世宗之凡受命於宗子有無相通患難相恤禮俗相交雖千萬人之身猶一人之身而民馬有不仁者乎此先王之法所以不可及也天之生物也由本而幹由幹而枝由枝而葉祖猶本也大宗猶幹也小宗猶枝也小宗之羣弟猶衆枝葉也有本而無幹枝葉何所麗乎三代之後宗法廢矣由是天

下無世家 朝廷無善治卿黨無善俗今日之人

心夫豈異于三代之人心哉教之無其道統之無其法正是豈獨小人之罪君子與有責焉韶郡鄒氏仁陽之大族也其先自宗九郎者于江西樟樹以官宰

於仁化政滿卽州遂擇於長江之里居焉生六十長
曰國誠誠生子魯魯生子惟善惟善生子以文以富
以文生子仕斌仕斌生子長曰持紀次曰持綱三曰
持綬而鄒氏之族於是乎繁衍矣族之有貴而有賤
家之有富而有貧人之有賢而有愚譬諸身焉有生
而有死以富貴而大其族者豈可常哉大而可常莫
若行先王之法也先王之法行於家則一家仁矣行
於族則一族仁矣行於天下則天下之人無有不仁
者矣天下者家族之積也張子曰縱不能行之天下
猶可驗之一鄉鄒氏行之於其族則他日行之天下
寶制堂錄
上卷
三

者自此而始矣余于鄒氏瓜葛之雅因其庠生鄒子
榮魁榮登及淵請序于余故書以貽之

南安府志序

此南安重修郡志也郡何古國也郡志何古國史也
國史何紀一國也郡志紀一郡焉猶夫一國史也是
故郡志古國史也夫史堯舜典禹貢湯大誥周周官
立政尚已周季列國有史備紀載兼褒貶晉乘楚檮
杌魯春秋是已漢司馬遷始作史記紀表世家書傳
異馬皆史也班固而下相襲爲史紀表列傳猶夫遷
也易書爲志矣皆史也夫志也如其史則志可也書
可也表可也傳亦可也是故輿圖可表也沿革可表
也天文可志也地理可志也食貨可志也亦可書也

寶制堂錄

上卷

三

人物可傳也可表也職官可表也可志也循吏
可傳也道學可傳也儒林獨行可傳也藝文可志也
禮樂可志也可書也其義則乘可也檮杌可也春
秋不可也春秋孔子假魯史寓一王之法也志也者
紀一代之制可也寓一王之法不可也作志而史遷
可也固可也任狐亦可也僭而擬孔子不可也南安
郡志作自前古不可攷矣宋知軍事方崧卿氏軍學
教授許開氏修之卷二十拾遺卷一今亦不可攷矣
我

文皇帝闡文興治大典肇修天下作志者收輯殘闕

始有纂述

睿皇帝右文稽古命儒臣作一統志布之天下天下郡邑纂言紀事文同制同執敢倍越是故斯志也景泰間郡人憲僉蔡公雲翰嘗修之猶夫志也成化間郡守張公弼增修之猶夫志也正德間郡守季公敬重修之聘蒲叅吉水曾公煥鄉進士泰和劉君潛總修學官弟子劉魁劉慎劉宰彭甫蔣曰且蔡日齊隱士許金采錄猶夫志也嘉靖改元郡守何公文邦取而筆削之于史固有取焉較正則屬之郡博士秦銳也是故若志也義史者公志也文弗史者固制也匪

寶制堂錄

上卷

三

公志也而公之功則懋矣君子稱之

廣文選序

序曰廣文選何廣蕭子之選也何廣乎蕭子之選也蕭子之選文也為賦賦之目十有四為詩詩之目二十有三為騷為七為詔為冊為令為教為文為表為上書為啟為彈事為箋為奏記為書為檄為對問為設論為辭為序為頌為贊為符命為史論為史述贊為論為連珠為箴為銘為誄為哀為碑文為墓志為行狀為弔文為祭文為類三十有七可謂選矣然或遺焉是故廣之以備遺也孔子曰有天地然後萬物生焉是故始之天地天地廣也為獸草木皆物也為獸選矣草木遺焉是故次之草木以廣遺也夫賦諸木具矣弗目者遺是故次之雜賦以廣遺也夫詩六義備矣逸詩詩之遺也廣之自逸詩始補亡無矣操樂府之遺也諛雜歌之遺也廣之詩斯備矣夫詔王言也璽書賜書敕諭皆王言也廣之類也策冊類也策問詔類也廣之以從類也疏上書類也封事議對皆疏類也廣之以從類也對策對厥問也策問詔類矣對策對類也廣之從其類也而文則無矣問次於對有問斯有對也廣之亦類也夫記者序之實也傳者史論贊之紀也說者論之要畧也哀辭者哀之緒

寶制堂錄

上卷

三

餘也祝文者祭告之大典也是故廣之廣其類也夫
文猶賦也諸論具矣弗類者遺是故次之雜文以廣
遺也夫騷作於屈宋者也九歌遺焉九辨遺焉景賈
以下不錄也漢詔盛矣選其二焉遺者多矣是故廣
之以備遺也表箋啟檄畧矣奏記設論箴贊畧甚矣
史論述贊畧甚矣銘也頌也誄也古而則者遺矣
書序之遺猶夫銘也論之遺猶夫書也碑文之遺猶
夫論也諸類之遺猶夫頌也誄也故今考之文之遺
猶夫詩也十六七也詩之遺夫賦也十四五也賦之
遺夫騷也十二三也是故廣之以備遺也夫然猶或
寶制堂錄 上卷 五

遺焉典籍散亡存十一於千百廣之云者殆庶幾焉
者也夫文譬之水也選之者如導水而聚之者也是
故海水之聚也廣其遺者如導水而聚之海者也吁
難言也

一鶴山人序

大庾令海虞陳侯一陽癖於鶴山中之人求諸松谷
獲一鶴持獻於侯侯悅曰吾癖瘳矣畜之庭中日與
之狎鶴飛舞盤旋動與侯俱侯坐廳事繞堂鳴者三
匝聲聞于天出則依侯與于門將入立門內若侯伺
然侯麾之去迺去久之侯殆忘其為鶴鶴亦忘侯之
為侯也侯乃自稱於人曰一鶴山人客過之叩曰子
何一鶴稱也子弗聞衛懿公乘軒事乎胡弗是戒而
耽于鶴也侯笑而弗答客曰子非琴堂尹乎昔人鳴
琴者以鶴隨子殆取諸是邪侯曰謏哉客曰鶴壽鳥

寶制堂錄

上卷

四

也子欲壽徵諸鶴哉日將導氣辟穀生羽翰于白日
如僊侶然跨斯鶴于雲霄之上乎侯曰荒哉客憮然
曰我知之矣夫物一物物也人兆物物也以兆物物
視諸一物物也小大靈蠢相去奚啻什百千萬物而
不物不物而物寧無妙於物物者邪是故以物觀物
我物也以我觀物物我也盈天地間皆物也飛者走
者天者喬者萬萬也奚啻一鶴是故妙於物物者天
覆也地載也日月照臨也山川流且峙也夫孰非吾
之動靜晝夜食息也合而神之物我也我物也耳目
口鼻不知其為我也夫孰知天地日月山川者乎夫

孰知飛走天喬之爲飛走天喬者乎而何有於鶴候
作曰知我矣知我矣夫是之謂化夫是之謂忘夫是
之謂一

贈羅子序

富溪羅子文炳永豐人也嘗鼓篴遊陽明山人王子
門言莊貌恭氣和行篤志銳同舍生推焉日者執從
祖別駕公狀過劉子節廬乞表墓介而入三揖升堂
恂恂于子德音孔嘉比反諸生悅慕願卒業焉茲秋
選於鄉弗升太學劉子邦彥語節也走幣請師于塾
羅子至邦彥乃命其二子儲嶽猶子之子乾節也乃
命子音弟之子香暨易生貞執弟子禮羅子受而教
焉蒙擊之昧牖之窒導之曲達之困作之左之右之
誘之掖之啟之迪之濯之翼之晦朔三易諸弟子從
寶制堂錄 上卷 四
而變矣問之香香曰聞矣問之儲儲曰聞矣問之貞
之嶽之乾之音咸曰聞矣君子曰至哉教乎羅子賢
乎哉或問曰羅子教諸弟子猶夫陽明教羅子哉諸
弟子聞於羅子亦猶夫羅子聞於陽明否也節告之
曰辟諸堂室哉陽明教羅子入羅子於室也羅子教
諸弟子升諸子於堂也堂邪則堂堂室邪則室不可強
也諸弟子進而可室焉羅子他日室之矣是故羅子
教諸弟子猶夫陽明教羅子也諸弟子之聞猶夫羅
子之聞也其致一而已矣或曰何謂一節曰一者性
也堯傳諸舜禹湯文周公孔子性而已矣性一則教

一教一則士賢矣賢聖矣一而已矣詩曰高山仰止
景行行止又曰螟蛉有子果臝負之一之謂也

壽甘媼序

是年二月某日甘媼周太孺人八十有一誕辰也厥
孫學官弟子時芳德夫請爲壽太孺人乃坐重聞德
夫再拜獻觴跪膝下媼喜德夫母王孺人武昌郡守
女兄也再拜獻觴跪膝下媼復喜德夫妻謝氏柳學
訓大章女也再拜獻觴跪膝下媼復喜德夫女兄偕
其婿陳必大具貴冠服再拜獻觴跪膝下媼復喜甘
周二族氏長幼卑尊暨姍姍鄰里咸序進再拜獻觴
跪膝下媼復大喜咸再拜祝曰維太孺人壽百歲未
艾也媼頷之曰願如祝德夫同舍友巾巾服服觴觴
寶制堂錄 上卷 四
造德夫廬請爲太孺人壽德夫入報媼辭德夫跪白
曰孫不肖無能爲辭祝諸士富問學祝辭孔嘉於不
肖大有光也請無辭必大爲德夫請益力媼乃出坐
堂上受觴觴已受祝祝已謝盛燕樂馨權乃罷明日
德夫造詣同舍友再拜曰諸子惠不肖腆矣壽吾祖
母吾祖母榮甚敢謝不肖聞之古之人壽以頌禱諸
子何以處不肖哉同舍友乃告劉子爲辭劉子曰願
聞諸君子之祝乃述其初祝曰瞻彼南山有藐其巔
維媼多壽福履綿綿再祝曰瞻彼章水東注瀾瀾維
媼多壽綿綿福履劉子曰至哉祝與古之人善頌善

壽曷以加諸子也復何辭哉廼爲之歌曰燦彼瑤池
兮金母攸居有熟蟠桃兮千秋之餘青鳥聿降兮將
以麗妹壽而老媪兮慶言宴胥載頌載祝兮其樂只
且同舍友復于德夫德夫再拜謝曰榮哉吾祖母壽
也敢不敬將爲歲歲茲辰獻

贈符宜臣序

穎江符子判韶客聞而異之曰符子有道士也儒才
茂德強志植學習事夫材儁則疏德茂則共志強則
果學植則達事習則藝從政何有哉職是吾不知也
或對之曰符子蓄大小試之能大小益信矣符子蓄
文兵試之能兵文益備矣符子竭志天下郡試之能
郡天下益及手矣客未達過劉子語焉劉子曰信哉
符子疏而理共而和果而辨達而貞藝而質茲曰小
試之兵試之郡試之是或一道也夫古之君子仕也
行其義而已矣奚尊奚卑奚富奚貧奚遠奚近奚上
奚下奚通奚塞行其義而已矣符子道庾客以劉子
之言告符子符子曰知我者劉子也

秋崖序

赤玉山人坐秋崖之上問雪溪翁曰天下何適翁曰
得我則適不得我則不適于何適之問也山人曰我
者我也何我不得何我不適翁曰吁異哉子未知我
也知我斯知得矣知得斯知適矣山人憮然曰敢問
我翁曰我一也物萬也我我然後物物我不我則物
不物是故物物自我山人曰敢問得我翁曰去三蠹
守四宅斯得我哉何謂三蠹五色目蠹也五音耳蠹
也五味口蠹也夫目我目也五色蠹目我目不我目
矣耳我耳也五音蠹耳我耳不我耳矣口我口也五
味蠹口我口不我口矣是故去三蠹斯得我矣何謂
四宅虛心之宅也中性之宅也和情之宅也靈神之
宅也心弗虛欲斯窒也致虛守我心也性弗中偽斯
繫矣致中守我性也性弗和私斯蕩矣致和守我情
也神弗靈物斯昏矣致靈守我神也是故守四宅斯
得我矣山人曰然則何適翁曰噫嘻哉天下皆適也
山峙也可以適我靜川流也可以適我動海藏也可
以適我觀草木植也鳥獸飛也走也可以適我愛是
故山耶棲也適諸山川邪泳也適諸川海邪航也漁
也適諸海草邪衣也木邪食也適諸草木禽獸邪群

也道也適諸鳥獸故曰天下皆適也客有稱秋崖子
者過之曰二老何曉曉也山人道故秋崖子曰吾適
吾秋崖者也何以喻我翁曰我我請益也三蠹去哉
四宅守哉子適矣秋崖可也秋崖子再拜曰聞命矣
聞命矣起而顧之二老歌紫芝乘白雲而去

和聲集序

總或可蘭張子能詩縉紳大夫與善則論詩論合則相與聯續賦之萃爲帙題曰和聲以示梅國劉子劉子讀之嘆曰美哉風渢乎其風人之遺音哉志合才耦氣均道侔可以觀詩矣夫志以趨外才以性異氣以風戾道以養殊和者鮮矣是故志合則情孚才耦則語敵氣均則音諧道侔則心一情孚則應語敵則倫音諧則協心一則同是故氣動於志道槩乎才情者播於音者也有弗應應斯協矣語者發於心者也有弗同同斯倫矣辟諸錦五色錯綜而文成錦斯爛矣辟諸樂八音高下而聲成樂斯和矣故曰可以觀詩矣

寶制堂錄

上卷

凡

贈方伯陳公之閩藩序

閩藩右大夫荷峯先生陳子筠人也起春宮進士試邑令令越吳二劇邑稱惠召內臺史內臺史司風紀揚激稱肅出爲嶺海東郡守稱仁進厥臬貳治臬視臬篆稱峻進汴藩參知藩實賴焉稱毅迺載進閩藩右大夫初荷峯之參汴藩也踰四稔布德惠慎法令達幽隱勵廉潔端儀則澤流政敷化孚績成譽張夫布德惠愛也慎法令嚴也達幽隱明也勵廉潔介也端儀則莊也是故愛則懷嚴則威明則察介則執莊則肅懷則親威則從察則通執則貞肅則畏仁以體

寶制堂錄

上卷

三

之知以理之勇以持之遜以出之謙以守之是故澤焉斯流政焉斯敷化焉斯孚績焉斯成譽焉斯張君子曰陳子才大夫也左之宜之右之有之往茲卿邢賢矣相邢良矣藩也伯兆焉爾矣日使者持銓符至汴汴藩諸大夫汴臬諸大夫汴閩諸將軍咸謂劉子贈言劉子曰夫贈者增也山嶽崇矣坏土奚取哉節也言何無已則賦蒸民人亦有言德輶如毛民鮮克舉之我儀圖之維仲山甫舉之愛莫助之衮職有闕維仲山甫補之荷峯有是哉可謂共矣仲山甫之德柔嘉維則令儀令色小心翼翼古訓是式威儀是力

天子是若明命使賦荷奉有是哉可謂敬矣肅肅王
命仲山甫將之邦國若否仲山甫明之既明且哲以
保其身夙夜匪解以事一人荷奉有是哉可謂弘矣
僉曰子胡不云天鑒有周昭假于下保茲天子生仲
山甫劉子曰允哉至矣節也言何詩曰仲山甫永懷
以慰其心

序燕

燕何慶令也慶令何九日令也燕舉焉以慶令也何
爲乎燕居以慶令也浚儀之都兵戢農休民嬉吏逸
有豫道焉是故燕舉以慶令也鮑侯維主張侯李侯
輔之蓋公張公朱公翟公樊公周公維賓劉子與焉
胥會于浮屠氏之宮肆筵授几陳核設豆奠簞洗爵
張樂抗侯載獻載載酢醕載載旅載射載舞載歌載賦
廼微君子曰善燕以時修時以義勳義以禮合禮以
敬將荒湛遠矣詩曰既醉而出並受其福

贈胡大夫序

浙藩叅知南山胡大夫進楚藩石伯開命將之

楚越之民弗能釋奔告于劉子曰賢哉大夫乞留焉以終吾澤可哉劉子曰不可越之士咸弗能釋奔告于劉子曰賢哉大夫乞留焉以終吾造可哉劉子曰不可越之郡吏咸弗能釋奔告于劉子曰賢哉大夫乞留焉以終吾攸庇可哉劉子曰不可且詔之曰何哉若欲爲大夫留也僉曰大夫昔也司臬吾越簡刑辟振風紀勵廉潔去貪暴五稔而去之粵繼叅藩吾越布德惠敦教化節財用賑荒歉方二稔胡爲復舍

齊制堂錄

上卷

三

我去之楚去則疇依哉劉子曰允哉大夫賢也簡刑辟寬也振風紀嚴也勵廉潔介也去貪暴剛也布德惠愛也敦教化禮也節財用義也賑荒歉仁也夫嚴者寬之輔也剛者介之推也仁者愛之本也禮者義之則也寬則容嚴則肅介則威剛則服愛則懷禮則從義則正仁則育宜哉若弗能擇也留則不可何也大夫簡在

帝心臣哉隣哉股肱耳目匪直爲楚去如之何爲汝越私也越方岳諸君子往爲大夫餞問于劉子曰胡爲哉若是惻惻也劉子道故諸君子曰賢哉大夫厚

哉越之人也子將何以處之劉子曰思焉已矣召公
布政南國既去南人思焉廼賦蔽芾召公志于宗周
固不能爲南人恤也肅肅王命大夫將之以胡能爲
越之人恤哉子將爲之賦蔽芾劉子廼賦蔽芾越之
吏之士之民感焉賦九罍諸君子歎曰美哉泯泯乎
召南之風不圖復見於越東南也大夫何以處之大
夫遜謝曰不知也廼再拜而別

贈中丞潘公序

熙臺潘公淮陰人也初爲黃門給事直節勁氣昌言
極諫指斥奸邪明揚儒彥敷布利病辯析理亂奏疏
剴切君子曰忠畏者忌者嫉者讒者側目切齒左遷
少牧再進僕丞布德下愛剔蠹洗垢黎民懷焉區畫
芻蕘料理蕃牧馬政攸賴君子曰惠

天子即位登賢舉逸徵放屏惡戮逆特起秦藩衆知
足饋餉實倉廩恤逋逃倡勇敢邊鄙用冀君子曰又
繼擢齊魯右伯沛治膏澤體察幽隱調燮元化育養
民物申飭政規張舉吏監細大不遺遐邇咸悅君子

寶制堂錄

上卷

五

曰共天官疏于

天子簡爲中丞往撫西晉不果繼撫西蜀不果繼督
戎以撫閩楚江粵之衝又不果迺進粵藩左伯比至
舉齊魯故轍一切行之甫浹二旬藩政改觀君子曰
敏天官再疏

天子簡爲中丞往撫河汴使者馳璽書授公公往越
方岳諸大夫祖餞北郊之郵肆筵几旅餼核酌酒醴
奏歌樂交錯獻酬禮義既備諸大夫再拜祝曰惟公
忠惠又共且敏焉措諸有政罔不孚惟皇齊聖惟公
懋德往哉綏輯中土用奏乃丕績惟皇用休朝夕左

右嘉謨嘉猷攸格俾斯世升于大猷厥惟顯哉公再
拜謝諸大夫迺賦桑扈公曰君子樂胥萬邦之屏予
曷敢承載賦六月公曰文武吉甫萬邦爲憲予曷敢
承載賦采芣公曰樂只君子

天子命之樂只君子福祿申之子曷敢承迺賦隰桑
以答諸大夫曰中心藏之何日忘之予儔敢不敬共
以服咸再拜稽首公亦載拜稽首迺往

寶制堂錄

上卷

五

贈朱大夫序

南岡朱大夫叅知汴藩三載報政焉謹臣度也制也
臺臣交疏請止且薦焉旌勞賢也重藩政也憲也天
官檄曰止未可也需入八且遷焉如臺議申王章也
與也始大夫之知藩也推誠布公溥愛下惠樹良剔
奸同俗敦化四稔幾動如風物服如鑑吏信如著民
懷如乳夫誠者公之本也惠者愛之流也剔奸者樹
良之輔也敦化者同俗之原也是故匪誠孰信匪惠
孰懷奸弗剔也孰服化弗敦也孰動是故吏信誠之
孚也民懷惠之洽也物服奸之變也幾動化之漸也
寶制堂錄 上卷 五
是故如著如乳如鑑如風如風不可拂也如鑑不可
與也如乳不可奪也如著不可違也詩曰樂只君子
邦家之基大夫之謂也大夫懋德儁才堅志直節策
名選舉委質王庭九命而爲藩叅尊矣顯矣一遷卿
矣再遷公矣祿鍾鼎矣勲旂常矣詩曰樂只君子
天子命之大夫有焉既而大夫考卜以龜既從矣
載筮遇益之中孚太史氏曰神告矣夫益者益也益
之中孚益以孚也中孚之益益道光也大夫曰占何
復曰十朋之龜錫之大也或益或違弗克違也永貞
之吉貞者吉也用亨于帝帝克享也神告矣大夫廼

往方岳諸君子率儀敬恭設祖以饒穀核既醕醴
既滑歌樂既具諸君子獻獻已大夫酢酢已諸君子
醕醕已廼賦始也賦伐檀大夫謝曰彼君子兮不素
餐兮子之志也弗逮弗答既賦羔裘大夫謝曰彼其
之子邦之司直子之志也弗逮弗答既賦鴈鳩大夫
謝曰淑人君子其儀不忒其儀不忒正是四國予之
志也弗逮雖然惠子腆矣弗敢忘也廼賦小明之亂
以別

贈王大夫序

方山王大夫楚產也。雋才茂德，植學習事，爲大行人。馳驅四方，諏咨詢度，秉禮慎儀，不辱。

君命爲黃門，給事謹章，奏嚴封駁，司政令，納諫諍，據誠竭忠，宣勞畢謀，爲藩叅西秦，丁艱起叅，蜀再丁艱起叅，越莅止維時，維歲敷布。

上德通達，下情真撫，中夏震懾，外夷靡所不舉，旬濡月染，咸動而應，俾久洽焉。威者懷者，服者化者，靡所不極。何也？事習則理宜，學植則政達，德茂則譽隆，材偶則功懋。理宜則任政達，則從譽隆，則尊功懋，則顯。

寶制堂錄

上卷

堯

是故兵戢而威戎畏，而懷吏勤而服民率，而化久則安。安則固矣。日廼晉貳貴藩使者，捧檄至越，越都諸君子往爲之賀。大夫辭諸君子曰：「禮也，敢不賀。」廼賀比行，諸君子餞大夫，辭諸君子曰：「禮也，敢不餞。」廼餞。既之郊，膳夫具醴，人酌歌工獻伶人，奏諸君子賦。賦南山有臺，賦已樂作樂已賦。菁菁者莪，賦已樂作樂已賦。采芣之，三章繼賦。裳裳者華，之四章大夫謝曰：「至矣。」賦北山以答諸君子。作曰：「王臣蹇蹇，夙夜弗解。斯賢者之志哉。」載賦蒸民之八章。大夫謝曰：「聞命矣。」廼賦隰桑之四章以行。

贈臬使周大夫序

浙藩叅知泉坡周大夫德懋，政優聲生，譽張天官，疏于。

天子簡爲楚臬，大夫長劉子者，其僚仲也。往爲之賀曰：「異哉！子之擢也。」大夫謝曰：「劣也。序進何敢謂異？」劉子曰：「子爲恭也。」夫臬外臺也。臬大夫長總臺度也。掌邦禁視司寇司風紀視左丞平刑辟視大廷尉異哉！子之擢也。奚恭爲哉？大夫謝曰：「華與子言劣也。」曷克將諸劉子曰：「奚恭爲哉？」子昔不爲臺史乎？純忠勁節，危言極諫。

寶制堂錄

上卷

辛

天子改容而納，端人良士，籍以生氣，讒佞屏迹，振厲風紀，孰大於是？今也舉而措之，猶反手耳。奚恭爲哉？大夫謝曰：「華與子言劣也。」曷克將諸劉子曰：「奚恭爲哉？」子昔不爲監司乎？舉憲飭戎，明法習事，倡義勤王，風動閩粵，平反詰寇，威震楚豫，肅禁平刑，孰大於是？今也舉而措之，猶反手耳。奚恭爲哉？大夫謝曰：「華與子言劣也。」曷克將諸劉子曰：「奚恭爲哉？」子嘗叅知茲藩，布德惠，殄寇賊，足貢賦，賑荒歉，遐服邇安，衆輯寡樹，海隅蒼生，以奠以熙，以生以休，日進焉。列侯上公爲。

天子股肱耳目勲伐炳赫紹休臯契婉美伊呂殆自
今始奚恭爲哉大夫謝曰華與子言劣也曷敢承哉
既而諏日以往大夫曰古者聖人作易前民用也吾
行將謀諸著乎乃命太史氏筮太史氏筮遇泰之升
其繇曰泰者時也升者幾也小往大來吉之道也用
見大人勿恤南征吉則亨矣初九拔茅君子內也連
茹以彙進得位也征行之吉萬邦賴也太史氏曰大
夫往哉大夫告于劉子劉子曰神哉著與泰變而升
陽德光也升以泰亨進無疆也大矣哉子之兆也微
哉大夫乃往浙都諸君子咸請爲大夫祖既祖且懇
寶制堂錄 卷一

言曰所謂伊人于焉逍遙大夫其無行哉太史氏曰
初筮告矣大夫殆爲天下往也劉子曰有是哉請毋
繫大夫之轡

寶制堂下卷目錄

序梅花太極圖

同年錄序

序東山

榮壽詩序

同薦錄序

序餞

榮感詩序

贈孫大夫序

序飲

寶制堂錄下卷目錄一

贈中丞潘公序

贈毛大夫序

族譜序

叙帝命

問

呆人問

老人問

頌

應會堂頌 有序

特恩堂頌 有序

狀

奉二泉老師狀

答

海籌答壽榕軒先生

秋瀧答

鳳村答

說

王應文字說

跋

題川風

寶制堂錄下卷目錄二

書黃太師卷後

書許氏說文後

祭文

祭泉山林太宰

祭宣成二賢

祭尊師黃未軒先生

祭張司馬涇川先生

傳

劉太守傳

桑公傳

墓誌銘

明隱士許離菴墓誌銘

墓表

陳母鄧氏孺人墓表

白軒孫君偕配劉孺人合墓表

明誥贈奉政大夫四川按察司僉事顯考合浦訓

導府君封太宜人顯妣歐氏合塋壙誌

贊

梅國公自贊

寶制堂錄下卷目錄三

寶制堂錄下卷

男 魯 錄

曾孫一翼重訂

六世孫斯來重輯 男好德校字

兄斯科 孫 藻 全校
曾孫文燦

序梅花太極圖

圖何梅也圖梅何昭物理也昭物理何天下之物皆有理也梅備焉是故圖梅昭物理也胡爲乎圖梅昭物理也太極無朕昭其始也氣化有形昭其初也性資合凝昭其蘊也風神全具昭其萃也含春得月橫煙帶雪昭其感也歛花就實昭其終也待用調元昭其功也於戲備矣君子曰爲此圖者其知道乎形上者道形下者器器不離道者也爲此圖者其知道乎

寶制堂錄

下卷

一

同年錄序

此正德丙子四川鄉試士同年錄也錄何齒序也齒序何公錄名序私錄齒序也何取乎私錄也公錄錄於公

令也私錄視公錄異焉諸士錄之義起者也私錄視公錄何異也公錄詳

制私錄詳事公錄重禮私錄重情是故錄之錄之也者重齒也錄成諸士執而序進秩然再拜曰請惠教焉子曰何言哉夫士誠爲義利趨舍背焉毫釐千里往者告諸子于賦菁莪矣何言哉諸士悚然復再拜

寶制堂錄

下卷

二

曰敢不惟夫子教言是服請進教焉子曰何言哉夫士文行華實內外初終出畏入肆榮辱幾焉昔者告諸子於歌鹿鳴矣何言哉諸士肅然後再拜曰敢不惟夫子教焉是服請終教焉予廼閱其錄而告之曰吁美哉諸子之志與可與論友矣夫友倫重義合仁輔信成是故厚倫崇義擇仁篤信以敦友也夫厚倫愛也崇義敬也擇仁智也篤信勇也愛斯親敬斯恭智斯哲勇斯毅友道備矣臣子子尊尊卑卑政政事事措之已矣故曰可與論友矣詩曰神之聽之終和且平言敦友也諸子勗哉吾將觀爾成哉諸士廼

欣然復再拜曰敢不重惟夫子教言是服

序東山

東山教孝也孝子道也教孝竭子道也詩曰王事靡盬不遑將母言子道也夫子道臣道之本也子道缺臣道微矣是故敦孝以教忠也忠臣道也教忠篤臣道也詩曰是用作歌將母來諗教忠之謂也臬大夫凌川傳子昔守畿內郡將母以養有愛日之誠焉詩人爲之賦東山君子曰東山賦鵲羽其亡矣何也四牡周道也鵲羽非周道也詩人胡取乎東山東山固周道也詩曰君子所履小人所視

榮壽詩序

維

天子追崇禮成推錫臣工有差兩浙巡察張公賢資如制獲承

休命于其翁太學君爲御史媪董爲孺人公方秉試士棘院

命至廼維翁媪降祥之期公北面稽首再拜祝曰維天畀壽維

皇錫榮蕪者鮮矣維予大人上章同誕六袞並臻壽也爾矣臣服拜嘉

寶制堂錄

下卷

五

王言褒重榮也爾矣冀維豫康以迓天休以荷皇眷永永無斃眇予小子敢不敬共奉揚殊貺既已藩臬大夫潘子桑子傳子咸在劉子與焉咸再拜爲公賀公答拜藩臬諸大夫咸至咸再拜爲公賀公答拜拜已咸再拜致詞爲公祝公再拜謝劉子乃颺然曰休哉綏福昭德徵志考祥可謂備矣是故偕老並命具樂媿休既富既臧緝熙純嘏福之綏也端雅靖肅貞淑慈惠載教載育式懋丕功德之昭也葆光觀願含章貽則素位而履服膺

寵光志之徵也弧悅合嘉冠服具耀崇顯前賁以昌

遐胤祥之考也夫昭德者綏福之本也徵志者考祥之基也德修則成志行則孚祥集則熾福介則繁福繁則固祥熾則延志孚則著德成則尊德尊者兆福斯介介斯固矣志著者符祥斯集集斯延矣是故綏福昭德徵志考祥既榮且壽休哉備矣茂以加矣潘子乃再拜歌曰樂只君子萬壽無疆劉子曰富哉可謂綏福矣桑子乃再拜歌曰樂只君子邦家之光劉子曰富哉可謂昭德矣傳子乃再拜歌曰樂只君子德音是茂劉子曰富哉可謂徵志矣諸大夫乃再拜歌曰樂只君子保艾爾後劉子曰富哉可謂考祥矣

寶制堂錄

下卷

六

公乃再拜答曰吉甫作誦穆如清風諸君子之謂也予不穀敢不敬將爲大人頌

同薦錄序

錄何同薦也錄同薦何三載選士鄉薦于

國舉者同焉是故錄之錄之以厚倫也何也重友道也重臣道也重友道也有厚望焉重臣道也有厚責焉咸於錄焉斯考是故錄之以厚倫也典以禮具禮以義起義以志合志以道同君子避之節也昔也同斯薦也胥會周咨得其槩焉既養太學嘗錄之矣君子曰萃矣未茂也既牧畿郡嘗錄之矣君子曰茂矣未弘也今也諸子蘊者粹矣造者精矣形者顯矣微者明矣迺復錄之君子曰弘矣敦信勸忠崇業廣德

寶制堂錄

下卷

七

于茲備矣詩曰靡不有初鮮克有終慎也慎斯免矣

序餞

冬官郁子監榷于越期而返藩大夫潘子劉子胡子葉子朱子萬子龐子臬大夫孫子蔡子巴子史子梁子閻將軍張子孫子胥餞于吳門之郭殺薦核旅爵洗竿奠迺獻迺酢迺酬迺賦諸大夫賦皇華既賦南山有臺既賦隰桑郁子謝曰不穀不足以承之也迺賦小旻君子曰富哉言乎皇華言使也舉之矣南山有臺言德也隆也已矣隰桑言燕賢也中心藏之至矣茂以加矣美哉泐泐乎小旻隱而彰婉而中和而諄可謂共矣郁子再拜諸大夫咸再拜祖者徹乃別

寶制堂錄

下卷

八

榮感詩序

天子追崇先王進徽稱于母后隆聖孝也禮也詔賚于百官有司封錫如儀廣帝德也制也通臣洽職承休命于所自出昭寵光服王度也典也廼惟侍御王公將命理鯁政于吳越獲荷崇錫褒厥考妣榮矣顧弗逮躬拜臣服如存廼興感焉藩臬大夫請爲慶公曰吁曷慶哉大夫曰獲

君顯親順志矣敢不慶公曰親存者樂親沒者悲予愴予懷天也罔極大夫曰請爲慰公曰吁曷慰哉大夫曰懋德終慕竭思矣敢不慰君子曰易樂而哀同

寶制堂錄

下卷

九

情異致公可謂知孝矣慶以順志慰以竭思諸大夫可謂知禮矣是故獲君者義也顯親者仁也懋德者共也終慕者誠也匪義而獲君弗敬也匪仁而顯親弗愛也弗敬不可以懋德非共也弗愛不可以終慕非誠也是故懋德者獲君之至者也終慕者顯親之至者也共以畢義誠以體仁令名則焉公之孝於是乎大矣詩曰德音孔昭視民不忮公之謂也又曰他人有心予忖度之諸大夫有焉

贈孫大夫序

南江孫大夫楚人也舉宗伯進士初試東甌理官折訟獄恪政令脩有司也政成召爲內臺柱史振風紀倡諫諍舉憲度也厥翁大司徒再起三孤更爲詞林大史嚴紀載慎予奪重國經也史成擢爲越臬大夫越大邦也臬重任也飭廉潔弼教化厲法禁恤刑辟三載獻績以往申王章謹臣職也夫折訟獄明也恪政令敬也振風紀肅也倡諫諍直也嚴紀載正也慎予奪公也飭廉潔介也弼教化禮也厲法禁義也恤刑辟仁也是故仁德之容也義德之制也禮德之執

寶制堂錄

下卷

十

也介德之辨也公德之弘也正德之守也直德之節也肅德之共也敬德之聚也明德之察也誠以主之遜以出之謙以居之勇以持之是故威行澤流聲生譽張而績成矣君子曰良哉大夫理官其積也柱史微矣大史明矣大夫著哉往茲卿也屏翰公也股肱相也心膂昭矣顯矣厥德光哉始也大夫將有事于行命筮遇泰之大畜其繇曰何天之衢畜極通也占亨泰道同也利見大人利有攸往大夫乃往比往諸君子出餞于祖庖人具醴人酌伶人奏既獻既酢既醕乃賦賦蓼蕭既賦裳華既賦蒸民大夫謝曰燕笑

譽虞惠于懋矣敢不肅將以俟保茲

天子式是百辟請以爲諸君子貺廼再拜稽首而別

寶制堂錄

下卷

十一

序飲

維

皇八年春王正月哉生明越日辛丑都帥李侯劉侯
告諸藩大夫劉子葉子龐子臬大夫傅子萬子黨子
汪子梁子江子曰維歲之初維春之孟維道之泰維
惠之洽豫康哉請以燕舉如之何諸大夫咸曰脩禮
敦好協義飾情備已譏可哉廼命僕夫御廼命膳夫
庖廼命醴人饗廼集諸紫陽洞初飯洗爵三爵既廼
躡諸三茆道院亞飯洗爵三爵既廼反駕折諸雲居
浮屠之宮廼筵廼几廼獻廼酬廼奕廼射廼鼓廼歌
寶制堂錄 下卷 十一
廼舞廼投壺矢廼序以賢廼序以不侮廼觴廼觶廼
旅從者告少廼徵諸大夫咸相謂曰茲會也樂也與
哉劉子曰樂哉諸大夫曰樂何劉子曰猗與
主聖相賢時雍治休工熙吏逸民輯兵宴唐哉虞哉
吾與子其際哉惡乎弗樂諸大夫曰然劉子曰未也
節聞之靡不有初鮮克有終終哉終哉吾與子其圖
哉詩曰無已太康職思其居無已太康職思其外諸
大夫咸再拜謝劉子亦再拜謝李侯復再拜曰請書
以示如之何諸大夫曰訐謀令觀美勸決規備已書
可哉劉子廼再拜書

贈中丞蒲公序

維 皇八年春王正月天下諸藩方伯率屬朝于天子

天子明聖坐饗明堂青室慶讓陟黜序式羣工時維浙藩左伯石泉蒲公述職為天下先覲禮既畢

天子曰都惟女明朕簡在女女往朕將崇女陟女于羣辟右女其廣德心保我黎民弼予迓承天休以丕揚我祖宗耿光大烈于永世女其欽哉公拜稽首辭此至浙天官卿以中丞俯循雍豫荆楚之交請

天子曰俞使者馳璽書授公以往公拜稽首謝卜日

寶制堂錄

下卷

三

往予小子節昔者同公對制大廷策名予忝公先比今同公承流浙藩視事予忝公後公往予倡諸大夫餞公于祖與人馳膳夫具伶工奏執事者洗爵以進予小子獻公酢酢既臬大夫洗爵獻公酢酢既闕將軍洗爵獻公酢酢既公曰老子不云仁者贈人以言諸大夫曷贈予于行哉予小子遜諸臬大夫臬太夫長留予昔者對制敬皇同也迺颺言曰惟公賢哉日嘗守子閭郡恭謹仁厚奠民于休公往請廣諸以休予雍豫荆楚之民雍豫荆楚之民歲歟病甚茲其有瘳哉臬大夫萬子昔者貳憲于浙同也迺嗣言曰惟

公賢哉日嘗長子江臬振綱舉憲百寮用肅公茲往荆豫荆楚如倒懸然厥屬咸度公揚之有弗度公寧弗激之哉激之激一人而羣屬咸懼且草焉民斯慰矣惟公念哉諸大夫曰允哉公與成顧子言子曰敷政布德體國經制典刑斯存子師師于公風矣惟二大夫厥言昌哉劣也夫復何言請賦迺賦南山有臺諸大夫曰樂只君子邦家之基樂只君子邦家之光允哉公與既賦桑扈諸大夫曰樂只君子萬邦之屏樂只君子受天之祜允哉公與既賦采芣諸大夫曰樂只君子天子命之樂只君子福祿申之允哉公與公再拜曰美哉泚泚乎諸君子贈予至矣眇予其曷敢承諸大夫暨予小子咸再拜曰吁丕哉鄙與子俯曷足為公贈惟公顯哉日將崇陟以弼于一人斯世其嘉靖于永永無斁

寶制堂錄

下卷

古

贈毛大夫序

越藩長毛大夫齊人也登孝皇五舉進士拜地官郎
沉毅有爲君子曰達進冬官大夫轆轤肯綮應濟疏
辨君子曰哲擢守永平永平畿內郡也民隱洞悉愛
澤下究君子曰惠武皇巡幸美臣驕悍肆虐無忌郡
邑騷然大夫抗執不撓禁民訛言怵以重禍恬不爲
動君子曰勇左右讒斐逮下詔獄鞠覆無罪仍坐謫
謫牧滇南支郡遂自稱曰滇涯志處困也君子曰正
皇上紹統御極起貳秦臬備兵固原振耀戎武綏緝
黎庶邊圉用靖君子曰肅再擢蜀藩叅知蜀方用兵

寶制堂錄

下卷

七

剪滅戎虜大夫運籌決勝饋餉不乏厥功告成君子
曰武尋丁內艱復叅越藩未視事擬拜中丞撫巡西
鄙弗果即進越藩右伯至越總治清戎兼理儲穀羣
務畢舉重望屬焉君子曰毅昔者節也竊祿右伯承
乏而左大夫代焉甫二閱月節也承命東撫大夫代
焉再進左拜節也庸劣廢墜獲大夫而振焉君子曰
宏博哉節也不穀叅僚黃子萬子龐子謂節言爲大
夫贈節也何言夫達者才之充也哲者知之察也惠
者仁之溥也勇者剛之發也正者義之執也肅者威
之著也武者文之濟也毅者德之守也是故左伯者

藩之長也百司之綱也古者大國公侯之任也才以
運之知以周之仁以容之剛以斷之義以裁之威以
臨之文以經之德以涵之何有哉故曰宏博宏博云
者宏而博也往攸利矣由茲而卿焉相焉舉而措之
爾矣詩曰樂只君子殿天子之邦又曰有覺德行四
國順之請舉是爲大夫贈

寶制堂錄

下卷

七

族譜序

內黃張氏右族也養於鄉校升於太學舉於京闈登於南宮入對於天子之廷爲丞爲令爲藩相爲封君爲內臺柱史萃焉父子兄弟賢賢貴貴老老長長幼幼秩秩如也雍雍如也夫謂盛矣夫惟懼其遠也宗以統之尊尊親親可謂篤矣夫惟懼其瀆也祠以合之昭昭穆穆可謂倫矣夫惟懼其渙也譜以繫之邇流放源推本達枝一世曰高九世曰玄逮于十世百世雲仍相嗣繩繩繼繼愈遠無窮焉可謂隆矣君子曰吁美哉敦仁崇禮協義厚倫可以觀俗

寶制堂錄

下卷

三

矣是故同愛以敦仁也合敬以崇禮也定分以協義也正名以厚倫也可以觀政矣是故同愛則威合敬則共定分則和正名則順是故愛同而戚仁斯敦矣敬合而共禮斯崇矣分定而和義斯協矣名正而順倫斯厚矣可以觀化矣是故五典惇叙九族親睦百姓昭明萬邦作孚於是乎權輿矣吁懋哉張氏之後人念哉詩曰子子孫孫勿替引之

叙帝命

日者大司馬疏于上曰維山東盜起劇甚御史某式回迺猶命迺守吏率迺士卒淬迺鋒刃張挾迺矢逆戰于野獲厥渠魁殲厥群醜民迺奠以成功告厥功懋矣功懋懋賞敢具典以聞上曰咨朕嘉迺功女其敷錫如典大司馬迺具錫典于大宗伯大宗伯迺出內藏府金幣如典授使者馳錫于御史熊子之臺熊子拜稽首受錫疏謝焉君子曰休哉許謨茂勛豐報崇勸備矣夫許謨茂勛者臣之職也豐報崇勸者君之寵也是故匪謨曷報匪勛曷勸臣職之舉也報哉匪報則謨曷彰匪勸則勛其同樹君寵之齊也異哉吁嘉哉熊子職克舉矣於皇寵哉熊子曷以將之詩曰虎拜稽首天子萬年

寶制堂錄

下卷

三

問

呆人問

或問曰呆人何許人也涵虛子曰哲人也或曰哲人哲也謂之呆何也曰哲人爲赤子憂觸忤時諱言危氣動三罹患不輟衆人謂之呆也或曰呆哲之反也哲則匪呆呆則匪哲以哲爲呆殆黑之謂白也奚可哉曰衆人呆也哲人匪呆也衆人以哲入爲呆亦猶夫哲人以衆人爲呆也求其實已矣或曰哲人匪呆也直受爲呆不辭何也曰斯其爲哲人也是故衆人曰許君子曰直衆人曰激君子曰忠衆人曰迂君子

寶制堂錄

下卷

七

老人問

太白老人者不知何許人也居青城山服草餐木卧石無慕於世日乃御風南入蒼梧躡羅浮東陟泰岱跨北海歷嵩華過吳之天平息焉東溟浪仙紫峰雲樵造之老人問曰二子來何莫也浪仙對曰慕師素矣昔者煉鼎海上蒼髯青衣一人赤髯朱衣一人黃衣小童二人來問鼎與之語是以莫也雲樵對曰慕師夙矣昔者采藥天台中婉靚二姬携數鬟來迓叩導引法飯胡麻乃返是以莫也老人曰有是哉可與論道矣頃則天方翁至老人問曰候翁久矣何見

寶制堂錄

下卷

七

手老人曰有哉辟穀浪仙雲樵作曰天方翁縣弧之
晨李太君不遠千里來壽東方子且獻桃矣師容已
哉老人曰吾意也乃挾浪仙雲樵御風往至則天方
翁候諸門矣迺延于閭風之苑玄圃之墟登天帝之
宮入神人之館坐焉交梨維核麋脯維穀玉液維觴
擊雲磬奏鼉鼓吹瓊笙合以鈞天之樂鳳凰來鳴龜
龍鸞鶴翔舞騰伏童子走告曰卿雲見日下醴泉出
天方之池異甚老人輒然曰有是哉奇哉會也曷歌
以壽翁哉雲樵歌曰飛爾鳥兮奔爾兔兮八萬一千
爲翁度兮浪仙歌曰倏而海兮忽而田兮八萬一千
爲翁制堂錄
下卷
二

維翁年兮老人乃歌曰天始而始兮地終而終兮先
始後終維吾與翁兮天方翁謝老人挾浪仙雲樵御
風而去

頌

應會堂頌有序

堂應會何示異也示異何物有機焉會逢其適應會
名堂以示異也何爲乎應會名堂以示異也堂廷尉
大夫一溪簡子作也初簡子起進士試令尹卜居清
江寧厥翁也陟望于岡降觀其趾有京一區弗僻而
隅弗隘而紆負陵帶闌左邑右廩天爲之儲地爲之
虛鬼神爲之祓除龜從筮從迺筮迺闢迺構迺樹堂
焉于斯若符而授若券而受是故曰機其機曰慶既
而簡子績成內召逆翁以居維翁七袞期維誕祥堂

寶制堂錄

下卷

三

焉斯啟賓賢走趨燕娛用胥獻享以壽是故曰機其
機曰樂既而簡子被命命爲柱史時終天子隆孝兩
宮貶恩邇臣維翁拜嘉鐵冠我我繡衣燦煌堂焉是
僕堂焉是偃是故曰機其機曰榮維是三者獲也弗
必至也弗兼咸有機焉維堂應之故曰應會應會也
者應其會也是故名堂以示異也示異以昭則也子
小子節獲登斯堂棘如翼如聞如秩如大人攸芋退
而歎曰美哉堂乎樹德迂休錫類遺穀微哉備已今
也簡子載被寵命命爲廷尉大夫廷尉天下之平也
勿宥勿辟協中以治進焉而卿股肱耳目進焉而相

喉舌心膂維茲堂有光哉是維曰慶慶斯大矣是維
曰樂樂斯盛矣是維曰榮榮斯至矣維茲堂永有譽
天下哉節也謦陋請爲大夫頌之頌曰清江之濱華
靈秘神聿崇厥堂爰謨既訐爰築以居廼居廼康司
冠上卿應會肇名鴻庥丕揚厥會維何厥應孔那榮
樂維慶叶維昌其期維隆其塞其機靡常寵褒有赫
天子是錫德音皇皇自天祐之純嘏攸宜俾熾而昌
以續以嗣祖禰孫子終焉允臧大猶是經是訓是程
於昭烈光君子令儀載誦以詩以式萬邦

特恩堂頌有序

堂以特恩名何昭特恩也何昭乎特恩也高吾陳公
起制長溟臬天子紹大統首召爲齊東藩長斯特恩
乎曰固矣未也公聞命以病告臺臣請曰公才賢也
速之不可從之不可需其愈而召之可也僉曰如外
制何天官卿曰外制常也視內殊常也需其愈而召
之視內焉可也聞于天子制曰可茲其爲特恩也是
故召之召之也者示不忘也公茲復爲江藩長矣又
進爲御史中丞擢循乎江之全域矣皆特恩也弗及
之何成于昔也節也陋爲公頌之頌何頌特恩也來
寶制堂錄

狀

奉二泉老師狀

竊惟今之大臣進退以道一時士大夫氣節風靡籍以增重惟明公爲然往歲明公以侍養疏懇乃得旨溫慰俞允天下士大夫知有孝也明公日以愉養爲樂若不復事天下事者有司者以再起告御史以便養再起聞太宰以太司徒繼以太宗伯疏請乃得召辭至再乃起天下士大夫知進有禮也中古以降公卿宰執鮮不由援而進者援以正猶歎焉況未必正而利而勢焉克有終者蓋鮮矣胡通要之能久邪風

寶制堂錄

下卷

五

俗習尚由是日卑下如江河之趨于海不可挽也故曰大臣進退以道士大夫藉以增重者也其下邑鄙人也荷不捐遺收錄而曲成之芻蕘之言僭有所懇明公繫天下之望重矣天下多事皆微也微者易舉也寧無至大至難者乎天下之至大至難范景仁所陳十九疏者是也韓稚圭歐陽永叔相繼言之卒收社稷之功不在絳侯梁公下明公今日所任彞教禮樂又古契夷夔之任也典彞教興禮樂舉明主於三代之隆試以景仁之疏日與諸元老勲戚僉謀而昌言之他日收社稷之功不在韓歐下生之願也天下

士大夫之至願也狂瞽之罪不勝殞越

寶制堂錄

下卷

六

答

海籌答壽榕軒先生

南海老翁坐海屋上右一壺貯籌數十莖手執籌數莖餘百數十莖置左方羅浮道人過之問焉斯籌何籌也翁曰滄海桑田更相爲變一變吾貯籌一莖于壺籌是以設也道人曰籌貯幾莖矣翁曰數十莖矣道人曰然則翁何以執斯籌也翁曰吾俟其變貯之也往者或三千年一變或千五百年一變或五百年一變吾見其將變執是俟之也道人曰變久近何異也翁曰上古聖人在上天天地地各奠其位故久而不變也中古聖人者出天得其清地得其寧海自田復田自海復是以變若近也道人曰變如是久近異也翁何以俟之或久焉而亦俟之邪翁殆我欺也翁曰吾欺乎哉吾見聖人出矣山不崩川不竭海不揚波三年矣海變而田田變而海者茲當復矣變變也復亦變也吾執吾籌俟其變而復也吾欺乎哉道人曰然則翁壽矣乎翁曰吾不知也吾坐海上嘗聞龍馬負圖出於河矣迺復神龜負書自洛而出時吾年視今已過半矣壽則吾不知也道人再拜謝曰翁壽矣哉我先天地而始後天地而終者翁其人也翁壽矣

寶制堂錄

下卷

七

哉敢以姓氏請翁輟然曰吾榕軒翁也姓何氏子往爲我告于人人曰聖人在上天下壽矣

寶制堂錄

下卷

六

秋瀧答

西昌羅子中一志於道擇攸觀焉筮得坎離子曰天地山澤雷風水火皆道也吾得坎焉坎水也吾將求諸水乎則之泉嘆曰源泉混混盈科後進道之序也吾何敢忽既之川嘆曰逝者如斯不舍晝夜道之則也吾何敢怠既之瀧嘆曰觀水有術必觀其瀾通之會也吾何敢易廼止諸瀧觀焉斯夕斯寒斯暑斯春斯秋斯弗去也有客還自海上問羅子曰汝觀諸瀧足乎孰與吾觀諸海也羅子答曰觀諸海者難爲水吾固將觀諸海也客曰觀汝瀧孰得羅子曰秋哉

寶制堂錄

下卷

无

夫水春則溢秋則澈溢則昏澈則明反諸吾心昏則窒明則通吾於瀧奚取哉取其澈焉爾矣客曰子於道庶幾哉於水觀焉取諸瀧於瀧觀焉取諸秋子於道庶幾哉吾將與子觀諸海

鳳村答

蒼三山人造赤霞老翁之宮問曰吾聞中國有鳳村焉願從老翁觀之敢問鳳村何也老翁答曰鳳神爲也鳳村鳳所出也山人曰鳳常有乎老翁曰否鳳不常有者也山人曰不常有也而曰鳳村何也老翁曰夫鳳鍾天地之和應聖王之瑞而生者也即其地而稱焉故曰鳳村鳳所出也山人曰鳳不常有也翁嘗見之乎老翁曰吾嘗見之矣始也見其巢于阿閣矣既而見其儀于虞廷既而見其鳴于岐山之陽未幾集於卷阿之上歌之者曰鳳鳳于飛翾翾其羽亦集

寶制堂錄

下卷

三

爰止嗣是而見者鮮矣山人曰然則鳳村之鳳翁見之乎老翁曰吾嘗見之矣五文九苞戴仁抱義昂然肇生于聖人之都者其老鳳也猶夫岐山之鳴者也翔于千仞之上覽德輝而下之雖雖喈喈爲朝陽之鳴者其鳳雛之長也猶夫虞廷之儀者也文采燦爛棲于梧桐之岡而聯飛翩翩者其鳳雛之羣出者也猶夫阿閣之巢卷阿之集者也古者聖人在上麒麟鳳凰咸在郊薮是故鳳村鳳所出也召天地之和昭聖王之瑞復唐虞成周之休鳳其在今日哉山人曰吁有是哉吾聞鳳鳥所居積石千里天生璆琳琅玕

以爲食者允在茲乎鄙人無知願從老翁往觀其盛

說

王應文字說

武昌郡大夫王先生名其四子曰輅冠賓字之曰應
元元者大也盡之哉或曰應商何如賓曰應文哉孔
子告魯二乘殷之輅取其質也夫質也者本也文也
者末也質而不文本本重末輕焉未可也是故質勝文
謂之野君子者文質彬彬者也王子志文學聞文王
孔子之道質已哉文斯可也質則固文則化矣故曰
應文應文者質而文者也

跋

題川風

巨川李子去明將之粵甬川張子賦詩送之曰川風
君子曰風也者風也川之風風乎哉是故恭以相遇
忠以相告志以相感愛以相結夫恭相遇禮也忠相
告義也志相感信也愛相結仁也禮斯和義斯敬信
斯孚仁斯親可以風矣詩曰吉甫作誦穆如清風

寶制堂錄

下卷

三

書黃太師卷

右述襄章十二何少師楊公作也留別章二書憐章
二何司寇林公作也賜骸志喜章一何宗伯毛公作
也散夕僧仗章三何司寇與少宰何公太史黃公伯
也卷集何太史使楚少師司寇繼去宗伯去不祿少
宰遷南都少司空使返輯焉志感也君子曰可以觀
詩矣國任觀政體國觀忠愛君觀仁師僚觀德退義
觀節故曰可以觀詩矣詩曰無言不酬無德不報

寶制堂錄

下卷

四

書許氏說文後

夫圖者文之始也畫者字之始也著於竹帛曰書書者如也籍之始也厥自遐哉邈矣漢人許慎氏者說文解字著其原也志復古者恒有取焉臺使兩山郭子觀風吳越考閱斯籍訂謬伐譌授工於梓君子曰可以觀世矣夫結繩以上不可及也書契之後偽目滋焉良哉考文以爲治也治以法禁法以令畫令以政一政以文同而天下復古矣是故可以觀世矣

寶制堂錄

下卷

五

祭文

祭泉山林太宰

嗚呼廟堂元宰館閣鉅公純德雅度一代攸宗閩海精英文嶽完氣間世挺生毓和鍾粹憲皇紹統龍飛首科進士上第被命鑾坡史局編摩春秋直筆褒斧權衡馬班疇匹春官諭道德輔元良前伊後旦媲美周尚天下英才成均樂育穎達在唐敢專芳躅春官列卿三禮秩宗伯夷寅直虞廷之風天子經筵名儒分直伊川嚴重培養聖德治化方尚文獎質衰日光玉潔今也昌黎貢舉之學趨浮尚誕歐陽主司士習丕變赫赫太宰統茲百官山甫柔嘉屬望朝端居守留都政歸司馬休父握兵真安華夏老臣去國身繫安危召公篤棐後人弗迷免大臣間以災應漢治方隆韋賢謝政內有讒倖獨炳幾先九齡罷矣誰復開元匪進則憂匪退而樂魏公在相潞公在洛耆願壽考既富而康子孫貴盛上比汾陽天不慙遺山頽木稼得正而終還于造化深淵大澤虎遊龍亡狸號鮪舞四海悲傷三朝宿英聖皇哀悼吊賻頻縟使車載道某等式聞遠訃亦孔之悲奔走王事莫展多儀絮酒維尊束纁維篚再拜將之涕泣從只冀予鑒之

寶制堂錄

下卷

美

失心以辭慟以天下匪哭吾私列星在天河漢在地
不亡者存以俟來禩

祭宣成二賢

於戲唐虞至于成周集羣聖之大成孔子曰春秋至
于有宋集諸儒之大成朱子也二公友朱子而上師
孔子者也宣公仕於斯成公生於斯後人仰而服焉
有餘地矣某生也晚學道未聞恭承天子之命司憲
視學蓋將竊緒餘以淑多士禮謁之初敢用誠告啟
佑來學俾與聞于斯道某也非調惟公其惠相之

祭尊師黃未軒先生

惟公端方嚴重古學古心踐履精粹造詣純正一代聞人也初爲史官道不合罷去孝皇登極召王端毅爲冢宰端毅首起公江右督學監司孝皇從之夫孝皇聖君也端毅賢相也起公於家爲宗伯爲奉常秩和禮樂可也爲司成爲冢宰鑑衡英俊可也爲殿講爲閣學輔養君德可也顧外補焉意者謂江右大藩人才天下稱盛得公教育之他日爲宗伯爲奉常爲司成爲冢宰爲殿講爲閣學者益多皆公之秩和禮樂鑑衡英俊輔養君德也徐而進公爲宰相相天下

寶制堂錄

下卷

完

道合志孚助聞澤流此固端毅以人事君之忠也固孝皇簡在于心焉者也公至江右端習廼學訓德振頑奮懦大有功於名教士廼駸駸然向方公則疏入請老矣孝皇重留公公去矣君子謂公難進易退道弗大行匪公不遇天下天下不遇於公殆知言和某下邑鄙人也幼穉愚劣幸收錄于公爲諸生誨迪憐憐與知道者列恒以棄絕公教爲懼三十而入仕四十而無聞愧也久矣兩承憲乏叨踵公躅而疎庸無補視公則鳳凰斥鷃也感公襄公曷其有極哉惟公不作數稔于茲某南奔西走道路阻脩一辦未將百

死奚贖茲獲良便走幣告哀焉公神在上鑒之格之

寶制堂錄

下卷

四

祭張司馬涇川先生

維公知名天下四十年矣詞林稱敏史局稱精講筵稱正成均稱嚴秋宗稱寅司徒稱慎冢宰稱明司馬而居守留都稱端稱肅才稱達守稱介特履稱峻毅天下之人皆知之矣某生也晚釋褐之初識公于朝未嘗登公之門比從事郎署公則南矣未幾某亦謫下邑矣欲即公不可德而襄公則恒不能忘也建承乏西蜀嘗聞公于石翁老師承乏南滇再聞公于南園司徒適復有八桂之命方以謁公爲期既至公不可作矣嗚呼某之不幸也抑亦斯人之不幸也使公而存溫公再起潞公復相而天下福矣公之不爲溫公潞公斯人之不幸也公塋已卜某也制于視篆不能走哭執公之紼此又某之不幸也非儀再致哀涕從之是豈一人私而寔爲天下之人悲也惟公其鑒之哉

寶訓堂錄

下卷

四

傳

劉太守傳

劉太守者大庾人也諱永字克脩郡學官弟子治胡氏春秋無左氏公穀舉永樂十五年丁酉江右鄉薦明年錄禮部甲榜第四義文魁天下入廷對登二甲賜進士出身授刑部主事進員外郎再進郎中才名著甚奉勅巡撫萬全政望赫然遶圍用肅正統間以大學士楊文敏公薦再奉勅知湖廣荊州府事荆地大物繁戎伍雜錯親藩分封其地驕倨不法諸邑騷然比至廉介自勵勸農興學均賦簡訟斥狡爲禁強

寶訓堂錄

下卷

四

暴吏胥宿弊爬洗殆盡一郡凜凜化服士卒芻餉月給弗爽期刻貧弱孤寡食惠焉歷任既久廉知親藩淫縱酷虐事甚悉乃疏聞于朝自就桎梏待罪疏入使者械繫至京師下詔獄幾中害會諸大臣廷鞠事皆質請宸斷釋還仍治郡事奪親藩爵削籍世爲庶人荊州之民廼安未幾丁艱去郡民暨戎卒老稚婦媼徒步走京師幾千人乞奪情起復朝廷從之力辭不獲廼勉強墨衰就道既至郡民始帖席當道屢擬爲都御史巡撫大藩不果竟以疾卒于郡民哀痛如喪父母立祠肖像祀南洲之市伏臘參謂享獻如存

有訟告祠下乃往愬比今百年餘不衰節鄉後生也
承乏蜀臬視學道江陵禮謁遺祠感焉大書賢守劉
公祠縣于門而去曾孫太學生慎世公家謂節爲公
作傳紀家乘廼傳論曰予讀史至循吏未嘗不掩卷
歎良二千石之難也公於循吏中尤稱難者疏親藩
于法削其籍於戲疏難難在公從公疏難難在天子
宰相也此西漢而下所罕有者不圖今日見之於戲
公其無愧賢守也夫

寶制堂錄

下卷

聖

桑公傳

敬皇十有七年春三月桑公春卒公始爲襄郡理官
慎刑罰節力役攝均馴擾悖繼理表郡辟奸宄攝吉
反疑獄九載考績疏謝迺老君子曰仁哉公與夫慎
刑罰敬也節力役愛也馴擾悖威也辟奸宄嚴也反
疑獄哲也是故敬者仁之聚也愛者仁之澤也威者
仁之斷也嚴者仁之毅也哲者仁之察也是故刑罰
之慎也生斯不傷力役之節也勞斯不困擾悖之馴
也禁斯不愚奸宄之辟也殺斯不怨疑獄之反也法
斯平平斯服是故生而不傷者懷勞而不困者慕禁
而不愚者變殺而不怨法平而無不服者化懷者父
慕者深變者大化者遠是故襄均之民感以思表吉
之民忘詩曰有匪君子終不可諼兮此之謂也

寶制堂錄

下卷

留

墓誌銘

明隱士許驪菴墓誌銘

庾有隱君子諱金字宜諾姓許氏別稱驪菴者庾人稱爲驪菴先生平居讀儒書旁蒐經史百家語究極理道古文辭出入韓歐諸大家師其意語弗襲而矩矱自合作古近體詩出一機軸多類晉唐人風致詞騷樂府麗而雅人勸之仕則曰古人庖牲之喻何謂也遜無不利奚仕爲廼堅隱以老間謂子壻劉生魯曰殤耄有命惟其正顧吾年馳日征體力孱憊殆且死汝他日狀吾行乞汝翁銘我墓我目瞑矣魯矍然

寶制堂錄

下卷

五

曰吾丈何爲出是言也吾丈甫踰下壽顛毛尚未種種家君嘗謂許驪菴大耋人也吾丈何爲出是言也宜諾曰汝誠我厚也柰何弗知我黃帝老子之術以靜得壽吾豈能靜者今夫木生深山中滋息雨露斧斤不加梁棟榱桷不及乃得以歲月自斃吾才無所於用故動奔走縲繫勞念慮辟諸木其朽腐巖谷者吾德正終焉矣汝作狀唯實是示毋過情取人疑爲也數月果疾魯往視焉宜諾曰吾言驗哉遂却藥弗納少瘥命諸子遷正寢諸子不欲顧謂魯曰汝亦不愛我耶魯速諸子遷正寢乃更衣卧少頃侍疾者問

不答諸子號泣求之不復矣嗚呼達人以死爲歸宜

諾其有以歸者也惟吾庾之許自前代爲著姓世系邈不可考入國朝族大有貲實故各附小宗徙近地唯宜諾世不徙故稱爲中堂許氏高祖諱伯仁曾祖諱忠祖諱旻皆敦本實父諱英始讀書起家隱迹以自好鄉郡賢之母彭氏宜諾質穎異幼習肄童蒙小學過目輒誦長游先大夫門言規步矩見同舍生事文藝輒不滿以請先大夫曰汝金志不在是耶古鄉舉里選惟行之求至漢舉賢良孝廉法猶不爽古昔隋唐以文取士辭日盛而士風卑不可挽矣今汝金

寶制堂錄

下卷

五

曰古人古人惟誠爲義利之辨毫釐千里汝其慎是哉宜諾唯唯郡守張公汝弼雅好士至二載宜諾以力役從事見公異曰吾父欲得士何相見之晚也宜諾對曰田野細民惟躬耕稼力食耳大夫位高禮絕非役見則非義矣公益異之舉爲學官弟子以未學辭強之乃吐實公曰人各有志吾終不汝下也廼命以諸體詩大許可請益乃間爲寬易宜諾遂大進郡守諸公民瞻繼至知宜諾名不強致歲里人以宜諾父讐輸粟實塞下達邑邑上郡宜諾諫曰輸粟義也亦有國恒典金則不欲以是勞大人遂作書詣郡請

公喜其至聞且詰曰汝人子也奈何不欲榮汝父邪宜諾魁曰金不孝不能爲父榮是舉則金父不欲金不敢以志強明公崇孝敦信必可乎也諸公從之迨鄧公子榮來守偕別駕吳公希瞻親造廬謂曰賢而隱古人所難長郡者得高蹈士如賢輩波及多矣謝不敢當齒幾六表累舉學官鄉飲賓不赴郡守季公彥文當主禮謂諸生曰是郡耆逸莫賢許某不賓無謂也乃手書走使踵至宜諾始一起其見重郡大夫如此始宜諾居父喪號泣幾絕衰杖蹣跚不廢禮後喪母如喪其父執禮致哀瘠如也凡期功總袒

寶制堂錄

下卷

哭

喪在三族弔哭罔不哀處大小宗老長昆弟子姓務以愛敬相篤嘗曰始于一人而今爲途人吾弗忍也居家尚儉朴恒語諸子曰古今人未嘗以侈存約敗者鄉人如某者世富田貨使能謹若乃祖父雖至今存可也如某某儉若近嗇今則豐裕以光大先世也爾輩獨不省悟誰適從邪主婚媾大輒欲復古禮聘登享燕從中制不爲浮靡無益費始或議其非父更是之卒有效而行者待鄉黨煦煦悛悛不面折人過其性也人有善雖微播揚之恐後或謀以事義可爲則曰我不辭也如弗義則曰我不能也關且訟者輒

寶制堂錄

下卷

哭

開戶若將浼焉庾人稱賢厚質直必曰許某許某鄉先生太守蔣公公紀少尹蔣公一寧其所事也譚學諭汝亨張少參天衢孫令尹維璠尹大學粹夫林學訓瑞卿王屯部廷和劉憲部彥亮皆姻婭且所從也蔡逸士庚則以詩相長益者也求與修郡志采錄警較博洽不遺筆削則公而法志家稱難結室郡郭小西湖之隅購書較閱其中老且不倦所爲詩文多出應酬不存草魯方輯其散逸爲雕菴集如千卷藏于家宜諾取陳氏再取蔣氏皆邑右族處女生男子五女子三長雲翔次雲翹取憲部女弟長女歸徐千戶從弟麟次歸學諭從弟郡學生順陳出歸吾子郡學生魯又次女也其子次雲舉次雲翹取太學女次雲翹蔣出孫男子貢賚寶賀孫女某曾孫某宜諾生景泰七年丙子四月念二日正德十二年丁丑十月初六日卒壽六十有二已卯年十二月念四日從先兆遷二配合塋西華大水坑之原子歲已酉扶先大夫柩還自合浦宜諾暨其內弟陳必大氏與子善比締必大主之時子繆薦卿選宜諾喜曰吾江右士稱盛甲天下就試牒歲幾萬人取捷者百始一耳子既爲之冠則翹然哀然于天子之庭者其在于乎比舉

進士主司馬部政久弗相覲乃賦雲樹餘情詩懷宜
謫自叙系以傳論尤詳未幾出爲令移州牧簡命蜀
臬後先晤語宜諾僅旬月爾日有八桂之命取道過
省計當與宜諾相從泉石而宜諾不可作矣悲傷哉
悲傷哉子無以慰宜諾於下地也已矣嗚呼宜諾爲
先大夫門人子子爲友子子魯爲宜諾館甥銘宜諾
墓固宜奚忍以不文負宜諾耶遂按魯狀誌而銘之
銘曰惟士不賓惟志不怙惟道不屯以遺其後人

墓表

陳母鄧氏孺人墓表

予友陳必大母氏太孺人鄧以卒于嘉靖丁亥二月
九日詎始生正統丁卯某月某日爲年八十有一嗚
呼可謂壽矣母出梅峯先生梅峯吾庾聞人母其鍾
愛女也再歸陳翁某諱某字某是維必大先考耆隱
君也翁失元配擇良娣焉賢母適偶母性嚴閨閨內
人無敢嘻喜者治生理勤約周至自歸陳幾六十年
無一日侈縱以懈穀粟一升布帛麻枲一尺金一銖
泉楮雖一文貫非母手弗預出納翁初業商弗內顧

未致豐豫稼負郭腴田數十頃作居室重屋隆隆起
母力也翁謝世母總家政不以勞必大賓客至必大
欲延欸則白曰賢者也飯諸何如母曰業已備矣出
醇醕嘉穀蔬精粢如宿具然賓客咸稱曰侃母弗過
也必大初業舉補學官弟子母延師教之翁舉子晚
得必大英茂愛篤不喜師朴母意雖懇懇第不欲言
恒遣人告師曰嚴厲課責教不當如是耶師嘆曰賢
母賢母翁元配李生女二母愛厚如已查儀饋禮務
加豐腆長適朱紱次許金庾詩人子子魯婦翁也必
大居翁喪服闋母憐其勤瘁鮮兄弟不欲終業必大

重違志得文學格終母養母喜既而得詔學官弟子以養告授仕者冠服必大請焉母益喜恒煦煦語必大曰吾終身唯汝恃也使汝僕僕走仕籍孰恃我養今汝日在側盃飯杯羹吾母子共之三釜九鼎不足多也必大跪謝曰賴吾母教兒得此足矣唯母多壽不肖幸甚母益喜必大初取何生子一咸不學母恒戚戚再取伍生子三不舉恒戚戚女三舉之長適劉鉞千戶朝敬承祿子也次適戚世衡先母卒一歲二女者遣儀雖出必大母手經畫尤多次尚幼母愛益篤再取甘未孕必大年五十始舉一子紹虞側室出

寶制堂錄

下卷

五

也母稍稍慰甫晬餘母病矣今年春正月子以起復補官還自京師母在床褥往拜問曰某歸矣母力疾而慰勞且曰吾兒與汝友善我即不幸汝終扶持之子復曰母壽未艾也病將勿藥矣請勿慮既而日攜子魯問母疾母答慰益切教魯悲懼如平居言諸姻婭問疾踵至各慰答如響必大暨內子甘曰侍藥母歷歷以家事相囑動儉外無長語二月七日子再問母作兒啼曰吾不能起矣吾子平生交唯汝叅政惟劉正即惟二子母棄諸時子弟彥夫在問母泣呼曰劉三叔謝汝謝汝三叔彥夫行稱也母言不亂類

此越二日子再至母病草矣嗚呼痛哉子將之汴告行于必大必大泣曰孤不德不能顯吾母終身憾也茲不幸將卜吉窆吾母合先君墓先君墓于嘗書石矣吾母子知益詳墓石必得于書庸不朽吾母目尚瞑九原哉子亦泣不忍辭既蒞汴謹述母行報必大錢諸堅石樹母墓以詔來者葬之吉則某年某月某日也預書以俟必大名志高世系詳具翁墓茲可略故不書

寶制堂錄

下卷

五

明文林郎山陰縣知縣白軒孫君偕配劉孺人

合葬墓表

大尹白軒孫君嘉靖丙申年十二月初九葬西華山麓繼配孺人劉氏庚戌年十二月十三日合葬于右其子繼文繼祿請表于墓禮也予以白軒之墓習既銘矣表則辭哉繼祿予門人也致懇曰漢蔡中郎爲陳太丘作碑作廟碑作墓銘唐韓吏部爲王觀察作墓銘作神道碑公于吾考交久且篤獨不爲中郎吏部碑銘陳王二君子哉予不得辭按狀君諱瓊字維璐號白軒更號一白姓孫氏大庾人高祖智賢郡廩

寶制堂錄

下卷

墓

生曾祖義孝祖安俱不仕父全亦隱德老爲鄉飲者賓前母嚴氏母鍾氏白軒生質穎秀七歲就外傅十二讀毛詩作文有奇思郡太守試輒居首選督學憲副選入郡學弟子員十六晉廩二十改肄周易中弘治戊午科舉人已未會試已入數矣同會唐寅榜未揭而誇首內果定致十名遺諸後查始知列名第六嗣是五試春官不第遂投牒天官授浙江山陰知縣階文林郎山陰浙巖邑君下車興學勸農崇節義植貧弱旌善懲惡士民賢之歲患海決人溺死室廬飄蕩無筭君親詣相度教民造木櫬石實其中置岸側

潮湧沙積遂成堤障鮮崩壞民甚德焉隣邑有疑獄

歲久不決當道屬君讞鞠之得其情遂伏罪諸健訟

難折者賴君平反爲多巡按巡鹽清戎諸監諸臬諸

長郡貳守佐成加重注以上考三載上治行士民欲

留君終惠當道弗許比行適新監察至性暴悍供具

弗稱肆苛毒君微詞諷之觸其怒假他事讓君君義

不受讓弗然曰枉道媚人辱已希進吾弗能也遂解

印綬去諸當道惜之士民追挽不可止矣君父毅齋

性嚴厲雖小過不能容君起敬起孝順志奉養舉鄉

薦後再往試計毅齋已老私製衾棺藏于別室乃行

寶制堂錄

下卷

墓

明年毅齋果卒殮殯不遺諸弟營購母鍾氏在堂任山陰迎就養謝事歸朝夕問母起居鼎俎祠禱寒暑不失數年乃卒親治喪具務從厚多出已費諸弟姪不與焉仲弟璠季弟瑤親授經藝汲引爲郡學生女弟適鄧經具婺歲給穀粟周恤之不吝鄉人咸稱其義家食時嘗督僮僕力耕稼既謝歸創別業于五里山之原置腴田數頃廣率僕佃編畝佈種儲積益豐厚鑿池沼養魚鮮供賓宴日與封翁王梅軒劉葵齋暨諸耆舊飲酒歌樂不厭郡邑守宰非公事不見非弔喪問疾不進城內營建居室崇廣華麗足爲光裕

之謀君子韙之孺人姓劉氏省祭官天章仲女也有懿德在室恪守姆教時白軒業南雍先室陳孺人卒于家白軒求繼配媒妁氏以爲莫賢于劉媛者通言締好遂媾于孫年踰偕返家室事翁姑能盡孝養處伯叔姊姒及諸姑姨歲時往來饋款豐約稱禮初未婚待陳孺人諸子女盡母道飲食衣服咸豐厚飽煖無彼此異既生子女撫摩鞠育均平齊一與側室諸子女無先後異婚嫁奩儀金帛簪珥服飾無厚薄輕重異古之人爲繼母者雖尹伯奇閔子騫之賢孝尚不得其感而順焉而況其他乎孺人德性閒靜貞睦

寶制堂錄

下卷

五

閨閫事柔順以處無侈縱無專制同履山陰慎固尙鑰內言不出外言不入待媵妾絕無妬忌且恩惠周洽羣小感仰依戴有奉以終身不改事他人者女婦中所罕見矣白軒生於成化乙酉九月三十日卒于嘉靖壬辰五月十二日壽六十有八孺人生于成化壬寅十月十日卒于己酉五月十日壽亦六十有八生卒雖異而年壽則同可謂難矣白軒生子五人長繼文例授承事郎晚年舉耆賓娶繼皆吳氏次繼武即學弟子員娶謝氏次繼明亦即學弟子娶張氏皆先卒孺人陳氏出次繼祿起群學弟子應歲薦爲國

子生娶王氏繼劉氏孺人出次繼芳例授親藩典膳娶吳氏側室朱氏出女子二人陳出者字鍾仕述劉出者歸穆武臣亦皆先卒孫男七人希周希尹希灝希頤希夔希龍希臯孫女十一人易翠王尚文許相張希楚鄧子任劉堯臣劉燁彭紹科劉志大朱俊何文節其孫壻也魯孫四人應元應時應期應召魯孫女五人俱幼夫以白軒之狀玉池方伯作銘則予作也劉孺人狀鶴庵太守作銘則玉池作也玉池白軒門人鶴庵白軒姻家繼祿國子之妻父也予侄國子香之子堯臣乃國子之壻而國子之子希夔聘予壻

寶制堂錄

下卷

五

副千戶鄭應麟女乃玉池之孫志大則又國子之壻也三氏連姻用紀于後以見銘狀可信而百世之下有攸考云

明誥贈奉政大夫四川按察司僉事顯考合浦

訓導府君封太宜人顯妣歐氏合葬塋志

嗚呼此先考贈奉政大夫按察僉事合浦訓導梅谷府君先妣封太宜人合葬塋也府君諱某字某別稱梅谷姓劉氏世爲大庾人先高祖諱均志先曾祖諱文遠先祖諱原芳皆處士先祖母張氏長伯諱洪仲伯諱洵皆早卒府君季子也幼聰敏過人讀書史三五過遂不忘年十五入郡學爲弟子員肄周易成章雷教授喜穎秀授以毛詩三月肄終卷甚樂慰大期許天順間御史劉公叅政王端毅公歲試優以廩穀

寶制堂錄

下卷

五

稱茂材堂試輒首選不易成化乙酉御史陳公士賢監臨鄉試預試時務策府君敷答明切援古證今鑿鑿可行陳公驚歎曰俊傑哉置首選試他郡士即出策示曰此江西人物也比入貢院初試文思沛發至日夕給燭偶風急燭滅錄未畢出遂不第歲丙戌先祖棄養府君執喪如禮不敢怠甲午堂試復首選當往鄉試先祖母疾日侍藥有司速行力辭未幾先祖母果不起人皆稱曰孝子孝子服闋貢禮部進廷考吏部授以廣東廉州府合浦縣儒學訓導大夫士咸爲稱屈府君怡然語人曰吾命也分也昔人謂二郎

必做殆然邪吾望足矣府君性純孝事先祖曲盡敬養飲食起居竭志承順溫顏婉詞必歡悅乃安先祖母性至嚴雖季子極鍾愛家庭恒厲色厲言未嘗假借府君事益孝誠不敢少懈服先祖祖母喪過悲感執衰杖至禪乃擇塋祭咸以朱子家禮弗越訓合浦不鄙夷其士勵以德行長者授經史幼者親爲句讀不倦士皆化服諸生始有舉鄉試者論教歸功焉處賓僚事郡守佐謙恭有禮不爲諂郡守重才識每舉攝邑篆辭益決愈敬服平居自奉甚薄食無兼味衣服惟布帛裘葛無華靡待人率誠寔有急周之有

寶制堂錄

下卷

五

謀忠以報之不欺長幼卑尊各得其情無不感慕爲人師端方嚴峻誘掖汲引喻以道義諸生至今語有泣下者歲丁未秋七月疾冬十二月望幾愈又二日早食後坐寢榻忽呼伯兄曰異四更否諸孤始驚問不答進藥不納號泣請遺訓不言伯兄再三泣請曰二幼弟命孰爲秀才父乃曰劉節是夜四鼓果卒卒後三十四年爲正德庚辰始得請贈爲奉政大夫四川按察司僉事嗚呼痛哉先妣太宜人出歐氏外高祖諱某外曾祖諱某外祖諱仁貴亦處士外祖母何氏先妣性柔慧貞靜不類凡女始笄歸府君盡婦道

事先祖先母能極誠孝先祖不諱時府君爲學諸
伯兄年始十二先妣教以督耕語曰母以家事累
汝父學業治生益勤儉有儲蓄婚伯兄嫁二女兄儀
皆充裕喪先祖先母塋祭盡豐腆資費出先妣力
居多府君教合浦偕往每以祿薄自計親慕沽酒直
爲助府君不祿攜諸孤扶觀歸塋如禮遣孤節暨甫
就外傳至脫簪珥爲束脩不吝稱未亡人者三十餘
年閨閫斬肅手續麻桌備奩儀遣二幼女兄與長無
異時人稱難節叨通朝籍迎養京師比謫宿松道江
值風大作舟幾覆先妣神色不動既抵岸曰媼無失

寶制堂錄

下卷

五

德兒居官不敢無狀吾固知無虞也轉廣得仍就養
日惟訓節勤慎廉恕毋變其初速官謗節謹奉教再
轉四川雲南道險遠不復往節以僉事請封司封部
疏上得旨封爲太宜人節自雲南改廣西取道過省
數月先妣遣行再三曰君命在躬毋以我故違也第
速往相見有期久住反勞我念矣節不獲辭乃往移
俸歸養去歲壬午秋試畢請謝事終養當道泥故格
不許今年春二月假入考求解任乃歸抵家先妣喜
曰渴思吾兒一見足矣閏四月十三日微有疾十八
日頗篤次日即愈歷歷道平生事訓諸孤及諸婦皆

理道語五月一日疾忽亟進藥弗瘳二日曉就枕奄
然逝諸孤號泣不復矣嗚呼痛哉府君生正統戊午
年十一月三日壽五十先妣同是年六月七日生壽
八十有六生子三長伯兄巽不仕先二十九年卒次
節叨舉鄉試第一成進士歷主事知縣知州提學僉
事兵備副使仍改提學今爲左叅政季弟甫未仕女
四長火姑歸蕭貴顯次閨娘適張授再適何景顯皆
先十餘年卒次三姑適彭權次四姑適周文訓再適
彭仲富巽娶鍾氏思泰女節娶周氏文顯女生長子
魯郡學生娶許氏隱士金女生女壽姑字王懷知府

寶制堂錄

下卷

六

鑾孫仲子音聘張氏叅議九達女女桐姑字蔣曰霽
按察副使誠曾孫繼娶鍾氏克琇女尹氏珍女甫娶
黃氏秉中女生子香郡學生娶彭氏通判瑩女女雪
姑適易恒同知忠姪毛姑適何統三尚幼府君先塋
五里山卜弗協吉乃告遷與先妣同塋浮江上坪田
嗚呼孤節不肖不文謹述狀略誌於壙廼若表于墓
碑于神道傳于家乘敢俟于立言君子庸垂不朽
嘉靖二年癸未十月庚申不肖孤節泣血誌

刑部郎中邑人劉寅填諱

梅國公自贊

爾文弗優胡爲乎元魁刻錄爾政弗達胡爲乎冒濫
尹牧爾道弗聞胡爲乎視學兩藩爾才弗博胡爲乎
承流三省旬宣爾德弗周胡爲乎撫綏齊魯畿甸爾
弗知兵胡爲乎備戎南檄爾弗明刑胡爲乎佐憲西
臺所幸免者謫居蒞任歷所履而無曠職通都僻地
隨所至而無他虞紆朱佩金雍容溫謹年甫五十有
八而投箸拂袖年躋七十有三而力學明農少稱梅
國主人長稱雪臺迂史老則稱爲涵虛翁也

寶制堂錄

下卷

六

寶制堂錄二卷

江西巡撫
採進本

明劉節撰是集乃官副都御史時其子魯掇拾雜
稿而成前有林庭棊呂柟方豪三序皆題曰寶制
堂私錄以明非節所自編此本標題乃皆作寶制
堂錄蓋其曾孫一翼等重刻所改也然節之著作
備於梅國集中此未全之本也

石川瀛洲遺集一卷文稿一

卷芝田遺集一卷芝田稿

文一卷附金陵稿一卷

〔明〕殷雲霄撰

上海圖書館藏明嘉靖十年胡用信刻
本

附《四庫全書總目·石川集四

卷附集一卷》提要


北平圖書館藏石川集五卷是嘉靖己酉南元王廷選輯本
首有王序後附錄舊鈔撰著名諸文徐冠方家五律判中
末選方家忠祭文

卷一五古古六十七首 卷二五古古廿八首 五古古廿一首 五古古
律一首 卷三三五古律五十一首 五古律五首 六古律一首 七
古律一首 卷四序十三篇 破二篇 記一篇 卷五傳三篇
雜著一篇 詩一篇 楚辭一篇 諸八篇 祭文九篇
王序云殷訪向有瀛洲芝田之書今祐石川稿云即此本也

此書遠在氏舊藏 而今得於此乎



刻石川集叙



子殷子于世三十有七載爾厥出則莫厥寤則僻厥浸則蚤交將上下不盡時髦德行文章未洽廣遠茲歷其往十有六年能談石川子者斯喜戚并焉率友之而服焉者

刻石川集叙

也不則躬得諸友之而服焉者之口猶已見也述士晚儒與言石川漠然不知爲何如人愚用是憫憫焉惴惴焉謂夫子所宜壽者不忍得之再天也亟欲表其制作以見其蘊若履者顧遠邇未能肩罪將

刻石川集叙

奚辭今年夏余邑侯餘姚胡子用信以所梓石川瀛洲芝田二稿見示無命叙其首簡余喜且媿報之曰茲固門弟子之責以遺宰者憂柰何又曰發潛德垂表訓宰之大誼也夫先生之所制作奚啻倍是辛未燹于任城迄今未能蒐摭四方及門之士倘有隨錄而珍藏之者幸相與哀而續之他日苟有所成就將曰緣侯之誼之鼓之也嘉靖十年歲辛卯孟冬一日門人陳守愚拜手識

石川清洲遺集

國朝詩集

卷之三

于戶部約游虎丘記

許野岸頭多客船姑蘇城外水連天泊舟兩日未能
去虎丘山上有名泉

涼歌隔岸曉雲低客夢蕭蕭意轉迷歲莫江南魂易

斷姑蘇夢畔子規啼

浙折北風吹古河客愁無奈故人何相逢不盡登臨
興歲莫寒芳沒幾多

虎丘寺

落日青山外浮雲滄海邊江山皆勝跡樓閣自人天

石川詩集

乙

碧草生公塔丹崖陸羽泉平生獨往志欲老翠微顛

又

許野舟中曰未曉虎丘山下雨紛紛前溪僧汲半江
水高閣客眠千頃雲湖山搖落風霜外鄉國蕭條虎
豹群羈宦登臨聊復爾不堪行役更思君

舟過吳江寄方思道

宦游安能住明發曉霜侵月沒寒江遠山昏細雨陰
中原群盜恨南國美人回首崑山近蒼茫烟水濛

歲莫

逐上歸何日飄上愧此身高談多白馬隨地有紅巾

蘭揖思公子江波泣遠人宦游欲歲莫愁見柳條新

靖江次方思道韻

層波孤湧地四際共浮天海霧常飛雨江潮自入田
舟播通百鳥近群仙巧捷生幽恨沉冥得靜便

送劉戶部

遠帆凌海嶠別酒落江霞看雲迷道路泊月詠燕霞
虎豹龜蒙地風濤馬馱沙今朝詎離恨歸思遶天涯

又

三月寒如此海濱春到遲無因芳草別況是落花時
南國征徭急中原鼓角悲歸

石川詩集

二

朝應有待無復計安危

魏丞蓮花開

列館招遠風疏渠引江水朱華冒清蓮靜色媚芳芷
宓妃羈生塵靈均泥下滓曰余勞簿領暫此協芳醴
觀物心自怡感時情靡已處煩常希寂居安故難恃
河洛劇虎狼荆棘暗乘梓推遷何寧期委順資神理

無題

江水蒼茫四望同東臨滄海更無窮波濤時漲千峯
雪雲霧遙隨萬里風欲約赤松游汗漫先煩青鳥問
空濛方山弱水無多事付與人間葉轉蓬

明月清風共素親傷心應事皆難言芳韻數化吾何
取世路多岐夢亦迷珠樹鳥歸雲漢上桃源人去草
華上排山昨夜東風起碧海狂波未肯西

昨日花開今日風鳴猶未見來鴻休憐金屋傷春
早試問銀河有路通猶似空江思帝子浴蘭何處
雲中宵冥冥未必知幽恨空與誰堪挂樹叢

月照高樓起莫愁東風遲恨未蘭舟楚雲終日空疑
夢秦鳳何年共遠將新燕嘆風牽暮帶飛花衝雨上
簾鉤兒鮎淚竹終塵土瓊佩椒帷自阻脩

聞山東賊退

石川詩案

三

為邑江海內臥病簿領餘六旬不能食暮年空自踈
長卿舊多病原憲久索居細余適有合言愧迂與愚
世路有捷徑長途豈駘駘驚採擷固慕已折腰安所如
風塵正傾瀉北望增長吁有客故鄉來平安報吾廬
盜賊今幸息親友多無虞聞之動歸興晨起膏五車
製彼芙蓉裳之蘭葉馨高招遠風臨流翫游魚
存道物可輕去累情自得且從性所歡功名焉可圖

狼山高

狼山高海茫上發窮處奔匪余戕海風吹浪千丈強
破其巢穴泣且僵萬艘旌矛如堵墻雷轟電掣環其

列炬焚山山鬼藏赤手縛鯨虯虎狼斷腰曳首發
大江槍櫓夜隨山之陽洗兵海水聲清光三吳
聖世昌歸老維民耕桑武庫武庫者良侯

九日得繼之書

病起重陽花正開小齋獨酌當登臺吳中此日
鯉江上何時共一杯萬里長風吹落木孤雲斜日
秋蒼百年懷抱憑誰盡滄海新收鼓角哀

次繼之戶部九日見示二詩

病起杖藜時極目何處人間千仞岡滿天風雨木

四

落萬里烟波江渺茫光逢佳節菊盈把不見美人天
一方南北干戈尚未息獨吟安能寬我腸

自愧理人無異於經年牢落向南州看花易得芳時
恨繫餘歡忘壯士憂海上風雲迷遠望江中蘭若隨

長流去燕來鴻不須問一丘一壑真可求

答繼之九日次韵見示

欲歸不歸空歲暮淹留直為李西堂白頭老矣逢秋
鴈黃菊蕭然漫酒杯草閣龍吟江上雨蘭畦花沒徑
中苔暑夏抱相如病作賦難窮便信哀

鄉戀雙挽卷

高人能立已濟物復因時立

朝危言行救民先仁慈五原真神山陽識退之京
兆思何武魯山高紫芝握奸良不畏謫宦寧肯携物
定理則復功成名亦隨而况夫人賢內不顧其私厚
德多衍慶高才有遺施善中丞公繼述名益馳上
以昭其道下以竟所為

泊許市

客衣裹上江風寒三日來泊許野間壺觴屢携鄭戶
部書札不見方崑山晚雲暗道遠客去夜雨鳴舫孤
燈閒康樂癡詩尚行役少陵夢寐空鄉關

歲莫

更退烏啼縣事稀南山坐對雲依上水生幽壑群龍
森雪覆空江獨鶴飛芳草向人已解棠梅花何意猶
芬非故園松菊為誰好歲莫山中人未歸

日莫

閒居潘岳苦職司多病茂陵空支離身不歸去欲誰
與邑有流亡翻自嗤山中宿養鳥雀怨聲啼梅花水
雪知寒江日莫幾人遠極目高原有所思

江陰道中

喬嶺雪隱石曲岸風薄木歲莫厭脩途歸急驅王舳

弄波江上潮昏林日沉谷疎梅照前浦鮑馬啼達陸理愜心不遠
感添景仍觸勞悲莫莫訊真獨良亦是萬物滋情嘆狂飲誰為

宿江陰得大初書

侵晨發昆陵薄暮及江陰積雪明高原歸鳥喧南林紙舟風雨夕
大江雲霧深遙越鄉感脉上遊子心笑人隔江浦能語安可尋
情至物有合離折領瑤音愛骨故自占某群悲獨今一第荷唐

渡江

大江雨雪霽波濤生遠風帆帶昆陵雨推闢馬夷宮清歌綠雲上
奔逐駭魚龍冥然無端倪六幕烟霞空一鳥忽來舉浩漫其與同
萬流西南來頓然遠徂東東近千里目海霧何生濛不見蓬萊山

石川詩集

重玉

為知海岳翁乘桴嗟孔聖約教想任公道全俗可遺神性物匪豐
終當遺凡蛻無復悲轉蓬

春日次太初韵

狂風吹江上動天三日雨聲無渡船梅老疎吟惱春事南江北江
楊柳烟

一夜潮聲屋角西曉看春色草裏佳擢芳洲興不淺江離出水
一枝薺

折梅贈太初

折梅贈太初花神憐日莫修然誰與期斜月江城路

遠樹

遠望江後雨疎廊吏役倚水天飛白鳥

三絕句

晴風沙磧飛江鳥落日春濤動湧雲千里孤懷空自遠三年群盜不堪聞

今日天暖聞鶯聲桃花杏花相逐生走向芳洲覓紅

若白鷗蒼鷺雙眼明

初春三光亦不惡鳴雁浮鷗可奈何不須惆悵憐芳

草梅花落去已無多

試諸生寄太初

江暖魚龍戲風和蘭蕙芳雲深失去鳥沙淨跡新隼

多病讀書懶諸生較閑忙輸君鶯花裏隨意倒金觴

歸帆

大江混江西日微波喧四圍蒼雲飛芳洲白鷗啼

苦鴛鴦漫逐鷓鴣啼江上行客空復春南北傾洞昏

風塵向人簿書不肯去生徒佔畢非我真山風簌

吹寒燈出門海氣天真征雁哀鳴求其侶腸斷歸

帆不忍聽

送酒太初

一尊聊送解餘醒畔梅花芳鳥鳴風雨江城春夢

遠不須惆悵杜鵑聲

太初惠古墨

太白山人或長庚一杖雙履踏八溟翩然顧我東海

上袖中獨持蒼龍精手蛇神物八千春贈子知非風

塵人畜之玄海蓋寒縱恍惚風雨昏烟雲空江晏坐

龍其舞海苔山精泣且俯明朝太白來共看霹靂

夜芳春浦

太初病酒以詩嘲之且招游孤山

知君非病酒或者是詩魔清歌狂不了梅老可奈何

近太初詩多日海而發春風吹薜荔晴日睡雷鼉君

能復飲不攜酒上差我

石川詩集

招太初

梅花弄玉千玉英道人宴坐雙眼明能以濁醪呼狂

客不將芳草愁新晴薛荔山中為誰好蛟龍海畔空

自鳴白蘋未生蒼苔雲遠回首山川非故情

餐梅

退食縣齋靜微雨亦復晴開尊梅花下設杯泛其英

殘益自墮地更覺春草生重雲生夕暝江城鴻雁鳴

元坐不忍去暫此息營簿書非我事鞭笞非我情

抱琴未歸去幽懷徒自盈

問太初

日晴江岸鳥爭啼青滿林端風尚勁花落空庭鶴獨
眠驪仙來問維摩病

惜梅

鳴雨既過漸微細江風颯颯吹客衣晴雲雨雲自紛
錯山禽水禽相逐啼三年群盜衰疾甚十日歸帆音
書稀丹旌夜夢往樹發清尊坐惜梅花飛

蓬萊宮

江風吹雨夜雲空眾星爭泊天西東狂龍歌舞晚潮
外芳草歷亂新晴中臣情頗似勾漏令生涯欲問浮
丘翁葺益尚餘柴桑舍故人空憶蓬萊宮

石川詩案

聞太初出遊

江風散微雨重峯生遙碧林端浮新青梅逢見殘白
地僻淨公簡吏散庭宇寂烟水澹孤城齋閣坐成夕
忽念同懷人清光隔咫尺溪舟時載酒野步或携策
靜躁心詎異寢歌聊自釋

漫興

二月澄江春水深北孤山頭雲陰北孤山頭重覆
雨我欲渡江愁我心
揚子江頭春可憐桃李花發揚柳邊江畔尋花被春
惱蘭畦慘淡含風烟

竹蕭蕭鳴夜風天鷄野岸啼青楓芳洲波浪細可
黃鸝笑殺白鳬翁

江上花開春已繁西薄領空自昏翻然大叫走赤
脚一日看山到海門

采薇伯達豺虎跡牽若愁聽蛟龍吟一夜春風那可
問溪頭流水落花深

贈太初石川巾

昔予獨釣東流津赤脚踏石頭冠雲亂髮垂耳不受
京時三畏頭石川巾四角岳不肯折方峯高補双
纓袈裟冠章甫從折腰碧海客波自淪雪太白山人

石川詩案

西南來風神虛朗無塵埃翩然相贈真不忝山精海
若驚崔嵬幾年疲爾勞風塵盡綬銅章愧此身他時
顧我日觀上被髮與子騎麒麟

飲張薄宅

今日江暖天無風桃李花發烟水中痛飲狂歌聊復
爾梅花零落歎飄蓬

飛雁啼鶯向晚聞江空烟淨酒微醺不須遠望憐芳
草更與高歌落海雲

夜作太白山人傳

三更醉成太白文山鬼海精來撼閭闔之波諱風雲

舌吐賤僊號且奔隱几夢余千乘屯駕以八龍從
九鯤縱觀玄圃歷崑崙上凌倒景叱天閭下闢溟嶽
列五嶽江城鳴鷄驚曉寢靈臺眺海嶠余軒侍童持
指歸墨痕

梅夢

曉雨蕭蕭風淅淅梅花落地如白雪又如瑤草碎玉
竹溪翻石曰晞瓊屑幽興他時與誰期悲心今日覺
獨切巫陽卜筮空大招玉妃風神忽遠別既嗔虫蟻
竊芳華復慘泥沙汚素潔且緩魯縞茵重鋪殘蕊飛
英時自擬濯以甘露薦冰盤食之朝腹充流霞申椒

小石川詩集

十一

蘭桂夫芳馨沈瀝飛泉浸清冽十日不饑麋穢除五
肉保和神明徹清夜夢化梅花精縞衣跳入先天穴
手探一元含物象時出千卉從品列陽關陰關自先
機天心子半非空說石堦鐵龍覺處蟠草徑烟溪香
未歇出門桃李爭春風杖藜遶樹泣垂血

今備詩三章為太初賦

渚溟既決濟山木亦飛翻龍吟揚其波群鳥一何喧
晝然發孤響寥寥聲皆吞

朝為梁父吟莫作孫登嘯龍臥隱神奇鶴鳴眷高蹈
孤杖五岳游獨繭八溟釣獨往愜幽貞誰屑悲殊肖

體化俗可遺棄運物莫科志存經綸道全適要妙
迴迴千古心脾晚未代請收裁任中寫聊爾成音調

又

吾觀豪傑士逸氣排乾坤孤貞滋情感慷慨道安存
觀世無固節洗心有化源嘯歌聊復爾非君誰與言

雪贈太初卷

我贈奇文太白精牢籠天地驅百靈靈騰光怪凌青
冥日與靈曜爭光晶狂龍不敢鳴縮頭搦翼數與鵬
太白收束入絨膝小艇棹江東南征吾愁豪縱故態
見水化為神物入東溟又恐天帝聞之下取勅六丁

小石川詩集

十一

太白山人胡可任其悲陵執其要而嚴其閑時乃具
意吾知異物人間不久停文兮文兮且俯看其余聽
更待八千年後忘汝形當與太白山人白日游天庭
贈關中雷舉人

初余東溟裏咲語落花繁離析復此日惆悵其何言
烽火明秦塞波濤動海門崑崙西萬里從子問河源

小桃源

海嶽吹雨風濤壯山鬼被蘿石徑幽寂寞江天雲發
裏浩歌今日為誰留

久不作詩思太初

太初去三月我舌輒復花鳥悲風雨幽獨傷吟
少年困詞章中歲窮道源所以不能至正未絕利原
分章東海上亦復遠賢煩簿書時云暇宴坐窮朝
太初西南米然暑寒溫握手孤山顛兀傾壺尊
醉中高興發奇句翻海門群龍為余舞大鵬為余
太初曰休哉是非余所敦仙人海上來為余屯其軒
三人坐盤石默然無一言亭二海收波寂山明
仙舟遊東越神駕歷崑崙居然增愁思坐對落花繁

石川文集

送陳教諭序

環靖江皆大江海城舊民多望海作樂弗意輒
爭訟踰歲月去亦鮮務以學名故士君子及商賈
不至其地殷子始來鮮可與晤語則喜得晉江陳
君君方陞廣東海豐教諭殷子以爲抑君復爲殷
子留月餘去以言屬殷子殷子曰吾聞南方山海
極奇秘多丹砂空碧疏黃諸奇靈產鍾成藥物可
餌得久視余林臥久久無仕宦情近

朝廷記憶授此官來懷病荷不堪事無少利息民俾

朝廷毫末事行且引去當訪君探極奇秘倘獲前所

三

聞願棄塵埃事振衣高歌于烟雲寥廓之表矣君
其無忘我言或曰陽德之鍾全于人不全于物其
伏顯也惟人也然茲當有畸人久伏而不出者殷
子未之知也則書以與陳君

祭社稷文

惟國之用以穀爲先惟民之生以食爲天惟田之
產其出源惟正之供下上其便供之始闢倉
整壁惟德罔極惟社惟稷惟詞之牲體是飾惟
神之顧永佑無斁

勸農文

當職久病暇息田畝數年近

朝廷記憶授此官來實疎庸疲爾不堪事俱無惠利

及民上負

朝廷愛養斯民意茲迎春東郊闔吾邑父老子弟咸來觀因以告諭吾民夫民以食為生食以農為本其獲也必盛所以培之者其成也必去所以害之者相其土宜董其田壤利其器用時其耕耨慎其灌漑勤其力役茲猶培其末父子有親兄弟有敬夫婦有正子弟有學親戚有恩鄉閭有禮徵役有

石川文集

四

供法憲有畏則無怨於內外無怨於上下自可以盡力於農茲乃培之大疎以害其全緩以害其時惰以害其成昧以害其宜茲猶其小者昧禮義則害德寡恩愛則害家犯刑憲則害身競貨利則害義耽黷繇則害性縱侈費則害財逐爭訟則害業崇佛老則害正有壹於此皆害之入若安養之無道教導之無方禁奸之不密聽訟之不明徵賦之無名力役之不時俾速戾于吾民以害乎農則我有司者之責茲當日夜警戒求無愧于吾民無負于

朝廷吾民其亦體此意毋忽

上李太守脩城書

雲霄偕有申懇上塵台聽察惟明公按治是邦治化一新凡在治教下孰不思奮勵以求無負於明公之心雲霄獨大幸忝為屬吏輒先受知恕其鞭笞任之以事雲霄雖極陋無知安敢不盡心力勉為以少裨我明公全美萬一雲霄聞之獲乎上而不言非知也受其事而不謀非仁也言之不切謀之不審非忠也夫速為苟就者時成而易敗慮周謀審者功全而可久謹以脩城事宜開具伏惟明

石川文集

十五

公進退而可否之

壹先訪取縣佐二能而不貪者官一員專令管收谷縣大戶買到磚灰領付與管工官支用收其人若干支與其人若干俱湏造冊照查仍處置四城頃放地場蓋人有所專統則易集而不怠地有所專置則易守而不失使各管工官自收自用固為簡便恐與本管大戶通賄暗減其料實難照查嚴明之下宜無不用其情防奸之密不得不然一須遣官催促各縣大戶急辦磚灰上納庶用

之有繼為之易成

一使各縣大戶自辦物料自行脩造誠為簡便但恐大戶減用物料取急目前雖使明察者監之未必一一能究其弊況未必皆明察者參其間蓋立法之不審或并其意而壞之則今日之脩理亦徒勞費而不可久雲霄竊議用各大戶買辦物料出辦人役如舊議每名大戶派與幾丈今除先用舊磚外精算此工合用磚灰多少命其磚石具數納與各管收官人後具名交與管工官隨其調用支取亦

無不宜

一須先記傾頹幾處某處傾若干丈大每處編定字號鐫一如碑小石置城垣中置立旗一付上書某處字號每匠分脩丈尺若干每匠名下供役夫幾名每幾匠用一老人監之每幾老人用一義民監之每幾義民用一分理官監之仍造冊照編定字號開具官匠老人義民夫役姓名使時稽督其勤惰後查驗其疎密

一碑恐難得一律大磚蓋緣未嘗早辦時必欲

行之恐遲誤而不能成功即今雖小磚亦可出但不可大小耳其所納磚止以斤論不以數論如一人磚有數律先取一律數其數目內取一磚稱其輕重却總括之共若干斤復取一律者亦用此法用冊隨記待事終照所領銀多寡與舊算則磚雖有大小致將無以施其計

一非嚴無以成務非仁無以御衆今須每城置立金鼓各一付聽金則赴工聽鼓則食飲人得飽食則雖勞不怨雖久不惰

一卑職所議私者病其公庸者病其變未必無謗毀予問惟明公昭察之使得畢其心力以無負我明公為

國為民之盛心至於謀之不審處之無道則罪責所不敢逃

祭壽文

惟師有壽如標如軸作中能遠將機士目茲始閱武寶建以律式昭祀事牢醴其肅御永保靖民惟茲之祝

祈晴文

聞之邑人二麥顆粒堅好十餘年來吾邑未有
且獲矣逢茲恒雨茲若弗止麥穗盈溢雖獲胡獲
夫

神於田既植生之又膏澤之民於田久勤其力時俟
其哺守土者於田上以供賦記下以安民庶今則
舉而敵之神若為徒勤民茲為徒勞守土者亦所
何望夫天普於育物必不忍害其已成之禾急於
仁民必不忍害其久勞之業無亦守土者不良于
政不仁于身乃獲致之茲宜降罰其身不宜移於
民也謹告

石川文集

上

謝晴文

麥將爛而神與之成也民就飢而神與之食也吏
有罪而神不之罰且從其請也茲敢不有報也

祈雨文

靖江田事惟雨及潮無他陂塘以蓄以澆茲久不
雨潮亦云消上暴下燥苗不可朝長更有罪罰不
可逃民實無辜尚恤其勞賜之雨澤以活其苗匪
苗之祈民命之微惟時惟急尚冀無違

成毀

殷子曰成也者毀也毀也者成也毀而後成非成

則無所毀分迹之因不可窮也匪迹也者無成無
毀也匪迹也者成不暇于成毀之而無所毀矣故
君子不論其迹也天之生物如草木焉毀其處而
後生毀其華而後實三代迭相成毀也漢之成也
其毀也秦唐之成也其毀也隋無擇下隨毀其身
以成名是天人之迹也其始也成也其始之成毀
也其終也成也毀也豈可勝道哉世之人惟其迹
焉者吾惑焉其成也樂其毀也悲迹之於身外也
而悲樂隨之其毀也大矣是故君子有性存焉世
之人悲樂於身之成毀其於人未必然也自其性

石川文集

十九

者而觀之皆外也病人以利己謂之不仁舍小以
圖大謂之不義其成也毀也況成與毀未可必也
未成而憂其弗成成而憂其毀弗成與毀可知也
將不勝其憂矣堯舜之貴伊呂之行君子不謂之
成孔子之窮顏子之夭君子不謂之毀彼于性無
加損也吾嘗默觀夫天地上下千百世未嘗不數
夫萬物之勞于成毀也然有不易者存焉噫茲可
以觀性矣

鄉園風水雙挽詩序

或曰中丞俞公治三吳水利事民以不饒豈非仁

哉齊趙梁陳諸自楚入吳公奉命旬日討平之又
何其能也或曰道有不可已之情弊于道者移手
事公於先太守公及太夫人沒而致其思法而悲
其藏君子是以有鄉邑風木之挽歌愛能專其初
義能兼乎時孟子曰大孝終身慕父母或曰事倚
于謀有時而清務出于性無往弗成是故利民之
仁孝之節也平亂之功孝之貞也居安其為言悲
其情孝之感也殷雲霄曰余為公屬吏知公之事
公命作鄉邑挽詩序知公之心又曰心存天下之
精性原天下之動愛始天下之端道合天下之感

宋川文集

廿

贈魏君序

往者寇弗靖于江陰道集邑舟師討之率以邑丞
簿吾邑吾以為屬焉魏君丞則語之曰安居其榮危
遠其艱者非人君其無畏于行又曰寇久于師今
且窮吾此行民皆新集愧吾未能止君其無急于
功而病乎民未幾師至銅鈴歸君挾所獲且全以
舟師還吾殷子曰討賊者義全師者仁仁義之道
豈不遠哉師中一事耳君少試之輒驗仁義之道
無枉弗利其可誣也

清江縣記李公禦寇事

閏月辛卯寇次徐山癸巳太守李入至江陰靖江
民來告其令曰江陰得李公可無害吾邑其何恃
吾且逃令諭之曰李公仁是以得衆威足以懾遠
寇其敢舍江陰來其無恐既而寇果不來秋七月
寇復自楚來民復來曰日以李公寇不來今李公
不來寇其來吾且逃令曰李公急于民者其何不
來其無恐是日李公至江陰寇過靖江不為害民
復來曰李公活吾民民何以報令曰汝知李公活
汝于江陰不知其活汝于靖江為多日寇且至義
勇之感激甲兵之整飾要害之伏密皆李公先事

宋川文集

十一

之教吾令得奉行之茲汝未必知皆曰然曰汝知
李公活汝于兵不知其活汝于政為尤多自李公
為常州吾邑其有苦于奸橫于徵繁于役枉于獄
者乎抑亦有饒于途淫于行暴于鄉者乎皆曰無
有曰茲皆李公之政吾令尚愧奉行之未盡茲汝
亦未必知皆曰然曰李公政之善于汝久且多汝
尚未及知一活汝于兵則思以為報茲豈李公之
心哉李公之心欲吾民皆良于行而無艱于食汝
其歸父詔其子免率其弟俾無遺力于田無遺行
于家以為李公報其可於是退而朝夕記曰吾願

吾李公子若孫皆若吾李公則復來曰吾固知吾
無以報李公心則不可忘吾儕身親其政尚未及
知况吾子孫吾今習于文願記其事傳示吾子子
孫俾永無忘吾李公以為報其何如今曰然

江舫記

環靖江皆江匪舟不可他往他往必先涉天江水
之行于地者江取巨舟宜于江將無不可往般子
作舟濟于江遇漁者則問之曰余以巨舟濟尚畏
于江今子奈何哉獨以非濟之舟日泛洪濤哉漁
者笑曰子邑東即大海之大不知其幾千萬倍

石川文集卷三

廿二

于江海之舟亦不知其幾倍于子之舟皆不足以
言大彼乘氣機而游六合之表者將不假于物子
知之乎且吾累于口腹故日離于風濤然亦取足
于漁今子獨何為哉形勞于務神弊于謀事求其
利職慮其虞其離于風濤也不知其幾倍于吾而
顧以危吾且子之邑匪舟也民耕桑而足以無求
于世今則利爭而情日滋海外奇巧浮靡之物日
溢于天下窮民之欲而疲其力亦惟舟今子復作
舟以自侈吾聞子于邑脩法政而民日稱治子之
業蓋止是焉而已矣吾將有告于子舟浮物也

地與吾身皆浮物也物之浮也豈足恃哉安危之
機惟其持之者耳天地之道持之者不變故不壞
余愛其言可以警余將復有問焉則引其辭而書

歸榮錄序

大中丞三山王公辭

天子得歸其鄉

天子錫之書諸公贈之言繼之戶部集為歸榮錄使
其友石川殷雲膏為之序曰予讀歸榮錄見

國家待士之政焉見君子持身之則焉不違其情而
與之者謂之誠不遺其去而禮之者謂之厚因其

石川文集卷三

廿三

賢而異其任厚其歸者謂之公此三德者政之大
也故周其任之謂忠不專其有之謂廉進退適其
可之謂義此三善者行之昭也政之大者可以同
俗行之昭者可以風物凡今君子宜無不以禮報
其上而不輕以道持其身而不苟夫以禮報其上
則

天子之榮不專于中丞以道持其身則中丞之榮不
獨得於

天子則是錄也天下之榮也大臣進有益于天下國
家退有益于天下國家于焉事天下之榮焉道之

公也曰余序端緒錄見君子之榮榮乎道

靖江志序

天下之城宇官職丁賦學校兵戎食貨土疆名士為天下者不可不知郡邑之城宇官職丁賦學校兵戎食貨土疆名士為郡邑者不可不知天下城宇之沿革官職之良戾丁賦之益損學校之起廢食貨之膏腴兵戎之變襲土疆之險易名士之升沉惟乎郡邑知之郡邑之城宇官職丁賦學校兵戎食貨土疆名士無志無可徵者周人小史外史之制今已無可徵後世莫善于漢班固氏書志班

固氏書志

固氏書志

固氏書志二夫城宇官職丁賦學校兵戎食貨土疆城宇官職丁賦學校兵戎食貨土疆之人之事備于傳今之志皆有之殷子曰余來為靖江縣愧多病無可及民行且引去則為靖江縣志俾後欲知夫邑之城宇官職丁賦學校兵戎食貨土疆名士者庶其有徵也

書凌生許生學皆先學處貧賤患難文卷呈李侍御

處貧賤患難之道有三曰明氣機曰定化原曰盡人謀天地之道至精者理至雜者氣惟雜也故治

無不有勢而出流而殊益紛然不齊矣人則隨所值而受之以為富貴康寧者或患難之分出之者惟化受之者匪獨化之者自化天固不能一亦不能移匪獨也者匪我能與也是故化之疑無所逃分之定不能移人之道生而理具于形形而氣留其感三者無定主者惟一專其精物不能嬰一其志不囿于氣彼無與于己者欲之而不可遂推之而不可去故任其去留而不以入其中貴之弗能榮窮之弗能辱可以死可以生而無變于已故曰榮辱者物之觀死生者事之因悲樂者情之任靜

固氏書志

固氏書志

一者心之恒無不是者性之至執而恒之存乎性神而明之者主乎心變而通之者因乎事惟木石也則無所通古之人當貧賤有躬耕而不勞抱關而不仕者處患難有為奴而不辱微服而不難者變而不失其正乃謂之盡盡其道而猶不免焉則命之窮也順其命而無強焉者亦謂之盡意非知足以窮天人之正道是以定內外之分材是以因事物之變其孰能與于斯二生之論皆不及此故略言之

鳳陽記

龍門東壁迤溪橋山六七里為鳳陽山山麓水
益繁先臥雲公樂其地而日游之坐忘峰臨石溪
意之所到擊節為歌三曰瞻彼白雲渺何之矣緒
風坎三蕙之微矣匪桂樹之偃蹇兮吾將與歸矣
聲畫映出山谷林樾間時人莫測也久之將廬以
老而公且病語善夫曰吾且死死必葬我于鳳陽
西上原未幾夫人亦棄不肖孤去善夫則坎其
中而合焉嗚呼悲夫子其記之以無忘公之志鄭
羊氏之書云爾殷雲霄曰詩云泌之洋洋三可以
樂飢彼若無與于世顧獨有取于山水之間以為

樂舍是其亦無以樂耶及觀公之詩而後無疑于
詩也彼其真有所取哉語曰畜章者氣之機翕闔
者道之門况以公之深歲早歸而既寓于茲山也

卧雲處士贊

彼趨而迷知也惟獨彼遺我得其往弗卜山水市
朝於我者孰山耶水耶於我而是立萬物表斯人
可從美豈難與游事焉

硯銘夢中作

其接弗拒弗納于懷因物致用動弗與隨

繡嶺六咏序

殷雲霄曰性命之真具于物矣感之合而好尚生焉
焉出于情矣為生于物我之交昭乎事矣是故辨
重輕者因乎分定大本者體乎物御萬化者從乎
性命得其理而安之之謂樂合而不隨為之不執
之謂幾取眾之遺而違其迷之謂獨宰于己以通
萬物之情之謂備尊一己而不為國役萬物而不
為勞審群用而不為察之謂得二泉公繡嶺六咏
具是道也夫曰松壇言其息也竹逕言其清也杏
庭言其思也茶園言養其息也遜名泉謝事石言
其德也

太白山人傳

孫一元字太初關中人年十三誦古六經文不為
舉子章句日闔戶獨居一室家人亦罕窺其為十
八則入終南山繼入太白山嚼草木居息大石崖
下時有所得赤脚散髮走山最高峰持石松根扣
巨奇石為歌歌曰食蘭桂兮薜荔衣臥虎豹之從
蛭蟻吟兮雲兮胡不歸又歌曰悲萬役兮焉終乘
元氣兮游無窮聯歸來兮山中自號太白山人云
一元日默坐觀天地之化萬物之原友于心自吾
心而古之不一以為得世俗物一無可好尚獨喜

為詩一喜盛唐人音節凡感僕思作可喜可愕可
悲可嘆一以寓之發之以豪縱恣肆時出入畦徑
曰吾舍此益與世絕或勸其仕或探其學輒撫掌
大笑不為聞久之東入華南浮湘漢登衡祝融峯
返嵩山渡汴謁閔里思孔子遺風依三不忍去遂
上岱宗日觀峯觀夜半日出滄海中發狂大叫自
以為奇偉復南徑吳入越探會稽禹穴訪天台石
橋返遇石川殷雲霄于太湖語合意則渡楊子江
來訪雲霄東海上與登孤山闕海門月餘別去
殷子曰吾嘗與一元縱論古今成敗失得豪傑士

石川文集

文

志術有成有不成酒然可聽也顧自謂愧取于世
多矣彼將何為哉吾聊以著其大都焉

太白山人贊

蒲團布衾物泯天沈狂覽遠尋山高水深縱杯豪
吟怖龍捫參一日之古千歲之今匪若人兮孰獲

我心

石川野服銘

非古非俗既純既朴惟德不辱

石川巾銘

玄雲疑兮石校三兮夜發光怪凌青宣兮

書贈太初卷

太初行余錄余為太初言者如此為太初贈其他
相與歌詠者不錄

殷子曰道以義成義以言著豈不然哉或謂余與
太初相與言者於義之規闕然未昭也美哉其言
之也予與太初別思其言可無不勉矣期三年後
相與証其所得焉

蕭何奇韓信

有天下之定識有天下之定志有天下之定力自
古豪傑士不具此三者不足以成天下事漢蕭何識畫

蕭何奇韓信

九

不如張良戰伐不立韓信卒與之并以成天下之
功具是道也何先識高帝可以為天下之君又識
韓信可以為天下之臣亦其志與力足以成之豪
傑未過試不易識況通微如信者哉何未見信少
有為輒舉以天下事付之則信後日之功孰非何
哉及天下事定高帝以發縱指示折服諸將獨未
及此此亦何之自隱其識自隱其識亦何之所以
識高帝識韓信也彼高帝識何之識至于此則必
疑之何固有必識信也必不終而使之無以及我
也吾嘗觀高祖以陳平責魏無知又嘗觀溫桓問

王伯東主家傳未嘗不致款于何也故識定而後
志與力為有用良策由于幾何審于人信審于事惟
審于事故不能保其身曰三子者孰優曰良尚矣
以人品論何不如信以知術論信不如何雖然皆
非道之有也噫何終始用其識以成業而全身
古者必有所執以為用不隨事為成類如此

靖江縣儒學堂舍記

壽張殷雲霄氏來為靖江縣之文明年則為志道
堂于明倫堂北又北為六德舍曰知仁聖義中和
東六行曰孝友睦婣任恤西六藝曰禮樂射御書

石川文集

卷

禮樂射御書

數又北為九疇圍觀海亭監止池殷子曰美哉先
王之教內外本末具矣不失其心之有之謂德行
之于身之謂行治其事之宜而用之之謂藝舍以
全其大專以致其精遠則昧偏則固昧離其本固
毀其全是故古之君子惟其道焉而已耳道物之
會也心道之統也不忘于道而徒以應天下之事
其何能流達無滯哉今

朝廷之教其意與古豈異邪今之君子其學也惡可
獨愧于古君子哉因名其堂舍而記之期與諸君
子共勉焉曰堂之揭揭可以會業舍之幽幽可以

循圖之秩二可以游息用居夫學道諸君子云

志道堂銘

志操者得志耕者得食彼物非我求或假力曰
道我有惟其志哉其何不得則申之曰持之以恒
致之以一揖頰携王與入聖域

六德舍銘序

德者得也自賢人以下言之則生而理具于心存
之斯無假于外惟夫失之於後而後為得也聖人
未始失也故曰自賢人以下言之也或曰其理存
者七情信自行安萬物此之謂德言所得者多

石川文集

卷

禮樂射御書

矣殷子曰朋誠之道倉皇一矣靜動之機通于萬
矣

知

不擾其氣之清不蔽其心之靈不雜其性之精曰
先萬感而獨覺昭然類而有恒矣

仁

公子已一心惟理公于人萬物吾身

聖

物格知性知至知命

義

上于心者不爽其制定于理者不昧其宜更

忠

夫心主物而成性已之不盡而曰可以為之乎處之不實而曰可以持之乎如植孔繁各有而著其本則存曰惟是哉萬善之原

和

溫然有容者仁之德秩然不戾者義之則

六行舍銘序

六行之目愛之則此之情廣矣先王之教專于

石川本

廿

愛其音可識也孝愛之切也睦愛之

和也嫺愛之分也任也恤愛之感也任何

以為愛曰相信者不背也相愛者不忍欺

孝

遠弗愧邇中弗愧始天且不違凡我惟理是曰天道成孝之紀致精畢力于心丁跡凡我可為無天無抑是曰人道順事之則

友

愛母衰年妻子怨母生于貧窮

陸

以禮正倫以心篤愛愛母望

嫺

義以合物情以生恩義離匪道恩虧匪人

任

匪貌之共維言之哀哀匪從

恤

汝飽汝食呻吟汝側獨不隱側噫誰能不賣其積

不德于色邪

六藝舍銘序

禮以節情樂以和性射以正志御以致遠書以載

石川本

廿

物數以窮變

穀子曰道之淵豈不遠哉流化連用不遺乎細微是故取物以備用立則以成化君子弗以置諸已

禮

盈之無弗有也制之可以守也維儀匪飾保中而無咎也

樂

樂匪人作匪人弗成維古作者天粹天精我心我音何古何今弗成我德玉振金聲

但

嗚呼慎之慎之有安于奇而仆于夷

射

巧于正精于熟

書

惟敬惟式勿荒勿側乃見乎天德

數

察變以跡用亦維則孰會其一而窮于極考

錄選詩序

漢魏詩其詞完其氣純其義遠晉已離宋以下曰

宋南川文集

世

靡三矣

殷子曰余錄選詩代分人屬代以觀其運人以觀

其存

古樂府序

凡詞不見于經而曰唐虞三代者未必皆其本詞

後世漢最近古豈其去古未遠風雅餘韻猶存而

魏文不及而漢遠甚詩獨近之乃知樂之入人之

深未易泯也

殷子曰詩樂之聲也余以漢魏諸樂府故錄其詞

意茲其詞焉而已耳其故弗可知也况三代之音

載

杜詩序

宋子曰甫詩渾涵汪洋千彙萬狀顯古今而有之

又善陳時事律切精深至千言不少衰時號詩史

殷子曰余錄子美詩得其五言古詩二百七十一

律詩七百四十二絕句三十一七言古詩一百四

十四律詩一百五十四絕句一百八

朱愷傳

壬申秋九月壬辰鴉數千來噪靖江縣庭乙未夕

令殷雲霄夢兩猪伏庭下一鵞三若訴狀晨鴉復

來既西去集學宮遣人視學宮得殺死一男子于

西廡愷父未正者識為愷號泣訴曰愷此月庚寅

持錢物往貨于蘇壬辰正得一匿名書曰求衣龍奪

朱愷錢于學宮踰牆去與取龍來其知之今弗聽

則以他事拘與愷交持者數人命各書一緋取視

匿名書內姚明者書與書頗同問其年曰生于亥

亥為猪也令曰殺愷者其明乎明大駭汗如雨下

伏不敢出一言下明微遣人驗察唯隣陳碧者庚

寅日見明衣青衣若有所持倉皇歸耳遣人計取

其青衣短刀錢物得于其姊與其妻置庭下而俟

疑上若新者召明視之但煩首請死詢其由曰明與愷甚厚一日不見則思明近賭博害甚知愷持錢物行則誘之僻處與別遂刺殺之取錢物歸懷其父疑明故誣示以龍龍且與明有宿怨也

穀子曰以利合者以利而敗豈不然哉愷之見殺以厚明也故信其誘而不避示其有而不疑明也利有所重而愛有所忘相與俱靡靡也

古遂八詠序

穀子曰因于物而情生焉情之用廣矣管子惟其感與通為多也惟感也故能窮古今之變惟通也

故能極心性之和荒于物者匪通弗得于情而因物以感者匪感之正古今者物之化也心蘊為性性發為情情動以物滯于物者無已忘其心者惟知夫已焉耳彼忘其心者謂之無情情與已俱存亡而情也久于已已忘而情存者千萬世可識也彼忘其心者亦徒無已焉耳或曰用世者其感多忘世者其適多穀子曰物與情相離也感與通相通也千載之上千載之下其得也必有所以得其失也必有所以失得失之迹顯矣異者氣之分變看化之窮其得其失有弗可以弗得弗失者而况

吾之得失吾可以有得而無失邪而況物之得失彼我無與也而謂惟彼以感匪彼無適者未識君子之情也泰稷離二觀化之慮深泌之洋二假物之用廣感者世之警適者已之定又曰副使鄭公家于遂其出而仕也有弗忘于遂於是有古遂八詠之作余觀其出而仕也惟其事於國於民為之北於國於民而弗得于懷則憂其於國於民弗得于懷弗變于已以遺斥遠于世者屢矣而公未改其樂也余觀其出而仕也可以知其弗忘于遂也是故感者憂世之公適者存已之大

石川芝田集

寄贈金華劉使君

峨眉秀出南斗旁中有王人白而長

上帝置之青瑣闥日夕左右不離丹霄自覺白鳥
遠紫雲遙在青瑣闥明光白日鳴鳴鳥從目九關
如豺狼欺

天假寐傳天語流毒海隅啼嗙嗙劉君蹇三志陳力
憂國不忍為佯狂伏床但知

天子聖請劍豈畏奸臣昌趙伏正觸群鬼蜮鳴陽爭
訝孤鳳皇質之九死心不悔嚇以五刑舌愈張

石川詩高

帝憐其忠不肯罪角巾微服歸其鄉余時予告東家
野聞之涕泗沾衣裳有懷欲語限南北託身白雲
不我將一朝

帝怒誅元惡草木慘天回光捧檄毛義避豺虎折
腰陶潛傷行藏出入群盜幾不死彷徨徐濟襄無
糧十月飛雪渡渤海三伏赤日凌括蒼石磴梯雲
鳥不度鯨鯢吹浪天竺三多病不堪簿書苦三載
偏鑿道路長借榻金華三日卧沽酒拔劍歌滄浪
訪真不見皇初平傾蓋劉君寬我腸居然抱病掩
官舍被衣迎我開中堂脫畧世故我則同契合金

龜形相忘別來五旬病伏枕庭樹鳴二秋風涼思
君不能生兩翼跨山蘭水遙相望眼底紛三脂韋
輩競趨末路各軒昂長安斜狹不交車舍我從之
心悲傷我今期君共遠遊西歷崑崙東扶桑駕以
堆蛻跡雲霓赤城玄圃時倘佯

皇帝聖明剪諸公佐理未持微席且交我曹風塵
外撓撓雲霧窮八荒

皇帝陛下壽萬年小臣一謁三千霜

七月雨壽處州劉使君

括蒼羅萬山土少石磧地僻寡商賈尋丈耕陂

石川詩高

陀况值風塵起逃亡今已多存者悲徵稅行者泣
眉戈皇天久不雨嗷二其奈何秋七月之交陰雲
翳庭柯南山殷其雷北山雨滂沱田家嗟有生老
稚撫其不欣二喜相語茲雨理則那吁嗟我郡公
憂民感元和我曹窮草野為報苦無他問公屆壽
誕再拜山之阿南山為公壽二與山不磨出雲雨
大虛四海蒙其波我言不可致村醪為公醑令亦
喜雨者為民歌其歌

石門

不門曉日雲陰二連巖密竹深復深自憐烏帽驚

玄鶴石門号玄鶴洞天誰瀉白波下碧岑石門洞
布甚奇陽崖崖壁鳥相語寒潭風雨龍獨吟山靈
應嘆未歸去汨沒塵埃非我心

劉縣博惠雙魚

廣文猶憶長官翁拍饋雙魚味尚新
離菊山芋秋更美東甌空愧未歸人

張翰思鱸動歸興我亦食魚憶故鄉
小艇秋風吹晚醉垂綸平楚正蒼蒼

秋雨歎

秋雨蕭蕭秋風急菊花零落已如涼
哀苦誰憐何

嗟及寒山木落蒼雲暮雨難獨立
嗚呼絃長袖在何許對爾臨風淚如雨

陰雲伏雨田秋光病骨却愛秋風涼
杖藜高歌猶清狂南歸鴻鴈鳴且翔
我欲射之心悲傷嗚呼歲

莫山中人未歸山中茅齋今是非

今年雨多不傷農村社鼓歌年豐
漁父懶慢網

居空長官病起深山中再拜為民祝

華嵩嗚呼千倉萬石安能足
山中今有逃亡屋

九日登混元峯

孤杖千峯病起時江山如此更何之
三年奔走風

麻暗九日登臨草木衰獨一池相逢人去遠鄉書不

至應來遲八溪秋色真寥廓極目蒼雲有所思

錦屏山前江水流江楓蕭瑟旅魂愁登高况復悲

戎馬抱病猶堪理釣舟白雲三調高聊縱酒黃華英

落不勝秋縣齋口恐傷幽獨危嶂斜暉坐未休

去年獨酌臨滄海今日相携上翠微寒菊向人如

有待故園何日可言歸雲連演漾三山遠風掠密

巖萬木稀多病不堪頻北望于戈空使淚沾衣

鶴溪東流西日微混元峯上晚雲飛黃花爛熳為

誰好白鴈空是處處歸虛名鬱鬱知誰益薄宦能

送弟雲霓北歸

悠悠已非萬里滄溟秋更闊乘舟真與世相違

送弟雲霓北歸

懷疴苦薄領抱歸心匪他中原猶虎豹南國多風

波救水已久曠鴻鴈交蹉跎舟三歲云暮悲陰將

奈何

奈何冰雪時子來慰我思相對乃非夢拭淚問所

知笑言陶佳月登臨賦新詩款曲踰三旬倏忽成

分離

分離胡山陰飛雨洒征衣靡萬里途念子復獨

歸逝言為誰感居情寧有違游子身尚強得以慰

庭聞

庭闈空在望屯雲蔽會辛勤歸須早勿畏朔風寒別促豈不悲願言慰慈顏明年芳草節遲我當來還

來還亦此途自愛冬異鄉風波阻道路水雪被山岡候爾風帆飛佇立空彷徨歸與息宴游典籍有餘芳

贈王處州

嗟嗟先君子桐鄉事已非故人談遺愛將子泪沾衣王君撫寧人先君為昌黎去撫寧甚近近海雲

常暗深秋葉欲飛相逢更相別樽酒謾斜暉

為張縣博題濟寧東昌臨清三圖

太白樓前春水多南旺春老白蘋波白蘋波上風還雨欲采芙蓉花

東昌東畔是吾家昔年戛于戈愁故墟欲歸不歸空歲暮病來猶記魚書連書

上聞下問萬戶烟觀育廟前多蒼苔日日舳舻歸尾至都是為官下賈船

焚道驛

宦途既罷定王事亦有程疲憊空從政

依二傀儡耕

清江浦候汪太倉叔厚

挂席介休驛泊舟清江浦水落蒲已稀日暮鳥知聚落三星出雲冥二天欲雨久客厭吳越前途憶齊魯饒歸心方殷慕群情莫與言念同行客昏黑宿何處漫二淮海徑蕭三寒霜渚獨酌詎為懽長謡亦復苦離會非我期行止將誰主孤蓬鳴續風寒燈翳復吐

石川詩集

大

長店

出京已三日長店猶淹留荒原路河林木鳴颼颼江離方出水慘淡河之洲我欲采其芳顛波蕩我舟左右望春草渾西綠纓流大風揚塵沙白日昏林丘前途浩莫辯聊此停吾舟崇岡蹲狐狸高樹鳴鸛鷀我欲驅之去惜哉無弓手奮鷹犬已矣此輩今何求泊舟幽燕地野曠少人烟但見射獵輩求老馬河汾用白日照商賈殺人橫廣川司隸不敢捕

市塵古稱多豪狹此地今猶然

牽舟下路河河淺不可行前途漫漫浩日暮悲孤
征綠流百里間森然即東瀛挂帆越萬里快哉平
生情失計今如此憂懷徒自盈

感遇

孤鳥失其林日暮鳴且飛風枝棲未定遙三將安
歸中流有芳草慘淡少光輝舟楫蕩其波根株苦
無依悲此遠征人三載故鄉違萬里長途間安知
身是非東海有釣綸西山有采薇悠悠迷方子誰
能識其幾

贈王蕭山

放舟桃花口望君君不來泊舟磯河驛君來懷抱
開君來顧我咲舉手開金壺頽然日已暝高歌良
悠哉今朝天氣佳風靜無塵埃夾岸草青三雲中
鳴鴈哀鴈鳴求其侶良會信難諧我有盈尊酒與
子共徘徊

故城道中

晚樹京華道東風海上舟一春今已半客路未堪
休

候王蕭山不至

十日狂風吹散雲堅冰塞道阻征舟雪殘野岸

奈草波靜芳洲識狎鷗千里鄉關歸漸近百年奔

走欲何求繫帆把酒空懷子斜日孤雲起莫愁

十年真愧策中策萬里重尋海上舟朔漠風寒迷

旅雁江湖春曉曉沙鷗世事不知空易老人情無

奈更多求一杯相壺又成晚極浦遙山處三愁

百歲行藏一布裘風波猶恨未維舟幽蘭偶隨

芳草黃鸝翻然笑白鷗古道有懷真自信虛名無

用不須求那堪醉裏仍多事滿地干戈萬里愁

禦寒何必白狐裘我有東山舊釣舟心事久忘軒

上鶴生涯今付水中鷗王弼仁義終難遇張翰卑

鱸亦易求細雨碑河客夢遠曉芳鳴鴈入春愁

春寒三月尚重裘十日狂風泊客舟寒色今朝猶

隱樹風濤無地可眠鴈鞦韆習俗家山近村舍濁

醪稚子求回自望君非一度空江落日使人愁

九天閶闔翠雲裏萬里風波彩鷁舟鳴玉有時聞

舞馬繫紫旂終日逐浮鷗五雲漸覺烟花遠三徑猶

堪步復求彭澤豈宜客踪懶少陵非復為窮愁

身事悠三曹幾幾天涯後三咲孤舟干戈未定悲

戎馬故鄉不忘問海鷗白雪調高聊自和丹丘春

遠共誰求狂風無柰偏多事遮莫沙洲盡日愁

述懷次前韻

呼兒旋典鸛鷖裘隔岸携壺醉小舟雨過疎林聊
識柱月迷平楚已忘鷗芳草似知將獨往鳴禽何
意更相求春深野岸花如夢流水晚風他自愁
我別京華携一裘翩然直下三江舟散裘貫酒可
邀月空江拍佩祇驚鷗紫極北逐闔闔夢滄溟東
盡蓬萊求白蘋波上碧雲晚萬里狂風天為愁
東流石上舊羊裘回首客舟是釣舟春入丹崖開
杜若水平綠野浴鳬鷗李生隨我應無悶劉子為

石川詩集

九

隣早見求數畝雲霞真自足山中猿鶴莫深愁
旋覺春深減却裘清明時節遠人舟浦樹風鳴有
去鳥汀洲水落無來鷗悠三尊酒我自醉擾三征
途誰與求野岸桃花有何意相看今日亂鄉愁

別劉貫山先生

明發德平問故城小樓河畔憶崢嶸十年函丈春
風遠千里輕帆夜雨晴虎豹江山悲昨日風波南
北嘆浮生一杯相屬又成別回首孤雲晚樹橫

東昌道中

繁帆路河水橫道東白楊柳何青三鞦韆村落清

明近祭掃心情涕泗零鳴鴈遠天雲漠漠桃花野
岸烟冥冥停舟正爾覓芳草風吹波濤愁晚汀

桃花

清源柳絮題東昌桃花開暝色春雲澹悠悠鳴鴈
哀浮名知是幻薄宦愧非才萬里滄浪水蓬萊安
在哉

二月桃花水三江楓樹林遙迴千古遠飄泊二毛
侵重以乘梓念遠其虎豹心朱絃聊自適非復覓
知音

寄東昌梁劉二生

石川詩集

十

十日南風阻今朝始北風駛帆舟子喜沽酒故人
同岸柳從渠綠山花也自紅吾鄉有桂樹聊復問
春叢

客夢

客夢迢迢流水春風處處桃花芳草不知幽恨鳴
鴻更向天涯

清明

挑花明晚林楊柳媚春渚沽酒酬清明何用問羈
旅

徐州

彭城城下河水流河風吹浪愁客舟九里山前春
草碧晚帆風雨問黃樓

東申丹陽

揚子江頭春雨晴丹陽城外暮潮生泊舟沽酒雲
陽驛故人不在誰為傾

雜詩

人生惟所遇知己良獨難子期既云死伯牙絕其
絃莊周無惠施嘆息誰與言晏嬰客不孔聖不
見野鮑叔薦管仲功業壯赫然
蘭芷生深谷枯死芳不歇渭水不擇流入溷汚其

金川詩集

緊君子有定志流俗非所屑千載有陽人匪為名
不戚

春日倉唐鳴百芳麗以繁桃李成蹊徑胡蝶何翩
翩一朝鳴鵲鴉零露下庭蘭堪落非所悲所懷無
由宣歲華遂云晏歎息將何言

終日抱膝坐門前無來客所懷不可忘脉脉想嚬
昔登高而遠望雲霧塞八極離禽飛且鳴孤蘭慘
無色晤言思親友日莫空嘆息

行路難

黃姑織女河東西經年會合誰復知人生意氣苟

不忘百年何足悲別離世情所見惟目前駕車騎

馬人共憐買臣未遇妻負棄他人悠三其可言

許史宅中日鳴鐘四時之序常春風歡娛百年不

知老賓客千里來相從年從代性不自保賴垣廢

堦生秋草君不見楚蘇臺上塵灰滿富貴眼前何

足道

秋風吹葉三知訴春花爛熳人多顧人情棄故祗

憐新歲月幾何新已故山徑始鳴水清淺我欲有

適行路難入門接劍空悲歌恨不高飛生羽翰

水中交馬其可行木末種蓮其可生彭澤縣中五

金川詩集

斗米何如高卧北志無俗情猛虎忽號山無色百
獸聞之俱辟易一朝失所遭東縛稚子薦菜來學

射

璫璵慘淡麟駟泣世無千伯誰從識國色近前同

室妬花貌勝人亦何益前席賈生豈不遇謾言致

之長沙去塞上空悲延壽圖長門錯買相如賦

置不東西南北流清濁遠近隨所投人生賦命亦

如此世事何須多苦求聖門亞聖祗短命漢朝飛

將不封侯念此悠三非常理玄天誰復知其四

少年白馬珊瑚鞭遊冶長安大道邊歸來暫向直

樓卧千金買醉不論錢窮巷老生亦何為經年讀
書不下帷漢朝天子方好武頭童齒豁憐者誰
君不見昔時窮老今富豪道傍甲第連雲高縣中
長吏虛上座長安朝貴多平交北里少年實貴族
貂蟬換米食不足今年為欠官家租隸人作惡淚
相續

昔年走馬長安道醉來隨意眠芳草為覓薄祿來
為郎幾載不遷坐枯槁勞心簿書多憂虞低頭權
貴愁奔趨一朝跨馬掛冠去却憶咸陽舊酒徒
明眸皓齒誰家女蹇脩幾度不相許一朝誤嫁游

木石川詩集

十三

俠郎經年不歸游何處長安隨處有笙歌不念深
閨空綺羅覽鏡不堪頻下淚紅顏一去奈吾何

題桃花春禽

飄泊東南春已去孤帆未足三江路風濤暫泊錢
塘潮雲霧遙看富陽樹尋芳南屏南屏杭州西來
何遲春花落盡無殘枝湖上浮鷗背我去嚴畔枯
梅猶自奇王君馳圖開素封黃鸝紫燕桃花紅似
傷晚風嬌不語雁識春色來相從故園花鳥偏憐
余三載干戈未有書卷圖還之空嘆息陶家蘭柳
今何如

寄劉秀才寓杭州

誰畫梅花帶春色道人醉眼看無力狂吟誤寫桃
樹篇芳札未復瀛洲客瀛洲之客安成劉瞻然塵
表梅花晴傾蓋已看憐意氣通家更喜傳春秋平
生所見多未真梅花挑花今何論數枝我愧未顏
色孤標誰復識風神相逢恨負梅花奇碧雲遙望
春風遲孤山山水雪路期君他日看橫枝

石門洞憶太初

孤舟三伏道亭午氣風氣不熱石門洞風涼已策
勳波喧偏怒石山暗欲生雲漁父濯纓處寒流可

木石川詩集

十四

共君

杜楊留三君子携酒過官舍次杜韵

縣齋微雨過蒼苔越安芳樽向晚開池畔好風驅
暑去松間明月逐人來三年戎馬身無定千里鄉
書鴈未迴痛飲狂歌聊復爾不堪愁病兩相催

卧病縣齋

驅役猶堪松竹林病來初動故園心鳥啼短榻客
初起木暗空齋山欲陰金釵丹砂慚墨綬聊歌白
雪寄瑤琴東風走馬長安道芳草于今深又深
群水昏三晝多陰閉門堂坐風滿林山麓入秋百

虫語溪流近海雙鯉沉萬里未聞有歸計一官真愧非風心翻然一笑自無賴許身猶復逾黃金

送張敬中

我歌三奇章送子鶴之溪溪流深復深江離不出泥因子欲有寄日暮蒼雲低中流多白蘋野岸舞天鷄不如騎玄鶴遊遨天東西他日當遲我贈子以青藜

寄繼之戶部

玄鶴摩天飛求友得雲鷺為萬里別悲嘆隔雲谿苦無百鳥輩異趣多町畦何時三珠樹與爾同

宋石川詩集

十五

幽棲

聞子采金光乃在大海湄我今鍊丹砂未與世人辭秋風吹桂樹聊此寄遐思歲暮來相訪青天騎白螭

采蘭金田山懿此幽獨春區三徒自愛持以贈遠人比隣豈不好寄託各有因願言保芳潔即此常相親

三薦詩

翩翩虞武都為郡能平孟胸中蘊奇略豈必在咸竈嶠谷無叛羗庶不負明詔偉哉姚源功異代可

同調

衆人好刻察穎川獨長者一朝核名實奏最先天下漢朝良足稱貴不崇浮假所以劉處州殊錫信朝野

我愛漢光武從民借寇恂用賢一何知懷民亦以仁愛憎異所自豈不在其人千載今再見此事真殊倫

以國語杜詩壽劉使君

令聞不忘周單子與荆無窮春秋把酒西風歌既醉千年人物許同流

宋石川詩集

十六

叔向稱單子曰君子萬年永錫祚胤

我誦遺詩有酒樽少陵心事共誰論許身稷契今能試絕勝當年老蜀門

杜子美詩云許身一何愚自比稷與契

奉贈劉使君兼述已懷三十韻

天地開才俊

朝廷用老成功成安社稷道在必台衡虎豹屯山谷

烟塵暗市城

宵憂江石地

詔發浙東兵

天子知虞誦南人畏孔明地松雲外落七女道傍迎

林樾披降薛平天寒戰戰驚

王師合不戰將略固無窮雪供吟眺春風卷旆旌
洗兵桐水碧拂綬搖山清功入中丞薦官還便相

榮賜金勞

聖主借冠冠疲賦文武聲華重風雲氣象宏歡歌

還里巷悲歎失孤標彭澤歸曾早文園病已嬰胡

為來解領抵合守樵耕樵真初志折腰更此行

生涯猶散木蹤跡且浮萍拙病宦情少羈愁鄉思

盈十年招隱念萬里來歸情風德人皆仰龍門意

石川詩集

七

獨傾延詞崇禮教訓飭免咎荆虎師憐知己僑聞

敢為名朱絃聊自鼓青眼為誰橫梁雨堪睡蕙石

川可濯纓塵塵野性結巢舊家聲道化匡時

俗福人起太平端倪看此日歌詠畢吾生困酬容

身去征蹄歸主鳴因歌遂成頌庶用布幽貞

晚酌石門懷太初

後悲身病停舟暫此過秋風吹桂樹搖落其如

何紺林喧歸鳥丹壁動飛波對酒憑誰醉蒼雲高

晚多

舍權緣芳潤披蘿入石門秋風正蕭瑟林木亦飛

翻溪淨千峯倒雲歸衆歡春佳期曠何許獨酌念
彌敦

九日游梵宗寺

胡山空寂寺登高此日來泉聲分澗谷林木隱樓

臺合巖巖峽蒼蒼海霧開黃花無意緒落日伴

荒苔

相憶空成遠獨游興未孤烈風鳥不息宿霧到方

無僻地登臨少秋林色相殊他時歸隱處得此亦

憐吾

秋郊

石川詩集

八

簿書高時了聊此一蕭疎野水當秋減浮雲過嶺

虛萬里歸難三年病未除已同南飛鳥不見北

來魚

野曠秋風遠天昏海霧深飄零吾潦倒惆悵此山

林孤鳥悲落葉群峯帶晚陰長歌亦自好不必覓

知音

今日忽不樂悵然歌式微來薄荒野大坐覺晚雲

飛秋葉不相待海潮空自歸憑誰問所往寂寞故

人稀

秋聲歷三秋雲遲獨立蒼苔自詠詩白鴈不知何

處去黃花似與故人期三年門巷王孫遠草風
烟楚客悲歸興蕭然期歲草成名不羨五陵兒

再游梵宗寺次前韵

山僧迎我咲長官今又來秋風已衰草古殿惟荒
臺高歌碧雲人只厭綠潭關三秀在何處殷勤問
石苔

故鄉千里外獨立此峯頭雲起風飄泊鴈來書有
無出處心多感登臨殊江山盡摧落松柏尚
支吾

楊劉二君子次前韵

次前韵

次前韵

十里乘坪地咲君風雲餘夢寐天地自樓
臺迎客僧不慣獨有尚開歸與話幽興衣上有
蒼苔

樹密峯烟合雲消海氣孤山州信爲美步履不應
無搖落來游晚人天與世殊幽期真有待發興自
狂吾

寄孫太初

不見高人孫太白采芝深山誰與歸思君每傷碧
雲合爲客不覺黃葉飛石門鴈蕩空有約美酒新
斟終日掃歲暮梅花怨出獨挂樽東來安可寄

舟隱

浮生本無定舟隱誰非家曉露閑芳杜春晴醉柳
花獨繭三江釣長風八月查猶有未忘處逢人歌
楚些

市朝自多事乾坤誰定居已堪遠世務何必愛吾
廬佳處領其趣微風信所知吾言吾未了試以問
鱗漁太初近號鱗漁

雨過石門

瀑布雨中長千尺踏歌沿溪今又來忽覺衣襟生
水雪更訝林壑迴風雷十月草木悲游子千峯雲

雲霞滿林壑三我重塵埃客爲欲下還相猜

石門我來不厭煩悠然欲醉還自酌千崖冥冥送
雨來漁父紛三向人落丹丘已覺煩青鳥青田猶
未見玄鶴勾漏小住亦多事便欲從此棲家廓

雜歌二首

秋風吹溪三水清溪水倒懸落日明溪邊白鷺好
毛羽尋魚汎溪獨自行

馬鞍峯頭雲陰陰三鳴山祠下千樹林二中落葉已
無數飛鳥歸來空悲吟

金田山

雲峯既合石徑亦曲折曉行霜露重葉落
潔奇石立且仆洩雲至還結小住愛物速眺得
奇絕山水適風志草木悲莫餘紛三搖落中豈無
霜下傑芳蘭何嗟及殘菊尚可撥免我多疾病臨
事率踈拙久已卧北山胡為求東浙逐物歲空阻
蘊異俗豈屑撫已尚屈強感時增悲切荷鋤愧老
農結茅想前哲愜意物莫與任道神所悅終焉返
初服庶用安薄劣

又

十月來游已後時菊花岩畔尚殘枝空持濁酒憑

金川詩稿

廿一

誰醉斜倚寒峯却自悲深谷悠然雲獨往荒林如
此鳥何之眼前霜露增愁思欲向山靈問紫芝
平生頗有泉石興每逢佳處即徘徊三年簿領空
虛度冬月風霜動客衣搖落江山非故國支離懷
抱未歸來一杯今日又成晚倚杖遙看海霧開

又

昨入胡口寺今來金田山莫嘆簿書吏常將山水
間雲生遠嶂夕葉落空庭閒林中有歸鳥浩歌吾
亦還

又

金田山山鬼向我嘆深山好無人爾來誰
召虎豹學飛薄翹翹君相推寒潭潭蛟龍忽
不顧雲昏白日石角相峻峭山毛魚水鮮
不可療我呼山鬼前爾豈知其妙尋幽深
衣臨遠嶠蘭皋可曲肱溪水之垂釣泊舟
抵馬得道要豈若塵事勞憂患不可料我不
疑猜爾莫我陵剽山鬼浩然若雲嶺果長
石門

石門

我官青田縣七度游石門今來值感安况復積雨
繁千峯木脫葉萬壑水返源此獨異草木

金川詩稿

廿二

一何蕭索實倚松栢寒芳尋蘭蓀蒼壁幾千丈飛
流瀉其顛俯畜鑒毛髮奔放顛崑崙我實憐此
此可遠望噫尋源濯我纓拂石開我樽羽人猶
漢佳期何由敦日莫且歸去回首烟雲昏

又

我本五城客偶爾墮人間性不諂俗務往來愛名
山談笑聊應世綬綬非愛官世人不知我識我無
俗類守已一何拙用世豈不難翻然起矧猶論
盈萬端聞之固莫辯反已情愈安今朝早升來
諸心所歡莫三雲霞爲山高水渾渾自

日夕不忍還方朔亦侍詔梅福終挂冠
鶴游邀聞闔天玄鶴不我至緬焉起長嘆

欲登石門絕頂雨不果

未倚黃葉樹欲踏青雲梯曉雨法寒嶂
蹊烟標凌海日石色入天倪何當從此去長關路

鄭陳二生至

二生來何晚踏歌人
荆不須悲霜露
灘鳴

我醉欲歸子却來我歌子和亦悠哉日暮不堪溪
雨急溪風吹山山木哀

芝田驛樓

晚照明高閣洩雲帶遠村徒勞真自愧高興與誰
論木落凌山骨潮平減石痕東溟看不遠無奈水

雲昏

賦形天地內勢我安能閒紛擾緣何事論鏗鏘自
歎把杯聊問月縱目却嫌山稍二溪雲暗高樓動

晚寒

即事

此事非我事我來亦徒勞山閣昏細雨溪水動歸
潮

嚴陵題

我愧不如嚴子陵釣灘深處亂山青雲甚當日多
王業天漢千年自客星遺跡可憐開翠壁乘桴終
去入滄溟滿江風雨愁蘭桹吾道無勞問洞庭
子陵釣臺江之濱冥冥雲霞雙嶂嶙嶙高名寢鄒我
何意東帛荒涼今幾春一官未謝風塵路萬事空
餘愁病身扁舟不知其所往風雨祠廬欲問津
雲冥冥三子佳處見嚴子釣臺開丹崖兮祠屋不

石川詩集

廿四

賴鳴兮松風表方明君兮休武帳雲臺兮奚處携
羊裘衣兮歸來招白雲兮為伍陰羊裘兮如春樂空
山兮忘人匪夫人兮可忘羗所為兮匪吾身來不
言兮去不辭此世降兮駕雲騎朝蓬萊兮暮崑崙
遠濁世兮獨來歸去先生兮既遠慨世道兮愈蹇
彼紛紛兮懷祿歸富春兮弗返波翻三兮途窮又
飄三兮疾風遭子舟兮奚往懷先生兮靡從

富春山有子陵墳祠

富春山上雲蒼蒼三子陵墳前江水長百戰韓彭無
葬地千年樵牧有椒漿絕嶽寒風摧短髮長波落

日動孤航多懷欲采芳洲薦楓葉蕭三天雨霜
子陵祠屋碧崔嵬細雨扁舟此日來山色不隨炎
漢去朝聲猶帶伍員哀一時圭組憐英俊萬古風
雲闕草萊何限幽懷無可問海天逸鶴幾時回

夜登定山

獨泊桐江水夜登定山石延蘿踞虎豹嘯波動潮
汐俯闕馮夷宮疑入羽人宅林靜江有聲雲昏岸
無迹懷哉生哀聽感矣闊遠觀風勢依峯峻月色
連江白飛鴻鳴遠浦潛蛟舞深澤飄飄千里舟脉
脉獨遊客飛帆拂溟海逸思遶見繹乘桴差有志

石川詩集

卷五

棲岩悲失策薄宦竟何有幽期誰與適覺迷道有
獲舍欲情無逆眷言詠白駒聊以慰今夕

錢塘行

富春山前三日風萬師欲進難為功披星軋三揔
指岸放舟渺三帆搖空欣然起吾巾履畢兩岸青
山明曉日天濶但覺雲霧清波平不見魚龍出須
臾天遠水面寬天光水色中融間琉璃萬頃無塵
土閭闔九重多清寒沉冥不知人世喧高歌飄二
吾欲仙相靈鼓瑟馮夷舞琴高至喬來扣舷忽覺
舟子歌聲哀潮闊海門鳴萬雷烟暝波翻白日暮

瞭吞教作滄溪閑中流一葉今何去同舟相者淚
如雨狂風摧岸秋浮山飛雨籠江怯漁浦世間萬
事那得知人生快意能幾時何如曠然隨所遇造
化所為吾安之

過無錫陶侯南湖

別後音書自覺疎疎疎及花竹憶京都一官未去果
何意五載相逢猶故吾江山應識狂歌客風雪難
尋貴酒壚壚在靖江時數以事過無錫奔走江南又
芳草多懷聊復問南湖

次錢無錫韻

石川詩集

卷五

羈紲歲晏易薄領身徒勞世路多風雨吾生一羽
毛阮籍聊憐酒陶潛已折腰懷疴欲何道風雪犯
征艘

五戰身猶病三吳人未歸有懷憐芳草無恙問荷
衣江花春脉脉風雪夜暉暉故人高興相逢歌
采薇

迢迢錫山道孤帆今幾回此行期獨往何處望三
台夜雪舟偏重春寒花未開江邊有鷗鳥笑我數
能來

漠三天涯雪孤舟二月時江山合改色花木已苞

期地主勞相問行客恐未宜暫會還別去長嘯暮
雲遲

簡申丹陽兼去歲見許管子

昔年許我相齊書今日相逢猶憶無字道安曾窺
孟子牧民非是愛夷音天涯積雪春難問江上新
晴酒可沽何限幽懷兼客病殘編聊對晚雲孤

簡挂丹徒

多病東甌客空江獨問津飄零屈壯志汨沒共時
人滄海風雲氣他鄉草木春江山憐地主肯與欲
相親

金山

挂帆幾千里所歷多雄妍泊舟京口下携不金山
顛空濛連海氣孤絕隱寥天蓬萊或不遠尚與問
群仙

垂竿波浩蕩采秀石差我又引風帆去其如幽意
何海鯨狂嘯雨山鬼笑披蘿驛路重回首君雲向
晚多

春暉堂為淮上陳戶部作

春閣華三蜀江長春暉堂前憶舉觴慈竹並年深
雨露飛雲終日立蒼茫抱病淮陰又芳草思家游

子尚他鄉因君欲續南陔詠歸去東山舊草堂

寄戴戶部仲鵠

醉後分携不記吾晚宜堂畔費招呼曉宜仲鵠官舍署
人歸別浦江聲遠余時移舟鶴森閒庭月影孤仲鵠有一鶴邂逅我堪懷叔度風塵誰復問狂夫他
時相憶還勞子已約東溟舊釣徒

寄子靜侍御

黃河東下日千里孤夢託之可到無兩夕高談終
不厭十年交義禾為疏空江草色憐詩興野岸春
寒問酒墟鵲魚謂帶空料理南來不得廣陵書

下邳懷留侯

報韓無舊業立漢有奇勳試問黃公老何如倉海
君一時歸戰鬪千古自風雲我神干戈後樵歌未
遣聞

下邳見山

過江以北不見山今朝蒼翠落潯陽平生自足烟
霞客出宰况居山水間芳草可憐春欲暮白雲應
恨鳥知還推蓬把酒風塵道愧爾相看亦故顏

呂梁

呂梁之道石齒二中有波濤聲澎湃潯潯詎堪蛟

能遠客翻疑神鬼憑進帆揚子渺煙霧
城寒威寒何如小艇石川去曲肱涼月明芳汀

宿呂梁

我官曹同縣三十六灘中又泊呂梁險波濤行未
窮舟楫偏相妬喧呼還自雄艱危曠留滯長夜未
堪

南旺道中柬徐掌科尹大行

夜雨既過無塵土芳草微烟旅可憐白雲欲去青
山遠鷗鳥似矜湖水妍平生事半風塵重兩年歸
俱清明前楊柳岸頭春幾許與君沽酒問漁船

湖邊雜興

方靈有地草塞食何芳絮寸莖一入品谷神永不
滅我欲永其英水邊道路絕坐觀湖上草蒙露空
悲切

昔來湖水深今來湖水竭湖上有芳草青二獨不
歌來歸忽五載春光又三月山中有杜若惆悵爲
誰發

泊舟梁同行徐掌科

舟行流如轉南旺道中悲行後雨行楊柳青
如蒙自是湖光明可挹湖邊漁父不標

舟來青島同行不見論文友隔岸猶尋賣酒廬獨
行芳草春如許石機雨過無塵土小童宦久能吳
歌家山漸近聞齊語湖中鷗鳥應憐吾似識當日
舊陶朱歸來欲擬陶潛賦客將休作魯連書

石川詩稿

廿

石川芝田稿文

送詹按察序

浙江參政詹公廷信陞按察使左布政王公及其同官設祖道餞于江之濤則相與言曰吾於茲有三喜二感焉治成于人惟其用之大小而治隨之吾喜公之益大其用將大有裨于

朝廷之治矣職脩于畏而墮于無所警故制於百司有司察之官民命惟刑世偽情滋罹于刑者日煩則尤令所宜慎公介而思純而安職脩而惠流刑慎而情審吾喜吾民之可以安也視世者以道之

石川文粹

乙酉

通塞下達者以人之用舍刻之上九已有得輿之喜况茲公之用日益速遂哉物之附其離必傷仁之合其利弗忘公之舍我而去吾不能從公而往奪吾民之長之賢而與之吾不能為吾民而留茲二者吾所深感焉雖然吾不可專感不可私持之以恒專之以一公將有以大吾之喜慰吾之感矣詹公起謝曰別不敢忘其愛任不敢忘其親於是某進而言曰美哉諸公之別有道存焉不可忘者道也不能已者情也忘道者失其具置情者遺其真情弗遺于正亦道也君子曰執道而往矣往弗宜

送賀吉安序

監察御史東吳賀公以言事謫為處州府推官居數月則遷為吉安府同知其同官劉公范公陳公率其屬若民設祖餞北門外劉公乃起為歌歌曰我聞其光兮公昔在

朝言龍其芳兮公今其遙既仆而起兮惟

天子明惟

天子仁兮不有公傷惟

天子仁兮我其弗思公疾其驅兮無為我私其獨進而為之歌曰瞻彼雲鷺我其儀矣翻飛東顧

石川文粹

乙酉

何之矣睇超然之孤雲誰知余之永懷矣其民相與歌之曰公之既來先陋我邦公之去矣我心永傷公不可忘莫我云報公不可留

天子有詔駕彼黃陂彼高岡如鵠斯作如雲斯張天子曰都我臣其來惠此四方俾我無遺枯山如輻其水孔激赤日赫二公行勿急公衆二壯誰其御者無疾其驅無傷其馬於是某進而言曰同官之言忠之昭也屬之言義之龍也民之言仁之感也忠可以服事義可以風物仁可以極化賀公行矣執執是而往矣往弗宜賀公曰美哉其公其言之也

請必書以贈我去

送賀先生序

君子曰賀公立不戢獨言不避艱其毅矣夫獲榮如忘左秩如素其定矣夫職不愧公政不愧行其備矣夫不虧其氣之請毅不移其主之謂定心不遺物之謂備賀公行其屬之民相與言曰吾欲留公公其為我留乎其屬殷雲霄公曰吾觀于人而知道之不可易也吾觀于道而知世之不可誣也知世之不可誣動必以正弗計其終也知道之不可易據其所得不改其初也賀公自御史言事貶

石川文編

官而來今復遷其官吾觀公無幸其有異也君

子之言其常誣也夫其弗誣也夫今也

朝廷知之其信之道之不可易世之不可誣豈不然

哉置之專以試其小用之大以弘其任其吾

君與吾相之心與毅者事之任定者物之歸備者時

之應公之用則速矣匪處之人可得而專之既以

諭吾民則因以言之賀公

祭李泉州文

維正德九年歲次甲戌夏五月癸亥朔越二日甲

子青田知縣殷雲霄謹遣陰陽訓術葉良玉致祭

于故泉州府推官前監察御史李公嗚呼哀哉公則死國亡端入余悲知已知已之悲豈獨于私天與善人今不可知公年方壯何去之速公開未究既起而覆方則不偶於人實然矣胡為我亦棄其賢風標高揭心肺腑白行辨義利言稽古法見善如經見惡如戕其禍如素衣秋如忘非我其觀我其弗悲况公與我匪世相知其為御史來公于吳使車未至望風驚過公曰吾屬聞有君意其視之于江之北是日風作公渡于江我病在公弗克迎公眷然來顧弗問以事公曰休哉亦良治

石川文編

中書

我扶往謁公喜促膝講窮道治從容竟日公嘆嘆息言致其親安國定夫彼復何人相別諄三和規

以義勉成其道弗急于位別我三旬辱公薦

奏公曰弗遂維我之咎委然縲紲公來自南我病未

愈拜送弗堪公復寄音恨不相隨倘有而歸莫以

為期遣問京師視公于獄言笑不置慰我尺牘公

謫泉州我來青田公歸何疾竟以弗痊我

觀于京聞訃歸陵為位而哭孰知余情我來自京思

公未已遣祭公為併視公子弗躬于行實官守

西望墮涕于公負公昔期我過于所冀其

公敢以世俗自公之歸志與時違方歟其公等以
為歸世之憤三亦鮮知公我之悲矣匪世間公
知我者我其何告獨持吾志無為公辱公其高視
獨喜余文茲冀以辭公聞不聞嗚呼哀哉其饗

禱雨文

民悲不雨走告長吏長吏則曰是非余之力其余
之幸走告于神神尚何以哉長吏有罪罰不可釋
民命可哀其賜之雨

謝雨文

釋吏之罪而從其請哀民之命而賜之雨尚神之

仁其敢不有報也

送陳灝州序

雲霄肖幼時先君子為昌黎嘗與蘇趙少年走匿古
長城下縱觀奇阨險阻虜可出沒往來隙徑徘徊
慨嘆欲問元順帝北遁之道而當時故老皆無在
者蓋天下之治久矣北都大漠平沙漠草浩二無
人行跡今人有封狼走月擊雷于之感當

先帝休養護夷夷虜不敢少有問塞上何如事邊吏
日持名籍軍門報諾歸臥無他事軍士往往抱淮
子於鵝或挾弓矢獵狐兔為樂南有孤竹山

五

石川文稿

六

椒漿瀉石上歌西山之章思起孤竹君二子者
之游而不可得涕泗交頤竟悵然而返時走碣石
最高處西望連巖遠谷大麓多虎豹能所伏
將東則大海浩渺與天無際隱三數島如鳥鷗泛
拍洪濤巨浸中茲其有食沆瀣挾日月跨虹蜺招
之倘來相與共將八極之表者予自先君子以憂
歸今二十餘年餘累憂難堪盜方且奔走
南北學為吏求升斗祿以養時意氣耗散殆
不復存今因陳君之行而取三子墓志者尚有感
焉昔嘗與趙故老言北平塞外多山谷險蔽其山
海諸關乃虜人入貢道路夫有險則便以伏顯識
道則易以去來彼時常入雲中榆關獨不來此何
曰此正所當憂者時年少謾不復省為何語乃今
知之夫人情常怠于無虞而福患多起于所忽近
齊趙宋魯間無籍輩嘯聚十餘人左持弓右杖數
矢馳呼千室之邑開門坐公館飽牛豚宴樂數日
令其徒分剽掠村落屠男女玉帛揚三出城去人
無敢問者正以承平久民不知有兵革也況北平
自古匈奴數入之地距今京師輕騎可二日至
可忽武備事不修哉陳君慨懷多大節其為守

有出于簿籍科例之外者聊相與言之
印色石函銘

鑒重唐貞元赤符符化樞

明教

張教授行欲殷子言殷子為作明教

風且子錄劍三十年而成舍楚市二十年人無問
之者客曰子劍形弗類故弗售曷少改為平風且
子弗聽又十年沈葉公入郢欲之酬以千金風且
子曰余以余且死無復識是劍者今老矣乃得若
雖然此可以誅亂國之臣非君無可用是校則友

其金居五日白公亂楚葉公以是劍誅白公于山

中使視風且子庶無父焉鄭華善田畝少而肅商

君召問之曰余無能余獨不急乎利耳治余田或
一歲或二歲而始一殖故地方全而獲常倍他
商君言之孝公行其法于秦秦曰富強咸丘氏善
御魯國善程遺徒學其術將歸請其要咸丘氏
曰弗授其性弗惰其言遺入晉惠公使御戎其控
轡繁其調習勤馬日夕弗獲息試之輿輪無險夷
然力疲而形癯與秦戰于韓馬還淳弗能出秦獲
惠公程遺起豐歸為莊公御豐曰群其馬而授之

豐水穀遠棘衝期年馬勝于糧豐曰是可用矣周
與齊戰馬遂償我路公傳命而歸遂成咸丘氏
聞之曰二子之敗宜矣竭其力弗勝任矣矣其理
弗導道矣殷子曰立之固者弗移于時積之固者
弗急于利用之審者弗惑于已余讀古文子且
子鄭華而美其志至咸丘氏二子未嘗不感其
感也噫惟其用為不易哉明教

文旨

古之學以道今之學以文漢之文以代唐與宋其
文也以人殷子曰六經之文至矣其言文何其少

也道具于文與六經之成之前唐虞三代也故其

道盛矣道不具于文與聖人之言皆道也是故學
至于文而道隱文至人而文衰

紅梅篇

梅之異以時異植紅梅之異以色異梅暗物之異
以其可見若人之異以其可見則人之異也信矣
是故異人者賢異賢者聖或曰梅之異以不異
乎天也梅之時紅梅之色皆天也若梅之異以異
則聖之性異于賢賢之性異于人矣

劉處州三薦記

正德八年秋九月兵部尚書臣陸景言江西姚源洞寇盜既伏復肆緣居山谷險阻不便馳射調去邊軍力不可施竊聞處州民亦山居且勇敢自嘗用破姚源洞盜甚畏之獨計其悍急難御使處州府知府劉某在處州甚得其民心且其才為可任用今當天下承朝歲

陛下幸免其來朝俾率其民往討之事罔有不濟制曰可九年春正月吏部尚書臣楊基言帝王之治莫要于黜陟明黜陟明則賢愚不紊百僚任職今天下諸有司皆以其事來

見

詔黜其不任職事者若干人又

詔臣等廣其行蹟顯異者錫以殊禮待以顯擢黜陟時當臣民說服臣竊念

恩不可虛入不易得衆言有徵實行維昭若處州府知府劉某數人村茂行繁實堪

文典

制曰可夏四月巡視浙江都察院左都御史陶某言

江西姚源洞寇盜伏承

陛下神武幸已悉平其處州府知府劉某績勞最著處州民准恐一旦遂為

陛下擢用去歲嗟三悲嘆傳聞道路臣竊惟處州民棄家室而行數千里道出萬死一生為

陛下除寇盜甚勞苦臣謹頓首頓首乞以知府劉某留處州公暇歲月以慰其心

制曰可青田知縣臣殷震氣嘆曰非

皇帝之明無以用公非

皇帝之仁無以留公凡我臣民有善善罔弗用矣凡我民罔有勞勞罔弗酬矣於是再拜稽首紀其事以宣昭我

皇帝陛下之盛德以賀公之遇以勸臣民傳示無

極

書三鴈託後

或曰臣之善君實有之君弗用善弗昭矣孔孟賢聖豈不如伊傅哉無其君善故弗昭于時也故吾于劉公之遇有深感焉君子曰業文而經武義之周也居謙而騰譽誠之積也徵實而民協仁之成也毅然能為之謂義確然能動之謂誠群然能安之謂仁具三善矣乎者感之定感者氣之機生孔孟于商周罔有弗用者哉是故無其善而委于弗用者妄也善弗積而徒以崇

自媚者弱也弱不能立安不可行是故未有有公之善而弗昭于

聖明之時也石川殷雲霄既為之記則以二言附于後曰或人之言可以思報君子之言可以勵行

跋文山書

元滅宋宋之臣子皆雙足之矣元主中華天地帝王皆雙足之矣公為宋死為天地帝王死噫使公用于德祐之前國尚可為使公不死于景炎之後身無所安故余既悲其時復悲其心

石川文稿

上

三薦錄序

劉公之以身正冠豈不難哉雖宋足以見公之大也平寇動思危之舉薦薦開進賢之門留郡勤重民之念關於天下政治之遠矣

殷雲霄氏曰用世者弗辭其紀事者弗論其細

三薦錄後序

三薦錄青田氏于劉公愛之喜之頌之祝之而有作其屬殷雲霄氏集其愛之喜之頌之祝之之詞以為錄夫錄其愛之喜之頌之祝之之詞亦以愛之喜之頌之祝之也愛之喜之頌之祝之出于情

愛之喜之頌之祝之之詞出于情而發于言是故觀其愛之喜之頌之祝之之詞而可以知情觀其愛之喜之頌之祝之之詞出于情而可以知所感矣

志毅錄序

學而無志者無立志而無則者無成端要之微隨地可獲鳥必啄于木獺必沒于淵然卒亦獲之人有朝東行而暮返者曰何為日之獨向余也噫昨日之獨向汝也汝行則然也

水必聚石必堅今天舉滑礪而試之舉以為弗堅

也特污于行潦而濯之舉以為弗潔也於是而觀于太山峻峯層巖不計幾百千萬仞而其幾百

千千萬仞之下之石不知其幾百千萬年未見其少

脆折也於是而觀之大海之波豈復有餘事哉一殷子曰三代之文至矣自漢而下詩莫盛于魏曹植文莫盛于漢司馬遷

植文莫盛于漢司馬遷

金僕姑序

質之美者可以成器弗美者雖成而弗良質之美者弗以成器弗以成器者之過也質之美者以弗適于用成之者之弗則也雖然垂之矢黃矣

使鳥獲者持之而無罪之能亦弗能以貴華矣

祭青田吳訓導文

老貢黃祿越海萬里獲不償勞安死他土生不足
養死不能歸妻子筑誰為紀綱我未青田同官
某月知君之賢悲君之死愧我蒿里索濟君此心
則有餘君知之否

南山堂記

殷子為堂於山以南山名或曰舍吾有以競于物
忘其所止而取其所見世之恆也彼將以謹世也
或曰居本無方易而視之執不可常名本無適隨

而與之執不可稱故曰志士不從達人不拘不拘
者無名不從者無居或曰取于物而非物之可以
盡吾意當于見而非見之可以知吾情取之者不
一寓之者無定取之者非我寓之者非物有所契
則取之者可以志有所感則寓之者可以遠知予
此者志非我拘遠非物荒偶然者已乎超然者已
乎已乎已乎執可得而質諸此乎執不可得而
執諸此乎殷子聞之曰三子知余亦獨坐空堂物
無與伍舉酒而飲則若南山為我的擊節而歌則
若南山為我的相於斯山則所謂南山堂也

冥兮多雲又寂兮無入山有蘭兮蘭有葉我所
思兮不能忘

終慕堂記

正德辛未冬余嘗自過金山金山東城下大海浩渺
與天無際夜颶作海水號湧波濤若從梁棟間過
無論城宇晨起雪風四望茫昧不復辨海陸都
閩陳君身自迎余過其官舍把酒酌余命侍者歌
入塞出塞曲酒酣與余馳馬跨弓矢獵狐兔別去
余未嘗不嘆其達乎申不義盜來寇靖江余則病起
與我十登江橋盜敗去君守福山巷以書來曰受

命子

君身非已不可以疾急事弗逞于我來可日計不
可以勝忘備余未嘗不嘆其忠癸酉夏余改官青
田道杭日校狀謁諸部使者門適雨彌旬日道水
流淙余一小僕控馬數仆復起衣履盡全澤
君遇余曰殷子尚憔悴如此邪雖然強其所存勿
以物不可必者動于我勿以我不可致者拘于物
余未嘗不嘆其義也成秋君自杭歸省道青田
不暇交一言既三月君自永嘉來累然衰經見
余拜且泣曰璫不天墮母竟棄不肖孤去不肖

孤又以制知獲守墓廬奉几進則為吾父吾母
像于堂而永事之以終慕名子為我言其情
繼復聞尹公割股以養疾考禮以送終於是嘆曰
遠矣陳君之孝矣夫夫德以孝為大孝以遠為成
則余之所謂曰達曰忠曰義者其亦有所本矣夫
穀子曰治久則法弊三而得其人則無毀今天下
之戎政籍存而不可稽兵具而不可用寇起而不
可制與天下者所宜憂也君世以戎事事

國家今復撥我機于一方豈吾所謂其入者非邪古
人云無忝爾所生則舜之慕其親豈止于聲音

笑貌之間哉或曰孝事之本也居之以義其親弗
隨處之以恩其意弗遺御之以達其性弗滯

仁和縣知縣題名記

仁和令楊君文煥刊著其前令姓氏于石則以其
記屬石川殷雲霄氏曰吾視其賢者以為法其不
賢者以為戒殷子曰緣名以立事者居之不實因
利以圖成者行之弗遂惟誠于身而無所為者遠
矣記曰

維仁和附大省府省府官常司事者十餘兩京官
歲遣視篆者十餘令日走謁有事問何如聽可不

可惟謹事弗克就理又諸司百需後費皆問諸縣
折江財賦於天下為最多仁和於浙江為最多絲
羅穀紵塩材魚果類

朝廷於歲辨外時遣使徵取其地為東南大都會
道路四通縣民已十餘萬戶四方商賈聚市閭又
十餘萬戶其訟獄流名諸務煩梗豈可勝言而又
賓旅之往來舟楫之從役廩餼之供饋亭館之脩
飾稍弗及俗諸司者以為弗能為故仁和令於天
下為最難噫令之設豈專此哉致

朝廷之意以惠平民以正乎俗令安能舍此而顧

石川文煥

獨急于彼勢有然也不急于勢而責其分令于今
無平弗難也楊君為仁和已三年不病其難而政
有成故觀其言可以知余言不為誣也令姓氏刊
著于石自某人而下石千人楊君名應奎青州人
辛未進士

夢魚

胡華子居楚夢澤四十年不復知有城市孫叔敖
聞其賢言于莊王召之王與語數日請歸王弗許
敖曰方厚予身者難以強諸事未經于事者或以
動于遇請他日再召之華歸夢為楚官入與王圖

澤政事出治其民服與食飲甚適于身覺而嘆曰
叔孫教其敗余哉未幾王召為執珪以不能事主
左右左右惡於王王召責之華免冠謝則復嘆曰
叔孫教余矣夫遂舍其官去王曰其追之返其位
叔孫教曰弗可追矣弗可返矣夫薄取于世必不
專其良父避于身必不當其難彼始末之知耳王
使人視其廬則不知其所往也殷子曰余讀古文
於胡華子未嘗不悲其志故曰未定于中因物而
移弗逮于用遇蹇則憎雖欲得而不有入而能返
其賢于世之徇物以忘身虛中以圖外者其亦遠
矣徐子因為言其夢漁事夫仕不忘隱情之遠也
擾不害存注之定也足弗與隨遠弗致遂徐子可
謂能知道矣

石川金陵稿附

石川子傳 正德乙亥冬寓儀真病中作

石川子七歲讀書問其師曰讀書者何為師曰取
功名曰奈何書云不然師異之此後家數大喪貧
屢多病幾不自存弱冠以太夫人命舉鄉貢繼復
舉進士石川子曰吾且為世用吾學子無得吾將奚
為用移病歸結屋石川上日取六經讀之自以為
樂時獨登岱宗發狂大叫曰真能小天下不虛也
蓋六年群盜起應

召入京師諸豪傑士聞石川子至識不識皆以詩文

石川文稿附

接石川子石川子不敢與見得靖江縣去靖江居
大江中其東北孤山臨大海石川子坐孤山東望
曰溟濶無他曠然絕世其有乘風凌波來顧我者
乎酌酒海中浩歌而返居二年以青田青田民頗
能安其拙日多暇則入石門洞吟目坐數日歸又
二年去民相與號泣留之石川子曰吾愧汝吾愧
汝吾何能為今

天子召以為南京工科給事中云

山泉道人曰石川子官則進矣夫吾嘗與論大學
彼自以為無所得也雖然石川子年今三十六後

之至豈不美哉石川子曰吾觀吾則吾愧吾後吾聞其言而悲之

送陳侍小壽

金陵帝王佳麗今若何萬雉臨三山大江揚洪波光彩射日月雙闕何處我貌難百萬士時晏酣且歌舟楫不百粵朱樓羅萬家冠蓋四方至日暮相經過兩不遙相望風雲至吾共歸與故鄉樂回首煙雲多

壽白太夫人白都御史母

灼灼蟠桃花乃在崑崙顛托根既得所雨露一何

石川文集

二

偏戴勝飾王母一開三千年彼美在園委安得與此焉

壽羅栗齋吏部羅侍郎父

扶桑主東海萬古枝葉蕃朝日時其顛大海環其根南州有奇士薄宦返故園三子朝中貴門外羅朱軒今年八十歲首夏猶清溫嘉賓客為壽果紫盈其門堂下列鍾鼓堂上具盤殮少宰再拜跪為公開芳尊尊中何所有清白各異符眾客各醉飽禮儀共逾致起勸坐客酒一一不為煩送客出門云尚覺行步奔終隨堪堪子携杖游崑崙

送胡尚書

久宦誰能問故鄉揮金拖玉况相當歸田時憶三朝寵憂國今看兩鬢霜丹桂岩前開綠野白鷗洲畔濯滄浪老成宜入君王念只恐閑居樂未央病起見薔薇隨處語公共飲花下

劉趙周徐久不來門外送春回誰家桃李葉偏密小苑薔薇花自開曉闌雲霞飛蝶蝶晚從風雨藉母苔細看物理元無定好及芳菲共此杯

送趙惟賢

寒帷凌海嶽飲饌出都門已厭煩塵霧况逢積雨

石川文集

三

繁如食湏自愛封事與誰論從此炎蒸地水霜滿路存

復黃樓記

宋熙寧中河決澶淵徐大水蜀蘇文忠公執守徐能捍蔽其城水不為患因作樓城東門志其跡蓋名黃樓云樓至今四日餘年樓廢亦且四十餘年徐數水民輒以黃樓不復為恨屢憂以思仁存遠以明愛情感必至孰以之然今

聖天子正德甲戌河決汴首徐大水詔陶武侯守徐乃從民志作樓城上用舊規樓成而民歌之曰

堦非梓與我坤輿我立邇我居永不我虞永果去不
為患感通之道其不與如此夫古之君子為政一
方必求民所患大且急者而除之遠慮以圖安先
事以防危天然後可以定民志以成化徐居河下
流分使無常道則徐意來可云息侯惠而敏黃樓
之復其特以為之先歟

殷子曰為政之道有二曰精曰繼或曰一搜復而
二善且無過舉也夫夫務有定而不可遺道有防
而不可立惟昧者忽之而弗察矣鑒往者或蔽于
時舉宜者或難于任惟急者安之而弗為矣是故

石川集
審其事之謂精也
審其勢之謂繼也

石川集四卷附集一卷

浙江巡撫
採進本

明殷雲霄撰雲霄字近夫壽張人宏治乙丑進士
官至南京工科給事中嘗疏論武宗納有娠女子
馬氏事以峭直稱明史文苑傳附載鄭善夫傳中
是集分二種又各分詩文為二卷曰瀛洲集者官
靖江知縣時作曰芝田集者官青田知縣時作附
一卷曰金陵稿者則官南京時作也史稱雲霄嘗
作蓄艾堂聚書數千卷以作者自命多與孫一元
唱和詩派亦與相近然大抵才情富贍而骨格未
堅

孟有涯集十七卷

〔明〕孟洋撰

福建省圖書館藏明嘉靖十七年王廷相等

刻本

附《四庫全書總目·孟有涯集

十七卷》提要

刻孟有涯集序
杜樵曰嗚呼此孟有涯手鑒也。有涯字望之，登弘治乙丑進士，歷官南京大理寺卿。事許傳誌捐館之明年，我浚川王公收輯是錄，釐爲若干卷，語諸曰：孟有涯所爲文皆依稀古人，後必傳焉。序之樵曰：語昔蔡月耕以外艱山，其高士貞義於此者，今特見其藻耳。忍序之。序曰：有涯負奇氣，明達不群，常以言譴謫，退荒瘴，病地顛頓，輒輒蓋自是。深願思苦，屬辭純密，駁駁然望古人闢闕矣。讀是集者，齊格氣骨，頑有聲，發調逸興，退罔有流易可謂博雅君子垂老不惑者也。昔人謂子長史記在山川，歷覽雲卿詩在遭貶嶺南，後不其然歟。遐哉邈乎，風雅既亡，漢魏不作，大曆以降，沿時溺俗者，暮暮然也。我朝幾六世于茲，自弘治以來，二三君子思詣精微，力變蘇黃，追初唐而上之，時或間有向

往者顧體裁初訂力量鮮及亦有憚難悅易
信今而疑古者有涯以何仲默姊丈朝夕接
談貫綜罔愆遂克底名家然則乙丑之後若
有涯篤信崇古者豈可多得君子謂海內人
士翕然丕變綽綽休風循流遡源後世必有
定論云有涯不可作矣浚川常發諸噫歎真
若骨肉遂梓是以不朽有涯豈非氣類相感
懷舊章賢乎哉古之人有終身著述名沉無
知已至死罔聞即有聞或不再業章湮沒耳
矣是集一傳若神劍寶鼎發諸埋設諸庭堂
茂有弗見見茂有弗敬者文哉有涯足以不
朽矣而年而位亦何足計
嘉靖乙未秋七月望研岡杜栴序

刻孟有涯集序

敬皇帝續緒御寓昭德廣化函夏救寧蠻貊
率俾亭微釋警干戈載戢學士大夫乘時
清燕群聚率勵賸探遠剖大肆力乎文事
維時李空同金聲于北地何大復鳳舉于
信陽孫太初鸞翔于於越徐迪功豹變于
東吳邊華泉鴻軒于歷下我浚川先生玉
振于儀封而王溪陂鄭少谷孟有涯氏諸
君子又相與馳騫藝圃羽翼詞場然後

聖代之文章洋洋焉炳炳焉近陵晉魏遯軋
漢周矣余蚤歲踰伏海壖不獲覲矩準教
以究六籍之渾奧涉百氏之津涘然心竊
鄉往之廼者備乏臺史適浚川先生總持
風紀因緣遭際得遂卒業門下丁酉六月
奉

命按治于吳先生授以有涯集如干卷曰是
近時作者盍被梓以傳余既蒞止觀察餘
閒乃屬有司校刻焉刻成讀之卒業論曰

夫文之傳也三上明性命下述倫理君子以系道統立人極則傳綜理亂之章程陳文武之經紀君子以奠民生埤邦治則傳摭菁華於往錄擅辭命於時髦君子以鋪鴻藻潤景業紹前猷範來葉則傳以余觀於斯集也窺古人之意踐作者之堂所謂摭菁華鋪鴻藻潤景業者非歟其傳也已抑聞公之爲人也高朗峻邁雄視梁楚卽求文猶傳而况璀璨其質金石其音者乎其傳也已蘇守王儀同知鍾鑑雅飭茲役而校正者爲吳學訓導沈桐凡正字約什一云

嘉靖戊戌春正月元日會稽徐九臯序

孟有涯集目錄

卷之一

四言古詩一首

卿雲并序

古樂府十四首

戰城南

羊躡人

七夕詞

鳴雁行

北風行

行路難

將進酒三字至七字

楊花篇

雄過江

湘妃怨

愚父行

秋塘行

古賦行

妾薄命

楚調二首

贈陳文相

東園歌

卷之二

五言古詩三十四首

虎丘效陰常侍體

別家

海山吟

海山謠

宿華陰陳馬侍御按節河中

答劉子潤之

南浦

十六夜月

採蓮曲

別李獻吉

貽友人

送唐仁夫

送王子衡巡按陝西得倚字

壽成母

贈朱生

贈初生從呂子游還潛江四首

中秋聞邊報

荅三子三首

田勤甫 劉子靜 戴仲鳴

詠古二首

贈郭侍御北還四首并序

送毛給事赴南都

送梁明府

已外南昌之變瑞守宋君死之

黃蘆嶺

追懷張徵君

卷之三

七言古詩十七首

漢中太守行贈潘伯振

望京華

別馬君卿尹固安

鳳簫篇贈羅侍御

送鍾廣州賦得越王臺

夜泊石頭口

雨雪吟

沽酒行贈牟韋二撫君

顧全州見邀江水漲不能赴

送殷近夫尹靖江

遲賢亭觀邊劉谷王四子遊泰山回題

壁之作

李孟有題集目錄

客有爲余道京師故事者感而賦傷歌行

李子自沔陽貽詩及古製青羅巾以長

句酬之聊暢中情永懷疇昔

公署雪後無聊張時濟以桑落酒至對

飲成醉爲醉歌行

嘯歌行別劉郎

題畫

輓王復齋憲副

湘水歌并序

卷之四

七言古詩十八首

鴈門太守行

人日

漢宮詞

刈麥行

再過政平飲王介卿宅

壽邵黃門母

送先侍御歸養

李孟有題集目錄

舟過城陵磯悼內兄舊巴陵尹

蕭湘行

送平樂李太守致仕還汝陽

桂樹行奉壽西巖先生

題宋徽宗杏花錦雞圖

天馬行同唐荆川太史遊普濟寺作

風木歌

松栢行爲洞雲張封君雙壽

送周玉巖侍郎入賀 萬壽節

送僉憲李君惟大入關中

題竹山

卷之五

五言律詩九十二首

發上谷

明妃曲

除日

除夕

元日

李孝廉集

卷之五

征婦怨

別都玄敬主事改南京禮部

靈濟宮二首

過張元德戶部同邃伯二首

無題

九日次邊青厓太常韻

冬雨

隱者

別李獻吉還大梁四首

雨

穀日集大慈恩寺

荅沐陽王明府寄書

弘法寺別送行諸友

宿良鄉寺中

平野

邯鄲

哭妻父

過懷慶贈潘推府同年

李孝廉集

卷之五

懋冷泉寺

約蘇天秀年兄會鳴謙驛

榆次縣蘇天秀宅會田汝觀年兄

井陘別劉伯耕

河

淒愴

中元

庚午秋再過寧州秦用寧正

騰日

韓汝慶宅對雪憶馬君卿

元宵

元宵後聞鴈

別邊荊州庭實得寒字

隣鶴示蔡生汝培

弘慈寺訪羅侍御不遇

送周節判還山東

劉童子

送柴宗周

本在卷之八

同劉子靜伯仲慶壽寺齋居

送韓汝節

臨清別鄭負外入京

荅何仲默清明見貽

玉河柳

暮春四首

遊崇福寺遲同往諸君子二首

四月陳山人院內駐舟

盡

秋鴈

十八夜月

九日朝天宮

秋夜過韓汝慶

出京

舟中聞何粹夫內翰外補

酬甯伯東僉憲遊龍泉寺見示

雨中期馮都憲高太守甯僉憲遊賢隱寺

賢隱寺限韻時余將往桂林

本在卷之八

宿堅山寺何仲默有讀書樓

烟

閑居

閤中寄顧全州華玉

壽松坡母

次韻何仲默見寄

不寐

荅黃橫州年兄寄書

端午日述懷

納涼

贈東山

同顧二刺史遊柳山祠

入嶽

宿上封寺喜晴

登祝融峰

謁胡文定公書院

南臺寺貽鄉僧無礙

黃刺史同登岳陽樓三首

全唐詩集卷之六

月牙岩

宿長安驛夢啖檳榔

晚抵洪山寺宿簡王夢弼侍御二首

卷之六

五言律詩八十八首

正月不見梅示陳生惟允

人日二首

毛侍御汝厲按湖南道出嘉興賦別三

首

劉遠夫同遊金山寺

歲暮

舟經三湖憶李川甫

云妹誕日

曉發澧州

用五清韻弔屈原

石首訪趙從之時四川副使

懷馬敬臣時山西副使

懷田勤父時山西無事

全唐詩集卷之六

追悼王宗哲鴻臚

懷崔子鍾時在告居鄴

懷張仲修時謫判晉州

衡山王書堂宴集二首

春雪二首

別汪僉憲汝成

酬馬百愚過訪

秋盡田家

荅馬君儲訪蘇方二子見示

經沛弟墓

喜雨

賢隱寺懷李獻吉嘗遊此留題

懷何仲默

送林太守致仕

簡孫兵憲用之約遊賢隱寺

出門

光州道中卽事

雪霽辛氏莊泛舟

李本義集目錄

十一

和久菴少宗伯齋居

奉和王欽佩提學遊賢隱寺

又和登賢首山二首

約張子言遊山庄雨不果移酌宅內西

軒

西軒別張子言限韻

遊張生園池因憶申臺少卿

東寺送胡通判宗器之松江

九月晦夜對菊

宴別李獻吉

過東明會葛明府如京

獻吉席贈田六

贈熊進士爵使甘州還

贈邊太常赴南都定韻

憂旱

喜雨

奉輓馮中丞夫婦二首

遊張園有懷申臺少卿

李本義集目錄

十一

次韻君卿侍御同遊袁揮使山庄

馮宗程靜觀堂落成過飲分韻

東郊雨後二首

山居雜興十首

過武昌懷劉參之侍御

雨

喜晴

別殷靖江限韻

重過康莊驛

訪龍洞

遊泰山

駕出南郊

輓劉處士

董學士借舟徐蘇州有珠燈

簡劉廉使元瑞二首

過無錫簡顧少參與成

雨花臺

天寧寺

青龍寺留別送行諸君子

惠泉寺留別顧與成得情字

病中立春戲呈郡僚諸公

別胡茂卿推府往吳興兼呈劉養和太

守

次韻馬君卿雨中懷竹塢

卷之七

五言律詩四十七首

送馬二侍御入京

行臺雨後

中秋夜有懷

訪馬敬湖別業

赴召馬敬湖別業主人未至

同崔岱屏衛源上舟夜抵新鄉

渡河用前韻

贈王燕山戶部

朱德佩園亭牡丹盛開爲賦二首

暮春後園二首

送湛原明侍郎赴北禮部

朱氏園亭對月

張司成宅咏白菊限韻

次韻呂涇野對雪二首

冬夜聞雨言懷效晚唐人作二首

贈平坡吳子儀

夜訪張子靜

吏隱園同顧華玉黃勉之席上作

奉寄何栢齋中丞代書

夏夜邊司徒同黃勉之秀才分韻得風

宇

中秋夜宴宗伯新第

壽樊母太宜人

題廖太守卷十四事

日趨庭闈

步躡青雲

御殿傳臚

醉歸瓊林

試政司馬

奉使東遼

視篆穎上

承檄行取

任寄耳目

督儲通倉

按鎮宣大

觀風齊魯

牧專汝南

登鄭氏樓

溫泉留別張時濟胡承之得光字

遊山遲唐荆川太史不至

山行卽事

出寺

同荆川遊龍泉寺二首

卷之八

五言排律十五首

靈石

寄王子衡時巡按陝西

贈王中丞致仕

贈蔡給事成之福建僉憲

送穆檢討伯潛遷南京國子司業得遂

迎養

送彭總制西征

贈雲谷

贈榮上人兼呈顧全州

張封君葵軒雙壽十二韻

壽黃太淑人次甬川韻

過陳山人庄居

九日登堅山十韻

送牛太常道微致仕

送黃少卿子任致仕歸南海

送張汝禎使伊府

卷之九

七言律詩八十首

許憲副伯誠薊州兵備改湖廣提學仍

舊業也賦此贈之用張時濟韻

除夕寫愁

過寧州悼秦用寧通判

人日喜晴

紅德城元夕

題張氏忠睦堂

集豐林王園亭

登驪山絕頂懷古得寒字

奉和大司馬晉溪王公華陰祠樓餞別

大司馬荆山王公次韻

秋日苦雨

別顧英玉憲使

冬日宴鄭汝順別業

過定遠寄鳳陽底太守同年底以黃門

出守

春雪簡顧華玉廉使

飲何甥卿山庄次韻

送高司寇

送王太常季徵

人日寄顧英玉憲副兼寓憂荒之意

齋居呈聯舍諸公

奉和白樓太宰齋居

爾柴光祿春日喜晴見貽

正月二十三日甚晴期日出遊城南

大雨不果呈所期諸公

送吳太宰奏績北上

園中花對盡開家僮折來始知感而有述

送柴光祿入賀

聞少司徒楊公少司馬萬公同赴錦衣

徐公約遊牛首山戲贈一首

送陳京兆祐卿致仕

送吳學士仁夫北上

臘月朔雨有懷邊司徒華泉

二日微雲再依前韻用荅報章

朱氏園亭宴集

再用前韻戲荅邊司徒

寄上太宰白巖喬公一章

贈崔都督總江南北諸戎事

飲卞將軍廟西麓亭得月字

題荷峯贈陳中丞

奉和貞菴大司寇齋居二首

又和紫巖大宰二首

又和黼菴京兆一首

又和黼菴京兆一首

又和黼菴京兆一首

顧廉使息園燕集顧憲副張顧二郎中

黃王二秀才

新秋出郭訪蔣子雲

贈大中丞惕菴張公致仕

次韻荅周刑侍見和桂林之作

題道太守棋聲閣二首次韻

荅顧全州華玉寄書

昌平省中

邢臺道中呈王宗哲明府

曉發趙州懷何仲默

夜抵內丘去年王宗哲自唐山送予亦

夜至此

曉發磁州

鄴城懷古

渡河

八龍塚

夜坐白波書舍

更向仲默以詩見留次韻

過大梁貽李獻吉

三月十五日病寓趙州時何舍人致仕

馬戴二進士應廷試

題真定邵推府企歐亭

送譚開州還任

送田勤父使南昌

古熱

畫

送宋上舍還陝

金華集目錄

聞鴈

訪田勤父至自河南

題廣平郭同府望雲思親圖

謁馬君卿見花並有感見示

訪任草亭初至都下次君卿韻

九日

磁州省壁見韓司徒憂旱詩二首有感

時司徒已去任

輓楊貢士

比干墓

新安省院

望太華

石溝

環縣

長安同張文之宿罔極寺

卷之十

七言律詩八十首

晴

金華集目錄

華嶽

襄陵省中池亭甚佳因懷張李二明府

道井陘有感

淮陰侯祠

同黃都憲孟鎮守侯總戎遊紅石峽

同前諸公遊龍泉祠

和楊遂菴入關

過關

中秋示王子遠夫

送李給事使占城

挽溪雲翁

送馬公順湖廣提學

挽蜀中王侍御乃翁

送王仲深致仕還江南

待漏

送邊荊州廷實賦得一柱觀

送方隱君還棠陵

荅何仲默見寄

本集卷之八

苗

九月二十四日夜張侍御宅見菊

送任草亭分教新城

九日無菊

送人還山東

醉歸

別關中雷生

別蘇天秀

問河南寇二首

人曰

過海印寺

慶壽寺齋居夜倍喬劉何三舍人

送韓汝節左遷平陽別駕

和何子移居

春鴈

田給事宅對雨

挽李封君夫婦

送謝應麟赴費縣尹

挽白司務

本集卷之九

圭

晚晴

壽林侍御兄

送許侍御乃翁視子還

送周世寧進士

送劉天和侍御巡按陝西

興隆寺齋居

送謝汝正少叅之湖南

冬至述懷二首

臘日

答顧全州華玉見貽

除夕對梅花

人日答顧全州以詩見邀

送馮司訓入京

松坡宅內海棠賦得園字

寄周克之侍御請居南海

送徐明府入京

壽松坡母太夫人

吳廣文赴天河

清明

荅高大和侍御寄書

中元

秋懷

九日遊風洞山

輓張兵備時措

輓李將軍

輓胡憲副

遊湘山寺

南可堂

王師出京聞玉都御史收南昌消息二首

九日雨阻登高述懷二首

病居寡出憲使閭公假以良馬從此可

遂遊覽之興詩以奉酬

醉君卿夏日山居見示

別劉子深

東平道中呈馬二侍御二首

千佛山

九日登泰山

禁中春雪

人日別王明府同陳何李薛劉五子

卷之十一

七言律詩七十八首

夜集劉子緯郎中

九日期登高不果遂集王郎中欽佩

谿上暇韻

仙真觀

清涼山

至日遣懷二首

立春後對雪

吳松江肅威道此對酒次韻

除夜述懷

元旦呈郡守徐公

正月三日喜晴

正月十四夜徐郡守子謙諸進士楊伯

屠臧方文伯范秀才孔嘉見過觀燈

元夕

送陶憲副入京

喜駕旋

天寧寺對雨

散鶴爲沈秀才題

重陽前一日登黃鶴樓

贈魯振之祭酒園居

懷王子衡時四川提學公事

至日有述

荅劉奇進長兄題雪見贈

憶周充之時謫居沅州

華容值張常甫年兄用嚴內翰韻

出郊

酬馬侍御園居見示

苦熱

贈王憲副過訪次馬侍御韻

中元夜簡溪川憲副因憶蔡石岡大衆

暮春同馬侍御訪張太常園池時憂旱

殤子八十生日至廬所

出城

贈別張汝楨兵憲兼致留意

遊賢隱寺二首同王子遂夫

次韻馬侍御山居

種竹

題東谷

賢隱寺限韻宴別張子

張徵君洎其子文學送予北莊

誕日兩行臨穎簡杜研岡

飲崔都尉府

南浦

寄王欽佩提學

春日顧張二省郎携酒慰次韻二首

大理公署賞牡丹次萬治齋韻

江上訪王浚川司馬值謁陵未回

本集卷之四

辛

雨花臺

即晚過鳳臺下徐氏西園用前韻

盧龍山次費庶子韻

有悼一首爲華泉大司徒作

又次浚川司馬韻一首

涇州道中聞劉養和提學阻雨於此戲

贈

庚寅郊祀齋居三首

龍泉寺奉懷顧南田憲使

寺中對雨

對菊簡管平田吏部戲申夙約

同張時濟遊管平田別業

喬司馬宅留別限韻

送戴雙湖太守之泰山

過開城

王司馬見示和司徒對雨詩次韻

和黃父庵觀漲

雨中臥病有懷大司馬王公

本集卷之四

辛

戲贈九峯山人

哭鄭鹿門大理

春日遊王令莊園

贈馬抑之侍御按淮陽

寄壽汪逸士

荅贈陳魯南陞山東大叅見示次韻

壽胡翁

遊清涼山限韻

奉和紫巖太寧東麓亭高韻

送陶醫士次王司馬韻

賢隱寺值雨荅陳生惟允

卷之十二

五言絕句三十三首

桃葉歌十首

江南曲十三首

白菊

園亭雜興四首

王子衡過飲分體得五言絕句二首

金布源集目錄

三

雨

書贈岳秀才伯陽扇

米元章拜石圖

卷之十三

七言絕句九十七首

榆臺嶺

雜興三首

春雨寄何仲默三首

送扈明府赴滿城

咸陽覽古三首

梁山懷古二首

寄內

塞上行十首

和楊邃菴應詔二首

邊太常席賦秋海棠

送人

楊花二首

除架

金布源集目錄

三

壽亮上人

賈誼廟二首

回鴈峯

楚離宮

歲暮

冬深

十一月朔日

可笑

憶看竹亭兼寄竇伯東僉憲二首

憶花

江雨

送包舉人入京

問愚溪

桔槔

寄李平樂覓蓮酒二首

周徵君贈梅酌絕句二首

宿湘山寺戲呈顧刺史

下嶽

太常寺集

三

宿雲開堂強主簿送酒與廖行人邦重

渠上酌

奉和楊邃菴閣老塞上曲十首

辱枉張司成雪中見嘲之作戲荅二絕

句

簡顧兵憲英玉覓柳栽

送星者孫生

冬夜呂太史宅殘菊賦絕句四首

贈蔡生汝培

元夕項大叅惠屏風紫藤燈各一酌以

二絕句

平南曲六首贈中丞秦公

湘簞贈張子言

雙井留別君卿一韻二首

惜菊

次韻馬君卿觀蓮絕句

題扇面寄杜研岡

索居無聊聞馬二侍御新得俸金無由

太常寺集

卷

爲酒資戲贈二絕

寄題林以吉讀書臺

戴子自烏石驛起守延平

中秋宴城西樓別張子言

贈墮上人

九日約同遊諸君子

卷之十四

序十四首

贈林憲副序

送方松厓先生詩序

贈林總制先生陸南京大司空序

送雙山先生序

東江別意圖詩序

贈劉明府上績序

贈太芳伯周雙竹先生序

春谷詩序

壽孫子外舅姑圖詩序

送鄭貞外赴南京序

光風霽月卷序

贈鄭子序

青巖先生壽序

刻天地正氣序

卷之十五

序十三首

送僉憲王翠墩序

彭山倡和詩序

送鍾石先生圖詩序

送邵丞李公赴懷慶序

贈許子廷章考績序

愚逸翁壽序

送顧郎中詩序

贈馬錦衣拙菴序

靖江春餞序

贈傅公總憲山西序

訥齋序

贈靈川掌教甘君奏績序

序知贈黃子

文十一首

禱雨文

謝雨文

祭韓汝慶文

祭李大叅文

祭周侍御母文

祭董侍御文

祭殷給事文

祭同年朱華刑文

祭亡母孫太恭人文

祭朴子文

祭仲女文

卷之十六

記五首

遂平縣脩學記

記閻公雨詩卷

朝邑縣建置經正書院記畧

東臯記

風雨山堂記

書二首

上林大同空書

與何仲默書

雜說三首

衍壽

事功

袁惟穀字說

銘一首

莫廉銘序

贊一首

金太守士希像贊

題跋九首

題陳中丞平南卷

題遼西山卷

書關西紀行詩

題劉氏雙輓卷後

跋贈遠卷

跋登山臨水卷

跋海山卷

跋顧子華玉上方山玩月詩卷

題顧華玉雅集卷

卷之十七

誌銘四首

中順大夫陝西按察司提學副使何君

墓誌銘

樂山處士馬君國珍墓誌銘

成童子希召墓石銘

趙王左長史戴公墓誌銘

墓表一首

嘉議大夫右副都御史馮公王夫入墓

表

行狀一首

贈中憲大夫都察院右僉都御史孟公

行狀

孟有涯集目錄終

孟有涯集卷之一

信陽 盤 著

四言古詩一首

卿雲并序

正德癸酉歲大熟異蓮嘉穀並出是時
寧君伯東爲信陽兵備有美政人皆以

爲所致祥也遂歌卿雲二章

卿雲載與非露非烟公侯出遊駟馬閑閑何
以往矣彼中塘芙蓉英英一蓮雙房澤無

蛟虺水有魚魴予以取魴載歌載咏公侯之

樂惟民之慶

卿雲載與霽霽霏霏公侯出豫軒車遲遲何
以往矣相彼民事禾黍離離一穀雙穗山無
豺狼林有雌雉予以取雉載歌載謳公侯之
慶惟民之休

古樂府十二首

戰城南

戰城南城南賊衆衆若林猛若虎牛羊被

人民爲擄恨不盡殺之以靖我疆土戰城南
麾天兵鳴鼓一振士皆忘生長驅沙漠誰敢
撓功成勒石報天子生者封侯死者死知名
半是豪門士昨聞胡馬來壯士顏不開

羊觸人

青苗邈邈白羊雙角羊食苗苗盡禿牧兒持
杖羊羊不受逐睨目視兒向兒觸兒莫能支
走且瞞一羊奮股十夫力苦羊亦搏人況乃
熊與虎

七夕詞

風清夜涼河漢微天街月露霑人衣人間織
女皆停機靚粧斂珮出蘭幃仰看雙星今是
非銀橋石梁烏鵲飛玉顏皎皎花依稀流光
明滅飄香霏樂深愛極心忘歸寒鍾乍聞更
漏稀龍車倏駕復相違垂眉緬念重歡歎悵
言同遲東方晞

鳴雁行

鳴雁雖雖鳴且翔雖鳴雌和同一行征人晨

旦戒行裝問君何之向瀟湘感離舍怨獨徬
徨徬徨行出門男兒重義何輕恩堂上親老
亦不顧何況區區兒女論

北風行

北風獵獵蒹葭寒出門雨雪道路艱高樓少
婦坐愁嘆征人迢遞涉風湍懷思佇望何時
還行未回桂牀蘭簟獨徘徊丈夫雖云萬里
志盛年一去難重來

行路難

君不見巫江峽口浪如山白帝江陵一日間
君不見滄溟接天百恠備海賈涉之若平地
至險無形人莫窺魚腹置刃君豈知昨與同
門今共敵朝爲刎頸暮分屍韶護荒涼鄭聲
雅野鳥爲鸞鹿爲馬莫言廊廟皆貪夫莫道
山林盡賢者行路難歌莫哀河東太守揮不
去魯連先生招不來人生出處豈貴一但願
勿令世所猜

將進酒三字至七字

闕瓊戶登瑤堂嘉賓咸集華宴載張歌隨白雪轉舞動紫雲揚仙人下堦爲壽玉女揮袂獻觴萬里黃鵠會高舉千秋古鶴鳴相將

楊花篇

楊花亂撲征人衣塞上征人苦憶歸青樓少婦懷遠成顰眉亦嘆楊花飛別有豪奢少年子錦衣出入金門裏豔舞嬌歌共舉杯稱壽逐花歡未已吁嗟壯士豈不還別婦終有家豪華焉得長豪華請君試看楊白花

雉過江

雉過江江水何瀾瀾風驕浪闊力不度翻身墮翼江心裏力微翼短爾不思見爾浮沉非所宜

湘妃怨

帝子眼中血君山竹上斑不見重華返徒令傷玉顏玉顏昔映瀟湘水寶鈿空沉洞庭汜蒼梧何近望何長江水不歸心不死秋花寂寞楚雲津多鳥喧喧愁殺人月中帝輦還湘

浦恍惚如聞二妃語

愚父行

君不見當今智士稱善謀清朝華轂朱門遊太行孟門豈云險星奔川驚不可求朝趨董石暮梁竇銜恩攄歎結綢繆炎天赤日凌空起堂上冰山化爲水烈火風生竈突烟紛紛燕雀同時死山中愚父愚且踈飢餐渴飲恒自如壠畔歸來酒初熟往往釣得前溪魚烹魚呼客開春酒吟對南山眠北牖東林西堰皆坦途坎壈崎嶇我何有君不見翩翩鴻鵠高雲翔雞鶩徘徊爭稻梁

秋塘行

川原搖落羣芳息塘上秋光淨如拭烟開露晞楓葉丹霜波不動蒹葭寒垂綸載酒遡輕舫人影倒行飛鳥上蓮房菰米何鮮新渚雁沙鷗沒浩蕩放歌祇恐蛟龍驚洗耳那聞鼙鼓聲白雲悠悠自來去寧復江頭朝雨情

古城行

秋風策馬古城池斷基廢壘迷霜草暮馬朝
車日日過北去南來成大道千載衣冠空墓
墳萬家市井餘桑棗長林白日寒蕭蕭遠戍
浮雲暮浩浩此地曾經幾戰爭行人極目傷
懷抱城外杙逢漢使回榆關將卒俱安堡君
不見去年今月胡馬來百里烟塵竟誰掃

妾薄命

盈盈水中蓮莖帶何纏綿啞啞樹上烏兩兩
夜相呼憶妾嫁郎未旬日郎騎白馬從軍出

五言集卷一

七

東園桃李尚無花葉落花殘幾歲華前年報
道遼西去今歲書來更何處月缺重圓還有
時不似郎歸無定期妾身欲化雲間雁飛入
邊城見郎面只恐郎還妾不知百年永作長
相思

楚調二首

贈陳文相

芙蓉舊兮鳬雁游滕佳人兮行東遊謝塵器
兮遵清流引白雲兮望瀛洲神飄飄兮心靡

東園歌

憂晨風疾兮不可留倏子別兮晤何由歲月
邁兮生若浮出莫濟兮潛莫修孰與子兮良
悠悠世厭潰兮弗子求復何時兮駕迴舟重
踟躕兮將焉尤何衆鳥兮鳴啾啾悵回首兮
風颼颼渺芳草兮道阻修君不見兮我心慘
樹晚暖兮江村匝烟蘿兮蔽柴門喟主人兮
感雲山之遐思解組綬兮歸東園谷欣容以
相迓水歡聲而自娛竹蕭蕭其百尺抑依依
而五株霜菊就徑露薇見嶠倚長松而蹙息
聆巢鶴之羣呼顧往路之崎嶇兮何來途之
坦夷悔夙昔之縱步兮幸迴轍之未遲世匪
唐虞兮吾奚志於臯夔懷龔魯之可卽兮今
不迫乎古時鴻雁不食於矰繳兮鳳皇舉翼
而高飛卽孤犢之莽宿兮胡犧牛之繡衣淹
寸祿之戰羈兮孰與逍遙宇內俯大塊兮從
吾所之乃策杖於南畝乃泛舟於安流白鷗
朝兮相親夕麋鹿而與遊采芙蓉兮並帶樹

芝蘭兮盈疇白魚入饌濁醪在筍樵歌發兮
日將入風習習兮聞漁謳引鄰翁而對酌邀
游月以賡酬醒何物而靡適夢奚往而不游
日容與以歲延竟甲子之幾周嗚呼噫嘻天
地隘兮滄溟其眇古今適迫兮日月窅苟富
貴之不可求兮吾安知吾身之爲小

孟有涯集卷之一

孟有涯集卷之一

孟有涯集卷之二

信陽孟洋著

五言古詩三十四首

虎丘效陰常侍體

崇丘秋氣合廣野黃雲連晴川素練淨霜葉
絳霞鮮溪樓納霧早岩牕照日偏草繡生公
石雲香陸羽泉朝禽嚮樹末寒花耀塔前定
僧情澹苦遊子思悠然仍此長洲苑詎復闔
閭年

別家

僕夫早嚴駕行行之楚鄉依依戀故里尊俎
臨道傷親友偕集送兒女泣成行隣國非
征歲月未可量白露塗郊原秋草日焜黃沙
禽並棲宿鴻鴈東西翔且爲斯須留日晚途
路長不云行役苦徒令居者傷

海山吟

汎舟覽滄海弭櫂遊蓬瀛洪波浩渺羣翠
蔚葱青彤雲絢雙闕丹霞麗層城麒麟游太

和鳳凰行嘉徵屈道既窈窕飛闌亦崢嶸
金絡簷牖白玉製堂庭奇葩競晚豔珍卉紛
冬榮摘林異果見魚鮮雜般呈仙人集歡宴
靈娥坐吹笙霓裳薦纖舞雪齒發新聲右手
拍洪厓左袂聯廣成渴吸沆瀣液飢餐若木
英千秋復萬歲永言娛長生

海山謠

誰謂海水廣方舟亦可浮誰謂泰山高藍輿
亦可求登高望遠海我心何悠悠雲濤迴碣

石雪桂隱蓬丘長與喬松子年年爲此遊

二

宿華陰懷馬侍御按節河中

客路倦茲遊空堂此何夕明燈促籌書春星
動簷隙渭北鴻鴈來猶吟華山側濁流一何
深佳人香難卽遙遙欽德音茫茫阻顏色笑
言故山廬繁華憶疇昔皎月照巖阿凝霜肅
荆棘蕭蕭驄馬鳴豺狼遁其跡豈不慰遐思
終焉感離析思欲往從之安能生羽翮臨風
緘素書書短不盈尺上言加餐飯下言崇明

德

答劉子潤之

浮雲寡恒態逝水無旋波貴賤有時命歲月
諒蹉跎谷風自東來黃鳥鳴相和庭篠抽嫩
條堦藥吐新葩時物各有託人生詎同科念
我二三友零落殊天涯沒者旣長別生存亦
悲嗟文章速謫尤氣節誰爲誇世方寶燕石
和氏當柰何服飾辨妍醜嫫母嗤秦娥出慕
金門隱歸種東陵瓜光景倘佳會置酒惟高

歌

三

南浦

朝倚東山桂夕棲南浦雲風颺吹岩戶霞日
映茅軒春藻呈奇葩秋蘭發清芬野麝鳴以
游浮鷗自爲羣幽人抱沖和撫物悟天真輕
槳弄明月弱絲漾華津沉飲謝煩慮彈琴悅
心神三徑恣閑步八公寄微言齊組終蹈海
趙璧空怒秦抗志薄夷齊甘與巢由倫

十六夜月

團團中秋月重陰蔽輝光今夕一何夕皎皎
清且揚白露涵金波卿雲耀其傍招邀集惟
賞清歌激沍商鳴垂響室隅肅肅南鴈翔歲
月從此逝我心良自傷何如早爲樂共醉君
子堂君看月西下旭日生東方

採蓮曲

朱明日初永南薰變羣芳飄搖陌上女三五
行且將曳裾步層陰環珮鳴丁當笑語間鶯
燕服飾紛緋黃採蓮池中曲流標婉清揚微
波映深綠素手牽柔香荷葉旣成握藕花亦
盈筐常恐風波起日夕回帆檣踟躇行且歸
繁思結衷腸欲問不可近徒爾心煩傷

別李獻吉

悠悠歲奄暮去去將何之三年不見面後晤
安可期盤桓杯酒間勸君飲莫辭強歌暫成
懽垂鳴及秋時嚶嚶黃鳥音四顧求所依豈
無上林枝予意多乖違幸有同明月慰我長
相思

貽友人

清雲度高漢落日下遠戍行子倦孤征稅駕
咸陽暮空林宿雨微虛簷滴松露悵然懷美
人昔語今不晤濁酒誰爲傾強歌未成趣豈
無四海士新交不如故

送唐仁夫

春風吹碧草去去何能留鳴鴈西北歸之子
東南遊鳳凰立高岡鷗鷺中波浮所貴在順
適性命安可求酌彼金壘酒聊以消離憂

送王子衡巡按陝西得倚字

孤鴻遊八極日暮宿江汜紛紛四海士緬懷
念君子逍遙幽澗濱采摘多芳芷嘉晤苦歲
遲乖別遽千里而飈肅秋林祖席臨寒淚諒
子平生親贈言豈在累初冬出函谷飲馬黃
河水巉崖走虎兕夾道生荆杞莫耶鳴鞘中
一日再三視試以髀髀宜衆理良獨耻仰瞻
太華巔霜峰碧空倚丈夫處兩間氣槩諒可
擬三邊埃火連漢南冠蠶起折衝貴笑談何

必任鋒矢願言樹名勲慰我貽尺鯉

壽成母

春風扇華屋置酒臨北堂靈萱雪中茂煙柳
發新黃阿母上堂坐遊子歸故鄉脫爾獬豸
衣理我斑斕裳中厨薦珍膳侍者獻瓊漿當
筵雜歌舞楹間列笙簧皇恩忽沾渥丹詔何
輝煌承乾旣柔懿教子多義方國典重風教
母儀振綱常主人下堦拜衆賓各舉觴今夕
亦何夕元夜華燈張明月皎中漢南極含精
光千秋屆此節爲樂殊未央

贈朱生

與子別離時乃在灘水陽灘水東西流往棹
無回檣還顧桂山隈城闕鬱相望修衢帶廣
陌車馬如雲翔子居貧士里散帙空盈牀歲
久途路反思心阻且長一朝時運會奮飛游
帝鄉戢翼復南旋問我來建康驚喜如夢寐
顏色各已蒼衷情未云極話言誰能詳行行
度湘川採掇多蘭芳無以遐遠故聊寄莫相

忘

贈初生從呂子游還潛江四首

君從漢水來貽我漢女佩綴以明月珠飾以
南海瑁韞積戒慢藏展玩懷良愛欲報諒難
擬踟躕謝形穢

鴻鴈游中原和鳴同一行

自大梁侯其兄來此

友于一

因心誰言有閨牆鄂鄂棠棣華韓韓自明光
別夢西堂夜春草生池塘

朝趨呂子門風駕自千里觀瀾淮海陽望洋

朱生集卷三

七

大江涖虛往信有益深造自茲始諧音貴操

縵食味乃知音

秋風吹江水江水漫浩浩游子將安歸言泝

荆門道荆門臨夢澤采采多芳草

中秋聞邊報

悲風自西北雲沙漲秋天驕胡十萬騎入獵
長城邊驅我牛羊羣牧我禾黍田壯健亦走
匿老弱安可全相望數千里白草無人烟赴
赴熊虎臣見敵奮以先嗟哉六千人一戰盡

亡捐適我臨上谷城中正皇然東家哭陣亡
西隣愁未還感此懷抱惡令人涕泗懸守臣
報天子分兵向胡阡旌旗耀日赤鳴鼓聲
蕭蕭精還老成將重託生死權國讎與可
雪民瘼諒可痊師出已三月胡兵尚蔓延聯
營鴈門野飲馬雲中泉日聞羽書至爭看捷
音傳再戰失首將三軍竟誰前邊士好死戰
京士好安便安便亦上賞死戰誠足憐掩耳
不忍聽開懷向華筵念此中秋夕皓月當空
圓星雲澹河漢光彩何娟娟微風度羗笛永
夜無安眠

荅三子三首

梁國豪俊超然更田子貧賤不驕人懽游
咸義灑唾燦明珠揮毫涸江水愛予如愛

弟緬懷激仰止

田勣甫

劉子抗孤節磊東魯獻飲酒偕稽康詩名
齊子建閉戶每長吟高筵劇雄辯瘦骨清嶸
峴胃中屯百萬

劉子靜

同鄉復同好戴子情獨親作詩寫心素送我
游西秦楚人惠荆璧郢里聞陽春他方一展
玩酸然欲沾巾

戴仲鵬

詠古二首

區區千金子欲坐不垂堂胡爲萬乘尊居然
立巖牆鴻門杯酒間反復變興亡孤騎廁中
出孰與灞上強帷幄決千里咄咄張子房
漢高事上皇築城徙新豐雞犬識舊術棟宇
如故宮乃知帝王心達孝古人同危哉廣武

陣幸不烹而翁

贈郭侍御北還四首并序

頃惟侍御雨山先生體間出之奇蓄不
可測之量按行關陝凜有風聲衆人仰
其興革俗化流被惠澤而已然時振音
雅金石迭奏揮翰所至蛟龍盤拏此其
緒業有識希覩洋幸以執事周旋彌歲
不啻厭其德政欽乎文詞抑且探至論
於未聞領玄理於末教譬由聾瞶積年

開明一旦豈不快哉乃其旋飾之時不
勝解袂之感用賦七韻四章薄申景慕
辭旨荒陋非所知焉

朱鸞鳴高桐不與黃雀羣君子迥孤特衆庶
何紛紛托心超玄素矯志薄天雲敷言軌前
哲吐氣揚清氛大雅謝繁響舉世誠罕聞闕
然白璧姿蔚矣玄豹文鴻漸浮天堦先儀侍
明君

揚旌渡河渭弭節覽周秦靈臺豈經始古道

李善集卷三

十

多荆榛歷險迫巖公乘危犯沙塵冷冷清風
激霜月鑒幽淪豺虎潛故踪狸鼠安足論中
衢有歡頌窮簷無苦呻鞭笞非所恃風俾江
漢淳

駑駘無異骨輪囷非懿材豈暇良樂顧徒取
匠氏猜邂逅值君子欣仰愜所懷聆矚荷深
眷言論靡有乖諒乏鄙人質斤斲懼弗諧奉
彼惠氏知慙爾莊生儕徘徊千載間感激令
心哀

林花媚遠日原草帶長烟白駒歌道左黃鳥
鳴樹顛駕言返京都晨興越河關豈不念此
偁王事此多艱五侯縱驕侈漢庭爭訟繁朝
廷尚須黯行路終避桓去矣勿復陳大道在
忘言

送毛給事赴南都

明夜春風盡黃鸝無好音清江故人去落日
酒杯深酒空愁復來扁舟那得住孤雲不知
還何處金陵樹金陵山下窟自古帝王州豪

李善集卷三

十一

華餘六代宮殿鎖千秋月出石頭城潮回金
陵寺遠覽懷古跡高吟發幽思潑潑赤玉鱗
泛泛梨花春公餘及良夕可以會情親河南
崔編修山東穆檢計俱是同年人況爾風所
好天地有消息誰能免離分朝如鳳樓日暮
似鳳樓雲孟軻三游齊柳惠三去魯直道苟
不阿全名照今古江淮年歲歎荆襄豺虎多
人生良不偶爲別柰君何紫燕花間鳴飛飛
接雙翼去矣無復言悵望空沾臆

送梁明府

名家孟津口高誼洛中聞不慚爲小相日日
奉明君邑宰西川去交遊上國分曉衝燕甸
雪遙望劍門雲蜀郡猶多寇書生亦統軍憑
君萬里志從此立功勳

已卯南昌之變瑞守宋君死之

惡木安可息猛虎安可翼在咎匪我召罔罔
豈偏仄平生節義軀願爲猛虎食有死可爲
國有生不共賊浩浩鄱陽水盪我忠憤臆康

孟有涯集卷二

七

郎何崔嵬游魂尙能陟流風江漢潯千古垂

令則

黃蘆嶺

汾陽戒明發礪道生愁顏削壁屹雙鐵巍哉
一何艱闌寂魍魎伏崢嶸熊虎蹲溪流石齒
齒雜樹蛟龍蟠微語應洪響及步依盤旋行
行躋黃蘆高高入青天心神足驚悸馳驅精
力慳須臾變風雨白日生黃昏奔雷動地起
駭浪空中翻僕夫各喪魄欲言聲不宜忽驚

秋氣至迴颺倏凝寒欣逢抱關氏白首足盤

跼烹雞獻麥飯禮意良精專倚案向予泣歷

官良獨難本以爲貧仕不能充饗殮卽欲返

里遙遙阻山川聽言感懷抱念國心漫漫

六載繆通籍無時離征鞍西遊賀蘭山北出

鴈門關形肉漸銷鑠塵沒簡與編成名及壯

歲撫臆懷昔賢誰云恃朱顏朝來髮已班何

如解簪紱服食還金丹安能屈情志齒落遊

塵寰

孟有涯集卷二

七

追懷張徵君

青青岩畔松漠漠谷中蘭孤貞抱幽寂芳馨
恒自憐移植公府中土性非所便至人尚玄
素哲士保自然靈霞盪心慮塵紛詎能纏守
身戒枉尺行義耻忘筌結廬西山麓泛舟河
水湍雖非金石固神理諒可全生時有遺榮
沒爲閭里嘆

孟有涯集卷之二

孟有涯集卷之三

信陽孟洋著

七言古詩十七首

漢中太守行贈潘伯振

漢中太守行出門蕭蕭五馬鳴
秋原請君繫馬亭前柳爲君贈
言勸君酒漢中巨郡獄訟繁
饑饉頻仍足群醜蜀川廉范有遺歌
關西楊震稱良守使君才質迥非常
十年獻納黃門郎曾將五色繡龍袞
何有一郡分銅章君不見棧道逶迤
一千里高山峩嶢水瀾瀾此去休歌
行路難擬取循良報天子

望京華

西顧辭三晉東回入故關
長安紅日近玉氣五雲間
萬水千峰齊拱極蠻夷猾夏皆欽德
珠闕晴臨玉沼波金門曉映青山色
仁壽宮中秋意哀文華殿上早朝回
翠蓋香車公主過朱麾寶馬國王來
直門諫議游紫閣公孤宅風生獅
鬚繡衣郎亮搖甲冑金吾客

禁外諸軍復九卿分曹列爵各縱橫
戈戟森森嚴武備冠裳濟濟象文明
外戚池臺勝中官甲第通三千
仙子觀十萬梵王宮垣墉深開金炤
耀軒楹高結綺玲瓏九衢三市多豪
賈貲帛如山氣如虎自矜意氣可回天
翰林學士不敢前後有驕奢游俠子
千金一擲能輕死趙舞輕盈明月前
燕歌宛轉香風裏燕歌趙舞競繁華
十二青樓近酒家長大但知裘錦繡
生來不解種桑麻望京華京華遙相

望西湖一何清西山一何壯
湖田百頃潤還陂山窟諸陵屹相向
諸陵古栢盡蒼蒼秦陵宿草猶未長
草野聞風墮雙淚朝紳引首斷衷腸
望京華京華都且雄元帝末期成廢業
明朝太祖著隆功曆數萬年永車書
四海同生世况逢今日盛歡歌燕賞
樂無窮

別馬君卿尹固安

朔風蕭蕭稍寒日白躊躇執手城南陌
同是天涯羈旅人把酒翻爲送行客
客行一步一徘徊

徊萬里愁雲畫不開繫馬且盡平生懷欲發
不發傾離杯憶昔余年方總角君年二十富
文學與君識面卽心知朽質無成藉雕斲羨
君一舉捷秋闈余亦附翼同翻飛垂翅偕遊
太學裏風朝雨夕常因依志合由來厭流俗
往往朋輩相嘲譏慚我先叨甲第日君還杖
策西南歸此時爲別情更苦慷慨長歌淚如
雨明月瞻迴淮水雲落日望斷燕山樹去年
花發來長安春風得意下金鑾傷心獨喜百

李有澤集卷三

三

年晤往事空嗟行路難清才古貌推時彥白
馬青袍下山縣不須相別重相期但恨相知
不相見龔黃卓魯伊爲誰古人今人可等夷
况乃青雲瑚璉器奚啻百里勞施爲言罷分
携意何極君馬南嘶我馬北積雪川原鴻鴈
鳴平林日沒千巖黑

鳳簫篇贈羅侍御

紫簫吹空綠雲起鳳皇翔入簫聲裏倏下金
墀儀且鳴殿中雅樂識新聲黃鸝紫鷺和清

吹萬雀無喧百梟避一朝羸女飛玉霄文羽
祥音漫寂寥詎謂嘉祥不可復孤雛又見宮
梧宿瓊枝含露食琳琅曉浴矢池動日先德
舞長隨奏金石彩毛時補袞衣裳鼓氣鱗風
歷天宇嶽海騰輝萬邦覩快日娛中迷所由
太平只合歌明主把酒酌君君莫謾請君徐
聽鳳簫篇

送鍾廣州賦得越王臺

漢家南越郡海上起高臺紫翠朝雲映笙簫

李有澤集卷三

四

落日催千秋樂事今消歇碧榭朱欄臺草沒
山鷓空啼蓉葉深荔枝猶待春風發太守來
遊發興豪雪山日鏡擁溟濤右瞰雙溪小回
瞻五嶺高開元宋公韓吏曹賢聲此輩俱翔
翺別君且盡杯中酒越王臺上應回首

夜泊石頭口

初月照江清愁人見月那爲情寂寂空江徒
極目扁舟獨伴漁翁宿舟人盡睡不知醒防
夜知更喚僮僕燃燈起坐心膽摧况乃隔岸

聞猿啼秋潭無雲渚花落寒波欲動風淒淒
一流賈爾何苦猶唱棹歌夜搖櫓北客聞之
淚如雨

雨雪吟

洞庭浪高不可度浮客泊向城陵住北風夜
號天氣寒雨雪霏霏滿江樹短笠輕蓑釣叟
歸煙深草滑行人稀蛟龍畫潛鴻鴈沒千艘
萬艘俱不發巴陵女兒燕趙流錦箏瑤瑟讌
青樓千金豪俠應皆醉賈誼才高不見留

沽酒行贈牟韋二撫君

漢陽江山秋風悲落葉淒淒淒別離江頭壯
士一相見並馬躊躇數回盼青衫烏帽無先
輝云是長安兩錦衣見君北來動鄉思君來
想是從王畿牟公短軀異標格雙頰凝紅鬢
垂白韋君年可四十強方眉廣額身昂藏欲
言向余淚盈臆昔年奉侍君王側日月麒麟
殿上行雲霄虎豹班中直常承密旨按公卿
時有微功佐家國詎料恩榮不可常朝遊禁

闕暮江湘遙瞻北斗空翹首却想西垣祗斷
腸北地南州異風土天暄水濕多憂苦鴻鴈
高高向日邊關河迢遞何時還嗟余亦是投
荒者低首聞之淚雙下先朝末載游帝京
此時牟公已有聲自從逆醜弄權術鞭撻朝
士無虛日扶忠抗義公所優坐廢懼刑人共
恤今皇誅逆法令明韋公牟公乃齊名纔
看執法拖金紫忽復飄零涉江水貧賤榮華
信有時古今人事皆如此君不見張祿先生
脫廁中相秦富貴傾王公又不見魯朱家奴
置廣柳時來復作河東守與君今見且爲懽
別買江魚共沽酒

顧全州見邀江水漲不能赴

桂林山深晝啼鷓一春三見紅日出鳴雷達
曙雨浪浪洪潦平皆仍入室江間浪湧蛟螭
翻鯉魚安得窺龍門渡頭行子立惆悵徒繫
扁舟不可上美人只在水一方百遡千迴道
轉長雨中空見枇杷落飛盡楊花更斷腸

送殷近夫尹靖江

靖江百尺澄秋波江上秋風吹薜蘿蘆花鳬
鴈鳴相和江南女兒紅碧衣日沈晴沙薄暮
歸手牽蘭杜不忍違秋容入佩香風微短棹
吳歌處處吟歌長調切傷人心江天月出江
水深遠客聞之淚滿巾孤山此夕好登臨

遲賢亭觀邊劉谷王四子遊泰山回
題壁之作

遲賢亭中風葉悲壁開錦繡皆新詩華泉最

多一一奇懷人感物凝妙思輕羅緩珮春江
湄傷心踏歌楊柳枝劉子醉把青玉卮一首
便足心如癡花林寂寂聞鶯兒谷生口口稱
邊師一趨一步不敢移中間白泉常皺眉恨
不生同子美時一吟三嘆雙淚垂濡毫灑墨
同一規顏卿上邈王羲之白日雷電翻蛟螭
騏驎駉駉忽並馳平原萬騎何能追神馬無
復來天池泰山茲遊誰與期無涯驚子來何
遲

客有爲余道京師故事者感而賦傷

歌行

君不見長安富家種花竹綺窓蘭榭如金谷
四時留客宴常開齊絲燕管日追陪酒酣賓
主皆傾倒盡道結交苦不蚤醉倚佳人池水
邊腥膻厭飫出時鮮促歌索舞從君欲風度
青林明月懸可憐今夕同歡讌人事明朝有
更變家破亭臺日漸非園荒桃李花如霰主
人辭舍燕分飛送葬無人吊者稀諸兒道上
有飢色舊客相逢不相識莫笑哀絲重博徒
人生緩急誰所無叩門不以親爲解信是昂
藏一丈夫

李子自沔陽貽詩及古製青羅巾以

長句酬之聊暢中情永懷疇昔

我謫桂林日何郎寄書稱薛李長安四百豪
俊徒揮翰摘詞兩才子 詔移汶上朝京師
文物交游非昔時李君亦自沔陽至薛子識
面同追隨行歌坐吟瀝肝膽醉倒金華琥珀

危風吹萍聚安能久腸斷都門萬行柳天南
地北雲雨飛徒有清詩長在口東遊吳下覽
湖山悵望心知那可攀桂花獨向愁中發鴻
鴈空驚夢裏還歲月易推遷踪跡信漂泊君
猶滯黃蓬我復登黃鶴鸚鵡洲寒蘭杜空滄
浪水淨蒹葭落豈悟重逢汴水涯夜深相見
更相疑對燭不能寐樂極還生悲回首舊遊
地賓主總支離秦川桃李春風日燕館悲歌
明月時

何提學陝西
薛在北京

把酒論心心欲裂世態

全集卷之十

九

人情等飄雪魯國從渠呼盜丘飛廉饕餮俱
高絮三閭不睹汨羅沉孤竹誰憐首陽節天
厖駑駘氣亦雄風塵寶劍光應滅別來節序
咎相催幾見山間朝槿開五馬昨聞里中過
雙麾又自日邊回長孺不薄淮陽守馮唐未
老令心哀傳書嘆蹉跎感慨舒情素披誦高
文豁兩眸星斗昭回破煙霧班揚自是金閨
人眼底浮沉君莫顧緘情更寓青絲巾展玩
蒙頭稱隱淪坐卧雅宜茅屋小街遊正及江

梅春思君顏感君惠萬鍾於我奚有情千駟
無名如敝屣何以報之莫相忘不貴榮名重
高誼願言各努力萬事由蒼穹奪牛豪氣誇
田主失馬先幾問塞翁君不見傾朝聲勢歸
元老海內英雄任顛倒道崩馬逸華轂摧血
濺妻孥身不保君不見虜將擒王樹偉勲功
成謗集何紛紜獻捷惟聞衛車騎封侯不到
李將軍古來賢哲多如此王侯奴隸同生死
春花過眼莫停杯請君試看東流水

全集卷之十

十

公署雪後無聊張時濟以桑落酒至
對飲成醉爲醉歌行

君不見亭亭捎簷數竿竹霜雪滿地色不移
又不見野田飢雀啄枯草哀鳴三五行相隨
人生樂在心相知貧窮富貴安足疑伊周功
業竟何有陶侃風流亦我師硯毫冰結簿書
積寥落公庭心苦悲張公知我好飲酒甌帷
貂帽來分司秦中桑落不易得內法本自朱
門貽爲我斟酌滿玉卮酸齏冷炙性所宜君

醒我醉各自適我飲君歌歌莫遲德將不亂
古有誠我輩豈是真狂癡浮雲渺渺度城闕
白日黯淡西南馳酒酣眼白出門去笑殺長
安輕薄兒

嘯歌行別劉郎

劉郎酒後仰天長嘯歌白日滾滾翻江波江
頭風沙木葉暗雷霆裂石鳴蛟鼉壯士不作
兒女泣舉目慷慨輕山河金陵有酒旨且多
扣門月夜常經過相逢十年後鬢髻各已皤

全唐詩集卷三

十一

故交半淪落不飲當如何自幸平生識君早
青袍白馬燕山道腰間寶劍先陸離玉樹春
風映瑤草可憐邂逅初把臂傾懷抱笑語天
涯意氣親矜誇海內英雄少中道寧知岐路
分越禽胡馬各離群遷人南涉瀟湘水游子
東歸海岱雲楚王則足空懷璧漢主輕儒不
用文艱危萬里頻相憶書札經年那可聞聞
君得意下金鑾御柳宮桃帶醉看車馬香塵
流紫陌聲名一日動長安此時重嶺外悵望

五雲端愁開一起舞懽劇且彈冠黃金臺下
驂騑貴紫桂山中杜宇寒內移汶水游齊魯
歷下風流欣再覩華燭仍驚夢寐時青尊不
盡流離苦丈夫得志起龍蛇狂客當筵賦鸚
鵡由來節操薄時人擬取勲名耀前古斷蓬
流水嘆斯須君宰銓衡入上都王戎簡要傾
朝羨韓愈文章近代無雲霄終躡翼昏夜枉
投珠五馬行淮甸三年握郡符彈鋏時時歸
欲去書空咄咄徒嗟吁今朝快意重携手忽

全唐詩集卷三

七

復揚帆朝北斗聖主方資經濟賢雄才豈
落尋常後劉郎且勿行僕夫莫辭久煩君爲
我倚棹還高歌余亦爲君盡此盈觴之別酒
逢人謾訪玄都花過里休栽彭澤柳

題畫

丹青妙意畫莫測一幅寫盡秋江色天遠平
看楓樹林雲長不辨鴻飛翼崖半青松縮夕
煙洞門亂石繞寒泉羽客看山坐松下橫琴
不語心悠然孤舟短棹輕波裏煙雨霏霏笛

起蘆葉青搖洲渚風蓼花紅映江心水
下舟中俱隱淪城闕車馬徒紛紛悵然省誠
畫中趙何能歸來江上同鷗群

輓王復齋憲副

昔我總角初有知聞說襄城王夫子夫子仙
遊今幾年風采沉湮竟何似十五胷中富甲
兵二十海內知姓名絲綸閣下風雨驚御史
臺前冰蘂聲行法豈知諸貴顯抗言自視一
身輕從來烈士常坎壈直道自古多難行拂
衣歸來無負郭丈夫豪氣寧落莫抱膝常憐
諸葛吟簞瓢獨有頻回樂懷哉夫子不可求
襄山雲物空悠悠

湘水歌并序

我聞越人去國見形似而喜仲尼適齊
聞韶樂而嘆豈不以希音難遇良晤靡
常也哉昔東橋直道謫守湘州賤子多
辜放流桂郡慚非郭李之儔竊幸同舟
竟等參商之迹仍悲各處願卿懋涵東

橋公之子也乃乙亥正月浮游桂林將
命若翁下迎賤子明晤若神才華如海
素業資于庭訓青年邁乎等夷造霸容
儀豈數令狐之兒過戎良久敢謂嗣宗
之鑒竊附古人托交小友宵談以希旦
夕遊而自期興緒雲長辭氣鋒出冠服
生洞壑之光題咏盡江山之麗氣乎趨
同蘭深膠合此豈徒見似之喜聞樂而
嘆者哉嗚呼飄蓬踪跡不可以常折柳
心情孰不云苦煙渺渺而碧蕪遠花霏
霏而黃鳥鳴迎落日以舉觴送征雲而
解纜矧予一枝之棲未安萬里之心常
繫惆悵臨江徘徊送遠卿亦莫賴予復
何堪維茲傾城賢士泊吾在門小子咸
覩翔鳳之姿各贈登仙之咏余亦作歌
并序諸首用酬君子青瓊之章敢辭鄙
人白豕之誚乎

湘水綠色波瀾瀾石樹參差岸煙起芳洲蘭

葉搖香風日暮千林萬花紫春無鴻鴈隨門
和畫見獼猴掛薜蘿谷深疑有秦人住澤畔
時聞漁父歌獨愛蘇吳顧虎頭謫官五馬來
湘州郡中無事常高卧忽復乘舟泛碧流醉
邀明月不知返曲奏陽春恒寡酬神檢如君
更清出小顧阿髦誰甲乙陳荀王謝都塵埃
君家一門皆俊才班楊已去蘇李死氣運文
章喜再回德星遠向庭闈聚堂上春陰覆瑞
樹柳山雲物春更嘉翠竹寒泉啼鳥譁昔人

尚有讀書屋君復題詩躡紫霞

孟有涯集卷之三

五

孟有涯集卷之三

孟有涯集卷之四

信陽孟洋著

七言古詩十八首

鴈門太守行

鴈門城中人阻飢鴈門城外胡馬馳太守從
來賢者誰濟南太守今何爲往年有田耕未
得今日耕田田可食救死年年嗟苦辛講武
而今尙餘力郡中政美風俗移山中草長牛
羊肥邊城百里塵不飛太守不來民疇依

人日

去年人日潁水濱今年人日長安上白雪清
尊憶故人長烟平樹空遙望苑外寧無楊柳
新水邊不見梅花放天南地北總支離瘦馬
東風倍惆悵

漢宮詞

憶昔妾當二八期正是漢家全盛時九重下
詔擇鸞匹萬國求賢配鳳姿妾身自分非良
質百萬人中叨第一天子親迎

持節下蓬華蓬華輝光異昔年絲蘿延蔓從
今日始知貴戚失金張不許王侯論甲乙一
入金門侍至尊奈何相見不相言紅顏未必
招人妬薄命何堪承主恩主恩深重應難報
妾意殷勤那復論一別謝君面往駕無旋轅
夜夜看星回永巷朝朝望日倚長門長門永
巷春風起萬卉千花闔芳紫燕子飛過密杏
中黃鶯啼向垂楊裏鶯鶯燕燕各相依戲蝶
遊蜂兩兩飛可憐今日春光好可惜明朝春

不重有蓬華

三

又歸鳳輦常時遊上苑車無日到重扉豈
干侍御還多寵自是君王有萬幾萬幾閑暇
甘遊獵朝出城南暮城北金鞍玉騎走千軍
羽箭珣弓墮雙翼陌上風光自可嘉宮中粉
黛無顏色離宮一萬所別殿九重深豈有容
華希寵愛更求詞賦感君心何人可托黃金
贈薄情不見白頭吟珍珠簾下閑歌舞且取
歡娛謝愁苦自愛瓊簫引鳳凰自愛金杯度
鸚鵡鸚鵡性能言不得到君前一朝被籠絃

翠羽徒自憐不沐君恩奚足惜不見天顏心
未憚天下昇平主萬年妾身生死良何益

刈麥行

五月五日麥盡黃北阡刈麥東阡忙家家男
婦聚如堵赤日中天汗成雨禾藁登場宜自
歡奈何相顧反愁嘆深耕從昔望豐稔疾風
搖落半枯乾枯乾太半稅不足況是年來無
積粟一春不雨復于茲今歲秋成寧可期舉
家俯仰失依倚官府索錢猶未已盡力窮年
總爲公貧餓雖生不如死須臾言罷各潸然
始信農夫多苦艱車馬饕餮竟何事使我聞
之益厚顏

不重有蓬華

三

再過政平飲王介卿宅

七月七日王子宅舉酒談兵對秦月深坐那
知河影移醉歸不覺雞聲發萬里重來慰所
思秋風恰過中元期人生會合亦常有不用
臨岐嘆別離

壽邵黃門母

堂前秋菊黃金枝堂上慈顏頭白垂雲天青
鳥下高宴西降王母從瑤池繁吹劇舞風日
動酒長樂侈山海移母家仙郎青瑣客玉貌
翩翩健雙鬚衰職平明侍內庭封事日昏回
左掖却憶常年壽宴開彩衣畫舞北堂隈今
歲清秋逢此日退食臨風望雲立長山遠水
隔承歡況喜高年當七十裂素揮毫開畫圖
明珠光錦出文襦玉桃歲獻蓬萊苑紅日朝
升滄海隅再拜征鴻遡鄉郡丹青白髮常相

太玉有漢集卷四

四

送洗侍御歸養

祿食不代養繡服詎爲榮悅親已奮青雲翼
久宦能忘鳥鳥情再疏朝承內庭旨孤帆暮
下長河水越王臺上起秋雲目極歸心八千
里江花明江草新畫呈彩衣舞春醉白頭人
千金不買堂上樂萬乘難招膝下身君不見

世人競取拖金紫厚祿徒將飽妻子

舟過城陵磯悼內兄舊巴陵尹

巴陵原上秋草沒岳陽城頭挂殘月嘆逝中
宵懷不開江流鳴咽江猿哀昔行縣中花令
餘道傷柳可憐勁節胡爾爲徒取虛名在人
口朝雲爲雨暮歸山秋燕辭巢春復還青山
玉骨何時起鬼火妖狐滿蒿里思君懶入巴
陵遊巴陵道古生百憂

瀟湘行

太玉有漢集卷四

五

歲暮浮瀟湘天空豁心目霽日千林開高雲
萬峰簇江色巖霏水郭隈垂蘿飛幌隱樓臺
疎松野寺鍾磬響枯葦沙洲鴻鴈哀風烟奕
奕紛奇狀海賈湖商日流盪浣婦新粧映綠
波漁人密罟拋洪浪年年歲歲此江津今日
人過非昔人曾聞埋沒屈原骨不復飄零賈
誼身楚王宮中罷歌舞十二峰頭泣雲雨岸
上誰家越女謳珠簾羅幕桂堂幽江南本自
山川勝日暮其如客子愁當昔孫吳漢昭烈

轉戰江流血功臣名將已寂寥石碑銅
柱俱淪滅秦皇威力震羌胡仍迴車駕徧寰
區馳道至今瀟水上秋風惟見白雲孤白雲
孤以飛湘水自南下安得從之亦北旋東園
種竹耕西野

送平樂李太守致仕還汝陽

桂水生炎雨湘山暗夏雲他鄉一見面明日
復離羣垂楊萬縷縈愁思芳草萋萋爾何意
須臾日暮孤帆開別酒千鍾那得醉昔乘五

本集卷之五

七

馬中原來今日還乘五馬歸神明太守有高
譽奔趨白首奚爲哉君不見秦時丞相顯泣
顧中兒憶黃太君不見漢代淮陰強後車仰
嘆良弓藏曾參殺人惑慈母董龍誰敢呼雞
狗樊籠一躍天地寬榮辱縱橫我何有憐君
髮鬢猶未絲五湖三徑將安歸清泉白石滄
洲夢赤日紅塵誰是非吾州山中連君縣我
住君還淚如綫搖搖前蓋過君我有雙親
君得見

桂樹行奉壽西巖先生

西巖桂樹青瑤枝花開八月黃金垂西風吹
花渡海水天香散蓬萊池蓬萊仙人冰穀
衣手揮玉麈飛瓊卮青童翠女雜歌舞鳳簫
龍笛吹參差洪崖擊掌廣成笑長安游宦嗟
年少柱下逃名名始聞金門晦迹光逾耀更
乘五馬適溪山何似青牛入漢關千言不博
萬鍾粟至今大道留人間桑田已見成滄海
玄髮朱顏猶未改鯢轉鵬翻復幾時吳宮晉
闕今何在惟有西巖桂樹根不移年年歲歲
花相待密葉長條凝紫烟江山轉見生光彩
題宋徽宗杏花錦雞圖
北風十月登華堂堂上春光照花樹雪壁
熒絢綺霞晴烟拂拂流香霧彩筆誰將奪
工珍禽艷萼披霜素洛陽殿前仙杏開錦
石上矜毛羽出羣羣手近代無趙宋微宗
此圖規模寫不足數生意真與乾坤符
露蕊宛堪折飛翼回頭如有呼上林

竟何似滿堂醉眼俱模糊。國朝畫者稱林
良古松蒼鷹乃所長後有呂紀善畫鳥形象
雖工神色少帝王妙思非等閑意態不在丹
青間定知萬里胡沙外貌得關河北鴈還

天馬行同唐荆川太史游普濟寺作

風催白草霜葉丹嶙峋黛色標南極晨起衝
寒恣攀陟捫蘿策杖嗟無力林壑陰森逕轉
迴赤霞掩映青蓮開殿閣參差翠微畔黃金
作戶玉爲臺玉臺金戶通流水門外孤峯插

不盡有澤集卷四

八

天起往往飛花下石壇呦呦馴鹿臨崖溪修
竹長松烟雨間鳴琴對奕醉忘還回首氣氤
渺城市悠然身世非人寰江東才子金閨客
遙下天門飛漢節覃恩中土煥堯文覽勝南
州探禹穴嵩高伊闕剩遨遊淮汝風烟亦暫
留校書懶臥楊雄閣作賦常思王粲樓山中
載酒摘毫素盡日謳吟倚雙樹飛泉寒谷生
光輝珠宮畫壁流雲霧蹊路欣看天馬過驚
駘學步愧蹉跎凌風逐電去懸想瑤階

響玉珂

風木歌

風木悲宿昔哀鳴復今茲媚川繡野無顏色
垂簾浮棟若愁思春風往日長安道絃管高
堂壽雙老靈椿日映千年枝丹花露浴忘憂
草仙鳧飛去還復來蛺蝶雙拂羽杯寧知
歲暮寒飈及零落韶華空草萊入林鳴鳥哀
何切覆屋浮雲陰不開堂前桂樹秋花紫萬
里香風未云已有祿不及親在時天涯涕淚

不盡有澤集卷四

九

傷游子感君哀思爲君歌風驚木撼柰若何

松栢行爲洞雲張封君雙壽

松栢不生靈路側托根蟠節崑崙巔道遠材
高不可致工師仰嘆空垂涎洞雲老翁避世
賢蒼松翠栢同清堅見客常持伏羲易閉門
却草楊公玄弋雁歸來但飲酒白頭相待如
賓友琴瑟在傍歌在口滿庭兒女牽衣走甘
貧無乃梁鴻妻樂隱真偕老萊婦卽有君恩
金紫榮杖藜不廢看南畝遊子金衣宦

望雲時上鳳皇臺陶公山前鶴雙下賀監湖
邊花並開欲窮海錯供春饌更接江潮益壽
杯大孝由來不貴養臣時實藉英雄才

送周玉巖侍郎入賀 萬壽節

炎天水閣高雲垂陰陰碧樹鳴黃鸝奏簫伐
鼓振林木送客維舟白日移衣冠江上同稽
首仰看文星朝北斗客行直上 大明宮拜
舞歡呼萬年壽萬年 天子堯舜同華夷皞
皞樂時雍光輝幸際中興日禮樂欣瞻上古
風憶在 先朝不得遇竄身嶺海迷烟霧日
月重開二十年長安文物今非故余亦同君
近侍臣白頭飄泊厭風塵中朝故舊能相問
欲臥滄江老病身

送僉憲李君惟大入關中

秦中昔遊地西望送行旌雨雪經淮甸春風
入洛城洛陽城中足高彥君過故里多歡宴
天津橋邊新柳絲桃林花煖啼鶯徧紫氣函
關路青蓮華嶽祠五陵富貴空流水四塞烟

塵異往時使君按節行風俗曰日青雲照巖
谷雲陽縣前涇水深召公亭下春蕪綠中興
天子綏刑威四海謳歌仰德輝從容攬轡長
安道早晚風聲達紫微

題竹山

陶令門前種五柳風流千古落人間唐君
竹竹滿山高標勁節誰能攀夜清忽送五湖
月風稍亂拂滄洲烟徑開只許衰年過林臥
寧知嵇阮賢山中對此須珍重寄汁往往棲

鸞鳳世人那識雪霜安廟庭擬作無韶舞

孟有涯集卷之四

正有涯集卷之五

信 陽 五 律 詩 九 十 二 首

五言律詩九十二首

發上谷

上谷驅車出雲中
屬望朔荒山曾過虜殘壘
半無人雲冷低關樹
風多暗塞塵翻思戎馬
事愁病轉謫神

明妃曲

朝辭鳳城闕
暮出鴈門關
漢音聞漸少
胡語

正有涯集卷五

辨應難玉筋
軍中落琵琶
馬上彈宮闈
閑名態遮莫外人看

除日

邊城除日至
猶自備戎機
馬上驚殘歲
河邊對落暉
逢人空問訊
逾節始言歸
回首年來事徘徊一振衣

除夕

親老留京國
那堪更遠離
燈前千里客
城內萬家悲
歲暮偏多感
更闌祇自知
今宵重

難得明日改元時

元日

朔塞逢元日
偏憐風日嘉
人心懽節候
物色換年華
對酒那知客
看雲即是家
昇平通海內
歌吹達天涯

征婦怨

年年出塞遊
日日憶刀頭
不盡東流水
難窮北望愁
寄衣無去使
問卜下粧樓
自是寒門子
何須慕列侯

正有涯集卷五

別都玄敬主事改南京禮部

迴車塵路轍
停棹故山廬
祿薄堪迎養
官閑好著書
吳門楓樹色
京口菊花初
到處宜乘興
江樓坐月虛

靈濟宮二首

涼飈清曙發
休沐訪雲林
畫壁莓苔積
瑤壇松栢深
披煙看篆碣
隔雨聽鳴琴
坐久渾忘返
蒼茫晝景沉

塵陌西林隔
懸櫺秋雨鳴
鶴從蓬苑下
雲向

藥宮生堦濕草逾碧臺深花自明相逢廣成子對語坐前楹

過張元德戶部同遂伯二首

登龍來委巷下馬索新題砌晚蒼苔靜盆陰碧草齊苦吟憐賈島高論接昌黎興盡揮鞭去紛紛月滿蹊

王郎多逸興張子更清談詞賦誰當並交游我獨慚晚風聞竹碎霽雨對花酣轉首成宵夢梅開湖水南

無題

武陵曾遣使半月不歸來江口傳書至城頭望眼開燈花連夜喜戍角五更哀畢竟成虛約多情付折梅

九日次邊青厓太常韻

落帽憐高興銜杯意轉哀葉辭霜後樹人上雨中臺爲客悲秋盡思鄉見鴈來百年幾佳節又負菊花開

冬雨

夜雨鳴檐急朝雲度漢賒隨風初密密霰霰轉斜斜凍鵲愁高樹寒鴻戀故沙鄉園栖不定猶自念天涯

隱者

何處覓徵君風標薄紫氛秋聞前岸笛晚泊一江雲楓樹青山色蘆花白鴈群生涯催歲暮野思正紛紛

別李獻吉還大梁四首

孤鴈鳴秋塞天涯別故人躊躇相執手慷慨

一沾巾東魯群兇起中原萬井貧蒼生瞻望極何日展經綸

萼美張翰思途悲阮籍窮西風大梁路落日一歸鴻雨散千峯碧霜催萬木紅常時開匣劍紫電掣秋空

晚風吹曲水雲樹拂幽居五柳淵明宅南陽諸葛廬野花當徑發碧草入簾虛湖海孤燈夜山窓正著書

九日又欲至客身猶未回故人一以別誰復

其登臺黑髮從今變黃花如舊開梁園秋樹
少悵望不勝哀

雨

金氣生寒色浮雲不斷空雨聲零亂入客思
寂寥中當社愁歸燕含煙杳去鴻堦前黃葉
徧江上正青楓

穀日集大慈恩寺

穀日城西寺高朋共夕過磬聲風殿合花影
月龕多興發須長飲憂來更短歌春光復幾

大孟有蓮集卷五

五

日柰爾歲時何

答沐陽王明府寄書

燕關經歲別淮水隔雲遙鴈至逢消息春來
慰寂寥年飢無舊粟民病轉多謠美爾真良
牧聲名滿聖朝

弘法寺別送行諸友

暮出都門道長歌別友生深杯動落日野寺
轉流鶯京洛群公會邊關六月行悵然騎馬
去應亦念吾情

宿良鄉寺中

良鄉聊駐節高枕倦初遊細雨城中寺浮雲
天上樓關河催遠役戎馬繫孤憂坐看楊花
落青林夕景收

平野

平野四無極天晴一望賒乾坤分戰鬪今古
變夷華白日牛羊隴芳春草木花樵歌林外
際彷彿有人家

邯鄲

大孟有蓮集卷五

六

行歷邯鄲縣叢臺高柳踈春風罷歌舞落日
照丘墟民物千秋改城池百戰餘黃童與白
叟誰識趙王居

哭妻父

初聞妻父病涕淚以沾衣昨夜來吾夢今晨
說汝歸感恩中道絕見面此生稀忍使嬌兒
女還家失所依

過懷慶贈潘推府同年

潘岳向河陽春花白晝長風流應絕世朋輩

有餘光盡逼王維后詩同子建行蒲轡能化俗終日醉壺觴

憇冷泉寺

漫入冷泉寺居然外慮空雲來千樹黑日斂半山紅法鼓傳虛殿禪音出上宮興來孤騎發汾水正秋風

約蘇天秀年兄會鳴謙驛

季子三年別銅章百里分形容空有夢消息漫相聞惆悵西山月淒涼北塞雲驛樓風日好尊酒待夫君

偷次蘇天秀宅會田汝觀年兄

關中有豪士竊我號無涯駿馬來天上留連季子家昔年陪賜宴同日醉春花此會知何地秋風日未斜

井陘別劉伯耕

昔年新樂縣偶喜故人逢此日陘山下君來奚所從舉弓看落日鹿角聽鳴鍾晨發臨岐路山花別更濃

河

度盡山蹊險方舟臨大河晴光浮古渡夕景下深波棹向風中入身如天上過東流長不改世代自消磨

悽愴

野日形容悴秋風髣髴踈客深衣有蝨水遠食無魚霄漢蓬飛早庭堦葉下初窮鄉驚歲暮悽愴欲何如

中元

沙塞沉沉夕山城瑟瑟風旅愁紛落木鄉信斷飛鴻明月誰家好寒砧到院通應知早成服爲寄遠從戎

庚午秋再過寧州秦用寧莊

不見秦公子秋風又隔年康村催落日早社駐朝煙飲酒思通聖彈棋解入仙即欣重聚首終夜不須眠

臆日

日風光好天門霽色高宮雲移曉杖屨

照晴袍九殿傳金詔千官會玉醪
項隨鸛鶴散感激更揮毫

韓汝慶宅對雪憶馬君卿

不見高人面雪花空自飛清詩他日見濁酒
斲時違煙塞淒淒遠風簷片片微雲昏津樹
色悵望益沾衣

元宵

良宵春乍入新歲月初圓燈火連通國星河
失遠天禁鼓閑愁裡降歌獨語前何因酬令

節祇復嘆流年

元宵後聞鴈

昨夜元宵節今晨鴻鴈音索居纔入耳爲客
即驚心楚雪江湖遠燕雲關塞深翻然動春
興出戶已難尋

別邊荊州庭實得寒字

細柳迎春發啼鶯二月寒冰榭自天上萬里
向江干群盜經年動荒城到處音沉湘回鴈
候消息報長安

隣鶴示蔡生汝培

雪映寒宵霽霜催凍月生雲松何處覓海鶴
忽然鳴倚杖心殊遠彈絲調轉青春莎江上
短思與爾閑行

弘慈寺訪羅侍御不遇

騎馬出城郭逍遙訪所親高林浮薄日古寺
入殘春細細簷花靜嚶嚶谷鳥頻風光助吟
咏發興爲誰新

送周節判還山東

沙積燕臺草塵飛易水波
厭風十日後不雨
一春過舊業人應少新聞冠尚多馬嘶亭畔
柳爲別柰君何

劉童子

十五劉家子居然厭世情風神逐雲遠眉目
照春明欲得黃金術先吹碧玉笙緋衣朱馬
客不似學長生

送柴宗周

昔喜同年友今嗟四海人
卻緣爲別久相見

更情親白鴈驚心遠黃花入鬢新壯歌發舟
楫回首莫傷神

同劉子靜伯仲慶壽寺齋居

古寺柴門僻齋居春日幽聞鶯無客至看竹
有僧留花隔長安市雲明梵宇樓高閑聊此
地栖息甞忘憂

送韓汝節

春月高城上酣歌此宴同旅愁鞞鼓外心事
酒杯中雨雪辭燕甸鶯花過晉宮休將萬里

李有蓮集卷五

七

志今日嘆飄蓬

臨清別鄭負外入京

落日清河浦初春使節還風塵滿天地鴻鴈
越關山月出東曹靜花飛上苑閑長安一杯
酒何日得追攀

荅何仲默清明見貽

此日清明節天涯客子情林垞思折柳城市
不聞鶯上國風雲氣中原鞞鼓聲勲庸羨名
輩落魄耻浮生

玉河柳

上林承日近楊柳得春先翠黛朝凝露金絲
晚駐煙官娥益愁思樓女聞嬋娟時在龍舟
幸鶯歌雜管絃

暮春四首

暮春傷冀北日夕望城中林苑披春霧樓臺
度暖風歌隨雙鳳輦舞對百花叢寂寞閑居
客憂時嘆未窮

李有蓮集卷五

七

何事久傷神他鄉逢暮春落花偏傍客細草
更愁人塵滿梁園樹田荒楚水濱弟兄不可
見悵爾鴈鴻頻

蕭條爲客久潦倒見春回內苑鶯徒囀西山
花自開經過無友輩愁思傍塵埃故國風煙
美長孤此日杯

上苑春風盡王師幾日休兵車勞萬國烽火
徧中州破屋人全少荒城鳥亂投 至尊懸
厚賞諸將合深謀

遊崇福寺遲同往諸君子二首

塵郭殘春盡清郊初夏臨出遊情不淺坐待
興翻深風幔過晴絮煙林變候禽遲聞車馬
至愁劇轉花陰

詞賦梁園客聲名桂嶺才鶯花邀出郭雲海
一登臺久擬高僧侍頻勞使者催况逢今日
霽莫負百年杯

四月陳山人院內牡丹

牡丹元國色不似洛陽紅即有仙臺下其如
鄉園中花開後春月葉好得薰風何日清江

上移栽五柳東

盡

虛堂開墨畫素壁掛秋尺草閣澄江動雲帆
落照懸丹楓藏暮雨翠嶠帶霜烟故國依稀
見風塵幾日還

秋鴈

高秋鴻鴈至落日數行斜霜雪愁邊草煙波
憶渚花近人鳴自切遠害去偏除慎汝中原
路悲風起暮沙

十八夜月

傍雲升古塞淝露綴寒城濁酒三人醉長安
萬杵鳴中秋今已過殘夜雨猶明莫向關山
照江湖有戰爭

九日朝天宮

九日遊仙觀登高望帝京樓臺連戚里鼓吹
散秋城內苑雲霞動西山煙霧生舉杯迎落
日悲笑各含情

秋夜過韓汝慶

不見心良苦相看思轉長叢花開晚宴片月
掛秋堂露暗悲虫響霜高肅鴈行帝鄉繁
盛地搖落總堪傷

出京

十載京華客江湖萬里心賓親勞出餞杯酒
各霑襟花落日邊盡鴻飛雲外深此時一分
首何處更同音

舟中聞何粹夫內翰外補

愛汝官清地慚予見遠投忽聞亦外補安得

與同舟自有經邦術長懷報主憂湘江他日
淚不爲賈生愁

酬寧伯東僉憲遊龍泉寺見示

忽枉龍泉作因懷丘壑情青山不可見古寺
久知名擬有松間鶴如聞竹裏鶯期君乘興
往並馬踏雲行

雨中期馮都憲高太守寧僉憲遊賢

隱寺

相期遊野寺不寐憶松房細雨蒼山濕高雲

金有澤集卷五

碧殿涼沙行看逸鷺石坐傍幽篁準擬侵晨
往衝泥定未妨

賢隱寺限韵時余將往桂林

出郭尋閑逸携壺得俊豪雲容過雨澹山色
入秋高水竹聊停蓋風塵未解袍三湘空弔
屈五柳獨慚陶

宿堅山寺何仲默有讀書樓

山深微見月夜久獨聞泉海內無多地人間
有別天松岩北瀉落雲閣梵音懸爲問登樓

客長安何處眠

煙

湘流落日外沙迥暮生煙杳杳千峯失霏霏
萬壑連鵲翻知浦樹人語辨江船暗裏猿聲
斷愁深攪夜眠

閑居

新歲羈棲久閒居百慮催重雲沉塞角細雨
落庭梅門戶春常閉圖書晝自開城中冠蓋
客僻處不曾來

金有澤集卷五

悶中寄顧全州華玉

苔館孤裘客雲山萬里家治安慚賈誼卑濕
甚長沙鳥極天涯樹花深日暮笳使君何處
酒江遶郡城斜

壽松坡母

碧殿傳青鳥瑤城奏玉簫梅風天上度桂霧
月中飄壽命如金石桑田自海潮年年今日
宴常擬醉松喬

次韵何仲默見寄

一惜鴈行別空聞猿夜哀思君南極淚喜客
北方來書自三春發封當七月開雲深嶺海
樹何處是燕臺

不寐

枕上秋聲急天涯客思繁窓星亂螢火簷月
引花痕盡夜惟砧杵何時有夢魂故鄉安可
到萬事未須論

答黃橫州年兄寄書

漢苑同遊客分飛已十年封書橫嶺北灑淚

金華集卷五

七

桂江邊辛苦仍州郡飄零獨簡編天涯春色

暮寂寞萬峯連

端午日述懷

午日逢今日他鄉憶舊鄉新蒲愁自綠碧樹
望翻長地濕蒸炎氣峯高隱夕光傷心歌楚
些清淚遞瀟湘

納涼

移坐逃西日開襟受北風庭陰夏木靜山色
夕雲空狂簡借曾詠清和入舜桐即便樗散

地寧異水晶宮

贈東山

東山名不異興復謝公宜芳草春携妓長松
晝奕棋杯深花發際樓迥月臨時並有徐劉
輩經過數賦詩

同顧二刺史遊柳山祠

昔慕柳侯跡今逢顧守遊山形盤野壑樹色
動江流城郭登臺暮風煙倚閣秋不須松下
酌深坐已忘憂

金華集卷五

大

入嶽

僻路疑無日危梯漸入煙暗泉傳石竇高稻
壘山田鷓語深叢裏猿垂古洞邊清秋未搖
落百事總堪憐

宿上封寺喜晴

俗傳衡嶽徃頻見雨雲俱何事秋天霽能令
皓月孤平看窮蜀粵俯影辨江湖敢謂精誠
在山靈定有無

登祝融峯

身憑祝融險氣入太虛清獨聳元無敵諸峯
空有名九江落日盡三楚片雲平未畢登臨
興還驚風雨生

謁胡文定公書院

經綸真不忝軻嘆斯人避地青山遠傳經
白髮新文星輝岳麓道脉轉湘濱院宇千秋
寂墻花映古津

南臺寺貽鄉僧無碍

吾鄉老衲子尋寂往南臺見面纔通姓含情

金華集卷五

五

似欲哀山深孤寺出秋靜百花開已入清涼
景無煩書信回

黃刺史同登岳陽樓三首

秋氣澄江宇茲樓標大觀勢侵衡岳健色藉
洞庭寒刺史張清宴征人竊盛歡風雲登眺
迴長嘯起龍蟠
此地昔曾過危樓今始攀日嘶天際樹雲動
水中山津驛趨三楚江關控八蠻亂帆何處
去風浪未知還

想像懷空切登臨興復豪浪花翻雨白樓影
入秋高歲月頻舟楫行藏一羽毛蕭蕭萬里
思吟望此揮毫

月牙岩

天設岩湏古月牙名自今樹低千岸轉洞敞
萬峯侵冠服乘雲麗笙歌落澗深南州真勝
跡北客此登臨

宿長安驛夢啖檳榔

金華集卷五

五

檳榔嶺海重父客亦相憐竹葉青青送萋絲
片片傳頻餐驅瘴癘初嚼破喉咽夢寐猶須
汝花文滿手鮮

晚抵洪山寺宿簡王夢弼侍御二首

此地前年別今年今日歸思君心已渴晤語
願猶違鴻鴈秋天遠江湖晚樹稀笛聲何處
切不寐掩松扉
三年五嶺隔今夕尚重關旅寺煙雲裏行臺
霄漢間交仍同肺腑夢已接容顏枉駕君應
疾歸人欲早還

孟有涯集卷之五

孟有涯集卷之五

主

孟有涯集卷之六

信陽孟洋著

五言律詩八十八首

正月不見梅示陳生惟允

正月梅猶少春光何太遲
豈緣冰雪妬如與燕鶯期
吹笛難成調巡簷獨詠詩
東風無藉甚莫待衆芳窺

人日二首

歲月逢人日支離嘆此身
浮名隨意薄華髮

孟有涯集卷之六

主

逐時新屋雀喧清晝江花媚早春
東風湖水闊鷗鷺自相親

新年喜初霽人日復輕陰
雪積寒仍峭雲深晚易侵
遊絲沉水檻鳴鳥咽春林
悵望江天外茫茫故國心

毛侍御汝厲按湖南道出嘉興賦別

三首

萬里他年別三春此地逢
風塵吾自飽旌節爾何從
乍暖鶯啼樹餘寒雪滿峯
坐拚更漏

盡莫厭酒杯醲

黃鶴遊仙地青驄漢使過雲開衡嶽色春入
洞庭波陵谷招秦隱江湘續楚歌平生經濟
術今日定如何

繡衣辭北闕玉節按南州不忝澄清轡真成
壯麗遊荆蠻回舊俗江漢湧春流日暮登樓
罷題詩鸚鵡洲

劉遠夫同遊金山寺

夢得相逢日金山望海門雲霞孤寺出日月

本集卷六

二

大江奔水閣通山色春帆挂雨痕風塵俱浪
迹此地不聞喧

歲暮

歲暮蒹葭落天南鴻鴈繁湖光含遠日霜氣
肅秋原那復荆人獵居然夢澤存客遊懷往
迹搖落欲消魂

舟經三湖憶李川甫

十月飛寒雨三湖集暮雲岸深鳴栢葉沙暝
濕鷗群惆悵登龍想淒涼伐木聞清尊憐此

夕不與爾論文

亡妹誕日

去歲憐吾妹茲辰念汝兄乾坤仍日月兄妹
隔幽明江迥諸甥淚天荒二老情南征有孤
鴈霜夜獨悲鳴

曉發澧州

明河沉曉色澧水蔽長煙驚鴈江湄起栖鴉
樹杪懸野旌露露莽寒馬嘯風川悵望湘纍
遠勞歌蘭蕙篇

本集卷六

三

用五清韵弔屈原

宿草迷荒浦何人賦有蘭楚魂招不起江水
若爲看國毀黃金鑠仇盟白日寒春風自桃
李秋菊爲誰餐

石首訪趙從之

時四川副使守制

昔在長安日相從數宴游烏啼花館夕騎轉
竹林幽明月空燕市春星映蜀樓那知風雪
裏坐對楚江流

懷馬敬臣

時山西副使

年少聲名大才高器量閑雄詞驚鳳侶直諫
動鷄班出守緣名郡移官近故山平生膠漆
分悵望詎能攀

懷田勤父

時山西僉事

長別風塵苦相思涕淚多鬢毛驚歲月書跡
側關河爛醉花連榻狂吟月並珂江流不向
晉擊楫爲君何

追悼王宗哲鴻臚

鴻臚今異物京洛舊同心宿草淇園上愁雲

李有澤集卷六

四

漢水深謀生無素業爲吏却黃金妻子猶蓬
戶能無凍餒吟

懷崔子鍾

時在告居鄴

聲名驚海內才調絕時群董賈難爲策班楊
總不文金閨虛漢月銅雀臥春雲早起相如
病應聞諫獵勤

懷張仲脩

時謫判晉州

驄馬風流客懸河意緒賒千人窮稷下一辯
屈田巴別憶燕門柳心傷漢苑花謫官猶內

郡不似賈長沙

衡山王書堂宴集二首

梁國誇詞客河間表大賢青雲賓座滿紅日
掖庭懸移竹承甘露開池酌醴泉偶陪花下
宴何羨海中仙
曉日簾櫳紫春風翰墨香雲騫七子宴斗欄
八公堂緩舞隨龍管清歌促羽觴操觚慚下
客授簡荷賢王

春雪二首

李有澤集卷六

五

南國春猶雪東風何太嚴苦教梅不發愁送
柳俱霑力弱難隨酒花疎故入簾向明臨寶
鏡相映素毛添

春雪宜春酒愁人祇益愁煙花凝鐸袖風色
絕歌樓但有琴書遠誰能案牘休故園多樂
事寂寞望中州

別汪允憲汝成

此別何須惜深悲後會稀花應隨地落鳥已
各林飛江漢來春色雲霞上客衣知君甘海

味吾有故山薇

酬馬百愚過訪

白首誰知已秋風此對君年光吾自老世事
忍相聞樹近微留雨簷虛暗入雲莫辭今共
醉應念昔離群

秋盡田家

秋盡登成後田家樂事多臨泉滌酒器向日
理漁簑野闊孤煙起沙長倦鳥過客來聞犬
吠却恐是催科

答馬君儲訪蘇方二子見示

司馬能詞賦蘇方總俊才琴書開邃閣花月
引深杯榻擬論文下人多問字來何時乘興
往雪夜共徘徊

經沛弟墓

亡弟周年過孤墳宿草生道傍誰識汝腸斷
若爲兄別鴈迎風苦飄花逐水明哀吟渾欲
就哽咽不能鳴

喜雨

麥苗垂旱死入夜雨翻盆旣渥栽瓜地深沾
種藥園流離貧屋免性命老夫存曉起開簾
望呼兒問酒尊

賢隱寺懷李獻吉嘗遊此留題

風流懷李白留滯大河堤山寺攀遺跡沙門
誦舊題遠遊滄海逼高卧白雲低悵望空天
暮青林獨鳥啼

懷何仲默

白髮思同伴青山不共遊並看兒女大各恐
歲年流開塞驚春鴈江湖狎暮鷗三峯君莫
上望遠易生愁

送林太守致仕

霜郭煙花盡秋山風葉悲君從江海去何日
到家時邵里瓜須在陶園菊未遲歸舟一片
遠無限郡人思

簡孫兵憲用之約遊賢隱寺

秋來山寺好霜葉靜高林水落澄潭色雲垂
古殿陰公庭虛簡牘暇日且登臨早起瞻旌

蓋遙遙指碧岑

出門

銀漢初沉影明星欲向晨出門車馬色忽似
遠行人懶病便高臥奔忙厭故塵薄遊非險
路不用問前津

光州道中即事

草根霜弄日沙際浪吹雲野色時時見鄉音
處處分寒鱗深避餌凍羽不成群無限村居
樂樵歌隔水聞

李才集卷六

雪霽辛氏莊泛舟

夕陽遊別墅緩棹泛青灣但有村中趣俱開
酒後顏篆沙依碧水積雪破青山遠樹孤煙
起應同倦鳥還

和父菴少宗伯齋居

冥想天人際其如日月臨流雲生遠思積雪
映齋心獨館莓苔夕寒城鼓角沉子雲懷侍
從南省動高吟

奉和王欽佩提學遊賢隱寺

鶴栖逢古寺鳳嘯接高賢行極幽深處相看
共惘然霜風空落木秋水入平田竹裏移尊
往披襟漱玉泉

又和登賢首山二首

昔爲觀國侶今作看山遊雲氣千峯動松聲
萬壑收空天那可極落日才言休盡興須成
醉何妨卧碧丘

捫蘿攀石磴藉草弄霜翰勝迹憑高盡新詞
帶醉看日偏山景夕風急鳥聲寒明月清沙

李才集卷六

迴無愁歸路難

約張子言游山莊雨不果移酌宅內

西軒

雨敗登山興花牽下榻情市塵聊自息階草
亦能清馬上妨詩卷琴邊或水聲晨興遲車
轍慎勿謝陳平

西軒別張子言限韻

幽軒開晚宴細雨濕秋花四海皆兄弟誰能
復憶家驂騮燕市遠鴻鴈楚雲斜落日悲歌

動天寒易冰涯

遊張生園池因憶中臺少卿

密竹淒雲圃垂蘿裊霧窓林寒高羽並陂雨
細鱗雙松菊慚彭澤經綸憶曲江風流阿戎
在相過倒秋缸

東寺送胡通判宗器之松江

碧岸踈寒柳高原下晚楓酒杯煙寺裏旌蓋
雨峯中天上收神駿雲間望旅鴻清秋片帆
遠海日郡樓紅

九月晦夜對菊

夜院移霜萼秋堂泣露枝意須憐白首容且
媚金卮得日照熙映無人故故遲自慚悲節
候相對苦低垂

宴別李獻吉

草野棲遲久風塵復此行偶逢谷口客翻動
北山情竹墅貪留奕花渠愛濯纓謝安吾媿
汝不起奈蒼生

過東明會葛明府如京

擬到東明縣真逢葛稚川盡懽須共醉論舊
定忘眠繞縣花仍滿朝天鳧未還宵庭孤月
上無意向嬋娟

獻吉席贈田六

梁苑多才子田郎有大名乾坤吾畏友詞賦
汝難兄駕爲稽康過杯逢李白傾對君應盡
夜莫故使鷄鳴

贈熊進士爵使甘州還

元年天子詔萬里使君旌神爵開禎瑞非
熊翊聖明日融蔥嶺雪春轉玉門鶯珍重明
光草尋常莫論兵

贈邊太常赴南都定韻

此日清卿貴三朝故吏稀典承新禮度筭理
舊齋衣帝闕江山轉仙陵龍虎圍歲時共
薦罷常傍月明歸

憂旱

不雨成期月終秋失有年青霄仍赤日平野
半枯田生事賓朋絕愁心命數懸何堪貧病

色倚杖望堯天

喜雨

雨氣清三伏雷聲散百憂稻田垂死日野老更生秋亂水通溝澮重雲黯郡樓訥訥今始定隔巷已聞謳

奉輓馮中丞夫婦二首

宦游窮海內仙去只吾鄉身已金緋貴名應簡策光泉臺廻日月石表帶風霜共惜中丞後誰從問典章

太常集卷六

上

哀動中丞里鄉人喪女師秋風吹遠閣明月照空帷簪珥宮朝日蘋蘩廟薦時真同范滂母兒豈媿牛醫

遊張園有懷申臺少卿

地主歸何日吾遊復此亭渠深新更鑿蹊滑舊曾經竹墅留卿月花簷帶客星不知門外柳別去幾回青

次韻君卿侍御同遊袁揮使山莊

城中春欲暮郭外看山來却憶居徽省何如

對栢臺天晴鶯燕喜野靜草花開四海今無事欣逢袁紹杯

馮宗程靜觀堂落成過飲分韻

豈有山林遠真無車馬間竹池涵倒日松宇駐流雲倦卧龍蛇意高飛燕雀群正貪春事好花絮故紛紛

東郊雨後二首

五月甘霖足東疇新水平向來愁欲死此日喜同生日遠青林靜煙低白鳥明皇天終大

太常集卷六

上

惠群盜爾何情

高原不厭雨累歲苦多饑入眼青初徧驅愁綠盡肥澗廻山漲急林濕野煙微最愛忘憂草花開映舞衣

山居雜興十首

路盡寂無喧林披識舊村葉飛常掩徑犬吠始開門背日牛羊卧迎風鸛雀翻主人不拘禮對客斤諸孫

由來愛幽野秋盡過村居露暎花猶濕霜林

葉漸疎汲流迴澗水橋翠亂園蔬身外渾無
事條然興有餘

地僻人煙少山空秋氣寬簷迴千樹響門對
數峯寒隔竹聞鷄犬臨溪採蕙蘭涼風天際
起哀鴈出雲端

沉沉煙色暮眺望此何時萬壑翻紅樹叢篁
映碧池路高寒吹急野曠夕陽遲不作陶翁
醉能無宋玉悲

斜月孤巒迥繁星四野低流光穿仄竇落影

金有涯集卷六

五

浸寒溪壁暗螢雙照林幽鳥並栖山中無刻
漏不寢候鳴雞

宿霧起浮雲天寒病骨侵出門蒼翠合映戶
薜蘿深廢井虛朝綆荒墟斷曉砧烹雞問童
僕旨酒慙須斟

十月終場圃何人更苦饑家家新酒熟箇箇
醉初歸官府方催課邊庭未解圍却看兒女
輩猶自泣無衣

茅屋孤村裏柴門五柳邊亂峯迎落照雜樹

隱鳴泉魚鳥供詩癖雲霞破俗牽雅宜清靜
地不是子雲玄

浮雲寒漠漠落木晚蕭蕭野老心情古隣翁
禮數饒殷勤勸雞黍來往獨漁樵盡日青山
近紅塵隔市朝

暝色生陰谷簷星乍有無霜風山木吼寒夜
水禽呼白髮看珠劍青燈倒玉壺萬方清泰
日高臥且江湖

過武昌懷劉參之侍御

金有涯集卷六

五

昔日同林鳥三年異處飛驚鳥無止息儀鳳
有先輝月滿澄清轡風生直指衣長歌吾過
楚懷汝重獻欵

雨

遠水沉西日連山起朔雲林鳩來雨氣海燕
散風群白白當昏注嘈嘈徹夜聞莫愁行路
客更有遠從軍

喜晴

征人方苦雨今日喜能晴暑氣銷城郭涼颼

入旆旌天垂孤戍迥草盡遠沙明剩有堪屯
地何人爲省耕

別殷靖江限韻

昔也石川去居然宦思微獨憐江上縣何異
水邊扉春雨移萱草天風入舞衣留連今夕
飲愁見月光輝

重過康莊驛

汝上初經月康莊茲再行孤心天外繫白髮
道邊生雪草交狐跡風沙闢馬鳴遙憐清濟

色未肯濯塵纓

訪龍洞

野情塵外愜秋思馬前生去鴈迷山色懸藤
落澗聲洞空千樹響雲細一花明漸覺人踪
絕煙霞近赤城

遊泰山

勝覽元非偶名山自不群天門吹楚雪日觀
度秦雲轉首陰晴割側身天地分昇平逢此
日封禪屬明君

駕出南郊

御輦層霄下春宮萬戶開天文移漢闕雲氣
擁仙臺騎引麒麟出旂逆翡翠來北辰瞻望
地南斗復蓬萊

輓劉處士

白髮江湖迥青山歲月深目能空北馬身已
重南金竹戶雲猶色松堂月自陰獨悲伯牙
子從此罷鳴琴

董學士借舟徐蘇州有珠燈

碧水仙舟夕珠燈五色懸江星遙自映漁火
暗相牽學士文章貴神明太守賢照乘真不
忝端擬濟長川

簡劉廉使元瑞二首

遼李同遊日風流大雅才經過獨詞賦花月
共遲迴滿地風塵動遙天雲雨開託交嘗忝
竊感昔不勝哀

作賦元公幹傳經復更生花圖賓座艷竹近
隱居清詎謂思心苦翻成見面輕持觴聊水

寺回首各江城

過無錫簡顧少參與成

顧子頻興想錫山今到城鹿門新隱迹工部
舊詩名江迥仍秋色林幽更鳥聲不知松菊
逕肯使俗人行

雨花臺

醉遊高座寺幕上雨花臺萬井花間列千峯
霧裏開野寒雲亂出江白鳥雙迴暝色愁歸
騎笙歌莫故催

天寧寺

招提臨漢迥壯麗入秋明水曲秦淮樹山迴
建業城僧來呼鶴舞客醉數猿聲坐久餘殘
照淒然風露清

青龍寺留別送行諸君子

曉日青龍寺秋風白鴈初故人遙餞送岐路
各躊躇繡閣牽楓細丹厓綴菊疎別來江上
意寂寞問雙魚

惠泉寺留別顧與成得情字

縈纜登蘭若褰裳對邵平即看紅樹景應解
白雲情煮茗臨泉坐題詩繞竹行風光同逝
水相見且深觥

病中立春戲呈邵僚諸公

疊鼓傳春至扶筇出戶看風雲協勝節雪日
弄輕寒綠廢香醪竿青虛細菜盤高堂開宴
笑孤詠竊餘歡

別胡茂卿推府往吳興兼呈劉養和太守

吳興非遠別客路亦關情細草迎船發春雲
對浦生西亭饒柳色若水乍鶯聲謝傳仍爲
郡登山擬共行

次韻馬君卿雨中懷竹塢

蕭條楊子宅慚愧李膺門車馬誰相過煙花
空自繁春風轉華屋細雨濕金尊嗟爾文章
友新詩不爲論

孟有涯集卷之六

孟有涯集卷之七

信陽孟洋著

五言律詩四十七首

送馬二侍御入京

攬轡觀風俗停驂卧故蹊蒼鷹翻日上驄馬
向雲嘶草綠燕臺下風寒易水西馬卿新病
起早擬諫書題

行臺雨後

炎雨高城霽庭槐下午陰蟬吟出葉暗蝶影

孟有涯集卷七

一

入花深懸日低蒸草歸雲遠抱岑從此懷河
朔何妨更竹林

中秋夜有懷

天上中秋月人間臥病看愁心翻益苦瘦骨
不禁寒戶牖容光小庭除起步難竊知行樂
地高詠倚欄干

訪馬欽湖別業

十月清霜重千峯遠日開天空木葉盡沙靜
野鷗猶爲訪淵明宅終憐司馬才著書知有

暇荒徑許吾來

赴召馬欽湖別業主人未至

郊原虛草閣無處覓徵君入戶花相對穿林
鶴自群坐深仍獨笑獨笑歌罷竟誰聞悵望
青山近悠悠空白雲

同崔岱屏衛源上舟夜抵新鄉

風塵移使節燈火共仙舟霧月涵波動秋星
排樹流暗村喧鼓角深渚靜浮鷗白露兼葭
落思君難重遊

孟有涯集卷七

二

渡河用前韻

誰謂洪河廣吾航自一舟波濤翻雨上雲霧
接天流帆影隨征鴈篙聲散浴鷗何因逢漢
使欲作泛槎遊

贈王燕山戶部

燕山蒼翠合佳氣五雲連海日煙浮樹春風
花滿川幽人閑草閣逸興陟松巔但聽孫登
嘯寧知揚子玄

朱德佩園亭牡丹盛開爲賦二首

名園金谷酒歡賞洛陽花婀娜霏香霧離披
爛綺霞含情當席偃矜寵出欄斜兒女非吾
態風流獨爾誇

名花何所似妃子曜春粧颺日歌唇動迴風
舞袖香新詞傳李白絕艷避姪黃衰病慚無
賴留連夜未央

暮春後園二首

暇日西園內問春春欲歸雀驚看果落蝶懶
覺花稀積水斜通徑遊絲暗著衣流光不可

轉心事苦多違

病肺便高枕閒居謝濁醪却因春色暮轉使
客心勞照水朱櫻細和煙綠筍高江晴天更
遠萬里羨鴻毛

送湛原明侍郎赴北禮部

津樹含秋色江煙薄暮暉沾恩明主重惜
別故人稀劒珮趨仙仗文章繡袞衣長安花
柳日猶憶醉同歸

朱氏園亭對月

夕園蘿逕轉秋水石橋通花映朱簾月歌迴
碧樹風葉寒飄露井鴈苦入霜空笑對青雲
侶真慚白髮翁

張司成宅咏白菊限韻

群芳凋晚檻素蕊映秋沙不向三春艷疑非
九月花當歌欺白雪對酒聞紅霞念爾須時
發吾生信有涯

次韻呂涇野對雪二首

雨雪驚新眼狂歌非故吾庭閒人不到樹靜

鳥相呼何限登臨興誰爲山海圖扁舟任來

去江浦羨漁夫

勞君歌白雪屬和總慚吾桂棹空相憶金罇
強自呼風搖瑤樹影煙染玉山圖最美東南
地無寧有餓夫

冬夜聞雨言懷效晚唐人作二首

久客愁無寐終宵雨故鳴即今逢歲暮誰不
起鄉情城角悲仍遠壁燈寒自清音書望西
使莫更滯來程

歸計慈顏隔生涯老病侵異鄉今夜雨高枕
百年心春意梅簷薄寒聲竹院深從爲江左
客未斷越人吟

贈平坡吳子儀

回車九折阪爲園三泖間種瓜臨水岸采藥
對秋山鳥向天邊去雲從海上還杖藜日安
步誰知蜀道艱

夜訪張子靜

既醉乘餘興多情訪舊懽星搖蘿影夕月傍

金華集卷七

五

桂花寒林羽翻銀燭江鱗轉玉盤五君高味
在白雪和應難

吏隱園同顧華玉黃勉之席上作

竹倚秋風靜亭開落日孤清尊慚北海才子
羨東吳席暝花仍艷林虛鳥自呼何時共舟
楫泛月洞庭湖

奉寄何栢齋中丞代書

明時辭綬冕養素太行東丹訣還須試玄門
信可通沁園花月夕盤谷薦蘿風余亦尋真

隱封書還報鴻

夏夜邊司徒同黃勉之秀才分韻得
風字

水國炎蒸極星筵咲語同香分蓮井霧清愛
竹林風才子吳中少司徒海內雄不須歌湛
露逸興正無窮

中秋夜宴宗伯新第

春卿美輪奐夏屋滌煩蒸微雲碧空遠圓月
青林升芙蓉明水檻蟋蟀吟寒藤中秋信令

金華集卷七

六

節笑語皆良朋

壽樊母太宜人

桃宴仙人合冰漿玉女斟鷄鳴偕老節熊膽
百年心殿陞開封誥鄉閭慕德音蓬萊萱草
樹花滿北堂陰

題廖太守卷十四事

日趨庭閣

鯉庭趨侍日玉樹映金芝堂構真能事箕裘
未有師早歲知三禮閒居誦四詩千秋遺訓

在海內令名馳

步蹶青雲

風雲連北關日月近中台桂樹墮宮合蟾光
銀漢迴秋鵬還直上天馬自西來萬里青霄
外人看出世才

御殿傳臚

綸綍傳三陞衣冠拜五雲御香天上落仙奏
月中聞寶誼真字子虛八儼聖君長安花
霧裏袍笏爛重衣

醉歸瓊林

南宮輝列宿春宴集群才詔自日邊下人疑
天上來大官分玉食元老接仙杯既醉嘶歸
馬鶯花爛熳開

試政司馬

生長近邊城胷中富甲兵舊聞三略法今識
六軍名壯志思投筆嘔欲請纓安危天下
計終擬答蒼生

奉使東遼

乘輅辭甸服揚旆出關河驛路人煙少沙場
戰骨多遼陽思虎將渤海息鯨波歸報明光
殿歡聞四牡歌

視篆穎上

年少東阿令憂勞卓茂心盤根知利器奇節
重南金花色春行縣槐陰晝鼓琴至今穎水
上遺愛有謳吟

承檄行取

吳公元課最漢室急徵賢鳳詔來天上鳬飛

向日邊不還當卧轍寧愛贈行錢淮水澄清
月圖書共一船

任寄耳目

聽馬猶乘月金雞欲報晨共知三獨重未許
百僚親霜霧浮彤禁星河覆紫宸袖中有封
事權貴莫相嗔

督儲通倉

庶績先邦計群欺籍露淫轉輸真有賴上下
不知貧看劍啼山鬼行驄避路人官河春樹

裏花映滿衣新

按鎮宣大

北塞風塵日西臺御史名張輪出畿甸桓馬
向邊城上谷旌旗卷雲中鼓角清由來平虜
策不數洛陽生

周召遺風古澄清攬轡時妖狐失窟穴彩鳳
有威儀日遠滄溟樹雲高岱岳祠皇華廻使
節士女動遐思

五言律詩卷七

九

觀風齊魯

觀風須漢使執法拜周官霜肅豺狼道風生
獬豸冠立朝簪白筆納諫動金鑾長孺常居
禁何憂海內安

牧專汝南

承恩辭紫闥出牧暫專城豈薄淮陽守都門
汲黯名吳山連楚秀汝水入河清不聽歌聲
起那知政化行

登鄭氏樓

背水危樓起臨城甲第雄星文垂曲檻雲氣
動飛甍白鳥長空外青山多照中居然塵世
絕仙樂往來通

溫泉留別張時濟胡承之得光字

華清宮下路日暮共徜徉浴罷溫泉水歌留
明月光洞煙花寂寂山露樹蒼蒼可惜相逢
地翻驚動別觴

遊山遲唐荆川太史不至

野興朝來劇層陰凍不開煙霞迎使節詞賦

五言律詩卷七

十

憶仙才豈負青山約何妨細雨來臨溪重回
首沙鳥似深猜

山行即事

逶迤行曠野牢落值初冬水抱村邊樹天低
霧裏峯悲鴻風色暗宿草露華濃魚鳥疑旌
蓋山醪幸此逢

出寺

雨積栖禪室晴開出梵宮谿烟嶂合還轉
石橋通鸛鶴晞朝日驂騑向北風鳴鍾更何

處縹緲白雲中

同荆川遊龍泉寺二首

苦憶珠林迴欣遊寶地偏礪泉天上落樓閣
雨中懸梵語聞猿過經行見虎眠凭欄花似
雨身世即諸天

見說青蓮宇叨陪金馬遊衣冠來北極文藻
動南州卷幔峰巒入臨軒雲霧流漸非名勝
地司馬好冥搜

孟有涯集卷之七

孟有涯集卷之七

七

孟有涯集卷之八

信陽孟洋著

五言排律十五首

靈石

曉跡西山險心愁行路難古藤攀曲磴深樹
迴飛湍霧重千巖合風凄萬谷寒低窺浸絕
澗直上倚危巒自覺形骸逼誰云天地寬鶯
花連上苑何日解征鞍

寄王子衡時巡按陝西

孟有涯集卷之八

一

祖席南城寺旌旗西向秦黃鸝愁獨語楊柳
細傷神回首川原阻悲歌道路辛游龍行華
表驄馬歷河濱雨澤懽民物雷霆畏吏人地
形三輔舊人紀百年新風偃羗戎俗煙清蜀
漢津平生知慷慨今日見經綸昭代崇文藻
才名企縉紳賦超班史上論逼賈生真把劍
驚心遠投珠下淚頻天涯仍歲月海內久風
塵樹極咸陽目蓬飄冀北身折梅勤遠贈報
李重難陳慚愧英賢後蹉跎意氣親宮庭虛

獻納臺府實逡巡佇想丰儀俊選期誨語諄
看雲欲白首旋節定青春

贈王中丞致仕

南極文星近西垣法象移明時辭綬冕早歲
動鄉思懇乞繁章奏溫留屢詔詞疏君何
遠讓越相已深期賜予隆恩禮朝廷重舊
耆丹書下紫閣玉帶出彤墀去國高名在還
家厚祿隨中霄看鳳翥曠世見鴻儀野帳傾
都餞河舟一纜維霜天落木下風晝斷蓬馳

本集卷之六

三

燕冀還戎馬徐淮有亂離歸心雖獨喜行路
亦多悲白日江湖迥青山歲月遲花明長樂
苑草暗越王祠偃仰黃塵外登臨碧海涯林
遊儕鹿豕沙坐狎鳬鷺蕭洒栖閑日勲庸入
宦時圖開御史象名動樂陵碑驄馬俱相避
豺狼敢自窺閩中瞻斗嶽海內寄臯夔安石
心猶壯深淵鬢未絲秋行武夷樹朝別薊門
岐感慨同朝誼殷勤贈遠詩蒼生元有待高
卧獨何爲

贈蔡給事成之福建僉憲

君行不得送怨恨若爲平塵隔長安樹煙迷
上苑鶯關河萬里道風雨十年情重別心如
醉長歌涕滿纓朝廷虛衮職海內盡戎兵豈
是無山甫誰能惜賈生衣冠輝瑣閣諫疏耀
承明即喜朝陽翼翻爲瀕海行三山沾惠澤
百粵見澄清遠擬丹心迴時瞻北斗城

送穆檢討伯潛遷南京國子司業得

遂迎養

本集卷之六

三

迎親辭北闕養士向南都金馬行過魯蘭舟
並入吳出京秋日錢臨悵暮雲徂天濶飛蓬
遠霜高旅鴈孤別情劇杯酒心事竟虛無翰
苑推才俊文雖仰鉅儒經傳劉向後門盛孔
融徒日饌齊參養朝廷慰鯉趨花行春嶂裏
竹對晚江隅感慨登臺處風煙萬里殊

送彭總制西征

朝廷憂海內節制出關中推轂咨謀重登壇
氣槩雄師臨上蔡野捷報大明宮諸帥迎裴

相蒼生倚謝公獻俘天喜極賜宴聖恩隆麟
閣當時畫龍常百代功北來收汗馬西顧時
兵戎雪嶺猶嚴戍星橋屢受攻祗容蛇豕突
未見虎豺窮武略空多術勲名詎有終指揮
糜歲月輪輓困疲癯國事勤勞獨王師簡命
崇中原曾易靖蜀道豈難通劒外旌旗閃巴
西鼓吹同士心乘勝日虜膽破威風曉旆懸
雲棧春營駐錦叢江鼉迴戰鷁巖魅避行驄
荆漢煙塵息岷峨瘴癘空巒山圍畫戟漢月

木末有清集卷八

中

贈雲谷

白雲滿深谷愛爾結幽居竹影宵穿戶松陰
晝覆渠僧歸隣寺寂客至野堂虛過嶺時馴
鹿臨溪獨釣魚月侵前墅局花映北窓書誰
識王孫意頻回俗士車

贈榮上人兼呈顧全州

古有高人興今看靜者流江山成獨往風雨

一孤舟車錫湘流暮移帆桂水秋朝登覆釜
觀遠望蒼梧丘目極南中勝心非道外求逢
君看葉下謫客共萍浮暫結三生願何孤萬
里遊白雲懷舊國細雨別津樓碧樹諸天迥
黃花絕塞愁行過五馬第持此謝全州

張封君葵軒雙壽十二韻

瑞色瞻南極仙文聚少微四明松桂秀三島
鳳凰飛偕老垂章服同堂玩綵衣賓親欣宴
會閭里倍光輝花綯梅公市蘭薰孟母機笙
簫喧共樂琴瑟靜相依梁燕雙窺席池篋綠
映扉詩人歌福祿遊子念庭闈載喜佳辰遇
因懷色養遠高車那畫錦寸草自春暉天地
須難報箕裘信有歸遐齡何以祝岱華並崔
嵬

壽黃太淑人次甬川韻

紫極承恩命皇天錫壽臧星臨峯外闕春
入海東疆瑞草呈佳日繁花競小陽高車新
里閑喬木舊宮牆軒蓋如雲集芝蘭映日長

風行江漢俗人仰孝慈鄉澗藻勤中饋堦萱
靜北堂山河宜象服中正合坤裳銀鼎烹魚
白金杯泛菊黃歌筵絃管沸舞袖綺羅香遊
子徒分祿思親載舉觴須知霜雪後松柏有
餘芳

過陳山人莊居

偶作看山約經過處士家巖風吹桂樹礪水
泛桃花門對千峯直橋隨五柳斜刈田亂禾
黍掃葉動雲霞書屋兒童滿琴窓薜荔遮香
英分野芋中飯出胡麻安得金丹訣高年鬢
未華

九日登堅山十韻

辭喧來野寺九日復登臨遠戍垂天際孤城
帶水陰風雲盤衆壑鷗鴈避危岑騎轉奇詭
亂泉飛雜珮侵穿林饒虎跡俯礪有龍吟作
賦慙先哲遊觀愜素襟帽隨楓葉墮杯映菊
花斟何事牛山淚空懷驚嶺心泛萸香細細
攀桂碧森森歸卧松房寂猶聞長嘯音

送牛大常道微致仕

泛泛盈觴酒悠悠去國身匡時須俊傑念爾
抱經綸桐栢還家月滄浪入眼春思鄉那送
遠爲別更情親山水今如願圖書舊不貧行
過問津處應見耦耕人

送黃少卿子任致仕歸南海

不見黃生久居然鄙吝萌相逢笑語地忽動
別離情諫院名猶重容臺秩更清江山萬里
去書劔一帆輕南海歸張翰東陵學邵平秋

風五嶺道無數杜鵑聲

送張汝楨使伊府

出餞若爲別相看柰爾何花偏迎帳舞鳥故
同人歌秋色澄天地朝暉爭薜蘿青山橫寶
劍白馬飾金陀發軔中原壯登仙俊貌和
園臨渭水高嶽帶黃河魏趙豪華盡商周帝
業磨山城瞻使節藩府沐恩波西路風煙古
印山霜雨多感時興慷慨懷昔動吟哦形勝
知全覽年華豈漫過思君憑候鴈隔歲聽鳴

珂

孟有涯集卷之八

孟有涯集卷之九

信陽

七言律詩八十首

許憲副伯誠薊州兵備改湖廣提學
仍舊業也賦此贈之用張時濟韻

兵力暫煩驄馬使文星遙映木蘭艤重看荆
楚湖山色早見幽燕虎豹降籬草煙深行故
澤桃花風暖入春江非關王事多勞德興國士

小庚家有雙

除夕宜忌

四十五年今夕過一尊相對百愁餘才微重
鎮新持節身遠慈闈獨倚問但有亡兒供零
淚且無稚子作家書曉來不用重看鏡鬢髮
從前已自疎

過寧州悼秦用寧通判

康村過訪經年久土室茅牆春甕開花映征
衣憐笑語柳迷歸騎更遲回還山空擬招魂
賦佐郡猶誇濟世才海內故交零落盡寧願

重爲若人哀

人日喜晴

人日宜晴今日晴喜看民物遂生成河流帶
日春水細山障開雲雪草明胡虜千營開北
渡農桑萬井罷西征邊臣幸際中興盛經略
慚無數萬兵

紅德城元夕

清平驛裏過元宵酒盤蔬未寂寥燈火忽
疑烽火至春風仍似朔風驕月臨漢節山

靜霜入胡笳獨戍遙想是大酺通海內還城
歌舞荷清朝

題張氏忠睦堂

曾說門牆廢蓼莪且看帷幄富干戈朔方孝
友今張仲南國勲名漢伏波綠野堂開春縱
酒紫荊花發夜聞歌不知近日談經處更有
何人問字過

集豐林王園亭

大雅風流自不群小山詞賦舊來聞金杯夜

映朱簾月翠袖春迴畫棟雲司馬梁園慙授
簡平原鄴館竊論文柳塘花榭微風入紅素
紛紛對夕曛

登驪山絕頂懷古得寒字

翠巘丹梯雲霧端朝元高閣盛遊觀芙蓉映
日三峯出檜栢生風五月寒花外旌旗春駐
輦柳邊燈火夜迴鑾漢宮秦墓俱荒草渭水
終南歲歲看

奉和大司馬晉溪王公華陰祠樓餞

別大司馬荆山王公次韻

樓上金尊照碧山秦川花柳對歡顏三邊實
觀風塵靜萬里虛聞道路艱麒麟閣他年真並
霍玉門今日早還班胡兒莫喜韓公去范老
旌旗已入關

秋日苦雨

八月九月常苦陰晝雨未歇夜相尋禾黍半
登復生耳墻廬盡壞還驚心寒鴈欲下野雲
黑晴鳩不鳴林木深炊桂飯玉豈成飽千門

萬戶空愁吟

留別顧英玉憲使

石城回首十年餘許下重逢嘆謫居舊雨相
思更何處春風笑語亦吾廬出郊常擬花間
醉傍水同看柳下漁此去定開徐孺榻難兄
倘問季方書

冬日宴鄭汝順別業

鄭生負郭有田廬花榭茅亭背水居日照霜
林松獨映雪消冰岸柳將舒呼童掃石驚沙

五言古詩卷九

四

鳥對客開尊取澗魚不到山窓今幾日白雲
猶護讀殘書

過定遠寄鳳陽底太守同年底以黃
門出守

梁王臺下舊論文並馬看花醉夕曛海內風
塵稀見面天涯鴻鴈惜離群直言汲黯能尊
主卧治淮陽豈薄君殘雪暮寒過定遠北風
惆悵鳳山雲

春雪簡顧華玉廉使

春後春雲暗未開春風吹雪遶春臺霏霏入
樹偏妨柳故故巡簷似妬梅避暖肯教歌袖
濕弄寒還傍酒筵迴襄陽凍叟金陵客誰爲
扁舟乘興來

飲何甥卿山莊次韻

山中九日負看花鷄黍空過水竹家秋草遠
連雙鴈盡霜峯寒對一扉斜松窓滴露依虫
響蘿壁含風動月華隣叟夜歸驚犬吠前村
燈火落樓鴉

五言古詩卷九

五

送高司寇

細柳新梅入帝京江邊雪後見春生功高早
失雲中守刑措今傳白下名舊日蕭曹真伯
仲中原寇盜莫縱橫朱衣白首趨朝地共美
明時重老成

送王太常季徵

太常清重異他卿才子風流擅兩京春水揚
帆辭建業東風策馬過彭城一夔自足聲容
美三禮由來職事榮擬濟中興垂令問漢庭

休道叔孫生

人日寄顧英玉憲副兼寓憂荒之意
遙知春色同人日可奈浮生岐路分梅蕊縱
開難寄遠柳條堪把益思君風塵別淚添江
水日夜愁心望楚雲滿地流離那忍問故園
消息早相聞

齋居呈聯舍諸公

南郊趨走雖無地北望星辰若有臨萬物豈
能知帝力聖人元自享天心濛濛霧篠

本集卷九

六

含窓夕裊裊寒梅映閣深暫過鳳池聞笑語
忽如天上聽韶音

奉和白樓太宰齋居

畫省清齋此日同聞歌白雪枉詩筒瑤壇玉
殿虛無裏翠蓋金輿想像中堦下莓苔侵暮
雨苑邊楊柳入春風低棲鶴鶴休飛去對爾
忘機學海翁

酬柴光祿春日喜晴見貽

雲遠天空候鴈翔林開晴日散群芳柳條近

水煙逾碧梅藥無風暖自香江上青山憐歲
月鏡中白髮媿行藏忽傳一曲陽春調睡起
高歌引興長

正月二十三日甚晴期明日出遊城

南大雨不果呈所期諸公

昨來杖履步西園乍喜新晴日氣暄竹葉尊
前聞鴈過梅花樹底看蜂喧春遊預想風煙
迥晨起那堪霧雨繁天道一朝難可恃人生
萬事未須論

本集卷九

七

送吳太宰奏績北上

昨夜文星近紫微曉看江日動征衣山公賞
拔真能事叔則清通世所稀入奏再聞天上
樂散朝猶識省中薇九重袞職還誰補萬
里雲霄見鳳飛

園中花樹盡開家僮折來始知感而有述

後園桃杏幾時開煙雨空亭鎖綠苔童子燕
知嗔不報主人乍見笑還猜急隨戲蝶穿幽

徑更聽流鶯望遠臺宅畔風光猶復爾江南
春色只堪哀

送柴光祿入賀

權歌聲裏望行舟渺渺江亭草樹浮鄉月近
移龍虎闕使星遙映鳳凰樓鶯花上苑逢春
色風雨長安憶舊遊聞說聖朝求直諫肯
令汲黯出皇州

聞少司徒楊公少司馬萬公同赴錦

衣徐公約遊牛首山戲贈一首

大全有集卷九

八

錦衣公子玉花聰載酒登山與客同不獨能
文少司馬且看作賦老楊雄日含江影雙峯
外花暗鶯聲萬木中悵望白雲搔白首坐開
南牖詠南風

送陳京兆祐卿致仕

我我京兆古人稀釐保功成早拂衣南國舊
開三徑在東都今見二疏歸山中叢桂遙相
待海上群鷗共息機回首同遊半零落看君
此日有光輝

送吳學士仁夫北上

朝隨使者上金臺臺上驚看驟裏來太史東
南非浪迹相如詞賦本多才文旌遠映星辰
動法從重瞻日月迴他日和羹仍大手肯將
鉛槧負鹽梅

臈月朔雨有懷邊司徒華泉

白首相知海內稀司徒高韻苦相違寒鳥獨
樹雲陰合暝竹空簷雨色微終日簿書知有
政十年朋侶賦無衣北風倘會山陰雪乘興

大全有集卷九

九

何妨夜叩扉

二日微雪再依前韻用答報章

捲簾江館雪猶稀鼓柁山陰興且違梅吐嫩
香迎臘細鴈呼寒侶入雲微霏霏帶雨時經
眼裊裊牽風不上衣聞說馬卿仍抱病高歌
白雪掩重扉

朱氏園亭宴集

上國名園笑語同朱簾翠戶曲欄通管絃夜
合蘆洲月花竹煙開水閣風葉撼秋聲翻露

下鴈飄寒思入雲中淹留總愛青霄客潦倒
真慚白髮翁

再用前韻戲答邊司徒

白雪陽春和益稀聞歌轉覺壯心違夢思天
柱觀滄海徙倚江樓望翠微弟子久嘲邊老
腹先生難學沈郎衣關人候吏湏相待遺侶
終當造竹扉

寄上太宰白巖喬公一章

四朝冠冕接輝光萬里雲霄一鳳翔文學雅

不盡有集卷九

十一

知韓吏部風流重見郭汾陽長城江漢瞻南
極絕壁煙霞夢太行元禮門前慚下客緇衣
高詠詎能忘

公嘗原贈有緇衣愛賢之句

贈崔都督總江南北諸戎事

將軍節鎮擁樓船幕府新居北固前霜日旌
旗連海色秋山金鼓淨蠻煙九江兵合蛟虬
斷諸葛營開魚鳥懸麟閣畫圖今日事晉陽
功烈萬人傳

飲卞將軍廟西麓亭得月字

高臺日夕涼風發杳杳秋鴻度城闕冶城宮
前宮殿開山下古丘荒草沒吳基晉業還幾
時世事浮雲嘆飄忽對酒聞歌歌正悲煙林
遠動寒江月

題荷峯贈陳中丞

君家宅抱名山住鳳翥龍翔錦水濱太華奇
峯真伯仲中丞高節並嶙峋盤迴地底江河
振壯麗天南日月新翠蓋金莖不可間青霄
壁立見斯人

不盡有集卷九

上

奉和貞菴大司寇齋居二首

苑中瑞雪迎仙仗天上卿雲望帝都暫假
清齋辭簿領坐消群動入虛無江光射日樓
臺迴山氣含春草木蘇靈異定應麟鳳集
至尊元與舜文符

二

古槐蒼栢畫陰森天北天南萬里心行殿春
開蘭桂暖祠壇雲遠鳳凰齋居酒病真能
已雅興詩盟賴可尋最是周南聲訓古臨風

歌罷嘆希音

又和紫巖太宰二首

獨倚東風嘆鬢絲遙瞻北斗憶年時
乘輿曉出蓬萊闕扈從春明翡翠旗
四海共逢千載慶一人惟恐萬方饑
奇祥異兆常常見謾道天心不易知

二

大禮南郊此日齋齋明應切
九重懷雪花向日輝金綺柳色含風散玉街
明德由來三

金有澤集卷九

七

爵外至和非賴八音諧龍麟鳳翼廻
天馭春滿皇都王氣佳

又和黼黻京兆一首

新年佳氣萬方通天道由來協
聖衷北斗紅雲垂桂殿南郊香露浥
芝宮風颭翠蓋森初入日轉龍輿
與雪正融太史未須由歲事遠
臣先擬頌年豐

顧廉使息園燕集顧憲副張顧二郎
中黃王二秀才

曰明狂客三吳彥白下相逢並可憐
松竹百年開野逕笑歌終日敞秋筵
花邊月映山公醉石上風鳴叔夜絃
衰鄙不嫌能敗興願從爾汝結忘年

新秋出郭訪蔣子雲

嫋嫋秋風江上生輝輝初日照江明
不妨霧露沾衣早且愛鳬鷗泛渚輕
鳴鶴似聞空谷響鱸魚應起故園情
南州不獨悲王粲悵爾孤舟萬里行

金有澤集卷九

七

贈大中丞楊菴張公致仕

謾向東都羨兩疏薛公猶得賜安車
官有原役之貽功名絕世寧居寵山水娛情早遂初
綠野春晴閒種藥青谿雲暖靜觀魚
清時幸許成高隱令問終看太史書

次韻答周刑侍見和桂林之作

除夜俄逢繫綵舟新年重喜接風流
春煙坐對晴江樹霧雨心驚瘴海樓
聊假清尊驅別恨却緣華髮動羈愁
青山二月啼鶯遍水外

花邊共爾遊

題趙太守棋聲閣二首次韻

畫閣陰陰映竹渠，朱簾高捲碧窓虛。
霜天叫月猿聲斷，城闕悲雲鴈陣疎。
戈甲塵喧酣戰日，鼓笳風靜解圍初。
折衝千里山河震，談笑從容尊俎餘。

二

奕客憑高氣莫先，棋聲清切與雲緣。
江河滾滾潮堪聽，風雨蕭蕭夜不眠。
殿上疑聞秦壁碎，軍中如破漢營堅。
餘音往往花間度，勿引樵夫滿世傳。

金華集卷九

尚

答顧全州華玉寄書

全州書謂余爲浮湘佳侶，至麓口知予舟方過數日，追之不及，失良晤。云予出京景內翰伯時有湘南逢顧況之句，今乃弗果，已因憶唐宋之問端州驛題壁作甚類我二人。又全州過豫章李獻吉附寄予。

詩簡慨然咏此以答全州

並向明時作放臣，殊方本擬日相親。
蘭舟空喜浮湘侶，桂嶺悲看對月人。
太守書來知駐節，崆峒詩至益沾巾。
湘南顧況今虛語，岐路南中事更真。

昌平省中

客裏蕭條獨閉門，坐來愁思欲消魂。
空階日下藤蘿長，荒院人稀燕雀喧。
舉目乍看關樹迥，傷心仍見寒雲昏。
他鄉漸覺聞搖落，何處呼童問酒尊。

金華集卷九

五

邢臺道中呈王宗哲明府

朔風應律迥高林，夕景銜山喧野禽。
獨馬駸駸客袂薄，片雲渺渺鄉心深。
乾坤倚劍頻回首，勲業逢人惟苦吟。
賴有故知得相見，不妨醅開煩襟。

曉發趙州懷何仲默

寒月欲沉西麓盡，明星亦報東方昕。
村鷄樹上鳴未歇，僧磬林深清可聞。
回首漸辭燕趙路，

雨相思猶隔汝淮雲莫嘆吏隱難相入尊酒
茅堂許論文

夜抵內丘去年王宗哲自唐山送予
亦夜至此

冬征遠道風威極宵發孤城月色新犬吠村
間遙送客鴈歸天外迥愁人星河垂樹行裝
潤燈火連阡候吏頻却憶去年王縣尹並驅
聞柝到城闌

曉發磁州

金華集卷九

去

鍾鼓驚寒客夢銷山河舉目使心遙城邊殘
月依依下水面孤雲細細飄阮籍不須悲失
路相應自悔題橋林端曙色霏微亂喜見
朝陽山紫霄

鄴城懷古

銅雀臺空起暮愁鄴陽秋草暗煙浮終年籌
策還興晉蓋世勲名不爲劉東漢有祠延俎
豆西陵無主任松楸將軍勒石元何在到此
令人憶武侯

渡河

黃河之水來天上崑崙真與滄溟通風生舟
入紫煙裏日出鳥飛黃霧中細草不迎隋帝
輦長楊猶遶魏王宮城南城北元無定水勢
年年只向東

八龍塚

下馬乘人問古祠許田殘雪麥離離碑封綠
蘚蒼煙細塚對青山白日遲已見真龍傳異
代不聞霖雨濟當時獨憐漢室忠真士假手

金華集卷九

去

阿瞞知爲誰

夜坐白坡書舍

燭影鑪煙夜未央星垂霜落滿溪堂故人偶
喜琴尊合愁鬢相看歲月長自向聖明干
氣象更憐幽獨學疎狂滄江煙雨年來夢北
極風雲未可忘

酬何仲默以詩見留次韻

每逢晚歲懷鄉國豈謂浮名戀帝京道路自
緣妻子計冰霜忍別舊知行梅花水檻非無

思柳色春城亦有情感爾詩章挽星旆顧予
心緒入雲程

過大梁貽李獻吉

兩年不見空同子楊柳青青汴水濱避世獨
留瓜圃在著書吾愛草堂貧門前雪盡添春
水江上梅開傍野人竹邇不曾延俗駕思君
何日得相親

三月十五日病寓趙州時何舍人致
仕馬戴二進士應廷試

大書集卷九

六

抱病孤衙檢藥方平明起坐到斜陽落花白
日娟娟細乳燕青春故故忙正喜交遊新得
意却憐骨肉已韜光微軀進退慚何益魂夢
家鄉復帝鄉

題真定邵推府企歐亭

千載醉翁亭不見滁州山水北亭邊新苔繡
處纖纖雨古石移來細細煙一雙海鶴靜堦
下幾樹石榴明席前看竹邀賓了公事酒杯
詩律更堪憐

送譚開州還任

一麾入覲雲霄上滿袖携歸雨露香天子始
知今召杜開人不數漢龔黃城門乍見兒童
思車馬重來草木光落日晚風亭畔柳送君
聊爾醉銜觴

送田勤父使南昌

滕王閣迥最宜詩田子才高起夢思三伏旌
麾汴水上一秋舸艦楚江眉逢人問俗興新
感到處登臺寄遠期回首尚懷天北極春風

大書集卷九

七

使節莫遲遲

苦熱

一室多蠅無晝寐亭午毒熱轉相侵赤日下
臨微厚土炎雲四起昏長林剡溪孤棹不可
得雪嶺千峯何處尋豈有涼颼發天末明月
亦送高城陰

畫

故園春樹望中賒圖畫依稀處士家雲白沙
青聊興味山樵水釣各生涯黃鶯歷歷千門

柳燕子飛飛滿樹花歸去何年開野徑竹邊松裏一扉斜

送宋上舍還陝

長安一冬不見雪偶來大雪亦堪愁客居終日無佳興閉戶哦詩贈遠遊馬首雲開西嶽迥春風冰泮大河流關中近日多才子自古山川最上游

聞鴈

早春入夜尚淒風孤月纖纖生遠空萬里獨

金華集卷九

五

愁南望客一聲何事北來鴻往秋共逐嗟行路此際相逢愧轉蓬多思欲歸絃調裏哀音已過塞雲中

訪田勤父至自河南

城中雨雪含生意天上園林霽景新泥滑瘦馬亦不怯春寒乳鶯猶自頻會合可憐同夕酒栖遲惟苦異鄉人中原聞說今凋敝使我停杯淚滿襟

題廣平郭同府望雲思親圖

天涯遊子不曾歸每日看雲送夕暉歲月即今虛道路海天何處識庭闈廣城地僻南舟絕閩國峯高北鴈稀薄祿豈能供遠養傷心徒爾淚沾衣

酬馬君卿見花藥有感見示

故園二月花爛熳長安好花亦不遲忽漫高原見春樹三五細藥明煙枝此時悵望寒城暮何日移居野水涯寄語東風慎相識勿令朝夕早榮衰

金華集卷九

五

訪任草亭初至都下次君卿韻

過逢日暮留連飲共是天涯羈旅人語燕流鶯俱作意絳桃芳柳故相新即看逸興驅今古復有雄文動鬼神健翮自應霄漢上憐君白首尚儒巾

九日

退朝西出長安門疋馬行過紫禁垣鴻鴈淒淒逢九日風煙渺渺望中原尊前綠酒誰相對堦下黃花空自繁爲客登高無地主不勝

愁思倚黃昏

磁州省壁見韓司徒憂旱詩二首有感時司徒已去任

上古七年曾大旱司徒底事太憂民遙思當日心何似細讀新詩意自真霖雨蒼生應未忝雲霓霄漢會無因高宗不有亮陰夢傳說終爲板築臣

輓楊貢士

蜀中夫子才可尋江草空綠江猿吟傳經白

不韋集卷之六

重刊

首迴用世教子平生多苦心久令四海屬仰止還擬異代逢知音天涯有兒抱孤恨絕勝百花潭水深

比干墓

王子祠堂大道西野煙松栢畫萋迷經春但見青蕪長入夏猶聞黃鳥啼萬古赤心懸日月孤臣同姓薄夷齊卽今瞻謁光輝下灑淚含情不忍題

新安省院

洛陽西去萬山橫山下孤城枕澗清水竹叢開當檻靜石榴花發映堦明南遊盡月非吾土北望浮雲卽帝京底事客中無遠興不堪吟罷轉愁生

望太華

十年太華遊山思五月潼關騎馬來日勳松林仙掌出雲移蓮井玉峯開北涵渭水生秋色西帶秦京鎖暮哀安得從容應盡興翠微深處訪雲臺

不韋集卷之六

重刊

石溝

鹽井黃沙迷白草石溝殘日下荒山烽煙暫喜連朝息旌節遙從萬里還秋早兵戈屯塞上風高鼓角動雲間西陲諸將今非昔胡虜無勞數扣關

環縣

靈武城高接夏州逶迤山勢引邊愁胡來六月長烽火農起千軍盡戍樓草樹陰陰刀斗夕雲沙莽莽玉關秋比年耆舊多凋謝節制

誰能范老儔

長安同張文之宿固極寺

駐馬禪宮興惘然滿庭松栢細生煙
蟬鳴樹杪秋風起木落城邊夕照懸
賴有故人相繼繼更憐衲子亦周旋
盤餐繼是無兼味不惜吳鉤當酒錢

孟有涯集卷之九

孟有涯集卷之九

孟

孟有涯集卷之十

信陽孟洋著

七言律詩八十首

晴

輝輝林日動新晴客子歸心引去旌
秦山西出霞霓迥渭水東來烟霧輕
雙雙寒鷺過閑浦裊裊秋鶯轉廢城
漢唐宮闕垂楊裏回首斜陽萬古情

華嶽

孟有涯集卷之十

金精白帝開天府翠掌丹梯見華峰
別有懸崖浮日月分明絕頂盡芙蓉
千年洞壑清泉注萬里雲霄瑞氣重
會欲還丹鍊金骨不知何處覓仙蹤

襄陵省中池亭甚佳因懷張李二明府

日暮襄陵池上亭孤吟長坐嘆飄零
荷花無主誰爲色竹葉憐人獨自青
暝逼高林回倦鳥風生曲檻度流螢
季鷹元禮俱何在好對

青霄倒玉瓶

道井脛有感

東歸石逕入雲斜
險阻千年事可嗟
松栢森森韓信廟
山河渺渺沛公家
王齊寶召遊雲夢
爲漢虛勞問左車
惆悵英雄心事在
烏啼秋樹墮巖花

淮陰侯祠

殿宇深開古樹林
祠門高扁漢淮陰
涼風入幕吹遺像
白日臨簷照壯心
淵水千秋何所

五言集卷十

恨鳴蟬六月有餘音
扁舟却羨鳴夷子
萬里烟波不可尋

同黃都憲孟鎮守侯總戎遊紅石峽

一水遙從胡地來
峻嶒巖壁倚雲開
清流細細松林合
古洞陰陰石岫迴
駑騎高秋翻鳥雀
綺羅斜日映莓苔
醉遊幸與羣公後
塞北江南莫浪猜

同前諸公遊龍泉祠

山下清泉靜不流
城邊先景漫相留
池亭映

日晴波動草逕含風暑
氣收碧樹高雲聊騁望
玉簫金管慙忘憂
須知地主能憐客
曲水輕觴入暮浮

和楊邃菴入關

倦遊遙指舊鄉還
再起徵書入漢關
旌節未過靈武鎮
風聲先振賀蘭山
城中守將虛愁思
塞上征夫盡喜顏
韓范千年應並駕
雲霄萬里更誰攀

過關

五言集卷十

絕壁洪濤勢欲摧
危梯迤徑更周迴
獨夫荷戟當千敵
六國連兵未一開
唐主不妨安祿變
秦師元喜沛公來
乾坤萬古河山險
運祚紛移獨可猜

中秋示王子遂夫

中秋駐馬山中驛
節序那禁客裏逢
萬里氤氳浮皓月
千林搖落獨青松
催愁別院砧聲急
取醉誰家酒味濃
良夜一年惟有此
又教寂寞對高峰

送李給事使占城

紫殿爐烟拂素衣，搖搖仙佩出金扉。
旌麾日閃龍蛇伏，瘴癘春開島嶼微。
華國威儀憐彩鳳，驚人詞翰重明璣。
朝廷衮職還須補，海上浮槎早見歸。

挽溪雲翁

溪上雲搏處士廬，野人長徬問幽居。
少年遊樂江湖外，晚歲投閑松菊餘。
山鳥自啼存戶宇，澗泉猶遶廢琴書。
生平自有過人處，身後猶來長者車。

不盡有澤集卷十

四

送馬公順湖廣提學

風雪燕山不開別，離愁傷黃金臺萬里舟。
航渺何去百尺湘江清，且迴黃鶴仙人終日待。
武陵桃樹爲君栽，行將遊歷獻天子，不愧相如作賦才。

挽蜀中王侍御乃翁

白石清泉老歲華，新詩濁酒足生涯。
高秋鶴去雲無色，永夜猿啼月漫斜。
寂寞柴門五株

柳蕭條藥圃一闌花，可憐題柱青霄客，獨過空回駟馬車。

送王仲深致仕還江南

孤雲江上鴈高飛，客子乘舟何處歸。
茅屋新開荒菊徑，柴門正對釣魚磯。
村中蕪酒閑秋月，戶外鶯花澹夕暉。
白鶴自能隨竹杖，紅塵不解入荷衣。

待漏

玉漏遙傳高閣盡，金門欲啓五更遲。
街頭月色映霜白，城上河光涵露垂。
聖世衣冠慚旅進，浮生勲業動深悲。
風烟又覺三秋暮，鴻鴈空馳萬里思。

不盡有澤集卷十

五

送邊荊州廷實賦得一柱觀

松滋縣東一柱觀，君達荊州春正深。
風落澄湖翻夕照，雲移別嶂入晴林。
花間日見江猿過，竹裡時聞湘鳥音。
千古洞庭存勝槩，卽憐詞客更登臨。

送方隱君還棠陵

天上舟航何所之。棠陵野老故園思。雨餘負郭看田畝。日落依山見墓祠。長路經春鷗泛泛。清江入夏草離離。隣翁稚子迎歸棹。翠竹穠花待舉巵。

荅何仲默見寄

人世百年常異處。帝鄉爲別動三年。頻頻入夢見顏色。日日祛愁多醉眠。修竹穠花田舍裏。亂山流水寺門前。幽居不省何時訪。好句虛勞萬里傳。

李孟有涯集卷十

九月二十四日夜張侍御宅見菊

重陽已過十日餘。誰家宅裏菊開初。青燈照夜移花入素壁。含秋散影踈隔歲。再逢猶作客。一尊相對獨愁予。不辭深坐驚霜早。擬待懸攏過月虛。

送任草亭分教新城

紫塞霜天鴻鴈回。野亭秋日菊花開。琴書一束故人去。車馬翛然踈雨催。白首且傾燕市酒。黃金休上郭生臺。百年桃李陰陰地。萬里

烟花細細栽

九日無菊

常年但得重陽至。滿目黃花共舉杯。細雨濕籬全未負。西風吹葉故相催。此時苦憶何由見。他日雖多不用開。佳節久扳能發興。蕭條何意更登臺。

送人還山東

臥病京華清夏臨。兵戈滿地正傷心。故人此別愁何似。舊國東歸喜獨深。沂水風烟長浩浩。燕臺雲日漫陰陰。河亭入暮孤舟遠。回首空城動越吟。

李孟有涯集卷十

七

醉歸

每愁白髮催年暮。更苦青春縱飲違。對客淹留銷燭盡。出門酩酊帶星歸。晴初絕塞冰霜合。寒極高城鼓角微。傳語故人休共棄。明朝驅馬叩重扉。

別關中雷生

少年名重洛陽才。天馬西從渥水來。喜極乍

逢韓子宅愁多復下郭生臺華峰玉女盈盈
見金水青蓮冉冉開夜月此時更切春風
何日鴈重回

別蘇天秀

蘇公作宦出羣才遠謫新從蜀道來盤錯幾
年真慣歷圖書萬卷舊曾開秋風使節催行
棹落日離亭罷舉杯獨有壯心霄漢上時時
回首鳳城隈

聞河南寇二首

李商隱集卷十

賊兵十月渡黃河上諸城破已多金鼓風
悲塵滿目川原日慘血生波儒臣武將俱誰
在洛水嵩山柰爾何回首中原全盛地百年
今日見干戈

大梁南去憐吾土盜賊遙傳動我情殺吏已
聞過上蔡屠城近報入西平旌旗數望邊軍
至疲病兼憂內寇生腸斷鄉關兄妹在不知
何日可休兵

人日

人日又從今日得酒杯不似舊時開生涯
潦倒逢人笑節序蕭條傍客催冰雪春寒餘
磧谷笙歌風暖自樓臺暮看天北浮雲暗愁
聽城西畫角哀

過海印寺

倚湖臺殿何年起遶寺烟波望不窮樹裏
逶迤銀漢接宮前宛轉玉河通長橋晚落千
尋影高閣情含萬里風滄海漫求人世外蓬
萊今在帝城中

李商隱集卷十

九

慶壽寺齋居夜倍喬劉何三舍人

齋居笑接鳳池吟春寺風烟故故侵鍾鼓上
方催暮景松篁滿地散清陰中原渺渺孤
客北斗依依萬里心但擬聞雞朝玉闕還期
並馬出珠林

送韓汝節左遷平陽別駕

憐君謫宦向平陽汾水襄陵隔太行日暮烟
塵開樹迥春風鴻鴈塞天長時違去國重回
首世難逢人幾斷腸後會不知何處所清宵

聊盡此壺觴

和何子移居

長安大道禁城隈
何子移居庭戶開
花柳春天臨上苑
雲霞朝日近蓬萊
子雲宅裏書常滿
元禮門前客競來
栖息卽欣違咫尺頻煩
莫厭日追倍

春鴈

卽憐鴻鴈不相違
每到青春見爾歸
獨夜高鳴乘吹遠
九霄聯影入雲微
上林羽獵終多

大正有漢集卷十

十

事北海風烟自可依
矰繳虞羅滿天下
此身那得共翻飛

田給事宅對雨

日落炎城暮雨來
苑中烟色靜樓臺
青冥接地驚雷入
昏黑侵簷掣電迴
卽喜榴花明玉檻
不妨竹葉滿金壘
天涯風物虛相負
華鬢蒼顏日見催

挽李封君夫婦

百年徒有敬姜思
蜀內空傳太白詩
裊裊溪

雲虛戶牖蕭蕭江月動
機絲鳳毛迥出青霄上
龍詔遙從白玉墀
錦水巫山萬餘里長
安吟望不勝悲

送謝應麟赴費縣尹

謝安總爲蒼生起
費宰何由得使君
尊酒留連河上雨
布帆沾濕樹間雲
虛堂白日鳴琴靜
獨馬青春出郭勤
別後天涯看鴻鴈
不知消息幾時聞

挽白司務

大正有漢集卷十

十二

英賢不負尚書後
才略還憑太宰知
萱草春暉頻涕淚
鱸魚秋日枉愁思
星沉水閣圖書暗
月出江門猿鶴悲
萬里孤孀歸旅櫬
西風哀怨滿天涯

晚晴

炎蒸酷暑終朝雨
日暮新晴益可憐
雙鶴北來浮上苑
羣峰西出插遙天
起坐並忘三伏暑
樓臺俱近五湖煙
飄飄神思隨風遠
卽欲乘槎牛斗邊

壽林侍御兄

越王臺下菊花開
野老堂前歌正迴
冠蓋拂雲登綺席
芝蘭輝日引瑤杯
紅顏白髮雙星映
碧海青山一鶴來
惟有鵲鴿天北極
秋風原上幾徘徊

送許侍御乃翁視子還

九日寒城落木稀
野亭叢菊細輝輝
日邊驄馬行相送
京口扁舟喜獨歸
歲暮梅花開草閣
月深江色動柴扉
極知隱地遠塵市
早擬

封章下釣磯

送周世寧進士

馬卿多病憶江干
霜日城邊木葉寒
白晝錦袍歸故國
青春文藻動長安
孤舟漢水浮書劍
萬里秋風縱羽翰
共知諸葛隆中去
他日經綸海內看

送劉天和侍御巡按陝西

才華往日動江城
御史西臺獨令名
白雪張輪出燕甸
青春桓馬入咸京
長安繚繞胡沙

遠太華岩崑漢月清
兵革見愁疲病日共看
經濟蒼生

興隆寺齋居

齋日齋居僧舍深
畫簾花竹細陰陰
諸天樹色浮佳氣
下界鶯啼入梵音
京國風煙虛在眼
邊城戎馬實驚心
他鄉自喜逢春色
不道愁多更苦吟

送謝汝正少參之湖南

曉日城隅別美人
桃花落盡始知春
冠纓自厭風塵色
舟楫遙憐江漢濱
雲夢澤深浮日月
岳陽樓迥近星辰
何年得慰登臨興
共爾逍遙一問津

冬至述懷二首

冬至陽春節氣新
孤舟萬里淚盈巾
千官鳴佩嵩呼日
九殿垂紳近侍臣
嶺外聞猿爲逐客
山中驅馬避徭人
海天徒抱區區在
稽首焚香望北辰

至日燕京冰雪繁
常年陪祀上陵園
赤城松

栢開神道玉府雲霞鎖秘門車騎畫從烟外
轉衣冠夜向月中論卽今萬里投荒嶠極目
遙天斷旅魂

臘日

北風歲暮急孤城臘日炎荒見雪清獨秀峰
高萬里思枕榔樹近一禽鳴桂林遠客違
金闕椒酒親臣賜玉璽寂寞學宮終日閉倚
樓吟望倍愁生

答顧全州華玉見貽

不盡有涯集卷十

古

隱几高齋冬日深叩門何處素書臨美人近
隔清湘水使者空傳白雪吟邊嶠梅花愁聽
角郡庭榕葉憶鳴琴春風好慰同遊興夜月
應憐異地心

除夕對梅花

南謫南荒度歲除北人北望憶鄉閭笙絲別
第生春色燈火虛堂積雪餘賈誼賦成空有
鵬馮郎歌罷竟無魚庭梅寂寞偏憐汝獨著
寒花夜對予

人日答顧全州以詩見邀

人日風光春興幽封書遠寄顧全州江邊五
馬虛相待剡上孤舟可自由已向殊方憐共
逐猶慚薄祿阻同遊烟門新柳垂垂色月嶺
衰猿夜夜愁

送馮司訓入京

馮唐白首尚微官此去欣逢漢武年春月扁
舟携鶴往東風上苑見鶯遷亭亭落日清江
外冉冉飛花綠樹邊逐客天涯仍送客長安

不盡有涯集卷十

古

自極萬峰烟

松坡宅內海棠賦得園字

春城下馬入名園滿樹仙花開正繁行傍闌
干應破睡吟當風雨爲招魂傷心轉見紅妝
麗照眼翻驚火玉溫聊引金樽留遠客不妨
銀燭醉王孫

寄周克之侍御謫居南海

君從嶺海駕輕舟余亦瀟湘遡碧流悵望雲
天俱墮淚相思月夜一登樓魚龍巨浪春應

適瘴癘深山雨更愁飽食殊方各努力南中
佳麗足遨遊

送徐明府入京

二月灘江春水深訾家洲映百花林送客忽
來生遠興臨流延佇動高吟日邊雲樹雙鳬
影天上星槎北鴈音莫問郎官向何處清才
隨地好鳴琴

壽松坡母太夫人

瞳瞳旭日照蓬萊王母池邊宴正開宮雪影

五言集卷十

七
二

隨歌曲轉洞梅香逐舞衣迴仙人霞佩供春
饌玉女霓裳薦壽杯豈有竊桃方外術幸從
冠蓋集雲臺

吳廣文赴天河

文星昨夜近天河江上朝逢鄭老過雨積山
城歸燕少春殘沙浦落花多藏身散吏慚予
並回首孤帆柰爾何誰謂邊方皆鼓角夷鄉
從此聽絃歌

清明

千花萬柳照清明鳩語鶯啼滿郡城晝臥不
妨深院靜春遊應喜四郊晴殊方車馬誰同
侶故國風烟空遠情獨愛隔簾芳草色孤吟
日暮遶堦行

荅高大和侍御寄書

舟過衡陽鴈已踈經年那得故人書一封忽
漫來何處千里殷勤問謫居海上青驄遙羨
汝湘南芳草正愁予清秋直北朝星斗回首
雲山萬疊餘

五言集卷十

七
一

中元

南方極尚中元節走祀居嘗五日前故國光
陰同歲序天涯涕淚各雲烟山深絕少秋來
鴈地僻偏多雨後蟬鄰里兒童交贈送盤餐
壺飲自堪憐

秋懷

歸心萬里逐湘流落日千峰障客愁葉下北
風巢燕盡林開纖月嶺猿稠馬卿報國終多
病張翰思鄉豈爲秋絕域不曾綠祿仕高堂

空自有離憂

九日遊風洞山

九日獨登風洞閣萬峯疊擁靖江城烟中臺
殿浮秋色天畔松杉落雨聲黃菊野開孤客
淚蒼梧水遶二妃情心懷往歲承恩宴腸斷
斜陽望帝京

輓張兵備時措

張公生世出羣才死日驚開動地哀洒淚春
天花自落招魂雲海鶴空回筆鋒久涸淞江

金華集卷十

木

水戰陣深悲漢將臺歸視試過吳楚感昔賢
白骨捲青苔

輓李將軍

漢家惟說李將軍壯氣雄才世共聞劍斷蛟
蛇作雷雨身乘虎豹捉風雲封侯志在元非
偶教子功成盡不羣徒有英華照千古不堪
猿狖泣秋墳

輓胡憲副

黑首爲郎卽有名壯年風采動邊城木牛歲

轉胡沙靜驄馬春行漢月清直北寵光飛玉
節征西勲業墮金營孤丘落日青山外萬古
滔滔湘水聲

遊湘山寺

雲裏孤亭落翠微林間寶剎隱光輝寒鍾寂
寂秋花細碧殿陰陰古木稀望極烟霞流遠
壑行深薜荔引重扉却悲塵跡同流水聊復
高吟傍落暉

南可堂

金華集卷十

九

堂成南郭倚脩林簾捲高窓見遠岑掃石秋
籬看菊徧杖藜春徑入花深天晴猿鹿山中
下日落漁樵江上吟野興百年無不可桃源
路杳莫相尋

王師出京聞王都御史收南昌消息

二首

聞道王師已出京清秋霜氣肅南征山中狐
鼠元無賴天上干戈自有名黃鉞脩臨朝日
動錦帆遙下夕江明漢文那得稱神武今日

親行細柳營

醜虜無因敢跳梁觀兵有道荷天王驚聞金
鼓連雲起擬見旌旗向日黃萬國衣冠須旅
餉九重軒冕盡戎行捷音近喜從南頓已報
中丞入豫章

九日雨阻登高述懷二首

重陽風雨罷登高獨坐書空積思勞病起強
須傾玉竿菊遲元自愧霜毛浮雲日暮青山
暝落木天寒白鴈號黃鶴題詩悲往事野陰

不盡有漢集卷十

壬子

江色動秋袍

不道無涯還有涯逢秋却惱鬢添華愁來但
使尊多酒興好從教菊自花南國烟氛隨霧
散北陸鼙鼓接雲賒衡茅幸有棲遲隱風雨
何妨細細斜

病居寡出憲使間公假以良馬從此

可遂遊覽之興詩以奉酬

彈鋏歸來歎索居出門誰復念無車騏驎暫
遺離官廐雨露分沾到敝廬野寺尋詩今不

遠春山載酒未應踈支持病骨全憑汝絕勝
京華杜甫驢

酌君卿夏日山居見示

聞君近有山居興長夏傳詩慰寂寥精舍雅
宜修竹裏紅塵悵望白雲遥風前卷幔時通
燕雨後開渠自灌苗卜築真慙陶令宅歸來
車馬尚喧囂

別劉子深

傳書他日瀟湘淚並馬春風海岱行醉裏遲

不盡有漢集卷十

壬子

迴同野興天涯漂泊見交情荒沙日靜雲門
迥弱柳烟寒溜水清聊復長歌爲此別不須
回首論平生

東平道中呈馬三侍御二首

六年不見同人語萬里安能一日忘捧檄早
聞過故里傳書今已至東方不才自愧郎官
宿多病心寒御史霜苦憶行驄春日靜愁看
征鴈碧雲長

馬卿遊歷興多奇滿卷渾無寄我詩綬結青

雲還自得珠投黑夜獨相知
平堤絮裊春烟薄
僻路花開野日遲
不顧尚書吾豈敢
風沙百里赴君期

千佛山

白日蕭蕭秋樹斜
碧雲渺渺入僧家
隔年松塢疑鄉寺
一月風塵見野花
鍾鼓催寒生晚暮
翠微含月益光華
開尊不盡川原色
發興還如江漢涯

九日登泰山

孟有涯集卷十

世三

泰嶽風高不可當
登臨況復是重陽
杯傾下映滄溟色
帽仄平依北斗傍
魯甸風雲流野日
薊門鴻鴈入烟霜
雄圖盛節俱陳跡
城郭蕭蕭自八荒

禁中春雪

長安正月逢飄雪
裊霧含風更可憐
高入雲宮迷曉帳
暗流星館濕春筵
玉花自繞飛龍上
瑤草偏承獵騎前
萬乘此時行幸地
詞臣誰獻上林篇

人日別王明府同陳何李薛劉王
王喬作宰試東吳
吳國江山興不孤
花繞縣前春嶂入
月臨城上夜潮呼
天涯人日看瑤雪
海內名流集玉壺
明發分飛各何在
却因梅柳憶京都

孟有涯集卷之十

孟有涯集卷十

世三

孟有涯集卷之十一

信陽孟洋著

七言律詩七十八首

夜集劉子緯郎中

門對西城霜月臨，雪留風苑北堂陰。
愁看碧草生春色，徒傷寒梅損客心。
擎筑未忘燕市酒，屬歌猶接郢人吟。
非貪深坐催雞報，苦憶相思候鴈音。

九日期登高不果遂集王郎中欽佩

青谿上限韻

王子幽居水竹東，故人佳節對清風。
愁看叢菊蕭條甚，興引高臺興望中。
日靜鍾山流遠碧，天寒楓樹落殷紅。
共嗟物色驚人眼，縱飲何辭百盞空。

仙真觀

村墟斜日映霏微，蓬苑丹霞閃洞扉。
竹霧乍沾車馬色，爐烟常駐薜蘿衣。
巖垂石髓逢人少，路塞桃花過客稀。
白鶴歸來莫相訝，幽房

玄侶亦忘機

清涼山

丹梯翠閣上崔嵬，歲暮天涯一舉杯。
野合秋聲搖草木，城開烟色見樓臺。
悠悠落日長江下，渺渺青天白鴈來。
更向園陵望佳氣，鬱葱門殿首重回。

至日遣懷二首

燕京至日雪花飄，此日江南雨尚饒。
鳥過雲天還漠漠，竹搖風霧自蕭蕭。
流移淚下中原盡，瞻望心懸北斗遥。
暫息一枝叨剝澤，微軀

萬死愧清朝

郕中抱病逢長至，門掩高齋白晝深。
止酒且妨陶令醉，思鄉仍動越人吟。
夢回雪色無由見，興到梅花何處尋。
細雨輕雲愁不斷，不須歲暮已沾襟。

立春後對雪

南方臘月常無雪，春後飛花此更多。
野老不須占歲事，江人應亦罷漁歌。
霏霏細繞海唇

落片片輕霑柳岸過目極胡天雲色暗北征
車馬事如何

吳松江肅威道此對酒次韻

萍聚京華四海心蓬飛歲月故駸駸蠻荒獨
憶西臺迥郡國同瞻北闕深病骨逢君慙
櫪春山對酒見鶯林少陵不作當時體千載
重聆太雅音

除夜述懷

每逢歲暮嘆離居今歲還從客裏除冰雪已

金華集卷上

三

隨殘漏盡春風應入曉鍾初衣愁病骨難呈
絲酒悅慈顏賴有魚喜報
寢遊還風闕無
因稽首拜龍輿

元旦呈郡守徐公

滿城鼓吹過元旦萬戶樓臺映曙輝江暖卽
看春鷺浴谷暄應見早鶯飛天涯風日開黃
道海上雲霞接紫微佐郡喜逢今日盛題詩
常對謝玄暉

正月三日喜晴

東風宛轉入新年林色熹微開曙烟梅柳隔
簾春欲動樓臺滿眼雪猶懸羣飛鸛鶴翻高
樹並泛鳬鷗下碧川對此不堪多病在令人
却憶五湖船

正月十四夜徐郡守子謙諸進士楊

伯屠臧方文伯范秀才孔嘉見過

觀燈

小堂今夜試春燈喜見元宵對友朋金映碧
莖花錯落玉浮高棟焰稜層簾前月色虛垂

金華集卷上

四

滿坐上風光似不勝明夕莫辭重過訪清尊
共擬樂豐登

元夕

靄靄春光星漢遙江城笙鼓奏元宵東風獨
轉攬綸席明月偏臨翡翠橋客裏燈花紛自
樂眼前琴曲謾須調翻驚令節催愁鬢倚杖
青雲望斗杓

送陶憲副入京

津橋細雨催南鷁烟樹春風起北鴻仙旂近

移五柳外 帝城遙在百花中江湖猶阻扁
舟興經濟寧孤運斃功海內蒼生今屬望君
家兄弟本才雄

喜 駕旋

龍旂北轉風雲塞鳳輦春回日月宮川至歷
年三代上嵩呼靈氣萬方同只須經略歸元
老何乃憂勤達 聖躬寶鼎仙芝應有頌周
宣漢武更無功

天寧寺對雨

大華嚴集卷上

五

妬花風雨何曾歇蔽日陰雲未肯休卽有黃
鸝愁霧苑且無燕子入山樓碧隨旂柳江仍
濕紅落堦桃寺轉幽城內風光君不見一春
今已廢郊遊

散鶴爲沈秀才槩題

清才癯骨沈休文疎散行藏野鶴羣巖樹不
妨眠曉月江花隨意步春雲且教獨曲琴中
度擬有長鳴天上聞健翮乘風向閭闔會從
鵲鷺奉 明君

重陽前一日登黃鶴樓

黃鶴仙遊遡八溟層樓高結入青冥浮雲薄
日垂江漢落木清秋下洞庭夢者祗餘雙鳥
白楚天不斷萬峰青 願 願 願 是黃花節發興
憑虛倒玉餅

贈魯振之祭酒園居

魯連不受平原贈長揖歸來住海濱寧獨彩
毫干日月時看玉劍動星辰窓含花竹雲爭
入江引鳬鷗日自親天下蒼生望安石憑君

大華嚴集卷上

六

莫作武陵人

懷王子衡

時四川提學僉事

同遊北闕乘驄客並作東吳別駕臣下榻論
文頻月上繫舟開醖更江濱風烟渺渺湘山
暮桃李陰陰蜀水春海內故交零落盡天涯
相憶獨沾巾

至日有述

鑾輿聞道尚西巡至日天南望北辰文武班
回金闕迥鼓笳聲奏玉關春邊風劍雪迎仙

蹕虎帳龍旗駐虜塵東顧長安連甲第珥貂
俱是聖朝臣

答劉奇進長兄題雪見貽

劉向歸來獨著書更看作賦擬相如雲填茅
屋溪流斷雪壓柴門野色虛金馬亦曾爲吏
隱銀魚何啻換巖居不須白雪人難和梁甫
吟成興有餘

憶周充之時謫居沅州

南海寄書經歲月沅江相憶復關山數回危

李青蓮集卷十一

七

棹驚濤裡一片浮雲返照間白髮固須增涕
淚丹砂聊可駐容顏桂林愁客如昨日日擬
長安送鴈還

華容值張常甫年兄用嚴內翰韻

臘日山城霧濃忽傳旌節訝何從十年零
雨天涯別萬里孤雲江上逢日暮鳥鳴頻向
竹歲寒雪色故含松呼燈對酒論疇昔愁思
如前更幾重

出郊

昨日歸來雪滿城暖風三月始郊行平蕪渺
渺春嘶馬斜谷陰陰午聽鶯茅屋短桃流水
近石橋低柳細烟輕十年塵土知何事今日
鄉園且有情

酬馬侍御園居見示

長夏幽居竹樹清雀羅門巷少人行琴尊賴
有隣翁並供給難爲地主情燕子入簾呼伴
語石榴當戶着花明忽傳御史陽春句欲和
還慙調未成

李青蓮集卷十一

八

苦熱

羣居離析饔飧廢三伏薰蒸晝夜同愁倚西
林還赤日臥開北牖自炎風烟籠樹石千峰
裏氣鬱旌旗四海中避此鳥能生羽翰翱翔
只向雪山東

贈王憲副過訪次馬侍御韻

泥涇斜通細雨堂故人驄馬駐新涼寂寥門
巷還誰到顛倒衣裳亦自當春色舊開西嶺
雪秋陰猶轉北臺霜于今汲黯須君輩只合

中朝侍 帝王

中元夜簡浚川憲副因憶蔡石岡大

參劉遠菴憲副

中元月好向誰看
獨客杯深且自寬
健日風光悲異地
故人踪跡笑同官
悠悠暗笛秋城夜
寂寂陰蟲露井寒
劉蔡關中近何似
撫時應未輟交歡

暮春同馬侍御訪張太常園池時憂

早

大東有漢集卷上

九

尋春還擬惜春歸
取徑穿籬到水扉
野草牽風魚自戲
楊花映日燕同飛
開軒翠竹搖金盞
收席蒼苔浣繡衣
賴有主人留客醉
豈無使者問年饑

殤子八十生日至瘞所

吾兒死別經春久
生日今來哭汝墳
秀骨清眉泉路隔
嬌啼澁語夢時聞
烟林葉暗鶯初歇
草徑花稀蝶自羣
魂氣可能遊我側
須驚愁髮雪紛紛

出城

正月二日春事微
西山白雪青山圍
鷺鷥低飛暖猶怯
楊柳漸發寒乍稀
漠漠沙陰流宿霧
霏霏樹色閃朝暉
出門咫尺絕塵慮
悵望雲松欲振衣

贈別張汝楨兵憲兼致留意

冠蓋傾城擁使車
柳深花暗重躊躇
旌搖日月明淮水
帳卷風雲接楚墟
春饌正宜供竹笋
秋羹何用嘆鱸魚
樂羊不廢中山績
漫有文侯滿篋書

文侯滿篋書

大東有漢集卷上

十

遊賢隱寺二首同王子遂夫

城中遠愛青山好
五月衝炎獨馬來
芳草斷岷溪路
合白雲流水
寺門開松間犬吠驚梁燕
竹下僧迎損石苔
急報山靈莫相訝
浮生今已去塵埃

暑歎清風繞萬松
夕窓殘月隱千峰
焚香習靜山花對
倚杖凭高野衲從
路轉澗樵遙聽笛
巢歸塔鶴一鳴鍾
欲知塵世珠林隔
門外

烟霞更百重

次韻馬侍御山居

疊嶂叢林卜築新柴門草徑絕比鄰琴尊有意從知已衣帽無心懶見人流整野雲何所繫浴渦沙鷺本來真百年幽境容吾老四海蒼生望爾頻

種竹

琅玕初種轉生幽坐見瀟湘檻外流且展琴書時自對更栽松栢晚爲倚光含細靄偏承

本集卷之十一

十一

月簾落微風易得秋他日清陰應滿戶會教城市卽林丘

題東谷

花林日出映沙村亭戶春開對海門卷幔孤雲生几席憑軒萬水失乾坤長雷走壑蛟龍舞碧樹含風鸛鵲翻獨坐焚香把周易悠悠身世已忘言

賢隱寺限韻宴別張子

雨翻黃葉下秋臺石洞蓬窓烟霧開惜別光

陰還勝地登高詞賦自非才雷喧衆壑盤樓入龍偃千峯抱寺回爲問風塵驅獨馬何如花月動雙杯

張徵君泊其子文學送予北庄

徵君負郭徧幽居送客携尊過北渠喜有亭臺開野卉恨無網罟羨池魚黃鶯近水何清切碧柳含風亦不疎山下未須陶令宅城中門第已容車

誕日雨行臨穎簡杜研岡

本集卷之十一

十一

生日之日道路行思親嘆老那爲情尊前白髮從誰樂鏡裏華顏祇自驚雲裊天絲霑卷慢雨翻風燕避搖旌却看寶劍終難試惟有黃金似可成

飲崔都尉府

主家仙館接雲城碧樹瑤池暑簾清近苑花風牽霧轉隔簾荷雨入秋鳴登龍自幸開塵榻引鳳真如聽玉笙李白文章驚海內由來詩句下崔生

南浦

小堂幽徑開南浦水坐沙行伴海鷗蘭映芳
洲春色靜竹搖別墅日華流烟花迥出王維
畫歌酒長隨李白舟野服漁竿無姓字桐江
多事著年裘

寄王欽佩提學

雨花臺畔昔年遊長憶金陵萬里秋春色乍
驚河上節月華空望汝南樓檐帷路出花相
映絳帳庭開草並幽七郡衣冠瞻北斗光風

金有涯集卷一

五

何日被林丘

春日顧張二省郎携酒慰次韻二首

春院人稀晝轉長短桃低柳弄柔芳青山隱
隱雲中寺碧草淒淒雨後塘吾事百年慚管
樂君才今日總班揚何當病起同遊樂佳麗
由來此帝鄉

花落鶯啼欲暮春喜逢佳客笑言新華裾不
負正時畧野服真成避地人芳草池臺憐歲
月白頭身世厭風塵莫辭良夜開尊久忍聽

遙天過鴈頻

大理公署賞牡丹次葛治齋韻

北地看花晚未回洛陽仙種秣陵開香隨彩
蝶飄歌席色映紅霞動酒杯李白新詞元自
艷沉香醉賞更誰魁主人對此須相惜風雨
春深莫浪催

江上訪王浚川司馬值謁陵未回

城陰芳草暗江湄獨坐江亭遲所思別後定
知心匪石見時應訝髮如絲烟林春盡啼鶯

金有涯集卷一

五

倦水岫風微落絮遲東望歸陵纔咫尺側身

猶詠四愁詩

雨花臺

初夏登臨花未稀一春多恨賞心違羣峰細
雨江流轉萬戶垂楊燕子歸謝傅風流今不
在秣陵雲物舊全非空臺草長談經處風起
遊絲罥客衣

卽晚過鳳臺下徐氏西園用前韻

地僻臺荒春事稀園池真與市城違碧蘿四

月聞鶯轉翠竹千年有鳳歸歌吹暫逢今日
暇江山應嘆昔人非平原公子貪留客暮雨
何妨醉濕衣

盧龍山次費庶子韻

赤橋丹壁蔭豐林長夏清風散鶴音日抱帝
城宮闕迥雲藏仙洞薜蘿深天涯雪鬢三年
客江上星槎萬里心唯有閱江名尚在憑高
想像翠華臨

有悼一首爲華泉大司徒作

早修容服侍明公琴匣書籤坐臥同春色故
隨流水去雨聲猶向落花中月明東閣凭欄
歇塵暗西窓倚鏡空十二峰頭雲不盡夜深
還到楚王宮

又次浚川司馬一首

何事琴歌不忍聞相如哀怨苦離羣遊魂遠
逐吹簫侶遺恨空殘織錦紋杳杳鐸聲疑漢
珮青青竹色憶湘裙夢中恍惚重逢地流水
桃花隔彩雲

涇州道中聞劉養和提學阻雨於此
戲贈

聞君滯雨回中地晤語中宵定不違北塞鼓
鼙風寂寂西原旌蓋草霏霏花侵講席諸生
滿苔長公庭候吏稀王母祠前雲未散莫令
朝雨濕征衣

庚寅郊祀齋居三首

至前三日肅齋居裡祀南郊大禮初想像圜
丘新制作瞻依華蓋入清虛天心自協

先皇典雲物還從太史書秉笏垂紳奔走地
遠臣無分侍鑾輿

今晨法駕出重闈平曉南臺望北辰天上葭
灰初動律雲中芸草獨先春萬方快覩風雲
麗一代驚看禮樂新寶鼎仙芝應有頌摛文
振藻屬詞臣

五夜星郊駐六戎至尊齋服對蒼穹瑤階
舞動雲門月玉檻歌迴大呂風圭璧雍容勤
祝史衣冠奔走肅臣工受釐遙想羣心悅致

福應知萬國同

龍泉寺奉懷顧南田憲使

松寺看山興有餘，栢臺對雨思何如。
溪邊取醉饒泉石，案上相仍獨簿書。
悵望孤城雲樹遠，躊躇清夜竹窓虛。
虎頭千載風流在，擬賦新詩爲起予。

寺中對雨

古寺天寒樂事稀，千山風雨賞心違。
松懸瀑布當簷落，竹引浮雲遶棟飛。
窈窕烟藤垂虎穴，淒涼水鳥坐漁磯。
宵來撥門須酌酒，明發衝泥轉翠微。

對菊簡管平田吏部戲申夙約

秋堦細雨菊花初，對客開尊興有餘。
門外白雲空悵望，城東皂帽獨閑居。
秦川渺渺雙鴻盡，漢苑蕭蕭萬柳疎。
欲共張何尋舊約，可容騎馬到君廬。

同張時濟遊管平田別業

相期暇日訪林丘，雨霽南山野色幽。
竹徑尋

詩黃葉晚菊筵，留客亂雲秋。
嵇康懶慢能青眼，張翰歸來未白頭。
醉把花枝仍插鬢，坐看初月上東樓。

喬司馬宅留別限韻

山水金陵天下先，勝遊秋日故留連。
花前宴集尚書第，酒後悲歌明月天。
上國風雲仍梓里，六朝宮闕幾桑田。
臨岐更枉羣公作，細和陽春喜欲顛。

送戴雙湖太守之泰山

野日孤烟草樹分，啼鶯處處惜離羣。
雙麾曉動湖中月，五馬春行海上雲。
風節卽應東嶽並，聲名何啻九江聞。
泰山太守今才俊，漢代虛誇皇甫君。

過開城

亂山欹壑入開城，禾黍油油烟霧生。
塞上草深充國帳，水邊花暗亞夫營。
青林過雨流鶯濕，綠野含風戰馬鳴。
自有奇謀尊俎地，書生容易莫論兵。

王司馬見示和司徒對雨詩次韻

對雨憑欄起夕愁，百花都向雨中休。
禁林漠漠烟雲濕，江水冥冥天地浮。
浪打浴鳬依葦岸，風翻歸燕失山樓。
司徒此日傳高詠，豈爲江南歲計憂。

和黃久菴觀漲

經旬雷送江城雨，三伏風添水閣涼。
傷郭青山流宿霧，平堦洪潦浴殘陽。
冥冥津樹孤帆遠，渺渺沙禽野渡長。
却憶汪洋黃叔度，新詩

詠罷興難忘

不韋青崖集卷十一

九

雨中臥病有懷大司馬王公

舊都司馬召公才，推轂新從上國來。
萬里青霄看鳳鳥，三山白日起雲雷。
道高經略尋常事，性僻圖書晝夜開。
臥病思君愁對雨，論心何日更銜杯。

戲贈九峰山人

九峯山人不在山，往往騎鶴遊人間。
天風吹衣鳳臺下，鶴影參差雲並還。
巖中石髓豈曾

識洞裏丹砂真，駐顏便須與爾同。
相訪桂樹青青秋可攀。

哭鄭鹿門大理

鹿門霜落楚雲秋，腸斷金陵罷遠遊。
白髮愁時空萬丈，青山歸去一孤丘。
風沙莽莽魂將返，江漢悠悠恨未休。
韓愈祇餘南海廟，臨卽應起鄭公樓。

春日遊王令莊園

興來出郭訪林丘，烟靜沙明綠滿疇。
雙鳥鳴初驚節換，百花飛盡媿春遊。
曲通水竹幽人住，清轉風松醉客謳。
五柳未應陶令臥，蒼生元繫謝安憂。

不韋青崖集卷十一

五

贈馬抑之侍御按淮陽

北來風采動江濱，疇昔詩名天下聞。
花映繡衣明海日，柳迎驄馬拂淮雲。
賈生漫有過秦論，司馬空傳喻蜀文。
早擬還朝沾寵渥，時時簪筆侍明君。

寄壽汪逸士

中巖八月桂花開花下羣仙薦壽杯羽蓋雲
隨老人杖玉簫風轉少君臺庭蘭映席青青
合海鶴盤空冉冉迴何事湖山生氣色烟霞
元自近蓬萊

答贈陳魯南陞山東大叅見示次韻
秋風鼓枻過吳門才子題詩荷帝恩行入
孔林瞻氣象望窮東嶽小乾坤蛟龍漸喜雲
雷際騏驎終看霄漢奔禮樂中興須賈誼夜
深前席待君言

壽胡翁

孟有涯集卷十一

河上金風吹綺筵江東才子促歸轡到家青
鳥迎賓入對酒黃花照眼鮮汗血猶來千里
駿渥丹遙望九華仙管絃聲迭遍爛影南極
星高月滿天

遊清涼山限韻

高城木葉下清秋古寺寒花照白頭吳楚茫
茫雙鴈入江湖森森一鷗浮馬卿抱病猶爲
客王粲思鄉更上樓斜日半山烟霧裏迢迢

淮甸接中州

奉和紫巖太宰東麓亭高韻

雲閣秋林葉正飛藥官蓬苑坐依稀寒烟漠
漠晚江樹白鷺悠悠芳草磯漢業洪開雙闕
迴鍾陵高覽萬山微登臨況有陽春句醉擬
賡歌帶月歸

送陶醫士次王司馬韻

聞說商山訪綺園偶來白下講羲軒九江歸
擢元孤鶴五柳迎門有衆孫謾擬王維圖竹
里曾招秦隱入桃源憑君珍重長生訣太上
由來不易言

賢隱寺值雨荅陳生惟允

清夏邀朋過竹扉偶來風雨事全非雲流高
樹啼鶯濕水漫平田白鳥微愁坐佛堂聞梵
語涼生禪榻借僧衣青簑赤脚溪橋外應是
山童問酒歸

孟有涯集卷之十一

孟有涯集卷之十二

信陽孟洋著

五言絕句三十三首

桃葉歌十首

桃葉青始齊桃花雨如霰風吹羅幃開月出
見郎面

兩地各懷意相許結同心花香露下樹鳥栖

月中林

燁燁花燭輝怡怡琴瑟諧奉歡鴛鴦佩回妾

孟有涯集卷之十二

鳳皇釵

誓言結金蘭同喜復共戚流沙逐浪轉歡心

不如石

歡行儂亦隨歡坐儂亦止日夕慎雞豚見狼

門外視

歡心有轉移賤妾意無已染就石榴裙顏色

空爲紫

沈手紉郎衣齊眉奉郎食飽棄枕與匙誰能

復相憶

朝來向南鏡鏡明照自真但照妾容舊不照
妾裳新

懷抱一寸鉄日夜奉君知妾心卽有欺日照
豈有私

當窓理青絲三日不成髻儂愛舊妝宜恐歡
心不悅

江南曲十三首

未到江南時遙憶江南色登山來水嶺含情

望江北

孟有涯集卷之十二

山高雲復深處處南朝寺層層白玉龍箇箇

黃金地

朝出看花遊紅日照花樹回頭雲雨深不謝

來時路

淥水芙蓉綻露濃花更新蘭舟荷葉底好是

可憐人

羨彼鴛鴦鳥飛鳴洲渚間雙雙穿藻去顧影

不單還

雲履疊山中盡是江南客日夕上青樓平明

過紫陌

江南春酒熟山花映江渌取醉不論錢但說東陽美

農家望天雨雨大解傷禾市人亦愁嘆生涯當柰何

蓬頭坐浮槎垂簾綠楊裏風雨安足驚得魚不知喜

大舶從東來徑向真州去倘問金陵人金陵在此處

朱牖碧欄干層軒臨水作流雲濕人衣尾底游魚過

菱葉既青青蓮花何灼灼走馬長安兒豈忘江南樂

吳歌若爲和字字要相當試聽燕中曲亦不解儂腔

白菊

兩兩瓊霜下盈盈瑤水涯縱然同晚節猶自異黃花

園亭雜興四首

白日生紫烟危巖俯深谷不見谷中人鳴鸛上高木

山勢層霄外溪流落照間獨鳥依依沒孤雲細細還

葱葱臺畔樹歲歲帶春暉把酒長相惜秋風芳樹稀

何處水中石移來亭畔清東風三日雨細草忽然生

王子衡過飲分體得五言絕句二首

虛簾過微月小閣生餘寒留連異鄉飲消此長夜闌

北風沉鳴笳清霜霽絃奏栖栖樹上鳥相啼不相後

雨

庭堦木葉濕山館夕雲寒零雨隨愁積他鄉且歲闌

書贈岳秀才伯陽扇

岳生明月姿皎皎白團扇流風霄漢間飄颻
君不見

米元章拜石圖

愛石非愛奇壁立宛可敬白日照江心光與
人相映

孟有涯集卷之十二

孟有涯集卷之十二

五

孟有涯集卷之十三

信陽孟洋著

七言絕句九十七首

榆臺嶺

霜滿關山烟霧開將軍遙指古榆臺爲言五
月匈奴入兩鎮奇兵戰不回

雜興三首

長安巷裏春風動萬戶千門那復愁紛紛白
馬青衫客凌雪欺烟上酒樓

孟有涯集卷之十三

薄海車書無異俗滿城燈火競元宵歌聲舞
袖春風裡陋巷窮扉也寂寥
西湖湖水雪全消沙暖烟晴野望遙蛺蝶紛
飛紅杏岸黃鸝百囀綠楊橋

春雨寄何仲默三首

春日春城雲霧遮馬蹄終日滯天涯親朋總
隔中原路桃李空教滿樹花
比年朋輩俱榮達今日相思爾獨歸漂泊一
身春寂寂黃昏三日雨霏霏

零雨霏霏盡日幽浮雲浩浩總生愁城南

北饒春興仰遠花深何處遊

送扈明府赴滿城

春暮河亭花柳明高雲細雨暗流鶯天涯何
用難爲別一縣蒼生望此行

咸陽覽古三首

長安西出咸陽道行盡平沙渭水澄便欲題

詩懷往事傷心忍見漢諸陵

野草荒烟長故坡綠陰黃鳥自清歌遊人不

金華集卷三

讀前朝史那識咸陽宮殿多

阿房宮觀化爲灰一望平原盡草萊畢郢祇

餘文武廟古烟蒼柏畫長開

梁山懷古二首

秦皇遊幸出梁山翠閣朱樓起萬間千載春

風歌舞地牛羊斜日牧兒還

梁山高出斷雲橫秋入乾陵宿草生聞道高

宗曾合葬居人祇記則天名

寄內

望秦雲別華山暮過晉水宿蒲關玉閨
梧征夫苦猶說天涯人未還

塞上行十首

六月邊風吹面寒草深沙磧馬蹄難堪憐戍
卒長城下衣甲終年不下鞍

白草愁連紫塞長行雲落日共蒼茫驅車竟
日無村落到處逢人指戰場

波羅西來臨虜營士卒相看重惆悵今日人
家作牧田去年虜殺誰家將

金華集卷三

虜營三月渡黃河河內胡兒已不多近日兵

戈稍休息邊人齊唱太平歌

道傍傳警爾爲誰頭戴金盔面如土十年從

役不曾歸日日墩頭度風雨

十日黃沙磧裏行戍樓絡繹帶邊城今年一

夏無烽火間有農夫雨後耕

千里平沙百草生狂禽野禽不知名忽看隼

馬彎弓出道是將軍去射生

安邊城上暮沙飛城北城西各飲圍守是延

綬好軍卒相持七夜不知饑

白白鹽池一望窮連年商賈不曾通可憐厚
利堪充國棄置荒烟野草中

去年十月胡塵起三鎮雄兵驅達子日昏同
奏凱歌回邊城聞說尚書死

和楊遂菴應詔二首

三顧頻繁到草廬漢庭羣寇仗驅除謝公未
置蒼生計莫向東山問起居

萬里旌麾江上行憂心日夜逐邊程南州月

五言集卷三

露休相訝北關風雲亦有情

邊太常席賦秋海棠

微月纖纖照夕筵靚粧裊裊立秋烟西風白

露催遲暮疊葉疎花只自憐

送人

出郭蕭蕭風日陰野亭殘柳夕烟深烏紗墨
綬雲霄客白雪清尊故舊心

楊花二首

陌上初逢燕子歸楊花片片入羅衣踏歌聲

裏堪腸斷飄蕩春光何處飛

幾日春光春又歸楊花落盡淚沾衣君王未
見相如賦莫向長門宮裡飛

除架

垂垂佳實供時饌嫋嫋繁藤藉夕陰來歲栽
培應滿眼此時除剪欲沾襟

壽亮上人

雲中蘭若近諸天戶外松枝已萬年獨見恒
河真不滅海翁何用記桑田

五言集卷三

五

賈誼廟二首

朝看獻策上星辰幕作長沙放逐臣文帝不
嗔年少輩漢庭還用老成人

漢室尚多開國老吳公虛薦洛陽生長沙日
日過遷客却笑湘潭弔屈平

回鴈峰

回鴈峰高起夕嵐孤舟落日繫江潭鴈知瘴
癘愁南度遷客明朝路更南

楚離宮

寢殿歌臺不復留
碧蘿紅樹映江流
逢人欲問荆王事
唯道宮中有莫愁

歲暮

行盡瀟湘何日歸
天涯歲暮淚沾衣
舟中暗起看江上
沙鳥無愁一一飛

冬深

冬深南土不知寒
碧對芳叢滿路看
寄與故鄉風雪道
莫愛行子布衣單

十一月朔日

五言律集卷三

六

歲歲茲晨頌玉曆
欽天封奏向丹墀
近臣先得知年月
此日江邊空淚垂

可笑

醒時出飲醉時還
兒女迎門喚酒仙
可笑客中情思別
通宵無寐晝長眠

憶看竹亭兼寄竊伯東僉憲二首

寂寂孤亭幽竹林
綠雲細細鳥陰陰
雪花亂入琅玕濕
倚檻開尊誰爲吟

苔徑烟雲月色深
風生翠篠奏鳴琴
竹林杯

酒憐君興桂嶺雲
山見客心

憶花

庭下花枝紅白開
看花把酒日徘徊
臨別低垂解愁思
露珠如淚滴蒼苔

江雨

對色陰森江驛前
漁翁簑笠隔朝烟
雨中薜荔深藏寺
霧裏鳬鷺不避船

送包舉人入京

零陵江上漫逢君
寒雨清涼夜共聞
明到玉

五言律集卷三

七

京朝北斗故人華
服盡青雲

問愚溪

零陵南上湘流西
竹對參差百鳥啼
秀壁清泉行滿目
不知何處是愚溪

桔槔

架木懸機近水邊
居人汲引灌山田
那看江岸涼千尺
百轉千迴擬到天

寄李平寧貢道酒二首

常聞平樂蓮花白
絕勝雲安麴米春
萬里索

居愁逐客一尊遥慰賴鄉人

纔道蓮花卽美名風光仍喜聖人清他鄉欲
醉無沽直安得千壺一日傾

周徵君贈梅酌絕句二首

濂溪愛蓮兼愛梅一枝持贈傷庭開寒帷此
日生春色肺病憑君愧酒杯
鐵幹盤盤照雪清玉顏濯濯裊烟明孤標豈
是桃花艷三嗅應同蘭蕙情

宿湘山寺戲呈顧刺史

湘寺風光秋更幽湘州刺史復同遊鳴鍾落
日醉歸去獨客松房清夜愁

下嶽

松林杳杳隔晴暉藤刺垂垂罨葛衣倒坐竹
輿雲裏下斜遵石磴鳥邊歸

宿雲間堂強主簿送酒與廖行人邦

重渠上酌

松間石上淨流塵明月清渠可濯巾送酒亦
須短主簿題詩復喜大行人

奉和楊邃菴閣老塞上曲十首

殺氣天昏烽火明左賢連部獵邊城胡姬夜
醉黃沙暮番馬春肥青海營

太平天子未忘危戰將謀臣厭出師不有

匈奴頻犯塞廉頗那起漢文思

黃金綵幣出承明虎旂龍旂照石城北關深

恩勤使者東山本意爲蒼生

朔方工劒雪霜寒免胄褰衣父老看虜營舊

日知名姓不說軍中有范韓

飛騎走粟編秦川鐵騎驛弓遠戍邊夜聞聞

譟來傳語漢壘如今不似前

旌旗掣電陣橫雲文武才猷總出羣常使子

房居幕下更令飛將作前軍

鼓鼙聲震羽書飛大將分兵破虜圍長驅轉

闐龍庭北奪取戎王戰馬歸

花馬池邊雲日微黑鷹山下兔狐稀單于夜

泣洪河畔月照沙塲血滿衣

雪山東去接雲州斥堠無烟戎馬收春深雨

雪催農事豐草平田晚放牛

還朝裴度萬人歡圖閣元功異代看何用上
方斬馬劒早簪丞相進賢冠

辱枉張司成雪中見嘲之作戲荅二

絕句

朱樓翠館雪花飄帳裏歌聲轉玉醪可笑閉
門張祭酒題詩空羨党家豪

翠葉瓊葩向曉天玉人簾下闌嬋娟風流未
解霓裳舞宛轉空歌白雪篇

簡顧兵憲英王覓柳栽

城北爲園小徑開春風陶亮欲歸來門前切
莫無楊柳爲覓新條一萬栽

送星者孫生

涼月樓中一鴈鳴秋風江上百愁生偶逢靜
者談玄過慰我殷勤太有情

冬夜呂太史宅殘菊賦絕句四首

庭樹清秋獨爾親相看歲暮欲沾巾孤根
擬年年發華燭清尊非故人

風急高城小葉涼獨留殘菊伴空堂幽姿不

逐陽春媚霜夜亭亭亦自芳

秋盡園林菊已殘數枝猶耐朔風寒踈花舊

葉清燈下歛態含愁不忍看

重陽對酒菊花稀此日看花醉懶歸莫道容

華半銷落餘香猶自襲人衣

贈蔡生汝培

曠世稀聞大雅音中郎風味古人心焦桐斷
竹尋常識高響流傳只到今

元夕項大參惠屏風紫藤燈各一耐

以二絕句

月挂雲綃開素屏美人容貌出丹青風光此
夕生華屋春色憑君到草亭

春藤細結黃金絲夜玉粧成紫蓋垂寒星忽

驚生氣象月華燈彩對參差

平南曲六首贈中丞秦公

黃昏烽火動邊疆一夜徃兒滿桂陽勁弩長
標當虎穴垂髻赤脚繞羊腸

中丞扶鉞出湘關虎將熊師指顧間籌策早
從惟慳定旌旗不待羽書還

江夜虹霓拂劍鋒蠻天霜雪淨軍容蛟螭遠
走去三湘水瘴癘全消五蓋峰

伐鼓鳴金唱凱歌夷方從此息干戈且看銅
柱高千尺不是當年馬伏波

金殿傳呼賜錦袍漢庭今喜得蕭曹卽知生
象開麟閣已見恩波浴鳳毛賜衣及
蔭子

江草霏霏江水流青萍不用買黃牛枕柳樹
金華集卷三

下聞樵語 天子今無南顧憂
金華集卷三

湘簾贈張子言
剪斷瀟湘半畝雲佳人織手製水紋含風臥
榻吹寒玉映月歌筵疊翠裙

雙井留別君卿一韻二首
驄驂矚服上星辰風葉烟花別酒頻此去盡
逢天上客未應全是故鄉人

青村白酒菊花辰別鴈呼羣雨外頻滿座卸
杯各惆悵不知誰是遠行人

惜菊

卽有餘香與不孤莫教深夜酒杯無明年準
擬花仍發對影還驚鬢髮殊

次韻馬君卿觀蓮絕句

何氏池塘紅白蓮玉顏丹頰動人憐會須把
翫斜陽裏却恐凋零白露前

題扇面寄杜研岡

前山後山紅杏開拄杖携琴日幾回城中春
色綠多少寶馬金尊不解來

索居無聊聞馬二侍御新得金無

由爲酒資戲贈二絕

憂旱傷時百慮牽吸殘龜糲更長眠隣家無
數春風釀愧爾官囊有俸錢

一年官俸百餘金御史風流稱賞心一日千
壺應可辦垂涎殘瀝解愁吟

寄題林以吉讀書臺

風吹澗草碧萋萋日轉瑤臺雲霧低巖戶半
開春色靜水邊竹裏聽鶯啼

陰陰石閣倚雲松
嫋嫋藤窓花露濃
獨立清宵何處笛
月明遙映九華峰

芙蓉秋水木蘭開
陂上風烟入牖來
聞說讀書臺上客
乘槎曾泛斗牛迴

十年學道愛山居
諸葛隆中一草廬
風雨蛟龍時自起
白雲常護讀殘書

戴子自烏石驛起守延平

君去江南訪舊遊
聖朝春色徧遐陬
關中無限佳山水
不似羅浮海上愁

中秋宴城西樓別張子言

八月天高河漢流
丹峰翠壑迥西樓
不堪鴻雁長爲別
風對蕭蕭萬杵秋

贈璽上人

石洞繩牀一老師
耳聾頭白坐如癡
眼前百事渾忘却
屈指從頭數舊知

九日約同遊諸君了

陶令抱琴空對菊
孟嘉落帽自御杯
不知多興紅塵客
誰爲青山騎馬來

卷十三

益有涯集卷之十四

信陽孟洋著

雜文

序十四首

贈林憲副序

壬申秋八月監察御史林君陞湖廣按察司副使林君以行人爲監察御史於是監察御史由行人者十有三人乃合錢林君篤察舊也爵三進唐應韶曰京官謂行人厚寮友吾聞君子厚圖不忘是故惟而不常惟言允臧茲錢林君厚矣諸君子其將無言趙時獻曰善哉吾將告林君也書曰德惟善政政在養民矧茲民旣困之極也時獻齒加十二人故先次張汝器曰璉聞之法嚴則政行政行而民以安其嚴乎張伯翔曰二子之言不可辟也朱文宿曰信乎張子論二子夫寬則民縱弗格嚴則民憊弗堪寬嚴允濟厥功乃迪李德卿曰吾聞林君治專屯田屯田古之遺也

古者兵出於民田以畝授車以乘差故兵強而民富自漢以來兵民異籍以兵散處於民以農以備故民亦不擾賦且治今之爲屯田也強兼弱富併貧兵疲而民肆士餒而官奪之食往茲祛弊厥惟艱矣陳廷爵曰苟委於時罔以復古考善舉弊子言斯具楊師文曰語曰木之茂矣培之植之觀人之政惟其蓄之余德輝曰珊知林君之蓄矣嘗與君居默然而識淵乎而藏其接物也如豁如沛如不

不主有集卷上四

二

可禦蓄之淵矣孰得禦焉於是潘起溟謂董商民曰諸君之言如何商民曰時獻善也汝器法也朱與張其兼資乎德卿確士也其言不泛廷爵早之師文言本末也余子知人夫知人而後用之故知人惟艱人之弗知乃有悔憂余子免矣潘子明曰然劉子靜曰諸君子之言至矣盡矣董子之論辨矣澄甫何言林君乃置爵再拜言曰某不敏敢不敬承諸君子之教於是孟洋幼弗敢言敢請次序其

說贈林君行

送方松厓先生詩序

方松厓先生陞山東大方伯也諸大夫賓客爲先生別乃命洋曰先生且行矣余數人者將爲詩歌其行如何洋應之曰諾贈言古之道也然有二焉曰頌曰規頌則近諛諛則聞者樂規則近直直則聞者數奚由僉曰規哉洋曰吾見先生其貌也莊其行也方智察而材也決詩曰左之左之君子宜之率是道以從何不宜也又曰愷悌君子民之父母先生愷悌矣於子民乎何有焉用規諸大夫曰不然也先生雅喜聞過樂善不倦人以善言告輒拜先生固弗樂頌也洋曰美哉諸大夫有友道焉洋聞之舜咨十有二牧曰食哉惟時柔遠能邇言養民也然當是時禹平水土稷播百谷烝民乃粒萬邦作乂舜大聖人也卜二牧未必不皆賢人也猶咨若是況其下乎比歲海內多盜山東爲甚師久而用竭今且

不主有集卷中

三

息民瘡者未起憊者未盡甦也方今之務在
養民方伯養民之官也古十二牧之類書不
云平民可近不可下言民不可亡養也廉守
令所以重民之依也問窮獨所以居民之業
也去癰過所以通民之情也杜徵求所以舒
民之力也此謂四先率下以廉罔弗畏宅心
以寬罔弗德出令以嚴罔弗濟此謂三括舉
先審括民乃福矣反是政益急民益擾將以
速盜也可不慎歟今諸大夫皆曰贈先生言

不盡有漢書古

四

必規也其惟養民乎其惟養民乎僉曰然此
因贈詩之意也於是雙竹周公倡焉諸大夫
從而和焉遂得詩若干首

贈林總制先生陞南京大司空序

總制重臣也今天下惟兩廣洎西北諸邊乃
設總制總制者無不制也故必以太中承是
故朝廷簡用也甚慎天下仰望是也亦甚
華往年天官具兩廣總制缺朝大夫士咸跂
足待曰總制重臣也孰能當之朝廷其孰以

之已乃得閩中竹田林先生大夫士又擊節
謂曰朝廷果重總制也不然何獨林先生
以也又相謂曰請徐觀先生所有爲也先生
至則督將吏飭有司輯武備調財用備法申
令秩如也乃廉民疾苦詢蠻夷所從爲患而
從事焉三月而廢者舉七月而功叙期年澤
下於遠而遠人懷德夷徭類也恃險而負頑
縱之則寇繩之則叛征克罔利惟民之殃先
生昭之以威綏之以惠威故畏惠故懷庚辛
壬之歲燕趙齊魏淮楚川陝之間盜賊羣起
征捕累歲是時獨兩廣無虞天子獨無南
顧之慮詩曰時靡有爭王心載寧先生之力
也於是天下大夫士聞之又莫不曰朝廷
信能得總制總制信能不負上之托與海
內之望也廣之諸藩臬有司又私相慶曰先
生來吾士民弗擾邊燧不警輸輓不勞各安
其職先生之賜也吾屬何幸哉乃甲戌之春
詔先生爲南京大司空於是諸有司又愕然

不盡有漢書古

五

曰意者朝廷將後廣之民耶何愛其子而奪之父母也將敬大臣故寵用之弗使久勞于外耶夫今之司空掌山林川澤暨百工役之事故書曰若予工若予草木鳥獸若順也言弗擾也於乎寧有弗擾于民而擾于物者乎亦寧有能息其戈之役而顧爲弗急興作之役者乎吾又知朝廷之得大司空已詩曰秉國之鈞四方是維先生佐天子式百辟爲國元老以康四海可坐俟也吾又將謂朝廷得大柱石已豈曰大司空哉豈曰大司空哉

不韋有漢書卷之四

六

送雙山先生序

人之遇不遇有命乎哉否也昔者卞和氏之璧三獻楚人而不見察再則其足夫璧非不寶也又有人獻之者不惟不察而反則之攻璊碨砮人或見而悅之以器以佩未有待獻也惟木亦然蟠木根柢輪囷離詭左右一聒器充乘輿而梗枿豫章之材有樵朽於巖谷

之間匠氏過而弗之顧也惟人亦然今夫竭衷納交畢讓願知而志弗得合信弗見察是故明珠夜投按劍相顧聒者靡不然也然亦有邂逅一語歡若平生諺曰白頭如新傾蓋如故此之謂也凡此豈璊碨砮果實如和璧梗枿豫章之材果弗如蟠木根柢之輪囷離詭耶而傾蓋之交又豈必賢於白頭之故耶由是觀之幸而遇不幸而不遇遇不遇命也洋不肖瑕陋躁薄頑劣惡甚非如卞和之璧也而狂曼不中于用非如梗枿豫章之材之美也其不見知于人人固宜卽有所勉焉雕琢樹立不敢自後于物要不免璊碨砮之於石蟠柢之于木爾而又無所先容於大君子之側大君子見而憐之禮貌之俾不列于衆接引之俾有所展舒保而護之罔俾有所戕伐而玷之者也是何異于玉人弗棄璊碨砮而且璧之匠人弗棄蟠木根柢輪囷離詭而且梗枿豫章之也噫豈非幸與豈非命與

不韋有漢書卷之四

七

夫洋亦嘗廁朝列竊嘗慕大君子之名欲求見而未有路今乃爲屬吏而來惴惴焉惟獲戾左右是懼今顧若是幸孰大焉且今之仕者罔不瞻望其上逆其喜怒爲之好惡以希其意者也矧洋上忤公議爲衆所棄久矣獨有存而錄之又豈懷利害之私從拘繫之俗者所可能哉此洋所以自幸而又以幸天下有如大君子之賢者矣今將去桂林而東也洋所謂重其別非私心也蓋以惜天下賢者之難遇爾繼君子而來者遇不遇又非洋敢知也夫旣曰有命吾奚遑恤其後

東江別意圖詩序

惟風憲典學非才行足以表乎衆者弗得與焉故凡居是任者不必見其人而皆知其爲賢矣正德壬申巴蜀雙山劉先生典學廣西先生天下聞人也故凡與寮案之末莫不忻忻然幸其來而樂觀其下風也先生之至也諸公接其威儀覘其行事領其所發於古今

同異之辨莫不充充然如有重獲也先生方嚴簡重博雅高識故人始若不可近旣與語和平直易能盡人之情故不徒日聞所未聞而剖疑析難有賴也暇則約車從歷山水之勝而遊樂焉廢唱謔洽莫不仰麗澤而欽服者也今歲春先生陞廣東大叅伯諸公旣爲先生賀第惜以先生才行政事乃亦拘於常調非所宜耳又感先生離羣遠舉莫不皇皇然如有所奪而自失也乃孟夏上旬祖餞先生東江之上作圖賦詩爲先生別夫圖者圖其事也詩者詠之也合圖與詩東江別意也是故羣峰霽色野對彌望水鳥江花烟草同碧而冠蓋羣集列帳獻觴悉於圖乎存焉或卽事見情或托物寄興或以頌休美或期望方來悉於詩乎存焉若乃諸公重先生之去先生亦不能遽舍諸公而去執手江臯徘徊日暮悉於東江別意乎存焉夫是則其可圖也若夫諸公與先生所交謹於平日則非斯

圖可盡也過此以往各天一方步月看雲悵然興思則非斯圖可盡也先生曰將躋廊廟

爲

天子貴臣謨猷密勿如諸公所願望則非斯圖可盡也雖然君子善交貴知己者心相知也言可忘也圖云乎哉此先生所以厚於諸公而諸公所以厚先生者要皆不在於圖與詩也是故詩不盡言圖不盡意

贈劉明府上績序

五言古詩卷四

十一

劉君爲永福令四年百姓熙熙然咸相謂曰吾侯豈不吾之父母乎哉徭夷作患侯惟柔之以仁制之以宜徭且納賦効役弗我擾于今三年四境有事軍餉需郡縣侯請留正供給之故吾屬絕征辦脫輸輓之勞侯之賜也又山深土瘠民無周畜歲少凶輒無以自活侯之活吾生者數矣暇日進諸生講古今得失撫經傳究義理旨歸里有師童蒙有訓吾邑自此升文化之鄉也彼父母之于子也啖

飢而衣寒教之俾有成盡愛之道也吾生我誨我凡有甚焉豈不吾之父母乎哉吾屬何幸也甲戌夏劉君將上吏部奏績三載百姓聞之駭乃相語曰吾小邑不可久吾侯留也弗留如吾民何天子嘉侯之績且將奪吾民父母矣奈何吾安知繼吾侯來者能如吾侯之于吾哉又安得吾侯爲吾郡伯洎藩長俾吾等復被其澤哉乃相爲泣且留有若孩提然若將離父母去萬里外也君子聞之曰甚矣劉君之德之在人也夫至難得者民心拂其欲則怨聲作怨聲作恨弗蚤背也而況平居則頌之去則留之恐失非德而能若是乎甚矣劉君之德之在人也於是諸儒生父老以司訓陳君爲介走桂林徵余文爲贈劉君余曰如何諸生乃爲述百姓頌劉君與願留之意及君子所爲贊之之詞以對余乃嘆曰嗚呼是固可以知劉君劉君固賢也已凡頌者彰其美也留者聽其德也贊者與

五言古詩卷四

十二

其善也是故匪美孰彰匪德孰戀匪善孰與
美則可以亡弊也德則罔弗利也善則罔弗
從也誠如是雖行之天下國家亡弗可矣豈
直一邑爾哉余第恐君之行不復爲爾士民
留已諸生返書此以贈諸

贈大方伯周雙竹先生序

先正德癸酉春莆田周雙竹先生以廣西憲
長陞廣西右方伯明年甲戌秋又陞左方伯
吏民幸之咸曰公卽陞然不去吾土也不者

本集卷之五

三

危失吾之父母也豈非幸與豈非幸與桂林
教授孟洋聞而嘆之曰先生可謂得衆矣洋
聞之政寬則民慢猛則殘故曰寬猛相濟政
是以和且今之從政者見其寬而廢矣孰有
能濟以猛者也見其猛而殘矣孰有能濟以
寬者也嗚呼豈不艱哉先生之爲方伯也降
色以接下推誠以御民莊而不峻惟恐弗盡
人之情也刑而弗事惟恐戕民之膚也勞而
不煩惟恐人之無所措手足也惟時吏乃畏

事乃集民乃寧是故寬而不廢不猛而治成
故民戴之如父母矣孔子曰寬則得衆斯亦
不得衆矣乎惡異乎民之幸之也或進曰嘻
是何知先生之淺也子言先生之爲方伯固
也盍觀先生之總憲司乎其法如齊其令如
時政興而姦息焉訟清於庭民安于野詩曰
柔亦不茹剛亦不吐先生有之又惡見其寬
也又盍觀先生守專城乎急本業以厚民之
生崇教化以善民之俗時賦歛而緩刑畏保

本集卷之五

三

民如子而體之猶已也詩曰愷悌君子民之
父母又何愷悌也又盍觀先生之爲御史乎
直干乘輿氣懾寮案按行風俗吏威而民惠
之詩曰彼其之子邦之司直信乎邦之司直
矣又何嚴也子徒見先生之爲方伯也以論
先生是何知先生之淺也彼四時備而成歲
溫涼寒燠各司其序子譬值春之日被其溫
爾輒以爲歲然不亦病乎以子之見而論先
生譬之乎以管窺天以挺撞鍾焉能通其條

質而發其聲音也于是孟洋乃懼而起揖而謝曰微子之言蒙弗知先生之全德而今然後察人不易知以一節而識人之終身者爲可戒也詩云左之左之君子宜之右之右之君子有之先生之謂已于時羣公將爲先生賀者洋不佞借書此以獻云

春谷詩序

春谷者何葛子名厥居也何以谷蘭所生也春也者蘭生盛於春也奚取於蘭葛子名蘭

不韋集卷五

五

也葛子其愛蘭乎愛之也亦似之也似斯愛已柰何秀者質也叢生者所養也芬芳者德之暢也芳不以人者信也本之以質資之以養暢之以德守之以信葛子其蘭矣乎奚啻似之云也夫葛子有亭臺園囿池沼之所凡所居處遊樂之地靡不可名也何必谷爲是不然也今夫天下之物去常而改故者鮮不喪厥真也豈惟蘭哉水之於潤也木之於材也玉之於器也用非不美焉苟非其用者

不矣孰與於泉茂者斲矣孰與於山光輝潔白者毀矣孰與于璞是故鮮不喪厥真者也惟人亦然位致乎崇高道顯於事業又非不崇且貴也顧因物而遷者人之情也苟喪厥真又孰與趣世者乎今夫蘭置之亭榭欄檻之間非不可以媚人而悅目者也吾懼喪厥真耳弗如谷也葛子之不樂仕亦猶是也且葛子樂與賢大夫士遊弗絕若是者非絕人乎不然也吾聞德芬芳者佩蘭故屈子曰紉秋蘭以爲佩易曰同心之言其臭如蘭彼合德而取于是故佩之耳又何害也荀子曰其漸之滌君子不近庶人不服吾惟滌穢之懼佩不佩在彼也吾何絕人之有然則葛子何爲谷之風惟蘭之同谷之雨惟蘭與處蘭兮蘭兮將焉從朝山間之松檜夕江上之芙蓉此葛子之所樂生而春谷之所以名也於時諸與葛子遊者聞其說咸歌詩贈之

壽孫子外舅姑圖詩序

昔者石氏贊傾人國襁負相秦而顯于天下
潘陸以文詞名此數子者余嘗考見載籍未
始不病其智而嘆其靡終也是故匪德而富
意侈而身危匪德而貴忿生而啓奪匪德而
名謗集以速尤詩曰好是稼穡力民代食是
豈蒙于富貴之好哉以慎惠也況文焉以求
顯乎東溪孫子巡吾土爲余道其外舅張季
翁者敏而力學析理而寡于詞遊邑庠數年
不欲仕甘處畎畝之中親賢樂善薄躬而喜

大正通志卷五

七

施與之居優優然無競無傲鄉里賓客咸尊
禮之稱張季翁云余聞之曰遠哉智也此其
異夫余前所論者乎是故不貲而富矣不祿
而貴矣不名而光矣此其心豈富貴聲聞所
能動哉易曰括囊無咎無譽此之謂與張季
翁今年八十配劉孺人加一焉孺人生宦族
儉禮自持性不喜誇麗人謂有王霸妻之風
用成夫子之志孫子以弗獲登堂壽也繪圖
徵詩致祝于商河里居屬余序余曰季翁有

壽之道矣子何患乎夫富者形之賊也貴者
神之兵也名者性之蠹也遠賊者安細兵者
逸絕蠹者樂安壽形逸壽神樂壽性獲斯三
者壽無疆矣詩曰宜言飲酒與子偕老季翁
夫婦其庶幾乎故曰有壽之道也余退而語
人曰孫子其賢矣乎厥配季翁之子逝矣地
之去里居也遠矣孫子乃不忘爲外舅姑者
壽可謂不賢矣乎雖然季翁畜德之厚也卽
孫子之賢惡能使之念之邪意如是乎

大正通志卷五

七

送鄭員外赴南京序

今上承統大明黜陟無何吾郡守歸公成昭
入補南京刑部員外郎余聞之曰嗟乎林哉
治道之騷盛也豈獨徵鄭公之賢矣乎夫賢
士者治之器也用會者理亂之機也易曰天
地閉賢人隱鄭公嘗列西曹矣用弟利乎權
貴出倅臨清臨清之民稱良焉乃推信陽守
三月而政興六月化洽而頌聲作卽且詔
還易曰君子道長此非其時乎故曰治道之

盛也豈獨徵鄭公之賢矣乎衛使方克敬氏偕諸寮案謁余贈言問之曰若有獲于鄭公爾乎曰然有之先生之始至也吾屬望見顏色而敬之然而未敢親也既奉其威儀聆其話言則又敬而愛之然而未敢親也既覘其行己之節與夫惠民之政則又敬而慕之然而未敢親也及其久與居也莊而弗倨讓而弗屈言斯誨矣澤斯麗矣翊翊乎姁姁乎且敬而且親矣吾屬屢獲先生甚厚茲行也其

孟有涯集卷五

大半

能釋乎顧非言不可以永思也願吾子圖之余曰洋不佞業已徵鄭公之賢而嘆治道之盛矣聞若言則又知公之德不獨在民其所謂正是國人者乎詩曰中心藏之何日忘之固諸君之私也又曰母金玉爾音而有遐心鄭公其無念乎斯乎

光風霽月卷序

序曰善賈者不孤蓄善施者不擇類善政者不偏舉官以蒞衆衆以服政無弗蒞卽無弗

政矣蒞若人而廢若政奚爲能厥官也是猶約者之希賈嗇者之強施安免屈於兼收病其博濟哉或曰各有攸司非我敢侵也若是者非委則忌譬之若兄之妻子凍餒而弗之顧也曰豈吾不欲周哉吾兄之任耳是故江河之潤無草不長甘露時雨無物不濡君子之政無務不周東溪先生來巡信陽也除姦慝發隱伏興墜典辟刑獄撫良順詰兵戎繕城郭寇賊遠伏境內用休可謂無遺舉矣時

孟有涯集卷五

九

乃進諸生考業而廣仕學書院書院者前兵備間公建也已奪于舊嘗業于所者又豪猾盡奸其利先生收奪者罪之并論諸奸利者以法而責其償于是選于諸生得三十人分館就業其薪水之廨及食飲筆札費悉公給之然弗與于民也諸生于是無間貧富皆得以自資矣先生時又往遊其間館至而人告之勸勞有差諸生于是無賢不肖則又皆自謂有得矣嗟乎書院不自己作且垂廢矣而

復之用弘其緒生徒有專司也而優育之先生不以爲嫌誠知所自盡耳其可謂不善矣乎卽使先生弗委弗忌而力不足然兵獄之務不可謂不繁也何暇及此哉詩云左之左之無不宜之右之右之無不有之先生之謂乎諸生業有餘力乃皆諷咏先生之德業而成帙或有先風霽月贊先生者遂以標諸首云

贈鄭子序

金華集卷五

序

君子貴其實不聞以名實則乎則民懷民懷則譽昭君子之名于是乎大務者不然侈財役以售能也峻刑罰以買威也求小過以市察也三者備民怨從此生矣秉是以微名猶惡壅而重塞也語曰大雅希音大業寡和君子之道實而已矣是故彼奢此約彼急此舒彼苛此簡故去此徇彼以就名君子不爲也鄭子始守信陽人意其崇名之士也已而質之市人曰猶夫守也若失望焉徐乃就

其治而問焉某曰吾守來廩哉其所爲用者某曰役我者半矣訟者曰公耶明耶平我獄者守耶左右史曰吾公卽不苦我吾焉能欺百務倥倥舉矣乃又走之野而問焉曰夜無寢晝無息我安我業伊誰之力君子曰鄭子爲政貴實矣彼市人何足以知之鄭子宅守九月遷南京刑部貲外郎市野之民愕相顧曰天乎天乎胡不竟惠我民亟奪我守者何哉繼自今其不蠹我財乎弗我役乎孰明我獄乎吾復能業吾業乎否乎諸小吏亦弗忍其去曰誰與庇我君子曰鼓鍾于宮聲聞于外鄭子之謂也夫苟實矣何患乎無名假令鄭子弗務此而奢與急與苛爲尚其能孚于人而令其懷且頌耶人又謂鄭子行爲法吏政與守殊也余解之曰而不聞鄭子之所爲出乎鄭子舊法吏也知鄭子之所以出卽知鄭子之能法矣記曰大德不官大道不器鄭子之用世也豈獨一法吏爾乎哉

金華集卷五

序

青巖先生壽序

青巖先生定峯閻子季父也先生致蓬守政
家居今年六十有二惟十二月十有四日惟
誕閻子慊弗獲壽乃命工繪圖請學士善詩
者鳴之將寓諸隴獻焉閻子乃又屬洋序之
洋聞之夫所貴于壽者謂有所享也君子之
所享四富與貴不與焉植行砥節外內無間
一也學足以潤身文足以鳴世二也窮以善
聞達有令名于時三也不怨不慕囂囂然以

金有涯集卷十

十一

終身四也君子所享四者而已富與貴不與
也青巖先生貴且富矣人皆知之先生之所
爲壽不與存也吾聞青巖先生以舉子起家
守滁滁人頌政焉繼守蓬如滁先生多見聞
閑詞賦海內學士慕之克孝克順喜施而弗
德言動以時接物以寬以其學授子弟子弟
咸賴解組而歸居裕如也君子之所享豈不
咸備矣乎是故天下之物非在我者有命凡
斯四者取之不待于外藏之不假于所用之

不見其竭釋之而不能去其躬是故匪藥而
強矣匪順而澤矣匪修而真矣君子之壽孰
大于是人之爲壽百年上也語曰惟形弗常
惟善弗怠四者備矣孰能忘之垂之有永雖
千百年可矣壽孰大焉先生以吏部公爲父
季父爲大司馬少叅公爲兄閻子今爲信陽
兵憲也胥有顯名于天下在彼曰某吾子若
兄子若弟若季父也在我曰某某吾父若季
父若兄若兄子也由是觀之閻氏之族壽于

金有涯集卷十

十二

世者豈惟先生已乎豈惟先生已乎

刻天地正氣序

天地正氣關中王給事堯卿所爲書也堯卿
致給事歸居終南山號終南山人云王子閻
世道衰微風氣頹靡上覽古昔之人遠志所
事誠懇憤烈獨立果行或隱或亡或死或辱
皆可氣薄霄漢日月並明乃上下數千百年
代簡其人列其姓名述其行事集古人之說
以示公也附已之斷以究其極也收著作以

昭徵也累言成帙名天地正氣云嗚呼一德之士豈可少哉夫人亡弗貶物以諱也人之稱曰凡以一節自見者匹夫匹婦可激而然所貴于士惟行之全爾詩云采芣采菲無以下體此何謂哉永年崇爵非人之所欲乎世固有求神仙殺妻子者何也信斯言也德必堯舜周孔斯幾豈不難甚矣乎而夷齊尹惠皆不得爲聖矣乃如鄉原之流飾貌蓄情罔所黑白以奸正賊物導虐貽禍若是者顧賢矣乎不然一德之士不可少固矣又有成敗論人者云事貴審時勢中機會務事成而遠害遽去者不洪輕生者不知古人有言俟河之清人壽幾何卽弗減厥筭不猶愈于已乎風起羣靡固賴斯人與王子爲是書也余謂其有憂世之志扶衰振溺之功焉

孟有涯集卷之十四

孟有涯集卷之十五

信陽孟洋著

雜文

序十三首

送僉憲王翠墩序

有道之士審時而達生故明去就辨重輕行得而壽命無窮焉惑之者不然偃乎其所之也聞乎其莫知所止也故鮮弗敗遺生以徇利忘身以要名則益悖矣孔子將適晉及河

孟有涯集卷十五

十一

而止嘆曰美哉洋洋乎丘之不濟此命也遂輟弗往夫孔子轍跡徧諸侯之國何固晉之往也是豈不欲道之行哉時不可也時不可故孔子不以聖驚也昔者子華子謂韓侯曰今使天下書銘于君之前曰左手攫之則右手廢右手攫之則左手廢然而攫之者必有天下君攫之乎韓侯曰寡人不攫也由是觀之天下雖大也不以易吾臂而况于生乎是皆洞世務之幾而達乎性命之正也詩云既

明且哲以保其身此之謂也而翠嶽王子有之王子者潤之丹徒人也少爲郡諸生諸生者莫之或先乃弘治壬子舉鄉試以例授江西餘干訓導訓導凡幾年士業其學人嘉其績御史舉才行卓異江西一人焉已乃陞國子助教乃又陞監察御史始督馬政即善馬政巡按貴州也振風紀清疆場凜凜乎良御史矣旣仆復起動能厥官乃正德丙子冬僉憲湖廣至之日即計歸王子之友惲子曰惟

五有涯集卷五

三

蓄必發子之蓄厚矣弗發誰則知之即子弗爲人知奈自負何王子曰諾乃巡治衡永形道時彬桂方有戎事也王子乃即事戎事攻擊輸餉悉身踐之凡七月而告捷焉人謂王子是可以無歸矣王子曰不然甚哉時不我遇久矣吾固規以往也彼固矩應也其何能同忠不必察勞不必錄弗已悔將及焉且子疾不可以視事視事則形勞形勞則神傷神傷則血氣鬱滯愈無日矣吾不以吾名奈

之生弗利以累吾之形吾歸矣吾歸矣乃遂戒舟需發諸寮友君子並集送之無涯子曰易稱君子見幾而作不俟終日語云君子不以其養而害所養王子備矣

彭山倡和詩序

彬桂之役憲副守巖汪子事事于澧九年九月侍御涖涯李子謂汪曰守巖公良苦記曰張而不弛文武不能也請以此遊汪子曰諾乃遂遊城南之彭山澧之奇也守巖爲賓太

五有涯集卷五

三

守直菴劉君佐之涖涯爲主是日也秋氣森肅峯日半隱卉木榮落交互愴乎宋玉之所爲悲也汪子乃作曰昔人云自有宇宙便有此山由來賢哲登此多矣皆湮滅無聞吾與子奈何乃倡爲四韻歌之劉李咸和焉且吟且觴日晡而旋戒荒佚也已而綴文之士居于斯宦于斯往來于斯聞之者慕之又從而和之彬彬乎成集矣余間覽之嘆曰地以人勝也人以言久也湘湖之間豈一彭山已乎

不聞有所賞詠何也登高爲俗久矣如龍山
云云者胡不多見耶君子于是乎知汪子之
爲賢也卓乎其行也洋洋乎其膺懷也李子
之豪也豁乎無滯礙也劉子之隱而不辟也
詩有之高山仰止景行行止雖不必至人皆
嚮往之矣嗟乎是集也豈非所謂與此山並
傳者耶

送鍾石先生圖詩序

孟有涯集卷五

四

皇上正位更治登崇宿德在外惟藩臬長是
重是簡是故遠不爲薄也越不爲踰也其將
命也人皆企之獲也人皆榮之嗚呼匪賢其
難哉榮也者衆望之歸也苟弗溢厥望亦墮
厥榮故曰仁則榮不仁則辱貴溪江公以山
東按察使陞廣東左布政使人皆榮之問其
地弗以爲遠也語其階弗以爲踰也察其賢
于是官也無弗以爲宜也人榮之公弗以爲
加也豈不賢哉信夫衆所歸望也行矣寮友
餞焉咸美而歌之俞伯子爲之圖孟洋氏曰

惟歌惟圖厥惟豔矣請爲質辭夫子之司也
豈不以養民乎分歛則賦財用出矣損益喜
尚風俗應矣蠻夷通筐合遠人矣山林奸寇
兵革興矣夫節用裕國非以病民也獨立起
敝非以從靡也昭化附遠非以黷貨也去惡
寧善非以逞威也且南越之地與中國殊地
殊則異制異制則選規故曰脩其教不易其
俗齊其政不易其宜是則養民之謂也皇
上簡賢之意其在斯乎其在斯乎敢以附諸
圖歌之後

孟有涯集卷五

五

送郡丞李公赴懷慶序

人之量有廣狹而才有宜有不宜故大受者
量廣周于用者才充今之從仕者遭時處利
氣揚而意得凡所謀爲動與機會因以竊時
譽而冒顯功乃稱于人曰是吾善也是吾能
也退而自喜亦曰我賢于人遠矣稍有頓抑
即志折氣下悔鬱弗堪曰我何以有是不怨
天即尤人矣官卑則羞事劇則厭以爲吾豈

屑此哉卽有事事則又牽拘昏鈍顧此失彼終日不能辨一獄累月不能集一事嗚呼是豈獨量不足亦其才使然也若人也以受大任以致衆功吾弗敢望也已靜菴先生李公起家乙丑進士歷兩郡推官以明允稱由推官召爲戶部主事 先皇帝末年遼東之乏餉也邊務方殷將士告急司徒擇屬吏才者請往理之于是李公遷戶部郎中受 命以往至之日卽求蠹財所由悉荆去又爲之籌

大正有漢書卷五

六

畫居數月邊儲賴以裕嚮所綱刳侵剝皆豪貴徒含憤流謗爲中傷計以故李公竟蒙毀出爲信陽守信陽人聞公來莫不曰此部使豈屑郡吏爲哉彼且不思豪貴謂小民何旣公之至也卽又廉民所利苦振革之節費省役舉困而發冤事上以敬禮士以恭事無巨細咸綜理而躬視之口不稱抑身不謝勞歲餘而治理著郡人又莫不頌之君子曰廉平公之爲量也顧得失所能濶哉小人曰大矣

哉公之才也不者愛我何周焉詩曰寬兮綽兮又曰孟之左之君子宜之其公之謂與今年李公擢懷慶丞郡人惜其去然莫能留也諸文學輩責洋贈言洋曰嗚呼若公之量何所弗承公之才也何所弗濟是行也豈足爲公願哉

贈許子廷章考績序

靈寶許廷章氏父先太宰襄毅公襄毅公得任其子于是廷章爲太學生嘉靖乙酉授南

大正有漢書卷五

七

京前府都事至是滿三載例考績上吏部行之日廷章雅所往來謁余言以贈嗚呼余何言哉余于廷章惟嘆夫任天下之材者未究其用也無乃有遺材乎何以言之今之官人以途不以器夫以途則擇未精不以器則任未當執斯二者何以究天下之材焉徒見今之仕者之子弟未必皆賢其居職也未必皆能遂病夫任子之途不科目也其官之也以責則輕以事則簡何也謂其弗能也誠如是

即有賜之達冉求之藝卞莊子之勇伯夷叔齊之廉展禽之惠吾見歛手抑志無所逞而已矣及其遷也深之以歲月勞之以踐歷然後循序而薄進之何也謂其無顯功也嗚呼以若所任責若所成其不誣天下之材幾希他日還自關中道靈寶聞廷章居柳溪之上誦詩而讀書乃造其廬接其容儀察其言議溫溫然有良士之風乃嘆曰孟子稱人皆樂有賢父兄也廷章其有得于父兄之養者乎

金有漢書卷五

八

既予來南都南都士人又皆稱許子若曰許子之賢也恭敬足以承上而聚業廉惠足以檢身而及物其智足以濟變而斷足以決機顧責薄而務簡固以究厥能也余聞而嘆曰記云大道不器廷章不器矣是可與今之仕者之子弟同日而槩論哉由是觀之余故曰有遺材也雖然竊爲廷章喜焉今聖天子在上憫念元元旁求天下之材而器使之廣其途重其任隆其禮遇責其成報之以異典

詔屢下而意彌切務俾海內賢材各究其用以利天下嗚呼盛哉廷章之行也適際其會必有知廷章者矣其將有大受乎

愚逸翁壽序

余與建康顧華玉氏友華玉父封吏部主事愚逸先生含德弗耀訓于家以式于鄉閭人皆尊之初顧子爲山西按察使也曰親老矣猶能遠乎請已官歸養天子嘉其孝許之嘉靖壬午先生薨余既仰先生之德休而

金有漢書卷五

九

慕顧子之能樂其親也逖弗獲稱壽通其辭而已今年巳丑余官于茲七月十有一日會先生初度則甚喜備物執幣走謁顧氏之堂先生盛服迓賓璘璫從而后璘叔氏子英玉也以河南按察司副使歸于是布筵陳樂子姓咸侍余執爵再拜祝曰先生迪康處樂服命在躬黃耆期頤壽且無疆洋不敏敢以不腆之質爲先生壽先生辭且謝曰某承先人之緒業溫飽是賴自天錫命章服有榮懼弗

堪也有子若而人實某之幸孫皆且子矣意乃寡憂乎何樂之有今吾子辱以嘉貺某也敢不拜嘉畢禮乃復璘率孫暨曾孫跪曰璘不肖弗克奉若大人之志以光于前烈唯是朝夕菽水之不共弗遑暇逸今茲佳辰賓友懽集敢奉卮酒爲大人壽先生曰璘女盍念諸君父同體事之如一女顯乃養而忘事君如之何藉君之寵厚其身以及其親而不知所爲報可謂忠乎禮稱大孝養不與焉故

太孟有涯集卷五

十一

曰事君不忠非孝也念之其璘稽首曰璘有罪請嘗圖之璘率諸姪若孫酌而進曰璘父于外弗逮祇承伯父之訓唯伯父不忘慈愛尚飲此酒先生曰璘平而能弘吾宗矣不負而學矣某聞之君子進不棄業退不易志畜利居貞惟義之安是故獨立不懼遜世無悶爾時勉之璘曰諾余揖而退將出門私于顧子曰夫子云何荅曰吾奚從吾將從仕乎未有遺親而亟君者也從吾欲乎夫子命也苟

不去厥養而即厥官其庶幾矣雖然有命吾何能與焉余旣乃語諸人曰顧氏于是乎知禮家不忘其教私不忘其國公不忘其親

送顧郎中詩序

甲戌秋八月顧一朴先生有事于廣西承廷詔也越明年正月事乃竣嚴駕將北廣西諸藩臬君子設供張東江之上爲先生餞也初春江水汎淥木始華煙萋萋而草遠群峰森鬱賓主獻酬爲歡有間客有感黃鳥之音

太孟有涯集卷五

十一

作而進曰日聞一朴先生久矣弗可得見也乃今聚于斯余儔與先生皆四方之人也幸而聚首奉教音遐玩風景灘水之濱固非偶然也今且別其如后晤何遂爲歌伐木三羞爵而退又一人進曰先生浙之俊髦才敏而辨行篤而果朝有顯名天子重茲命也屬使于先生以賢故涉此遐裔良爲先生勞也先生夙夜匪懈惟使事之脩用光君命豈非大賢與乃爵而歌北山之次章再爵歌皇華

之次章又一人爵而進曰始先生以 詔臨茲
土小大凜凜罔不懷慄先生至行所無事惟
體要存既察而平事乃協群心用安嗚呼乃
今四方多艱民擾而財匱苟內外之臣咸若
是國家可亡患已乃歌文王之三章于是先
生揖而謝曰諸君良惠我矣某不佞謬承使
者耻弗稱于是懼若諸所誨吾豈敢又曰
今日之晤信不偶幸他日無相忘遂答歌隰
桑之末章已乃錯爵極興各賦短句以贈先

不盡有漢集卷五

十三

生日入見星倒疊而別先生維舟以需晨發

贈馬錦衣拙菴序

夫物有異類而相聞者出乎其類者也是故
入齊魯之境亡弗知泰山之高也涉梁宋之
墟亡弗知大河之險也故麟以仁聞鳳以德
顯射稱于鄰者百中之夫也賈知于農者千
金之子也詩曰鼓鍾于宮聲聞于外鶴鳴於
九臯聲聞于天甚哉名不可以虛召也始余
遊京師聞馬公拙菴者有道之人也公錦衣

千戶侯也頌之者吾大夫士也易曰方以類
聚物以群分言道相通也通斯知知斯言矣
夫以彼而頌此非賢而能若是乎惜乎吾未
得見也及余至桂林之明年公奉 使節至
晤語終日退乃嘆曰賢哉馬公誠有如頌之
者夫錦衣多豪傑之族其習侈車馬尚服食
競意氣附豪貴也而公若是哉威儀抑抑何
其恭也言不及私何介也蒞事憂惕又何慎
也虛以受物亦何謙也恭則啓敬介則服衆
慎則事成謙則德廣備此四者何往弗利也
斯亦不出類矣乎無異乎人之頌之也且余
聞之深畜者用周脩行者名顯名顯則位崇
矣用周則業大矣夫涉經獵史懷畧明術飭
身畏義畜非弗深行非弗脩也然而業不顯
于四方位不隆于群輩吾弗知其宜詩曰武
夫洸洸經營四方非公而誰也公茲行也厭
飫乎群心砥礪乎貞節僉曰賢哉善若使矣
所爲公深慶固不但于是

不盡有漢集卷五

十三

靖江春餞序

惟甲戌冬一松周子來自蒲至于靖江乃朝
覲方伯公于左轄拜手稽首訟曰欽不肖弗
克旦夕承顏若志七年心惕慄弗遑坐處茲
乃奔走圖侍大人之側其勿道不肖之辜公
乃勞曰欽小子遐哉其勤矣乎周子夙夜篤
任子職左右勿怠或曰孝矣周子周子暇曰
泊賓友出遊歷于名山勝川喟然嘆曰美哉
茲土厥山惟巖厥水惟湘可以居可以遊吾

卷五

十五

情乎有聞言于方伯公曰不肖弗克惠彝訓
用休于前烈祖玄尚幽作癖欽聞靖江王
賢好善樂士招來賓客矧茲風土勝嘉欽不
肖欲吏隱于王官敢請其可公曰汝固樂是
乎對曰昔人有言位崇則怨集名稱則毀來
惟顯惟名惟身之刑吾不惟吾身惟從吾之
所願又何不樂公曰欽可以免矣吾若汝志
越乙亥正月周子乃辟靖江王官周子夙
夜恭勤于王王乃懌成曰賢矣周子王

從容謂群臣曰古昔典籍邦之寶也茲弗輯
何貽我邦國之鑒圖惟咸新疇若予使僉曰
欽平藝哉周子乃承王之命旁求典籍于
四方惟暮春之月周子戒裝維舟東江之上
衆客咸集祖于水濱周子執爵而言曰諸君
其教我乎予夙靳固弗仕茲來省吾父殉吾
性也王官清散亦吾志也顧西念吾母于莆
今將歸故鄉可以緩吾思茲遊三獲吾私願
欽何幸焉諸君其教我乎客曰語不云乎順
理而行無往不獲夫仁智理之會也仁者不
忘其親智者不忘其身順茲往矣何不獲之
有終爵而別無涯子曰方伯公仁人也故昌
厥後一松哲士也故善其身

卷五

十五

贈傅公總憲山西序

傅公以信陽兵衛副使擢山西按察使余偕
袁惟學氏王養之氏往賀焉公乃迂於庭色
若弗懌曰諸公爲某喜耶曰何弗喜公曰政
脩而後民安民安而後職舉某蒞茲五月矣

孜孜焉庶務惟勤猶未即叙也如吾民何祗
且登如吾職何余曰嘻何傷乎公政在乎人
矣頃吾三人來郡青衿若黎首遮道言曰公
去我行矣奈何我城斯築功誰畢之殲厥渠
寇波誰滌之奸遠暴伏孽無萌耶奪我嚴師
吾奚從耶公弗可留其奈何嘻公政在乎人
矣何弗懌矧今仕者臬副使久而賢乃得叅
藩政叅政久而賢乃得總臬司公以臬副越
叅藩而長總非上知之而能若是乎聲聞于

五有漢集卷五

七

上政乎於下不賢而能若是乎何弗喜公又
曰省視道爲大使視副爲劇如之何能政余
顧謂二子曰此公所以優於臬使也夫負才
者恒自滿陟崇者恒自華自滿者功墮自華
者業怠公才高而弗滿位崇而弗華嚮也惟
民安之憂今也惟任大之懼憂民仁也懼事
敬也吾聞仁者不恃恩以陵下能敬者不怠
事以病國以仁用刑罔弗允以敬臨事罔弗
濟臬使雖位尊貴重於公平何有子不見曩

者公爲給事乎直言正色舉體以昭微人皆
曰古之名諫議也又不見出守姑孰乎寬明
廉恕民皆德之人皆曰古之良刺史也又不
見公之經略浙海乎士不告饑民不辭擾事
集而邊警息人皆目之曰古封疆之臣也今
之按察使也發號申令明法建議曰立言爾
振綱紀勵風教曰行政爾公以優於彼者措
之不啻殊途合轍也於臬使乎何有豈惟是
哉由茲而內臺而列曹而卿而相亦惟曰立
言行政而已矣其道無他亦惟曰仁與敬而
已矣豈惟臬使哉二子喟然起曰聞子之言
審知公矣公即讓胡可得哉

五有漢集卷五

七

訥齋序

射者操弓撫矢及其將發也引而卻鴻鵠將
舉霄漢之上蹲距伏翼君子之言訥而已矣
訥學者之務也默以審辯藏以括發謂射者
之卻曰還謂鴻鵠之伏曰止則病矣君子之
不言者四弗通不言弗順不言弗精不言弗

乎不言博斯通察斯順擇斯精踐斯乎君子
有此四者雖欲無訥不可得已是故潛求周
識詞之基也虛心下問辯之媒也沉思密度
聲之節也藏身力行說之符也闕其一則殆
二則昏何暇於言爲河以委蛇而後能遠山
以陵遲而後能高言以脩默而後能善故訥
學者之務也有德者詞寡多言者實微譬之
若持燕石誇於荆人之市而卞和氏方且退
退焉自守其璞矣今夫昏夜星宿列焉河漢
爛焉三尺之童仰而觀之無恠色春月而雷
震驚百里聞之者如聆鍾鼓之音何也其時
然也晝星冬雷盲瞶知異君子道有諸已言
出惟時審幾以達變察理而循物舉近以該
遠省已而徵人已視之便使人視之嘿然故
曰時然後言人不厭其言吾見訥者時然後
言矣未見不訥而能言者矣夫小辯害大智
巧言使信廢賜言屢中夫子嘆其不幸宰予
能言負改觀之誅謂其不能訥也仲尼之徒

惟顏曾其庶幾已而曰回也如愚又曰參也
魯如愚云者猶訥之謂也魯者鈍也夫豈二
子之無能言哉甚矣言不可以不慎出之不
可返也入之不可奪也書不云乎惟口出好
興戎易曰差之毫釐謬以千里可不慎乎白
圭之戒訥者免夫范子名言訥齋自警也言
之友咸贈之詩無涯子作序

贈靈川掌教甘君奏績序

甘君掌靈川教事九載奏績靈川諸生走桂
林請余以文贈余曰甘君何久於斯官也今
內外小大庶職或三四年或五六年亡不一
遷再遷甘君掌邑教責非不重也即弗職宜
蚤爲之所如其賢何獨久弗遷也且夫治天
下之道曰政曰教凡諸有司無非政者教獨
斯職焉政常近民故亦可以病民然惟士舍
訓育無他責故亦不能爲民病也夫在彼三
四年五六年即一遷再遷在此必九載而後
考績豈他有司皆賢稱職而司教者皆不肖

邪何遲速之異軌也矧教以導民猶切於治也譬之農以足食賈以裕用工以給事皆益於身者也至於醫所以導吾血脉保吾元氣豫以引吾年其責若功又非農工賈者可比倫也苟三者皆貴之先之獨於醫而賤且後焉吾弗知其可也余聞甘君行足以正物學足以闡道藝足以脩職故其化行俗易人才群出靈川士人慕而頌之弗已也誠若是則又不待三四年五六年而一遷再遷可也乃

六五有集卷十五

三

獨後於他有司未必皆如其賢者吾又不知其端何如也或者曰書云三載考績三考黜陟幽明古之道也是故君子久于其道而天下化成彼將以成其化故久之也子何疑焉曰立政任人莫善於唐虞三代故任久而後賢否著賢否著而後黜陟明不可易已然未聞久于此復速于彼者也子言從古似矣獨不觀今之在內或領一部一司在外或一藩一郡一邑雖不必如教民之切事叢任大顧

各有甚焉乃或蒞任不識吏而遷得遷不及任而調交接無停日送迎無常期紛採恍惚靡可測度又豈盡古之道與何又速之甚也余知其不然決矣然則何如而可乎曰無小大無遠近無遲速賢者進不肖者退有功者賞無功者懲然後可以杜僥倖勸臣工也或曰傳不云乎不在其位不謀其政居下而議上罪也矧子同是官也無乃近嫌與是又不然也吾聞之君子得志以行其道不得志以

六五有集卷十五

五

求其理余即不得以與政獨不可辨其理耶仲尼曰邦有道危言危行今幸生有道之世何避危言且余以罪謫不敢律于常職此蓋論其常耳又何嫌余惟嘆甘君之賢而獨九年淹故不知其狂也甘君行矣自此以往終無所識其賢而大用之者乎遂書以爲贈

序知贈黃子

黃文子掌教信陽有令聞巡按御史勸焉諸生問於有涯子曰吾師白川夫子啓導我二

三子德之知夫子者二三子也夫子位卑處
遜不求人知御史奚從知二三子喜而異之
願聞其故有涯子曰汝之夫子有可知與僉
曰有羅生贊曰夫子教我講學矣是故飫經
史折邪正孜孜焉惟日不足夫子教我以篤
倫矣是故孝友于家以達于邦國夫子教我
謹行矣是故嚴義利之辨脩言貌之節審誠
僞之幾察事物之宜二三子弗能學也張生
綸曰昔者麻城阮公司教吾邱先生所同侍

孟子卷之五

五

也邦人允賴越四十年於茲人皆思之繼之
者其惟夫子乎王生鎰曰聞之以身教者從
夫子身之矣誰不能從高生選曰夫子惟不
傲人皆親之惟不汚人皆敬之黃生賜曰吾
見夫子之才矣法立而事序綱舉而目張張
生士愚曰善哉諸子之說夫子也無溢辭無
隱行有涯子曰詩不云乎鶴鳴于九臯聲聞
于天賢哉黃子宜乎御史之知也諸君何異
焉譬諸騏驎駉駉四方曰良隋珠楚璧舉世

所寶卽黃子之賢雖天下知之可也曩余在
外聞黃子賢矣未見其人也歸見其人矣未
詳其實也德周之言師道脩矣天秩舉其類
用之崇其本子直昭其用啓東徵感物也非
實曷感又誰應之愚也知言今有乘駑馬者
絡金飾玉簪鞶揚策肆誇於都市之中九方
過而弗眴匪笑則怒藏燕石於重櫝不自知
其耻也若是者豈惟誣人哉御史將持千金
訪於桃林大樂之野遊不測之淵乃探驪龍
之窟如黃子之賢也何早且遜之思諸君何
異焉僉曰噫聞先生之命二三子亦知所懋
矣

孟子卷之五

五

文十一首

禱雨文

惟國家建官惟有司事神用咸庇民民之弗
安官弗聞知神弗見察其何以爲洋等來寓
汶上職司長民事神無狀民事罔知政乖民
怨物氣失和用茲上千天變三冬寡雪一春

不雨二麥靡成秋種未植歲事如斯將弗敢望已神亦譴怒罔肯矜恤徒俾百姓饑餓小大洶洶若將無依甚可悲痛惟神擅靈茲土山川城郭人民咸惟是賴福善禍惡宜有攸別若惟洋等官吏失職之故或貪貨濫取于民或酷刑肆暴于上或縱長奸橫或凌虐孤貧或斷獄不平或興作不時或費歛不常或遊宴無度神其鑒臨之大行誅罰或奪其官或亂其室或短其天年或禍其子孫以雪神

不幸有漢集卷五

五

羞以回天怒亡弗可者也神不事此顧乃亢旱作災則此赤子何辜坐罹死地茲用鞠恭秉虔懇祈神惠伏望降威暴吏加恤平民勿慳霖雨之施普遂雲霓之望尚俾百物生成人民安業神之受享於斯亦永寧矣洋等望惠之餘恭俟大罰惟神鑒之

謝雨文

鬼神之德盛大莫窺而生物之仁幽明無間茲以人事乖和天降之咎亢陽爲虐黔庶驚

惶惟予小子竭誠走告神亦靈應固有攸違獻享未終甘雨沛若士民踴躍以喜易憂流潤膏沾群物改色深耕爰作秋穫可期豈予小子竊有感通神實念民相天之惠顧恩功浩蕩報荅末由恭潔腥醑誕昭神貺尚惟歆格用終庇民洋等罪宜有懲敢弗安聽尚享

祭韓汝慶文

嘉靖五年二月四日友人信陽孟洋官于西土訪亡友五泉先生韓君之墓陳以羊豕品

不幸有漢集卷五

五

實乃爵而言曰嗟乎若人逝矣豈不悲哉孰非吾友知我則誰孰非爾友予獨知汝淵停澤畜未究厥施蒙予弗類生也何爲世聞爾名罔測其實亦知其才曷以不壽嗟乎逝矣豈不悲哉張聖廢書伯牙絕琴豈無同好知孰與深疇昔同遊音邈形隔黯然懷思飲慟塞臆墳茲洛矣宿草萋萋哲人之光華嶽其齊華嶽載崎河水瀾瀾維此哲人輝映千祀薄言享止哀私孔多靈斯昭止謂我如何嗟

乎悲哉

祭李大參文

嗚呼有德獲壽天其相之昔以爲信今也則
疑矧惟君子邦家之奇充充行實抑抑威儀
乃仕乃祿敬慎爾司有蒞斯惠民罔弗思休
休君子百祿是宜乃奪之年天平何爲昔君
出矣搖搖雙麾夙夜懷君願言來歸忽彼訃
音我驚孔悲悲之如何如慕如追如不可及
如渴如饑嗚呼哀哉人孰無死君子之傷爾
貌不可見爾德不可忘送爾旅櫬存爾孤孀
爾僚爾友涕泣奠觴谷悽江咽雲木蒼蒼靈
可招止來格洋洋哀哉

祭周侍御母文

汨汨河水其源湜湜媿媿懿母貞柔厥德順
惟婦師肅爾母則克睦有家令聞于國斤斤
公器邦家正直實蘊聲輝慈訓攸式嗚呼天
道隸賢用昌厥後逮其有生亦旣榮壽百福
攸集善譽弗朽孰不於歸母兮何有某等壽

弗詣堂祭弗及卹寅倅奉儀再拜稽首懿靈
有徵毋遠母咎

祭董侍御文

嗚呼商民嗟予之於子也同舉進士同爲行
人同陞御史而志且獨同也觀夫予以罪謫
幾爲予累斯其徵耶旣聞子之按行畿甸顯
有風聲予甚喜予亦還自遐方比與子晤冀
得相勉有所於進而遽有此哉噫慟何言也
夫世之所爲交也見則相諛而退薄之性子
面若違而心固不協也古稱益友豈非其人
耶子聞近夫訃重宜哀悼茲予又哭子矣一
月之內喪我良友二子獨何爲情哉嗚呼商
民從此永無見期也夫

祭殷給事文

嗚呼殷子子有靈耶安在耶而竟不起矣夫
嗟子之文章已鳴世矣嗟子蓄華秉利無施
弗宜即已兆于兩邑昭于抗草然亦物之方
榮爾矣胡遽殞折耶嗚呼子竟不起我哀局

既吾商民業已沒矣子知之乎否耶

祭同年朱華州文

嗟嗟夫子其已矣乎文足以華國業匪厥職才足以輔世命與時違意者利用獲於末路顧即中道以云萎聞者太息吾道興悲矧予與子協志同時悵笑言之契闊欽德言而遐思哀言永棄飲痛奚爲惟高風之不可泯庶幾起頽振懦爲世所瞻依爾耶

祭亡母孫太恭人文

大正有集卷五

夫

春榮夏蕃品物咸遂慟惟我母與世長棄神遊體秘修爾十旬朝哭夕奠追慕徒勤時惟酷暑石毀金熾靈魄攸存安否奚似問之莫及撫几號呼幽明甘苦安得同途合我族姻祗申哀告母靈在斯昭矣來報

祭朴子文

始吾慟不自勝安於命數以自解已乃迹其往事察之人言乃知汝父之殺吾兒也汝冤何伸我悔何及用在告汝汝其聽之汝之才

質實惟遠大矧其學業亦既精勤功名可以力致何乃有此夭折其所由來蓋有漸矣昉於葉氏之書成於孟青之使暴怒橫加鋒挫統折既而讐者投奸譽言莫入卽有班馬之文曹楊之捷寔足以刺狂瞽之目而逢媚嫉者之怒猶乃不知忌避動遭貶辱雖則人肆其虐實惟自速其斃謂父殺汝不亦宜乎吾兒純孝諒不我尤卽欲速死實重我恨嗚呼已矣復何言哉念我未老汝亦有知幽明異

夫

夫

之抱恨則一自茲以往惟我與汝秉無心之運遲以歲月天人之際鬼神所臨或有以白爾我之心以雪死生之恨者矣以怨報怨吾實耻之安義居命他復何爲嗚呼生者如寄死者有歸翌日辛酉將葬汝東郭之原寔汝讀書之所前瞻汝祖却顧汝弟泉壤之下亦可樂止過此有暇爲汝志之嗚呼慟哉慟哉地久天長音塵永隔神遊氣屬夢寢可通兒不忘我念哉念哉

祭仲女文

嗟乎慟哉兒竟不起耶爾疾何疾遽至此耶
嗟乎慟哉嗟乎慟哉正德丙子我宰汶邑是
月是日曰惟汝息命汝曰汝用識生所携遊
嘉禾乃知笑語三歲而歸始見爾祖取娛目
前誰不汝喜生而淑始長益聰慧女紅內職
精巧閑備書史訓誡聞語知義旁及音律泠
然冥會容止柔懿內蘊高明懷真達理璧立
淵澄少長敦睦僕婢嚴平庭闈承訓克孝克

祭仲女文

卷五

恭年甫四五許名沈氏納承有期暴疾遽止
豈不命醫百藥不已三日不食遽爾就死嗟
乎慟哉嗟乎慟哉蘭摧蕙謝璧殞珠墮彩鸞
折翼瑤琴斷徽妄藥誤汗咎將奚歸誤耶否
耶我悔何追慟哉吾兒汝父殺汝雖不殺汝
自我作蠱哀悔攢集誰察我苦胡不借亡與
爾同處嗟乎慟哉嗟乎慟哉自汝兄喪我哀
未忘何復有此愈重我傷奪我精魄裂我肝
腸况屬衰病如何可當嗟乎慟哉嗟乎慟哉

母號於堂嫂哭於室甥姝昆弟彷徨如失汝
伯汝叔涕泗交溢豈曰宗族鄰黨同恤嗟乎
慟哉嗟乎慟哉沉迷決絕默無一言汝願何
居汝慕奚存父母輒獨汝不我念耶舅姑恩
慈汝獨不眷耶寡嫂弱姊汝獨不戀耶家人
姻戚汝復能見耶生不及語死當有知凡汝
所欲夢當告之醫藥所誤亦決我疑其或有
數庶慰我思嗟乎慟哉嗟乎慟哉汝沒此日
遂逢汝誕布奠陳詞魂飛肉慟吾兒鑒之我
慟哉

祭仲女文

卷五

孟有涯集卷之十五

孟有涯集卷之十六

信陽

雜文

記五首

遂平縣修學記

遂平縣修學記

遂平縣學成朱通判臣走二生信陽請予記坐而問故生曰遂平學歲久傾毀弗治鄉也監察御史汪公以巡按至叅政吳公僉事孫公以守巡至至之三日謁天子廟已堂視諸

生業汪公目二公曰是何圯甚非吏所當務耶何弗之圖也二公起曰茲在我二人退而定厥謀邑汝寧屬也謂朱君爲俾尸事朱乃祇事其事庚辰閏八月癸巳乃經營裒良任巧新其舊益其所未備羣工咸作衆治惟則朱尋以職去經歷宋金代亦能厥終越十二月壬辰功乃畢屹然壁映寒爲重門泮水渚焉巍然崇燁然麗者夫子宮也兩旁翼如從祀者之廡也直後有堂東西廂有齋序衆以

居業也曰廚曰庫具祀事也若舍若館止師生也貯經史有閣致齋有所合饌有室廩有倉射有圃堂棟絡繹甍宇環次藐藐乎其偉觀矣曰侈乎無淫技無珍飾奚侈然則陋矣曰旣完且確何陋之有厥費維何曰財出於公雖費莫知歛者民怨矣曰用其力於隙矣孟洋聞而嘆曰善哉斯役遠四蠹矣春秋書工役惡其侈宣王考室斯千頃之苟財不匱民勞不窮力何傷乎宮室矧茲役也享功而育才豈細故哉夫華解以取逸飾郵以賈譽凡有官罔不先之顧此之後何也上知以下鮮不待文而興遂平久乏科第抑其作之者寡也嗚呼士自茲其無興起者乎苟有興者斯役不徒舉已汪公按信陽也拔士之雋聚於別館厚廩餼給筆札俾肆力於學孫公成之士益振從此而觀諸公作斯文也豈獨一遂平哉洋聞之君子當務爲急三君子可謂急當務也易曰不傷財不害民是役有之汪

公字景顏吳曰從岷孫曰用之二生者張閻
魏卿其來請也將公孫命曰

記閻公雨詩卷

南昌上變之歲信陽五月不雨至秋七月民
病弗登癸巳乃大雨三日民大喜賈頌於市
農頌於野工頌於業欣欣然曰是雨也我閻
公雨也夫公之矜吾民也食不甘味居不寧
處寢不卽簣聽不協音不舉刑不畢政不與
不飾爲吾民禱也日行於郊者三而弗爲廕

不盡書卷之六

三

也引咎訟躬弗爲抑也色憂而形羸弗知爲
頌也書曰鬼神無常享於克誠公誠矣雨
不亦宜乎是雨也非我公而誰也郡之大夫
士聞之顒顒然咸進於公庭拜手言曰難謀
者天也愚而神者民也格天悅民明德至矣
敢爲公賀公乃降階而揖而懼且讓曰惡有
是哉天道冥冥人罔攸度雨暘恒時某非敢
知昔則以憂今則以喜是某之心也他何敢
知焉僉曰易贊勞謙書美不伐有功不居時

謂盛德昔者七年旱禱桑林而雨湯有之三
年旱祀孝婦而雨于公有之夫史氏豈誣我
哉公之不居德之盛也弗可得讓已公乃荅
拜謝曰辱諸大夫之命敢不敬懋以圖厥後
於是作喜雨一章諸大夫士和之凡得詩若
千首如左是歲八月甲子申人孟洋記事

朝邑縣建置經正書院記略

朝邑縣城西原有故泰山祠宏而麗嘉靖丁
亥春監察御史郭公自微按縣望而問焉有

不盡書卷之六

由上

司以患對且曰溷集啓淫納游召盜矯術逞
姦公曰非有患固將去之往視焉乃進庶民
於庭曰泰山東嶽也猶西之華惟諸侯祭山
川卽華若弗得祠若聞之乎鬼神不享非類
西越東祀則瀆庶人承諸侯之祭則犯瀆靈
犯分非類甚矣孰與享之汝微多福乎淫祠
無福非其鬼而祭之匪淫而何衆慙然匍匐
曰微公言小人曷知惟公命之聽卽日公戒
推官楊銳毀其像革其繁徒顧謂衆政孟洋

副使江玠曰叛道則易惑正興則妄息盡俾諸生業其所遂署諸額經正書院孟子曰經正則庶民興斯無邪慝矣諸生再拜稽首謝曰是舉也小人以覺非嚮義君子以遠害崇業請祠橫渠張子於斯鄉先正也衆皆仰之公曰可乃檄官作役將選規而易其制命洋記其始事

東臯記

無涯子在桂林楊子公佩過而問曰陶淵明

五

五

何人也無涯子對曰晉之處士也其聞道矣乎曰何以知其然也楊子曰珉竊慕其節矣然未知其人也已乃讀歸去來辭而後嘆其人蓋有道者也何以言之彼其辭曰登東臯以舒嘯又曰樂夫天命復奚疑嗚呼觀斯言也彼其胷次何如哉方其解彭澤而歸也非有所沮抑頓迫鬱弗得行也飄然高舉略無趑趄不知者聞其言謂其不能俯仰于時俗也其知者以爲道之不行也嗚呼是誠知陶

子者哉業已歸矣孰不強者傲弱者望邪是故荀卿發論於危作屈原寄怨於離騷賈生取釋於鵬賦子幼含憤於嗚呼昌黎托諷於送窮子厚呈譏於乞巧是雖公私大小之不同要皆不能忘情脫慮於世務也陶子其有是哉觀其言也定志於性命之始娛情乎人事之常與物無競道化同流是故參乎之耕野子騫之走汶莊生逍遙之遊點也舞雩之詠可異世而同觀也非聞道而能若是乎傳曰不怨天不尤人君子無入而不自得焉陶子其庶也已昔者司馬長卿慕蘭相如之爲人引以自名珉不佞請以東臯名吾居如何可乎無涯子曰賢哉楊子是何傷也語曰知地之宜於時之茂覘彼伊人於其所好嗚呼觀子之所爲慕也豈不賢哉夫人固有心迹之判者矣是故假容於江臯乃纓情於好爵此周郎所以蒙誚而北山所以獻嘲也以子之賢仕靡弗利乃遏迹塵路投身散途何往

而不東皇也苟心與迹異奚取於斯今子踐陶之迹心陶之心亦陶而已矣以是名居不亦宜乎楊子曰誠如子言吾其爲東皇居士矣盍爲我歌之乃歌曰臯之平平可宮可軒翳以松竹對以芳蘭溪雲出沒白鳥翩翩合我同好樂飲忘年匪山兮何田匪淵兮何釣邈千古而一心登東臯以舒嘯

風雨山堂記

嘉靖癸巳仲夏二十有一日余避暑賢隱山

寺乃亭午王默軒養之高子山子近鮑方亭用勤皆携饌至觴序頗歡明日梁東岡民瞻暨弟雅山鍾之以巨樽來嘗之味嘉反易之倍嘉焉又觴且序權滋甚是日風雨交至夜分始就寢又明日陸鴻漸隱山馮公式小峰蔡汝培懶醒亦皆繩罍簞肉以河漲不得騎徒步而至合心同調棊酒嘯歌山水之間玩栖禽而聽鳴雨瓶壘既空玉山傾倒非人世一大快乎已乃漲弗可渡尊俎索然覓之山

家雅識徐徐而繼亦不至乏耳鮑子舉觴避席颺言曰今夕之樂古今可數登高作賦賢哲攸稱盍各永言則垂令問乃立五韻各賦七言一章如詩不成作浮白之罰余曰美哉言乎遂得詩如左又明日陳生山泉惟允仵來陳詩蓋病風漲弗能來耳嗟夫天下之故展矣弗可逆觀也始余獨興尋寂寧知數子能見訪邪數子者又寧知風雨留滯笑語累日胥罄交懽共留奇迹爲弗可忘者邪陳生豪興沛然竟弗得願亦數也由是而知天下之故顧可逆觀哉又明日默軒出手軸請予書之予謂良晤不常勝遊可紀不吝揮毫卒如所請云爾共詩十首附陳生一首是日有涯孟洋記事

書二首

上林大司空書

泮薰沐頓首上啓大司空林老大人先生執事恭惟明公海內德望下官欽仰光輝進謁

無路日貶此邦私幸尚得拜下風盈夙願已
然自蒞任限於卑末動拘故事進止莫克自
由兼之北人不習水土時多疾病又聞梧江
風氣更殊輒爲畏沮竟使數年瞻仰之私至
此猶弗能遂也豈非不幸與實出愚衷非敢
爲佞王照磨自蒼梧來遠辱豐貺叩首拜嘉
自榮且幸旣感而惑顧得罪以來途人所棄
何敢望名位如明公肯爲下禮於謫謫寒陋
之士卽意者有以下官誤左右之聽者噫上

不棄者集卷本

九

負明時內忤公議復何可錄之有抑乃造化
不棄遠惡故俾下官亦得藉膏澤之餘耳奉
德感恩宜奔謝如前所云百不一得徒懷德
悵歎何益何及茲特齋肅上啓惟明公體物
之仁無不亮察沒齒不忘之德匪言可盡也
時溽暑漸臨伏冀明公經濟自珍用荅蒼生
之望爾遙拜休光上瀆威範不勝感荷戰慄
之至

與何仲默書

洋頭首言仲默賢弟足下比見家書知足下
其道大行甚慰仲默視僕初志如何乃今事
與願違殊愧同志足下能察此否自八月二
十三日蒞任巡歷荆岳歲晏返省正月二十
一日偶感干事遂決歸計卽夜渡江無一知
者天明泊漢口始移文總司當道皆遣官致
書追留至再及僚友親自攀挽竟不能止矣
二十七日道過家眷同歸二月四日達鄉里
恐衆下聞之駭疑爲書以布衷曲當是時卽
同僚僕吏無不駭者仲默固知我恐亦不免
耳古人有薄軒冕而不顧輕富貴如浮雲僕
何人也乃敢望此然私情不同勢弗容已揆
乎輕重之際究乎可否之極不待賢者而後
能也槩言不宜歸者三不能仕者七酌而論
之不得不然親在欲子顯仕不宜歸一也家
貧俯仰不給近雖少置田貸人者過半需祿
以養不宜歸二也年未四十雖無所要亦未
畢所欲施此不宜歸三也僕凡思此三者審

不棄者集卷本

十

矣其如不能仕者有甚於此哉老父今年八十有一卽且健人子之心詎敢恃耶老母少五歲業已憊不能自臥起迎養不可復無所托悠悠仕路何爲止期此不能仕一也僕生而脆弱不禁煩苦三十一已見二毛前年嘉興病濕幾不能起宦情寔息今更不已衰稿日滋旣歸尚可逸情定神休養性靈少延歲月耳不能仕二也方今寇盜徧江湖之間守吏貪虐十常八九素乏摘發之智又無驅剪之術坐視素餐寶所不忍又上下喜同不欲作事卽有一二舉革黨然議起德不孚人誰能我諒安以受之又不能堪不能仕三也湖廣連歲兵荒民物困極無名誅求出自權貴殆無虛日固嘗陰奪力制彼之積怨有俟而發又荊州課厰新設中官恣橫暴民尤甚與之持久必至搆讐夫臨事避難勇夫所耻足下視僕猶能如昔者下吏以貽親憂耶自度不能安可苟處不能仕四也上下交際雖君

臣分嚴自有定體有司奉迎獨過其則若勉強從俗則顏赧骨慙稍有不齊同輩已厭之矣厭之不已譖毀投焉賢不肖靡察於此焉定卽無意於微榮何苦徒取辱也此不能仕五也且僕量旣褊狹性復踈易仲默所深知也平生不矜小節恥爲曲謹又好飲酒言語無忌平居與人交談常破肝膽見人有過好爲面折或有事不可意便至狂發不顧利害無自飾之行而有好盡之失以此數端處今之世足下以爲可免乎哉萬萬無是理也此不能仕六也朴兒少頗慧四方奔走失教年長日愚僅此一子俾之無所成立非父道也旣無濟於時又賊其子兼失之矣不能仕七也旦夕自處情煎心裂卒有感觸計不可解此但可爲仲默道耳夫人有詢託辭以應可也違養志之常道缺滄瀟之餘甘僕之罪不可原矣學有所未行才有所屈僕豈無是哉時艱智短亦或然耳若乃立奇行以沽名掩

穢跡而欺世固僕平日所深疾乎時人不敢以自居久矣仲默能諒之乎足下體不世出之才抱有有用之學量足以容衆而權足以濟時惟宜平志酬物行道是圖天下所屬望不可不勉矧清貴之秩以斯文風化爲司桎梏無所交於目塵紛不能犯其慮俯視僕之所居而方其所負豈可同日語哉惟仲默察之無惑二月二十七日泮再拜

雜說三首

行壽

客有問於予曰壽者生人之福仁者之徵上古之歲人萬餘歲或數千歲堯舜以降不過百有餘歲孔子稱大德者必得其壽豈其德不足耶厥後錢鏐李耳亦皆數百歲又如赤松王喬之屬凝神鍊精蟬蛻人世號爲長生未聞以德稱蹈躋饕餮姦宄暴戾行於天下亦壽考無恙彼其德何如耶山暉澤父窮巖寒谷之夫裋褐不掩其體黎藿不充其腹然

皆靡首皓眉百餘年所豈啻於彼豐於此耶人品不同同謂之壽蒙有惑焉願聞其旨余曰噫嘻固哉若子所云徒知夫人之壽而不知至壽者之爲壽也天地人物之生同氣異質理一而數不齊上世之人混茫始闢氣積而完人文未著淳朴未離其多壽固宜自羲農以迄堯舜而後治曆明時分官設職厥有典章彙倫攸叙道被於昆蟲而仁覃於後世後世之人聞堯舜之道莫不死然如堯舜之在上再及禹湯文武雖禪伐異功同歸於道孔孟繼列聖之統於晦塞之餘修明古訓開示來學昭日月於冥途流江河於泛濫萬世之下仰之如神明戴之如天地斯文不墜孔孟如存耳若乃屈伸偃仰辟穀引年反常以敗道儋木石而羣鳥獸孔子曰罔之生也幸而免君子不爲也齊景公有馬千駟民無得而稱焉伯夷叔齊餓於首陽山民到于今稱之故聞伯夷之風者頑夫廉懦夫有立志生

乎百世之上百世之下聞者莫不興起景公
七國之雄辟既貴且富而無稱者沉跡躋
則奚取於壽也後世疏薛之儔皆以成功勇
退榮樂永年其視田何楚丘蒿林蓑被六極
曰貧未足福耳由是觀之世有龐濤命有窮
達厚其生而利乎物得於今而有聞於後斯
可謂壽也已矣子不見南莊先生乎先生體
間出之奇際唐虞之世服尼父軻氏之學而
建有官之業秉夷齊之耿介躋疏薛之見幾

孟有漢集卷五

五

逍遙太行之麓嘯歌汾水之濱歸有餘榮流
有餘澤自茲以往祝之曰百有餘年我不敢
知惟其厚享於身而功加於時是則可知也
又祝之曰二三十年我不敢知惟其名稱當
世而流譽於無窮是則可知也斯不可謂壽
之至也乎傳亦有之太上立德其次立功其
次立言此之謂不朽之謂壽南莊先生
以之今子槩以高年爲壽而弗究其所由
之由觀鵠鳶高舉而忽驚鳳之爲瑞美妙

之多而不知珠璞之不可寶也客聞余言撫
然而退

事功

智者圖事存乎有終志士建功必垂於後今
夫敷張陳列事將有爲經營基創功莫可禦
而卒已焉君子不貴也書曰爲山九仞功虧
一簣夫一簣不謹足廢全功也而況不啻一
簣乎昔者張良爲韓報讐相漢高帝而有天
下封留侯帝欲更易太子太子急謀於良良

孟有漢集卷五

六

曰爲太子謀莫如自重者也自重之帝弗能
置太子太子可無慮已夫四皓者帝不能致
固帝願見者也太子誠致之則事成矣太子
從其計卑辭厚幣以招四皓四皓果爲太子
來與太子遊帝見而問之對曰臣四人者商
山之鄙人也聞太子賢乃從太子死帝默然
旣而嘆曰太子羽翼成矣復何可言易也遂
定太子張良乃辟穀從赤松子遊夫韓讐報
矣漢業成矣必定太子而後去何則太子未

定漢業未終成功之累也張良耻之成王立
政召公求去周公留之乃作君奭孔子相魯
敷政教誅元兇旬日而化行及其去也魯卽
以亂何則召公人心之向背者也孔子魯國
之治亂者也昔者燕人之種藺也夜寢其藺
下日汲水以灌之牛羊近則逐之野雀栖則
彈之數日而樹興期月而華三月而實實乃
浩然歸曰畢吾事矣畢吾事矣明日往視之
羣兒牧而盡取其實矣楚人之耘者聚其根

太史公集卷之六

七

而焚之一日三視之或曰耘之矣而復焚焉
復亟視焉何故無乃太勞乎楚人曰復焚其
根慮徙而之他禾也弗亟視慮有所於潛滋
也吾不以吾之少怠而棄吾之多勞也是故
蚕弗繭絲女不夜寢獸不授首獵弗縱圍昔
者蘇秦爲六國謀也合從以卻秦秦病而六
國利及六國用衡人間而謀解秦復以強鳴
呼何難成而易敗也齊桓公之於管仲舉之
因虜之中置諸卿相之上貴者不能參其謀

親者不能間其跡遂霸諸侯匡天下而後管
仲之功成也孔子曰微管仲吾其被髮左衽
矣卽使齊桓用之弗能專專之弗能久終亦
齊而已矣何仲尼之有取於管仲也昔者莒
大夫將城莒莒人怨之曰弗城猶吾莒也何
故病吾民甚也弗聽卒城之旣燕人伐齊下
齊七十餘城獨莒卽墨弗破莒人乃相慶曰
匪城耶何以有吾莒也商子曰民不可與圖
始而可與樂成此之謂乎是故約財育衆曰

太史公集卷之六

八

惠見微周物曰明直勝果行曰毅任理弗貳
於物曰信惠則不厚躬明則不僥倖毅則不
避難信則不終悔達彼去此事功之會也是
故至誠無息而天下化天道不已而歲功成

袁惟穀字說

袁君錄以其字請余也有賓之辱弗獲辭乃
字曰惟穀重語之曰嗟乎袁君子知穀之義
乎余且告子夫錄之爲言祿也若言有所齒
錄而受祿也穀者善也又祿也善斯錄矣錄

斯祿矣詩云豈弟君子福祿攸降其斯之謂
乎苟爲不善人皆棄之何祿之有故曰惟穀
詰者曰袁君誠善士然未學爲仕也今也仕
而後祿謂袁君何余應之曰如子之言鬼豈
武夫奚以公侯腹心爲也是惟亡善焉往不
祿詩不云乎百祿是遘百者言不一也豈惟
仕哉人之聚也有四宗族也里黨也朋友也
公卿也宗族尚親里黨尚序朋友尚信事公
卿以恭有一不善則不獲不獲則垂垂則弗

不盡其善

九

祥雖萬鍾何享焉善則行無不獲行無不獲
則人皆與之矣祥莫大焉詩云宜民宜人受
祿於天夫祿也豈惟仕哉故君子先錄人而
後錄於人善之在天下也賢者備其大者不
賢者備其小者大吾錄其大也小吾錄其小
也書曰德無常師主善爲師夫然後穀且袁
君申之世族也乃祖乃父咸有貽德伯氏惟
學有文學焉仲氏惟武有武略焉所以取諸
人者不出戶庭而存矣詩云不愆不忘率由

舊章袁君懋哉

銘一首

莫庭銘

有序

昔者鯉也過庭退修詩禮之學伯禽爲國觸
類俯仰之義君子之教弗納於邪仁人於親
終身而慕蒿陽豫齋中丞林公誨厥嗣子著
之語言謂友貴勝已莫交無益謂事在合宜
莫爲不義旨哉言乎石厓子以吉一聞父訓
服之無替刊之以木簡揭之於堂楣志存顧
諛義比書紳余旣仰垂裕之美且感敬承之

不盡其善

九

篤僭銘諸左庸贊厥終銘曰
生人有倫惟友亦大厥有秉彝義以方外貴
善輔仁於焉是賴無偏無陂反之則害允以
麗澤同人斷金疾彼邪佞面而不心孔曰爲
質又曰與比順理忘私庶幾君子譬則鮑魚
久之同臭賊我毒我浮於猛獸患豈徒蠲財
不苟富惟利之回惟躬之疚身罔不正弗令
而行洋洋德音凜如神明書喻作室詩頌紹

庭克友克義請事斯銘

贊一首

金太守士希像贊

孰重匪山孰達匪川卓哉先生其宮其淵宮則昌矣淵則長矣時則臧矣令聞光矣

題跋九首

題陳中丞平南卷

始予識陳伯子於御史時見其人凜凜焉有汲長孺之風及守惠歷諸省藩臬往往有善

天章有漢集卷六

廿二

政益敬慕之乃茲覩平寇卷察其武畧過人遠矣則史稱將相材者非其儔耶今撫江南民安而頌作宜哉詩云唯其有之是以似之陳子之謂也

題遊西山卷

曩予在京師熟聞西山勝雖未至之心切嚮往今觀陳子所爲遊西山圖飄飄乎與雲霞之想乎然且疑其未盡及讀與顧子賡唱諸作又豁然矣

書關西紀行詩後

曩日洋爲行人時使關中往往省壁見白巖虎谷二先生倡和之作竊嘆曰嗚呼二公文章齊名海內安得同遊於此豈不奇遇夫韶韋不並鳴胡越之人不以通語何則聲氣不同也故曰道不同不相爲謀迹二先生所爲詩上詠古以風今下感時而采俗所言雖殊其合德一也要皆發之性情之正引之理道之歸其氣合故其聲同其力適故其辭匹固

天章有漢集卷六

廿二

當世之大鳴與第惜其不多見耳後洋出入京師不時弗獲謁二先生門下求遂所欲見居然慕嚮不已甲戌夏顧全州華玉緘一帙示余桂林展誦愕甚是非往年所見於壁間者耶是非所欲見而未能者邪乃知至寶神物弗終秘世豈不快覩與全州辱洋以贊於後末學何敢有言作者之側謹述得遂願望之喜以謝全州昔人謂得隴望蜀爲不知足嗚呼吾又安得二先生平生所爲文章而盡

見之哉

題劉氏雙輓卷後

無涯子曰孔子云君子疾沒世而名不稱焉
夫名豈徒稱邪語曰苟無其本木將奚生是
故實之難也菊軒君累學端行舉鄉薦第一
可謂名實具已天短其數罔俾一職惜哉潘
孺人少寡而貞能教子有成亡忝夫子然其
沒也皆傷痛間里哀音輓調怛然形諸縉紳
之口爛於篇簡之間蓋棺而名愈顯允非實

不盡有涯集卷末

卷三

德疇克有是書稱吉人詩贊淑女劉氏夫婦
其庶矣乎菊軒君有子奭少嘗學問乃今業
盧扁術遂爲名醫奭爲人謹厚儒雅綽有局
量君子謂劉氏其有後已

跋贈遠卷

始顧子被詔遠謫何子洎余並集田給事
宅余謂遠方山水佳勝莫如金當是時豈有
他慮明日余卽被繫顧子果得全州田何諸
君復餞之贈詩盈卷余獨不與焉然當時諸

君又豈知余有桂林之謫哉及余與顧子同
時來此文字相往來弗絕幾二年矣今年夏
余得量移過全留十日全之山水佳勝者相
與歷覽殆盡此豈遐裔常有而贈言諸君又
弗得與矣顧子因出是卷示余余曰今日與
吾子遊幸矣過此以往幸而再遇屢遇固弗
可知也其不幸終身弗復遇亦未可知也故
知贈言者之意豈有窮哉遂書諸卷末

跋登山臨水卷

不盡有涯集卷末

卷四

孟洋曰余讀是卷然後知古人貴贈言之意
也何則金陵佳麗名公勝槩撫時送遠悲適
殊懷固一時之盛也苟不於是卷悉焉人雖
望而慕之將安徵哉甚哉言之不可亡也設
使顧子不樂是而馳志秦楚趙孟之間諸公
又力能富貴之又安能使人見而慕之如是
而顧子又安能保之永久弗失又且洋洋然
若有重獲出以示人而無退避也哉是可以
觀輕重之辨

跋海山卷

余讀海山卷然後亮鵬鳩之詩人不我欺也夫德之感物如風草然彼碩鼠之懟獨何爲哉君子正已惠物人之戴之也固宜故曰愛人者人恒愛之愛之不足則頌矣頌矣而不足則祝矣祝之以榮貴未足也則願其壽考矣故曰胡不萬年不如是吾知其情不能但已爾定峰先生其行政也有本心之均一威儀有度正吾國人久矣人之愛之豈容已乎

跋顧子華玉上方山玩月詩卷

嗚呼人之情也感物而動景之會也適志則愉詩不云乎泌之洋洋可以樂飢是以仲尼

在川上而興嘆於點也而喟然意深遠矣顧子上方玩月之詠其亦有所適乎跡同一軌情有殊途諸子所取於月是其一也至乃鼎茵輝映於華屋藜藿黯淡於蓬居羈旅悵悵於舊鄉別客徘徊於遠道戍子聞羌笛而隕淚閨婦睇破鏡以懷歸壯士悲年時而慷慨靜女撫容華而含思物之不齊物之情也嚮往異趣惟人所擇詩云他山之石可以攻玉而况造化品物之章天理流行之盛顧弗可以樂乎雞鳴而起舜與跖同若乃惡爲利而戒晨興病矣予觀諸子之詩流思與星月同輝摘藻擬湖山競彩彬彬乎洋洋乎雖寄興靡一要皆有得云爾否則譬之驅瞽夫以觀陽阿引瓏叟而聽廣樂焉能審其曲節按其條理哉

題顧華玉雅集卷

語有之桃李不言下自成蹊觀息園圖咏而後知顧子之不可及也人惟有善誰不應之

矧能受衆假令顧子在大位誠得才如是
何有於泊天下哉

孟有涯集卷之十六

孟有涯集卷之十六

廿

孟有涯集卷之十七

信陽孟洋著

雜文

誌銘四首

中順大夫陝西按察司提學副使何

君墓誌銘

孟洋曰余讀伯夷傳其稱天道不與善人謂
其不然今觀何子脩學立行而天死又何戾
也余哭仲默之明日其孤以門人樊鵬狀謁

孟有涯集卷之十七

三

銘慟乎慟乎君知我我獨不知君已乎仲默
茲爲汝誌矣何君諱景明字仲默號大復山
人高祖泰山由羅田徙居信陽生海海生鑑
鑑以陰陽家縣辟爲典術五子曰信者封徵
仕郎中書舍人讀書善吟號梅溪溪公四
子長景韶東昌通判卒次景暘安慶通判次
景暉最幼何君何君秀而癯性沉敏有度八
歲能屬文十二從梅溪公宦遊陝西之渭源
臨洮守聞其奇召置館下甚愛幸令師授春

秋數月卽說春秋其師乃辭避弗教也梅溪公旣歸乃又從其兄受尙書受尙書才九月弘治戊午卽以尙書魁河南鄉試已未試禮部不第遊太學祭酒林公又甚愛幸何君贈詩美之壬戌舉進士進士例改庶吉士何君獨以不喜私謁弗與進士請歸娶張氏二年卒當是時關中李君獻吉濟南邊君廷實以文章雄視都邑何君往造語合三子乃變之古自是操觚之士往往趨風秦漢矣甲子

不孝者集卷之七

七

授中書舍人明年奉使南方還過里閭再娶唐縣王氏是歲正德元年也劉瑾時君度惟大臣可與抗節乃上書諸尊貴言宜自振立撓瑾權諸尊貴惡顧嫌何君丁卯何君恐禍及謝病歸郊居著述一年瑾盡舉免諸在告者戊辰何君免已巳梅溪公及李太孺人相繼卒何君哀毀危絕辛未冬何君用閣老李公薦復授中書舍人直內閣經筵官時四方學士咸願知何君車馬填門巷卽元老鉅卿

亡不欲出門下錢寧欲交驩何君間持古畫謁何君題君謝曰此名畫不可點毀弗許乾清宮災君應詔言時事詞義剴切疏留不下丁丑陞吏部驗封司員外郎仍直內閣戊寅陞陝西按察司提學副使提學政尙嚴務在崇本起弊士初稍不堪漸久而安風習亦振初何君獨以文學著聞旣提學人又服其能政若是辛巳二月何君以形勞慮深卒然嘔血損六月棄官歸會道暑益極抵家六日爲

不孝者集卷之七

三

八月五日而何君卒嗚呼傷哉王孺人故有內疾號痛莫支越十七日亦暴斃而卒孺人幼喪父相者貴之人求婚母輟不許年二十二始歸何君以賢稱會教皇帝上尊兩宮及李太孺人張氏同封贈云何君事兄恭能順承父母之志其父母諸兄亦獨甚愛何君何君一切不好華靡復不治產業居官所入祿則又常分所親故旣歸餘白金不滿五十兩所在不齎方物疾且亟王孺人泣曰官貧

諸兒女幼君卽有不諱奈何君曰若無多患
第不昧天理足矣何君友與人訟者故嘗寡
交與及訟衆莫爲之地何君乃獨上書力諍
直友之屈師御史者客苑京邸莫能斂錦衣
官廖鵬錢寧之黨也賻之棺因結懽士大夫
君曰奚爲汗吾友地下乃出金賻之諸所知
皆賻之歛成禮旋卻所賻棺其見義勇爲如
此何君天資穎異好學常若不及讀書率過
夜半卽盛暑蟲蟲汗洽背不廢邇年略去詞
章嘗稱以爲天下自有實用之學竭精力猶
弗何暇文詞無益也蓋其用世之志至遠
今中沮矣惜哉及王孺人以哀絕亡他顧慮
亦貞固矣何君生成化癸卯八月丙寅卒年
三十九歲王孺人少二歲生成化乙巳二月
甲寅子三人長夫聘郊縣王氏叅政君女次
立次登女三人長聘袁氏子次馮氏子次張
氏子皆王出是年十月七日合葬典術公
側何君有文集詩集詞賦集合若干卷行

傳於世云銘曰噫歸哉何君孰奪爾壽也雖
奪爾壽爾名不朽有女媿媿爰儼君子如琴
如瑟樂爾偕死樂爾偕死未畢爾婚嫁豈無
巨源靡孤叔夜淒淒雲旂霧駕遲遲鳳凰咭
咭和鳴相隨瞻彼崇岡載陰載陽靈魄攸藏
用萬祀無疆

樂山處士馬君國珍墓誌銘

馬國珍氏其從弟廬江令鑽監察御史錄皆
余同年友嘗爲余道國珍行事余以是知國
珍屬國珍子太學生潔以誌銘謁余悲夫斯
人之亡也不得辭誌曰馬君諱鑑字國珍始
祖谷用者由浙之山陰徙居信陽世爲信陽
人父諱玉母曰張氏生子三人長欽廣濟簿
次即馬君次鉞崇府典膳馬君生而警慧少
與諸昆弟同脩科舉業已見希近效且無爲
治生愔然起曰丈夫處世縱不能以文學顯
獨不得爲富家翁乎與諸昆弟約若等自學
我當他計爾於是馬君乃棄筆硯力田畜相

時貿易弗怠不數年貲產饒益至傾鄉邑馬君既富益折節力儉然喜施予不責報嘗以舟利涉者里人病無告或貧不能送死輒訊馬君馬君皆爲佐辦亡不當意又愛內驩郡士大夫郡士大夫亦樂與馬君游咸謂雍容有古氏之風云馬君嘗戒其子曰富者多怨吾恒此之懼汝曹慎勿以驕人旣而曰公家事旣非吾屬敢與而廛市喧雜何爲者乃卜築震雷山麓居焉因自號樂山散人樂山

本集卷十七

七

則又日與隣翁野父相飲會爲樂意裕如也環所居百里無識與不識耕斂不足者皆取給樂山門庭攘攘往來無休時爲之語曰幸毋患貧馬公存噫是非所謂富而好禮者邪馬君雖不徧閱經史然通曉事理察世故即宿儒不逮悅親極甘脆之奉父喪自盡以禮自諸父兄弟子姓以及鄉黨無間言馬君一日夢其友杜泉與語甚異杜泉者亦故以貲稱好義先數年卒矣旣寤心惡之遂盡語其

子後事越六日馬君卒實正德辛巳三月也馬君生成化乙酉九月甲寅享年五十有七配劉氏生男子三長絜次淵俱太學生次江女子一聘馮氏孫男二杞梓孫女二絜等卜以今年十二月戊寅葬馬君兩河口之原銘曰

成童子命召墓石銘

本集卷十七

七

余葬朴子十閱月矣欲題其墓石慟輒罷今年夏適鞏昌會成質夫氏哭其仲子寔逢我哀乃伯子遂以狀爲第謁銘噫哉余顧銘人之子與按童子諱希召姓成氏其先山西文水人徙居山陰遂爲山陰人至童子父質夫成氏益顯質夫舉進士除武邑令以賢召拜監察御史御史直節忤權貴去官家居時童子始三歲即能誦古人詩爲耦語旦夕娛膝下五六歲漸及書史省解旨義矣客有過

輒見見輒試亡不奇之謂成氏顯大不啻質夫云狀言童子不好弄惟圖書奉其父遂齋毋王孺人觀色察志恒若不得其懽故事伯父母伯父母亦甚愛之與其兄處即燕私不敢恃愛狎玩其天性如此孟子曰不學而不知者良知不學而能者良能童子之謂也又言童子博覽子籍尤喜太史公列傳屬文尚奇古工草書善鼓琴即刑名術數諸家亡不通曉 國朝禮度衆所不及知皆能言之孟

本志卷之五

八

子曰大人者不失其赤子之心者也借使童子不死即死且假數年其所造詣底極顧可量耶是時遂齋由鳳翔守歷固原兵憲今爲大叅伯童子咸侍謙恪學藝亡他榮慕恒曰人即仕惟翰林官可終身不廢學耳疾且垂死惟稱理命用慰諭其父母若兄手書遺訣乃伯父神色不亂嗟乎童子其亦聞道矣乎兄希伊器偉而才俊緝學有叙名籍籍于時嘗語人曰吾不若吾弟遠矣弟固原聘孫氏

同邑千戶女童子生正德壬申四月十九日嘉靖丙戌先其生一日卒甫十四赫也余因記何仲默死亦先其生一日亡兒朴先二日豈其命數然耶某月日厥父若兄葬童子桑乾河之涯銘曰

桑乾之涯雲木熙熙何彼園廬穆其豁如惟父與宗戚良日乎來嬉汝依于斯其永宜

趙王左長史戴公墓誌銘

嘉靖七年七月二十八日 趙王左長史戴

本志卷之五

九

公卒治命家人曰今世誌銘每寡實予死甚毋遺我羞公仲子山東按察司提學副使冠謀諸公之門人孟洋孟洋曰先生茂德匪言莫永不可冠涕泣曰然知吾先君莫如子洋乃按舉人何士狀爲公誌云公諱誼字正夫姓戴氏少淵慧有大志博極群籍家貧人意其廢業公益自振舉弘治十一年河南鄉試明年試禮部不第母陳太夫人年七十公曰以時文決進取非吾不能謂親不綏何乃就

吏部試得獻縣教諭以身先諸生勤恪弗怠
諸生或率厥訓風聲振傍郡邑是時巡按御史黃君珂獨疏薦獻縣教諭教諭三考又試禮部又不第又就吏部試例授沂州同知掌州賦歲十八萬石民多逋負輒囚繫盈獄民愈急公至盡縱所繫爲之期衆德公爭先輸辦無不如期者同知一年意鬱鬱不樂曰吾抑志居卑爲貧爾何事催科上疏乞散秩報稱得請改除國子監學正公雅好經術居太學日進諸生講授如教諭時太學諸生趨業恐後也祭酒石公魯公咸嘉勸之曰是可爲人師也已後三年會陳太夫人卷去官卷除擢趙王左長史王初立輔導亡狀日從嬖幸人嬉遊無度公常請問陳利害前驗以動王王弗聽又率僚屬廷諍又弗聽且怒公乃抗疏於朝王益怒公自若曰吾脩吾職耳他奚顧哉居久之王察公志行純潔乃悟語左右曰戴長史忠我也遂盡斥所嬖幸人日

與長史論究文藝公乃又數稱東平河間事啓王王由驥驥知向往矣公爲人沉謀善斷國事大小王輒趨使白左長史曰長史自能了此已而公迎刃割解無不合王意王大悅之今年春公疾乞歸王慰留至泣下曰正夫忍去我耶夏疾且貼王乃厚辭幣居徒使者送公歸抵家二十四日卒也年六十有四公先世吉水人八世祖曰十一仕宋爲承事郎二子伯四仕南臺御史伯五大理寺評事伯五生再八再八生庚七庚七生景澄景澄生諱孟孜孟孜挾貲客遊信陽因遂居信陽凡二子長經訓次公父諱緝訓緝訓處鄉有壘人以行稱正二翁云正二翁生公奇其穎峻目之曰戴氏自爾八來亡顯其能顯者幾是乎乃遺事何仲律先生受尚書何仲律先生父梅溪翁故善正二翁令其仲子仲升友之季子仲默師之二子者與公同舉鄉試公始娶程氏弘治十六年四月十日

獻縣卒五十有一又娶任氏正德五年用子
冠貴 贈封安人子男二 蚤卒無嗣次即
冠娶羅氏女五長適生員劉東次池英皆程
出次聘生員張繼武次何立次孟格皆任出
孫男山川女三程安人性貞而順奉姑孝謹
又勤密治內故公得專業以成厥志公體羸
氣下慙慙如庸懦人然邁節抗義勇不可奪
常語冠曰崇善如登不可遜爾遠貨如崩不
可近爾冠戶部員外以言譴謫南海公貽之
書云是不汝事耶勿我爲念友愛其弟爵怡
如也伯繼訓蚤世公收其遺孤分產業與之
茲有立矣買城東隙地給貧無葬所者公平
生不喜爲詞章嘗稱讀書以析理明物文不
秦漢詩不騷雅剽賊奚爲哉冠言所著惟宦
情錄教嗣錄皆昭古今之鑒揭理亂之端藏
於家弗以視人今年十二月十九日冠將葬
公黃草山之原合程安人之墓銘曰
鋪弗於其形惟厥聲必不於其飾惟爾質於

惟哲人暢美操直伊貴而富孰與叩壽溫溫
淑子令終自始厥裔用昌家爾彌光琴瑟爾
音金石永藏

墓表一首

嘉議大夫右副都御史馮公王夫人
墓表

詩云鶴鳴于九臯聲聞于天至行孚物非獨
卿士大夫閨闈之內可以化行邦國王夫人
死國中無識與不識莫不愴惻隕涕曰喪我

婦道云表曰王夫人者嘉議大夫右副都御
史馮公之配也父王麟世居信陽孟鳳里有
高誼人雅重之稱王公云王公生女頗有七
黑子學許負者相之法當貴王公廼重擇婿
久之無當意已見馮氏子奇之曰是可夫吾
女也遂婚馮氏王夫人旣歸馮氏奉舅姑善
得舅姑懽馮公廼覘其細微事亡弗若志即
又私喜曰是吾婦也馮公夜讀書王夫人績
謂公曰子之學將無同吾績乎緝勤成布業

勤成名公笑曰婦人亦知學乎及馮公舉進
一授刑部主事王夫人愈益勤約嘗曰丈夫
不以窮遠易節柰何以婦人二三其德乎見
同僚妻粧服盛麗睨弗視心竊惡之然亦弗
語人王夫人既授封安人一切自治中饋復
不忘葛覃或勸之夫人曰昔公儀子富居魯
相故去織婦夫子即有常祿能盡自給邪王
夫人專靜寡言然特明曉世務馮公刑部時
間貽鹽磚亡去者夫人曰得無爲奸亟報公

金華集卷之七

七

官發之果賂金六十兩因得其姓氏置之法
人皆廉馮主事曰夫人其見微矣已馮公陞
按察司僉事轉副使按察使及左右布政使
歷湖貴兩廣夫人皆從之官以故馮公所在
無內顧憂王夫人既自奉菲惡恒戒其子曰
爲學達志榮莫大焉席寵怙侈實汝之耻若
等慎毋騁車馬衣服爲也即諸婦無敢金珠
綺縠爲飾然至經營舅姑喪供祭祀及給賓
客往來若周恤貧乏視所宜即又無復固新

馮公以都憲致仕歸也王夫人頗意理叙家
務甚整然不及嗃嗃數累穀萬斛凶歲輒勸
公賑施飢人多所全活馮公置義田若干畝
備贍宗族夫人曰是吾願哉公又嘗置祀田
若干畝王夫人喜謂諸子曰吾每會春秋享
祭恒無實是懼汝父置此田即吾身後可亡
慮矣其孝思如此王夫人性溫仁貞慤九族
之逮里居無尊卑少長人人厭德而心嚮之
鄉人程其婦者必曰王夫人王夫人云馮公

金華集卷之七

七

季弟鋼夫婦俱死遺子江夫人育之無異已
出人亦不知他出也王夫人子三人洸少有
才名沂蚤卒洛太學生孫男二格洸子郡學
生楠洛子郡學生庚辰冬王夫人寢疾疾且
亟召洛格語曰吾死無恨亦無汝願者薄利
遠怨勵學自獻云爾以十二月五日先都憲
公兩月卒距其生正統戊辰五月二十九日
享年七十三歲辛巳十二月二十四日洛等
葬王夫人白坡之陽起冢舍開道立石用表

其墓廼銘曰珠含璞韞山澤光幽潛聲德刑
四方關雎詠美姬業昌於維靈淑育名鄉作
合君子善彌彰坤柔正位修內綱從一制義
道烈揚愛子克教惟義方厥詒有穀慶澤長
母儀婦則微以張嗟嗟逝矣烝人傷崇碑樹
德昭穹蒼風聲萬載疇能忘

行狀一首

贈中憲大夫都察院右僉都御史孟

嘉靖元年十月二十二日先君樂靜處士孟

公卒瀛等謂洋曰疇誌之洋泣曰吾父潛德
勢不能自顯不肖輩奉父訓又不能爲親顯
洋即舉進士歷今官父尚未霑一命不孝孰
大焉奚以誌爲旣洋以都御史總督南京糧
儲九年冬會郊祀新禮告成詔兩京文武
官與應得誥勅父始贈中憲大夫都察院右
僉都御史母封大恭人洋遣僕馳告先君墓
於是太恭人臥疾已月餘洋弗知也十年正

月十八日僕返洋知母疾即日具疏乞休不
迨報解官奔省二月二日抵家母見洋且悲
且喜疾大瘳明日洋乃設宴集所親上冠服
爲母壽是日母歡慰愈益健坐終日不倦撫
諸兒曰吾恒慮汝輩不能成先志汝等幸皆
有立洋且官茲復荷恩命可以見汝父地
下無憾矣是後日夜向瀛等語平生教戒無
所不至然衰憊已甚竟不可起以三月十八
日端坐而息嗚呼慟哉瀛等卜今年某月日
葬郡東郭高原與先君並藏焉謹泣血稽顙
具狀敢求大史公俯賜銘誌藉永厥問惟明
公圖之孟氏之先本金山人諱真童者仕元
爲保定路達魯花赤傳及元洪武初從戎永
平衛實先君之大父也以戰功累陞千戶卒
父勝嗣調武成衛已又調河南信陽衛正統
己巳征虜有功陞實授指揮僉事封明威將
軍母劉氏封恭人四子長端次先君次靖次
岩明威公仁惠廉節剛而有義軍中稱爲長

者士卒咸父母戴之先君諱山字宗岳號樂
靜生而英峻耿介性不屈於物脫去凡俗書
史百家技藝罔不肅心伯端嗣祖官明威公
復樂間談一切家務咸畀之先君故先君不
得專意於學以成功名然親賢樂善無以尚
之武流故習以服馬游宴相高又皆託交豪
貴爲炫耀先君盡與之絕乃儉素自持顧獨
與寒士往來交好諸生中有才俊四五輩豪
宕不羈且貧不能自給先君館之悉備所需
閉其戶使不得出遊旦夕勸勞之於是遂皆
有成見士類貧者解衣推食率以爲常先君
居家以正行已以莊庭戶之間凜凜如也雍
雍如也鄉人尊敬之弗敢狎事父母必順其
情志不徒養口體承顏色也明威公有所猷
爲語諸人輒不合先君應之亡不當意内外
有疑議即先君他出必俟歸決劉恭人喪明
常躁急不豫先君手進飲食佐動息然後得
其歡先君間不在側雖食不樂亦不飽明威

公暨劉恭人相繼卒伯端有戎事於外先君
啣哀力毀諸大事自盡無不如禮士人皆慕
之先君誓兄弟同居及二叔長各懷他志明
威時田宅廛給數口先君廣田疇數倍多置
宅第於是悉以美田宅推與兄及二弟乃自
取薄惡橐無束帛鈎金人或難之先君曰富
不如義況有命乎平居義命自安不作妄干
不爲利營訓諸子讀書課舉子業不能者卽
驅之農不欲爲商賈曰居市競利喪心害物
莫甚於此故瀛澤爲郡諸生洋舉進士瀛子
梅舉鄉試皆先君遺教耳爲子女婚必擇儒
素舊家儀物崇尚簡朴卽貴富人求婚輒辭
謝弗許葉舉人永蕃者與先君游欲爲子結
婚數言之而未之聘會葉疾貼郡守往問之
曰公疾鬱得喜心事可解葉公曰瀕死之人
孰爲喜者守再請乃曰惟兒子尚未議婚曩
有心許者今若此寧復可言又誰寧惠我守
曰第言之公曰有孟公某者雅與厚嘗爲言

婚然未之聘彼固義士吾貧且死矣卽不忘平生豈人之情哉守曰余固聞孟公高誼當不負君試爲圖之乃速郡中賢大夫與先君厚者數人來言婚先君不謀於內輒語諸大夫曰葉君成病矣何害於婚矧予心業許之苟背厥初非丈夫也請報葉君卽葉君不幸有子諱喜當子其孤爾婚云乎哉葉公聞之栗夫喜起坐明日遂納聘持所荅女紅起告先祠曰卽死宜瞑目矣郡守乃躬詣謝先君

李善長集卷之五

于羊

怒曰汝恒曰仕當如之何如之何今忝外臺亦可行矣廢而復起君恩罔極時至弗行汝志安在上負明時下負所學孰謂汝孝吾之教汝望汝顧寧是耶洋抵官五日遷叅議叅議六月先君卒太恭人郡巨姓孫氏女也父福賦性豪爽喜意氣助弱抑彊能趣人之急郡人咸倚慕焉孫公爲太恭人擇配難其人先君初配袁恭人卒亦慎擇耦聞孫公看女令媒往問之孫公雅聞先君輒喜曰此丈夫也遂以女許之太恭人旣歸先君恪慎婦道惟先君是若劉恭人性難悅諸婦間特愛太恭人太恭人進食則喜曰汝自爲之邪爲之加飯先君上奉祭祀下延賓客太恭人必自供具乃稱先君指意袁恭人遺雲瀛潮淵四子皆幼太恭人撫愛篤至不知爲他人出卽諸子亦不知所自出也先君暨諸子服食皆出其手不以假人勤治內務晝以達夜不憚寒暑先君守身無他營慕太恭人實有

耿焉嘗脫簪珥爲瀛等延師給所不足自奉則甚省約不喜侈靡太恭人生洋甚愛教之則嚴曰汝不成名於我何有庶母唐氏生江浙澤沛皆育於太恭人唐卒太恭人滋善視之無異洋輩洋爲舉子遊太學舉進士爲行人爲御史太恭人皆就養洋調桂林人皆爲太恭人憂太恭人顧益喜曰兒有言責非他吾何憂洋移汶上令遷嘉興府同知太恭人又就養洋以參議復起陝西太恭人又就養洋在官太恭人恒戒之曰和爾僚友不可偏競寬恤下民不可陵暴否卽袒席鼎食不爲汝樂貨利盈積不如無憂內省無闕雖貧何害太恭人飭行嚴潔慈惠謙恕諸婦子姓則而慕之卒之日宗族姻黨亡不慟絕焉先君生正統己未享年八十有四太恭人主正統甲子享年八十有八澧三十九卒子枋亦蚤卒女一瀛郡學生子梅嘉靖乙酉舉人女三潮子二桐檀女四淵子二相恒女一洋都

察院右僉都御史子四朴二十三鄉試不第發癰疽死大同八十管天杞女三江三十四卒子杭女二沂女一澤郡學生子格女二沛幼穎慧不羣蚤卒太恭人生二女長適葉景升次適百戶梁山曾孫女四洋娶何氏與太恭人同受誥封云先君卒且十年太恭人今又卒矣瀛諸子若孫號哭彷徨靡所冒怙宗戚失依隣黨寡式郡中無識與不識莫不感悼思德嗚乎慟哉不孝槩述平生行實踈陋無倫惟太史公秉是非之鑑操作者之權取舍之際幸采察焉

孟有涯集卷之十七

孟有涯集十七卷

浙江孫仰曾家藏本

明孟洋撰洋字望之一字有涯信陽人宏治乙丑進士官至監察御史以論張璁桂萼下獄謫桂林府教授移知汶上縣終南京大理寺卿是集詩十三卷文四卷洋娶於何氏故其詩格多效何景明而才則不逮景明之歟洋誌其墓其文亦不甚工

玉巖先生文集九卷附錄一卷

〔明〕周廣撰

重慶市圖書館藏明嘉靖三十七年刻

清乾隆九年周挺重修本

附《四庫全書總目·玉巖集九

卷附錄一卷》提要

史傳

周廣字允之崑山人弘治十八年進士歷知莆田吉水二縣正德中以治最徵授御史即疏陳四事略言三代以前未有異教況刺麻本釋教所不齒耳貫銅錄身衣赭服殘破禮法肆為淫邪宜假四裔以禦魑魅奈何令近君側為群盜典兵口實哉昔禹戒舜曰毋若丹朱傲惟慢遊是好周公戒成王曰毋若商王紂之迷亂酗于酒德今之伶人助慢遊迷亂者也唐莊宗定中原豪傑莫敢抗及與伶官戲押一夫夜呼窮皇出走臣謂宜遣巡樂工不復籍之禁內乃所以放鄭聲也陛下承祖宗統緒而群小獻媚榮惑致三宮鎖怨蘭殿無徵雖陛下春秋鼎盛獨不思萬世計乎今中人稍有資產猶畜妾媵以圖嗣續未有專養螟蛉不顧祖宗祚胤者也義子錢寧本宦監蒼頭濫寵已極乃復懷敗貨賄輕蔑王章甚至殺刺于人自稱皇庶子僭踰之罪所弗忍言陛下何不慎重宗室之賢者置諸左右以待皇嗣之生諸義兒養子俱奪其名爵乃所以遠佞人也近兩京言官論列大臣禦寇不職者陛下率皆優容即武將失律亦赦而不誅故兵氣不揚功成無日川原白骨積如山夫出師十萬日費千金今海內困憊已骨見而肉消矣諸

統兵大臣如陳金陵完擊可任其優游玩寇不加切責
哉請定期責令成功以贖前罪寧見疏大怒留之不下
傳旨謫廣東懷遠驛丞主事巢人曹琥救之亦被謫寧
怒不已使人遮道刺廣廣易姓名衣道士衣潛行四百
餘里乃免武定侯郭勛鎮廣東承寧風旨偽以白金試
廣廣拒不受一伺廣謁御史攝致之軍門筆擊幾死
御史救之始解越二年遷建昌知縣有惠政吏部擬除
憲職寧矯旨再謫竹寨驛丞世宗即位復故官歷江西
副使提督學校嘉靖二年舉治行卓異擢福建按察使
鎮守中官奸橫內媚廣行百金為贄廣貯之庫將劾之

中官懼謝罪自是不敢撓六年以右僉都御史巡撫江
西墨吏憚廣威名多望風自免去時豪右占民田而課
仍累之民者廣下令歸其田豪右謀去之明年遂罷巡
撫官不設又明年召拜南京刑部右侍郎居二年暴疾
卒嘉靖末贈右都御史初廣以鄉舉入太學師事章懋
在里閭與魏校友善為人嚴冷無笑容共鄉人語不操
土音性公隱弗受請託士類莫不憚之曹琥字瑞卿弘
治末舉進士授南京工部主事改戶部既抗疏抹廣吏
部擬調河南通判寧必欲逮竄乃改尋甸再遷廣信同
知時寧王璉鎮守中貴託貢獻頗有徵歛琥攝府事堅

持不予士民頌之擢肇昌知府未任卒世宗立贈光祿
卿賜祭

明刑部右侍郎贈右都御史王岩周公史傳附名臣言行錄

少司寇王巖周公遺像



王巖公遺像

奉

天承運

皇帝制曰士之屹節效忠
根于性匪徼於外肆國
家植翊而褒顯之益使
臣之禮也咨爾南京刊

部右侍郎周廣登庸于

先朝焯為臺臣奮擊凶豎

弗克濟是用顛頓屢瀕

于殆既而歷試庶職雅

志弗隳暨陟總憲撫方

岳進今官聲續日起可

三
王巖公遺像

二

尚哉茲以

郊恩特進爾階通議大夫

錫之誥命於戲苟持於

德局施弗宜爾尚弼爾

長慎于庶獄致民于刑

之中斯申錫有茂典寧

州竹寨驛驛丞

七任復監察御史

八任江西按察司僉

事

九任本司兵備副使

十任本司提督學校

王巖集詩命

四

副使

十一任福建按察司

按察使

十二任都察院右僉

都御史巡撫江西

十三任今職

制誥

嘉靖十年三月二十七日

之寶

王巖集詩命

五

奉

天承運

皇帝制曰人臣殫事上之心非以干澤朝廷需褒卹之命所以勸忠矧行業之著聞宜恩綸之追

王巖集誥命

一

錫爾故原任南京刑部右侍郎周廣賢科奮迹劇邑揚聲爰陟憲臺歷陳時政致權奸之見忤遂遠謫之迭遭旋因新政以賜環乃歷華階而

展蘊才猷並茂盤錯咸宜開府持麾亟奏撫循之績秋卿超貳寔叅留務之司丕著聲稱方隆委任胡貫星之遽隕悵朝露以堪悲爰率

王巖集誥命

一

遺恩用加新秩茲贈爾為都察院右都御史錫之誥命於戲臺端進列寵已並於六卿泉閔流光恩永昭於百世明章有赫靈爽其承

制誥

隆慶元年五月二十三日

之寶

王巖集誥命

三

王巖先生文集序

於序王巖周公我師也世所謂清行君子者非邪公舉弘治乙丑進士與先大夫為同年友是科得士甲諸科其最著者無慮數十公而公與焉正德間公自縣令入為柱史時倭倖錢寧居中用事公首疏論之直聲動天下斥為候吏去嘉靖初

今皇御極首詔起公官江西僉憲進憲副善學政品裁清冗人服其公未幾轉福建憲使超遷御中甲丞撫江西糾剔蠹弊吏効實尤加志窮民民甚戴之會以例裁巡撫員改公南刑部侍郎居半歲薨于位論者謂公名

王巖集序

位俱不滿德云公薨且數載良貴遇公伯子孺初氏于京邸得公集讀之已乃作而言曰猗哉淵淵乎才全而氣逸調古而思深其盛世有道之文乎非流俗詞人所可同世論也夫文之品二詞人之文藻麗為尚有道之文識度為宗藻麗發於才華故翻空而易奇識度本於自得故微實而難巧自知言者觀之其品較然矣子云文莫吾猶人也躬行君子則吾未之有得夫文不本諸躬行而徒長繁華之飾者有之矣然而未有躬行有得而言之不文者也故記有之曰忠文之貫也知文之興也仁文之愛也義文之制也忠知仁義根諸心而發之

文詞詞意相得不假雕飾而斐曄自然斯所謂有道之
文匪能爲之爲工而不能不爲之爲工者邪若公集是
已公生平大節其敢言近忠其朗拔近知其惠愛近仁
其勁挺近義而又文之以文學可不謂有德有言君子
哉顧公雖遭感際位卿佐而事與心違未究其用其文
章雖美未及施之廊廟以飾上度而其見於集率多即
事抽思撫景寄興之詞爾良貴讀其集悲焉是以論其
世也

嘉靖丁酉夏五月既望

賜進士文林郎大理寺左評事門人西昌魏良貴撰

玉巖集前序

一

玉巖先生文集序

序曰夫文道之興也而氣爲之輔是故君子涵泳乎道
則氣充而辭自昌而後有自然之文其終也道亦因文
而顯我玉巖先生周公者蓋其人也先生幼邁疑謖方
追古道不屑以文人自處進士釋褐即砥節抗俗毅然
自負以天下之重歷蒲田吉水令實惠在民民懷之
召爲試御史甫兩月以直諫謫懷遠驛丞稍移建昌令
權倖爲銜之根前疏又謫竹寨驛九播遷謫徼者九年
孤厲沈潛日益堅定起江西按察僉事轉在備副使改
督學擢福建按察使超拜僉都御史巡撫江西進南京
刑部侍郎所至秉法肅然以爲乃憤世嫉邪匡
正綱教之志沛然發之爲文雅健不浮而宏識偉議橫
貫溢出疏則忠懇剴切讀之震悚感事賦詩又冲乎有
風人之思焉蓋雖不役志于文而前極原本浩然剛方
介直之氣足以發之經緯欽縱自成機杼而凡民彝物
理之縕出處之大節雖世運登降之幾咸足稽焉要非
徒作不當以文人之辭例之也或謂先生憂正蹈危忌
者側目然能困折其身而不能使其辭之不昌能使之
不容於朝施未大光而不能少貶其道則百世而下欲
窺先生之道者先求之文亦可也故曰道亦因文而顯

平生所著述不甚省錄逸者十五斷自釋得以前曰初稿縣令曰曰鳴琴御史曰曰排雲其在懷遠曰啖荔建昌曰量移曰乞骸竹寨曰沅芷在江西曰攬轡曰閩江曰視學福建曰外臺巡撫曰曰內臺而在刑部曰邦禁皆先生所自名詩若文各自為類其大弟一以年月凡九卷鳳鳴不佞受知先生有忘年之誼而心師之曩為郎中同按逆濠餘業特誤幅日辭見贈忽忽十有七年先生歿而鳳鳴亦以言廢矣先生之三子也以志行世其家學會撫遺稿屬鳳鳴論次是過不獲與出其九粹者俾刻之曰王巖先生文集而篇目一仍其舊云

王巖先生集序

嘉靖己亥九月壬寅前奉政大夫大理寺左丞同邑周鳳鳴謹序

王巖先生文集序

王巖先生文集故刑部右侍郎周公所著公諱廣字充之別自號玉巖崑山太倉人太倉後建州故今為州人公舉弘治乙丑進士歷莆田吉水二縣令以治行為天下第一徵試浙江道監察御史歷兩月上疏諫武宗皇帝佞幸疾之欲寘之死而上不之罪也故得無下詔獄貶懷遠驛丞而佞幸者怒未已使人遞道刺公公為鎮嶺南承望風旨偽以白金試公公拒不受一日攝公閉府門箠擊之幾死行省官惕息莫敢救御史有言而解久之遷建昌令再貶竹寨驛丞會武宗晏駕今上即位詔舉遺逸公復為御史尋遷江西按察司僉事陞九江兵備副使江西提學副使福建按察使巡撫江西右僉都御史陞南京刑部右侍郎公自起廢不十年至九卿不可謂不遇而遂不幸以死不能究其用也然天下稱武宗之世能以直諫顯者自公之外不過數人耳天子中興思建萬世之業則正色而立於朝廷如公者豈可一日而無哉故嘗以謂士之忠言謫論足以匡皇極而扶世道使之著於廟廊澤被生民世誦其詞而傳之宜矣若夫詆訐叫號不見當采徒為一

王巖先生集序

時之空言似不足以煩紀載而學士猶傳述之不絕豈不以天下之欲生也久矣有其言足以轉亂爲治利安元元雖不見之施行而實天啓其人使昭一世之公道後之人猶搥腕拊掌幸其時能用其言而不至於壞也國家累洽休明迨 敬皇之世百姓安生樂業有日庶之效 武宗承緒不改其舊則生民何幸而金貂左右佞幸倡優之咲縱橫亂政而 上常御豹房輕騎嬉出六宮愁怨未有繼嗣之慶胡僧挾左道以梵呪弭賊則樊並蘇令嘯聚之禍蔓衍無窮淮南濟北覬覦之謀乘間而發是時元老大臣特從容勸 上早朝而已亦未敢端言之也公奮不顧身指切時事而尤惓惓以欲法堯舜當法 孝宗爲言使公言獲用天下蒼生豈不受其福哉此予所以讀公之疏於本朝否去升降之際未嘗不三復而嘆息也公好性理之學與劉恭簡公相善故諸子皆及恭簡之門而居官政績多可紀語具其門人陸光祿鰲所述行狀中公歿十餘年太倉兵備副使南昌魏侯良貴爲公江右所造士登堂拜公像求遺藁捐俸刻之公之子士淹士洵以序見屬因著公平生大節而論之如此云同邑後學歸有光撰

乾隆甲子余館于婁東周利川挺家出玉巖先生集示余曰先集刊于嘉靖戊午距今二百年版已散失堂兄星瀾構得之頗多殘缺先君子武揚公與叔父希陶公搜輯十年乃得借鈔于南廬金先生家挺于今秋補鐫遂成完本余惟玉巖先生建言武廟時被斥九死不悔鯁正殆由天性後官留都與邊華泉王子衡輩往來酬唱著述益夥今遺集幾湮復得後賢重刊並先生之精靈與其文辭真有歷劫而不磨者也吳興後學閔文山拜手謹跋

王巖先生文集目錄

卷第一

辭吉水縣治 排雲稿

過下邳

宮詞二首

後清明六日夢先母作

吳娃曲

東征

送韓應和之南都

送俞朝相赴嘉興

慶壽寺中夜獨坐

感遇辭

辭闕 嘆荔稿

出齊化門

下通州

九日下濟寧

南莊過田家酌

龍山詩六章贈樂子

王巖集目錄

泊鈴山道中青山嶺

望圭峯

弋陽夜泊

過彭蠡口

經玉峽

宿富口

發富口

歷贛州十八灘

下南雄

春雨

望韶州香燭山

次平浦呈黃明父

官寄達小金山

無題

寄舊

自遣二首

擬古寄方時舉

贈羽士

送內弟張武卿東歸

荅靜聞上人



荅張東所 張詩附

松窩

春日草亭

海行

登白雲山

臥月溪寺

初夏開喜雨宴

西樵道中

歸自西樵

坐月

送鹽課提舉馮廉夫考績

旅遇子濟宮

啖丹荔

寄家書

和張廷實勉學四首

過鹽法道看竹

思東歸

喜雨寄費生隱

聞孟望之謫桂林 孟詩附

王巖集目錄

竹夫人

感寂詩二十首

擬古四首

卷第二

賀方叔賢移居

方詩附 王時重攜酒見過

夢橋遺像

匪石軒玩適

白鷺

古木寒雅

觀電

題劉平妻刺虎圖

舟行肇慶途中觀山

謁包孝肅清風一硯亭

包公井

游侍御斯遊西樵失約

教舟別浦荅洗汝賓

送趙元嘿會試

匪石軒莢疏

秋夜

入光孝寺

與靜閒上人夜坐

送董道卿辭感恩今

題江湖勝覽圖

寄羅宗溫太守

動靜吟

得家書喜生第三子

答霍博士三首

光孝寺見落梅

示占城國王叔

憩景泰寺步高亭

蒲礪觀廉泉

宴大通寺林下

感春

芝山樵子歌

寄謝德溫

與董道卿話別

春日踏園

王巖集目錄

登粵王朝漢臺

湖州巡檢乞詩

贈九十二歲翁邵熙

謝人惠英石

聽琴

詠雲

送周尚德還巴陵

聞報量移建昌令

別懷遠驛呈方仲賢叔賢陳元誠

陳詩附

仲賢叔賢取前韻送別予復答之

仲賢有詩贈別答之

宿回岐大印水軍堡

登飛來寺

端午滇陽峽口二首

滇陽水漲舟復難進

清溪吟

滇陽有感寄方叔賢

入梅關

館南安行臺

懷何時矩李子長

過南安懷劉介夫

道源書院

寓南安待月樓

月舟

虛舟

與趙元嘿宿東山寺

陪王僉憲遊東山

下潁州

過吉水舊治

泊樟樹

七夕下西江

抵建昌任

寓隆道觀

秋夜隆道觀悟學

苔玉峯

後樂堂書懷二首

臥病後樂堂

留題大塘寺

王巖集目錄

登廬山宿開先寺

登如鐸上人屋閣

南康道中二首

重游廬山

過洪都上南安

南安道中紀夢

卷弟三

東歸東馬子過

乞發稿

竹堂宴寢

過宿浦別業

臥病宿浦

絕糧歎

登文筆峯

泊吳山述毛長之

過沙溪長壽寺

聞報復謫竹寨驛

治裝抵竹寨貶所

玉山遇蔣子容

下醴陵度瀟湘

望衡嶽

過湘潭

胡文定公墓在湘潭欲一拜值雨未能賦

出淥口驛

阻雪長沙東李貳守

益陽途中偶成

過白沙渡東楊亞卿

山行望辰陽

采蘭四章章六句

雲行桃源道中三首

馬底驛見野梅盛開

度馬鞍山

示淹兒

抵竹寨驛

慧慶寺逢春示馬子修

辰溪石東莫大尹

夢中得無題詩末成而覺

白巖

春日明山書舍和汪汝成

三慶集目錄

三

端居二首

春興二首

古意和汪汝成

汪詩附

泰中丞委署淑浦不赴

竹寨書懷

暮春卽事

游下明山

山中夜聞雷雨大作

下下明山

詠歸亭雨霽

泊江口驛

寓淑浦縣公署

回自盧溪宿山塘驛

竹寨寓志

渡江上明山

秋夜詠歸亭玩月

辰州王生芝伯唐生與賢過訪留別爲賦

沅之山賦

感事

詠明山端峯三首

詠雪

望明山積雪

和汪汝成見寄

湯興

寄武生綬

寓馬東溪館

與高太守話舊

余自丙子歲過此結一草亭辱四方賢士踵至日

講習其中喜而賦詩樂與諸君歌之

示馬生應乾

山中示孫生說

勉舒生誥誠昆弟

哭陳時周

問漁舟偶上磯頭

我石二章章八句

贈袁生嘉會過訪

自江口兼程赴毛汝礪約

追汝礪不及

落齒

寄毛汝礪

燕尾山

聚春樓

寄孟望之

孟詩附

寄周貞菴先生

贈危生嶽東歸

送蔡從善東歸

示淹兒二首

春日卽事

遺辰溪張尹

呈毛侍御汝礪泰中丞國聲二公

過澧州寄毛宗召

登岳陽樓

懷王宜學遷謫諸友

過華容觀明山草亭集賦

和沈郴州文明韻

贈黃參戎

泊池州荅張洞雲 思東歸行

和張常甫小姑山二首 輓尹侍御

贈葉尚源通判之京 馬子遇鐵鉗草堂

城東別業

卷第四

下信州寄江汝思景 陪朱侍御同游瑞相寺

詠圭峯和疊山韻 寓信州閱兵

寓建昌府 寓撫州行臺感懷

酬王德徵春雨二絕 輓江汝成

虛白 弔許忠節公二首

五樓集目錄

送方進士閩江葉 江城

題東林寺虎溪二首 同曾憲長游天池寺二首

夜宿天池寺 驅車四首贈顧惟賢 視學

酬汪僉憲 雙節詩

弔陸汝亨 西江行贈程都閩

晴日辭贈周于岐 港口遇張文甫留別

感別十詠有序 竹塘書屋爲蔣中丞題

寄周以發 過虔州懷林以乘

白口一章輓劉以貞 寄祝遙緒

爲胡大聲侍郎題乃翁墓碑

武寧道中二首 憶兒輩

病中卽事 萬年道中

遊青原山 王乳洞萬壑巖

洪陽洞乾坤一柱峯 別友

宜春亭饒蔣滅刑 建昌有感

寧州山 待恩堂詩爲陳都憲作

卷第五

陳湖訪外家王氏外臺 過閩間湖

過吳江垂虹亭 泊舟趙清獻公祠下

游武夷山和朱文公棹歌十首

五樓集目錄

九哀 簡林廷元

偕丁方伯沈憲副葉轉運爲鄉同年會賦

苦雨二首 和祝鳴和催晴

仲春游鼓山 寄嚴仲周

端午登烏石山 月下聞簫星祝鳴和

晨起 中秋翫月和祝鳴和韻

夢詠 寄邵思抑用前韻邵詩

聞武 寄高汝白高詩附

和范汝和游鰲峯范詩 和祝鳴和丙戌長至十韻

題畫爲祝鳴和賦 感事

題查元博楚齋卷

偶作

寄友

酬顧九和韻九詩附

新正試筆和祝鳴和野芳韻九詩附

送方太中

送祝鳴和賀萬壽節

獨坐酬劉黃門劉詩附

送蔡巨源三首并小序

聞洵兒讀書聲

三友亭呈范汝和

贈汪生濟時來訪

送邵思抑并小序

秋日行臺內臺稿

贈唐侍御復命東還

題九江行臺

寄淹兒

御碑上安陸州出九江迓之途逢重九節追賦

王巖集目錄

卷一

謁墓遇雪阻舟

贈或人

送人之粵

送張真芳之柳州

泛陳湖遇風

追憶丙子歲出牛欄關

南園別業東顧野泉

秋風歎

卷第六

入雷都謁

孝陵邦禁稿劉詩次韻附

齋居次貞巷師韻周詩附

酬萬中丞仕鳴萬詩附

雪行出大理寺

鄉會

自清涼門入上元

和孟望之桂林原韻孟詩附

再疊前韻

又和

春雨決旬用鄉會韻 病目

清明前三日目疾始愈過方沼東軒上一憩

論詩東孟望之

官廨歌

三月上巳游蔣山

張邦奇和韻附

和貞菴師游蔣山韻

曉春公署

和萬仕鳴賞牡丹韻

登雨花臺

望之列雨花臺西園爲二題各和其韻

共二首

鄉會析匏翁句爲七韻韻各謾成四句

共八首

壽毛彥深

詠雙節婦

京口懷孟望之

訪楊邃菴閣老城南別業

王巖集目錄

卷二

渡淮

淮上行寄劉中丞介夫

上徐州

舟中良暑東丘侍御

呈邵思抑

酬丘以義

甲馬營夜聞笛

齊魯燕趙道中偶成四絕

直沽遇衛祐

夜宿直沽

白河有感

水漲丁字沽阻舟邵銳和

舟發蒙村

送魏子才致政東歸

入朝陛見

感遇贈張錦衣用清

訪張子醅

一舊

贈陳進士儒

中秋宴張子醅一笑亭

剛駱原忠駱詩附

畱別張子鵬

發舟灣下南還

贈歸安舉人張紳

乘月渡淮口占一絕

淮南卽事

登翠微閣柬任德孚

李侍御峯舟餞送寒山寺

松園壽張天方

贈章汝明調官南回

世路行

贈楊評事考滿

三月隕霜凡三旦

趙都尉家賞牡丹

又詠

禽言二首

和貞菴師梳髮韻

楚吟四首

彭蠡歎

太平岡賦

王康集目錄

士

贈馬參戎

高吾行爲兵侍陳宗禹賦

送邊司徒致仕

謝張都憲惠蓮房

畱別邊廷實五首

送宋郎中出守潞安

謝貞菴師惠新木

寄題周以發山樓

卷第七

寄方東原先生書

貽周翠渠諸公書

與張文臣書

寄陳侍御時周書

諭民文

吉水縣志後序

交趾參議追贈朝請大夫贊治尹解公墓表

端理化機以守成業疏

游白雲山記

炎荔稿

送廬陵劉仁溥序

靜閒上人序

薇垣山斗詩序

與黃僉憲明父書

寢箴

邵郭勛總兵金書

復魏子才書

寄章楓山先生書

復梁宗正書

卷第八

祭李敬子先生文

量移

南寧府通判王公墓誌銘

君子堂記

荅陳侍御時周書

荅汪僉憲汝成書

沅芷

荅田川守惟立書

又

橫渠晦菴祠續道統對

王康集目錄

士

端峯銘

與沈廉憲仁夫書

洗心亭記

寄林見素書

截屋傳

金處士配孫孺人墓誌銘

與沅州馬生書

攬轡稿

上費閣老書

勁節亭銘

議處救荒事

乞致仕疏

議移築九江城

送陳中丞遷大理寺卿後序

南昌縣學題名記

酒箴

視學稿

增修疊山書院記

義夫序

題南川諫草

卷第九

送湖廣左方伯蔣公之任序

送浙江廉憲錢桐溪之任序

鼎銘爲朱童子作 祭王都憲與時文

題兩山輓詩 乞致仕疏

慈湖遺書序 重修白鹿洞志序

論地方事宜啓 外臺稿 乞致仕疏

論地方啓 議獄啓

送方太中東歸序 送聶憲副之任湖廣序

修復舊制疏 內臺稿 急救民瘼疏

玉巖集目錄

災異疏 乞致仕疏

謝賜明倫大典疏 命三千名義說

到侍郎任謝恩疏 邦禁稿 太倉州儒學龔經閣記

災異待罪疏 貞菴序

自述

附錄

送周充之知莆田序 贈邑侯周君應召北上序

贈周子之懷遠序 贈別周充之序

送玉巖權長閩憲序

送大中丞玉巖周公巡撫江西序

送大中丞玉巖周公還朝序

送司寇玉巖周公北上賀 萬壽節詩五首

玉巖記 抑齋題辭

通議大夫南京刑部右侍郎玉巖周公行狀

通議大夫南京刑部右侍郎玉巖周公神道碑

祭文 八鄉賢祠祭文

輓詩三首

玉巖集目錄

嘉靖戊午冬

梓千仞草書屋

玉巖先生文集目錄

王巖先生文集卷第一

舜吉水縣治

舟發文江浪不驚一天風雨正開晴中流自在揚帆去
此日相看弛擔輕在邑矢無私半點到家喜有鶴雙清
鳳池春色千門曉應爲吾民達隱情

過下邳

江天曉放晴狼藉雲輕積雪寒猶壯春深草未青孤
郵流水遠獨鳥去邊明烽火中原急城笳處處鳴

宮詞二首

碧窗開傍杏花枝春日融融向午遲獨倚闌干看雙蝶

王巖集卷一

隔窗相逐趁風吹

策名禁掖卽承恩何必求文風至尊況復年來輕盛色
空懷明月坐黃昏

後清明六日夢先母提攜左右宛若力於田諄諄

教誨如生前之狀既寤作此自哀

想值清明寒食節夢中夜夜見慈親江南江北三千里
身後身前咫尺真魂斷蕭陽長別日思牽芳草綠煙春

八年祿仕君恩隔嗚咽東風淚滿巾

吳娃曲

江南二三月花滿闌闌城誰家浣紗女臨水獨盈盈嬌

豔奪荷花額盼今國傾君王宴無事歌舞方縱橫姓字

籍金閨不辨猶與衛夜深管絃絕月落烏啼徹館娃醉

西子承恩亦爲悅纓佩紛陸離離寵光照雙扶桑海日

動旌旗暗東越姑蘇臺既空飄落天涯雪一逐閩嶺南

再逐楚江潭秋風吹雲雨窮窳羞難舍豪俠五陵兒狎

侮信不堪顧影常歎歎撫膺復悲慚負石從湘妃恍惚

誰能探願言因綠綺託之寫心矢我非桑間人亦非壓

酒妓香名隨清風銷骨坐成毀醜態嫉娥眉古來已如

此紅顏鏡中凋貞心良不死

東征

王巖集卷一

天狼夜照邯鄲地羣龍經年尚爾驕餉道綠楊煙裊

關城白骨雨蕭蕭山橫劍戟軍容整日耀旂旗王氣還

漢代麒麟簪繪筆將軍誰是霍嫖姚

送大理評事韓應和之南都

牢落風塵際晚收五雲深處識荊州平標試拂臺端目

論議驚回峽下流蕭寺鍾聲丹闕夢林陵山色疎庭秋

明開江上孤帆遠環佩還疑出鳳樓

送俞朝相赴嘉興推官

郡城木落鴈南征故舊相攜險別情內相郡人高風懸

獨仰中秋夜月憶同明永涵山影襟期微雨過棠林狂

獄清香漢丹涕元咫尺知君年少足功名

慶壽寺中夜獨坐

君子在爾室中夜不能寐攬衣坐庭隅明星爛珠珮零
露濕園蔡鳴蛩作賓對抱此耿耿懷未適誰與會時欲上疏
疏稿歷歷于懷

感遇辭

秋風蕭蕭兮草木稀白露下庭除兮朝晞壯士悲歌兮
黃塵飛吁嗟我生兮誰與歸

辭闕啖荔稿

雨色冥濛映翠鑾孤臣北面抱辛酸天顏咫尺成千

王康集卷一

二

里嶺海難虞憶萬端褐服微行違大內青山作伴送征
鞍獨憐江上曹尋甸同年戶部主事瑞卿分我思君淚未乾

出齊化門

步出齊化門南望臨潞河朋交從此辭返顧靡有它亡
匡漢張儉奔棲何坎軻豺狼當路蹲囓我孤僮奴忠誠
天不薄而卒脫綱羅秋風吹我裳京逝生白波延佇瞻
太陽鬱鬱愁思多愁思多何爲雲霧翳不磨江漢旣湯
湯梅嶺亦嗟嗟山水隔中州迢遞其奈何願鼓無言琴
慷慨發長歌客行雖苦辛吾生信蹉跎雲霧開有時輝
光舒陽和

下通州

嗟哉吾道竟何之白日西飛鬢欲絲達士如弦終不遇
細人延蔓正當時嶺南薊北腸應斷地老天荒勢莫支
明發泰山三拂袖紫霄雲外鶴逖迤

九日下濟寧

首夏臺端客殘秋嶺表人孤忠依日月鬢鬢老風塵星
漢浮河彩葉萸滿眼新客舟非杼軸何以織波頻

南莊過田家酌

下築倚南阡居鄰絡井連野翁情更樸邀我意能專促
膝供雞黍溫談在有年慙慙數杯酒稚子候橋邊

王康集卷一

四

龍山詩凡六章贈三衢樂逸士子仁

龍山蒼蒼維子之舍何以卒歲耕春耘夏

蒼蒼龍山維子之居何以卒業左圖右書

溫溫逸人在彼下洲未及覲止我心則憂

逸人溫溫涉彼下洲亦既覲止我心則酌

龍山之薇薄言斲之下洲之泉薄言掬之與子攬衣游

之息之

龍山之薇願言芼之下洲之泉願言飽之子不我遐中

心樂之

泊鈴山道中青山嶺

性僻耽山水停橈輒恣遊摘花裋帽側攜酒面溪流遠
思來青嶂閒情付白鷗吾生誠有命踪跡半南州

望圭峰

引領滄江上圭峰拔地雄莊嚴朝北闕日月礙長空侍
立窮峰小嶙峋疊岫崇晚景參錯映秀色自天工

弋陽夜泊

暝色起四合舟行遽一程客廚誰遣酒樵爨但炊粳漁
火雜江斗水雲依石屏無言慰岑寂鍾鼓動寒城

過彭蠡口

東書萬里投荒裔盡日孤舟與水鄰海內交游魚鳥絕

三巖集卷一

燈前宴語僕僮親長空白日皆心督到處青山是主賓
欲下湘江憐屈賈恐彈清淚激江神

經玉峽

重歷西江憶曠昔江水粼粼識顏色橫雲玉峽峙雙崖
影倒中流壓船黑瀟泉紆曲奔激湍青嵐列遠秀可餐
吉州人物半朝端文山歐子真琅玕

宿富口

小童楫拙暖麻姑帆外蕭蕭霰雪疎殘燭杜詩看不了
乾坤飄泊一征夫

發富口

風急沙頭雪打蓬夢魂驚繞碧龍宮曉來覓贈相思句
腸斷梅花玉嶺東

歷贛州十八灘

凍雲排空四塞黃日色慘澹寒無光山城寥落晨未啓
朔風卷雪紛蒼茫舟徒股栗蝟毛縮舟行石隙草之曲
邑人謂上灘舟行如之字不借天風吹席帆雪濤那似翻銀屋十八
灘上何難失勢一落驚躋攀彷彿蜀道登青天馬牛合
脊臥不起糾轡稜曾向人利丈夫事業在四方伏波宜
殺終軍志飄零誰笑阮途窮故人美酒遺千鍾野梅自
向空林發催我新詩句轉工

三巖集卷一

下南雄

天風挂帆席煙雨任淒淒鄉俗殊中土人言雜五溪呼
名山鳥遯歸洞野雲低數向舟師問前村若箇迷

春雨

霏霏復霽霽侵曉暗溪頭半濕孤帆重新霽萬象周兼
煙平接水帶霧遠含紅風薄衾裯潤寒驅酒力浮元機
開棗齋客思滿汀洲迷斷天南路青蕪指去舟

望韶州香燭山

曲江先生墓

黃塘南下碧溪潯渺渺平蕪入翠岑遷客路迷津驛
曲江人去暮雲深疎煙遠岫三湘思落日滄江萬里心

古木半枝撐夜月不堪猿鶴和清吟

次平浦呈黃明父僉憲

落日宿平浦扁舟繫綠蘿水深溪月白夜靜榜人歌歸
鳥生鄉思殘燈引睡魔使君霄漢遠雙鷁去如梭

官窩達小金山

蕩漾官窩口看雲悵別離萬山成獨往一水繫相思細
雨夢蕉綠微風桂檣遲故鄉何處是不復託來時

無題

堪輿何鼎鼎身世共悠悠至寶傳今古虛名集贅疣陶
潛千日醉杜甫一生愁敬就耆龜問心期託去留

王巖集卷一

寄舊

明光有路達炎州雨露先春草木稠迴鴈峰前鄉信杳
落梅嶺外驛亭幽微吟短句供清晝旋倒芳尊破獨愁
遙憶吳門花似錦與誰述作謾同遊

自遣二首

林泉鍾鼎各天真何處乾坤不著身流水高山寄餘興
落花啼鳥送青春

朝廷有道容閑吏日月無私照覆盆一片機心牢落盡
枯鱗何事泣波臣

擬古寄同年方時舉

庭中有佳樹好鳥鳴枝頭遊子懷所思中腸沈百憂豈
不愛春芳芳春久淹留安得同心人俯仰常優游

贈羽士

何日謝塵鞅桃花滿洞栽白雲鎖芝室紫霞流玉杯
同靜書卷裾珮飄徘徊時時馭風去但遣鶴歸來

送內弟張武卿東歸

春啼子規曉花雨暗山房萬里書雙淚孤燈影半牀幽
懷將逝水離恨壓歸航美爾晨風翼綢繆但舉觴

答靜閒上人

淚濕青山海上時人情誰不念分攜天涯自古英雄地
未必浮名動鐵脾

王巖集卷一

未必浮名動鐵脾

答張東所

候館迎風戶未關春雲撲帳夢初還桃花滿地鉤輈叫
不謝仙源一點丹

奉謝充之枉顧

張詡

英風吹動鐵橋關前代朱雲今又還君有宿緣應過
此朱明洞裏去分丹

松窩

衰翁思結東達士愛徜徉十里松陰滿何年夏子藏
徑徑羣鹿承世世采芬芳不到南山去酣歌化日長

春日草亭

春服新成試春日尋芳偶此草亭行欣欣萬象渾如我
拍拍滿懷那可名求赤之間見會黜義皇以上失淵明
竹陰窗外潛移晝忽聽鷓鴣四王聲

海行

跨絕鯨鯢意欲東仙槎有路信相通風雲變化三山外
天地浮沈一望中精衛寧能乾血吻爰居無復報終風
夜深恍入鮫人室驚見扶桑激灩紅

登白雲山

天風送我白雲來披拂蒼旻瘴霧開坐悟塵氛迷下界

玉巖集卷一

仰觀象緯列中台翠微深入衣裳潤滄海前途度暈恢
吸盡九龍井名在白雲谷吹鐵笛步虛還上月溪臺

卧月溪寺

鍾鼓離離出梵林上方歸定息禪心山靈何事驚車馬
肉眼相看說古今萬壑松聲破孤夢一溪月影伴清吟
天雞喚起東方白身世那知在碧岑

初夏開喜雨宴會有以題麻報者予了知其僞爲

賦一首

餘生滄海足仍仍已買漁竿下碧澄何處忽傳天
至向來忠憤又填膺

西樵道中

君平厭與世相親長作深山老衲鄰踏遍西樵雲外路
笑殘今日嶺南身峻夫東楚閒隨犬茶女提筐懶避人
共逐斜陽歸石室一庭簪菊爲誰新

歸自西樵時元照邀過朱烏巖叔賢偶疾不果

天空海闊四山晴數幅蒲帆破浪行雲樹蒙茸隨岸斷
渚鷗容與傍船明未緣朱鳥難招隱自是青門有課程
望望白雲仍在眼扶搖安得起鯢鯢

坐月

明月流素光皎皎入我室攜席坐花陰長空洗一碧我

玉巖集卷一

懷良正聞上下同湛寂此中有真意脈脈誰能識光風
生卿雲海氣忽浮白浮翳久盪摩曾是損虛魄清詵芳
踟躕精神欲飄逸爲問奔月仙長生竟何術我本謫僊
侶靈藥許分食月僊杳無語徒令企南極因之動遐思
對月歎偈側三五澹縱橫羣籟亦已息起舞發幽吟蟲
聲週四壁

送鹽課提舉馮廉夫考績

羅浮曉暈僊霞紫海上風吹鷓鴣雨鳳凰臺下客東歸
月照山頭會稽水太清穆穆三載遙羣池宴集重遭遇
我向滄波把釣竿石門離思生芳渚

旅遇平濟宮數旬名軒屋曰匪石與同志者藏焉

修焉暇命玄明子築石臺一方植嘉卉開池盆

以引鶴畜魚其上而三峰倏自海外來予主之

浹旬猶未落其成也三峰托重於孟陽張子諸

君期予一詠予恐取三峰尤賦而謝之

竹色荷香雨外分素絃堪此奏南薰三峰神秀吾還上

一鶴孤高夜失羣客到花前如有約風行水上自爲文

葛巾松屨終身事臥看青天飛白雲

啖丹荔

緋衣何綽約爛漫醉炎洲已歷蔡君品還銷蘇老愁驛

玉巖集卷一

塵清北路盤核擅中羞寂寞太官意無由貢 晁旒

寄家書

曉日常昭心上赤春風新白嶺南頭鄉人滿眼重歸去

一度修書一度愁

歛人吳德夫持張廷實勉學一絕索予和因成四

首兼示門下二三子寄勉白淳

源源道體本無爲人弗神明道昌資其歎望洋難下手

勿忘勿助計功遲

蓋許塗人學禹爲滔滔學者恃天資善人亦負宜尼謫

入室終還較更遲

大有爲時在不爲從來內外互相資參功力元深久

一唯真傳詎是遲

非是護中曷辨爲它山之玉石須資若教內省行天下

蕩蕩皇風化日遲

過鹽法道黃僉憲清節亭看竹

野迹公庭又一來竹扉斜日爲誰開數竿淨色侵書几

滿地輕陰亂石苔清節主人渾漫興談玄居士欲停杯

交情耐久思君子應許平分雨後栽

思東歸

玉巖集卷一

春花秋月大家同造化元來乘至公蘇武有心歸塞北

管寧誰欲老遼東具區段莢饒賓鴈粵海風波亦巨鱷

自是唐虞聲教遠殿前耳目尚蠻戎

喜雨寄費生隱

風起江東樹碧天生怒雲崇朝合膚寸載雨過川瀆解

酷人情豫添潮海量云晚晴踏莎看新意許誰聞

六月三日聞同年孟望之謫桂林賦此寄懷

高以匪石軒炎蒸鬱幽獨披襟倚南牕廓落不羈束清

風萬里來餐之聊自足徘徊復徘徊悵望極遠目北山

有尚臺層陰結重屋百鳥喧爾巢流落雙黃鵠黃鵠不

自哀尚臺勢欲摧寄語黃鵠燕泥昔日悲天宇更昭

躑躅翾翾堪壯一飛南海濱一飛桂林象東西各異路
耳目遙相向思君我欲從雲頭挂羅網君欲我一適行
道百詬謗何能絕地維居然此堂上對此天月明百盞
復同傾飄飄舞袖舉笑拂銀河澄共拉浮丘翁遊心歸
太清

寄周充之

孟洋

君從嶺海駕輕舟予亦瀟湘溯碧流悵望雲天俱墮
淚相思月夜一登樓魚龍巨浪春應適瘴厲深山雨
更愁飽食殊方各努力南中佳麗足遨遊

嶺南伏暑後秋氣尤酷有以竹大夫遺我者賦此

爲謝

系出湘川綠水涯清風裙佩綠鸞叙偶通匠氏成媒灼
旋締姻緣下客齋雲山巫山空作夢炎蒸懷抱恰相諧
縱然一夕涼颼奪節操恩情兩不乖

昔有唐陳子昂作感遇詩至晦翁讀之深加歎賞
獨惜其溺於神僊以爲高亦效其體作或興詩
一皆道學之微言予有所感作感寂詩二十首
所以承其風韻之遺響而寓一時性情之真也
違道與否觀者評之

長步羅浮丘雙目送千里大海日東流浮雲去無際

流不復返雲去忽聚散雲水相忘悠哉川上歎
昨日修茲辰茲辰復明日萬世若轉輪斯人徒汨汨神
聖超三古丘索洞玄密云何王通氏著書思僭武沒世
疾無名好名乃滋惑

秋風動蟋蟀枝上鳴鵲鳩羣芳正茂藪胡爲坐消歇物
理有推遷蹉跎惜朱顏出郭爲卜居聊以終吾年

周天與周歲變化每陰噎流觀百代間雍熙幾多世宣
尼甘執鞭浮雲龍富貴不見東陵侯種瓜青門頭天爵
吾自有營營安所求

太極乘氣機聖人神化本機本握綱維默與元化混四

爲謝

時自成序令動亦蠢蠢神明妙出入擗存在欽謹上帝
左右臨游衍罔招囂澹泊守無爲行將友顏閔

岐山有丹鳳偶應昌期鳴鳴鵲集羣虞人起猜驚無
論妖與祥羅網施欲并丹鳳揚六翮上帝訴天庭不啄
玉山禾機心爾徒生吁嗟兮虞人曾不察形聲

井渫必先竭木材必先備楚人弔鮑勝莊子哀廟犧傑
哉禰正平殞身鸚鵡辭君子貴知命胡乃是棲棲千載
讀此文感激生酸悲

寒月照青海蕭條多朔風長安銳頭兒跨馬如飛龍自
言良家子結髮事戎戎赤心報天子突入單于宮去病

不顧家李廣恥侯封一洗漢家辱歸來不言功上書修
文德緩急奉君終

天下何懷攘白首爲利往仁義遑遑求董子儒氣象銳
意事口體天君日凋喪作德恒休休元命基自壯如何
巢山子肯以天下讓

聖人育羣動至和薰兩間神仙私一身逆化求長年八
駿窮宇內三山驅石鞭幻罔惑終古周秦安在焉脫蹤
謝人世諒哉非至言

幽蘭生空谷桂樹叢芳林清風爲之媒流芳玉臺陰歲
久不能媚棄置遂淪沈當其未遇時豈有求賞心蘭桂

王康集卷一

五

性不改寧萎林谷岑

秦皇照膽鏡不能鑒高斯武丁夢寐間旁求版築兒三
世既以促商道重光輝存亡在所任側席宵旰思大義
天地間亘古良不移讀詩白駒篇三復興差咨

方池蓄止水發源崑崙巔纖塵無留宰天日泳其間蕩
蕩復平平萬象羅仰縣微風爲之動鄰鄰起波瀾擣
日不已汨沒無可觀風定水還止本體澄如前

東人女西子西家女無鹽娟娟貯金屋一身比三千西
家聘問寡四十婚媾愆西子兆女戎舉國蕩燼煙蛾眉
掩黃土老醜尚爭妍松栢有貞性殊與金石堅桃李灼

灼姿委泥春風前去去莫復道榮華何足言

太宋忽淪沒中原荆棘生衣冠汗戎狄綱常爛如羹顛
倒百年內天意鍾聖靈乾坤再造闢日月重光明功

德比堯禹萬姓登昇平金甌酌天河豐亨戒持盈

帝王製蠶土賢賢而親親藤秦置以守始思謀一身兩

漢壞臧宦三國以鼎分晉隋處閭位餘氣徒紛紛有唐

府兵弊尾大掉不伸蔓延六朝天厭殺氣昏杯酒馴

宿將奸曲賣天恩乃知不測虞法弊和懲問萬古道不

變與時球其偏乘除測玄數神化歸養前

勸君莫築臺臺高易以傾勸君莫鑿池池深亦易平梁

王康集卷一

六

閭閻草萊金谷安在哉造化忌盈滿日月輪魄虧景公

泣牛山永爲後世嗤夷齊臥首陽千秋名不隳

瑤臺三株桂玉露夜團團昔年神鳥來經宿棲其端一

別去千載桂枝蟾影寒花開不結實香風哀宇開我欲

緘一書因風謝神鳥道路阻且長川源復浩淼引領瞻

紫微憂懷不能歸

老聃出西關仲尼東海蹈子卿臥沙漠坡翁跨厓島旅

人周四方所適賴吾道吾道誠悠悠去矣行曷休崑崙

騎白鶴羅浮覺丹丘會招赤松子冥觀大化流

鬱鬱盤石松女蘿卷青蔓飛飛揚柳花連雲蔽霄漢婉

戀復飄揚春心何浩蕩爲謝隄上人莫追黃犬歎

擬古四首

客從東方來遺我一束綺上有鴛鴦紋緘以同心字長
跪埋緘綺故人如尺咫曠別未有期爲心曷能已願言
托長風臨臯把蘭芷

玉衡指孟秋涼風已蕭瑟明月皎夜光促織鳴東壁遊
子寄何方歎弊歎孤室仰視銀漢流牛女一水隔七夕
有佳期人生願離索

粵南百尺臺樓閣切雲開上有離居婦慨歎一何悲自
言罹毀詠重與君子違黃昏以爲期中道忽徘徊織絳

玉巖先生文集卷二

七

不成章爲容祇萌猜青松知妾心明月與妾偕永矢弗
能諉君意詎可回願言托明月流光入君懷君懷良不
諧賤妾將何爲

魯女悲漆室展禽抱寒賸賦物竟忘情有祕斯有應子
期一朝沈伯牙破絃琴鼓適則已矣何必求知音

玉巖先生文集卷一

玉巖先生文集卷第二

賀方叔賢移居

嘆荔嶺

古人重遷次吾道喜同歸千仞翱翔下交鄰信善依熊

羆今叶夢

時叔賢正無子

花萼正相輝已與秋風約閒來一扣扉

扉

新居小構玉巖賞予以詩且有扣扉之約次韻奉

荅

方獻夫

淵龍尚有宅林鳥亦知歸暫愛喧闐遠終期水石依
遐方欣偶合早歲挹清輝自得秋風約經旬不掩扉
王時重攜酒見過更期遊白雲山賦十七韻

玉巖先生文集卷二

一

平生愛丘壑靡由超物累十載棲崑崙談道終罔昧力
江揖元公七里坐巖瀨素心澹秋空頓悟半世醉乃向
天子前乞此督郵吏啖荔有餘情吾駕從茲稅輿來輒
賦詩倦後酣一睡翻身笑天地晝夜局元曾逍遙王子
喬脫屣謝塵世白雲結幽期乘鸞石軒翹引杯酌玉液
遺我明月袂鶴髮何蕭蕭童顏豈可駐問之長生術但
嘯而不對海霞騰日精松雪舞空翠觀化極無外冥探
得玄契何時上瑤臺舉手一揮袂

夢橋遺像

粵人遺腹子生不識父一夕得之夢中簡以告其母母曰唯唯乃作遺像乞子詩以章其異

南山有橋木摧落秋風前下有孝思人日詠蓼莪篇梓
陰茂春綠本根安在焉雖當蒸蒿時洋洋索冥玄顏色
不可見惻愴中心情落月滿屋梁夢寐忽相牽生來不
識面彷彿觀其然精誠動千古況乃心志堅莊周與蝴蝶
一體互變遷此身父之遺父貌誰能傳爲子作歌章
時時瞻所天

匪石軒玩適

長林被青靄斷磻瀉潺湲擊水碎明月開窗來遠山草
細書帶葉花發玉童顏體悟靜中意誰能宇宙閒

白鷺

白鷺白如鶴連卷立芰荷窺鱗間照水落渚遠明沙側
目思霄漢離羣出網羅平沙秋雨晚渺渺獨傷波

古木寒鴉

落木起悲風瀟條秋思空乳鴉明數點撩亂夕陽中

觀電

一電復一雷明威合成章閃閃走雲端恍惚幡宮蒼
耀奪人目燭我心肺腸我心有忠赤精氣互烜赫垢豎
不能障長照 君王側舉世忘太潔逃名友沮溺問電
爾何爲中宵辨黑白爾電旣昭昏爾雷亦有神胡不斬
妖魔從此清乾坤時雨下九天民物騰懷忻

題劉平妻胡節婦刺虎圖

朝出齊疆暮楚隅夫君嘗不愛孱軀金戈未枕沙場冷
管血先塗草墊枯稚子疾呼天地動老妻徒搏鬼神扶
展圖尚覺英風起忠義人間女丈夫

舟行學慶途中觀山

青山鎮長在白雲飛不歸悠悠萬古意回溥蒼冥微虛
谷抱深靄浩波奔駭發孤懷澹秋色落日散晴暉

謁包孝肅公清風一硯亭

龍圖先一鐵石精當世正直稱神明寸心高縣白日皎
一笑共擬黃河清立朝暗落奸諛膽出放監燭幽隱情

三

大節千載激貪懦敬瞻遺像英風生

包公井

仁人利羣物身後澤還遺古甃滋葍蘚銀牀覆剝澌往
來求至足施與了無私萬籟息中夜青天明月窺

洗汝實侍御期遊西樵失約移詩責之

宇宙從來有此山襄陽到我更誰攀紫雲石撲袂如相
識寶剎留春雅待閒埽石坐吟松雪冷披林延聽竹泉
潺相思一夜茶蘼發空對前溪月滿灣

高大和按廣東偕洗汝實餞鄺文博于海上予適

放舟別浦大和不知令舟師詰之子詩以答汝

實因風大和知之

銀漢無聲夜氣涼
牽牛織女遠相望
伯勞東飛燕西去
巫峽不鎖江自長
蕩槳放歌山帽側
臨流把酒墊荷香
使君未識天隨子
爲問逍遙何處郎

送趙元嘿會試南宮不及寄懷

至樂新相知至悲生別離
君今遠行邁忽忽臨期違
欲語未由盡惻愴
恰河橋西古稱會合少
誰似別離難我本
瀟散客誤入風塵
囊促促回馬首仙舟已前山
渺渺隔煙霧獨立不能攀
願飛安得翼欲濟無舟車
石門多白雲剪裂成素書
長風一時還飄落君之裾
世士易然諾

王麓集卷三

四

諒不移本初所以意相將
無徒增慨傷笑共黃花語爛
熳蒼重陽對花凝對君把玩有餘香

匪石軒菟蔬

乞得玄明一掌畦
呼童指點學鋤犁
縱橫界外眠碁局
欵刻封科印馬蹄
雨後剪松詩客過
溪頭抱甕夕陽低
東鄰野老勤相問
一笑看雲到嶺西

秋夜

明月照高樓
庭空夜涼永
道心殊更清
幽思未能整
之子在萬里
棄我如遺綆
自古皆有然
行將吸光景
入光孝寺

山中時一到
愛與靜公遊
門迴堆黃葉
軒車駕白牛
汲深烹夜月
掃僻坐雲秋
明發出門去
風塵又滿頭

與靜開上人夜坐

一榻分雲是宿緣
坐深清夜欲逃禪
寒將互語窗窺月
花雨紛飛法護天
悟處祇嫌辭說費
靜中偏愛性靈圓
東林自適聞鍾趣
何用揮毫智未傳

送董道卿辭感恩令還東

雲去蒼梧不復還
江流依舊日潺潺
幽蘭在谷誰爲賞
北斗橫空未可攀
海外初歸雙眼碧
囊中新製一衣斑
道卿以冊古今忠孝何曾異
應待先生立大閑

王麓集卷三

五

題錢塘蔣子容江湖勝覽圖

人關江山在歌江山爭似閱人多
知君後夜錢塘夢打疊書倚碧蘿

寄羅宗溫太守兼呈曾光表憲副

經年無復報書來
世路多岐衆所猜
鶴唳九皋雲破裂
梅開三徑月徘徊
投梭誰是曾家母
契語終推莊子才
尚憶西軒同榻話
肩輿參竝過山隈

動靜吟

未有天地先孰動孰爲靜
沖然一太虛鬼神莫窺朕
網緼既相盪流行乃天命
動靜如循環本來各有定
惟兩

故能化惟一斯神聖由一以達萬會萬歸一境所以我
元公上靜翠裴領人文兆易畫頁琴起譏警君子紹真
傳虛明是超省

九月七日得家書喜生弟三子添科

是夜抱送此嬰孩深我花前菊酒杯老去情懷渾有賴
收還圖史再爲開三間宇定乾坤大一片心傳世俗猜
敢向親朋說英物祖宗積德百年來

答霍博士

道人深臥水雲間何處仙郎來扣關倒著接離花下坐
高情都付一琴閒

王麓集卷三

獨立蒼茫宇宙間一番夢覺過天關羅浮頂上梅花月
買却春風伴我閒
袞袞風花塞兩間阿誰搗破此重關崑崙山脚開茅廬
多少仙人也不閒

光孝寺見落梅和黃明父僉憲韻

古寺寒城迴煙花一野村有梅如故友相伴倚空門客
鬢驚華節春容墮粉痕幸陪同志賞此處見天根

占城國王叔沙係把麻將還國書此示之

天王治無外率上悉來賓德業規摹遠衣冠禮樂新三
才元一極六合正同春慎爾朝宗念瀚南永世臣

登白雲山觀景泰寺步高亭

步高亭下收千景景泰庵中歸兩僧坐久天風落松子
乾坤眼底一基枰

蒲礪觀廉泉

上巳日廣人往往至此飲
茶相傳安期生是日絕昇

淵底饒昌歌清風獵獵生安期今不見瀑布尚流石末
湍枕擲雨聲和筑瑟鳴如何慳一勺不解採秦贏

宴大通寺林下

醉倚枕榔翫翠微春山舞破薜蘿衣乾坤放我閒舒嘯
風月招來任指揮岸芷菁菁香在沼漁航泛泛浪生輝
玉巖仙子長誰伴沙上明鷗海上磯

感春

春風海上一絲綸煙雨橫舟荔子津萬物又形新序色
此身還作異鄉人故園生計猶簑笠晚節因依自竹筠
收拾眞元游大化都憑酒力與詩神

芝山樵子歌

并引

芝山樵子者鄱陽鄭清之之別號也清之嘗走南學
持是圖乞子留筆予披圖得大司馬東山劉先生一
詩其上子喜爲作楚歌以發其微他日歸芝山抑不
知清之能歌此以樵否

帝說化兮秋清木葉落兮波洞庭山人今情世懷

廓落兮思繚繞而于征登蘇門兮長嘯經龐隴兮欲耕
傾鴻鴈兮翱翔白雲縹緲兮碧天冥冥倚長松兮投鍾
俯連漪兮濯纓麋鹿爲伍兮竹石爲友鳥道超絕兮捐
下上其哀驚歷巉巉兮踰阻采芝薇兮聊生空谷兮聞
寂寥斤兮丁丁霜枝墮兮玉摧折瑤章盈把兮芬芳飄
零取至足兮知止匪貪饕兮無怍謝鼎柱兮弗負訪綺
夏兮逃榮含朝光以舒適委理亂於不聆及弛荷而埽
石寄芳瑟以幽聲浩歌歸兮弄明月逐太初兮迴澹泊
而無情歌曰皇風逝兮太樸裂帝道榛蕪兮唐虞失軌
轍何造父兮遐踪滅沒瞻白日兮思欲絕憶美人兮誰

王康集卷三

八

爲之申訣固煩憊之沈鬱靡終兮恒復自譬兮閱光景
其宣悅曷蘇薪之爲志兮道荆棘其焉伐竊獨善以自
愛兮誠不忍斯民之傷歟計熟長往之靡忽于中兮將
路崎嶇兮而難越與喪志之滔滔以求信兮獨不內愧
夫隄決聊逍遙以容與兮激清響於林樾抱貞靜以離
羣兮寧遠世而棲歌

寄謝德溫

夜臥飛雲峯紫光散雲氣仙子月下來招我入羣會玉
杯泛石髓霓裳舞空翠凌跨幾十洲飄飄藐塵世倏忽
三千春衆侶乘鸞逝遺我雲錦箋香風襲蘭佩剪裂成

天楮慙慙數行字緘之懷袖中磨滅囊已敝故人那得
如萬里同心意惆悵每臨風青鳥不逢使欲置未能忍
牽愁挂天際百川越東海萬折終必至所願長相憶中
道曷云棄

與董道卿畱別對榻夜話

客窗久擬共論心今日何時坐更深只恐相逢還是夢
別來無路問佳音

春日踏園

桃花一樹染溪紅春色依然草舍東閒卻小亭無客坐
只餘蜂蝶亂晴空

王康集卷三

九

登粵王尉佗朝漢臺

訪跡城西麓臺空半欲積霸圖芳草合義氣逐春來山
鳥呼仍語江雲暗不開長安何處是遊子正徘徊

湖州巡檢以字曰希仁乞詩勉進同年顧惟賢首

倡予亦成其志云

心學相傳重孔門一詩題絕顧參軍辭章功利盈天下
誰是當年克己人

南海平地邨九十二歲翁邵熙者一日龍鍾倚杖
叩門而問曰吾邨氓皆云有詔起先生者信
乎予起迎之贈詩以歸再拜而去

玉巖仙子下羅浮父老相迎數問由天上九重開
使車何復尚淹留

蒼頭白髮黃鳩杖南極翻身化此翁何處春風遞消息
乘虛來到玉巖中

謝人惠英石

夜來驚極動誰爲驚崑崙影落芙蓉水芙蓉江雲分
混沌春補天融五色砥柱屹三秦我亦心難轉相看作

友人

聽琴

風日澹軒宇道人凝素心竹間一高士膝上有橫琴絕

玉巖集卷三

唱遺清響孤凰下碧岑浮雲送流水幽思杳難尋

詠雲

青天白雲壁飛絮乘風出山自來去有時油然從六龍
爲我蒼生作霖雨聲收行吟鴻鴈淒淒影變瀟湘
相知剩有孤黃鶴鶴也無心總斷腸

送瓊州別駕周尚德還巴陵

竹窗深處鎖藤蘿小小肩輿屢設過客味共嘗花夜雨
鄉心長問柳川波時尚德號居門人李茂春君罹貝錦
終還釋予絆蝸居可奈何歸到洞庭堪作主衡陽水
莫蹉跎

正德甲戌初夏聞報量移建昌邑令不覺有生入
梅關之喜用杜子美聞官軍收河北題律韻稍

易字意歌以適懷

君命忽傳來冀北初聞感激淚霑裳卻看羈旅愁何在
漫束寒書喜欲狂白日放歌須醉酒青山作伴好還鄉
只從三水穿三峽便下梅岡向玉岡

別懷遠驛臥病舟中奉呈鄉進士方伯賢吏部方

叔賢陳秀才元誠

十山落日紫霞明病枕孤舟海角城天地有清吾獨困
時將行馬不受郭勛金乃爲欺給而切辱之淪江無語水東傾自堪對酒舒

玉巖集卷三

顏色未暇逢人說震驚白涅堅磨須料理不繇不磷是

家聲

舟中次雷別韻

陳激衷

送客朝來花氣明扁舟何日又三城歸心已逐江雲
杳別酒還將海水傾忍把虛名隨幻化敢緣行止作
深驚天涯此日無窮意南國秋高有鴈聲

仲賢叔賢取前韻送別予復答之

青天祖道向離明敢辱軒車出暮城信宿連舟違共話
長林送酒惜頻傾知心白首應難遇砥柱中流信不驚
讀罷贈歸詩一卷滿江風雨帶離聲

仲賢有詩贈別用韻答之

雲送南山起翠濤片帆北去颺天高亭開水月誰爲侶
載滿風花我此舫萬化優悠真得得十年夢寐亦勞勞
而今且稅從王駕收拾詩情且和陶

宿回岐大印水軍堡

戍鼓池蛙兩部聞荻蘆深處短航眠詩成枕角欲半夜
雨過江心今幾番螢燄縱橫疑堠火漁歌欸乃度蠻煙
明朝得過板花嶺歸謝南州路八千

登飛來寺

積翠半雲亭扶危試一登奔泉吞地脈歌鳥喚山靈佛

王巖集卷二

三

子綠何力飛來巧借名便當拂衣去未得羽翰生

端午湏陽峽口風雨阻舟二首

五月江深水氣寒拍天風雨正漫漫佳辰又向窮途過
今日方知行路難世事人間閒局面浮雲天上幾遷官
廬山白鹿何時到許我平生一拜觀

鷓鴣聲亂雨如煙風急湏陽水漫川出港漁人舟泛泛
閉關兵寨草芊芊萬峰詩思洪濛裏一夜鄉心夢寐邊
欲借魯陽揮日戟扶桑海上力撐天

湏陽水漲舟復難進

夜雨漲百壑溪風縱怒濤挽舟不能上夔峽凌風號天

定既勝人躁進徒爾勞沿洞入斷港漾楫依山均林宇
豁清景暑氣應全消山空鳥自語境絕無漁樵幽泉洗
白石翠竹帶溪毛把玩有芳菲濁酒祇自聊時哉良可
需會當逢英韶

清溪吟

柱石負奇質俯瞰清流亂峯蒼翠間歷歷上心頭清
溪洗我心山石礪我節昂首東岡上松蘿挂明月

濛濛有感寄方叔賢

何事南行萬里船一場春夢可三年青天白日還相照
野鳥山花祇自憐適意牀頭今易封書心江上此雲箋

王巖集卷二

三

固知水月成嘉會吳粵東南總道川

入梅關東南安季太守兼呈熊行人天秀

南海扁舟亦散閒此生何卜入梅關兩眉風月藏君
寵一笑乾坤動客顏去國計年江上草到家迎我越中
山但慙迂陋終頭白未有涓埃荷克艱

館南安行臺

朝發度嶺陽暮宿行臺下行蹤雨絲牽歸念山頭挂驢
馳謝王事光陰走閒暇吾駕從茲稅冥心會觀化

夜坐懷何時矩李子長

子長白
沙門人

後堂風雨晦不寐獨徬徨好學何時矩清修李子長山

林餘氣色吾道有輝光別向江門遠白沙所居地名香銷巨蒲

牀
過南安懷同年劉僉憲介夫

來往梅花國空慚問主人豈將陽復意散作錦江春介夫時督川學政把芷生芳思攜舟下曲津碧雲催日暮文斗爛峨岷

道源書院拜謁周程三先生二首量移臺

春草年年翠滿庭無邊風月迴無形天教濂洛相承管爲借南安地一經

輝輝御墨接天光道源書院四字宋理宋書共照吟風弄月堂萬古

王康集卷二

斯文終不斷金蓮山水一般長

寓南安待月樓邀趙元嘿劉思嚴夜酌

銀燭生花小宴開高樓登嘯此徘徊東吳寶劍橫秋氣

劉商南海奎星下玉臺萬里有期還入夢百年多病且街杯清虛月浸光寒骨疑是羣仙紫府來

月丹

蘆花飛雪滿汀洲月色江聲兩岸秋一葉天風虛浩浩誰人問我犯星牛

虛舟爲南安鄧醫士作

不用長年駕此航濟川名實兩相忘清風野渡憑誰管

明月蘆花任我裝溟海魚龍無觸忤星河機石味行藏一篙借得春風便撐入岐軒太古鄉

與趙元嘿同宿東山寺

佳期何事向江頭雲水茫茫祇自悠踪跡留連幾明月心懷浩蕩一虛舟山爲羅幕草鋪褥君倒淮樽我專謳此意可令真敬悟東山石林煙磬滿西樓

宿東山寺呈王巖

趙善鳴

大化去來原浩浩人間聚散亦悠悠偶從竹院連僧榻還記蘆花伴釣舟濁酒到唇須盡醉狂詩信口且長謳東西南北明朝路月滿青天各倚樓

王康集卷三

陪王僉憲遊東山

抱病俄登鐵漢樓元城閣萬南安因名東山遠遠入雙眸十年識

破清霜面今日追隨紫蓋遊泉石流觴花氣靄笙歌促舞鳥聲柔右軍風致元無已明月歸來滿地浮

下賴江

遷客乘船早趁歸青山不斷白雲飛欲將徹底千江水一洗緇塵十載衣茅屋崑岡堪笑傲尊羹震澤自甘肥也知軒蓋傾朝野東極于今有少微

過吉水舊治留別同年朱時元

昔年已作文江別今日何爲此又經故老喜迎新鐵面

同寅猶誦協恭銘琴聲單父茲更化春色河陽正滿庭
老我青山頻往復對君空把酒杯停

泊樟樹

短棹參商舶孤琴壯客囊白波風送雨青渡柳迴塘野
醕聊輕泛漁歌也自狂一般堪語處晴月挂危檣

七夕下西江對月小酌

明月青山是故知歸時歌我去時詩初過懷遠得望影
齊青山主長江浩浩秋無際小艇悠悠思不羈天上佳
期渾欲昧人間良遇豈多奇坐深玉露侵衣冷笑挹清
光到酒卮

抵建昌任

蓬轉天風又一方十年勞國鬢成蒼絃歌有分隨湖海
耳目何心遠廟廊春草犢眠甘養晴空鵲舉任翱翔
匡廬五老今招手白鹿蓮花豈舊鄉

寓隆道觀和同年陳原習韻

爲謁元公寄此居高松明月半庭除欲騎白鹿過蓮社
廬山東林寺有
遠公白蓮社謾引青山到草廬滿眼光風吟座上千
年道脈慶流餘水聲山色誰承管自有弦歌妙疾徐

秋夜隆道觀悟學

桂露風香斗柄橫月明隱隱洞簫聲鐵橋新峭青霞路

珠璣飄飄紫玉京四十年來春夢繞三千行滿鼎丹成
何人更上清虛境共醉碧桃騎海鯨

荅玉峯

梅關匹馬向修滄風月依然到草堂孤鴈一天空帶雨
短籬疎菊爲誰香民憂種種生華鬢聖學乾乾魏紫陽
已約匡君游八極彩雲何處下鸞章

後樂堂書懷二首

匪石先生只愛閒有官無計可歸山黃童白叟今無恙
贏得秋來滿髮斑

南海歸來已半年白雲相逐楚江邊廬山咫尺無由到

自是溪泉未有緣

十月四日臥病後樂堂委政寮宋辱蕭掌教黃司

訓過問留酌別後獨坐一室懷想二親在土旣

還中華未及一拜不覺大慟數聲而止援筆爲

記

一爲遷客遠中華及到中華未見家親塚纍纍宿荒草

人生有子在天涯

留題大塘寺

是何出中大塘寺百年一度春風來吹出疎林滿樹白
千朵萬朵梅花開老僧向我問出世攢眉嬾說心上車

更對梅花發大笑仰天默默都忘意

登廬山宿開先寺

去年春自羅浮來今年春向匡廬走脚踏千峯破蒼翠
乾坤一覽都吾有日月晝夜相磨肩洞庭彭蠡爭吞吼
中宵酣睡碧雲裏遼初先生呼我起釣天廣樂塞耳鳴
獨抱瓊壺宛終始舉頭仰視極無外伊誰繫開混沌死
登如鐸上人屋閣和壁間李獻吉韻

暮雲深鎖碧窗幽萬壑寒光聚不流東古

在寺前高山有情

留榻我夜深飛雨過重樓

南康道中二首

王巖集卷二

八

山林一雨過蒲地落殘紅不惜春光老應憐客鬢蓬子
規啼破血芳草碧連空悵望思公子無言向曉風
山頭雨脚亂如麻溪水新生沒釣槎兩兩山家開竹戶
隔林無數刺桐花

重遊廬山

廬山秀色半空浮把興重來豈漫遊獨桂蓮峰吾道在
千秋鹿洞此心幽紫煙散入飛流落碧磨荒斷碣留
野鳥一聲春欲暮水光雲影自悠悠

過洪都上南安

時廣東巡按高大和清戎周汝和劾郭勛子坐其事復之廣東

風雨漫漫江路微故園春盡不知歸無端又向梅花嶺

馳逐天南燕子飛

南安道中紀夢

繁榮綠水吟中得夢夢青山盡裏看何事江湖三載夢
夜深隨月到長安

王巖先生文集卷二

王巖集卷二

二

玉巖先生文集卷第三

東歸過吳門東馬子過乞骸稿

萬里今回首三年忽夢中仰天堪大笑知已再相逢月
白江東夜風清石上松圖南還我是一枰到鴻濛

竹堂宴寢

晚風籬落豆花香有客和雲臥竹堂溪鳥隔林相喚醒
滿天明月散清光

過浦別業

江干澄曉色蘋末起清風一雨林容改初涼暑氣融經
綸杯酒外真率笑談中杖策聊觀化芙蓉獨對紅

玉巖集卷三

臥病宿浦聞江右俞都憲移文促赴任感賦

玉露含煙林曉林穗花香度竹房深閒敲白石呼童煮
旋置清風作伴吟野鳥棲飛渾適性溪雲舒卷亦何心
崑岡不是箕山路勾惹塵轍到處尋

八月十七日家口絕糧作絕糧歎

一介寒儒一味真十年官守不辭貧絕糧今日非陳蔡
笑殺柴桑老子身

重九後五日與同年宋義卿徐子謙柴德美張德

宏登文筆峰

筆峰高揖攀來極滄海完完出素盤薛荔清風嗟獨

軒裳佳會見今難江城夜靜川明練山閣僧歸葉滿蘭
只恐剩餘吟外景明朝還付野人看

泊吳山玄武廟迓同年毛畏之

爲尋春偶上層臺竹徑禪房畫不開賴有梅花相信問
招呼明月傍窗來

過沙溪長壽寺

放舟窺東溟偶復棲梵宇月色浮怒濤鍾聲度芳渚洗
心悅有覺對語愁無侶清宵了不寐疎桐半窗雨

聞報復謫竹寨驛東方時舉

薜蘿衫袖舞春風誰覓遺蹤又喚儂老去只餘雙眼碧

玉巖集卷三

此心何地著窮通

治裝抵竹寨貶所沅芷稿

門泊沅湘棹心懸魏關忠靈均去千載而我拜孤蹤
天地大如許恩光豈不同行行望宸極高拍祝融

玉山遇蔣子容

老我青山還獨往壯君白首又相逢頻頻索句充行葉
猶似當年在越中

下醴陵度瀟湘

征輿迅速宜春道面觸清霜帶星蚤年來足跡遍南州

萬里間關何草草渚蘭巖桂結芳多落日瀟湘奈我何
有美一人今不見臨流擊楫動長歌

望衡嶽

被髮騎麟下大荒泛觀南海又衡湘三閭不見空延佇
惟有浮雲薄太陽

過湘潭

百尺湘潭湛碧流江東逐客抱離憂欲從屈子魚龍窟
寸赤憑誰報晁旒

宋胡文定公墓在湘潭縣思飲一拜值天雨未能
託賦以寓仰止之私

王康集卷三

湘雲閣淡水迢迢仰止前脩思欲飄石鼓荒涼誰接武
只餘松栢挺孤標

出淶口驛

棹歌聲斷楚天雲竹外茶煙日未曛山色橫江流不去
彩鷺浮動碧波紋

阻雪長沙柬李貳守

東雲野合衡山積江風打城疾走雷雨霽溟濛未斷脚
烏饑鶻病爭喧飈江東有客逐沅渚書劍飄零十句許
客亭信宿夜燈長滯我桃源覓仙侶眼前突兀故鄉人
清尊細話開情真丈夫會合各有適慷慨激發生風神

世道還如蜀道險謫僊曠士容何欽青山是處不可埋
翻覆雨雲過睫閃明月清風鎮自然行須跨鶴蓬瀛天
梟首馮夷訟風伯手扶赤日暘春旋

益陽途中偶成

遠遊酬壯志兀坐發孤吟雲暗蒼梧杳苔荒嶽麓沈
求排別幟匡濟要同心寄興囊中瑟泠然太古音

過白沙渡柬楊亞卿

白沙渡頭江渚明江風卷浪銀山傾衡陽去鴈無消息
匣劍時時欲一鳴

山行望辰陽

王康集卷三

朝扣天關下九重扶桑晞髮夕崆峒鞭笞鸞鳳游雙目
飛入千峰紫翠中

采蘭四章章六句

周子去國日遠有所思而作也

采蘭采蘭于彼深山歲月奄忽凋我朱顏朱顏凋兮不
足惜君不見兮使我心憂淚潺湲

采菊采菊于彼平陸歲月荏苒遺我獨宿獨宿兮不忍
言君不見兮使我心憂淚盈握

采芝采芝于彼巖隈歲月云邁敝我羅衣羅衣敝兮可
改君不見兮使我心憂淚淋漓

采藻采藻于彼行潦歲月云暮不得與子偕老偕老兮

有命君不見兮使我心憂淚傾倒

雪行桃源道中三首

踏雪空山馬不前
當人奇石跨岡眠
驅馳我獨依荒傳
燹理伊誰講
細旃天地養威遭
障蔽陽春含意待
敷宣
壓梅折竹堪圖畫
沽酒微吟也共妍

雪埋夢嶂去無前
欲買桃源埽石眠
溪水半消寒溜玉
馬蹄輕踏板橋旃
漫空故隨風舞入
夜皚皚和月宣
雞犬煙邨渾不見
長松孤壑向誰妍

昔年披腹玉階前
今日丘園未許眠
病骨含羣山鹿豕
誠空老客裘旃
老雲歲暮悲蘇武
羈思歌殘憶仲宣

謝東風莫吹鬢酒容消卻尚餘妍

馬底驛舍東岡見野梅盛開

梅亂發礪之濱
風神瀟灑更清真
欲折一枝千里去
憑誰傳與素心人
倚梅浩歎空成憶
綠鬢梅花兩相白
願言節操比堅貞
莫待春風雨狼藉

度馬鞍山

疊嶂翠雲屏
先春鳥試聲
盤危苔磴滑
流折竹泉清
白
破山海蘂香傳
澗芷英亂雲堆
裏去駕鶴細吹笙

示淹兒

淹兒年十四
質性自純良
萬里辭渠母
終朝侍我傍
聖

賢須策勵忠孝各承當
豈爲掛懷抱他鄉
今夜郎

抵竹寨驛

老栢驚濤日伴閒
安居賴有好看顏
稚川何意求勾漏
無限黃精花滿山

慧慶寺逢春示馬子脩

沅江春色動天來
滿眼風花入酒杯
不用登臨問消息
夜深羌笛落殘梅

辰溪石東莫大尹

辰溪溪上多奇觀
溪風逗流飛激湍
湍流漱石石骨峭
獅蹲豹踞凌溪蟠
紫屏障霧倚碧落
洞吻谿谿嚙磅礴

三巖集卷三

莓蘿刺繡癡痕生
惟石真疑鬼工鑿
劍嶂削削鍾乳垂
牀埋檻什泉奔
雷天下江山石饒矣
石出辰溪良罕哉
我冒礪礪有石癖
見石還思介如石
便當移置匪石軒
欲遣天丁絕坤脈
辰溪主人無吝容
山靈應笑我嘲風
有時放舟下中流
與君對石飲千鐘
鳴茄按鼓歌不歇
吸此光景登衡峰

元宵後一夕夢中得無題詩三句末句未成而覺

口呼靈均靈均云

爲愛草堂春色好
與君攜手上林端
楚雲渺渺碧天盡
時微雨一草堂
空翠濕衣

人語寒

白巖竹案倚山臨溪山之陰崖石拱立曰白巖予嘗遊其地云

杖策行吟過白巖翠微分色上春衫東風拂面渾無力
時有飛花點帽檐

春日明山書舍和汪僉憲汝成兼示馬子脩諸友

凭闌看花發野渡忽橫舟黃鳥交交語清泉汨汨流箇
中元自有此外不須求何處來童冠春山良獨悠

始迎玉巖至書舍示諸生

汪玉

出郭行數里橫江渡小舟明山當面立沅水遶城流
精舍何人築初心此處求百年有今日我輩勿悠悠

玉巖集卷

七

端居二首

一片明山照草亭終朝相對靜儀刑天然意趣來曾次
直是千年結下盟

石鼓荒涼嶽麓沈何人擔負到于今年來一脈抽生意
珍重吾徒莫放心

春興二首

樹樹啼鳩逐婦忙夜深風雨過山房披衣曉起出門看
滿地落花空斷腸

閒倚東風看落花紅紅白白點泥沙一年春事自將盡
曾是天工妬物華

古意東玉巖

汪玉

姑射有仙人自憐肌若雪洪波五十丈震撼天欲裂
巨鼇一受釣仙聖多遷越茲山亦無根寧能自提挈
秦王壯丈夫橋成信奇絕精誠驅鬼神鞭石徒流血

古意一首和汪汝成

盤盤南山松下有千歲苓山人服食之輕身得長生上
有雙鳴鶴凌跨歸青冥借問如何人云是蟾蜍精一去
三千年逍遙廣寒庭秘訣不傳世白日空留名

秦中丞委署淑浦邑以疾不赴偶成一絕寄汪汝
成

玉巖集卷

八

雨後春山紫蕨肥洋洋灘水樂吾饑相知只有孤黃鶴
長唳一聲天外飛

竹寨書懷

買斷青山不用錢石林茅屋自年年寥蘭夕渚幽香泛
聽雨煙蘿幾屐穿身世幻然成蝶夢功名誰復羨鵬鷺
崑崙地絕無人到欲採松花問僊僊

暮春卽事

華門風日草萋萋萬壑春泉響石谿花重巖欄香霧合
雨深林薄子規啼課兒緩別書
五夜還家元是夢客身依舊在天涯

游下明山

沅有山兮澗溪涓鍾靈孕秀天之垂南北下上百里許
雙峰對峙何崔嵬天風吹千下南極歷遍衡疑未相識
玉龍高駕紫虛寒笑擊珊瑚弄橫笛晨餐沆瀣肌髮新
八公賓從皆逢春雲中車馬碧幢動乃是明山新主人
山中中夜聞雷雨大作至曉開霽

赤龍夜吸洞庭水噴薄滂沱九天雨轟雷咫尺屋上鳴
下界渾疑沒寰宇蕭蕭樸樸林樾驚愁絕神菴震坤紀
置身已在層霄上欲扣天門向天語但使含敷霑被均
孤臣甘分泥塗委飛嵐舞霧條消散萬樹千峰盡圖裏

王巖集卷三

下下明山

藤笠芒鞋青竹杖緣崖支下碧蘿岑還思康濟人間事
帶卻煙霞作雨霖

詠歸亭雨霽

宿雨飽溪腹洪濤當檻浮葛襟散清暑汀草新芳昨掩
帙甘至理違時得清修花垂蝶翅重風捲釣絲柔竹根
漱泉腴木末啼雌鳩疎煙出林莽小艇來滄洲所嗟光
景馳緬邈道意謀睠茲良朋賞俯仰與同流

泊江口驛次壁間王伯安韻

大火忽西逝微涼生竹樓空山亂雲結淡月澄江流弄

笛梅花曲扣舷木蘭舟襟期托千古寒暑助懽愁

寓澱浦縣公署

雨過桃花嶺嶺在邑治山城綠意深鳥飛雲路闊柏轉午
庭陰吏道惟風草民情孰古今登輿暫臨事猶熱報
君心

回自盧谿宿山塘驛早行

曉發山塘驛興徒悅早涼雞聲消漢魄林末動曦光王
事謝彌久民愛懷不忘歸山時偃仰感慨但增傷

竹寨寓志東劉進士時服方侍御時鳴

金馬能爲隱山林可玉堂煙霞章服彩泉石肺肝香壯

王巖集卷三

志非溫飽疎才合卷藏但將金石念聊以報。君王

渡江上明山有懷汪汝成

翠壁藤蘿拂蓋濃坐深磯石鏡潭空雙雙白鳥屏風裏
翼翼新亭繪象中遙憶美人思贈遺涉江無處採芙蓉
草荒門徑稀人迹誰共芟夷達聖宮

秋夜詠歸亭翫月

暮雲收盡碧山頭絡婦驚秋泣未休玉露含滋平岸積
銀河落彩半空流高歌擊壤追炎吳獨坐潛心到孔周
起步江亭弄明月漏聲傳滴過滄洲

辰州王生芝伯唐生與賢過訪留別爲賦

江亭有秋月爲君邀致之風泉足清聽天宇流寒輝既
酌陶匏尊且歌堯夫詩人各懷至寶此意其獨知石牀
來雨聲庶足淹佳期江頭秋水生君忽起遐思挂席歸
桃源木葉空山飛

沅之山賦贈淑浦武生綬蘭舒生翀鵬歸
沅之山何蜿蜒沅之水何盤旋水有源兮靡極山有絕
壁兮迴不可攀嗟予何人兮塊獨守此閑寂歛至和以
揖清光兮顧終日而盤桓遊焉寡侶琴書與閑超忽惴
惴古令瞬然夫誰知予之夷曠兮盼日月以相安彼三
子者胡爲乎來哉奔走先後匠墨射殺耳之聞兮目之

王慶集卷三

二

牖大道支離今中局貿貿蛟龍潛見兮恭嘿以守炳幾
獨照兮三軍箝口金鼓喑喑兮獻俘授首翔翔奏凱兮
功德固有一或悖違兮璞玉碎割唐虞三代倏以逝兮
七十子沒而大義僅以不朽濂洛關閩嗣遐躅兮子固
所樂從而快褒彼三子者胡爲乎來哉靡人不完予曷
能與之全靡物不備予曷能與之傳故離婁獨步公輸
子孤蹇爲仁信乎其由已謂得魚以筌不其珍愆彼三
子者歸兮歸兮聊述此以示董安于西門豹之韋弦

感事

朔雲絲亂日無光萬國皇皇仰昊蒼北狩何人能碎首

中原不統若爲綱旃裘土木曾胎禍社稷神靈或降
祥老我孤臣寒膽魄未由生羽到龍荒

詠明山端峰三首

端峰是吾辟巍巍倚宸極味爽一趨朝雲頭挂忠赤
端峰是吾師尊嚴肅威儀顏色照几席上帝陟降茲
端峰一塊石於我亦何情安知非我心吐出作空青

詠雪

寒光發暝竇認月欲相猜風勁明山閣威凌夢覺臺
霜當曉積星非隔春來輕逐舞氈舞虛故故堆相兼
自陳言爭攪復旋回墮沼渾無跡漫空若騁才仁弘均

王慶集卷三

三

草木德厚庇延坡靜翫幽窗竹間尋曲欄梅滿橋吟思
苦砂磧成情哀鳥道千山絕人跡萬徑埋被原平凹凸
著樹裹莽苦食葉春蠶響飛花傾刻開倚樓迷眺目停
筆閣酣杯傾壺思防嶮消殘悟積程門誰繼武蘇節
獨橫恢凍咽嚴泉韻丹藏寶鼎灰終年喜三白曩夕惟
孤雷歲丁丑中夜震雷次早大雪奮念龍旌遠問關鴈塞限憂心
恍如醉悵望幾徘徊

望明山積雪

遙見明山山益明寒雲萬疊下孤城綠知幾許無邊景
盡屬詩人筆底成

和汪汝成同觀明山燕子崖新石刻見寄

山居俄一歲情景已俱忘無地拈幽思因公試短章鶴鳴還子和乾長在坤藏江鳥能相識時參過竹房

漫興

南邨桃花開北邨李花發吾居但松竹終歲守寒節桃李多人賞松竹無人閱此道知者稀滄江看明月

寄武生綬

一別忽踰歲相攜復幾時春風醉花柳夜月泛漣漪奮迅還誰讓優游祇自知皋蘭初作佩君子道相宜

寓馬東溪館

玉簫集卷三

一枕春雲暖半窗晴日紅鳥啼幽曲塢花發舊東風志趣沈幾表天光泰定中無言莫子識秀色有端峰

與高太守話舊

石亭清讌面江開誰喚雲南刺史來五馬寵光何爛熳十年交道此徘徊清商激響飛林樾雅意舒徐散酒杯卻愛使君能博我謾乘高興過山隈

予自丙子之歲過此聞驛之舊址坐青魚潭之上

沿江而下去今址數百步其徒於此亦不知其何歲也自予結一草亭辱四方賢能之士踵至日與講習以休休其中夜誦讀琅琅然若憂金

石聲予喜而慨曰此何地也而多士此其集邪

昔之吏於此土者其知此否邪邨夫牧豎牛羊躑躅其間有年矣地既靈而人亦傑焉理也小詩一首樂與諸君歌之

沈心亭上瓜鴻泥多士皇皇喜共躋雨過山林偏覺秀日升滄海易流西桑樞竹塞思原憲陳葵茲歌仰仲尼開闢以來曾此否山靈應爲秉青藜

示馬生應乾

古人愛心不愛身今人視身如重珍一生死槁同灰木豈向堪輿作幻塵

玉簫集卷三

古

山中示孫生說

山中了無事可以寡怨尤此心免形役日與道相謀紛紛朝市間拈一百不休嗟予生也晚夢寐承孔周日月微輪轉汲汲愁膠舟勗哉二三子青陽莫淹留

勉舒生誥誠昆弟

終古有大任負荷須仁人反身或未誠壁魚見焉真見之必真見聞之必真聞一涉影響粗畫工而傳神天開大明治統紀幸不焚旗幟對壘植儼若兵衛陳饒譏是其師呱呱識其親哀哉斯人徒自信莫與倫人和我亦和而不體諸身子思作中庸隱惟惟諄諄願今共吾子

虛心別菴薰

哭陳時周先生

秋風澤淚沅江上豈爲當年惜舊緣順德終身恥紫
極清風一代起黃泉平原榛莽誰誅刈閭室龍蛇只糾
纏安得作君重論難強濡哀墨倩人傳

問漁舟偶上磯頭

取興臨江坐江聲徹我心仰首雲起滅渾與世浮沈事
業青山下功夫碧水淨人生有真寬閒處理光陰

我石二章章八句寄蔡從善莫切磋也

我石匪石隕矣自天積于崑丘炎火幾然燕人寶之和

玉巖集卷

五

氏少之沈之谷洲十年表之

燕人既懷永矢弗告和氏再欲庸以攻玉載沙載汰載
磨載琢不有玉人其礫碌碌

贈袁生嘉會過訪

寒雨鳴疎竹清尊此共幽草堂春隱隱正水月浮浮命
駕推高義傾懷見遠猶爲君還下榻吾亦喜南州

自江口兼程赴毛汝礪約

野燒連天赤舟行當月明燭殘花暗酒江靜樓聲赴
約酬新願論文續舊盟松筠有貞性還共歲寒情

將出辰州追毛汝礪不及

倚棹雲溪驛津人遞使程流雲空極目逝水總傷情獨
立煙山暮徐行雪渚明後期十何日終歎守歎行

落齒

五年木四十而鬢色先改吾年四十五而齒已先敗今
齒非兒齒胡爲易如此毛膚筋骨餘均之親遺體殘杯
偶中滌上齟條左弊居然動一罅令我興歎慨凡物滯
於形寧免遭凋圯萬古不磨磷惟應只此理欽仰涪州
翁鬚髮勝舊只已落無復論保和正恒恃

寄毛汝礪

竹案嶺雲高雲中隱一巢有時堪詭適無在不逍遙杖

玉巖集卷

六

屢迎梅江舟破雪濤平生憂國念今欲問漁樵

燕尾山

燕尾之山嶺何肥兮吾得以療饑沅江之濱泉何甘旨
兮吾得以醉酣天其我知兮地亦我潛與吾徒兮四五
詠春風兮笑舞田不必耕兮井不必鑿日東升兮月西
落歲聿暮兮云胡不樂會出山兮禹稷惟思既歸山兮
孔顏惟樂嗟予哉嗟予哉時乎時乎不再來

聚春樓

平明獨上聚春樓萬景依然在遠眸風度煙雲隨變化
陽回地脈自充周玉塵飛樹寒初散銀鉤沈江影亂流

寄語時人莫相訝此中元向沈心求

寄孟望之

嶺海沅江處處家此生飄泊亦何涯驚濤巨憚君須濟
斜日輕陰我獨嗟堪笑壯年俄白髮固知吾道即丹砂
洞庭春水天如濶日送歸鴻帶落霞

憶周充之

孟洋

南海寄書經歲月沅江相憶復關山數回危楫驚濤
裏一片浮雲返照間白髮固須增涕淚丹砂聊可駐
容顏桂林愁客如昨日日擬長安送鴈還

寄周貞菴先生

王慶集卷三

秦樓春日好楊柳酒旗邊美人獨當壚明月淨娟娟共
言是羅敷羅敷信自憐白馬黃金勒豪俠一少年下馬
青絲繫笑壓銀餅偏流盼在目成羅敷志彌堅爲諭貴
公子賤妾自有天踟躕但終日私夢空纏綿

贈危生獄東歸

野望仙舟下寶山江風吹柁浪潏潏丹崖翠壁青雲裏
帶我春樓月色還

送蔡從善東歸

明月清風正滿樓故人車馬又離時西江續派分渠井
東土明農遂舊約已隨雲影散素心寧與歲華流

樂平花鳥年年事無限春光不用求

憶先人耕織示淹兒二首

追感辛勤四十年一生先業數丘田暑風榴髮頻流血
寒雨膏身旋著鞭寶祀壺觴聊獨醉晨昏菽藿任前緣
兒叨教育霑微祿抱恨終天淚兩懸

追憶慈顏五十春一生勤苦治絲綢嘗後飲乳拋殘縷

命仕充囊易數緡錦繡眇躬留慶澤陽暉寸草媿遙巡
兒今叨蔭遺規下何日忘吾創業親

春日卽事

桐花幹幹綠成林一握犁鋤雨後深樂道有莘誰氏子

王慶集卷三

六

甘貧陋巷獨何心子規啼血青林鳴科斗成文碧水潯
面對東風坐移日熙然民物只瑤琴

遺辰溪張尹

江口風逾急孤舟日已西多情山上月相送過辰溪

晦迹竹簔餘三年周方伯行文委事場屋因呈侍

御毛汝礪中丞秦國聲二公

獨憐秋江上江空破萬山雲隨出沅渚月送過湘灣故
國尊慈美平蕪鴈信寒天風若借便與楚女牛聞

過澧州寄同年毛宗召

曉發蘭江上舟江雲飛盡楚天秋蒹葭白露迎霜老

漁火沿洲帶月流，古與懷湘水願愛。君思上岳門，樓烽塵又向洪都起，愁絕山人未肯歸。

登岳陽樓望洞庭一首呈伍參官李太守

巴江東下楚天低，森森若山樹色迷。一氣吳虛雲水合，三湘浮怨古今悲。平沙月落兼葭曉，短棹風吹楊柳隄。湖海幾秋青劍客，憑欄都付野鷗知。

懷王宜學戴仲鵠李子庸高大和張士元遷謫諸友

零落天涯此數人，我生之後不逢辰。江山草木多風雨，日月明星隱鳳麟。愁別春花空對目，感時秋月也驚神。

玉巖集卷一

九

鍾陵王氣煙雲欽淚灑，湘川欲滿中。

過華容復觀王亞卿明山草亭集賦此

宇宙環形體，人誰德性求。當年懷舜禹，今日見王劉。

山先生與王公貴族治末世官兵戶部尚書事業浮雲

薄亭池此景幽，章臺增勝槩。一洗洞庭秋。

湖廣貢院會沈郴州文明和席上韻

客途逢遠別，一笑忽驚神。對面渾疑夢，持杯不憚巡。芷

蘭秋日詠松栢歲寒身。願各崇明德，羈縻豈惜頻。

贈黃參戎

投筆復投戈，凌煙氣象多有堂。思綠野無夢到金坡，孝

德孤忠釀詩才列宿羅。聖明如拊髀，當不數廉頗。

泊池州荅張洞雲同年張常甫父

歸心日夜闔閭城，遷客飄飄此趣行。細雨菊花三徑沒，清霜楓葉半江迎。樓頭北斗初眠漢，月下南鴻不問程。只恐彩雲飛越水，臨風惆悵不勝情。

思東歸行

思東歸未得歸，年年花柳發陌上。春風吹思東歸何日，歸家砧杵鳴不見。送秋衣，思東歸不可歸。南山有虎，豹北山有豺。思東歸實難歸，洞庭水深三萬丈。況復蛟龍與魃，思東歸嗟子胡爲不能回。嗟子胡爲獨待

玉巖集卷一

三

細毳裳，南去蘇武白鴈知。屈子故鄉，總實生前席時。事物變更，理數推移。一去三年，棄子如遺。乘秋風兮憶張翰，返魯邦兮懷仲尼。祿以天下於我何爲，趙孟之貴諒如土。直居易俟命，含章洞微行矣。休焉予復奚疑。

和張常甫小姑山二韻

小姑直上見鞋山，失脚中流去不還。向曉晴雲梳綠鬢，只疑來往望夫間。

白鶴仙人跨玉龍，夜深江上起清風。孤光秀拔三山外，彷彿龍門砥柱雄。

輓尹侍御

其子子貞尹崑

楚巡方被命摩節遠長捐清廟堦生
懷吞夢澤流恨泣湘川我欲投詞

贈葉尚澤通判之京

旭日曉瞳向人衣冠萬國萃祥輝芳年帝把生平負
茂賞行看聖主延廣宇清寧孤劍在長江寥廓一帆
便聞君多慘憂勤念到處令人說象賢

爲馬子過賦鐵餅草堂

君山冶金土之精黑龍潛引水淬成英人竊向囊中秘
鑄作干將未經試持獻君王殿陛前寒光搖動斗牛間
誰無神物不終在與國沈埋數百載胡以幻化淚水餅

三嚴集卷三

明月極光夜夜流一自天僊過都巷
於虜誕妄無復陳凡物皆歸一主人馬子攜堂枕其
聲光不特浮西市天德堅剛磨未磷萬象淵澄抱
明時汲引滴蒼生坐令四海霑濡潤

城東別業

布穀紀朝陽新陰覆綠塘平疇桔槔水修陌綺羅
蝶黏細絮潛魚躍潤芳幽人有佳趣靜愛鹿城莊

玉巖先生文集卷第三

玉巖先生文集卷第四

下信州一古寄同年江汝舉

信州西下楚天空一葉官航又轉蓬
只餘風葉半江紅

陪朱侍御同游瑞相寺次石上李崆峒韻

自揖匡君後翠峰亦冠今插天
月經宵挂松風觸處吟幾回江上望偶此足登臨

詠圭峰和疊山韻呈朱清軍

青鞋踏遍萬山高又向茲山眼放豪
晚涼子錦錦三勝勝遊福地知非偶
江煙花覺是勞

工嚴集卷

收拾八元歸度內微軀原不剩纖毫

寓信州閩兵

春郊草抽綠東風舞旌旗偶圍如林兵
天子耀明德千羽格邊陲
天子耀明德千羽格邊陲
天子耀明德千羽格邊陲

寓建昌府

我欲登黃富山揮鞭策鳳凰倚天餐
不見古豐子空臨泰伯鄉
不見古豐子空臨泰伯鄉
不見古豐子空臨泰伯鄉

寓撫州行臺感懷

登臺望靈谷孤標凌蒼煙緬懷泉
時懷佳賞獨樂非所先
時懷佳賞獨樂非所先
時懷佳賞獨樂非所先

園未弘化茂應徒慚德博諮契良儔一園味道權願餐
黃姑芝願酌朱井泉居然靈露啓
山翁與之共忘言

王德微春雨二絕

積翠勢堪憂殘紅樹獨愁疎窗一夜雨和氣遍南洲
暮雲深雉堞雲樹依依在江水沒蘼蕪飛帆落天外

輓江汝成

交清三尺劍哀輓數行啼不為江州部晨星淚下稀

虛白

清宵紫月團圓玉手無塵氣寒月到曉鐘初動處

拍天銀河正漫漫

弔許忠節公和王德微韻二首

許子英忠何處來秋風落日有餘哀從今周鼎無人問
知有長星照憲臺

罵賊睢陽聲未了點血濺上城頭草游魂散作大江兵
洪都不起癯仙老

送方進士思原改任之京

閩江稿

秋月華正滿對君東離觴九重新命百戰勞空囊
江心鼓行棹浦口鳴榔榔雲散
晴發兩茫茫

江城

江城畫角韻悠悠江上風波亦自休襄漢去帆隨樹盡
蘇湖歸鳥傍沙浮綸巾風采何蕭蕭
詩精神更雅幽
遭際昇平今日事開攜五老上星樓

題東林寺虎溪二首

不到東山久山花幾度開遠公如可作還過虎溪來
西林亦名刹何事擅東林但得空常在菩提孰古今

同曾憲長遊天池寺二首

竚立天池頂上峰曉霞晴散石屏空雙楓夾道明華旂
斜漚穿橋亂玉春王氣騰霄留聖武道源遺墨重

儒宗懸壺草君師地都在高明懷

玉樓集卷三

玉樓集卷三

三

興入層臺日已曛竹堂清譙語偏溫夢吟喜溥山中茗
勝會愁看石上雲可咽仙霞輕繚繞堪持瑤草細續紛

此生若了塵緣分擬續匡君舊錄文

同王德微夜宿天池寺次日下山竚試心石雷眺

與君共宿山房小竹裏茶煙出峰曉上山下山時一來
一笑塵寰真絕倒坐聽寒泉聽不了落葉滿徑僧不歸

攜手北望大江橫隔雲何處聞啼鳥

驅車四首贈顧惟賢

視學稿

驅車出崑岡躍武君子行煙霞愜奇人日月承明光德

菲慙食浮軒滯憂仁荒冉冉歲華晏白首徒成傷

白首傷伊何游息莫蹉跎蘭皋惠風淡竹軒明月多道
心恒素澄客慮靡紛拏願此砭砥是門障積波

鶯花二三月駘蕩江南春緩繚雜步徑漢舟渡平津攜

此惠好仇擘彼椒桂芬徘徊日忘暮歎賞孤松真

孤松秀中庭團團穠露零結廬蔭華滋鼓瑟誅太清遺

音協虛籟皎月流素局獨坐聞無言松間雙鶴鳴

汪僉憲以二詩見寄風韻俊逸真足以凌鮑孟也

病不能酬茲江行自盱回喜而有言

青湖能愛我惠我雙明珠佩之紫錦囊清風何颯如淹
雷疾未起左右時光輝開戶見積雪乘船泛清渠石門

王廉集卷四

曉林翠葉橫竹廬微陽霽征楫江色澄寒虛解佩看
明珠疑恐洛妃窺

雙節詩爲同年毛黃門用成作

鴈隻不受侶江流竟折東翹翹雙節孤炯炯滇南中毛
祀一髮輕不斷懸下鍾青燈依夜永白日照惟空和時

片心去願見良鄉翁嗟哉此道微君子孰與同

弔陸汝亨

江江上各花封中道相違異適逢黯黯忠魂何處也
只餘棠樹舊春風正德末陸以忠諫被死

西江行贈崔都關文

西江白日風塵起偽徽驄馳撓天紀舳艫蔽江指建
皖人鐵鎖沈江底投鞭斷江江不流楚囚夜向軍中愁
天戈一揮清宇宙鬼哭秋原魂亂游於虜皖城不動堅
如鎖夜金陵照明月一點精誠捍圍牆萬祀千秋功
不滅

簡日詞贈周子岐

日皜皜兮浦雲飛柝陰滿地兮斜扉華堂下夢兮飛翹
簡書畫閣兮窮思歌北山兮役未齊羔羊五絕兮皆
絲自公退兮食何遲高柳鳴鶯兮夜咽平沙遠棹兮初
歸登江閣兮舒囑學我故人兮結芳桂於岸黃鶴一去

王廉集卷四

今天末低余望兮西暉

港口遇侍御張文甫留別

岸柳維官棹深更鼓設撾芳尊寫歡會高論吐英華白
日歸天上青春惜水涯相看思未已隨夢到龍沙

感別十詠有序

感別者別王子也王子發江右憲當歲癸未待選欲
趨天子之庭而虎拜稽首焉以賀萬年者也丁與
王子爲同寅同寅則同志同志則同道於其別也寧
無所感感斯詠矣然詠而成什者蓋一言之不足故
重言之重言之不足故詠歌之亦情之所不能自己

焉者也不能自己斯正矣性正而情不亂感應之大
道也而一聚一散亦何與于其間哉故君子大養性
易曰二人同心其利斷金同心之言其臭如蘭子言
豈真如蘭邪有味焉耳

又送 皇都陌上人
千古心期一會神兩年花底共芳春如何南浦生愁思

江頭駐馬青蕪濕樹裏看山落照紅岐路紛紛自南北
野雲飛過亂帆中

風卷游絲白晝長隔簾新燕語春堂幽蘭也識離人意
時送歌 細細香

玉華集卷四

六

飄飄片帆雲外指淡淡數山江上橫孤懷欲托天邊月
長向君前照五更

韓孟雲龍事若何年來伐木意無
謾說長松倚萬羅 一歎山光紫

五雲金殿向明開萬國來王舉雋才高豈去天纔咫尺
共知昔日諫官來

清宵紫禁漏匆匆萬里孤臣拜日紅耿耿寸丹依 闕
在一鞭依舊向西風

去日融融春晝遲歸時黃葉滿寒枝晴暄樹背多消息
松竹應憐傲雪姿

興托姑果一柳春相看萬里不辭頻燕雲楚水無涯際
添我青銅白髮新

遙憶天池成故跡那堪新別遇芳春四方自是桑蓬志
爲問長空日月神

竹塘書屋爲蔣中丞景明題
九嶷散蒼紫飛澄碧波止負簪千畝陰鳴璫憂相倚鳳

凰下琅玕湘雲濕不起天宇淡中流晴葉埽涯泥中有
道人居冥觀萬化始聲色影交加涵泳日甕疊清風灑

六合澤庇萬物美相對靜儀刑真成一君子
寄思以發

玉華集卷四

七

楓葉吳江處處青白蘋風動錦舟行太湖波面平於鏡
天目峰頭列似屏高閣圖書無別業故園松竹有餘情

獨憐白首長空走欲向滄浪一洗纓
過虔州懷林以乘

虎帳春寒襲翠裘平沙十萬擁貔貅頭影落黃塵靜
木柝聲沈紫氣浮何處有梅應得句幾宵無句不登樓

長風挂席江天遠繫我高懷綠桂洲
白日一章悼亡友也同年劉以貞既死之九年從

子表來謁子於桐江舟中子哀而語之
白日皎皎玄泉冥冥子如何其永寐弗與縮昔釋褐彈

冠形庭絃歌百里竝諧厥聲子詰邦禁子鳳南征中
道云烈莫或爾承令德令名天曷靡情三復斯文涕泗
交纓

寄祝堯緒

秋風吹客袂倚高明樓望望蕭灘上有鳳樓芳洲豈
不念東海緬邈寡難求緘言謝青島因之素心酬

爲胡大聲侍郎題乃翁墓碑

倚栢人何在封丘隱若堂詩名留洛社清德播宸章
佳氣蔥蘢合我碑榮爛光依依廬畔客攀手獨彷徨

武寧道中二首

王康集卷四

匹馬上西寧山深不記程渡溪緩逐飲踰嶺鳥聞聲積
雨蹄淅滑衝風體袂輕野邨時寄宿明發又南征
山居嶺迢遞日出不知處幽然一徑通泉石呈清趣況
復久翳陰雲深萬重樹借榻吟末宵聊爾安所遇

憶兒輩

陰陰綠樹覆蒼苔樛結輪囷手自栽未論風霜曾飽歷
安知子實幾垂纍婆娑老鬢一尊酒瀟灑清風萬古懷
小詠滄浪閒欲倚夕陽天外鳥徘徊

病中卽事

客裏迎初夏槐風入戶便寸心林日表孤興野雲邊驛

梁飛花墮楚香睡鶴蹀閑門無一事白髮舊青編

萬年道中

風引蒼花撲隴香山深雲路與秋長蝶飛野院依黃菊
楓落寒城散紫霜苑校讎虛卒歲客懷增感過重陽
征輿迅速奔周道收得懷題滿廟廊

吉郡徐守冠邀遊青原山

聞道青原春事好山翁邀入翠微間溪橋遠奏笙簧水
石閣平臨錦繡園豈是匡廬分小鳥定知塵劫墮空山
徘徊細看巖花落獨棹中洲待月還

玉乳洞萬雲巖

王康集卷四

雲自洞中出根深不盡飛有時飛作雨聞向洞中歸

洪陽洞乾坤一柱峰

洪洞縣如許何年融結之乾坤留此柱待我一經題

別友

官亭柳色報春回風動帆檣錦纜開惆悵遠隨流水去
卷舒俄見白雲來海天孤鶴何遼廓楚國甘棠定厚陪
從此惠山新得主筆牀茶竈日徘徊

登宜春臺錢蔣減刑

偶上宜春臺對此瀟湘客開尊萬事除凭闌數峰碧澄
江流練光寒城起煙色論洽情未終哀鴻斷天北

建昌有感

曉纔修江上黃花節已深
故民遞使轍多士閱儒林
細雨幽窗思高山仰止心
明堂問棟桷還向夢中尋

寧州山

良愛分寧山蒼翠清在眼
崔嵬數峰立共抱清江轉
山川豈徒秀賢雋亦軒寬
涉江泛新晴平鋪綠堪剪

持恩堂詩爲陳都憲作

景運重開日懷珍席未溫
鹿溪春夢穩鳳闕帝心存
展卷思殊過開堂見持恩
傷心武皇事猶憶淚邊痕

王巖先生文集卷第五

過陳湖訪外家王氏

外室稱

裊裊陳湖道荷香襲我衣
天光低野樹雲影落江扉
談笑清波穩畱連翠竿飛
小舟成蕩漾攜手共旋歸

過閩間湖

泛泛閩間湖西風起白波
魚蝦鬪葑草鷺鳥喚蘼沙
天末晴霞綠隄邊夕網羅
舟人指溪畔親舊候門多

題吳江垂虹亭

垂虹亭子水中央月色婆娑照客觴
無數釣船橋下宿不知南北去人忙

之

至衢泊舟趙清獻公祠下聞林郡守入覲賦此寄

翠光巖下棹清波聽徹衢陽父老歌
甘雨欲飛千障去彩雲應下八鸞過
行邊論舊聊堪適客裏逢君可奈何
僛僛壯圖猶在耳玉河春柳早鳴珂

游武夷山和朱文公棹歌十首

昔年曾此問山靈遺失山中九曲清
今日棹歌迎碧水舞雩風景仰休聲

九峰祠下滌溪船罔罔仙蹤杳若川
千古斯人還作案紫陽遺墨在風煙

一曲紫紵見一峰伊誰標品插花客陰陽變處多融結
粉黛我知幾重

大藏崔魏欲撼船白沙翠竹自年年何年幻迹塗人目
良說于今信可憐

轉壑題詩有石巖飛湍噴薄雨氤氳滄浪鼓棹歌三曲
驚起鳬鷗下竹潭

天柱孤撐萬木深蒼叢夷衍護儒林中原有識如相問
辜負南來大隱心

溪深六曲瀉前灣回首天遊塹石關更度小輿衝紫翠
野雲巖瀑兩相閒

三巖集卷五

鼓巖落日背鳴灘竚立槎頭作意看細詠曲中人不見
滿山松韻起高寒

山勢傳聞八曲開源泉流湧總沿洞道人亦解窮幽絕
興盡五灘無復來

九歌聲斷思悠然月吐獅岡影滿川笑入蓬壺清夢遠
不勝孤鶴怨中天

九哀

哀母氏也始母氏迎養于莆方八月而逝今復士閭
望莆而哀以興永思哀至九明有節也

哀吾母兮生我隴畝胡為乎兮殞身壺阜竊一命兮苟

蘇正德而寅
奉晨昏兮山之曲抱貞兮不渝字赤子兮
令朝不自滅促兮天於慈兮降毒於虐日瞻莆兮涕零
魂歸來兮雲冥冥

哀吾母兮育我圭華胡為乎兮捐闔烏石山名在莆邑背壽古
稀分逾三時啖荔兮負暄朝簷伯兄兮舜歸每歛歔兮

孫男兄之子名士藻方內喜愉強餐兮時不肖每治枳
三月往兄得子晚且數倏獨遺吾兮匪堪於虐日瞻莆兮涕墮魂歸
來兮日暮

哀吾母兮懷抱三年胡為乎兮一朝棄捐索乳兮機杼
日得母氏善織一縑奄四齡兮能記憶心膺九齡兮就傅割慈腸

玉巖集卷五

兮崑渚崑邑在今太倉州之西今逮祿養於閩兮天恫
粒兮弗與於庠日瞻莆兮涕沱魂歸來兮山無羅

哀吾母兮中道居孀胡為乎兮耄期弗享葉我父兮早
世卽角兮課之以藝紡績兮應需黽勉兮取第羗不穀

以永背兮天顧緩吾罰兮靡戾於虐日瞻莆兮涕交魂
歸來兮川無蛟

哀吾母兮運蹇胡為乎兮縣署不返未及笄兮歸周年
四歸我遭家不造兮百瘁以勦容珥兮罔飾素不修容

旨甘兮焉求倚南遊而就養兮羗載魄以合松楸於虐
日瞻莆兮涕閣魂歸來兮寂寞

哀吾母兮幼勞遭陽九兮怒夫尻綴針于裙卧之衽誤
一足勝竟遺血膿入骨中夫勝左日犯尻神
體且夕延至一句餘以終弗豫兮正寢患創膝兮彌旬
日號咷以嚔向斗兮請祈天莫之假兮拒逆已甚不肖
率子姪而北十請每夜身代疾竟不起男往兮寒來又履茲兮俄爾甘稔於
庫日瞻前兮涕漣魂歸來兮兒邊

哀吾母兮魂遊無不之兮難求在莆陽兮在倉州下上
溪坂兮靈車僂僂悔初然兮寧魄守此環堵終月兮妥
下土千里兮傍徨五內兮今猶裂剖於庫日瞻前兮涕
血魂歸來兮兒聲啗咽

哀吾母兮終鮮外祖陸氏生一子一脈陸今覆殄早折四女吾母最幼

王巖集卷五

四

緒業兮資粧實外祖兮遠猷襄產值百金悉以遺母氏
利歲時食享之藐三息兮北堂兄曰溥弟曰博兄今壽
且拜祝其墓云七十有一弟早亡皆母
氏獨拊畜兮吾偶中強祭五鼎兮以祿與湮斯兮存羊
於庫日瞻前兮涕雨魂歸來兮莫覩

哀吾母兮不如無生德岡極兮報無曾尸素兮泄泄顯
揚兮莫遂骸骸兮大荒衷獨鬱兮懷悵三山兮追遊眾
芳兮蒙翳於庫日瞻前兮涕收魂歸來兮悠悠

簡林廷元

白石山人山之幽桂子芳兮蘭若秋我何勞兮山人逸
此興原來竹寨頭滇南一去無消息我亦江州爲公憶

公在山中白晝長宵把藍輿話終夕

乙酉臘月十五日丙申春一日偕丁方伯沂沈憲

副齋與葉轉運鉄爲鄉同年會飲於閩之城南

平遠臺賦此

春陽煦翠動景物澹芳情攜手平臺鄉心戀國京于
于同袍雅羔羊持素貞豈念風日佳感此韶華傾淑氣
關山海花鳥陶性靈聊爾杯酒適晉慶策南征

丙戌正月十一日和祝鳴和苦雨韻二首

有客傷春苦雨多向天數問意如何飛殘紅杏枝猶帶
喚起黃鸝語未和林月吐輝曾麗畢海雲生陣欲森戈

王巖集卷五

五

池塘水滿侵芳草設屬新詩轉自哦

鼓聲簷溜攪懷多客枕共如不寐何燈靜圖書渾奪彩
日臨甲子定愆和倚樓閒望聞橫篴把筆分題有是戈
欲訴帝庭驅雨伯六街元夕共歡哦

和祝鳴和催晴

驅車來越會幽塵動芳陌何必懷上都冠蓋聊爾適公
庭狂狷清束帶遺煩劇良朋贊元化幸陪分末席剪削
蹊徑殊大道領忠益苦遭春雨霑對景若相失篆螭上
苔蒼鳴禽理音澀元旦喜倏晴十日鬼夜泣船帆聚島
渚萬壑澎雷激琴書潤谷風落花墮芒屨綯惟除歲暮

瀾空綉彤赤父老駭聞見復此光霽澤鳩婦逐林莽
傘蓋漫淳王孫怨不歸遊子嗟偏窄安得排雲手居然
太空闊日光盪海宇民物熙盡懌作詩爲催晴東山有
愁客

仲春望與丁宗魯邵思抑候會宗同游鼓山

要識天風海濤處便凌蒼翠一扶登山僧未解遊人意
亂打晴鐘三四聲

寄嚴仲周

西江西粵路茫茫何日花前再舉觴若使依然吾道在
蠻煙瘴雨卽家鄉

玉巖集卷五

端午登烏石山

不意南來有此山凭回飛蓋碧霄寒白拖雙綵依城在
青送諸螺滿座看石篆留題空古蹟湘纍遺憾只虛闌
蒲觴且泛西歸日一曲清風理舊歡

月下聞簫呈祝鳴和

振衣北窗下高樹來清涼松影月在地簫聲風過牆何
年截嶢谷雙鳳飛翔翔呼童揮白羽銀漢倒清光

晨起一首兼謝祝鳴和邵思抑

清風竹簾曉牀涼退食公餘白晝長一盞莉茶醒短夢
幾聲衙鼓報中堂頻看蟻垤思霖雨數對駢囚愧俸糧

嘉會同寅欣賞識石亭溪擢每相將

中秋詠月和祝鳴和韻

銀漢無聲迴寂寥今宵知復是何宵空中飛出一輪鏡
雲外吹開幾片簫露卷綠蕉蛩韻響風傳清漏鴈行飄
舉杯共囑同袍會彷彿維揚廿四橋

夢詠一首有廿年勞苦但滄洲之句

吾本煙霞骨年來亦倦遊夢魂依日月衰病惜蜉蝣白
髮黃花笑青編綠綺悠悠復懷慮早晚向滄洲

寄邵思抑

用前韻

獨學愁無與鄰哉籍遠遊道心方鐵石世態等蜉蝣漾

玉巖集卷五

機期同濟登山可自悠清風時一襲芳杜滿汀洲

和荅周玉巖

邵銳

少日欽高行中年侍宦游羽儀真鳳鳥聲利總蜉蝣
對酒春常滿聽琴夜屢悠何當結同社連權下吳洲

閱武

月白海波澄天狼照地明烽煙消夜綠整鼓帶寒聲日
射旌旗正風追騎步輕車書今一統耀德且觀兵

寄江西臬司高汝白諸友

南土風光自不同四時春色在花叢舉杯頻閣情猶故
悵月相思事轉空共賞濟時分菽麥誰知具聖維雌雄

白頭傾蓋成塵夢回首看雲忽萬重

次韻荅玉巖

高貞亨

但得開尊樂事同何須移席對花叢故人詩共青春
到客子愁隨碧盞空自思此生成醉夢敢於塵世較
雌雄交遊記取丹心在不問雲山幾萬重
風物春來自不同遙憐庭草長新叢歌聲入夜人千
里梅影橫窗月半空遺我好詩如對面知君高論匪
爭雄武夷見說多奇勝看到溪雲弟幾重

和范憲副汝和游麓峰

排雲四顧一登臺落長松影拂苔目送飛鴻天外去

五言集卷五

八

陪攜新潑柳邊回清風淡沃無懷面紫極遙輝上鼎台
萬物已隨新氣動不妨乘興又重來

平遠臺次篁溪韻呈玉巖

范永鑾

袖拂飛雲撫石臺舊題風雨半青苔天邊雙鴈衝雲
過林下孤僧帶月回坐傍瀛洲凌五嶽行看蓬島近
三台海兵若遣銷金甲尊酒何妨日一來

和祝鳴和丙戌長至十韻

節令方陽復天休似日升九重明斧戾羣后入凌兢
律定初灰動班呼萬祝層心丹忠歷歷冠牙節嶠嶠牢
落江湖任孤危月憑何當際奇會於此偶佳朋不理

川舟消終慚甲第登未須悲鳳鳥豈願聽蜩螗衰颯徒
驚鬢中和敬服膺天心照中夜一點更軒騰

題畫爲祝鳴和賦

小局深書不重開時見飛花點翠苔雲外數峯青不了
松間一徑客還來郊容帶暖歸林屋山意分晴上竹臺
共說知音千古少爲攜清瑟暫徘徊

感事

中夜雞未鳴客夢夢騰揚朔風吹我帷搔首裹襦裳青
燈照黃卷冠帽飄容光陰寒襲襲侵重裘出箭箱破服
衛軀體常恐元氣傷赤地亘千里間魂何皇皇中使路

五言集卷五

九

江南天憲衙廟旁萬國之正供願此求災方碧雞勞漢
節因之修祀穰神明如有知膏血塗廟堂宣尼重求車
病已來褰韋千載垂清議伊誰決川防重瞳坐虞舜
豈不念夷瘡論道未底績未流竟請張歎息復歎息瞻
極但傍徨

題查元博誌齋卷

心兮乘氣機出入靡定時浩淵走莫禦風絮飄無依所
以百聖傳有法恒自持几杖則垂銘弦韋亦備警罔曰
天鑒高顯思未易整彼美誌齋翁根極悟要領三大昭
弘訓服膺發深省

偶作

天下有二途曰名與曰利爭名者於朝爭利者於市紛紛徒白首何時而已矣高臥怡素心太清究終始

寄友

雲水潛幽居牀頭一卷書海天橫去蜀川日泳流魚不見讀書客長回訪舊車何時話尊酒新甲剪春蔬

酬顧九和

紛紛岐路惜年華幾見風前葉底花老我桑弧空壯志仗誰經濟欲忘家雨飛青瑣苦堪羨月滿瑤天夜獨嗟高臥蘭雲春晝暖唐虞一夢際無涯

玉巖集卷五

題扇贈周充之任福建總憲

顧鼎臣

故國相看鬢已華廿年陳夢曲江花風塵海澗巷行役稼穡艱難念起家此日俊登吾共喜普天民散孰興嗟讀書讀律皆吾事隨地陽春際聖涯

新正試筆和祝鳴和清戎道野芳亭韻

坐對此君子惟餘數卷書好風來戶細斜日下林疎隱隱春聲鳥青青雨甲蔬退公清暇永宜爾小亭居

新亭既成偶作一首呈玉巖

祝永鑾

歲晚初回馭亭成可讀書但聞禽鳥悅偏趨性情疎有客來看竹呼童去剪蔬草玄非敢擬莫作子雲居

送方太中

東風鼓鳴劍吹落鴈南羣木漫天颺興端修世講文心齊曉日高義薄蒼雲明發理歸棹還揖武夷君

送祝鳴和上賀萬壽節

玉繩低處曙光稀有客離離謁帝闈維扇影搖迎露綵彩牙冠儀肅近天威羣仙碧落山呼重萬里丹誠縷抱微但得堯仁天似遠華封何必效多祈

獨坐三友亭酬劉黃門韻

飢風滌寰宇象物染華觀幽居灌叢中聊以理情性閒花雜砌芳羣筍拔地迸日華澹層簷翠書漏雲映萬感

玉巖集卷五

隨化悠何心起紛競晚來一雨霽斜月洗空淨安得如蘭人相與發孤詠

寄東野寺奉呈玉巖

劉世揚

隔窗聞鳥語雨過園林靚綠崖事登眺託物散情性霽沈山色迴雲薄日華進孤嶼稍盤紆叢篁高掩映原嘯足膏澤東作事方競悠然豐年喜遠挹溪光淨何處枯樛聲和此林中詠

送蔡巨原年兄之任河南詩三首

并序

予與霞山自弘治乙丑宴瓊林並鑣玉河隄看花歸第未幾霞山以翰林庶吉士陟黃門天游年兄山戶

曹主政爲天官郎子劣居三甲得補外爲閩之莆田

今再除吉水爲御史竟左遷懷遠竹寨二驛丞方待

罪竹寨時霞山自貴竹少參訪予于茅扉懽會信宿

而去今霞山歷閩之大參轉河南右方伯天游出參

閩藩歷今之左方伯予亦備員按察使執役二年兄

後日夕合并或燕語卽與霞山追道釋褐日與訪舊

竹寨故事霞山輒舉唐人詩怪君把酒偏惆悵曾是

貞元花下人自別花來多少事東風二十四回春

句向天游與予曰自乙丑至丁亥恰將二十四年則

亦適合予三人皆白首矣相與感慨者久之霞山今

且向中州能各無花下惆悵之情天游與予重茲別

也集欽劍池攜舟共濟匪曰佚游蓋同心焉予齒禮

應列於弟行乃取前詩反覆以詠歸而作三絕以寓

留別之私風韻不敢擬之唐人而性情則同一機軸

也用是小序

自從聯轡看花歸直向沅湘扣竹扉他日重逢又何地

幾回白首共清暉

劍沼涼風天外歸小舟閒傍翠雲扉貞元花下猶三客

可少芳尊駐夕暉

一雙白鶴紫雲歸淚痕秋空月下扉夜半松間方煮石

忽驚新夢起朝暉

聞洵兄讀書聲

華堂畫簾未初夏天氣清況復小齋幽花草列著青明

師儼在上外誘婦紛縈赤子抱眞純澄如止水平甘角

已成童六籍采華英琅琅微我聽韻入松竹琤吾年及

知命黃鸝三子成爾齡方向茂學聖意正傾口與心俱

到恍若參倚衡靜復沈所思一貫良湛泓勉旃圖厥終

亦不失令名

三友亭右偏隙地空予手植叢竹二本補芳以諧

松梅之交未踰年翠色蕭森蒼影拂地或時引

玉簫集卷三

清風以蕩滌玉巖子襟抱翫而愛之小賦十八

韻呈范憲副汝和

南中景佳麗四時貫不息雜芳當牖生雨過靜如拭孤

松挺寒枝冷豔裁復路此君來結盟矢心靡魯忒居然

成友三參我一不德優游亭子中神周八荒域世紛浮

雲態靜歎何偏側清風誰招呼時來灑襟臆小禽或下

上求友聲唧唧援琴鼓以罷天和協動植動靜各有適

遠眞乃戕賊胷中納千畝涯涘安可測無心競短長有

節抱虛直滾露凝碧滋纖月照玉色何須托淇水金錫

是爲則海雲盪層霄雷電滿盤勦舉手謝三友欬枕事

甜黑一夢北窗下倏忽華胥國

贈汪生濟時來訪

武夷舊事日荒涼碧水丹山在在芳千里裏糧攀絕磴
步趨遺響是登堂

送邵思抑參政之平州詩

并小序邵本陞湖廣文
移鎮河南故此序失
南云

邵子思抑自少讀書爲學以迄於今吾嘗得之魏子
才況今兩爲同寅式瞻靜挹之餘豈有不以區區爲
知己者今遊武夷以窺河洛遠詣益深所到良未艾
畱心當世之務綽爾經濟方外之義由乎直內之敬

王巖集卷五

古

求物各付物之地其庸心聖學亦勤矣充是則修已
以安百姓豈足病邪噫邵子未可多得也某拭目以
俟小詠以別詩云

白雲挂帆檣問子之何方遠在水中央桃李盛開楚分
布已如許梁棟不堪貯洞開千古留寬裕足有容乃始
見端峰高深未有極願言惜寸尺他日承顏色

秋日行臺

坐對廬山勝嵐飛千更晴秋深古臺院楓落楚江城井
絡黃雲遍川湖自淼平宛陵詩一卷高詠不勝情

贈唐侍御信伯自湖廣復命東還

雙飛畫鷁武昌來蘆荻風生渚鴈哀漢柳衝雲秋色動

青天白日繡衣回禪歌遠送三淮月客夢先依五鳳臺
曉倚廬山長北望螭頭簪筆許誰開

題九江行臺

六任西江領節旄自慙無地報 王朝留中一省十三
府日夜須還走一遭

寄淹兒

吾先姓周氏世系邈靡記源福三翁代不立文字高
曾素微業稼穡維寶治大父何木強篤生先君嗣性氣
良慷慨毅直永不貳躬耕司馬煙煙雨孔慨悴齒歷四

王巖集卷五

五

旬五育我于茅遂保愛比圭璋目爲亢宗瑞豈期未成
童修爾中道棄是時介龍猪飲恨下泉 隨向苦集眇齡
予年十 冥頑怒如醉稍長世故通追暮安忍置感愴每
酸辛懸河迸雙淚仰荷岡極恩四體先君恩中抱至寶
存當年授之意臨終召予至寢詰曰汝道是雖無指示
諄遺範矩獨至顧不登鉅儒迄爲功名累若非陟此途
致 主終無地在再侵二毛黃麻未遑責猶爲一罪人
汨汨簪組倚努力策前驅孝心終最眉父道充其類覩
於爾曹媿爾兄州庠遊命爾邑賢萃墳塋頡頏翔魚吉
老懷遂茲焉互垂翅能不動驚悸草樓聚春暉叮嚀爾

髮祥云胡越數霜忽忘同敝屣城南病昌黎過庭失鯉
隊嘗吟汝母言乙酉歲失利含赧蔽婦弗垢容理內事
予曰何庸爲善養勝祿持此聊慰解睜眸今秋冀誰
謂過東歸不戰先屈蹟血慈沁肝鬲愛好無纖僞客使
千里還音書發長喟所云數固奇難歸莫之致切情斷
精全暫遣仍不易引觴泛燈前中夜不能寐起視霄漢
橫奎壁芒文闕天道苟如此返素泉石寄勝祿隨頭雲
恭守先緒馳作詩喻中懷慙慙托孤思

御碑上安陸州出九江迓之途逢重九即追賦

九日不見菊空懷陶令籬茱萸未及把但繞廬山嶺廬

圭齋集卷五

未

山秀四面峰峯皆可詩昔年令昌邑五老嘗見攜纒復
領節鎮江州正委蛇況黍鹿洞主洞學勉圖規蓮花吐
雲端芙蓉削天垂竭來自武夷承 命撫黔黎道出修
江上匡君仍在眉三日到柴桑雲錦張天帷別後已三
載父老訝何之靜對高秋前愈觀愈生奇歷變態
坤靈含厚滋倒影浸長江雄拔東南陲倏忽下 綸音
將作大匠隨龍章耀艦舸 顯陵樹崇碑大風何煥發
蛟螭舞江湄是時屆佳節奚暇酬酒卮東林間遺墨磨
崖聳天地蓮社幻銷歇虎溪荒翳菑文殊塔在望蒼蒼
蒙鴻製紫紵雲睨黃潭藻淨漣漪空翠挹征袂馥郁動

人脾野花猶的饒帶雨妍春姿海天泊帆檣衰柳長
隄孤城鱗睥睨閱武愔前期同遊久淪落感慨生歔歔
策馬還洪都鶴鳴紫霄遠瀑布灑香煙石耳仙霞吹排
徊吳障巔湖光蕩車輻下車省秋歛聊復起瘡痍楓林
有民犢禾困分離披兒童萃筍立依依舊母慈沙曠水
涯出山高風自危攀榆攬晴色慙步泉亭坡放棹左蠡
橫林圖畫披雲於不巢白岡在長阪願往哲逝川水江
山只崇卑臨風悵無言落日埋臘脂天東皎婢娟一輪
光陸離江空白露下不寐獨沈思

圭齋集卷五

未

渴慕遇雪阻舟

寒日林塘曲徑紆小舟輕泛入風疎江雲漠漠同荒野
零雨霏霏濕樞樞深夜諸兒談短燭危橋一纜繫孤墟
推窗曉起行殘雪滿目松楸起太嗟

贈或人

每見詩堂開喜讌便驚塵世轉飛蓬一從京國通知後
又復江鄉語歲窮未惜歌鍾消永日設陳尊酒對春風
金丹玉屑非吾事淑德昭明是令終

送人之粵

煙花三月上橫州棹入南雲遡碧流分牧定應酬壯志

采夷端合運良謀深山瘴雨援啼切列堡光風鳥弄幽
開說年來暨聲教清平功舉許誰收

送內弟張真芳任柳州經歷

柳帶官橋綠征航指粵西子規啼樹暗蝴蝶舞園似書
劍家聲舊山崖幕政齊黃蕉丹荔子遺愛有羅池

泛陳湖遇風

麥風梅雨暗前洲慘淡波光盪綠蕪豈有蛇龍騰舊窟
故將山嶽撼吾甌平林日射青峰遠小墅雲蘿白店孤
杳藹望中人語定數聲雞犬在菰蒲

讀杜子美日梓過園詩追憶內子歲攜淹兒赴竹

玉巖集卷五

八

寨出牛欄關過雨雪

上上盤坡經七轉山行盡日無雞犬陰風慘岷山欲圍
猛虎咆哮足常懷去國無程心自速觸君有罪身能
免別家一載音斷絕雪裏孱兒抱書卷

南園別業東鄰友顧野泉

隔江幽勝年年在焉卜林塘近浦東翠竹紅蕖自交映
雨鳩晴蝶故相逢歸帆遠出三沙浪絕壁橫邀萬里風
幸與芳鄰敦宿好杖藜何惜過橋重

秋風歎

終朝挾雨震無休禾偃西郊失有秋自是南箕懸畢宿

錯疑呼鵲韻鳴鳩浪翻海颶威初壯雲垂江天陣未收
尚憶杜陵茅屋破銷愛誰復遺青州

玉巖先生文集卷第五

玉巖集卷五

九

王巖先生文集卷第六

入雷都謁 孝陵 并祭稿

金陵王氣萬年鍾九五龍飛草莽中堯舜典謨垂燕翼
禹湯功業付鴻濛虬蛟潛迸石突砌鸞鳳橫衝雲曳空
長拜松楸成惻愴乾坤一統 大明宮

承示謁陵佳作奉次覽教 劉節

南都南望江流外春日春懷客舍中山擁樓臺寒寂
寂霖藏梅柳書濛濛詩篇七杜愁俱廢藥裹指如病
不空卻憶往時趨綈仗曉瞻同聽建章宮

齋居次周貞菴師韻

王巖集卷六

歲律新分正朔初太微瞻處是 皇都明窗雨竹數竿
淨清讌爐香百慮無對越天心寧遠近應承 宸制定
歐蘇還思鳳輦隨春草紫陌陽和照玉符

齋居 周倫

齋日去年還上國今年齋日又留都君臣敬實通
天地南北心會定有無佳節未容傳綵勝良宵何得
問屠蘇幽明默默非相隔瑞雪新歌事已符

用齋居韻贈王巖年兄 萬鏗

看花憶昔上林初容服相看小且都廿載江湖還我
欠一時廊廟可君無坐深齋閣神俱寂讀能新詩體

倍蘇同榜同官亦常事同心願與共賢符

酬萬中丞仕鳴

外補郎官釋褐初幾年無夢到燕都浮雲多少閒來往
好景依稀似有無白日青天還照耀蒼松翠竹敢樵蘇
嚶嚶春鳥相呼喚不道游人意與符

雪行出大理寺 庚寅春攝大理事凡三月

頓覺青山改翻成淑氣寒雲埋睥睨重風飈鷗鵲靜
聽虛窗灑行憐遠道難鶯花何日麗陟此大隄觀

承貞菴師鄉會命韻春夜為題

寒柝聲遲漏欲沈坐來春帳小堂深梅花月色去已舊

王巖集卷六

客子詩懷何夜今神運八紘渾短夢瑟傳三歎有遺音
近隨矩步看芳躅寄與青雲但此心

從貞菴師自清涼門入上元廣韻

曉來乘輿到江頭看盡東南第一州虎踞雄圖建瓴盆
龍盤王氣滿空流春聲忽聽鶯初轉生意欲看草綠浮
幾度小橋過竹徑卻疑身在故鄉遊

和孟望之赴桂林十九年時原寄倡韻

春風吹上闌闌角歎息年光似去流猶憶桂林明月句
相看柏府閣江樓清時共賞彈冠慶芳宴真銷去國愁
飽喫孟公匙半飯 未句云飽食外方各努力 逍遙此日 帝鄉遊

奉荅見和桂林相寄之作

孟洋

除夜俄逢繫綠舟新年重喜接風流春煙坐對晴江樹霧雨心驚瘴海樓聊假清尊驅別恨卻緣華鬢動羈愁青春二月啞鶯遍水外花邊共爾遊

望之索和桂林之作再步前韻

浮生天地一虛舟漾櫓平川自在流醉日小桃橫絕磧迎風新燕過層樓並觴準擬行春樂狂狷偏來惹客愁陶謝只今多逸思可無述作謾同遊

又和

湖上青山郭外舟驚鷗鷺亂時流行行眺望真成畫

玉巖集卷六

三

日日肩輿當倚樓謾說朝川堪寫興但依鍾阜自多愁刑清政簡慚無補春雨秋霜總勝遊

春雨決旬用貞菴師鄉會約韻

紫霞飛散臘脂沈簷花飄落杳思深短檠寒燄白挑盡新詩得韻常謳吟屋角啼鳩逐林婦雲頭吟龍震天音年年化上霏恩澤草木從此醒春心

病目

寶篋目束出少選雲翳之清虛一大中皓魄皎孤離歲暉廣寒宮返照太乙池半夜蝦蟇決雙瞳夾鏡飛

清明前三日目疾始愈時過方沼東軒上一憩

輕寒輕暖半春天小步迴廊院落前依水綠叢蒲短出滿牆紅豔香初妍登臺引望微風快把酒尋芳愛日便驚蝶也知人意好共隨花柳過晴川

論詩東望望之

三年二句苦搜尋贏取霜毛兩鬢侵興到江山偏得助感來情性自成吟但教有主通靈思絕勝無端錯用心風雅以來稱李杜誰言刪後更無音

官廨歌

我非鄭廣文胡爲官廨冷似鍊我非陳長門胡爲中閨坐明月我非杜少陵胡爲破敝四乘裂我非張西伯胡

玉巖集卷六

四

爲乘槎泛活活池塘四井控卑坏院落窪凹漫平治飛甍傑閣表堂堂百圻下瞰內塗抹方春三月雨水競乘船入門真可嘲朋僚訪集水中泚鞍馬沒溺金鑰幽渠綠漚不能走鴛鴦浮浴聲喧鶯蛤蛙兩部雜吟詠蒲稗引蔓摩靴袍翠書屋潤沁薜蘿蝸牛出陞登秀華便欲排木學有巢安得取之沃土焦天宇劃豁暗晝開兒童爭喜太陽來須臾四野陣雲合滂沱翻瓦挾風雷天公變態巨測乃如此況復人情憂悅獨且奈何哉憶昔嶺南棲息老子宮鬼番羅拜匪石中黃冠緇緇執徒役青衿秀士相磨礱夜臥一椽滄海畔曉攜漁艇釣瀟瀟

復爾沅湘茅屋下聚春樓上歌春風猛虎咆哮瞋我室
衡門滴漏牀簾東今日雕梁畫棟青雲杪顧復偏側歎
萬蓬時兮春方沼層軒步華日天光雲影相流出鶴鷁
迷留柳花飛午夢隨風依勿密時兮夏波心菡萏引清
香雨洗葦山吐翠蒼獨坐小亭滌煩悵星斗聯珠浸夜
涼時兮秋蟋蟀在堂金氣肅爽吹蕭蕭動新竹皓魄當
空寶鏡升萬籟清虛俯橫玉時兮冬長風如號空墜嚴
飛花六出縞纖纖金尊滿引須自慰無衣卒歲窮簷
嗟乎廣廈欲庇天下士吾廬獨破何足恥無地樓臺膾
青史滅虜不家稟騎子人生更有真宅址毋庸偃仰謳

王履集卷六

上

咍官解裏君不聞天地傳舍非曠談光陰逝旅徒爲爾
三月上巳邀貞菴師及萬仕鳴張常甫遊蔣山

燕樂亭前春日遲柳風吹面力輕微良朋偶爾尋修禊
嘉會真如詠浴沂維還亂紅侵竹塢蒙茸翠草人衣
遠山橫抹留殘照猶帶明霞送客歸

和韻

張邦奇

郊行長爲簿書遲勝友壺觴已翠微夾路桃花迷人
洞傍溪鷗鳥憶臨沂松陰坐久還移席草色春深欲
染衣紅日下春湖水碧石橋高踞紫霞歸

和貞菴師遊蔣山韻

塵世那知是劫灰何當開口笑山隈浮空雲影濤翻起
得意花容日送來細細香泉通脈暗濛濛翠霧向人開
昇平海內相逢話潦倒無妨酒甕推

曉春公署

旭日金鉏上紫山道人方起未開關池塘草碧蛙聲畔
林麓陰深鳥喚閑裊裊晴絲牽畫白紛紛絮點苔斑
捲簾時看雲來往圖史清香落几閒

賀萬仕鳴賞牡丹韻

大理寺中興家崇
盛開過諸公過賞

曉雨初晴暖正回忽驚臺畔紫霞開凭闌一賞新題墨
對景相忘各引杯藥砌歲蕤承露冶春庭寶貴擬花魁

王履集卷六

下

幽厓亦有仙姿種無奈風光老共催

登雨花臺過徐公子西園宴賞次貞菴師韻

江光山色半霏微春盡乾坤碧四圍臺近鳳凰懷宇剎
觀飛鳩鵲奠邦畿煙橫桑柘鶯花老雨入園林才子肥
翠幕高張金谷午笙歌嘹亮遏雲霏

望之列雨花臺與西園爲二題各載和其韻

朋舊當年已半稀弘治庚申與校文同事數友
一止此臺今且三十年賞心今
與壯心違重遊此地還堪笑不放空尊未許歸目送江
流傷事往雨深林綠見春非塞芳又下閣黎閣路破山
中發轡衣

逐西園雨乍稀東園尋約可相違蝶藏錦繡應鐘夢
鳳去琅玕久不歸飛度羽觴隨畫永笑談歌扇惜時非
杜鵑啼血紅零亂賦就新裁一翼衣

庚寅夏四月二十有八日子與同年柴德美主鄉

會以酬雞山之宴會畢將出德美曰吾嘗憶鮑

翁有滿座鄉音自可聽之句李侍御世節因云

亦嘗見貞菴有鄉會題是亦不可以不為予退

而析鮑翁句為七韻頭各謾成四句至一政教

共八首

門外車陸離亭上客裏簾開望恐不滿夏日猶惜

王廉集卷六

吳下此盍簪白駒留一過誰能不破顏清風來四座

桑弧射四方今日任壺觴爛熳芳菲盡吾鄉是帝鄉

勝會不假飲相看恆在心人人解吳語循齋猶九音

監天

海內推文伯匏翁步獨自遺吟傳到今字字響擲地

天壤大如許習父何磊砢須令我忘吾大道幾許可

雲白更山青持杯勸醪醴朝各異路歌罷願君聽

年華冉冉坐銷沈為借公餘夏日深清暑飛觴聊引舊

小亭揮塵各談今渠歌了去還商調儼道中莫豈正音

樂天滿堂誇上國共看葵霍向陽心

壽毛彥深六十

先春老人姑射仙家傍梅花雪月天朝餐沆瀣顏色鮮

手持白玉種藍田跨鶴蓬萊今幾年世間甲子須臾旋

舊聞人瑞章耆賢休德考徵貽孫玄華堂開宴羅蘭荃

落英秋露垂涓涓我有一杯金陵泉無由致之南山前

宅時摘梅散花煙共醉扶桑海日邊

詠雙節婦

栢舟篇斷已堪哀此道今人棄死灰何似董家純節婦

並攜張姊托孤孩辟纒燈影青寒幕截髮風聲起震雷

誰借一椽南史筆為書雙玉輓波積董節婦乃董府

王廉集卷六

孤以死自誓至七旬而終其節婦之姊少亦寡聞風截

髮誓不改嫁至八十而終遵道三以言索子頌之特為

布方口懷孟望之

落日歸帆浦清江引釣磯參橫廣陵樹天遠潤心扉有

美人何在無絃琴自揮相將問平素猶記叩形闈

訪楊遂菴閣老城南別業次邵思抑韻

山勢迤邐綠遶城江光遙映野堂明風雲會合三朝重

泉石淒淒一羽輕滿座荷香資獨樂半窗竹影動虛聲

綠知丁卯橋無恙勾引先生續社盟

渡淮

六月長風曉渡淮海天寥沉淨無涯黃流東走翻坤軸
黃河水決清河北化爲碧草連暎泰階權發五更
明年啓客行千里思尤佳北臺好我能相慰爲倒清尊
餘暑懷

淮上行寄劉中丞介夫

揚子灣頭風急船片帆直落清淮邊淮南水泊高郵天
芡蒲菰葦綠於煙淮北風光亦不惡但見黃河芻丈澎
湃走東川南都客子趨金闕拜捧玉函心似只長颺
吹月流丹墀一夜瓊輝信飄發故人梅國鄒魯來手持
酒卽耀中台官槐覆影清水院別竿浮霞翠栢臺相對

五散集卷六

未須吟客況中興輔佐直論材才賢滿眼亦官使海內
澄清徹之底馬察院徐直指千里風直如天邵將作
黃都水躬循禹蹟忘壬癸願得羣黎沐帝恩數歡
暢生祥祉黃河黃河虞患寔多盤庚嗟瓠子歌歌漢以
來其奈何破民屋廬傷民黍禾官家慎勿徵科伊誰
上奏明光宮詎忍見此何必詢民瘼江淮年歲總來
歉青兗飛蝗無捕羅明良求治致中和毋庸歌此淮上
歌

上徐州

章崔雲霞便紫烏畫船鏡吹一曲畫祥龍直河見龍變

化清河潤威鳳翔碧落虛萬國帝臣心共展九曜皇
極福于儲江風亦解朝天去飽卻孤帆直到徐

舟中畏暑東丘侍御以義

時當六月二十五赤暑停舟汗如雨遠望高林思綠涼
回颺陳露飛黃土火益團團燒午空行人憩雲霓覓
濟州太守作地主惠我層冰狀符虎一座清寒起栗肌
相如病渴消中腑破瓜沈李漱行厨散及長竿濕綺綳
不須重賦苦熱吟卽事漫成欽杜甫

舟中畏暑又一首呈邵思抑方伯兼致謝意云時

過東昌府聊城縣

王康年卷六

六月二十九火雲爛堆阜炎威酷自辰達終酉羽
簷不停揮僮奴病酸手故人方舟繫揚柳白鶴
邵方朝帝庭玉巖與之偶共濟匪今宿甘之承友
西江南交承云爾何中道莫相負題我南都詩惠之
清淮酒開封挹茲郁飲德思醕厚安能一披襟洗滌東
阿瀾時過遇我欲訴君王莫畱祝融久雲師與風伯
急借行九有天道各循環吾於暑何咎爲問行旅徒幾
皇人在否

酬丘以義

落日千林遠清風生晚涼魯山明甸壓濟水下河梁南

國佳人麗新裁雲錦張明珠迢迢遙近量相忘

甲馬營夜聞笛是日初五立秋

衛水奔天津遠瀉邯鄲月銀漢轉危檣金風正飄發
飛何處聲梅乾散林樾幾夜鄉關夢遙遙上金闕

齊魯燕趙道中偶成四絕

兩岸蟬聲送夕暉萬邨禾黍綠肥肥齊民但說年豐事
那識玉皇登紫微

秋風昨夜涼人骨河漢橫眠斗斜揭梅花一曲斷腸聲

吹落邯鄲趙城月

舳艫千里實京師百萬貔貅命所須粒粒民脂齊到口

王康集卷末

不知養得霍嫖無

昔年微服下江南飽歷風霜只自諳今日白頭見天

子路花江燕漫相參

直沽遇幼時同門生衛祐于天妃宮賦此

與子同筆硯非角初及髻一別四十霜兩鬢各已華道
院忽相值對面成驚嗟何事重會合到此蓬萊家海上

三山近八月浮仙槎擬欲凌銀河謂帝登紫霞子方

荷金戈中林蕭兔置四方偃無事綴詞吐芳葩杯酒惜
離舟離情散汀葭邊雲擊日起沙燕逗風斜俯看玉匣

中思贈雙鐲錦倘際風雲會還當學楚奢

夜宿直沽

平生蹤跡滿江南匣劍秋空此又探槐葉暗涼堪薄袂
葛巾蕭髮不勝簪潮聲東到夢初醒雨勢北來天半酣
鼓角樓頭新月墮客燈挑盡幾紅蠟

白河有感 正德十申道經有戎馬之警

雨洗潞河秋郊原碧似油暑威收朔漠涼思足衾裯白
骨悲先代青春憶舊遊武丁嘉靖治貞觀太平誇

水漲丁字沽上流舟阻不前羈宿三夕

蕭蕭風雨暗征途白漲迷茫下直沽柳岸月深更漏杳
黍林舟繫酒旗孤家館旋買園蔬甲野老能遺瓦盎醅

王康集卷末

夜宿直沽 信宿淹留籬落水曉時應颺片帆蒲

適枉高作率爾奉和

邵銳

北征萬里倦長途官舫聯翩絕小沽深漲驟添江雨
暗短篷癡坐客懷孤感時天外驚新鴈遺悶別頭聞

風敲卻憶江南樓隱地野塘秋淨足菰蒲

舟發蒙邨贈陝西張憲副

玉露零零下晚塘明河邀月照扁航疎鍾欲斷荒煙樹

初鴈先依野稻香知已忽逢情轉屬豪吟不覺興逾狂
西山爽氣依然在丹楹華清最上方

送魏子才致政東歸

上疏殿前 天子俞豈是久厭承明廬
我白頭方詣闕
饒君黑髮早縣車
江南鴻鴈稻梁足
門下桃李輝光舒窮愁
不比虞卿似著書
萬卷積莊渠

入朝陛見

一別京華二十春
兩朝文物本非倫
重離日
慈光天近五位龍飛
霽澤新肅仗千官
鳴佩玉傳宣中使出
絲綸長安門外宮牆柳
猶依依翠拂輪

感遇贈張錦衣用清

正德壬申時為御史督勸錢寧寧使刺客踵予跡欲謀刺害用清時為校尉泄其機於鴻臚寺道旁隙地予始從閣下張家灣

今日復何日握手重論舊
相對如夢中忽忽驚白晝論

玉巖集卷六

三

舊云爾何指我由徑實不墮子
羔愚有若神明佑逸無結草報世交
敦裔胄

訪同年張子醅

黍巷上新居
青山日對廬
圖書盈座右
風月捲簾疎
維卉藂奇竹
方池泳小魚
北地極難裁竹西峰書屋小軒俯有數竿
廿年重話

舊相與一長歎

感舊

鄉人胡誠寓張家灣壬申年予謫嶺南避難於其莊舍

我身元是青雲客
化作遊方雲外人
口誦觀音經一卷
變易姓名不欲使胡氏人知胡今小若頭攜櫻米飯一甌以給飢困三日無食取佛前觀音經誦之夜以門板刺客不能神甯宅變千身逍遙廿載還楓岵好得始下舟

立中庭望黍鄰
即避地
惆悵胡君同
再會天教認我舊時

贈陳進士

西風昨夜起
鯢鵬萬里扶搖轉
碧層玉樹有春花
正好靈臺無恙日
初昇宮城細雨初鍾動
鼓角危樓澹月澄莫忘比鄰相鑒
壁夜籥猶自憶青燈

中秋會宴張子醅一笑亭即席用前韻

少微深入五雲居
夜夜潛輝動紫虛
跡引赤松終慕漢名垂
青竹尚傳疎看花共憶真風馬對酒
廢歌一水魚江北江南重回首
塞鴻溪燕各增歡

玉巖集卷六

四

訪玉巖周老先生言舊

用見示渡淮韻

駱用卿

渺渺孤舟過兩淮
兩淮送谷興無涯
短章不辨鄒陽獄前席還登賈誼階
八座風聲南國久
中秋月色北天佳
陸辭又過長江水
擊楫中流有壯懷

訓駱原忠用杜子美韻

細帙堆雲架青山
面竹門餘生老殘
蠹微緒托頑豚春目杏花塢
秋風禾黍邨浮沈怪鷗鳥
吾亦信乾坤

留別子醅

昔年花下各逢春
落落晨星能幾人
不見青鸞依日月祇知綠駟出風塵
秋風行客看將晚
老去交情覺更親

坐對一杯亭上月任從披豁道言真青鸞指翼鳴仲輩
綠駢子醅一人耳

發舟灣下南還

曉光杳杳滄洲疊鼓放船何穩流白鳥去空生遠思
黃花裏露見離愁獨持杯酒憐秋色細詠篇詩憶帝
州歸報院曹諸彥長太平天子樂商周

贈歸安舉人張翀時附舟來見

萬里雲霄一鶚飛江天鳥道忽相違風帆帶雨纔揚起
書劔藏春太學歸世路紛紛誰共語客懷牢落且忘機
巍巍泰嶽來東魯仰首青冥是所依

乘月渡淮三更艤舟淮陰驛寂無津候吏相偵伺

玉巖集卷末

五

口占一絕

蘆荻蕭蕭楓葉秋危城古堞動寒流夜深只有江南月
相伴琴書到客舟

淮南卽事東黃僉憲

海闊湖天迥江南道路長龍天纔獻瑞鴈字已成行古
廟巢晴鶴漁船響夜榔廣陵煙樹森燈火下外陽

登馬鞍山陽翠微閣閣下疊洞曰桃源東任德孚

山閣動詩興江城多暮煙笙歌留宿草燈火度前川寂
寞桃源事叮嚀洞口仙它年攜榼處共醉竹塘邊

李侍御世節偕史徐二上告壑舟餞送寒山寺

放舟楓橋渚極目陽山岑潦倒數杯酒傾殘一寸心懷
慨平生節淒涼太古音對君起惆悵那惜共分襟

松園壽張天方

亭亭南山松輪囷亦離奇貞姿貫四時蒼翠何紛披上
有千年鶴下有白玉脂跨鶴凌青冥仙人服食之朱顏
伴鐵石永世與松期

贈章提學汝明調官南回

長空白日盪吾胷有客南歸膽氣雄一箇溫溫還大海
芙蓉千朵削金峰

世路行呈劉中丞介甫張吏侍常甫

玉巖集卷末

末

吁嗟今世路何險巇太行羊腸不足危亦有瞿塘灩澦
堆百丈挽渡雷喧壓天險猶可馮地險猶可夷人心傾
危不可梯翻手作雲覆手雨紛紛輕薄何須語君不見
酈食其掉舌賣友如弄兒平生意氣相諮詢下井墜石
那能知又不見秦會之忘恩賣國結虜貳唾手中原換
夷狄綱常羹爛誰爲支一念起波濤中流失帆楫微笑
興甲兵對面隔城堞萬里風雷卷舒眉曉尊俎共談袖
懷矛鉞匡人肖貌圍陽虎元凱終不疑羊祜人生忠貞
自天樹誰之壁白誰之砥孔褒闔門舍張儉安民黨石
求鰓補管鮑從來肝隔交此道人人棄如土涇自濁渭

日清某苑臭味方杜蘅三閭賈漁巫咸溺千載考亭據
不平周行蕩蕩由華軌何用巧獲十禽詭操戈入室見
逢蒙三代斯民孰譽毀深谷或爲陵桑田復爲沘齊宣
悅無鹽吳國媚西施奸惡本無常道旁多口碑雲門韶
漫徧鈞天魏武臥聽何其早于嗟世路今何嶮

贈楊評事 陶考滿

春風吹棘寺最績雖平反北樞江波映南都雨露繁子
雲能獻賦定國且高門瞻切彤闈近應承 斥旨溫

三月初八日隕霜凡三旦

三月春深白鴈歸嚴霜殺草故霏霏忽驚瓦冷蠶蠶重

玉簫集卷六

頃覺裴輕翡翠微惟悴階前香淺澀離披隴麥秀因依

聖朝仁政非苛急何事連朝肅降威

趙都尉家賞牡丹用貞菴師前韻

洞口含煙是主家朱闌閒倚玉樓花也知十日春光少
不厭中天日影斜綽約迎風翻蝶粉輕盈籠霧染烏紗
書堂簾鼓催芳信勝事于今未有涯

牡丹花前此賞詠喜之也今之又詠悲之也一植

物之微而悲喜興焉至理所寓情雖不同而此
心殊不爲所繫因筆之以歸趙都尉徐公子

宇內洪纖總一家此花元只是凡花天機轉運無會處

人意栽培有正斜爛熳階除千時錦飄零風雨半窗紗
何如松柏宜寒翠獨上青編沐聖涯

東樓曲 曹廷實致仕建樓宅東自娛因自
號東樓其子獻宗詩賦以歸之

破浪曾經花埠口候潮還泊木梳灣美人不見空紆望
海日團團照水閒君家正在沙頭住細柳長橋碧煙處
晚稻秋田春麥隴我亦邨莊靠南去我走沅湘嶺海湄
君持教鐸松陽之世情南北看酣眼寧忘同袍相切劘
聞君寄興發高歌獨上東樓每自多媿我風塵猶汨汨
未能解組竟如何竟如何莫蹉跎比鄰斗酒有時過借
我東樓一舸睡清尊白髮笑顏酡

玉簫集卷六

禽言二首

摘桑着火四月家家忙似我絲爛桑葉濕火延蟪受禍
排秧刈麥大家功箇裏生涯是伊那大姑與小姑莫眠
莫坐早急頭梳裏摘桑看火
布穀布穀三月翻耕擾碌碌私債了新逋官徵急星速
記得前年收穫時飢腹纔充男女鬻手足任脂眠肩車
輓輓黍稷稼穡布穀布穀

和貞菴師梳髮韻

衰榮無定在歲月且消磨薄分平生劣清朝好事多功
雙鬢短花柳一春過幾欲投簪去共如戀戀何

楚吟四首 爲安福周侍御三窮圖作

上君命今中道折妾身發兮影執子遺一脈兮未分明
嗚呼天君兮竝同穴拜姑嫜兮聊勉颺天送麒麟兮死生
決傷哉一窮兮如綫危天祐周兮不終絕
母聖善兮節獨苦兒也身生兮不識父夢不入兮寤不
睹呱呱懷中兮恍如瞽逮有識知兮復何怙傷哉肺腸
兮二窮泣血黃土兮酸楚
垂老兮桑榆日薄西山兮白髮無能念慈烏兮受反哺
顧吾生鞠兮劬勞曾不得終養兮懼虞傷哉三窮兮窮
途誰澆酒兮予之泉區

玉巖集卷六

窮則變兮變則通信天道今謀至公子似續今婦拜翁
祖見孫兮壽而終足青雲兮梯九重疏閭闔兮賁泉封
持繡斧兮玉巖集卷六崇自今以始兮
斯羽螽斯

彭蠡歎 爲同年瑞州守宋義卿賦

天王出狩權倒持佞兒外援植藩維洪都尾大稱兵激
舉眼睥睨遙竊窺二心之臣從風靡番湖血浪翻赤水
鐵舸連雲蔽朝日黃塵撲面衝冠起筠陽太守鴻罹網
陷入蜀流何沆瀣寧駢羅繼見靈均不受高官趨僞黨
彭蠡波似汨羅置身魚腹安樂寧歸謝九天 敬皇去

洗貞肝無怪魔青天白日耀寰宇魂氣飛還故鄉土
血食辰邦激懦頑宋子祠前樹千古

太平閭賦

馮瀨氣以南遊今竊靡祿於故鄉居白雲之貳秩兮領
舉選之名芳餐佳時之秀媚兮被明庶之風光雖乖遠
夫閭闔兮時飛夢繞於帝旁睹翠微於神烈兮俯玄
湖之茫洋駕朱軒以出入兮紛下上而翱翔偕法從之
駢肩兮應文章之天府次八座之亞列兮佐邦憲之嚴
黼胡壯歲之飄零兮今白首之匡輔值李廣之數奇兮
辱晚收之親舉荷帝心之簡在兮慙德業之芬蘭盼

玉巖集卷六

白丁兮臨清流寒杜若兮涉芳洲結崇綠兮撫景攬流
翠兮凝眸風輕兮袂展霧卷兮煙浮岫遠兮雲淡鳥鳴
兮山幽公府兮森峙禁堞兮鱗稠信人間兮丹丘侶偃
佺兮吾將友喬松而同遊鞭鳳鸞兮折若木跨蓬瀛兮
茹沆瀣於八埒念蒸民之溷濁閔糾糶於桎梏何鼠雀
之角牙嬰甘心於羅網之憎毒欲叫天關而請恩慮文
簿之煩縈慨清嘉之康平領情僞之錮錮撫膺兮惻惻
每自訟兮恒惴惴而中驚安得泯天下之夢錯今渾化
於同情案予泰夫髦英庶清其惴惴於無形

贈馬參戎

榆塞會聞玉帳雄大江何事老元戎胡威萬里風塵靜
麟閣年來恥論功

高吾行爲兵侍陳宗禹賦

高吾山高吾山上接崑崙之華巔下亘衡嶽也運吳越
與秦岱相參先霸氣磅礴乎霄壤元精凝結拍塞擁翠
環西揖峨嵋之崢嶸南招九疑之噴噴俯洞庭之中匯
而東走大江日夕波浪含鬱而盤旋丹砂瑤草爭敷宣
蛟龍窟宅霖霖雨寧無偉人碩士鍾靈孕秀於其間卓
哉爲陳裔虞氏挺拔綺梓何起萃桂子舒芳皎素秋馨
雷春奮從平地追惟影亂嬉遊已振衣橫觀四表志欲

王康集卷六

三

飛宵吞雲夢常八九身與高吾等亦齊嗟乎吾高視下
小人高仰止景行隨道高天與極德高日益躋名高多
口誠位高君上知自高殖將落登高必自卑卑高雜陳
禮制行天地同體還同情禮樂經綸流化育參錯三才
明日星嘗聞高吾子名物多假借商將及六十六十幾
渾化猶執自卑心卜筮一精舍圖畫山形指掌中此心
飛越高吾下平生功業蓋南服天子呼還爵卿夏會
見坐保黃金甌彌縫帝道無隙罅他年救賜此山
擬鑑湖方知大楚之南山有高吾人有高吾臣功帝
澤俯仰上下相涵濡

送司徒邊廷實致仕

百年禮樂繫斯文獨立當朝敢負君一笑大江揚櫓去
清風明月座中分

謝張都憲惠蓮房

覆舟山下藕花塘彷彿西湖十里香翠酌含鬢金露重
紅衣褪粉碧波涼蜂房仰臥各開牖蝸殼同胞未脫筐
分遣冰盤隨手璧清甘不減蔗漿漿

留別邊廷實五首用來韻

江城動行色惆悵暮雲深別緒杯中交情物外心紫
薇今月冷翠竹但風吟冠蓋紛周道飛旌擁列森

王康集卷六

三

庚寅歲元旦聞夢說東歸神到鵲湖地詩傳薜荔衣位
高欽八座望遠刺羣飛公去魯邦重鵠行柰爾稀
片帆上淮濟時序又新秋萬卷囊逾富孤桐詠未休登
臨懷舊哲談笑失公侯玉露下庭樹無夢問女牛
千載論佳會虞廷喜股肱服驟先紫燕朝會鄙蒼蠅多
病馬卿有文才江總能偶逢明主棄未許老東陵
廣也承公末衰齡越二年湖田驚宿草風權急長川魏
我行落後輸公著在前黃鵠舉千里秋漢正飄翻
送宋郎中元錫出守潞安
新開藩牧治天子賜佳名郎署登華秩屏風疏國英

素懷冰蘖老行李鶴琴清治行當居一龔黃定與京

謝貞菴師惠新米次來韻

抱病省愆咎中厨糧絕陳幸遭長官愛餽遺及餐人田
家歲時作或未勞比鄰翻匙雪粒香豈不念民辛漸穀
既已升斷送西囑春 御廩應借薦孝享說 楓宸慙
勲祭先稷亦得輸吾真

寄題周以發山樓

誰家樓閣面山飛占斷崑陽百景奇翠落檐楹畱曉色
碧澄軒宇浸秋姿玉橋杏屋侵分數金梵花嚴任品題
老子典臨應不淺短節時許過藩籬

玉巖集卷六

圭

玉巖先生文集卷第六

玉巖先生文集卷第七

寄方東原先生書

初稿

辛酉初冬錄手教并錄輶二大馬房受如觀玉面然
及發封莊誦周禮知按臨迫蘇即速舟抵胥門下候
履幕而顧見弟恩徒抱熱中時會試期彌近矣勿勿願
不一本復罪萬罪萬既而四三年存存之餘時事易觀
但遙訪動止於所知識深憾不能躬詣服勤左右殆竊
器逃諸匡輅柱木含直繩而廢棄且朽落也自晝執甚
焉然勤勤寸衷實相與日月寒暑往復大造中而超出
書問之外者豈誠如古人所云風馬牛不相及而怠忽

玉巖集卷七

往往若是伏惟老先生默仁恕於獨鑒之神示大教於
不屑之術則領終愛於門下也自新有地服膺素訓以
來今春始廁名甲第末自揣學力大不逮人不足仰當
盛舉之萬一而適足以傷老先生之明為可媿赧猶幸
天植微忠稍薰茂德區區報國之誠每旦夜深刻勵如
平居布衣謹習時所見持此自許以堅終身未識高明
謂為何如官守垂臨進謁未可期來春當略敬以詩不
一貴郡馮聞二年友每會必詢得老先生泮演真樂故
甚詳差慰方圖進達值子醵年兄公幹南來便薄述所
懷火金之交暄涼失候伏乞為道自重廣無任企慕

惕之至

貽周翠渠諸公書

竊觀漢紀至明帝曰郎官出宰百里上應列宿苟非其人則民受其殃生當受命時即報容內省云予寔帝所謂非其人者也殃民之舉其可以他辭然幸承乏貴邑喜慰殊深何則諸縉紳者在類有所賴藉而為善也顧無一可以事君子徒有以來識者嗤萬一高明俯亮愚悃凡所以安我莆民之策備為開導使得以次而舉行之是即以莆治莆生安敢自以為功互鄉之請應與其進而弗大拒也謹候俞允

玉巖集卷七

二

與張文臣書

鳴琴稿

廣再拜今夫士怵之以利害而不動而後足以見其守利害必切之身而應之也不亂而後足以見其安蓋天下之道二是與非而已是未嘗與利謀而利必隨之非不與害期也而非者害之門也明於是非而利害不吾惑矣此聖賢之大旨而吾人所當曉者自世之昧是趣非者不能審決其機於一念之初故蹈以汚名中商以戮死宗元禹錫以黨敗楊虎以誅伐謂竄安石除奪種種殘滅不幸有見是者而蒙誣特東漢李杜之黨綱有宋范文正之監酒稅司馬光之除名大而宣父之止

谿之封子輿淹留於雷行之客皆清道之被厄也七之於世而豈有終身獲順利者哉苟其有是非鄙夫即鄉愿也卒為孔孟所不錄學孔孟而好惡與之異何名為其徒而今日欲行君臣之義尚安望其足以上庶天子下福生民而中植於兩間為一大丈夫哉不涉瞿塘不名為商不蹈風波不稱為漁是以明月之珠必經於沙汰千里之足常困於十坂而賢俊之士必挫於不偶而後見也僕與執事邂逅都門其鄉同其業而仕同其職同其有事於部曹同其失期而壓選同其相與議論不欲舍是而就非同以六同合於吾二人之身亦一遇之

玉巖集卷七

三

良也得遇而或悔其出處之乖則向所謂同者毋乃苟同乎吾聞心異者不投分強有力者不能強也而顧曉曉於執事前不智甚矣然亦知高明之下必不至如前所言者且執事知獵乎方其不周噓風萬林搖落走兕猾狡窮狃猛獸鳴鳶黠鵠之飛者走者乘秋奮翥揚羽於山林藪澤之中虞人一舉而可以收網綴之功何則順時而動故出而有獲而亦不足以病吾仁也不善獵者將啓塾而剝胎戕卯矣況非時邪目今趁攷失期不過延遲兩月以後衆之急選者耳志在行道何憂旬月之舒緩而心瀟富貴動步即罹罰此惟執事曉見而可

告者它人不道也或有恐之者曰時禁罔密今若其時
失執政心何足以贖是不知道不知事體者也張太宰
才明勇略初以疏通壅滯起拔寒末以收天下士人之
望爲心安得如或人所言卽有之安得有向日所與文
選之言而張不亦阿諛權貴且示狹隘於海內乎僕是
以知其必不然也凡天下之事出於無意而適然者君
子可以原其情而造意於可長而不可測者奸險詭閃
之徒也必不容於聖明之世昔張儉舍於孔褒而褒不
以爲累皆宗命錫僞學黨碑而匪者請書其名於末蓋
同道者自相爲榮而臭味相別者雖驅之使入而不願

王康集卷七

四

僕向也自誤則已矣而因以誤執事此蚤夜所以不能
安於其心而悔悟不遑也抑未同而言子路不取交淺
言深哲者諱之伏惟執事審之則所謂是非利害之說
可以破一時之驚疑而緩急顛沛之際庶並有定守而
能安矣無任媿悚之至

寄陳侍御時周書

廣再拜流景飛馳奄忽五載先慈謝世重辱文榮及今
感德無量恭聞先生節孝之譽上徹宸衷泉州新命想
敬就矣然而養志遺祿雖曰人子至情而朝廷以是特
恩相加恐亦未可堅辭也海內人士莫不仰德知先生

必有所以處之虞自守嗣後退無所脩進無所成其
蚤夜以負先生之知是懼期年吉水政化壅滯亦足以
明不才矣悔吝之來日恒抱之胡足道哉太夫人壽祉
可嘉先生承懽計納福未已薄具青紗一端聊充折芳
以遺所思之一贈云耳伏惟鑒入無任悚息

論民文

竊念本職先宰莆陽今臨吉水身爲師帥官實曠繹往
歲羈名都下竊聞吉水之民往往不務農業有爲寇盜
者夜聚曉散奪戶斬關荼毒我生靈剽掠我子女焚毀
我居廬劫取我財帛相率陰謀至於誘陷匡正盤結根

王康集卷七

五

株甘同膚獸自棄善良藉藉惡聲上徹畿甸茲荷誤蒙
以擇乳哺吾民方將與爾更始願爾恪從吾今以成同
春之化賦歛重歛爲爾薄之刑罰苛歛爲爾清之需索
行歛爲爾絕之虎蛇爲爾噉歛爲爾逐之歲歉歛爲爾拯
之怨仇搆結歛爲爾解之舍是數者而猶叛化斯則化
外之民也豈容生於聖明之世吾必審其首從而定
爲等差申請合于司府將赤爾族殘爾形醜爾鄉及
爾妻孥掘爾墳墓幸而生終其身人曰某劫盜也某竊
盜也死亦無面目以見爾先於地下雖厲祀不容入矣
後世子孫其不恥爾爲祖宗乎告諭之後大宜痛自洗

濟慮相與耕鑿以爲俯仰之資有失業者可卽赴宰
剋告以憑區處予言不食亦不再

吉水縣志後序

漢世祖中興披輿圖曰天下不足定也天下曷爲定于
披輿圖擇其要之謂也邑志輿圖之細也覽邑志亦可
定一邑之治矣邑治曷爲定于覽邑志君子知所激勸
而小人是則是倣也是亦握其要之謂也然則邑志與
輿圖等邑不可無志志不可不修修不可不謹也果矣
修而不謹與無修同則亦何所於攷以定治爲也廣不
敏溫登 先朝乙丑進士正德丙寅春出知閩之莆田

玉泉集卷七

六

頃以憂歸庚午春復授今邑蚤夜惕厲思與民定吉水
之治至秋入覲道邑之富口時廷評羅君惟升謂廣曰
吾邑猶稱文獻舊無志奈何倡而修之寧於子乎無待
廣曰吾志也貴也迨辛未夏還邑方有事斯舉適鄰邑
搶攘操金輩外成事者旬之三旣而境內僅安乃走幣
屈邑之鄉賢達與邑之諸博士集東湖寺彙纂成帙大
略取錢文肅公之萃于郡志者以爲張本而校讎實大
恭會公爲之詳核實學諭周公輩爲之雖代有廢興而
人亦升沈一惟自景泰五年始焉而所以激勸則倣之
微又自鍾平輿論之公之外也不亦庶乎志之修

邪蓋風俗正而邑之人知所尚仁賢品而邑之人知所
仰貢賦定而邑之人知所輸疆域嚴而邑之人知所持
循山川列而邑之人知所棲傲詠適學校修而邑之人
知所教紀載備而邑之人知所因革名宦錄而我官
者亦知所以自勵焉所謂要者顧外是乎或曰志猶史
也春秋示褒貶禱祝記惡今之志類存善以勸而不錄
惡以示戒豈亦一道乎廣曰此亦古人制述忠厚之遺
意也夫存善所以去惡也吾吉水之俗君子好禮小人
畏法皆能知所激勸以相則倣者則斯志之成之後也
邑人覽之將不惟前修是企以定于治乎此固諸公相

玉泉集卷七

七

與謹修之意也此固廣所云握其要之謂也言訖沈君
天與偕諸公請曰是可後彭公之作矣遂命梓工鐫之
以傳

交趾叅議追贈朝請大夫贊治尹解公墓表

公諱縉字縉紳別號喜易一號春雨江西吉安府吉水
縣東坊人其先世譜可考見公自提攜至成童卽如惇
超拔人目爲神童未弱冠發解江西第一及試禮部進
廷對卽言論剴切不詭於時洪武中我 太祖特異其
才命爲庶吉士今日侍左右暇嘗論公曰爾試思施政
所宜直述以聞公退卽上封事毋慮千百言一以冀

三代爲法漢唐宋以下姑置勿論已而復陳太平十策
蓋有陸贄之風焉後翰林中書居無何我太祖欲老
其才收江西道監察御史卽劾堂官不避忌蓋有王章
之風焉我太祖復惜其才召其父開至諭曰才難其
以若子歸令益進學先是又嘗諭公曰朕於爾義則君
臣恩同父子其受先朝隆遇也如是歸數歲我太祖
已不及用公公卽感泣請伏赴臨諭者以非召旨斥之
謫河州尋復召爲翰林待詔我太宗入繼大統素簡
其奇才速命訪公既至喜甚實諸左右每預密議多建
所大制作永樂中復首選公與黃公淮胡公儼楊公士

王巖集卷七

八

奇金公幼孜胡公廣楊公榮凡七人居內閣修洪武實
錄及永樂大典公爲總裁蓋有遷固之風焉陞侍讀數
月陞侍讀學士上初與武臣議建儲丘福等咸請皇
少子高煦公力贊仁廟仁孝居適長重以監國功宜
承大統由是悟上意竟不一動搖封高煦爲漢王進
公翰林學士兼右春坊大學士時如胡儼輩六人與公
後先公皆舉之同升而上益信焉其受中朝知眷也
如是未幾丘福等泄公語於外高煦讒公遂落職出衆
廣西藩議李至剛素憚公上公怨望遂又改交趾車駕
北征公以事入謁仁廟而歸高煦復讒公曰縉

上遠幸觀鑑片徑歸亡人臣禮遂又徵下獄浸以病卒
家亦徙邊人知不知咸悼之素所交遊與公殞既外姪
高建泰歸其骨於鄉葉葬之高氏不封不樹人罕識爲
公之墓焉洪熙初仁廟御極乃赦其家官從子積期
爲中書舍人正統中復公家田廬追贈朝請大夫贊治
尹官其子積亮爲中書舍人公爲人慷慨洞豁略不修
廉隅鑒別淑慝了了無遺憾於書牋所不讀善行草小
楷尤精絕人購之至兼金不能易其所爲詩文類如其
爲人然今有學士集片續集行於世後學仰之者率私
謚爲文毅公云於序公以安社稷爲悅者也世以文

王巖集卷七

九

論公者固未足以得公之全以出處病公者又烏能盡
以是點公而使之相掩也邪程朱王魏之論定矣樂
夫祀梁王之往轍吾人又何慮而恥蹈也夫開落之在
公公何計哉古云鄉先生可祭於社者公是也今公之
死罹於青蠅而葬不能封馴至于今於康廣有民社之
寄其何能於公辭而更不能表以示民其又何以章公
之德公之德非必俟廣而後章也其將何以踐吾諾於
同年兄劉以貞之前乎故命工碣於墓且以慰其曾玄
之孝思以告千後之人曰行全者名終莫能缺也

端理化機以守成業疏 排雲稿

浙江道試監察御史臣周廣謹題為端理化機以守成
恭事臣聞惟明主為能舍垢以受切直之言惟志士為
能犯顏以嬰誅戮之禍禍人人所避也而臣子身殉之
非故輕生以要譽言有利於國家不暇卹耳也是故聖
君非徒納之且風焉以求其言非徒風之且獎焉以盡
其言故言用而天下治不好言者異是罵詈之不足榜
笞之廢竄之不足誅奪之而天下亦隨以危此忠哲之
士所以寧結舌鉅口仰天扼腕而付之長太息至引身
山林而不返也我國家開國致治特設科道官專言
天下之務蓋深有見於此臣一莽草茅待罪千里外

主嚴集卷七

陛下召臣而試之今職正欲有所聞而責臣以言也臣
愚敢不盡言猶慮陛下不即施之行耳曩者吏部尚
書楊一清等進勸陛下每旦視朝一疏陛下僅示
之曰卿等安心辦事既而人皆謂曰可惜只成一篇好
文章畱與後世看耳臣味其說以為一清等之言雖切
政機陛下付之不行特為空言況臣親信未及一清
等萬一其能冀陛下必從乎與其言而不從尤愈不
言故敢冒昧然聖資英敏駕馭百代又安知轉移之
間不慨然而樂受之邪臣伏見弘治之末治稱近古良
由孝宗堯舜之君好諫得之陛下所親見臣不暇

遠援陛下不必遠法但法孝宗陛下即堯舜矣
堯舜人君之至也下堯舜一等豈臣所敢望陛下者
哉且陛下自踐祚以來力除大慙至神武也克勤小
物至聰睿也詔寬田租至仁也去一切煩苛之政以
就簡易至明恕也起老成柄用之至聖智也然天心未
應尚星殞地震蟲蝗妖異之為災寇難未平尚大江左
右生靈肝腦塗地之為苦民志未定方終日皇皇若有
所忘失而不即安堵者其大端有四焉夫天下事可言
者多矣臣不能毛舉塞責然使陛下朝聽夕行而天
心寇難民志如故請治臣以誣誑罪伏願陛下斥

主嚴集卷七

僧遠伶人重國本嚴軍令天下不勝慶幸夫佛法三代
以前未有也漢明帝引天竺僧入中國而釋教興至今
為萬世名教中罪人晉宋齊梁之君事之益勤而享國
益促刺麻僧出自西番尤釋教中所不齒耳貫銅鏤身
衣赭服土木形像醜惡百出見之者不祥且彼以割妻
子為教今殘破禮法恣肆淫慾大不可以近君側定王
化之業也邇聞詔陛下云誦念一咒賊可祛除臣謂
若果此言請悉逐以滅賊試其呪法有驗乃遣禮部計
處夫自賊瑾引悞陛下真禍祟也失今不除恐生他
變臣謂官投諸四裔以禦魍魎毋令滋蔓混華夏為羣

盜興真之口實日召縉紳備顧問則名教自樂顧不俾
與夫人君食不茹藭為其嫌於不直也此猶惡之而番
僧日報 陛下平旦之氣隨萌而隨折其苗矣故三代
賢聖之君侍御僕從罔匪正人虎賁綴衣罔匪吉士由
入起居罔有不欽輔養有此具耳此誠責在三公會無
一人為 陛下力止之此臣所未解也昔禹戒舜曰毋
若丹朱傲惟慢遊是好周公戒成王曰毋若商王紂之
迷酗于酒德哉今之伶人助慢遊迷酗者也夫舜與成
王未之一及而二聖諄諄何哉先事而戒者沈幾也若
事成而有渝則日新矣聖人不貴無過而貴改過 陛

王康集卷七

三

下若反而思之曰奇技淫巧蠱惑心術者也亟改之則
大明當空萬物皆忘其晦翳矣 陛下不觀唐莊宗乎
其時皆定中原之始奉父晉王命囊一矢以滅燕梁天
下豪傑莫敢抗及志得意滿日共數輩伶官戲狎或時
自博粉以歌及一夫夜呼倉皇東走身失身得友掌不
殊波伶官者會何救於危亡夫往事之失後事之鏡也
上謂宜遣逐諸樂工不復籍之禁內乃 陛下所以放
鄭聲也臣伏讀我 太祖皇陵碑見親提矢石櫛風沐
雨之勞覽一統志見我 皇圖真堯舜湯武所未嘗聞
秦皇漢武所不能臣堂堂天朝南面稱制亘古有天下

之大業得天下之至艱無易此者 陛下今皆身統之
方且孤立於上而羣小日獻諂媚以皇惑把持於下三
宮鎖怨一脈未傳夫天意固存而人心不可以虛留精
力有限而前星不可以久晦漢武在位五十四年精神
鼓盪一世至末年始有輪臺之悔老無及矣彼且有孝
昭後之也 陛下春秋鼎盛神器至重獨不思所以為
萬世絲絲之基乎今夫中人十家之產猶畜妾媵以圖
嗣有必以已出者為安螟蛉子雖極孝終其生弗樂
亦以生人之道通天地古今之大義也故諸侯一娶九
女天子三宮九嬪二十七世婦八十一御妻聖人定此

王康集卷七

三

非以恣情也廣儲貳耳假令今日儲貳植矣 陛下欲
為萬歲之樂積有餘口又況不負天下臣民仰戴之望
乎只今義子如錢寧者流本皆官宦家一荅頭驟監
恩渥旦聲色於錦衣幕侍寢於豹房太史不敢奏榮字
犯 帝座廷臣未嘗而指斥忤 龍顏夫天下我 太
祖 太宗之天下朝廷我 太祖 太宗之朝廷彼何
人斯而敢假稱義子名目竊侍 陛下哉中外之人無
不憤怒而 陛下不知觀其縱子在衛故鞠刑獄攘劫
貨賄攙亂國法輕蔑王章當不在寇賊劉七之下又聞
其誇耀都市凡投刺皆書曰皇庶子朱寧拜僭擬 東

宮名分之罪濯髮難數此誠不可使聞於天下後世也夫鄧通餓死覆轍在前楊玉磔剝殷鑒不遠彼豈不欲自全其生而乃如此乎如陛下必欲寵人義子之名凡諸藩王類多賢者益亦明示海內慎選一人侍左右不失為宗室之至親乎春秋傳曰天子建國因生以賜姓故胙之上而命之氏別族類也漢高賜婁敬以劉唐太宗賜徐世勣以李此皆末世陋習不可蹈也夫天親不可以人為福祿不可以僥倖名分不可以久假久假不歸惡知其非有邪臣謂宜除諸義子名爵乃陛下所以遠倭人也禮曰大臣法小臣廉言大臣百司之綱

五藏集卷七

四

五

紀也唐制諫官隨宰相入閣奏事防大臣之過也我朝憲綱凡百司在內從御史糾劾不法故事也陛下近於兩京科道官論列禦寇不職大臣率皆褒賞優容而武將尤不誅其不用命故兵氣不揚兵氣不揚故功成無日陛下訪問之餘真知某果可用也力任之雖至再至三而勿疑某果可罷去也更不容復起視事毋令雜操竝進則姦庸知所儆懼無復倖進心賢才益思自奮厲而庶務畢舉軍令大振寇難可平矣只如貪都御史之貪殘誤國之失守畿甸之專橫不法之老疾廢政又如工部尚書之庸茸無

恥南京兵部尚書之蠅營狗苟山西副使之

行檢不修陛下皆復勉雷在位布列院司後是亦未聞其曾出奇建偉以自謝譴彼固謂言官者吾植位之根基也肆無忌憚玩日愒月欲望其忠裨王猷是進碩鼠於太倉招朱紫擅於班署也傳曰不有君子其何能國又曰統朝在泰未可謂無人今諸禦寇者皆無恙而川原白骨積如山伊誰之責歟上設廉恥禮義以御其臣而臣下以飾行報其上者此類是也安得不遺笑於天下哉寇賊之所以跳梁於中原日甚月異而歲不同者固其所也昔白上治水以鄰國為壑今諸禦寇者

五藏集卷七

五

以鄰界為壑驅之出境相顧曰幸臣不識陛下忍以天下為壑邪大出師十萬日費千金今海內疲憊如犬羊之羶已皆肉銷而骨見矣臣又不識陛下何所恃以給軍餉乎興言至此雖庸夫鄙子莫不垂首喪氣有官守者其捫心呼痛否也臣聞陛下於等請經自罷黜外至凡受敕滅賊如江西山東等處各總制陳公陸完之勞師久事者尤當籍名屏風統降詔書寬其既往之愆刻以期限責其成功不負所委歟許賕前罪稽綏無功歟勿令歸闕則臨事之際忠憤自倍感激之下謀猷必臧可坐收廟算矣豈不裴度子儀良平

之如手在 陛下駕御之耳臣又有說大軍之後必有凶年伏願 陛下敕令天下臣工洗心滌慮預爲修省撫徠呻吟庶可上答天心下甦民怨而 國家元氣將必舒緩和平而無耗散促迫之疾不然臣未見其可也臣性魯慙不能爲說悅取容以如脂如膏終其身臣見繞指之柔不如百鍊之剛故不爲耳往者如劉蕡宿進陳鼎寶明羅僑或廢或刑或下之理而咸獲生全然迄無一人從旁和之此五人者固非好爲狂言以速罪戾而卒無解之者亦非懼 陛下之譴訶也彼固知 陛下終不行其言故有隱而無犯耳然豈盛世所宜有哉

遊白雲山記

歐陽棖

夫以 陛下至神武至聰睿至仁至明恕至聖智宜足以少賤下狗芻蕘以作天下士夫敢言之氣而終不見納者豈不能哉直不爲耳誠使采納之頃將臣此疏發示 內閣若謂臣言欺罔無補時政乞卽如臣自請所治前罪臣干冒 天威不勝戰慄席藁私室待殞而已緣係端理化機以守成業事理未敢擅便謹題請 旨

正德癸酉春二月予與僉憲黃小江南祀祝融偶得故人廬陵劉子仁溥造蘇子浴日亭誦其詩飛上千峰紫翠問之句神逸氣爽便欲覓剔幽勝以尋遐躅時日下

懸車海濤風駭而予不覺其後舉矣劉子曰吾聞羅浮蒲瀾之饒跡遺蹟今固不可得而彼白雲我南極益往登焉以恣游息子乃令主僧開掃雲拂榻以俟是月辛酉戒僕夫乘肩輿脫關闌循北隅周履城闕則番丘坡山崇鬱左有清泉一方雄控中華向明之地宛在目睫劉子方在焉予與之緒踵至遂相與指白雲遊焉白雲距城廿里而其脈延貫粵秀山下走海珠南行則茲山定五羊鉅鎮凡人物之瑰詭珍貨之叢委夷夏之交會胥此爲之鍾聚也而予與始覺大劇是日始值清明微霏路冥故鄉在望而怵惕之心惻然以興顧謂劉子曰梁公躋嶺曰雲感吁登高能賦可爲士夫子不能洗好奇之癖以寒猶盟也劉子且止且行聞予言躍騎而先從間道徑抵山脚席草茵坐步高亭下小得遠近趣呼童竚石盼予予方盤旋石磴過嶮巖量不可輿處便舍輿而徒不百步靜聞澗澗從環壑中突迎供茗一啜舉目俯瞻視城闕之觀大廓一步矣問芳索幽于千相隱鄉進士周君者偶自靜關故道來會道以險惡貫魚而由西折水半里得一寺埋松嵐間名曰景泰峯寂空谷間無人聲予于過竹橋忽聞丁丁沈響枕榔底得樵豎二相向誅伐及門見泉一脈淙

淙出臺下石龍口萬池曲沼沄沄度小亭腹從右穿舍下坡而逝予與劉子掬漱香生齒頰猶憾塵纓之不盡濯也時日已亭午林翳真霞蒼翠撲衣芳菲送目遂別孟錫而出議拔茲山椒焉而羽士玄明子偶自孟錫故道來會俯仰下上縈紆委曲約可里許而嶺峭陁陀嶮岫逶迤其下者難可名狀予方褰裳奮武乘虛入雲劉子追止之把予袂而昂首南溟灝氣漚漚雲水茫茫乾坤浸泊乎無涯中曾恍惚跌宕恢廓乎吾二人之心曾而吾二人亦不自知其神之冲邁乎塵蒙之叢也視昔浴日亭之觀又大廓一步矣回顧卻走山鳥亂啼飛紅

王康集卷七

六

綠塹寒磻谿靜開方導予深入轉濃度密前後又若相失者狙杙而上始得白雲寺焉則靜閒棲禪所也中樹米芾所書第一山碑盧祖儼像羣峰抱拱若與世隔絕凭榭臨圃見泉一泓其出流穿逆與景泰同名特稱九龍焉其甘冽亦與景泰同飲特居多焉坐參繇黃筵雜水陸吾之所獨得固不可以語彼而彼之所自得亦豈能爲予告哉酌且半靜閒起曰茲山之陰有寺月溪距白雲如白雲距景泰也獅像踰躍乎其下弦魄淪室乎其前幽邃尤絕君欲過乎予與劉子足瘁力憊矣顧興未窮也乃復夷而輿險而騎危而步分道次蹴手與

玄明子別從東南岡下西北斜坂而劉子與靜閒先憩石上聽無名泉暗瀉乎兩崖間泠泠如琴筑聲予往直前不暇細聞矣遂並步至月溪至則果如靜閒所云也沿溪入洞洞口進數步有碑臥極拂摩苔蘚數行而讀讀未畢則暝色到簷梵鍾出雲予與劉子割龜而臥一窩夜分松聲起濤月色晃牖寤聞劉子吾伊作吟聲如無名泉韻者予得詩二律輒和之及晨復共哀露還白雲而下焉而天下大觀已償夙心矣劉子亦顧謂予曰茲遊也如吾二人誠不負所期茲山也得吾二人亦誠不吾負也然遊而不紀其實徒爾柳子所謂山以文而

王康集卷七

七

名非歟予不辭次第記之因以會合之偶不多讓於昔人之城南而歷覽山川非類汗漫於九垓之外者也

送廬陵劉仁溥會試南宮序

江右多豪傑之士出乎其間吾於有宋而得歐子文山焉真古所謂豪傑之上也世稱歐子曰文章得如歐子則可矣指歐子而以文章盡之可乎稱文山曰氣節得如文山則可矣指文山而以氣節盡之可乎夫亦即其至歟抑隨其所寓之時名之也故學而未近其至非學也學以至乎聖人之道也聖人之道昭乎雲漢之不可掩濯濯乎江河之不可禦古之善學聖人者稱顏孟顏

子學焉而得其具孟子學焉而得其至歐子文山學焉而近其至也雲漢在天江河在地夫人皆能仰而導之矣而刻畫搏擊者失之是其求道益勤而去道也益遠不難矣文章者智之別也氣節者義之執也雲漢江河之象也智必精則取舍定於內而其制用也不謬義既立而後可以析理於毫芒善用智義者也求文章氣節於智義之外末也遠矣故智以出之義以質之而君子之學修君子之學修而聖人之道至聖人之道至而天下之治成取天下之治於聖人之道得聖人之道於君子之學歐子文山有之然凌歷今古名世者無慮千百

王康集卷七

主

二子莫參焉孰從而得其說乎依違者事之賊也狐疑者心之疵也逆是二者而道之所至其近也不難矣是故勇以持之智義之轍也仁溥劉君古州人資學粹美懷珍待用自江右走南粵訪予予與之舊故於其行以其鄉之人親之庶乎不忽於其近而可階顏孟以至乎聖人之道也若徒倚取甲第以角刻畫搏激者之爲固非仁溥之志亦非予所指與所望之意也

靜閒上人序

予自結髮爲學凡古聖賢之道嘗思欲講明而體行之至釋老氏之說絕不經耳懼其足以移吾向也迨出而

仕至于今復得肆其餘力凡古聖賢之道又思欲闡揚而羽翼之至釋老氏之說亦得究其指歸始知二家各別爲一端而世之宗之者愈遠愈弊而其流不可長也然自其教之行由三代之末以迄于今而歸于後上智不能降聖王不能易將有垂宇宙齊日月倚吾道而曲爲睥睨張闔起伏而存難一之勢者其皆從事於心學乎心之有性也仁義而已矣仁者體之靜義者用之動仁立而義以行靜足以制動也義精而仁以熟動足以適靜也故易曰艮其背不獲其身行其庭不見其人言行止之皆靜也釋者自侈遂從而矯之曰動馳吾心引

王康集卷七

主

之以入於空而爲定慧之說老者自是遂又從而矯之曰動牽吾心抑之以入於無而爲清淨之說定也靜也若非畔吾道而毫釐之差擬議之不得其當其去吾道乃各繆千里而陷於一偏矣且釋氏所謂定者非必遠離宴坐而後爲得其心也今正公以靜閒自況似深嫉夫動之之勞以求定者其能去來無住而使諸邊不動乎其能內外不見而寂然止觀乎其能無生滅垢淨增減以超實際乎其又能無色受想行識而得解脫乎其又能究竟涅槃乎審若是則其於禪也思過半矣然獨惜其於吾道之仁未之見焉又安知所謂義哉其所謂

指心見性者是特以心觀心而終自馳於昧昧也已夫義既不知則其於仁也私小焉耳性不可見則其爲定也灰槁焉耳人之心神明不測正大流行廓然而大公物來而順應者也釋氏之定必欲使其心私小而灰槁一切不染諸相則非所以爲心而非所以爲人矣人而直欲率天下以至於非所以爲人其不可訓何容辭哉而今之釋氏其人若正公輩與四民半是誰之過歟豈釋氏神於吾之所謂聖賢者邪不然則其定也有說矣正公幸能與吾遊而不能如吾之所謂定靜者其又大不幸也於虛吾安得以吾之說驅天下於一哉故謂

王慶集卷七

爲終不能者誣天下之陷於釋老氏者也謂爲可能者知天下之必有不安於釋老氏者也正公尚於閒而靜靜而觀諸

薇垣山斗詩序

嘗讀召伯甘棠歌而識詩人忠厚之意凡有詠也必其思也凡有思也必其愛也凡有愛也必其美也是故美則愛愛則思思則詠不能已焉薇垣山斗詩胡爲而歌也所以歌竹亭公胡方伯也公敷政于廣未幾遯移于閩民既懷之士之出其門者諸莫不以山斗歸之登之聲詩焉而豈徒哉昔昌黎崛起唐季修文辭以衛吾道

王慶集卷七

圭

一時學者尊仰之如泰山北斗然而公所以得此於其士者亦豈徒哉予知公之素矣觀某詩而得公折獄之情觀某詩而得公子民之惠觀某詩而得公發務宣簪之教觀某詩而得公析理之文觀某詩而得公造士之仁夫仁惠而恪其德崇矣明毅以文其道遠矣德崇者人之表也道遠者人之軌也表立軌順山斗之望也則其感仰之跡可昉乎昌黎而愛思之風容擬於召伯又豈徒哉歌既成什諸又莫不謂予曰子爲公知吾輩以子言信子益序於首使夫歌而和之者有以知其意之有所在將繼是而士之有不能盡歌者聞之亦或

與黃僉憲論停修懷遠驛舍書

皆興起焉以無忘公之美於無窮也予曰諾遂書爲序廣頓首啓天地所生財貨在民者民在官者民絲粟一資於地而流行於日用之常額地之所出有限而人之嗜慾無窮不究夫豐約之源而徒憂夫耗盡者是猶不塞上流而守隄防以傷汎濫也其竭也無日矣今天下民用大匱利出百孔管子先懼矣待夫今邪故妄取曰蠲過取曰貪不善用曰賊不預儲曰不足邇者藩臬客呈巡按欲就懷遠驛增修亭館大都爲激厲舉廢故非特爲廣居止無依而設但匠氏估值計料太重而丁司

順旨謀論太乖夫七尺之軀之外皆爲長物唐堯茅茨
土階大禹卑宮室子淵陋巷原憲桑樞陳平之家以席
爲門子瞻儋耳儼居而樂二聖六子豈故好困以自卑
陋其身亦以利用安身無入而不自得也顧今傾圯不
可就息故到任以來依棲道院浪度歲月意者諸公於
心自有所不安耳天下之廣居人心之安宅堂堂數仞
孰有過於此者乎廣今得罪朝廷不得以善道朝夕
事君父宜採葦履霜如伯奇如窮人無歸如大舜出
妻屏子如匡章以明已之志尚不能償贖於萬一假令
安裕自侈以飾供奉豈忠孝之道哉伏惟執事念其舊

王巖集卷七

南

而憐其愚少通此情於諸公左右力沮前議庶不竭公
帑而且以杜多口矣荷恩無任懇慙之至

寢箴

嚮晦宴息獨爾寤寐夜氣清明培養斯貴母曰幽闇上
帝儼在敬之敬之衽衾不規

卻郭勳總兵金書

賤子淪落簪弁後世所深棄其誰一盼念日來遠辱勤
使加之腆脫且感且媿敬已對使稽首拜辭矣昔孟子
於齊餽以爲無處今茲嘉命因未有辭揣之下情慄慄
恐懼謹此布悃伏惟亮之

復魏子才甫

踰年一接手教自念離羣可知孤陋已甚海外爲家尚
在疆域內未老且病死猶及見顏色也辱示不以一節
士限廣而以全體責望雅合下情聖人亦人耳顧爲之
者未至遂謂高遠邈不可及也廣嘗謂入之心神雖遠
自古上世代隔越而靈契瞬息卽至如探取囊中物
然夫心既可至則足亦易以跂及所謂惟狂克念作聖
是也近今學者卒沒於詞章功利間或一洗習染學
絕道喪是誠可哀廣少頗有志中年無師友提省夾持
卒負心期邇來覺一豁悟竟不知作何等樣人也所論

王巖集卷七

三

李杜韓柳先正已有定說此皆非廣之所願聞也婁一
齋模倣體驗解釋之說廣按程子已爲是言而執事指
爲出於一齋或未之究耳夫學者欲學爲聖人門路一
差氣象頓異其不可不謹也明矣偶有一得而遂曰聖
人在是恐天下無此捷徑故明道云爲學治經最好苟
不自得則盡治五經亦是空言又云若不能存養終是
說話信斯言也體驗則已矣廣東陳白沙然有邵堯夫
風韻侮弄造化元是學會點來今或無其人也陳之門
下有一張廷實與湛原明比肩張邵守得堅定湛似不
及也至若誠心體道未之或知吾同年中近得一方叔

賢焉說者謂自王伯安派頭較縝密也廣方倚爲友日
來深藉其體切良至靜坐匪石軒大觀不數數作文字
犯戒事至乃肅裁此奉復有所得不惜教言是望廣再
拜

寄楓山堂老先生書

甲子夏入成均獲觀光禪先生模範後學海內之士無
不延頸旣而廣校藝齋堂年餘優等且蒙啓迪作文之
法誘引爲至仰惟先生道德隆重壽祉聯升庶幾乎天
下之達尊也廣自己丑登第後出知莆用吉水二邑恒
慮背違宗旨有傷知明近壬申年入爲御史言事忤

玉巖先生文集卷七

旨落職懷遠驛丞負荷 皇恩地頗閑暇得肆志於學
董道卿自感恩過五羊令姪以道兄更朝夕得從事相
與夾勉不可謂不幸也睽違日久企慕殊深謂不敢忘
所自也片楮密忱聊以志景行之思耳生還東吳尚常
振衣一登先生之堂以領終教廣無任戰懼之至

復梁宗正書

宗正白沙門人跋
足號天臺山人

遠勤教益敬佩不敢少忘真所謂同心之言也又承示
白沙先生覺虛便是之語此正是收放心見驗時僕謂
旣覺後則亦不可不養而力守之也故上蔡以覺言仁
或者病之通理局覺有欠缺處充塞遠近參倚須更一

貫心體遂有所虧也幽居想仰嚔咳無由屢面相
與辯析闢奧惟冀不惜教言乃所望於知己何如何如

玉巖先生文集卷第七

玉巖先生文集卷七

王巖先生文集卷第八

甲戌重九祭李敬子先生墓文 量移嗣

貞元迷運道不虛行神明在人豪傑並生氣類感召聖
學攸明紫陽東啓白鹿中興卓哉敬子脫屣功名一揖
翁翁獨聞毅弘斯文倚托力任匪輕造詣篤實允也晚
成學禁焚廬特立不驚庶幾端木築室宣塋華文秘閣
宜以超登不媿于天其負在廷卓哉敬子後學儀刑廣
也忝尹茲上夙仰風聲聞歲三百宛乎如承步履良後
敢替宗盟有酒在絮衷芻蕘望臨風告奠神其鑒誠尚
饗

王巖集卷八

明故承德郎南寧府通判王公墓志銘

予自懷遠起宰建昌凡浹月邑大夫士顯晦于外內者
咸得之居無何南寧王公別駕以計聞乃卽其柩往弔
公伯子儼持鄉耆李松狀備詞稽顙告曰先君以明年
乙亥上元三日辛酉葬于邑治東花巷祖塋之次願乞
銘于石以托不朽予按狀云王氏系出安國侯王陵後
自益州刺史襲命稽內史逸少九州司空果散騎常侍
珣嘗占河南開封蘭陽故籍來縣延五葉隆平公寔仕
宋荆南康路因家星子橋浦生景宗行敏儉炎四入具
官宦績載諸譜入元又六葉得弘道公至信卿公徙居

建昌今永豐之長林又七葉得蘭廷公入 國朝徙

市大父友季爲湖廣江陵倚北太史父邦濟出知福建
邵武府事生公一人公諱瑛字廷彩質性謹愼執學務
切實不爲鹵莽滅裂以自病年未弱冠習舉子業羣於
學校履場屋屢敗北竟卒業成均由春官登薦次首選
天子嘉公學稱名貴實遂授今職公至郡九稱 上意
且不負所舉舉之赤子無問老稚相與歌於道曰何來
乎王公其父母吾乎安得吾王公其終父母乎吾乎監
司知公者遂煩公掌邦賦公微督有條上下宜之當道
方以最聞公歎曰窮經致用吾志也志行矣何以久祿

王巖集卷八

二

爲哉遂解綬歸道經劔江疾作弗起卒于舟中時正德
甲戌月日季子儼舊侍側收公終事還于家公生于某
年月日配陂溪魏氏生子得儼儼游邑庠娶大塘
程氏仲子儼省于官先公卒娶鎮灘熊氏儼娶垓上徐
氏今伯季二子千隆平弘道信卿蘭廷四公竝能光大
昌裕以繼公志以承前休德業未可量焉銘曰鏤鐫在
匣鳴未歇光寒上射牛斗關壯士一試刺不折神物欲
去中道絕君子有文勒之碣飛聲千古恒不滅

君子堂記

有宋濂溪周元公先生當仁宗時倡道九江宅廬山未

幾以終今石塘橋西之蓮花峰其地也先生夢蓮嘗以
花之六丁名其品復爲說以懿之越百餘年未有同其
夢者至晦菴文公朱先生常孝宗時知南康軍一會拜
其遺像而歸而蓮之色臭亦預飮飽此其道尤尊也今
去文公時又不下三百餘年郡南康者六五老友匡君
日且不暇知元公之道之爲可尊者有幾正德九年春
莆田林君克容通判是郡首閱圖經而歎曰廬山元公
棲迹之地學不于其人非學也政不于其人非政也乃
襲其所夢者手植數本于庭益建堂以崇重之繚之周
垣而時說焉名其堂曰君子堂蓋羹牆見堯之意也夫

玉巖集卷八

三一

是堂一建而丹元之觀遠公之溪柴桑之醉石少室之
鹿洞能流揚奇蹟於茲山中以不爛滅者殆盡廢而無
復輝矣是年夏廣自懷遠起知建昌每諮政之郡必之
林君辱以廣嘗長莆邑之故延引於堂而謂之曰聖人
吾不得而見之矣不得聖人而見之必也君子乎元公
以君子名蓮求元公於蓮可以得元公心吾昔誦其說
今且爲子解之夫所謂蓮之出污泥而不染者貞也濯
清漣而不妖者莊也中通智也外直義也不蔓不枝簡
也香遠益清聲光之令溢也亭亭淨直者毅也兼是衆
善比德君子焉吾欲於聽政時取其真以持其身挹其

莊以臨民用其智以折疑則其義以制變師其簡以馭
繁采其聲光而反己以自考從其毅以致遠則有於蓮
者有於我將進是而求之聖人可乎廣謝曰君可謂善
爲政矣於莠植而得脩身理人之道要自法元公始今
夫人孰不欲爲君子以小人指之則色怒且銜好善惡
惡天下同情也君之建是堂非直自飾抑亦啓夫後之
嗣是而爲政者登是堂而思所以實其名必曰有其居
則當有其容有其容則當有其心有其心則當有其德
有其居而無其容則曠有其容而無其心則僞有其心
而無其德則媮是徒侈其堂之名之美而不欲以君子

玉巖集卷八

四

自居也於蓮也惡乎無報君曰善如子之言也善如子
之言也吾聞子聞元公而興起者益爲志之遂書之於
堂因以備官箴云

答陳侍御時周書

遠惟執事樂與人善故賜來書札往往推許太過豈嘗
不慎許可邪辱相知數年因久在迷復中邇者始覺覺
處須篤信大故有進不然終是說話耳既辱收獎必得
苦口藥互相夾持人非大賢以上資稟能不須友以成
者誰邪來教云文勝道微凡今學者知此者十之一耳
又云行而不著習而不察夫行與習尚未可必其能喻

也況著與察此世之號為相知者非他也為其能同知夫指歸之處而必欲相期以至之也故曰學而不至於道非學也人而不至於聖非人也文末也言亦文也言者道之華行者道之質聖人不得於行故言為六經及以二典觀之則又皆聖人之行也聖人無意於言而言自文禮樂法度皆是也今之士大夫乃曰其次立言故於筆舌深致意然言出而道喪矣又況其不知道則其文為何如也生嘗謂今世學者生於道學大明之後更有著述不知量者也只消得舉其所真知者而力行之便是程朱所以望後人之意雖然便討得一箇能知者

王康集卷

五

其間操存涵養體驗擴充持守尚有許多功夫在此道之不行所以由於不明而不明又由於不行也聖人之道直是高堅學者未須設論造詣且從入頭路處知得分曉最是停當故曰精曰一蓋毫釐之差千里之謬擬議之間忽墮於過與不及之偏則佛得之而為佛老得之而為老楊朱得之而為楊朱墨翟得之而為墨翟之四人者其路頭固不知吾之所謂入而其害教尤甚固於不精之中殊是鹵莽滅裂焉孔門只輸顏子自顏子外則曾為會賜為賜孟則丑為丑章為章程門則游為游楊尹為尹且為呂謂其各有所成者為不

道不可也謂其如孟如程又不可也謂程與孟如孔子焉又不可也故以同知同行者等也合下有不能必其同者分也然吾人等邪分邪以等而自分毋以分而不等則亦庶乎其可也道豈易明哉亦豈易行哉曩在廣中饒聞白沙公風韻流激于今有大不可觀者門牆立而諷詠興令學者無實地可據豈白沙公致之乎孟子曰伯夷隘柳下惠不恭是也然則學者歟歟曰道也學也鼓舉張聲致夫今之大夫士不相信而來其詆毀者非無志之徒而詭欺生幸而領教無由而晤紙上難悉徒蚤夜神仰而相觀耳越得方叔賢吳得魏子才惜乎

王康集卷

六

有志在海內者尚未得一而視炙之也齒踰無聞深切悲晚奈何程朱先生日方不離几席千萬垂目

荅汪僉憲汝成書

沉龍稿

某蠢茲不良過蒙 朝家厚恩是宜待罪本驛蚤夜思省愆忒惟恐不逮顧他望之敢圖不意一接顏色乃辱斬截蹊徑洞出肺腑相示且賜札獎其有意於文教而作興沅之士人也彰彰矣某何人斯敢預師承之托邪經師易人師難其來舊矣昔韓愈引東野湜籍輩傲然以師自名後竊笑之至元公天啓真傳對兩程始能愧色今之學者向來除一副賞氣習間有知一二者又卻

兩岐胷中甚者鼓虛名以自附於儒林之中此某所大懼焉者也至於孜孜舉子業是徇固自有庠序黌掌博士官在亦非某之所優長也實荷開納不自知其言之囁嚅如此悚惕無任

荅田州守惟立書

遠勤厚幣某也實非其人昔濂溪先生曰師道立則善人多善人多則朝廷正朝廷正而天下治楊子亦曰師者人之模範模不模範不範爲不少矣某何人斯而敢濫斯責耶近奉都憲秦先生坐委署淑浦縣事因舊恙在躬加之去歲窮途雪雨之勞感寒到今未能拔去宿

根申文懇辭未見俞允況爲吏者死職舍竹寨而他之於理不順於心不安豈敢脫然超避也哉待罪之餘言辭疎陋伏惟優容無任愧赧之至

又

向承雷峰折柬招致近復兩承執事禮使交加某竊窺執事之心直與雷峯合而雷峯之心直於天地合顧不知沅之諸士直與雷峯暨執事之心亦合否程子論教化而以風動爲言作興之下豈可謂秦無人則信乎其能率循矣周官有閭師胥徒於凡民之俊秀者歲書其德行道藝而此之初不聞其有課試之勞督責之術而

至德敏德孝行相觀自考有自來矣今之民卽三代之民而今之學與三代異意執事與雷峯同欲造就沅之諸士猶三代造士之意也每學無師傳及今年至無聞了無所得雖欲變化氣質猶未能也其如何而可以當執事之盛心邪馬子元吉黃子澈復至揆之於義揣之於分不敢不辭某惶恐再拜

橫渠晦菴二賢祠續道統對

明山之陽文脈動焉有雷峰汪子者建書院以開來學首成大成殿崇祀先師次以顏曾思孟四大賢配而下叙周子二程及朱子以沂洙泗源流而獨於橫渠張子

焉是疑乃進竹寨驛驛丞周廣而問曰斯文之系自孔門四配後千百年而周子續真傳於不絕之餘而其徒二程者出焉翼之粹乎無以議爲也至橫渠精思力踐一變至道誠不世之豪傑顧聞道或有所徧其於程子如伯夷之於孔子信如說者之論邪而朱子集諸儒之大成其言渾融脫落蓋深有所得實其全體中流出者而於吾道其功抑亦不細夫以子貢得聞性與天道論者猶或難之橫渠之於子貢固自有間其可列諸程朱間否乎子如何而爲言廣對曰表正可以測景水止可以鏡形廣何人斯而敢擬議然昔者孔子於堯曰大哉

於舜禹曰巍巍乎而於禹又曰吾無間然於文王則又謂曰之德其可謂至德也已矣若夫孟子叙羣聖之統并湯與武言之而韓子者則由孔子以上及周公斯固萬世不易之定論也故爲天下之大議論者核之當時信之後世而不疑必其上可以質羣聖下可以俟來哲彼吾能言之而人不能吾之言也人能言之而吾不能人之言也是皆一人之私言也如吾言之當而人信之人言之當而吾亦信之斯則天下之公言而所謂不易之定論者在是矣蓋常聞之孔子曰或生而知之或學而知之或困而知之及其知之一也或安而行之或利

而行之或勉強而行之及其成功一也是所以定其分而齊其等也孟子則以善信美大聖神名其所至而示人擴充之功聖賢之言其大致也如此橫渠自年十八謁文正范公始移氣習暨見二程於京師遂渙然大悟晚自崇文西歸而苦心極力欲罷不能真有得於顏子之勇曾子之毅觀其立論精醇如西銘之作此其大者其他若心統性情鬼神二氣之良能與夫形而後有氣質之性等語見於正蒙者不一皆能擴前聖所未發而其特立獨行又非二程之從游周子朱子之抑成於諸先正比也特其才高從外做入內去而無寬裕優游之

意故伊川遺之書曰君子論大槩非明睿所照而直考索至此是以意屢偏而言多窒及今學者得以疵之若朱子生於羣儒之後而濟以高朗之才年至弱冠後師事延平其時已有辨析羣言而裁割之以一歸中道之心此其勢亦不得不然而延平每與極論卽開示以從容翫味令胷中脫然灑落便自有得之語則其與橫渠苦心極力良亦不相上下顧朱子羽翼六經之功居多至今賴之或者乃以孔子集羣聖之大成朱子集諸儒之大成爲論夫所謂集大成聖知兼備之喻也是惟孔子足以當之若朱子雖集大成於諸儒此特據其折衷

羣論云耳而語其充養極到果能如孔子否邪是未敢必以爲然也何者聖人合下所見如天之覆物下則則或如登泰山喬嶽履不同而見亦有異安能保其無所蔽哉夫人之氣稟所以承載夫天命所賦之理如器之盛水水一也而器不同則水亦隨之而色味別焉賢人之於道猶是也故聖人猶有性之反之之別況賢人乎廣謂朱子之與橫渠所至雖或不同而朱子殊未可以絜量二程而橫渠亦或未可以其未弘而遽少之也夫必有事焉而勿正心勿忘勿助長也孟子雖爲養氣而發由今觀之誠學道之斷案也是以明道得之以告謝

顯道曰若正心以待之則先事而迎忘則涉乎去念助則近於留情伊川亦云見理後須放開不放開只是守開又近於放倒故有禮以節之守幾於不自在故有樂以樂之樂即放開也橫渠只緣以禮守著恐即放倒故在致曲上做未免有兩長之病大抵橫渠譬之猶人之韓辛以造基業者也朱子譬之猶千金之子以其先世之餘業而充拓之者也其難易不待較矣況朱子或有謂其心於著述則安能不爲其所累而或有時近於放倒邪調息之箴泰同契之解視橫渠作正蒙時處處置放筆硯其去幾何噫是未可知也故廣竊謂周子二程

王康集卷八

主

進擬顏曾思孟以次四配而橫渠朱子當次十哲之列庶乎近之雖使二賢復生或慮以此言爲然而吾人之論亦不至於取次失當以自叛於吾道之公也若夫子貢之得孔子以爲依歸與橫渠蓋自不同是又未可例相比方以病之也今執事欲進朱子以退橫渠廣不能無說焉漢楊雄曰萬物紛錯縣諸天衆言淆亂折諸聖夫惟聖人爲能公天下之言也若廣也口尚乳臭特掇拾剽竊前人之緒言以復而實無所得第承問以妄爲臆說不自知其分量以至此耳惟執事高明自裁之

端峯銘

明山逶迤而下兩垂如翼左岡一峯獨尊旁十四五小峯相向而拱予坐書舍朝夕

相對可與語馬生元吉請予銘之因作銘以自警

端峯端峯儼如鉅公卓爾大雅屹屹其崇峯律衆岫百川朝宗秀臨島戶吞吐溟濛我儀圖之地絕天通一息爾惡萬夫拔雄勃之丹府貞恒與終

與沈康忠仁夫書

廣求學重辱奉念及往昔夫古之君子精於鑒別固有一過日而終身樂推獎與之公者其不足錄者亦自納於包含藏茹之中廣不足錄者而今之能爲古君子者執事是也長途暗雪客子關情壁間挂墨乃鄉里小兒所爲承示忠孝勉旃之論敢不服膺空山白日光景

王康集卷八

主

飛馳無可爲長者見知之醉但日常自持守此心以爲事天之功間或吟哦風月以涵養性情耳六經之道雖微而取之至近物各自足荒崖絕谷鮮與儔侶它山之石固可以攻玉終不若講習警昏惕憤之功力也縣仰在中無由裁答因便草草不辭蕪陋媿悚

洗心亭記

大江之東東海之濱周子充之者藐生其間少竊妄意聖賢之學嘗自病困於一室乃周視四表有庭闈八荒之志既舉進士尹闔楚承詔入侍以顛直不爲時所容正德壬申秋出丞夷驛遂泛觀南海彌年方將終身

焉而匡君招攜屈大夫恥莫爲繼斯周子之所以歷沅
湘望九嶷而斯亭所由以立也亭立於竹寨南數十步
依山而江隱映松篁林叢間竹寨沅之屬驛也居民數
家至則無所於止丁丑夏命僕夫爲之伐木誅茅逾旬
而成名曰洗心心也者參三才於是照萬物而植一身
於是未感而迎是之謂塞不洗則不通感而昏是之謂
弊不洗則不明既感而將是之謂留不洗則不忘起也
滅也百念垢之動兮靜兮於何澄之曰求其端毋汨爾
靈而已矣進於是也其於道庶乎或曰洗心聖人事也
子得無嚶嚶邪意者名亭之義聞湯之風而興起焉其

玉簫集卷八

三

諸銘盤之意乎周子曰得之矣

寄林見素書

深谷沈寥洞庭湘水亘限東南迄無風便敬問左右曩
歲還故廬恭聞奕葉世顯良以王國之楨端有在也敢
不是賀廣丙子冬赴今所緬惟雲莊獨樂豈下昔司馬
文正公邪固知執事不深棄天下蒼生而亦廣所願望
焉者時周陳先生奄忽凋謝重爲斯文之痛偶蒞人道
過衡茅奉達素心某無任景仰小作一章代蒿里之歌
用輓陳時周伏執事令從者一致之於其靈凡陳公有
知庶亦來格謹附

截屋傳

吾先祖之葉遭家世中圯雖昆季聯肩獨挺身急吾會
祖不共天之讎於公家尋卒於獄吾祖母鍾氏孀抱吾
先君於櫟櫟間年甫九齡祖非鍾繼亡先君執執在疚
俯仰無攸賴惟藐躬微命是倚有田數畝有宅一區可
百步屋廬僅三架短楹密比吾叔祖居茅茨足庇而已
叔祖嘗眇忽先君曰之子孱稚是可奄而有其分產也
先君知之不常舍於家每寄食吾外祖陸公外祖曰之
子固孱稚它日能自強以樹周氏家聲者必之子也吾
有女非之子不可匹遂以吾先母許之時先君年逾成

玉簫集卷八

四

童矣先是有一老蒼頭曰張本者里人也當先祖罹厄
時能收遺屍於獄泣歸以稿葬之既祖母鍾終後復能
無忘祖母命偕其妻勉佐先君蚤夜以耕以織治農供
賦憂水旱一切不重煩先君心殆無遺力歲播斂出入
斗粟尺布罔私先君饑曰由已饑之也先君寒曰由已
寒之也先君未婚曰幾何時而室也凡以身任先君家
事者十有三年後先母歸先君夫婦立而家道成矣一
日先君始仰視屋廬而喟歎曰予家相張本者正主於
終其孝也受主母命不食其信也其躬勤四體勞也其
惡賄廉也明於分而不德又其智且讓也予聞之古曰

無功不醜德之厚也不醜何以勸用是召卜者選辰匠氏操斧鋸進呼本謂曰吾安有吾居爾有於吾者也使爾不吾輔輔之不力或少貳其心吾居爲尊者所毀而夷之原也久矣不析之以遺爾堂所以明吾志遂令匠氏截其右架之半殊盡地一隅取別材構成以居其室屬於宅之東南非曰醜之且老之也未幾本歿先君又戒吾兄濤曰吾卽百歲後毋令其後失所嗚呼凡此皆先君直造古人所爲有非時之淺淺者可能不肖廣少嘗薄聞先君歷歷口道平生事得記曾臆長侍先母又歆聞先母獎稱所謂張本者不置更論不肖廣曰爾父

玉巖集卷八

五

之涉歷也遇下之有道也推先世之志以承前而裕後也若此若此不肖廣前於先君墳誌已失備述茲寧忍湮沒先君之德乎敬書此傳示吾之後焉自吾之後有能知其本之所自來求吾之先於創業艱難中將必有以惕乎其中而無怕淫侈傲心庶亦可以并吾傳意而得之矣

金處士配孫孺人墓誌銘

孺人姓孫氏諱某敬齋翁之女竹軒翁之子婦可用翁之配鄉進士洲之母也母徐氏其先嘉定守信鄉人世業耕織自敬齋始不屑農事耽嗜古籍善占步取友

方晚嘗自稱西溪逸叟少與竹軒遊徐謙齋之門長益相得見可田負異質時孺人年若干遂歸之成化某年某月某日也孺人入門尊婢壺重歷事之夙夜無愆天性貞柔尤篤于孝其執婦道無遂惟畏敬共祀事身以率下姑張氏春秋高患頭風或眩仆則驚號扶抱至寢食憂危者數年及姑卒喪三年無異遇忌日猶皇皇然若有所失求之而弗能得也事繼姑陳氏恪敬愈至每戒子婦無違關蓋無一弗當繼姑意者體快多疾竹軒爲可田卜妾得杜氏生一女孺人撫若已出及長適人資嫁隆備無物我問族屬蕃茂歲時會享問遺敦厚

玉巖集卷八

六

不衰遇姑姊妹有恩嘗呼其子洲等囑曰汝大父女子惟汝姑汝姑早寡有志操能教子植門戶于金有光宜敬事之孺人妹有賢子恒勉勗與其子洲同志卒業爲孫氏榮居常歸寧有期必數問起居候安乃止及歿泣告舅氏往葬憫恤兄嫂以求庇本根始竹軒弱冠病吻毒至是年七十有六忽大作孺人色憂曰吾屬如之何時可田貿易于外一切醫藥卜禱之事咸身任之卒之竹軒不食二旬病革孺人旦暮號泣食僅啜粥數口其子洲等慮之數請不聽用兩月食旨不甘積久羸益不能食臥牀褥每遇上真猶嗚嗚悲咽不能已居舅氏

喪凡十有八月竟以哀亡生子二長洲以明經中正德
丙子鄉試抱道需時娶顧氏次瀚克紹先緒娶顧氏女
一卽杜氏出孫男三長器次品次某孫女二孺人生於
天順八年某月某日卒於正德十四年某月某日享年
五十有六以卒之明年庚辰十有二月某日葬于西漳
浦右原先塋之次鄉人周廣爲之銘銘曰臣死于忠子
死于孝綱常漢昭愚蒙瀾倒淑儒人東海是蹈得天
者存曷云其天寔之漳原空壤同槁

與沅州馬生元吉書

擬響稿

邂逅一別渙散如雨回首竹寨寒雲滿西追想明山之

王慶集卷

七

跡已不可復朝昏步武惟吾子一人當不使蒼苔吟護
皓月空皎而已悵悵恨極世代一新風氣漸革老志嘗
欲終節畎畝茲承 詔旨復故職命僉江西採訪事昔
韓昌黎曰明天子在上可以出而仕矣不揣復懷與道
之心孟冬擬赴今任洞庭超邁何日得執子之袂相與
溫論哉沅中典籍軼漏使往古聖賢墜緒莫之考玩方
來志士雖得吾子提挈恐徒持此心無所發明則知言
窮理必未底其境也倘過白鹿得遺卷焉當歸之披閱
之左

上費閣老書

某一介孤寒迂陋無似筮仕蒲陽手賜雄文以示教云
相近君其道易行今近民其澤易究某書諸座右罔敢
違忽故歷吉水歷建昌德音在耳庸免愆尤頃年道途
多梗牢落山林而仰止之私未敢一日而少忘於懷也
昨幸拜瞻官舟之次猥蒙溫問乃及天下機務某何人
斯而得預聞倉皇失對自顧拙淺某竊以爲君子績學
將以有爲然而難得者時也易乘者會也有其時而際
其會勢無不可爲者方今 天子幼冲明聖任賢去邪
充是道也雖堯舜不足過茲又得皋夔之佐如執事者
論經輔翼是爲明良相遇曷古奇會何不可以慰今日

王慶集卷

八

天下太平之望誠撥亂反正之漸萬代瞻仰之舉也昔
張橫渠子慨然有意三代之治欲畫數井以驗一方朱
晦翁氏亦曰講學只恁地講若欲行之必待機會經大
亂後方做得蓋創見者可革故而鼎新而樂於因循往
往病其難振也執事必欲爲 祖宗創億萬年不可拔
之業莫若因時以乘今日之會以作可致之勢何則腹
心之臣與國惟幄蓋有執天下之至要以御天下之變
者不難也易傳曰惟神也故不疾而速不行而至此之
謂與不然漢之季唐之叔亦明鏡矣夫 祖宗廟謨弘
遠以如是之根本以如是之紀綱以如是之血脈雖亘

天地無涯紀也而補偏揀敝能無待於神明之人杞人之憂自宰執至百司以及巖穴之更夫人而懷是心也伏惟執事留意社稷幸甚天下幸甚抑某嘗讀詩至維嶽降神生甫及申讀書至上天動威以彰周公之德執事弼諧先帝武宗晚年睽乖今茲復相是天以執事留之今日以開中興之基也信州一道峯巒峭明秀遠江水清駛紆迤茲自古安諸山外江右地脈信州首焉是天篤生執事一人以遺之今日以壽蒼生也執謂天豈無意於執事哉執謂天豈無意於執事哉伏惟留意來使適崑光生圭寶居鄰走道並矚目焉某扣謝下風

王康卷八

九

因并勦說不罪不罪

勦節亭銘

毋伐爾竹毋傷爾亭有此亭竹居然以清竹盡亭毀則亦已矣勦節不存世其風靡

議處救荒事

蓋聞天災流行國家代有況大軍之後而有凶年乎然人定勝天則凡所以權宜措置以爲吾民者有道焉目今一春少雨土膏不沃秧苗枯槁久困小民朝不謀夕日夜汹汹思欲爲變蓋出於理勢之必然非民性民俗故爲滅生陷戮之計也一省之中聞南昌爲甚廣信次

之九江次之而腹裏各郡約有泉源之田陸續播插田雖遍綠陂塘狹小無水車戽則亦槁矣則是自今十日不雨雨不能灌通省皆荒非特南昌等三郡而已不自揣量妄陳區畫某謂此月數日之內宜籍各府縣之贓罰羨餘無礙備布政司該起運不急之錢糧選委廉幹之府縣佐貳首領官一十二員一之南京一之荊襄一之淮南持十萬銀文所在官司分頭管羅運舳舻而入鄱湖一貯於南康而轉運之九江饒瑞一貯於吳城而轉運之撫建寧一貯於龍窟而轉運之廣信一貯於省城而轉運之江吉贛再選委廉幹官亦分頭而

王康卷八

十

填實於各府縣之官倉藉民之貧者按目而設法兼預備倉之稻穀隨宜而或賑或貸則前思變之民耳風聲而按膽鼻米氣而知不餒目官家撫恤而敢不軌之謀民志定地方寧而某輩亦得以安枕贖愆矣不然未日其可也

乞致仕疏

江西等處提刑按察司僉事臣周某奏爲陳情乞恩休致以保餘生事臣南直隸蘇州府太倉州民籍見年四十九歲由進士正德元年蒙除福建興化府莆田縣知縣丁母憂服闋改除江西吉安府吉水縣知縣蒙

行取選授浙江道試監察御史爲因言事得罪降除廣東市舶提舉司懷遠驛驛丞復陞江西南康府建昌縣知縣緣臣係原奉 先朝聖旨再不許起用人數當蒙查出復降湖廣辰州府沅州竹寨驛驛丞至正德十六年五月蒙起用欽陞今職遵依於本年十月十六日到任管事外臣伏念本自一芥草茅陶於庠序已荷教育之恩旣而叨登甲科更拜子男之爵揣已踰分夫復何希不意拔臣耳目之司自慮曠職乃因言事觸忤恭賴先朝廓天地之德緩雷霆之誅待臣不死寬降雜職已云幸矣尸位數年茲逢 聖明嗟陽春於寒谷培植植

王嚴集卷

三

於顛覆自慶遭逢感激不勝正宜竭犬馬之力殫餘生之微以少報 陛下乾坤再造之賜奈臣年迫五旬鬢髮已改賦質柔弱目力昏花加之瘵火舊患感事即發每發之時嘔逆數升神思健忘知謀短淺屢試湯藥亦未見效勉強赴任策力馳驅近於嘉靖元年四月初旬又感寒熱時證摩盪元氣幾不能支動履艱難應酬多錯夫以駑駘庸才固不足與語登峻坂也今監司重職一日不盡一日瘵官如再委之衰病之流誠恐中道而踣自取罪愆則負乘覆餗之誅在所不免悔何及哉伏望 聖明賜臣骸骨歸於隴畝狐正首丘則終始 皇

仁之中死生其永被矣臣無任感戴之至緣係陳情乞恩休致以保餘生事理未敢擅便爲此具本專差家人某親齎謹具奏 聞伏候 勅旨

議移築九江城 閱江稿

竊惟九江府城本爲漢陳友諒所築因陋就簡特首鼠之謀非有長駕遠御爲中國所自立之氣象故外焉江濤北嚙其足今茲已崩矣內焉廬阜從南迤邐而下籠罩荒岡可二里許間無人煙今茲曠蕩而不守矣地險固不足恃也作萬里長城者幾何人哉故曰王公設險以守其國本職力淺才疎既無重望以攝人心又無厚

王嚴集卷

三

德以動 明主之聽所仗宏濟大艱廓清一世者執事先生一人而已夫兵之脆散可撫也亦可提也寇之窩發可弭也亦可殲也將之貪庸可飭也亦可作也敵之萌積可剪也亦可遏也至於修築城池堅利器械屯聚米粟此非財用不可本職承此極敝之後亦何能爲而修城一事此其財用之大者蓋地曠人稀實難與守如欲仍舊貫歟則增高葺積不過目前支吾之計如必欲爲 國家建不可動之業遏荆襄之上游鎖彭蠡之元鑰以固 祖宗金陵根本之地則江濤之北嚙者直須移避而堅築其隄荒岡之南包者直須如所圖之懷威

敏東移築於內庶可閱視而軍民亦易與相守矣

送陳中丞還南京大理寺卿後序

嘉靖改元 天子御極欲舉一世而甄陶之尤重念夫
延藩倡變動搖天下而水火吾江右之民者則既深且
烈矣誠不忍使之一日不安臥於天下之上也乃謂
相臣命冢宰擇方岳之識達治體者先之而剪伐遺醜
區別淑慝周窮恤孤天下莫不知 天子所以羣天下
之與始得山齋鄭公於家焉天下既萃尤思所以安輯
之也復命冢宰擇方岳之寬厚者代之於是石峯陳公
自河南左叅政歷東廣左布政階不崇朝而陟至則
部公之符于以拊摩創痍節約冗費伸枉釋過捐不急
之務停妄興之工一切體 天子好生之德不務不練
而與江右之民相安于貞靜寧謐之地而天下亦莫不
知 天子所以處天下之解夫率以濟渙平易以處解
此所以求治也治也者所以通其變也變也者所以從
其時也通其變之謂利從其時之謂神此我 天子所
以鼓舞一世之大端而成維新之化於陳公繼鄭公之
巡撫江右則既見之矣然利可見也神不可窺也陳公
之由今官而復陟大理為正卿焉持惻怛之誠以往平
南畿之刑豈其循常資也哉是固又有所謂不可窺者

在也某也不佞辱在門牆且常承乏於莆蓋知陳公之
哲者也誠不知 天子所以用人之神也同寅顧惟賢
階諸君詠歌陳公之德以寄重別之情某故不辭而序
之于後云若曰阿私所好則某豈敢

酒箴

明明酒監妹土惟惇胡不爾察甘予于潰戕德殞躬自
恣以醉涓涓者流滔天矧悔請與息交以謝前累

南昌縣學題名記

嘉靖元年冬十月予以九江兵備副使轉入 二年春
二月詣廟謁先師始進諸生升明倫堂講學見有素碑

石堂集卷八

音一

石堂之右偏問曰石何為者教諭李從龍荅曰 國家
取士於科目籍士之名於冊猶恐其久而湮弗彰也南
昌縣學故無題名記是唐石以志之詰曰石何為哉為
以久也不聞石有時而泐乎君子之學忠信而已矣忠
信誠也誠則不息不息則久是故天之所以為天也誠
也人之所以為人也誠也立人之道曰誠也誠則形
則著著斯名矣是名也者名其實也君子去實惡乎名
雖不題可也又荅曰君子所存名固非所汲汲也後世
無稱孔子病焉況故事 國學與鄉校必植石以題是
庸以聞夫往昔以勸夫來者繹曰聖人立極以示教也

學者由教以歸極也勸來者屬中人耳中人以上雖不
名猶與然籍夫往者則自胡儼下凡幾科得若干人焉
自張元顧下凡幾科得若干人焉自艾璞下凡幾科得
若干人焉自陳奎下凡幾科得若干人焉曰胡曰張曰
艾曰陳皆英魁卓犖豈特爲南昌之士而已哉由四公
下不知其幾矣則固以其實名于邑者也然則南昌之
士以其登於是者誠幸矣而錄于國學者尤與爲有榮
然亦有泯沒而不與於是者誠不幸矣而其錄於是而
不副者亦與爲有恥從諫曰此名實之說也爾諸生其
聽之因請書爲記雖然予之文亦長說也在乾乾君子
玉齋集卷八

三

義夫序

吳奢國也先王設教國奢則示之以儉懼人欲之橫塞
天理之源也俗相膠染孔子每傷好德之衰故名爲天
夫士或鮮以禮自克孰有如今之馬翁之能造義者古
者天子而下諸侯一娶九女大夫置側室一夫一婦職
在庶人翁乎何嘉然飲食男女大欲所存禮之廢也久
矣初翁未娶配顧早孤祖母守儉刑壺慮無當馬匹圖
請更翁艷然曰分定何更之有翁於理欲之際有不待
今而始決矣既娶生子一末以疾終翁矢不再續侍

帝絕無婢御迄今壽登古稀非能以禮自克其斷割裁
制安能至是不復移易孟子論義曰無爲其所不爲無
欲其所不欲翁服之矣夫義之爲道大也羞惡曰義剛
毅曰義利物曰義尊賢曰義保族曰義翁起家以醫而
終之儒孝友嫻恤周人之急往往不憚所有餘且立塾
師尊之以漸陶其子若孫蟄蟄嚮用非自其一念之不
欲不爲堅忍昭哲而擴充之以大其用必有所沮固
滯不化通于此未能達于彼而致曲以盡其量也翁反
且是殆善學義者歟先是翁常命其子驥與子游交二
十年餘良熟識翁蓋天資之近仁者仁立而義行宜
玉齋集卷八

三

增修壘山書院記

宋有天下三百餘年名相儒臣相與扶植紀極講明道
要三代以下一再僅見方大運傾淪夷夏變易獨能秉
先王之道危若綴旒不受臣虜身雖百挫以死而其志
終不可奪時則有若文謝二君子者精忠勁節照映史
冊至今令人讀之猶有生氣嘉靖元年春廣分巡湖東

提學僉事邵思抑謂廣曰文謝生不同時而同於鄉仕
不同位而同於節壘山祠既隘且陋適大弗克與文山
祠稱子盍圖之以張崇先賢以風成來學廣既至信州
謁壘山之像而拜焉周視垣宇苦修于壁蝸篆于几小
徑紆潛浮屠障蔽俾行道之人不知有忠賢而但知有
釋氏吾道晦盲異端昌熾莫甚于此因謀諸太守張卿
曰是得非吾儕責邪卿應曰惟惟志爰命知縣周輅
張守正董贊其事閱五月廣重過始見夫舊宇左右
各一楹爲夾室而齋舍廳堂皆翼革自儀門迤邐
北爲外門歷階抵前方塘之上而建石坊牌一座扁

王慶集卷八

志

曰山書院蓋撤梵宇而闢爲之者工幾就緒猶未完
美土今年夏太守張士鎬祀瞻之於首務惟先凡龕具
版甃垣闢黜聖之屬悉舉而飾焉以終之門曰詠歸堂
曰明經而井曰蒙泉皆各仍原址之舊建秋命訓導蔡
兩徵文于予云書院之備于志傳也名同實異深慮天
淵而無別久之將不足以信今詔後也是容可以不記
廣復之曰記不記無足爲先生重輕慨念先生之未厄
也嘗集門人鄭康仲十數輩立書院于饒縣西安韓鄉
其於先王之道則既講於斯習於斯藏修游息具於斯
故能服而行之以收宋三百餘年養士之功歸然與文

信公相頡頏爭輝日月吾黨之士生乎百世之下凡望
遺像而仰休聲感動奮發之機勃乎不可禦也況游於
庠序薰陶涵育于茲百五十年在家爲孝子在國爲忠
臣其於大倫孰敢忽後是故先王之道大哉洋洋乎峻
極于天而實體備諸已也信然矣自是之後由是路而
出入是門領芬芳而後先相望者有日則是書院之增
修也夫豈徒面靈山臨信水安先生之神而爲一時之
觀具而已哉此廣闢祠之意亦聊與上鎬相與敦風化
之共也若遷祠之始未緝修之典故自有先韓副使今
汪公郎之石刻在

王慶集卷八

天

題南川諫草

世南川先生諫草也予得而讀之者八章始先生居諫
垣事孝宗知無不言而孝皇方厲精求治言無不
聽故天下士大夫歎息弘治之盛至今舉之以爲美談
觀此其一也嘻先生之得其時際其會也若此雖臧益
舜禹相都俞亦何能過誠幸矣予得而序之昔韓魏公
爲諫官三年欲斂諫藁焚之既而曰忍亡以人主從
諫之美乃集爲卷序其略云諫主于理勝正以至誠將
之夫南川存此而予爲之序固欲章孝皇從諫之美
而南川之諫皆主於理而將之誠良可以爲後之事君

者告焉因書以弁其端

王巖先生文集卷第八

三巖集卷八

三九

王巖先生文集卷第九

送湖廣左方伯蔣公之任序

湖湘天下之大藩莫加焉江漢 龍飛陸爲湯沐之邑
尤宵旰所注意乃嘉靖二年春當天下尊后來朝有司
既奏課慶有功懲不恪凡所以昭賢賢之化至矣於是
湖廣左方伯未有充其任者江西右方伯蔣公報曰
最 天子始咨諸太宰曰能宣予化于南土者俾往代
之太宰以公請曰非蔣某不可 天子曰俞於是下公
命命既下朝之諸臣曰是得無治贛有聲進諸戶
湖藩諸僚又皆謂曰是當在先朝諫垣爲御史
力者其邦國之大夫士亦相語曰固知公昔守
凡能禦大寇旌擢爲山東憲副歷參東廣藩者公來
豈不能保釐吾土哉夫公何修而得此也公才明而器
充識宏而量偉其所得於天者屬成於學也久故心
精詳德性堅定而於庶政也必達其所以荅天子之仰
成而副諸士論之公也固其所矣公越四月將由洪都
沂武昌左方伯王公偕諸寮友送之南浦之上作詩歌
以華其行謂廣曰子不可以不序某不佞但曰有其器
無其時君子不行也有其時無其器君子不能也今夫
湖藩財賦之浩甲兵之精戶口之滋而人物之尤盛

傑者終稱中華也舊夫人物猶昔也而三者日敝吾於公寧無憾今夫陸又天子之所復而豪右之或憑藉以陵轢焉者吾於公寧無憾然以公之器運量之特反乎也況天子明明在上當割信必而公乘時以匡贊之將不惟公是攸賴而公保有令聞以底一代相遇之你不自茲命始乎顧今之爲說者類皆曰政宜寬大勅一者不可以言政亦不可與語道政由俗革道以時遷大惟聖人爲能通其變於未然君子則承而救之可久之也詩曰不剛不柔敷政優優記曰一張一弛文武之道也聖人豈欺我哉王公曰子之言庶其協于中歟

王巖集卷九

二

送浙江廉憲錢桐溪之任序

今天下治乎曰未也重華出震受命維新百僚師師海內向風是可以未治言乎曰非也天下之治本于道天下之道本于心今天下之未治者患其黨同而伐異也與理同則固不害其爲異如其一欲也則爲天下之大異也君子於此能無一卜下之道乎道一而天下之治出矣天下之治亦多術外是者弗論也是故時之

士有以法律名有以曆數名有以財名有以兵法名有以治行名有以辭章名有以經濟名有以節義名有以道學名下是九者弗論也夫名不同而偏全之分皆天生是才以爲天下用者也名立而相勝之私起焉相勝則相軋相軋則乖互凌慢之幾必隱伏回屈於不自覺之中或俟間而發或乘然而雪甚則假有力者排焉而有力者亦莫知爲役已也故將不至於不快而不釋亦不已求其能脫然置天下人物於胷中而無一毫尤悔斯則古今所稱大同之君子穆穆德讓之士也豈易得哉夫得天下之士人人焉如所謂古今所稱若人

王巖集卷九

三

者參錯庶位天下之治成矣晚之桐城錢君公溥世紹忠中角時能挾策與南畿士白戰不北遂掇科舉進士出宰青田海寧二邑聲動東浙東浙之民固日夜戀戀而不能一日于懷舍也今其慰矣方君入爲御史出爲憲副敬歷內外臺凡數年當時勢危疑警蹕巡狩之日士之剛者則遭百折而柔者不能以道自植未有不流於靡也君固間其中乃卓然不可奪不立名以求異而亦不苟同以逐時語法律則明恕語曆數則會以道而不暇究語治兵財則南陽天津有成跡語詞章則沛然爽朗而威儀抑抑語節義則僊僊朝著而治行無一

不日道而出蓋休休焉庶幾乎脫然胷中而能克悔尤之私者某治吉水常爲君屬吏爲御史而不百日得承大雅休光也茲又協諸寅末而親就視昔爲尤深薰炙之下進某於道也如水之浸故於君之行也述世道之同異以告之君過東浙行將澄清天下以一道德爲已任凡我東浙之有官君子與君同志者與天下同道者不知以某之言爲何如同年丁憲長暨王方伯崔都閫臺威曰是非特告桐溪也亦可以爲天下言也

電序

鼎銘爲萬安朱童子衡作

玉慶集卷九

四

重器惟鼎屹如山維玉鉉金質享帝廟宜弗慎攸之覆缺焉疑宗社舉罔震驚不移天休是凝遠焉遠兮

祭王都憲與時文

維公武山之精蔚鍾爲靈氣吞江漢文晰緯星感事則機警矢發寂虛而智燭川泓視天下蓋無一物非我育臺端迄如九鼎焉疑方擬論其彷彿乎姚平章之應變范樞密之自任匪輕者也豈不爲昭代之英哉於康義旗北指給紆初起南甸攸肅宸聰攸倚胡一疾之未瘳而九原之弗起凡我禾友罔不悲悽臨流附鴈潸焉以涕

題兩山輓詩

爲同年丁憲長宗魯作

嗟夫人世一何促哉觀是輓詩君子思所以自立于世矣人莫不有終也輓之者何惜人命之長也輓而歌之者何可以無死而死也故人之終也有可輓有不足輓可輓者保其身以終焉能無悲乎此人之情也不足輓者類於草木同腐朽耳古之王公貴人則歌之曰薤露土庶人歌之則曰蒿里死莫不有輓也兩山翁世居金陵溧水之麻山中生平質直好施以子宗魯貴號稱封翁自歲戊辰距今甲申沒於世也久凡交游士大夫毋問識與不識皆聞而哀之作歌以輓焉夫兩山翁之

玉慶集卷九

五

質直信也好施義也生人之道曰信與義信義人心之所同然也兩山翁云殯豈有求于夫人夫人亦豈有譽乎其間而爲兩山翁飾於蓋棺之後也哉故曰哭死而輓非爲生也歌之不一而成篇什某閱而既悲之抑又有以感乎世之促而得夫所以自立於世之說取而序之篇端是固有以見兩山翁之生也不虛而亦因以明宗魯之爲子不私於其親且驗諸人心一好德同然之公云觀此則君子之生也當自立於世可知矣

乞致仕疏

欽差提督學校江西等處提刑按察司副使臣周某奏

為乞 恩休致以全餘生事臣見年五十一歲南直隸
蘇州府太倉州人中弘治十八年進士初任福建興化
府莆田縣知縣丁母憂服闋補任江西吉安府吉水縣
知縣正德七年蒙吏部行取選授浙江道監察御史以
言事將臣降除廣東市舶提舉司懷遠驛驛丞起陞江
西南康府建昌縣知縣復蒙查降湖廣辰州府沅州府
泰驛驛丞相繼七十餘年自計分死委棄溝壑正德十
六年幸遇 聖明御極首詔復臣試御史職至五月內
陞授江西按察司僉事嘉靖元年五月轉陞本司九江
兵備副使本年十月改本司提舉副使一二年間 寵

三原集卷九

六

命迭加戰兢無地竊念臣本一介草茅起自隴畝徒剽
竊章句循守庸凡以登科甲荷祿 聖明既非閱閱世
祿之家又無片長寸能以荅 國家之寵顧茲榮級累
越濫及匪人力小德薄鮮不顧什恭遇以來固宜竭瀝
血愀夙夜圖報以塞負乘之責但臣舊嬰肺疾咳嗽不
時每一舉發嘔痰數升飲食減進越月乃止即今五旬
之外日來不覺齒齒羸瘵血氣消弱精神恍惚兩目昏
翳閱事多至遺忘日益不文誠恐久叨恩祿未免蹈食
浮於人之譏驟陟天階自有以招不知足之患顧茲冒
荷祿位抱病瘵官必將陷於不忠之罪是安能容於竟

舜之世乎伏望 皇上念臣所疏即賜罷黜遣歸田里
令臣得以仰觀 聖天子太平之化於甕窗之下暮年
骸骨實再生之賜不勝感激戰汗之至緣係乞 恩休
致以全餘生事理未敢擅便為此具本專差家人某親
齎謹具 奏聞伏候 勅旨

慈湖遺書序

余少讀性理章書未能折諸聖也見有所謂楊慈湖氏
者不知其學不知其為象山高弟今巡按江右泰公道
出信州于是編以示予曰慈湖吾鄉先正也其遺書尚
存頗多舛訛子益正之俾世之學者窺其淵原予始得

三原集卷九

七

而玩之知先生之學授之庭訓悟之扇訟而大有得於
靜觀體會之餘求諸心之精神則曰聖在是見孔子絕
四曰毋意則欲不起念自謂學者今是皆弟二義也故
其鞭辟處如捍強敵一至融液脫落殆晴雲麗空舒卷
自如而光風化日有莫測其端倪者然予嘗聞之孔子
語諸子之求仁其義不一曰克己復禮曰敬曰恕曰忠
曰言詘曰先難曰愛人曰恭寬信敏惠因材而篤使之
會為一慈湖豈皆不屑是也蓋學者分量不同夫敬
以直內義以方外萬世心學精一之綱要也不然又獨
不聞太極無朕而萬象森然已具乎此一貫之旨也未

至慈湖者當自攷矣予也莽裂何足語此特承示以識一言若篇章謬復多所散逸而大意總苞釐校彙粹終以成集而梓行之以不違泰公詔世之初心斯同寅顧惟賢之緒餘予無庸焉謹序

重修白鹿洞志序

洞觀心象也學者從事於斯苟有得焉象斯忘矣宋晦翁先生知南康軍時患道之不明也訪唐李諫議遺蹟創此而中條爲規禮象山而主之一時學者翕然來游洙泗重光至今聞之莫不興起我明觀人文以化成寶宮滿天下士之卒業成均多尚詞章忽本質夫道之

王慶集卷九

八

絕續非天也人也正德庚辰今提學陝西副使唐虞佐按治江右慨然有意晦翁之學延教授南康蔡希淵以長院希淵爲圖授諸其徒夫觀圖可以知聖賢之學矣羽翼洞規良有可觀今二生猶慮夫一時之嘉會無述取前李獻古所修洞志而復校之以補其逸以續其餘請於予曰敘之予愧非人師也方議聘永豐夏敦夫以尋象山墜緒值遷今秋於左孔堂榛蕪自鹿雲迷意者其興起斯文有在於今乎後有作者必識存羊之意吾黨念之二生曰繆建和曰黃美

論地方事宜啓

外臺稿

竊惟福建一道南接潮惠以東迤于溫台西北綿亘汀贛叢山大阿不可徑其地砂瘠芒棘爲鉅盜逋藪故左焉海洋爲翼倭番實貨漳湖土著人互通貿易利孔所在地險不能限也遑恤其他故法度有所不能加右焉山氣鍾惡爲一大障居民性獷形麓與犬豕豺狼無異年來歲一出劫熟知興化一府仕族蕃盛爲奇貨可居之地常垂涎側目不能一日釋也海道之政廢弛日久已積敗不可卒然收拾目今多事無一卒可呼無一哨可棹兵散官偷窬徒塚易幾無場址言之可痛心矣頃者乙酉山寇上倚柱史先生籌畫更得鄭僉憲直擣

王慶集卷九

九

尤溪之一力先人奪心故少靡耳假如癸未張師清饒平一夫特蜂蠆尾耳始焉易之及流入興化匝月而去汚衄縉紳士女勒贖金帛劫殺無憚斯時守巡束手無策直候其飽欲而後已調遣軍職或逗遛或避難或觀望或曳走官兵曾無一恙而吾士民已魚爛草薶而合彌之至今興化衣冠之徒怨入骨髓尤溪庫藏彼常視爲家橐有官守者悉不可不深自懲戒也茲者失事軍職某特奉行本院先後原參招案遵律擬罪呈請定奪不敢過苛亦不敢輕擅廢失如從目前承平郡幸推照常施行如爲後日遠慮耶 國家法律與本院參案也

握紀綱明明具在某愚謬疎罔無侶其何敢伏乞尊裁
某不勝惶汗之至

乞致仕疏

福建等處提刑按察司按察使臣周某謹奏為乞恩
休致事臣兄年五十三歲係直隸蘇州府崑山縣人太
倉州民籍由進士伏念臣自通籍以來三任知縣一任
御史二任驛丞正德十六年恭遇 陛下登極首詔臣
復御史職既而除授江西按察司僉事歷副使以陟今
官放廢困頓之餘一旦峻拔夫犬馬餘生雖竭力以出
百死未足圖報誠不世之奇逢也顧臣少失所怙履跋

嘉慶集卷九

勞瘁積病於躬為日已久目今年踰五旬之外目力昏
瞶肢體疲酸加以痰氣不時舉發動輒嘔至數升頭暈
神怔飲食不甘自知衰憊時亦至矣況提刑之任民命
所關必法律精詳鮮至敗事且綱紀羣僚素乏風力欲
黽勉以從事恐鯨官而致譏欲持祿以苟延念素心而
難負方今豪俊之士充滿 帝庭碩德重望可以踐是
職者取用不竭 陛下固不愛臣一介之微末而重於
遣去也如蒙 俞允得賜放歸田里以保父母之遺骸
圭華之中仰觀天地之化則巖花溪草均承雨露之恩
而春燕秋鴻各順天時之候臣不勝再造之仁感戴涕

切之至緣係乞恩休致事理未敢擅便謹具本差家
人某齋進以聞伏候勅旨

論地方啓

癰疽一潰爛及他肉或竄生頭孔必捕元氣則邪不攻
心以是要蓄藥針隨取隨用隨效今日先要擇人速催
陳布政與蔡叅政先後復任便可拔出人來委用該道
分守必住劄本該地方須看近日以來聲息何如徐委
一堂上空閑一員與汀漳兵備相與督謀仍委行都司
一員聲勢表裏相應纔有親勾據近聞災傷西北止是
長汀一縣此乃早年大槩之說及細訪實上四府卜戶

嘉慶集卷九

皆各處流民與無業單弱奇寒之人此輩租佃大戶向
秋收租一了皆家徒四壁立若南顧一敗突必悉數搜
入以救目前餓死之急彼豈知義向方益上四府小戶
乃年年災傷者也由此論之豈獨長汀一縣而已所以
必要分守去救濟救濟一定人心自安亦各自為藩籬
足可備守聽命再行選取肅縣佐貳守領與巡司肯用
命者號召義民及鄉兵團首義勇敢死士懸以重賞加
添衛所餘丁坐委定了然後不時操練以逸待勞時一
犒之有警傳集團聚聽調又必行令各屬圖出阨隘去
處在官責令嚴切防警一遇彼中打探嚮導前來無不

一一擒解彼既不知路數即不能長驅而入矣縱使長突而入計必先出精銳以撼我次必分散荼毒以擾我使我奔疲不暇又次必散漫大擁尋據衆穴此必至之理是故督謀者必在用兵分曉又須爾我協和母起專功妬能之心如往年亦曾紛紛然我兵必先立三哨每哨二三百人精悍驍勇如善知兵者可以應待之乃用孫子出三驅之法以時取用則勝常在我此有事經理之說也如日逐幹理不枚此心如來示之意則風聲所至泰山巨維賊必聞知有備自然披靡不能堅來窺之志矣

議獄啓

近承斥言示教云本司開到冊內重囚曾經會審情真該司不必再行提勘恐干礙平民往返人難徒成故事此誠憫惻閭閻徑情得要之言然以愚論之亦有一得可以仰酬諭旨者本司與本院格局微有不同本院代天子巡狩凡生殺予奪廢置可以一見而決按屬之下無不風靡若本司必當詳慎以爲之地決因事如案驗臨刑稱寃有詞再問必須奉行間有重囚或令家屬訴告亦必暫因其言而體之以盡其情而後此心庶乎少安況古人亦有死中求生之說適訪多審敬候本院審

錄之時可以隨問而答不至乖謬又聞古之成獄有數年不決而決於一旦者亦從適訪多審中來且方其成獄之始府州縣衛所官豈能一一詳盡其情假如強盜賊仗明白無大冤異至如人命其干證知因人等或遁逃不出或令人頂替或出外生理或畏刑扶同而聽斷委檢之官或任情出入或受賄屈抑或聽信吏作以致檢驗不實喝報互異似此蓋有不容不詳慎者是以雖經本院合審與大理寺刑部委官審允能無踳隙于千百中之一二乎大抵事冷已來是非久而自定毀譽久而自明本司蒙昧安敢只遽紙上成招而以先入之言爲主又嘗伏聞天子九重之上不忍棄愚民於極刑之下登聞一擊亦容再辨萬一有可生之路更爲一詳如卜其生而不得則亦已矣即今本院下車凡各獄囚犯希求僥倖者闔門上下父母兄弟妻子干親誰不傾心景仰明斷以求施好生之德垂惻隱之仁伏惟尊裁采納不識以爲如何本司無任企望之至

送方太中訪舊東歸序

太中弱冠予面識之南畿英俊茂發器出不羣頃別去令人有玉樹之想吾東原師檄取予較藝于彼予無似辱知拔儔士中倚望最重余懼無以副且慰與大宇未

嘗通寸絨一言音地與情不相入宜也然予受東原師之教其恩義隆渥報當異稱固知他日與太中有世講之好予既仕薄遊閩楚且十年吾東原師逝矣心喪者彌載欲一拜哭東原師之墓以成禮無繇也無何予居言路遭權倖百挫折凡間關嶺海沅湘者又十年雖欲與太中通寸絨一言音勢不能亦宜也今復竊祿于闕先是太中從兄湍太玄過此因詢求太中動靜予且語之故太中之情方有所感屏輕千里而一至面訪予焉倉卒一拜見澄清堂予之肝膈肺腸惻惻戚戚為抽動語未定不覺涕之無從也良以吾東原師之期予也至

王巖集卷九

四

得觀太中東原師在吾接承目中矣非為太中也況予與太中久有欲通寸絨一言音之好能無是情夫覆我者天也載我者地也生我者吾父也而成我者師也予雖未嘗執經問難東原師之前孔雀之喻澍雨之立獎掖而玉之以至今日吾非東原師其儕草木而困塵埃也久矣時之人徒以教嚴規厲束縛不羈子多交口病之是豈知吾東原師為朝廷作人之深意哉禮曰師嚴然後道尊大中歸因引以白且冀與太中敦世講之盟其母相淪

送攝憲副之任湖廣臬司序

天之生才也不同而人之作用也亦自異上焉者純任德性次焉者德不勝氣純任氣質者斯下矣自夫先王之教學不明也而大夫士荒棄德本作用翫駁日以滋甚孟氏以來吾於有宋得范文正公者正大光明得周茂叔者繼承絕學奮乎百代之下令秦漢隋唐以來號為縉紳以自效於世者皆北面嚮慕斯人吾誰與歸而大夫士往往莫之與宗悲夫筠州聶君以名進士起家分掌邦禁未幾出佐郡遂擢閩之憲僉轉今官剔歷中外惕內以割制庶務導揚王化者有年今茲將別洞庭登岳陽樓讀范文正公先憂後樂之文沂瀟湘經道州

王巖集卷九

五

咏周子剛柔善惡中之論當必知著乎外者必本於內成於顯者必根乎微也聶君資稟雄斷廓落負奇氣有大才可遠到會無姘阿胸縮之態固不屑於其下矣將不得思其次而求躋於上邪希文茂叔亦人耳或曰聶君曾次軒豁疏爽洞達纖芥滓翳不肯少留蓋有本者云

修復舊制疏 內臺稿

欽差巡撫江西等處地方都察院右僉都御史臣周某謹題為修復舊制以足國安民事嘉靖七年三月初七日准戶部咨前事題奉 聖旨是依擬行各該巡撫議

處停當具奏定奪務求經久利便勿得徒事虛文欽此
欽遵外臣叨荷今任凡災傷田租里甲官銀該分豁者
正臣任內合行具陳事宜臣聞命之餘仰見 聖慈愛
恤元元且不自用必博謀僉同然後舉而措之以求為
可繼臣愚一得敢不罄竭夫財之生於地有限曰鹽鹵
曰山澤上之取下之供先王惟正不聞其源不節其流
未見其足國也今之民農一而士工商釋道與游民者
六以一而加之養軍供冗土木搭剋與公家之紛侈源
枯流漫其敝不揀先民有言利出一孔者其國無敵出
二孔三孔四孔者其國危先王知其然故塞其孔隘其

王康集卷九

六

途予奪一切在上竊見吏部尚書桂萼建言前事誠如
聖諭所云恤民圖治者也然其中云部派一條容有引
其端而未竟其說意冀 陛下自擇自悟耳蓋各關權
收鈔錢久入內帑缺官祇候例該備邊如約已自奉出
內帑百萬以儲淮安等處轉輸之次豈特緩急有濟而
已減丁壯役錢追貪官贓物以資里甲官銀乃移補一
時之論或非久繼伏願 陛下取正德年來除額正供
不動照舊追徵外餘如戶工二部雜辦加派名目不一
是皆泛出無經儻畱心窮民或遇乏間取或量行責派
出產地方取前雜辦加派一切裁革則生靈吐氣幸甚

幸甚夫里甲百姓盡頭路每縣若干里每里若干甲每
甲若干戶洪武初一里十甲俱全成化初十存四五正
德以來逃絕甲數者不勝歸併將盡民之農一是如之
何而不趨於工商釋道游民也中間加之水旱疾疫人
事不齊縣令促迫流亡無幾弘治間里甲官銀每里除
答應出辦外止徵六兩尚有不足拖欠支吾文移閣發
況今倍之或十二兩或十五兩連答應出辦何止百金
是又如之何而可以供不一之求大抵樞機在上闔關
弛張其應如響夫散財以得民因民之所利而利之正
陛下朝夕望治之切意舍此不圖未免徒墜其流不聞

王康集卷九

七

其源日殷月削支東補西非永世久安之道也臣嘗行
之布按二司會議僉謂江南財賦之地如南直隸江西
湖廣等處十分困苦俱各與臣所見相同如蒙准議乞
勅戶工二部備查奏上請自 聖裁臣不避 天威伏
職待罪緣係修復舊制以足國安民事理未敢擅便為
此具本差舍人某親齎謹題請 旨

急拯民瘼疏

欽差巡撫江西等處地方都察院右僉都御史臣周某
謹題為急拯民瘼事臣吳人也生長草野習知民艱親
見成化年時撫臣王恕巡撫蘇松嘉湖等處倉庫充羨

民物殷阜如預備倉之外尚有便民倉積出餘米縣至一二萬石一遇水旱興發以時民不告困今自正德年以來民之流亡者什之五六矣田畝狼籍厭棄或拋荒者什之三四矣在在倉儲罄空無粒粟矣編爲大戶中戶者消磨殆盡矣雖畸戶小民亦皆羣老攜幼蟻徙魚聚日不聊生矣徒以市園浮貸雜貿兼之俗尚奢華知不知者曰蘇湖其富庶若此也不知時異事殊戶口潛耗稅糧拖販日甚一日我國家倚賴東南財賦之地以爲命脉者僅存一息甚微且殆也夫何故糧額視天下第一爲重少者自三斗以下多者每畝陞稅等則加耗

王康集卷九

六

無慮百數或至五六斗或七八斗至一石者計一歲所穫每畝僅至一石加之差役猥繁民之入口粒食者幾何況又加之有司額外侵漁誅求無厭者乎是可憫痛也邇來撫臣更易不常時或缺員日久卽今嘉靖五六等年分着與綜理府縣申白無從請示其極敝大害不可殫言臣及見見任巡撫順天府等處右僉都御史汪玉南京左副都御史萬鐘總督漕運左僉都御史唐龍總督南京糧儲右僉都御史陳祥暨今致仕右副都御史陳洪謨此五臣者練達傑出之才嘉猷重望實足勝荷前任如蒙 陛下軫念東南一面創痍赤子日夜

愁視天下尤重特加存恤乞勅吏部備加詳請具題選一人前去整理則一方幸甚臣固編氓內一人也亦幸甚緣係急拯民瘼事理未敢擅便謹題請 旨

災異疏

欽差巡撫江西等處地方都察院右僉都御史臣周某謹題爲災異事據委官瑞州府通判危德呈照得造完眞人府第數內衙門後廳一座五間隄於本年四月十三日夜二更時分雷擊本廳東山獸頭一箇拋散無存連處樑柱打碎牆壁臺基俱各損傷及查嘉靖六年八月初一日起集地方人夫接運大楠木八十根到於工

王康集卷九

六

所河埠拽上八根本日夜洪水泛漲餘木盡數漂流里長薛洪十人夫姜茂成黃記偃前去撈救俱被淹死又撥人夫在於後園取土填地壓死人夫錢興偃及拖運橋木輾斷人夫金興偃脚骨致死近又淹死運柴民人陳鑾三四等命其餘用工勞德殞命者難以枚舉參照營建府第勞民傷財不惟下民遭於淹壓死傷之慘今上天降此迅雷擊屋之變備由呈報到臣據此卷查先准工部咨爲乞 恩盡造衙門事節奉 聖旨著鎮巡官督令守巡等官會同估計工料查取司府庫貯銀兩上緊修葺欽此續爲陳言地方興革事宜以弭災變事

該巡撫江西右副都御史陳洪謨查得守巡等官先將
真入府第舊規從公估計合用銀二萬三千九百餘兩
因少監吳猷到省以新圖式再估合用銀一十九萬七
千餘兩後該各官於新舊中斟酌增減覆估銀四萬七
千八百餘兩條陳上請定奪該本部覆題節奉 聖旨
大真人府第只著差去內官上緊督工照依降去紙樣
蓋造欽此俱欽遵外據布政司查報修理府第自嘉靖
五年八月初二日興工陸續收買木植顏料及燒造琉
璃瓦共給過銀三萬四千五百五十五兩及京匠
工食共給過銀三萬五千八百七十兩少監吳猷等來

王嚴集卷九

三

知事等官郭孟陽等及把總郁鑑等共三十三員名日
逐廩給口糧共給過銀五千六百九十兩即今庫藏空
虛委難措給等因又據委官同知麥瑩呈稱楠松等木
俱自湖廣收買先經大江風浪險惡多致漂流及至安
仁縣僂巖等處又值灘高水淺開河拽運每木一根用
夫九名一遇上灘每根用夫五六十名日止行二三里
累死人夫不一開報前來節經仰批行議處上緊接濟
去後今據前因臣會同巡按江西監察御史儲良材看
造完真人府第後廳甬擊獸頭一箇拋散無存連處
在打碎牆壁臺基俱各損傷及漂流木植并滄死

死夫役數多一節竊見 聖天子上建中和之極遠追
紹堯舜以來不絕之正統王道修明異教自宜減息今
值此災變意者天心垂戒此誠造化之理之微所可察
識者也但前項府第規畫已定工作垂成伏望 皇上
恭承天地惻念生靈昭鑒天人感格之幾詳考休咎庶
徵之應則無往而不當乎天心災變或可小弭矣緣係
災異事理未敢擅便為此具本願差舍人某親齎謹具
奏聞

乞致仕疏

欽差巡撫江西等處地方都察院右僉都御史臣周廣

王嚴集卷九

三

謹奏為懇乞 天恩休致事臣見年五十五歲南直隸
蘇州府太倉州人由進士臣少失所怙長就科第凡三
任知縣以言官遷謫嶺海沅湘間又歷任縣丞荷蒙
聖明登極首 詔臣復御史職繼陞僉事副使按察使
日夜策竭駑鈍以圖報稱續於嘉靖六年十一月內特
蒙 聖恩拔臣不次之位除授今職自本年十二月二
十六日星馳到任迄今將及一年凡可以少盡心力不
敢或懈近准吏部咨祇奉 明旨裁革江西巡撫官員
將臣取回改用臣聞命之餘三日即行離任起程前至
江西廣信府交界地方兼程奔趨伏候聽候

聞取回之先半月之間舊患疾火疾證每一舉發即嘔
數升目力眩昏手足酸痺心神怔忡已嘗按行三司在
任調理未愈臣思年齒尚衰誠恐日深瘵曠乃職空負
任使臣只得沿途覓醫服藥但肺病一傷嗽逆難治終
不全復伏乞骸骨還籍以盡天年如蒙憐臣衰病孤危
獲賜 俞允則更生之恩銜歸感戴與天地無極矣竊
此具本專差舍人某順齋謹具 奏聞伏候 剴旨

謝賜明倫大典疏

具官某謹奏為謝 恩事臣叨任巡撫江右等處地方
將及一年嘉靖七年十月初八日蒙 旨將臣裁革行

王康集卷九

三

取回京聽用臣於時患病隨具本乞 恩休致續蒙

聖慈有旨不准休致臣待罪原籍調理聞茲於八年五
月十三日又荷蒙 頒賜明倫大典書四帙凡二十四
卷恩從殿陛寵及衡門卽時望闕叩頭謝 恩訖臣跪
捧伏讀 御製再四暨至圖例條目終篇玩味之餘真
有以仰測天地之情性而快親日月之光華也凡有血
氣莫不尊親況臣濫名仕版雖壁魚見隙寸管窺斑能
不鼓舞大化於不識不知之地那是蓋虞舜大德根諸
天性之不可易周武達孝推之天下而無間焉者也臣
無任感激懼忭惶恐之至為此具本專差家人某親齋

稱謝謹具 奏聞

命三子名義說

上帝降衷于民而民受之以生其始也浩厚而凝其動
而之用也淹貫而後達要其終也洵實而成本斯固矣
浩者則或失之薄淹者則或失之不振洵者則或失之
浮予嘗玩索六籍審於斯義久矣將命長子曰浩次曰
淹又次曰洵既而喜其名與古昔先民相襲也幸而勉
焉思齊之夫三子者氣質不齊學問之加也亦有覺昧
疎密命之則寓之意焉固請之友曰夫古昔先民聞有
所謂程伯淳氏者有范仲淹氏者有蘇洵氏者彼何人
也之三子亦何人也孟氏不云有為者亦若是然歟否
歟友曰子之寓意誠深矣夫人生而蒙長無師友問學
則愚之三子顧其為之何如又進曰浩也字之孺初淹
也孺亨洵也孺允其義備矣俾浩如浩淹如淹洵如洵
並紹於先民而能克開厥後顧不于子是承而於子先
烈亦未有光夫程也范也蘇也先民也人也之三子也
亦人也均之天之民也洪範三德一曰正直二曰剛克
三曰柔克之三子吾知其勉也夫子起而謝曰命之矣
敬終以是名命

到侍郎任謝

恩疏

邪集稿

南京刑部右侍郎臣周某某謹奏為謝 恩事臣直隸蘇州府太倉州籍由弘治十八年進士歷官都察院右僉都御史巡撫江西等處地方嘉靖七年十月內奉 旨將臣裁革行取回京聽用臣因患病順途行到原籍地方調理未痊隨具疏乞 恩休致伏蒙 聖慈有旨不難休致待有相應員闕用他臣一向待罪原籍八年九月內續蒙 聖慈陞臣今職九年正月初一日到任臣竊念乾坤大造雖枯朽之才而陽春不遺 君父洪恩雖頑鈍之質而仁心不棄顧茲司寇之亞乃及菲德之庸命出 宸衷懷因內惕臣敢不夙夜憂勤仰體虞舜好生之德圖惟明慎遠師皋陶弼教之謨臣下情無任感激惶懼之至為此謹具本順差辦事官某齋捧奏聞

王慶集卷九

五

太倉州儒學尊經閣記

嘉靖天子龍飛安陸修道立教以化成天下迺歲庚寅冬 詔學校毀孔子塑像去王號減僧數易木主觀聽一新祀典正先是我教伯陳君佩之甯心首務則既闢廟宇濬疏泮池以仰契德意又登州之士于堂告之曰大哉聖人之道乎秩秩乎 帝者之制乎道載之經經以定制州學仍舊貫於無閣維閣載建茲將無待

歟爾諸士當知所尊矣尊經斯為尊斯道以自尊道原於天具於吾人由孔子而上堯舜禹湯文武周公之治以教流行宰物經世由孔子而下七十子喪而微言絕大義乖六經之道棄如瓦礫而漢而唐而宋得周程張朱相與講求其義不啻如日中天江河沛地也以迄于今爾諸士當知所從事矣夫六經之道同歸而散見則異易曰時書曰中詩曰正春秋曰權禮曰敬樂曰和皆統于心此固孔子修明以紹往開來者患未有能真知而力行之以自尊耳今之士其高亢者墮於虛寂次則溺於功利詞章其能約於中正和敬以趨於時而達之權者寔寡也蓋經也者常也萬世不易之常道也道率大性性命於天知性知天六經其非筌蹄乎道之斯行茲將有待歟矧 天子躬行於上余承流以宣化爾諸士其罔或弗恭以悖戾斯教諸士退相與語夫鄉之彥毛彥深彥深謂某曰迺歲辛卯春閣成是盛舉也烏庸以弗記某聞而然之無何復走書南都曰石已伐烏庸以弗書某因取牧伯所以告諸士之言以告後之學者

王慶集卷九

五

災異待罪疏

南京刑部右侍郎臣周某某謹奏為自省不職乞 恩罷黜以弭災致祥事臣准本學備咨節該禮部咨題為實

加修省以弭大變事內開十門西被雷擊毀上厓宵
肝引躬自責特諭羣臣一體修省臣聞 命驚惕心切
不安 聖人在上建極中和天下雷行茂對育物今天
帝之怒宛若在前人事召於下則天變應於上理所固
然恭仰 陛下至德淵微敬一常主自 登御以來敬
天勤民胞胞懇至仁立義行蓋巍巍蕩蕩莫可名者願
臣待罪司刑之武職猷失當未協民衷天人交感之際
必有拂逆生生之大德以負 陛下所以故天心未悅
咎徵彰著夫君人者如天運於上而四時寒暑各司其
序猶卿大夫各率其屬以倡羣牧而不可愆忒焉者也
奏聞

王叔集卷九

三

貞恭序

貞者天地之性情也貞德不言而造化顯藏之繫也其
義大哉人得貞而為智本智澄而萬化萬事之本立人
事之樞機也以人合天其功誠亦難矣吾師以進士起
家試花封拔為身史立朝謬有古直指使風正德中

廷瑾舍憲挾令以河辱縉紳尤彈壓言官欲天下鉗結
口舌不欲令 天子聞其過惡以擅威福為不軌計于
時吾師論事觸忤逆瑾因中以罪譴得罰贖米三百石
捐家貲抵數以輸實邊遂停職于時吾師竊自省曰人
之去守類於受惠取易無妄九四曰可貞以為號焉盟
所志也已而權奸誅正道明復原職以次起擢為大理
寺丞進少卿為僉都御史起內艱提督操江進副都御
史為工部右侍郎皆歷官南都嘉靖 天子軫念先朝
舊宿取入近侍為兵部右侍郎轉左尋陞刑部尚書復
改今官焉噫吾師遭際一時寵榮亦渥矣視同由是道

王叔集卷九

三

而終坎輻不振者何如一日吾師謂予小子曰昔號可
貞今去可字斷曰貞蓋將結茅為藏修之所予小子退
而思之曰是吾師必有以驗其中之所養也熟與力之
所至也毅而功之所成也深夫學至於成則以人合天
通徹徹性擬與造化契合予小子徒能覩吾師之緒餘
而吾師造詣之遠則恍乎若未之有見也吾師事璇外
轉智淵內映如之何吾及之問復命予小子曰汝益為
吾發貞巷之義因退為序或曰吾謂貞獨立以違衆也
或又曰吾謂貞貞不絕俗也君子曰其義存之

自述 屬稿前一日

雲滿天容我其中得得雖不能大有所為亦知
其所學未造其純行已亦力此在吾黨自有公評
亦自許可信之不易者也

太倉州學建尊經閣記

嘉靖天子龍飛在陸脩道立教以化成天下乃歲庚寅冬詔學校
殿孔子塑像去王號減僧數易亦之觀聽一新祀典業正先是
我收伯陳君佩之廣留心首務則既開廟宇疏泮池以仰契德意
又登州之士於堂告之曰夫成聖人之道乎秩乎帝者之制乎道哉
之經以定制州學仍舊舊實故無閣維閣載建茲將無待與
王巖先生文集卷第九 爾諸士當知所尊矣尊經斯尊

王巖先生文集

三

孔子身斯道而自尊道原於天具於吾人由孔子而上堯舜禹湯
武周之治政教流行宰物使由孔子而下七十子表而微言絕矣
六經之道盡如瓦礫而漢而唐而宋而得周程張朱相與講求其
意如曰中天江河沛地也道在吾人而得從事矣夫經之道固非
散亂者為曰時書曰中詩曰春秋皆權權曰散書曰和皆統也此固孔
明以佑往開來者意有能其知而行之以自尊耳今之士其高者
枉虛聲而則溺於功利詞章其能約於中而散於外者時而達之權者
窮此義者亦常也其不為之者何道乎天性之命於天知天知天
筆跡乎道之斯行也特有待與天子昭行於上而承之以宣化於
成非恭惟性成斯教諸士臣相與語之鄉之序乃深之謂廣曰不歲辛卯
春閣成是歲也自茲以地閣閣取伯而告諸士之言以告後
學者 咸豐乙卯十月廿二日讀書人應州志案國保徐如潘道根識

王巖先生文集附錄

送周克之知莆田序

費

去年春太倉周君克之以下士試於禮部主司得其
文異之置之高第子同寅三江毛先生憲清充之之鄉
衮也為子言充之之學博而醇華實相副其才與志皆
卓然不肯後人子已心慕充之既又因充之之同年進
士魏君子才得與充之邂逅見其廉剛整峻德器深厚
無文士浮誇之態於是益知其所養太過於人其為異
日名卿才大夫可必也頃者吏部循資補充之莆田令
豈用人之法欲姑試之以民事邪莆人得充之胥賀於

王巖集附錄

一

朝乃推廷評柯君汝傑及子同館庶吉士黃君希武而
來謁子言為贈子嘗聞之天下之治始於相而終於令
夫令之與相尊卑懸絕胡為乎有終始相成之道邪蓋
古人設官分職所以理民凡我中外百司罔非承君之
令而致之民者也然獨相與君為最近令與民為最親
近君者其道易以上行親民者其澤易於下究故凡德
政之發於廟堂譬則江河之澤導自岷嶓其勢固沛然
而東下也而渠壟器挹而物實蒙其潤惟令乃克致
之令非其人雖堯舜其焉獲其相而欲德意之洽田
里之安不可得也令之所係其不輕而重也審矣雖然

臨乎其上者有郡守有監以有鎮撫之重臣其聲威氣
燄皆足以榮辱予奪而未必皆有愛民之誠凡吾之所
欲爲無小無大必請而欲書掣肘自子賤已病其
然矣若夫疆宗右族撓禁紀務封殖以饜其私而爲
鄉閭之蛟虎者雖善地亦不能無任棠板蕤之觀賢者
蓋有取焉况乎勞撫字則或以負租課殿先教化則或
以不辨致譏嗟乎令之職則亦難盡矣哉學如充之可
以緣飾乎吏事才如充之可以試利於盤錯而又歛而
施之於百里之地在他人以爲難者充之無慮也吾見
澤心下究政必有成凡莆人之不怨而無冤不謁而得

王履集附錄

二

其所欲矣莆爲孝秀淵數窮欄部屋洋洋皆絃誦之聲
牧豎樵夫往往亦能言之士曾有作爲歌頌流聞京師
吾君吾相行且拔充之而大用之充之之澤又將大行
於天下矣尚勗之哉

贈邑侯周君應召北上序

羅 僑

凡內外百執事莫不難其職而治邑尤難邑當繁劇時
際艱危其難尤數倍於常止德戊辰己巳間權璫用事
天下之民儻儻如就水心吾邑長吏員闕吏部疏其
名上請 命下得始蘇君充之焉翌日縉紳胥會于
朝咸相與賀曰喜得賢令尹是嘗治閩中有著績者僑

亦自慶吾吉人之有福也石視篆數月凡積敝苛政漸
汰殆盡民用休息僉曰曰大夫之政尚寬及君入 觀
而還政成訟理撫字之使者責以催科民頗玩弛
君稍濟以嚴食曰邑大夫之政尚猛而君之政和矣越
數月 朝廷以耳目閩人急 召君內補將行邑父老
鄒騰高劉循遠等徵贈言於僑僑聞周君爲政勤恤民
隱敦尚風化砥礪名節文法之精敏吏莫得以投其奸
理斷之公勸民莫得以尊其僞剽煩爬冗目無全牛之
數者之難君猶人也至於劇賊犯境鄰封接壤皆罹奇
禍幸以海臬守巡重臣或懷觀望君獨以死自誓且痛

王履集附錄

三

誓之神以示必信遠近之民翕然就約束無復潰散父
兄子弟各出死力以扞賊至有斬首以獻賊遂引去邑
賴以完君之善有以徵之也何其壯哉此其所尤難能
者君行矣學問第可待然君豈以是爲快哉位
益尊則責益重時愈峻則勢愈險而天下之安危係矣
君於此尚無忘其難者君才高識遠有志當世故復以
是瀆焉

送周子之懷遠序

方 豪

予少者古文欲必爲之近聞方子叔賢之論則又必戒
之矣吾友周子充之將之而南貶所予創甚不冠乃於

月夜送之周子酌予願有言故曰天下言直臣者皆曰
林子大用陳子玉曜羅之雅升予居京時羅子寔下交
焉陳子起復過吳江予之寔上交焉若林子大用
則欲登其門未可得也夫三子者天下士也而予僅識
其二羅子別且三年陳子別且二年與之處日又淺也
然則予之不能爲直也宜矣始周子爲莆田林子未出
陳子方居憂則與周子處矣旣而周子爲吉水羅子方
教鄉里也則與周子處矣周子居莆凡一年居吉凡二
年則久矣夫周子豈待三子而興者麗澤之功亦有不
可誣也故周子奚翅不敢負天子誠不敢負三子也

王荅集附錄

四

不然周子爲御史纔一百四日何急也予初聞周子事
則謂領子與成鄭子繼之曰必有以助之者鄭子曰然
領子曰無有助也予曰果無有助也則無有天下矣後
果有曹子瑞卿焉是三子者奚翅與一周子且又與曹
子也夫二子之爲宜無貶辭矣有議周子則曰急有議
曹子則曰愚於虛使天下皆若是其急若是其愚也有
不唐虞三代者乎周子太倉人寔居于崑予於周子猶
周子之於三子也予雖三子將不因周子以興乎

贈別周充之序

方獻夫

聖人傳易曰立天之道曰陰與陽立地之道曰柔與剛

立入之道曰仁與義人道與天地並立大矣哉夫所謂
仁義者何也仁人心也入路也誰能生無是心而行
不由路邪故曰道也者須臾離也由之則安離之
則危存之則爲諸夏爲人去之則爲夷狄爲禽獸斷乎
不可易也然而世有仁人義士焉天宜愛之護之使得
順適其志而游乎天顧乃不能有言不信使之窮奔流
落幾至於殺身又行拂亂其所爲使之困辱挫折而未
已栖栖寄形於遐荒而時俗詭隨者方且洋洋得志側
目旁笑以爲愚癡不通時變自陷於困窮若是者豈天
不愛道而佑不善邪或者天心之有在邪舜傳說羣聖

王荅集附錄

五

賢之當其困也孟子以爲動心忍性增益其所不能而
貧賤憂戚張子以爲庸玉汝於成理固然歟故有志於
道者造次顛沛必於是仁以爲己任斃而後已苟爲不
能變於前而氣怵於中內無主而以浮議爲進却其不
銳於初而廢於卒者幾希安望其有成哉蓋天地間凡
恃形而立者氣也不恃形而立者理也氣惟其有形也
故有盈歉理惟其無形也故無盈歉理以配氣氣亦常
盈而無歉氣不能配理亦隨盈而隨歉耳故君子
之學貴明理而有勇也聖言大人之道惟曰獨立不
懼遁世無悶而張思叔平生得力處乃在志士不忘在

溝壑一言於虎鼻哉吾志之固嘗問學而知道又有勇
力何俟予言予於充之。朝仁之義亦非畏重言而亦
無以言耳若夫出處進。道非予所能言而亦不假
予言也充之其亮之

送王巖擢長閣憲序

舒芬

鄉榜同年陶啓鳳弔予失恃寬慰畢作而言曰乾坤化
育屬吾人贊相國家綱常屬吾人擔當生靈命脈屬吾
人維持所係亦重矣子大魁多士數批逆鱗瀕死不悔
忠肝義膽與一峯並峙同見重於時然天下之士必資
羣賢之彙進凡剛明正直有道之士出處進退關世之

王巖集附錄

六

重輕挺拔於前者當揄揚接迹於後者當援引非互相
標榜也大都節義生人之大閑閑不飾淪胥於夷狄禽
獸而不自知君相公議士夫清議所以飾大閑公議行
於上清議明於下人人將自奮而節義之風丕變矣昔
人謂伏節殉義之士於犯顏敢諫中求之誠以隆平輕
爵祿臨大節必知輕死生常時無詭隨嬰大變必能無
退縮顧自功利之說熾而依阿淪忍之風成學者以不
分卑白不辨是非為深。不失巢窠不遭斥逐為得
計烏知曲突徙薪出於。頤爛額之右潛消禍本逆折
奸萌視諸誅錮平定之功尤預且易邪姑以近事徵

之錢寧由負而乘士類獨。之獨今大宗主周公以五
日御史力劾其不可長。疏行過滔天之橫流於始達
襟燔空之虐焰於始然。而功倍惜乎自掩其功南
遊窮表使宸濠之變不激於中而作遽即平吾恐交通
內應禍有不可勝言者沈幾先物之見不有加於呂獻
可乎及謫官懷遠杜門罕出武臣挾勲戚之裔擅作威
福易視中丞以下公獨與抗禮辭召見卻餽遺威武不
屈之操不有過於汲長孺乎比今振德士類以身為則
抑揚操縱不諛不諂予奪進退惟公惟明造士之功與
邵二泉蔡虛齋相伯仲茲陟長閣憲勿勿啓行環省士

王巖集附錄

七

民無不感念惜攀留之方沈楨常濫竿廣藩試事獲瞻
懿範瀕行蒙詩贈辭約義該第愧不敏有孤教命願抑
哀代宣別忱于以樹忠義之赤熾昭示吾人慎無辭予
素重公哀采履歷示天下後世職也不幸茹哀姑錄是
以贈若夫人登省閣出鎮都臺益篤忠義汲引善類致
吾君濡吾民巍巍相業迹擬伊周亦餘事耳奚容贅

送大中丞王巖周先生巡撫江西序

劉世揚

閩。歲赤地千里二冬。猶今茲春益荒歉遠鄉羣聚
奪擄相迫齊民惴惴不自。按察使周公默藏於心弗

震弗渝乃嚴敕巡官邏卒疏捕盜屢犯不悛者十數人
密克厥情納諸圜土每二三入更代被刑號諸道羣
姓聚觀無良縮舌禡魄一犯於是賤貨舉歲且登亂
庶端已入咸曰曷救公功遠是一聖天子簡擢都察院
右僉都御史巡撫江西人又曰公靜折奸萌消變未形
才望懋哉斯其處巡撫對揚休命無作也予曰是固然
矣夫巡撫所以肅條貞度省察治狀糾舉能否振紀綱
摘奸伏安海內與按察同而位益尊委任益隆責益重
統馭於外者益大則求於身者益密亦在乎素而已矣
公名進士兩宰劇邑入拜御史言事為人所忌貶

王巖集附錄

謫三再 今上卽位乃復為御史尋遷憲轉副備兵視
學至于今總憲閩中斯九折不回百鍊愈堅古今治亂
人情事勢藏於胷中者彌熟而養彌深矣故才以氣充
望以德隆厥按吾閩軌躬表物人民斐藝樹之風聲百
屬竦息獄成而孚輪而孚其春煦秋嚴章善癉惡有溢
於法度憲令之外者是故風采可畏愛而折奸消變若
發蒙也非素克爾邪今之江右大孽既去撫其上者更
三數公昔日凋弊或稍一矣補弊興治此誠一時公
適當其倚一方安則天一安行且展布四體為國家弘
樹勳烈蓋必有不言而孚不怒而威者吾知非法制禁

令所能盡而江右一方亦未足以盡公也

送大中丞王巖周、還朝序 陳沂

王巖周公初拜御史在一人舉相慶曰邪者正枉者
直其繩糾之司乎未幾以言得罪而黜又舉相弔曰廉
隅廢繩曲木廢墨官將焉管乎公馳逐嶺海播越嶮峒
而小官不卑夷壞不陋人固知公之度矣久乃見陟循
級而起 今上明揚俊賢振厲風節始召公自觀察拜
都御史以鐵鉞安撫江右江右之人舉相慶曰才以用
達志以位行公于茲其庶幾有為乎江右十有三郡俗
狡而僞里患稅無壞之賦歲償以千計一之於復取

王巖集附錄

川心盜警告之寇日不息聞乃索之於聚舶庭患訟鼠
雀之獄無地不然乃索之於刀筆試吏之政則黜汚而
進廉程吏之能則懲荒而勸力不踰月百職恐恐罔不
克修公方計莫遠猷以定法守此日夜拊心而切齒者
尋聞論罷節鎮公當有他 命焉公卽裝駕不俟終日
而行江右之人一時喪色若失其所而布政按察以率
諸郡縣都司以率諸衛所從公之揖於江上數十里而
不能返咸以沂常奉史一紀茲事沂因論之相時而
行者順其運審勢而動之 乘其機因情而發者從其好
故行達而無窒動利而無咎發翁而無乖此天下之智

者也君子不諉其時以爲遲不靡其勢以爲同不阿其情以爲合故室而沮咎之廢乖而離公之事實似之此人心之所以慶公之有之惜公之止也若夫進退利鈍之不係於公者則非沂之所能知

送司寇周玉巘先生北上賀萬壽節

王廷相

北關聖人登壽域南都卿士謁蓬萊賓僚擁岸仙舟發鏡吹橫江錦浪開祝帝豈無金鑑錄補天會試玉衡才鳳凰池上恩波闊應待鴛鴻照影來

邊貢

王巘集附錄

十一

鳳凰龍函映曉霞日旂雲旆江花九天星斗開皇極四海衣冠入帝家瑤沼鴛鴦新隊侶紫街驄馬舊聲華漢臣誰似張騫美奉使真隨八月槎

顧泊

霄漢當年振羽儀鳴陽有疏叩龍墀閩南水月留歌頌江右山川賴保釐翠栢臺端叨薦引紫榴花底惜分違嵩呼拜舞金鑾日正是明良慶會時

孟洋

炎天水閣高雲垂陰陰珎鳴黃鸝奏簫伐鼓振林木送客維舟白日移衣冠江上同稽首仰看文星朝北斗

客行直上大明宮拜舞呼萬年壽萬年天子堯舜同華夷皞皞樂時雍光幸際中興日禮樂欣瞻上古風憶在先朝不得過之嶺海迷煙霧日月重開二十年長安文物今非故予亦同君近侍臣白頭飄泊厭風塵中朝故舊能相問欲臥滄江老病身

顧夢圭

瑤函獨捧慶生堯折檻嶙峋在聖朝萬里丹心凌海嶠十年華髮又雲霄芝庭始識麟遊盛燕幕猶驚鶴擊遙商鼎周彝留碩望古松蒼檜見孤標天顏有喜丹霞近望壽無疆玉燭調魏相舊能憂漢事蘇公久解敬明

王巘集附錄

十二

條離筵遠映三山樹去鷁平浮八月潮莫念燕關逢旅鴈喜看江國送涼颺文章此目真更化杼軸中原奈寂寥珍重大臣勞四牡願因嵩祝獻民謠

王巘記

方豪

予少也聞有崑山以爲必有玉焉旣長則爲崑山令嘗登山同行者曰此馬鞍山非崑山也崑山實在華亭然在華亭者曰天馬亦非崑山也昔人以機雲生于此山之下比之玉出崑岡故馬爲崑山後析華亭崑山爲二縣故以崑山名縣山名馬鞍山固多巧石色白類玉然非玉也友人周子充之居其下蓋嘗眺覽乎

是山以相賓主矣一日除服補吉水令予餞之城南館
周子請號予應之曰玉巖後周子自吉水召爲侍御史
纔百日卽以直言謫遠建昌令又復謫竹寨流
泊橫海沅湘間人皆稱爲玉巖周子云旣而今上卽
位詔復其官尋進江西僉憲又進憲副視學政尋又遷
福建按察使出入乎閩楚之交人皆稱爲玉巖周子云
周子之之閩也候子常山欲與偕游武夷子以老親辭
周子不强也然欲予言玉巖則辭之而益強之曰子吾
知也名旣子立安可無一言縱使它人言之安得如子
言親也子感其意乃強爲之言曰詩云麟哉麟哉非真

玉巖集附錄

三

也楚歌曰鳳兮鳳兮非真鳳也玉巖玉巖非真玉也
天周子文章郁郁爾惠政津津爾曾次悠悠爾人但見
其可親而不可遠非溫潤而澤乎周子之爲御史也草
疏而人不知其爲按察也緝姦而人罔覺疏出而權臣
怒姦除而惡黨悲非縝密而采乎屢經黜逐而左右之
刑不免卒遇愛賞而和氏之璧以成珪璋天府瑚璉廟
堂乃今見之矣玉哉玉哉玉云乎哉巖哉巖哉馬鞍云
乎哉天馬云乎哉周子也巖有周子雖馬鞍可崑
山之也微周子縱使夸移崑崙以東入吳亦何取于
是哉抑聞大璞不雕上德不彰以全其天也聖賢之

以天充周子之量聖賢可至也二雋不足數矣人亦有
言天下之寶當爲天下之子辱周子知周子以予爲
知當以此言爲它山之石嘉靖五年歲丙戌七月二十
有四日撰于棠花館中

抑齋題辭

呂柟

抑齋者何仰仰乎周少司寇公充之齋扁也公崑山人
常號玉巖棠陵方子之所題也則何以又抑齋云公自
謙曰君子比德於玉則吾不能且吾之名廣也言心體
之大耳充之則無所不該苟非從事於抑而有下學篤
實之功幾何能稱吾之名與字乎夫公爲御史以直言

玉巖集附錄

三

被謫廣東懷遠驛丞厥後權姦旣誅起爲建昌知縣未
幾又以直言謫沅州竹寨驛去驛百步則灌莽也蛇虺
虎狼之所穴處而遊行公乃獨居其中止次子士淹侍
焉一夕夢老人拄杖以過問其年曰八十矣詰旦偶展
及大雅見抑之篇焉諷咏不已旣而頓悟嘆曰夜所夢
老人者非衛武公邪今所讀抑詩者非以啓子邪全令
德而堅晚節當不在是乎乃遂扁抑齋于藏居以自儆
焉夫公所言之事皆關切政言人之所不能言其所
謫之地特窮極荒遠處之所不能處當其志與氣固
可以橫四海而塞天地不可謂非廣也乃猶以抑齋自

厲則公之所造豈有窮已乎且予嘗讀抑詩矣不過謹於言行耳故抑於言則磨白圭之玷以惠朋友而承萬民抑于行則必慎屋漏之觀明爲民則而幽爲神格矣公如是也又何慮不稱其名與字哉雖棠陵子所謂玉立千仞之巖者將無亦在是邪若曰斯抑也以前之挫而爲戒以位之高而或持是皆不知公者也嘉靖十年四月日

明故通議大夫南京刑部右侍郎王巖周公行狀
公諱廣字充之別號王巖世居崑山之吳川鄉司馬涇今蘇太倉州云周之始祖曰福三公福一公而下至諱

王巖周公行狀

一

子祥者寔生海嬰鍾氏生文字以章以章娶陸氏生公公之祖考咸以公爲刑侍貴贈如其官祖妣姚咸贈淑人公始娶張氏先公卒繼夏氏贈封如其妣焉公天姿英邁五六歲時即讀書警敏非常以章公愛奇之年十四以章公卒後五年而公爲邑博士第了員家方貧甚無所于業乃僦屋城居陋巷家徒四壁立張淑人躬勤紡績以給饗食饗食且不繼每隆冬大雪身衣大布袍無著績以自溫太淑人方就養伯兄一之所公每往省焉草屨徒步數十里竟日不得一食也然公志意激昂日益淬勵於學貫牙經傳旁通諸子百家言其

爲舉子文詞未嘗踵襲陳語必出自肺腑以爲工東原方御史督學於吳讀公之文大加賞歎亟命士子從公游且今有司周其體乏公自是衣食稍殖卽迎致太淑人以便侍養弘治辛酉舉於鄉明年會試禮部弗第歸乃營以章公葬事初以章公卒時公幼且貧弗克襄事故喪在殯十有五年至是始克葬焉已而游太學太學風山章先生以德行道藝爲學者宗師最稱老儒方爲祭酒一見公卽大奇之首以務實之學詔公公奉教惟謹後公貶斥嶺海往返沅湘間必道蘭谿造楓山之廬而謁焉乙丑第進士觀政兵部時東山劉公爲其部入

王巖周公行狀

五

司馬公見其正道直行昭昭乎若揭日月而行也心誠慕效之益以砥礪名節不肯蹈世俗娼娼卑疵之爲矣明年授莆田知縣莆田道出省城例謁鎮守時天下承平禁網疎闊中官出鎮守者類張威勢以脅守令守令來謁者必持重賄始得謁入公徒手至門門者沮之公直入不顧中官皇遽出見公公顏色不動然竟不能以無禮加公也既抵於莆廉公自敕不發私書問遺無所受請寄無所聽其志尚古雅動以子賤之治甚爲師日禮其賢士大夫用資啓沃且周詢爰謀謀及庶民民之利病罔不悉諄所興革者皆犁然當於人心矣朔月大

淑人卒於官官資蕭然囊無溢帛帛裁數緡乃益以夏
淑人釵釧買棺以歛遂葬其柩歸葬焉服闋改知吉水
其治如治莆時方略然吏事精敏聽斷詳明較之於莆
益裕如矣是時贛州流賊自大帽山突出由雩都抵新
淦執其守臣入於永豐永豐令逸而逃賊縱火焚縣署
殺掠民財勢猖獗甚永豐壤鄰吉水吉水丞簿懼賊
竄公叱而責之不敢動士民復洶洶無固心公亟與
盟之紳衆志翕定咸出死力効命於公公爲防禦之具
晝夜不懈明斥堠謹間諜訓練士兵以期進討賊聞之
潛師踰境土兵邀擊之斬獲數十人賊不敢逼邑賴以

王巖集附錄

去

完後藩臬上軍功督府不及公公亦不屑之意正德壬
申以天下治行第一擢浙江道試御史當是時朝綱
廢弛國本未定而佞倖錢寧輩居中用事作奇技淫
巧以蕩上心上弗卽官寢且巨寇劉七輩暴戾恣睢
聚黨數萬人橫行江淮河濟間日殺不辜如艾草管主
兵者莫能誰何天下岌岌乎殆矣公視職踰兩月遂抗
疏以諫其略曰天下事可言者多矣臣不敢毛舉以瀆
聖聽而大端有四焉伏願陛下斥番僧遠伶人重
國本嚴軍令夫佛法三代以前未有也漢明帝作俑引
天竺僧入中國至今爲名教罪人晉宋齊梁之君事佛

益勤享國益促其咎嗟僧出官西番尤釋教中所不
今且殘破禮法恣肆淫慾大不可以近君側臣謂宜
投諸四裔以禦魑魅毋令滋蔓華夏爲羣寇典兵之口
實夫人君食不茹葷爲其嫌於不直也此猶惡之而番
僧日親陛下平旦之氣隨萌隨折其苗矣故三代賢
聖之君侍御僕從罔非正人輔養有此具爾此誠責在
三公而無一人爲陛下言之此臣之所未解也昔禹
戒皋曰無若丹朱傲慢遊是好周公戒成王曰毋若
殷王紂之迷酗於酒德今之伶人助慢遊迷酗者也夫
舜與成王未之一及而二聖諄諄何哉先事而戒者沈

王巖集附錄

三

幾也若事成而有渝則日新矣聖人不貴無過貴改過
陛下若亟改之則大明當空萬物皆忘其晦翳矣且
陛下不觀唐莊宗乎方其誓定中原奉父晉王命囊一
矢以滅燕梁天下豪傑莫敢抗及志得意滿日共數輩
伶官戲狎及一大夜呼蒼黃出走身得身失反掌不殊
夫往事之失後事之鏡也臣謂宜遣逐樂工不復籍之
禁內乃陛下所以放鄭聲也夫堂堂天朝陛下
孤立於上而羣小日獻諂媚以皇惑把持於下三宮鎖
怨一脈未傳今夫中人十家之產倚倚妾媵以圖嗣育
必已出者爲安螟蛉子誰繼孝終其身弗樂亦以生

人之道通天地古今之大義也。古者諸侯一娶九女，天子三宮九嬪二十七世婦，以恣情也。廣儲嗣耳。思所以爲萬世綿綿之公。堅蒼頭驥濫恩渥旦聲之人無不憤怒而陛下獄攘劫貨賄撓亂國法輕擬東宮名分之罪摧髮難數不可使聞於後世也。如陛下必欲寵人義子之名凡諸藩王類多賢者

王莽傳

本

益亦明示海內慎選一人以侍左右不失爲宗室之至親乎。春秋傳曰天子建國因生以賜姓昨之上而命之氏別族類也。漢高帝賜婁敬以劉唐太宗賜世勣以李皆末世陋習夫天親不可以人爲名分不可以久假久假而不歸惡知其非有邪。臣謂宜奪諸義子名爵乃陛下所以遠佞人也。禮曰大臣法小臣廉言大臣百司之綱紀也。陛下近於兩京科道論列禦寇不職大臣率皆褒賞優容而武將尤不誅其不用命者故兵氣不揚兵氣不揚故功成無日傳曰不有君子其何能國今諸禦寇者皆無恙而川原白骨如山伊誰之責歟夫

出師十萬日費千金今海內疲憊如大羊之羶已皆骨見而肉消矣。臣謂陛下宜亟於受敕滅賊大臣勞師久視如江西總制陳金山東總制陸完輩統降詔旨戒救寬其風愆責以將來之効則臨事之際忠憤自倍謀猷必滅可以坐收廟算矣。不然臣未見其可也。疏入錢寧聞之大怒益寧方怙寵擅權勢煥灼甚縉紳之屬或出入其門而公獨奏劾之故謀害公欲下公詔獄以上不深罪之乃得降職。懷遠驛丞方謫命未下時人皆危公謂禍且不測臺詠以目莫敢言秀山曹瑞卿爲時戶部主事乃抗言論以謂佞倖當遠正直當

王莽傳

本

容左遷尋甸軍民府通判錢寧忿怒滋甚無所于泄因遣邏卒四出緝與公同事者欲羅織之然竟無所得乃陰使刺客順道而狙欲遮刺公公聞其謀遂微服出城由間道走走僻壤變易姓名被迫人服持觀音經誦之枵腹者三日乃得脫歸是冬抵於驛驛無館舍公寓居佛宮讀書宴息其內間與同志者泛崖門登西樵跨羅浮夷猶白雲之巔吟風弄月灑如也驛通蕃夷朝貢每外國使者至咸慕公名或因以奇貨爲獻公叱之使者益敬憚焉歲甲戌量移建昌知縣是時宸濠將爲不軌公行貨賂以餌權貴謀復護衛軍遣使絡繹於道道經

建昌肆行徵求民甚苦之公至裁之以法悉禁不與民
煩以蘇甫三月公以生入梅關自多灰心什進即上章
去去且力百姓聞之環列父老於縣門涕泣止公公
爲勉留未幾以粵藩勾攝對辦郭武定事遂得引去初
公謫懷遠時郭武定總戎於粵以金饋公公弗受武
銜之劫辱公幾殆至是按粵御史劾武定不法及劫辱
公事須對辦故來勾攝既而會勘已明復移文止公
公不果往因便道歸於家其時建昌豪民張和者故劫
持縣官官與爲昵及公嘗欲抵之於法憾不釋公命
將適粵謀刺公於梅關公以不果往竟不受其難蓋石

王康集附錄

三

天所助焉丙子八月吏部擬擢公憲職錢寧權陷於中
批根往事復謫公竹寨驛丞公既受命慷慨就道乃泝
錢塘越彭蠡道長沙渡瀟湘訪賈屈之遺踪而弔焉遂
望衡岳入桃源時方歲暮崎嶇盤礴曲磴之中飢寒勞
瘁不可勝狀公處之恬然諷咏不輟既抵竹寨竹寨亦
無驛舍且深山叢棘中惟居民數家公無所寄止乃誅
茅爲大室依山阿面沅江清泉白石可詭而挹也公心
樂之日與其徒講學論道暇則陟崇岡俯幽壑超然遠
覽於萬物之表不自知其爲斥謫臣也辛巳四月武
廟崩踰月今上卽位首舉遐逸詔復公御史尋陞江

西按察使事公至斥貪吏疏滯囚去淫祠放尼姑數百
人歸之宗市其菴以足益府壙地之費費不煩之民
民阻飢輒發倉廩以賑之明年轉九江兵備副使尋改
提學江西公綜學政以身範之誨人務明義利識廉恥
及其校藝必參德行而上下之不專以其文詞時天
子勵精圖治凡藩臬守令治行卓異者特降璽書寵
褒之在天十有三人而公居其一焉會與當道者不
合上疏乞休不允嘉靖乙酉陞福建按察使閩故多盜
民鮮寧居公至分部所屬執其渠魁之盜賊并跡
民遂以寧申勅憲章釐革蠹弊其於刑獄尤顯顧焉每

王康集附錄

三

歲部使者來會獄獄公卽齋戒禱之神曰苟有冤抑其
啓予衷及閱獄狀必參而伍之務得其情刑以不濫公
之始至中官鎮守閩者以金遺公公漫不省視賓諸庫
鎮守窘甚徐返其金因以綱條諭之鎮守憚服遂稷稷
不敢肆其後中官督織造者兼詣焚香靈濟廟挾其朝
命倚勢作威橫索財物有司莫能抗額剝民與爲市公
亟移檄禁止之及來省城復約束其奴從母有所侵牟
於民民謠曰御史木鐵刀廉使真元老蓋深以公爲德
云按閩三年擢都察院右僉都御史奏勅巡撫江西
振肅風紀百僚憚之至於商論政務則虛心延納未

其意者惟與魏莊渠則深所契合遂締交焉及今莊渠先生爲時道學之宗學士師尊之則公之交道不濫其可少哉性且剛直動與時迥然摧而永貞不肯毀方瓦合世之譏侮訕笑者方翕翕以趨而公獨立不懼屹如砥柱之在奔流也蚤時氣盛晚年志意謙和與物輒平其私憾雖其建昌之豪故謀害公者謁公於巡撫之時亦未嘗少加罪焉公之識度至是不可涯涘矣平生清介不妄取與雖三仕爲縣令家人或至於絕糧其後位速通顯益以儉節自持食不重肉葛巾布袍若儒生者焉性好讀書所至輒灑掃焚香危坐取古人之言閱之

王廉集附錄

主

淵然深思多所自得其學期於用世不爲空言然自謫居嶺海後志益沈潛向內不悅世之紛華冲然雜而不厭者也推此志也雖與古人並馳可也其爲詩文平淡馴雅自成一家言有集九卷藏於家塾鰲自弱冠時從學於公公之視鰲猶子也訓誨切深冀以有立其後余濫科第官京師公每貽書詔以聖賢之學益諄諄焉至今遺簡具在讀之不覺涕泗之霑襟也鰲既受恩罔極而復知公爲詳遂不辭固陋論述其學行節槩如是以俟世之立言君子采擇焉

賜進士出身光祿寺丞門人陸鰲謹識

明通議大夫南京刑部右侍郎周玉巖公神道碑

公諱廣字充之別號玉巖世居崑山吳川鄉司馬涇今隸太倉州人也公之始祖曰福三其後譜逸莫詳至諱子祥者生海配鍾氏生文字以章配陸氏寔生公者也海文皆以公貴贈刑部右侍郎鍾陸皆贈淑人公生而英邁迥異羣兒長舉進士觀政自曾觀大司馬東山劉公直道而行卽砥礪名節不諂流俗既授知莆田道出閩省例謁鎮守時率行重賄公徒手無贊言動端凝爾乃廉正自來不發人私書兼以必子賤爲師日禮耆俊用資啓沃周爰詢謀下及民庶莆中利病罔不聞悉諸

王廉集附錄

主

所興革咸飲人心方及期月母卒于官貧無棺殮聞內釵釧始克昇歸以葬服闋改知吉水政益詳欽時贛州流賊自大帽山突出路由雩都經抵新淦燒禾豐縣勢甚猖獗吉水丞簿憐欲奔竄士民洶洶亦無固志公面加叱責要盟神祠衆志始定戮力禦賊有嚴有毅賊乃潛師險境邑賴以完厥後藩臬上功督府肅公不及公亦漠然正德壬申以天下守令治行第一擢浙江道監察御史是時倭倖錢寧居中用事巨寇劉七輩暴戾恣睢橫行江淮河濟殺人或盈城野公抗疏四事一斥喇嘛番僧宜投四裔以禦魑魅二遠伶人賤工至引唐莊

宗事以譬三重國本以廣儲嗣不得有螟蛉義子如宦
堅蒼頭錢寧者其投刺皆書曰皇庶子楷擬 東宮之
罪擢髮難數四嚴軍令言諸禦寇者皆無恙而川原白
骨積如丘山疏入錢寧大怒幸 上不深罪止謫懷遠
驛丞寧陰使刺客順道而狙欲遞刺公公微服出城變
易姓名被衣道流謁觀音經榜腹三日乃得脫歸既抵
懷遠恭無館舍寓居佛宮間與同志泛崖門登西樵跨
羅浮夷猶白雲之巖然驛通番夷朝貢外使至咸慕
公名或以奇貨為獻公峻為拒絕使益敬憚甲戌移知
建昌縣是時宸濠將叛謀復護衛軍伍遣使絡繹道路

王康集附錄

三

肆行征求每經建昌公輒裁禁民賴以蘇丙子八月吏
部擬擢憲職寧內構陷批根往事復謫公竹寨驛丞竹
寨在深山叢棘中亦無驛舍居民數家靡所寄止乃誅
茅為屋依山面沅日與其徒講學論道暇則登陟崇岡
俯臨幽壑超然遠覽無所顧慮辛巳之夏 武宗既崩
今上即位首舉遐邁 詔復公御史尋陞江西按察僉
事公至黜貪吏疏滯囚去淫祠放尼姑數百歸之宗市
其菴以業公費不以煩民明年轉九江兵備副使尋改
提學其綜理學政躬自為範誨人務明義利及其校藝
必參德行以為高等時 天子勵精圖治凡藩臬守令

治行卓異特降璽書褒嘉通天下止十三人公與其一
焉嘉靖乙酉陞福建按察使閩故多盜公至分部所屬
伐其渠魁民庶用安乃又申收憲章釐革蠹弊凡會獄
獄齋戒禱神開釋冤抑參伍之下咸得其情刑是不濫
公之始至鎮守遺金公漫不省置諸庫府比鎮守窘甚
復返其金因以細條解諭鎮守憚服其後有中官督織
造者倚勢作威橫索民財有司莫能抗公移檄禁遏及
入省城繩其奴從不得侵牟於民民遂形諸歌謠按閩
三年擢右僉都御史巡撫江西爾乃振肅風紀百僚嚴
懼其商論政務虛心延訪雖在屬吏亦多聽納其有才

王康集附錄

三

賢亟為薦揚于時富室豪右多買民田遺其原稅民用
大困乃下令稽覈且欲奏聞豪右不便交口騰訾當道
者遂援裁革例罷其巡撫公因乞休 上雅知公賢且
命吏部擢用已丑冬遂陞南京刑部右侍郎越二年辛
卯八月某日以疾卒于官舍距生成化甲午正月某日
壽五十有八歲公之寢疾時當大比其三子皆應試留
都獲侍湯藥未屬續前四日公令趣治後事且曰吾平
生間關百挫屢瀕於死而不死今死於此命也爾等慎
勿俯仰當路以乞葬祭神聞氣爽怡然而卒初公少即
警敏年甫十四父贈君卒卒後五年公藉邑庠家貧無

所于業僦屋城中陋巷家徒四壁所記張淑人躬勤紡績以給養殯每隆冬大雪身衣大布袍無華陸太淑人方就養伯兄一之公每往省草履徒步數十里竟日或不得一食乃益激昂淬勵貫穿經傳旁通諸子百家言御史督學大加賞歎亟命士子從公游且今有司周上國之自是衣食稍殖即迎養太淑人弘治辛酉舉於

王巖集附錄

三

而學之有得乎嘉靖癸巳八月某日葬於新塘之原原在崑城之東北陬三十里蔚遲村南三子伯曰士滔太學生娶徐仲曰士淹應天舉人娶毛季曰士洵娶李皆從魏莊渠先生游力學自樹女一適浦巨源係男邦桂邦臬邦楨邦楨邦榮邦植邦杰

辭曰

倚嗟玉嚴少歷艱虞肆其力學追究程朱伊誰為友魏子莊渠相尚以正于道並驅粵在御史力鋤姦諛兩謫遐驛豺虺與俱陰刺於路剝牀以膚聖明養直賜還海隅乃陟憲僉伐黜貪酷既進董學表正羣儒治行高第重書允兪盜息閩海風振江陬方施經濟丞在當置

天不慙遺一疾淪軀門牆陸載紀行不誣賢嗣員英邁千夫衍厥休問百世有孚勒詞羨道以告征塗賜進士及第通議大夫南京禮部右侍郎前國子監祭酒翰林院修撰兼經筵講官同修國史高陵呂柟撰

祭文

維嘉靖十年歲次辛卯九月辛亥朔越七日丁巳南京戶部右侍郎顧瑄兵部右侍郎林廷楫南京太常寺卿黃芳光祿寺少卿王暉謹以香帛致奠于南京刑部右侍郎王巖周公之靈曰夫士學以厲行仕以顯道行由

王巖集附錄

三

志立道與時乎而榮利不預焉惟公養晦需時應期挺儒甲科荐陟懋著英聲民事屢更益弘實川帝心簡在茅繡是膺切齒憤羣小之姦連章伸敢言之氣乃罹謫咎遂謫邊陲困而彌光挫而愈厲積久事定載褒載揚又教用敷憲臺攸寄繼撫汪藩之重實資綏輯之良軫念民勞聿勤經畫晉階卿佐注擬台衡天平謂何奪焉奚迫蓋公位不苟居必殫其力之所及事不過激必稱其心之所安寧忍慢侮之辱而不肯易寒暑之節寧遠聲利之華而不肯忘澹泊之味寧受固滯峻僻之譏而不肯為洪忍媚世隨俗浮沈之態可謂無負於志無

歎於行而用未及大亨而尼焉是則有命焉已珀等書
泰僚屬每親緒言感茲永暝倍增悲悼祖莫有踐聊以
致哀尚饗

入鄉賢祠祭文

維嘉靖二十有六年歲在丁未冬十一月戊寅朔越十
七日甲午提督學校巡按直隸監察御史門生豫章胡
植謹以香帛牲醴之儀遣長洲縣儒學訓導張良才昭
奠于通議大夫南京刑部侍郎王巖周老先生宗師神
位曰嗚呼當 武皇之中年懸四海於一髮若大明之
方晦障黑蜺而難拔公爲御史曾未期月爰抗疏以力

王巖周附錄

壬

爭舒孤臣之哀但將欲聞妖釋於龍衢誅兇豎於豹闥
然後擇 國本以天潢燁武功於海截直聲颺逝聞者
膽捐然而 天子不怒 朝廷肅然雖成奸以遠謫覺
君恩之浩寬公於是簡栖嶺海清嘯胡山稍飛而鐵戟
落其遷友木情與山鬼坐一榻其將穿靜而閱天下之
義理見胃膈之廣寰會 聖主之隆興需鴻澤以四覃
收放遂於瀟瀟服近侍之初冠公於是繕戎典學出憲
江藩卒把節鉞南顧維垣蓋始乎爲邑終乎陟臺在江
之右者一十餘年故薦紳之流挺生於南州列郡之中
者皆能道名節而仰德賢植爲諸生辱教三歲身心有

原維公啓示節行忠孝是矧是礪繼執法之寵班承
恩光以日摯乃游公鄉實司學事景前模以中惕悼士
風之將替思仰荅於涓埃欲先行而後藝所懼者楷範
之未先有關於化觀察之難遍或爽於智期矢心以不
移庶師門其無愧尚饗

輓詩

周倫

林棲集鳥鳥依託共相信喧呼似然諾彈射互驚震晨
光倏朝發整翮競飛迅傷哉玉巖子游從自髫髻配相將
歷憲部夙夜協忠盡胡然遽長逝天高莫予訊尚餘千
載名烈烈史不磷悲風颭落日石城泊孤櫬高浪不能
發遺孤守車紉回首念時昔令我殞霜鬢江神好訶護
潮迴去帆順

王巖周附錄

壬

周愚

記得少年同硯席已窺君抱不凡材封章早發奸狐計
湖海重臨野鶴猜文筆山棲勞遠賦杏華書屋若爲開
西風幾度披遺墨殘筵聲中起暮哀

先生疾革時辱爲余文筆山棲近律見寄蓋期他日
後圖建杏華書屋與余樓東西掩映玉岡爲互遊之
所而今不可得矣爲一展誦不覺流涕

方鵬

古婁城址巨且雄玉山雲氣何葱蘢滄溟浩渺潮汐通
儲靈孕秀生周公矯如碧落飛其鴻又如天馬行秋空
昔年衣繡乘青驄封章奏入明光宮上方借劔誅頑童
危言譴論驚重瞳南荒遠謫千萬重孤踪出沒豺虎
叢絕居益勝貌益充曾羅星斗氣吐虹聖皇御極
精忠存登臺省階資崇溢然厭世歸鴻蒙神遊八極驅
長風北山之北東海東或者地下從龍逢老成凋謝吾
道窮一慟誰云涕無從

嘉靖戊午冬刻

梓于杏書屋

嘉靖戊午冬刻
梓于杏書屋



玉巖集九卷附錄一卷

兩江總督
採進本

明周廣撰廣有江西通志已著錄所著詩文自釋
褐以前曰初稿官縣令時曰鳴琴稿御史時曰排
雲稿謫懷遠時曰啖荔稿官建昌時曰量移稿曰
乞骸稿謫竹寨時曰沅芷稿官江西時曰攬轡稿
曰閱江稿視學福建時曰外臺稿官巡撫時曰內
臺稿官刑部時曰邦禁稿篇帙甚富後其子丐同
邑周鳳鳴簡汰編次定為此集凡詩六卷文三卷
卷中仍註原集諸名附錄一卷則誌狀之屬也廣
在正德中疏攻錢寧直聲動海內而文名不甚著
故歸有光序止著其生平大節而不論其詩文之
工拙云

倪小野先生全集八卷

〔明〕倪宗正撰

首都師範大學圖書館藏清康熙四十九年

倪繼宗清暉樓刻本

附《四庫全書總目·倪小野集

二十二卷》提要

序

吾姚文章之統代不乏人隋唐
以上歸之雲氏有宋則孫季和
高九萬為傑出元末明初作者
林立鄭彛方九思之徒集皆不
傳其最著者為岑靜能宋無逸
黃序
雖有集亦皆殘缺失次寡、百
季木齋陽明起衰而同時聲應
氣求者則有馮雪湖倪小野先
生又寡、百季則有孫文融葉
六桐嗣其傳吾姚稱文章淵藪
其可攷見者亦僅如此然君子

之澤五世而斬岑宗謝馮之後
未聞有以文章顯者而陽明三
世而絕文融無子六桐孫曾零
落小野先生至吾友君芳蓋六
世矣詩書之業數百季若一日
其後繩：未艾甲戌冬命其令

黃序

二

嗣繼宗諸余求小野遺稿并問
序於余蓋將彙其全集刻以行
世也嗚呼莫為之後雖盛弗傳
小野先生其有傳人哉余嘗至
賀溪有故老曰此宋倪文節公
之故居也其曾孫倪安道與趙

攷古相唱和山川至今猶韵夫
文節倪氏始遷之祖也文節之
文章莫大於昆命元龜之議歛
其光華避于海島豈意數傳之
後小野代興小野數傳至于君
芳其後當有達者亦如小野之

黃序

三

接文節吾於是集之刻有以卜
之也當小野先生在時吾族祖
蟄菴先生倡為竹橋十咏小野
先生序而和之聯為卷軸至今
寶之今君芳將刻是集而余樂
為之序者竊比蟄菴之於小野



也孔李通家留為後人佳話不
亦可乎

告

康熙乙亥仲春月望後三日九
旬病叟梨洲黃宗羲題於懷

謝堂

黃序



四

倪文忠公全集序

古云文以人傳人亦以文傳然而無其人不傳
夫無其人而不傳何也揚雲有文桓譚傳
之則多人也孔壁之古文孔傳之孔氏正
義亦傳之則其後之人也然而難矣吾郡
之人文盛于明代而餘姚為著當弘治之
際遂瑾亂收天下無敢清君側奸者清之
毛序

自三文始三文者姚之王文成謝文正倪文
忠也故事惟詞官謬文一成由曹司起家
獨破例而謚曰文則王文固是多者若文
正文忠則皆詞官也文正與文成皆有集乃
世而文忠不然初初瑾外謫與之文等耳而
既而武宗南狩文忠甫還內而遮道而鍊
杖朝門五十加上跪陛五畫杖猶且刺血伏

陞書一詩進諫謂之詩諫則卽此一詩而其
人其文交相繫焉此在千秋萬世後猶當請
之而泯而不傳予嘗入史館纂脩明史多欲
搜其文入史冊中而不可得也考文忠生平
早有文集有稱其詩近因杜者有稱其文
過信陽誇其地者有並稱其詩其文集大成
者而文忠謙晦筆之不能鐫板迄于今其已

毛序

二

刻者多散軼而遲遲之餘其爲鮮魚之所寢食
者且沈之也往者其文孫諱章曾輯小野集四
卷以文忠婦小野故名顧闕而未備而在他籍
刻曰太倉稿則以謫太倉爲名曰觀海集則
以謫太倉時奏明白茅港相地海上而做以
是名然而人文契合完美符竹文忠之文
除有爲之文所訂定者一遺富集則文正所

選而序之者也一宋元稿則文成諸學龍泉輯
其文而授之及門之錢氏者也而乃索其書而仍
不可得今商孫繼宗受其先大人遺命後多
藏匿并他書可載其言集字既已乎錄且句
諸世家舊族之收弄者歷數十寒暑而粗
得其概今已刻未刻而編以之名文忠全集
雖未全或全矣然則希人之文之有賴於後

毛序

三

人也以爲人之卽其人也然而有繼之者也予
言此抑亦予之繼之者也予望焉

康熙己丑仲秋月蕭山錢氏毛序於滄題步
書留草堂時八十有七



倪小墅先生全集序

姚江倪小墅先生登明弘

治乙丑進士筮仕庶常嘗

劉瑾擅權指先生爲同邑

謝沐齋太傅之竟出知太

毛序

倉州尋陟曹郎因武宗南

巡遮道苦諫特予廷杖噫

乎先生以清華之選出補

外吏恬然不以介意而復

冒不測之威災濱於死求

之當世殆亦難其人哉康

熙丁亥冬其裔孫繼宗出

先生全集相屬爲序間之

李西涯閣學有云本朝訕

文濃奇平澹各臻其妙至

毛序

倪小野而集大成而姚江

王陽明先生曰小野訕文

在陶杜之間近日何李諸

公遠不能逮又與三衢方

君崇陵倡和文衡山詩詔

以為皮陸所見而際可先
代六世同居皆設義塾以
造就復學延方君為之師
至今藏其遺翰多和先生
之位焉曩者歲在癸亥有

毛序

三

脩兩浙通誌之舉忝與黃
子梨洲同硯席者數月亦
謂吾姚江訛文湯先生開
初之力居多其為名流所
推服如此竊盲媿才識謏

陋不能測先生之堂奧謹
襍述所聞以志景仰之私
云爾

時

康熙四十六年長至肯一

毛序

四

日遂安後學毛際可撰



文忠公遺像



倪小野先生全集

像
敕命

漢學金湖琴

天承運

皇帝制曰直言極諫固人臣職分之常崇德報功亦
國家養士之典道有時而晦明恩豈渝乎存歿
爾故原任廣東南雄府知府加三品前翰林院
庶吉士倪宗正生奕世積累之家名高閭閻出
兩浙詩書之族學貫古今光芒萬丈共推李杜
文章經營四方丕著龔黃政績在閣豎擅政之
日直節屢挫而不回當逆藩造謀之初忠言先
幾而獨著抗疏貶而再逐受杖死而復甦允為

一代之直臣共仰千秋之正氣茲特贈為翰林
院學士諡文忠錫之

敕命於戲忠而見疑樸誠未表於生前死堪不朽論
定宜伸於事後冥靈不昧寵命其承

勅命

嘉靖十七年三月初三日

出
廟

倪小野先生全集

敕命

二

豐富集舊序

小野倪公丕兒同年畏友也論其文章氣節在老木方欲低頭拜之豈特爲後生小子景行法式已哉李西涯云本朝詩文濃奇平淡皆各臻其妙至姚江倪小野而集大成可謂知言矣公平日吟咏甚夥三十年來不下萬首余特錄其若干卷名之曰豐富集以示丕兒夫不學詩無以言余固將以豐富之集爲趨庭之訓云老木謝遷撰

突兀稿舊跋

洪不敏竊嘗受業於小野倪先生之門迨後陽明王

倪小野先生全集

舊序跋

一

先生聚徒講學於龍泉山之中天閣遂從而卒業焉兩先生之文章理學洪皆嘗心契其微而不能強分優劣猶之乎日月二曜之經天人縱欲高下其議論而不可得也至王先生謂先生詩文逼近陶杜近日何李諸公遠不能逮因是知先生平日爲王先生所推服久矣突兀稿四卷王先生所選錄也洪卽以王先生之言附識於後世之讀先生之詩者其亦可以知所寶矣受業門人錢德洪謹跋

太倉稿舊敘

餘姚倪宗正由翰林院庶吉士出守太倉旣而開化

方豪亦來牧崑崙與太倉近二人志趣又似故相與甚驩也一日同自海歸宗正以其稿示豪豪素妄狂在宗正益弗顧忌開有意合處輒用評點一日又同之蘇州亦復然凡各有作罔弗互正也近宗正因臺諫有言召入兵部將行豪乃取其爲於太倉者編爲一卷所未評者補之命之曰太倉稿刻之拙牧廬夫宗正天人也豪每見其所爲詩文俱立就弗創稿年雖強與少年才人一也其於吏事亦然雖弗甚經意旋處之俱合道居官僅一稔餘遂號古良吏然吏事刻在人心不可諉也故刻其詩文以章其美云衢人

倪小野先生全集

舊序跋

仁

方豪思道甫志時正德六年四月四日也

觀海集舊敘

余平生樂水少年隱居石澗讀書金溪未嘗不與水隣然皆未足愜吾志意也乃至下錢塘過楊子遊范光自以爲天下之水亡以踰此頗自愜也有告之者曰尚有巨於是者特未及爾勿信正德五年太倉守倪子上六事首議開白茅港天子下其議於監司監司遣大邦伯林公往視之余見於常熟之支塘遇倪子以途中所得詩呈公與倪子見和凡若干首公命從遂與倪子由白茅港從至海上風雨往反得詩凡

若干首及公由常熟反余與倪子由太倉反至雙鳳分道不忍復隨倪子至太倉而後反又得詩凡若干首比歸若有重複志意慙也昨昔小矣重茲遊也故錄之重同遊者也故刻之集中觀海唯一首然皆因觀海得也故曰觀海集正德五年十一月五日崑山牧鶴人方豪敘

觀海集舊跋

倪子本端方子思道皆早負材望期遠大宜不屑於郡縣乃泝水傷民日夜焦勞謀伐害本遂觸犯寒雨乘小舟田白茅直抵海口觀其辭多感慨自效思爲

倪小野先生全集

舊序跋

三

國家生民罔無窮之利格韻超逸意氣橫發雖若凌虹霄鞭龍雷傲睨物表而實則劇職守憂民事蓋拳拳焉嗚呼士大夫器識不羣如是將不獨以文章名世者矣崑山顧鼎臣書

崑山方侯思道寄示觀海集四卷附錄一卷蓋侯與名倪守有事海上往復酬倡之作凡五十有二首麗清絕眞合作也昔皮襲美咸通中爲吳郡從事與陸魯望倡和有松陵集十卷襲美在郡才一月而其富若此當時傳以爲異今此集成於數日之閒不尤異耶然嘗考之皮陸全集皆不過數卷而平生粹

美之作又皆不能出松陵之上豈一時典寄有在而復對勅敵固不容自狎也二君他作雖不及盡見要之此集其尤不苟者歟集中觀海之作僅僅一見其餘不皆以海而必以是名者志所始也庚午臘月朔日長洲文徵明衡山甫題

小野集舊跋

章祖諱宗正字本端小野別號也弱齡諸書無不閱尤潛心易義作說數百篇今與虛齋蔡先生並傳者是也嘗聞甯川張公曰小野詩文詞因理暢不鐫刻不組繪不詭險生意不窮一出於自然而已體格後

倪小野先生全集

舊序跋

四

先差不相似在館院時精密淵深至於遷謫雄偉嚴飭致政以後不事繩墨而度合不假斤削而思精淡若太羹無遺味者矣此張公評何大復李崢峒鄭少谷而推吾祖爲四才子也且不能盡述其論抑不敢耳蓋侈言近誣太遺近慢惟識先正之言一二云記曰先祖無美而稱之是誣也有善而不知不明也知而不傳不仁也誣之固所不敢不知不傳豈特慢焉而已誠可懼也孟河馬先生編選陸慶辛未始就次分爲四卷愧不能錄全集之備藝文也孫章百拜識

邑誌文苑小傳

倪宗正字本端別號小野有夙慧精於易學弘治乙丑登進士選庶吉士以逆瑾目爲劉謝黨出知太倉州時水災條上封事天子報可所至活甚多隨入副武選郎武宗欲南巡抗疏遮留幾斃於杖猶以詩諫上尋悔賜鞶錦已出知南雄府會朝廷追錄言者加三品卒賜祭葬贈學士諡文忠宗正性曠酒不耐世網未老賦歸日惟酒榼棊枰寄傲花石間詩文攬筆立就有川雲嶺月之致而書法亦適居常委蛇不矜衫履卽對客亦不屏姬侍得晉人標韻其居官一以忠君愛國爲心故足多也所著有易說小野集行於

倪小野先生全集

小傳敘

五

世同里後學月峰孫鑽撰

姚江逸詩小敘

倪宗正字本端號小野諡文忠弘治乙丑進士選庶吉士逆瑾以爲謝黨出之知太倉州入副武選諫南巡受杖知南雄府平日與方豪鄭善夫最善故其詩云偶入棠陵眼難齊少谷肩又善奕京師國手俱遜之有小野集行世余收得未刻者不啻十之八九在正嘉中固是有數名家也同里後學黃宗義撰

倪小野先生傳

先生諱宗正字本端別號小野其先世自宋禮部侍郎文節公諱思者從高宗南渡居於霅之錦山其叔偕爲朝列大夫知越州事遂卜居餘姚焉及宋社屋而子孫以仕爲恥至明與有桴隱先生者負大志歎曰明天子在土可出而仕矣其孫諱懷敏者中洪武己卯舉人授御史後靖難時以復命不稱旨謫戍閩中子孫又不仕者三世至樸庵公娶汪安人生先生先生十歲能詩中弘治乙卯舉人前一歲樸庵公家貧無以卒歲歲且暮晨啓戶拾遺金斤餘持以入汪

倪小野先生全集

傳

安人問何從來公告以故且曰意者天以此佐吾急耶汪安人曰不然失此物者得無迫於私債逋於公廩或稱貸或鬻產以解急者吾與爾猶清貧無恙也促公出而俟之其人果泣而來曰此鬻產以償官者來路遠假寐於此昏忘而去拾得者願中分之公詰其失物果相符遂盡還之不名一錢次年先生以儒士魁鄉榜里人以爲天報云又十年中顧鼎臣榜進士初擬一甲第三人以執政私同官子易置二甲選翰林院庶吉士明年武廟卽位寵中貴劉瑾謝文正以不阿瑾去位先生亦嘗特疏劾之瑾曰爲謝黨出

知太倉尋補禮部祠祭郎會武廟議南巡先生與黃
鞏輩述道觸逆鱗廷杖五十罰跪午門外五日濱死
猶以詩諫又明年出知廣東南雄府期年且報政以
杖處遇陰雨輒作楚遂告歸年未六十也會寧藩反
武廟思前遮南巡道者賜彩幣加三品而先生已不
可謂矣在太倉時三吳多水患先生上疏請開白茅
港且乞停徵得免常額三分之一疏在太倉稿中致
政來日與山人賦詩飲酒足不履公庭當路有就而
問者以角巾野服迎之作雞黍飲不飭邊幅與錢心
漁呂醉夢敦布衣交二公各以其子來受業錢緒山

倪小野先生全集

傳

二

心漁子也呂文安醉夢子也先生以國器期二公後
一以道學顯一以相業顯文安嘗對人曰余爲秀才
時與諸子相鄉原素爲社會會草成必就正於小野
先生先生許可後一一如其品第又曰吾姚詩文自
先生始創其統語在狀中蓋狀文安檢討時具也張
小越元以義經受業門下朝夕詩益一日先生構新
居小越移檣坐久先生因用四書成語口占上梁文
小越大悟時藝遂爲博士家宗當世廟初年王文成
以道學倡一時英俊而先生以風節砥礪後學文成
亦折節下之孫忠烈未第時以易學擁臯比先生年

甫十七而執經門牆七日而升諸弟子上忠烈歎曰
繼吾傳者必子也後與于公廷寅胡公鐸有三先生
易說行於世至今學者宗之一時名士東粵有鄭少
谷三衢有方棠陵吳淞有陸儼山長洲有文徵仲皆
以風節詩文相伯仲千里馳使晚年有小野集十六
卷行於世嘉靖中賜祭葬贈學士諡文忠

論曰國初人文未著高者僅拾宋儒餘瀝成弘之際
何李諸君子脩西京盛唐之業先生奮焉以起與之
翱翔後先而吾姚始列於作者之林其開闢之力有
足多焉嗚呼今姚之文彬彬盛矣君子念始之者也

倪小野先生全集

傳

萬曆十八年庚寅春三月吉旦

賜進士出身南京兵部尚書同邑後學翁大立撰

倪小野先生全集總目

第一卷

奏疏

序

第二卷

詩序

記

說

題跋

祭文

雜著

第三卷

賦

辭

樂府

五言古詩

倪小野先生全集

總目

第四卷

七言古詩

長短句

第五卷

五言律詩

第六卷

七言律詩上

第七卷

七言律詩下

第八卷

絕句

排律

詩餘

別集附

清暉樓詩附

聯句

倪小野先生全集

總目

二

繼宗生也晚不獲縱觀先世文章之盛然猶得於言
湮世遠之餘存什一於千伯未可謂非不幸中之幸
也憶繼宗年六歲侍先君子歸自章安訪清暉樓小
野五嶺諸亭榭故址先君子若不以繼宗爲穉而無
知也歷歷指謂繼宗曰此先太史文忠公登眺遊息
處也竊心志之不忘迨過雪畫堂先太史之遺像在
焉登羅壁山先太史之墓亦在焉展拜之下泚覺青
容可接華表依然益心志之不忘然繼宗於斯時穉
而無知尚不識先太史之文章何若風節何若其足
爲世重又何若也比長隨伯兄泰階於東山汪氏獲
有棠陵方先生所刻太倉稿二卷觀海集四卷不勝
欣喜踴躍如得重寶持歸跪而進之先君子先君子
慨然太息曰女小子有志於先世之文章乎吾向不
敢遽出以示女者以女之穉而無知也今女以獲先
太史之遺稿爲喜則知女非無知也因語繼宗以滄
桑興廢之故先君子不覺淚涔涔下繼宗亦流涕鳴
咽不能止久之乃發篋盡出先太史詩文稿五帙
及殘編蠹簡數十餘紙進繼宗而授之曰先太史爲

有明名臣其忠言讜論已足彪炳史冊爭光日月矣至居平著有詩文已刻未刻不下數萬餘首比遭兵燹散失頗多女伯父創之公懼其久而不可收拾也彙爲小野集十六卷以家貧不及授梓後因有姚江逸詩之選爲梨洲黃先生持去女小子誠有志於先世之文章乎亟叩而取之可也繼宗時年十六承先君子命始知先太史之文章風節其足爲世重若是遂決志詣見梨洲黃先生載拜稽首備告所以黃先生曰噫先人之嘉言懿行至于孫而湮沒不彰者不知凡幾今子以弱齡即有志於先世之文章文忠公

倪小野先生全集

總目

三

可謂不死矣但小野集十六卷昔年爲東海徐健庵太史攜入中祕今東海物化其原本不可考究無已則有謝太傅所刻之豐富集王新建所評之突兀稿各四卷在檢授繼宗繼宗持歸進之先君子合從前諸刻共得詩文若干首越明年又於桐江張氏得小野集四卷蓋是集係孟河馬先生選錄高叔祖海川公舊刻也嗣是十餘年來凡故家舊族遇有先太史片紙隻字必鈔歸什襲日積月累又共得詩文若干首冀俟稍得成立并獲全稿以付剞劂無何遽遭先君子之變遺令諄諄惟以刊佈先太史遺稿爲念罔

予小子雖瑣瑣在疚詎敢一日去諸懷哉歲丁亥繼宗以課子家居因念先世之文章不可沒先人之遺命不可忘而此生之成就不可必遂奮志鈔錄七閱月而始就次共得文若干首詩若干首彙爲全集刻以行世正所謂存什一於千伯也如曰先世文章之盛盡於是編余小子其尚有待也七世孫繼宗百拜謹識

男學山同校

倪小野先生全集

總目

四

倪小野先生全集卷之一目錄

奏疏

陳言地方利弊疏

序

送鄭少谷序

送汪白泉南征序

送太府南公瑞泉序

送王獻夫之末州序

送邵南峰尹廬陵序

送王通政致仕序

倪小野先生全集

卷一目錄

小野亭唱和詩序

贈郭萬戶侯序

贈侯判官致政序

贈錢判官入覲序

奕喻贈吳必達

狂言序

送王伯孚序

送鄭孟博序

送一山上人還會稽序

送張惠民序

送陳守禮序

毛塢志序

朱白浦遊覽文序

送大尹丘集齋序

廬山彙序

送鄭司訓會試序

送梁掌教會試序

送梁掌教尹黃梅序

贈大尹楚石渠入簾序

贈大尹楚石渠覲還序

倪小野先生全集

卷一目錄

贈大尹江西臬序

贈郡博李惟貞序

贈推府李約齋序

贈大尹顧懷東序

贈魏少尹序

顧氏族譜序

濟美錄序

東谿集序

東谿雜著序

送張懋學序

梁氏族譜序

竹橋十詠序

楊東丘詩序

池閣諸詠序

西疇序

宮詞序

小畫序

送相士序

南垣書經講義序

四書因序

倪小野先生全集

卷一目錄

三

正峰序

送邑侯顧淮東受獎序

秋吟序

送管秋江序

贈戴守東谿考績序

贈推府陳見吾序

送邑侯顧淮東入覲序

倪小野先生全集

七世孫 總宗 編次

奏疏 公在館院有幼劉瑾武廟南巡疏皆散失不可考矣

陳言地方利弊疏

直隸蘇州府太倉州知州倪宗謹奏為陳言地方

利弊事伏覩弘治十八年五月十八日欽奉詔書內

一款凡朝廷政事得失天下軍民利病許諸人直言

無隱欽此欽遵臣職在守土地方利病豈敢緘默竊

見因賦大半出於蘇松等處而蘇松土地之所產者

無他財貨不過夏麥秋稻而已正德元年三年大早

倪小野先生全集

奏疏

一

四年大水今年大水尤甚臣已具本奏聞連歲無收

起運歲減天變靡常人事不脩第恐日銷月錄蘇松

財力一匱而不能復振朝廷終無所賴矣伏望 皇

上加意經理體息長養更候年豐必有叨效臣謹條

六事上陳伏乞 天慈臣狂妄采擇施行則一方

生靈幸甚緣係陳言地方利弊事理未敢擅便為此

具本順差司吏余仲親齋謹具奏聞

計開

一蘇松等處在禹貢揚州之域厥土塗泥厥田下下
至今稱財賦之府者水利脩耳蓋有太湖接納上流

諸水而自茆黃浦劉家諸江又足以殺下流自茆水道比諸江倍闊而殺水大半比來自茆江口海沙漲擁水道湮塞忽值上流水發而殺水之道比舊半減是以一經久雨水災立見汎瀕海大小涇濱淺塞者多不但自茆而已且自茆之塞水勢所激欲復其故人力難施其間大小涇濱尚可疏濬如該州楊林七浦等河一通則一府水早有備臣自到任以來輾轉思慮欲與茲役計一州財力不給大抵水土之功費財勞力怨讟所繫自非權位尊重不足以服民心而成功伏望 皇上特命憲臣專一經理以圖後效

倪小野先生全集

奏疏

二

水利官員無事之時有若虛設一或有事他不能兼蓋凡脩築必身歷處所相宜舉事非若他事可以坐理而兼者況水土時月之間東壟西墾隄防少損苟因循坐視不預為脩理卒至功程浩大今以捕盜兼乎水利固朝廷裁省冗官之美意臣竊意地方事體各有不同捕盜在北方為急而水利在東南為要況州縣捕盜等官以每月足捕盜起數遂為能事畢矣足以塞責而在上者亦不復以水利課其殿最伏乞 聖裁仍復水利等官庶任專而功集

一民壯之設固朝廷安不忘危保障地方之深慮

竊謂在北方為急在蘇松等處差緩蓋蘇松盜賊可虞者江海萑苻之閒但軍衛有司巡哨等官用心防勦不足為患其水鄉村落舟楫弓兵兩為不便閒有竊發不過鹽徒五六成羣或迫於飢寒者而已似無待於民壯之預防且蘇松水鄉去處非如北方多閑曠之地各隨里保可以常時採練今集一州縣之民而聚於城市不勝擾擾雖更番迭至或自百里之外裹糧而來往返踰宿且東南之民樂耕而懼戰者情也過爾驚疑墮廢農事伏乞 聖裁俯從民便

一伏覲詔書內開各處軍衛有司錢糧籽粒馬匹布

倪小野先生全集

奏疏

三

絹鹽課料物等項歷年拖欠應該追徵帶徵者悉皆停止欽此欽遵 聖恩汪洋民咸感泣但各州縣坐派起運并公侯祿馬役絹匹等項歲辦銀兩及所在軍衛月糧又不可緩欲奉恩詔以寬民則軍無聊生請求逼迫欲追額糧以贍軍則民不堪命怨讟流行二者為變俱係不測有司掣肘莫知適從臣竊意歲辦坐派銀兩固不容已而軍衛月糧尤不可缺民已沾惠軍獨何辜伏望 聖裁轉敕蘇松會計憲臣先計蘇松等處軍衛月糧若干而歲辦銀兩權其輕重少分緩急更計該府州縣曾經查盤銀糧若干先盡

軍衙月糧以安其心以作其氣而有餘量補歲辦銀兩之當急者如有不足更別議處如北公私通融軍民咸惠少俟年豐而倉庫自有充積之日矣

一蘇松等處田糧自五升至七斗輕重斗則百有不齊而奸書猾豪東徙西遁移換則額雖剛明有司無從查正是以貧民逃戶虛栽重糧而巨室大家坐獲隱利奸弊萬端皆從此出伏乞 聖裁敕該部行會計衙門或各隨州縣田糧哀多益寡均其等則而一州一縣各得總額既不加賦於民亦不虧賦於上如此明白簡易奸弊少革此書生之迂說紛更舊規罪

倪小野先生全集

奏疏

四

宜萬死伏乞矜宥

一蘇松等處錢糧繁重有司掌印管糧等官更代或速則簿書承受之際胥吏貪緣為弊前後推墮積久愈多錢糧不清職此之故為今之計莫先久任有司以課其功如其異能姑加其爵祿而上司殊其寵禮凡掌印管糧等官任內該督徵者務必週年責其清楚方許離任如果無從追徵者亦要明白聲說以憑分豁新舊官員簿書而相交代如此庶有司盡心錢糧無墮悞之弊矣伏乞 聖裁采擇施行

倪小野先生全集

七世孫 繼宗 編次

序

送鄭少谷序

少谷子予與同舉進士時方弱冠取高第予知其為科甲才官戶曹監稅於詩聖知其為廉幹吏無何病歸來往武夷天台衡嶽間與山人遊好讀黃老諸編知其為道家流既而聞其以空言折服權貴赴人之急如飢渴之於食飲囊橐立散無吝色予又知其如古之賢俠觀其所著詩歌凌厲超踔有感慨悲激之俾小野先生全集 序 一

思又知其為風騷之雋復起予與同官久相議論能發微闡幽善解玄要古今理數之書觀之無逆津津乎味之也但多得其緒而未竟予第察之蓋天資淵朗心力勁毅極其所到於聖賢之學幾矣予乃知少谷子終身之所安頓者又在於是而予肯之所知皆其餘事豈足以盡少谷子也哉茲又病歸觀其再疏拳拳乎欲俯補此身而後徇國蓋將竟其所學也昔太史公敘學有數家然先黃老而後六經予以為惟儒者六經之學為無弊足以安頓其身其餘未嘗無可翫也而究之有涯未嘗無所濟也而推之則泥故

橫渠張子跋涉於孫吳佛老之餘卒無所得反而求之六經以成其學茲固知少谷子之歸之志也然則他日之爲少谷子殆必有知之者予及見之亦幸託爲少谷子之知己

送汪白泉南征序

邇者江西之變皇上下詔親征汪子文盛以小司馬先行啓途宗正與同寅鄭元各饒於長安邸賦詩以贈行之日又各攜觴豆出都門東將擇地而饒焉適見道旁土岡橫互映帶河流雜樹扶脩中阜塏潔宗正與元下馬步上呼胡牀而坐而文盛戎服躍馬

倪小野先生全集

序

二

至矣同寅作瑜亦以會饒至時維新秋暑退疎雨徐灑挾以涼颼浮埃不興相與岸冠間襟列豆引觴仰則見雲華敷駁鳥影翔迴俯則見河流活活岸草青青快心怡目情景俱會雖咫尺迴衢如在林壑勸酬更迭笑語款洽不知離別之在須臾也元有館人某姓者攜茶瓜以供助我清興益以雷連宗正戲爲文盛曰子以書生從武事或非其長乎文盛笑而起展弓擢矢而南連射命中步武回旋蔚爾可觀復坐衆酌而賀曰當道以子應選誠得人或謂他有所媒葉非也子其無負矣文盛曰江西之寇依違巢穴其地

受其積毒不惟不爲用且讎之必有用其便以收其功者茲役蓋不半途而捷音至文盛等亦因人成事者碌碌不足道衆頗以爲然時日已西卽別去衆退相謂曰昔文盛佐饒爲宗室用事者構陷百折不屈出蒞事挺身振厲愈精敏爲強幹吏入兵曹治事暇好讀書爲古文長篇麗句日疊出凌駕前人斐然一文士今又見其練習騎射無幾微溫怯之意罇俎之間略籌數語以料江西之變雖未盡懸合而勢亦近之可謂氣閒謀定如老於武事者矣吾輩當拭目以俟其還也於是又各賦一詩爲贈宗正遂次其事爲

倪小野先生全集

序

三

文走使迫而投諸行李

贈太府南公瑞泉序

自古聖賢有功於世太上立法其次救弊是故明天道平水土制禮作樂以至刪述六經皆神聖立法之事至矣盡矣雖有作者不可復有加矣其後大賢君子出而爲世道計者如距楊墨如闢佛老如辨論著述以覺斯民亦因其時之所急者以致其功以救其弊故其功不可以預爲不可以襲成不可以兼總後之考其功者亦不可以難易繁簡精粗大小較也故曰知者無不知也當務之爲急以今日言之苟有大

賢君子出於其間其所當急者孰有急於救學術之
弊也哉蓋今日學者之所習與身心判而爲二其來
非一日矣誦孔孟之遺書一切托於空言以希世寵
非惟去道遠甚卽以所謂舉業亦自不足觀者瑞泉
南公以京官才望出守紹興施爲大略類非俗吏念
慮之所及非予之所與知也其拳拳致力尤以變化
學術以救其弊爲急此予之所深信者政治之暇聚
八邑子弟之類從者耳提而面命日省而月試論人
則先德行而後論文焉論文則先義理而後論辭焉
承其指授與聞之者知所崇尚而偉達之士始不爲

倪小野先生全集

序

四

記誦綴緝之習所陷朗然以其所得發爲文章故我
餘姚一邑舉於鄉者十有六子得才之多比舊加焉
夫所謂得才之多非獨數之多也十六子之中卽一
人褒然爲出衆之才況十六子之多乎非止十六子
也積於庠序而爲後日科目之光不知其幾也風旁
郡示後人又不知其幾也昔宋歐文忠公力變一時
文體識者謂有宋人才之助今公非獨變其文也并
與其入變之則爲國家人才之助爲何如哉

送王獻夫之永州序

予友王獻夫以進士授南度支郎予在告聞其忤權

宦爲所構下於獄予竊念獻夫素負才氣喜功名顧
盼天下事挺身當之自謂可以立辨予嘗評之如萬
斛巨艘危檣廣幅乘順流駕長風一日千里而或未
熟於逆折之試遭此屈辱深慮其有不堪也予抵都
謁於邸適永州之命下矣其言論疊疊達天人辨內
外吉凶禍福進退得喪之機炯如也以虛舟飄瓦視
身之所遭予退而喜焉獻夫蓋有進於此矣予又察
獻夫言議若有中不足而過爲自解之意憤憤不平
見於容色猶未盡釋然天下之道固有言能盡之而
行未及者心能見之而身未安者及而安之而始足

倪小野先生全集

序

五

以語天下之變獻夫方勇於進者俟其之末州也磨
之以簿書之繁挫之以承接之分歷之以川途之險
愴之以荒涼之風嘗之以淡薄之味則其所進當又
不止於此矣茲行人多慰譽之辭予與其有切磋之
義故以此相告也

送邵南峰尹廬陵序

南峰邵先生以進士授江西廬陵尹廬陵江西巨邑
也地廣民聚健訟苛賦人咸難之予謂邵氏吾姚世
宦家學相傳科第聯屬其宦多歷州邑而進臺省則
南峰於治民之道諱之有素且以明敏之資充瞻之

乎練達之才往治廬陵有弗難矣予何說焉雖然予與南峰辱在姻婭無說是無以爲贈也於是瀆告之曰凡今之爲令者其始至也嚴峻以立威聰察以爲明此似近名者也賢者弗爲也其上於此者又慈祥以爲仁清淨以爲簡是固賢者之爲治也然有行之而卒不獲者也是故惟寬可以申威惟晦可以用明惟忍可以施仁惟勤可以致簡蓋寬則民裕道之而易從禁之而易避而其法以立故曰惟寬可以申威晦則靜而兼照故曰惟晦可以用明忍則不奪於耳目之所及而存大體故曰惟忍可以施仁勤則急當

倪小野先生全集

序

六

務而常整暇故曰惟勤可以致簡夫四者皆相反以相成夫相反以相成陰陽五行之所以成造化也而獨於治民乎哉南峰於治民之道無所不講而於此固有所不屑聞也廬陵巨邑可以盡用治民之道俟他日政成乞覆我曰汝之言是耶非耶試驗之矣而吾可以自省也

送王通政致仕序

人之能莫妙於精莫善於善用不精不足以爲能精而不善用則其能適足以禍其身孫吳古之能兵者也觀其書相時較勢料事料人盡萬變無遺錙銖發

之如矢起的然不善用卒罹其禍以爲天下後用兵者戒孔子曰用之則行舍之則藏甚矣聖人善用其道也孫吳之能聖人之道大小邪正相去懸絕爲孫吳者以聖人用其道者用其能必不矜功喜事以求售於時以犯天下之忌則能豈禍其身者耶醫與兵同道卽聖道之一端其用與用聖人之道同不善用與不善用兵之害同通政使王公以能醫事先朝累官列卿常言曰君子抱濟人之志以不獲施爲恨吾受厚祿顯爵凡可以濟人者分也而沉施之易乎故士大夫至小吏走卒市井貧而病者隨扣隨應不

倪小野先生全集

序

七

責其報其進事禁御尤謹用則竭力殫誠弗用則讓能者恬然自退不與爭能以邀恩澤用而成功則愬愬小心恆以功微賞溢爲懼大抵絃職在朝廷甚邇寵辱不測人或貪祿彌縫公則誠心直道略不以私意觀望其閒及今乞骸骨歸浩然不可留初無眷戀位祿之意若公者其於用舍行藏之際與學聖人之道者同觀二子以明經待川家學淵源意公學聖人之道而以醫成名者耶公聰明絕人其治人危病或不按古方以意投劑立效或於聖人之道亦不學而暗合者耶是歸也特命俞允思典隆重金紫輝煌照

耀閭里身名俱榮保令福於無窮是固公之完福而其所善用能者不可誣也於歸遂書此爲序

小野亭唱和詩序

秋江管公過予荒園每留連於花木竹石之間輒有品題予因相唱和不拘長短唯意興所至所以逸老也予歸自南雄秋江仕蜀詩筒不絕併以前唱和特不若是之富爾蓋秋江詩之法家予素狂懶得以頗就矩度而起其廢情不其幸哉是帙首以小野亭記志地也以前雖不係是園亦補錄於後諸名公并諸友之作涉秋江品題足以爲荒園壯觀悉錄無遺予倪小野先生全集序

八

尚未死侍秋江杖履唱和未可量當繼錄也

贈郭萬戶侯序

自古稱將家子者豈非以其仍遺勳藉流光讀先人書以弓矢相傳面領方略擅騎射之能豪挺雋拔昂昂不與儔伍者齒吁誠然也苟不念祖父艱難百戰出萬死得一生之勞及朝廷所以慰答酬賞縣縣延延于其身于其身之子孫如是其榮又如是其久顧獨自負睥睨榮寵若吾身之固有是豈古之所謂將家子哉今夫庶民之良者指一木則念之曰吾先人之所植也指一器則念之曰吾先人之所遺也況艱

難百戰萬死得一生者之所遺乎今夫士矻矻窮年

殫平生之力明經博史或皓首而不沾一命之榮今乃以所憑藉一旦黃金橫帶出役萬衆此其受於朝廷者又非累功歷階者比也陝之延安萬戶侯郭氏希中以襲茲官請命來京予未及訊彼厥祖勳業所由起而厥父以都督鎮守寧夏威行西戎重爲先朝眷注及今雖不存勳名赫赫方在人耳目希中世其勳類則爲有子弗類則爲先人辱其所念宜何如也且以世勳世其官誠非幸而得之然以未當事之年而卒被寵命是亦非常之遇莫大之恩其報效又宜倪小野先生全集序

九

何如也念之孝也報效忠也忠孝人之大節也於其還以是告之

贈侯判官致政序

庚午秋別駕侯君致政歸於蜀予於同官觴酒俎殽率寮屬送於婁江之濟君半酣色揚辭踴慷慨嘖嘖三復感歎若欲舒其不平之懷而無所於盡既而引觴滿酌笑語傾席有灑然長往之度而不可以羈係悲喜異狀衆莫得而識者予起而聲言曰侯君若此者豈無情也哉今夫人挾一小技奇絕試於衆不得竟掩過而弛中心必歉焉君自束書遊太學援善類

淬磨宦遊左與武弁低昂挺鍊於風沙矢石之間勁
筋骨樹聲譽此其志欲有爲者顧此官猶惻惻以不
遇盤錯見厥利爲嫌今乃爲曖昧所誣奪其志自計
年力事勢至此將一往不復而志之欲有爲者已焉
爾君惡能無不平之懷乎雖然予觀今之仕者類乎
行舟有一日而千里者有呼風怖濤扶顛持危屹屹
殫力而後至者有卒遇風濤力不及施而不濟者險
易禍福起於不測不可以人力爲也故曰宦海君自
出犯世故宦海險易經目怛心久矣乃得攜妻子歸
故鄉以耕鑿先世之所遺是回橋捲維以登坦陸思

倪小野先生全集

序

十

昔之所涉不覺汗若幸而獲免視我輩泛乎無涯
犯乎不測者何如也灑然長往之度孰得而羈係乎
侯君曰先生之言足以舒吾鬱道吾之所歸也予遂
書以贈

贈錢判官入覲序

維正德庚午爲入覲之年朝廷以監司奏念東南災
沴畱有司正專心撫字而佐代以行宗正知蘇之太
倉州事在畱列而代者實惟別駕河南錢君大本夫
自蘇至京計其程不下三千時冬月漸北水道交沍
舟車相續而後至月風霜雪露跋涉之艱幾朝夕在

臣子固不敢以言勞然宗正之職分而大本代之宗
正心豈安也哉雖然天子厲精圖治脩復太祖太宗
暨孝宗之政其大賞罰大進退符合天人固有愆疚
鬼然居漢唐之上道德之光功業之輝布濩流行而
被於遐陬者已足以化人動物而況於親炙之者乎
是又以知大本茲行誠遭逢之大幸而宗正以遠臣
徒引領瞻仰於窮海之濱能無憾焉於是設餞公所
合州衛官寮勸酬盡醉一以慰其勞一以榮其寵而
區區君友之私固有不能忘於懷者遂書以贈

奕喻贈吳必達

倪小野先生全集

序

十一

吳必達新授官將之任乞贈言於予予曰予好奕必
達奕品亞於予予嘗因奕以知之矣夫藝可以觀德
於奕則隨機善應見其敏取舍不謬見其辨持重而
行見其慎勝不務貪見其廉勝敗不介見其大雖敗
不亂見其守與人不較見其謙忙遽當枰見其靜臨
枰布子之際容色辭氣之閒而人之所存見焉故予
與人奕不以勝敗論而每於是知其爲人之概若必
達予知其慎且廉者矣夫慎不苟爲而始終周悉之
計生廉不苟取而利害交錯之途明故天下之事未
有慎廉俱而不濟者卽以其奕論之能慎勝則萬全

敗亦不至於不可收拾廉亦可保勝常有人當勝局而恣肆進取窮迫而後止卒爾之間而局勢改移反致大敗者多矣此不廉之效也夫奕藝之戲者尚不可以不慎且廉而況以身當天下之事利害禍福變於前而即加於其身其可以不慎且廉也哉必達慎且廉吾知其能處天下之事而爲官不難矣雖然人之眞性每昧於利害禍福之實地予又恐必達明於奕而昧於事故始終以奕辟之以致拳拳之意焉

狂言序

予嘗怪文人之爲文也空言之復強言之空言不足

倪小野先生全集

序

十二

以爲文強言不足以極文之變心得之身當之不得不言之而後發之於文天下之至文也是編方思道上交之書也其文皆可觀也上周侍御劉司徒爲親上羅中丞張中丞爲民上劉蘇州爲明已上某中丞爲救時事夫孝親愛民直己救時之道思道蓋心得之而其事則身當之矣聞親之疾觀民之災處讒謗遭刑辱而值時事之危是又不得不言之於是發之於文以達於上以求遂其願故其文累千萬言而不見其繁慷慨嗟悼而不見其激藉利弊析秋毫而不見其瑣反覆辨證而不見其佞慝度事宜而不見其

迂思道自名曰狂言者何蓋上交之言難於盡苟盡爲鮮不以爲狂也惟在上者明無私則不以爲狂而行之也當時固有不以思道爲狂而行之者也然不皆明無私也亦有不能行之與行之而不盡者此思道之所以自託於狂言也

送王伯孚序

昔蘇子瞻謂王懿敏公位不滿德天將復興王氏今吾邑家宰王公以狀元入翰林先帝在東宮暨御極侍經帷十餘年論思陳善啓沃功多天下望以爲相而未老謝事揆之於懿位亦未滿故其子陽明以文

倪小野先生全集

序

十三

學行誼名於時方被柄用而從子伯孚輩穎秀特拔奮庸相繼於此又有以見天之道而子瞻之言益信茲授分水關巡宰家宰公所遺明矣竊有譬焉夫植樹得氣完以盛者其發也必茂大而延久然置礎土則藹然矣氣完盛而土腴不加培植焉則完盛也有限而其發也易竭而不繼與凡植同伯孚承家宰公所遺得氣完以盛者也巡宰雖小官苟有爲亦足以樹立勳名非礎土也所勉者培植焉耳吾嘗慨宦家子以驕奢敗者非惟不培植反戕之伯孚以儻通敏之資而敏爲敦實謹飭之行吾知免矣夫居茲官

也操之以清慎勵之以名節文之以詩書此吾之所謂培植焉者而家宰公及陽明所而授當必有切於身宜於官循之易行守之有效之說伯乎其念之哉

送鄭孟博序

天下之治化係於人才人才係於學校學校之習尚人才之所以成也以今言之人才之不如古固也推其由學校習尚之弊也我朝以五經四書列於學官而旁及於子史學校習尚非不正也既久則士以是爲進取之筌蹄其有志者則又外經書而涉獵爲富綴緝爲工至於用世人才皆氣質用事幸而美者與

倪小野先生全集

序

十四

聖賢偶合一二而不得其全故吾嘗慨今之人才高者輕事功卑者昧性命剛者好勝柔者無立文則浮質則野近仁則病於柔近義則病於剛得此失彼醇一疵二人才如此求治化之成不可得也蓋天生人才氣有清濁質有厚薄清者不足於厚厚者不足於清濁者似厚薄者似清雜揉偏勝萬有不齊惟其學習不正是以人才無成然清者流動而得才之華厚者凝定而得才之實此其大較也今之科目得才之華者取之十九得才之實者取之十一是以用世疏通敏達之士常多而貞靜愿慤之士常少是又今日

之一病也夫學校人才始養之地也五經四書變化人才之具也學官學習所由正而人才所由成者如木之準如泥之範一正而百正也是官也地散而流清權輕而任重嗚呼安得有道之士爲之也哉新授泉州府訓導鄭石潭棠陵之友也吾因棠陵以交之見類有道者既而觀少谷所撰其父斷迷子墓表知斯迷子乃吳康齋之高弟不爲世俗之學直師古人而石潭得於家學也素矣嗚呼學官如石潭者則吾之說其行矣乎

送一山上人還會稽序

倪小野先生全集

序

十五

禪家者流曰一山者青年穎秀玉立塵表自學禪外能詩畫予遊會稽羣山嘗與俱焉予不知畫知其詩因知其畫予不知禪知其詩畫因知其禪且禪非儒道畫非儒藝予之弗知固也蓋詩係經典以理性情爲教古之作者尚矣自漢魏至唐詩人輩出各以所得而爲之詞大抵以滿散閒遠清空無礙者爲妙予嘗論之太上超於理其次超於情又其次超於物超於物不泥於物也超於情不泥於情也超於理非超於理乃不泥於理而理固存焉故詩至於超於理極矣至於畫雖非予知觀唐史記王維畫思入神山水

平遠雲勢石色皆天機所到則畫固有超也能詩者而以所超發於畫則畫不足爲矣若維者安知非以詩而得於畫耶禪雖非予知聞其道以虛無爲本後世厭華甘寂者恆託而逃焉則超尤其旨也詩與畫徒能無超則亦已也超則禪不足爲矣一山者畫工不工禪到不到予弗論也觀其詩品題山水嘲弄風月咸能寫其情狀而寄以意興亦時有淩厲頓挫之氣獨其所謂超者未也夫所謂超一也超於此必超於彼顧一山所超何如耳而予將有所俟也丙子秋一山來京校都綱以還予故告之

倪小野先生全集

十本

送張惠民序

我餘姚故稱文獻學三禮而顯名者無論數十家若江南張氏世以三禮顯名者也於今有濟民氏餘姚又有周易之學與三禮之學並盛周易之學其始亦有數十家至於孔安氏以周易教於鄉濟民氏兄弟惠民氏育民氏學於其所而惠民氏又以所學周易教於鄉門弟子不下數百近世周易之學以獵取科舉爲習飾文詞而止至於孔安氏始以義理發揮而惠民氏又以篤實之質體驗之功因象以觀理推占以定變識微以達顯究實以待虛四聖之旨天地之

祕蓋燦然於講說之間於是餘姚周易之學始不寧於科舉之習也惠民氏之功居多惠民氏亦鄉試顯名今爲內黃縣教諭人咸曰惠民氏學過於人年幾五十僅得茲官惜哉其窮也予曰不然君子道之窮達不在位之崇卑位苟崇矣而道之不行猶窮也位雖卑矣而道行猶達也惠民氏教於其鄉弟子造就者不知幾何今爲教諭弟子之造就者又不知幾何而道同行也然則惠民氏不得爲不達矣予又惟後世司徒之職廢幸今所謂學官以存其教後世人才不古師道不立幸有若人如惠民氏者以任其事故

倪小野先生全集

十七

風俗尚有賴焉不至於大壞惠民氏安爲之其亦有見夫子之所謂達云

送陳守禮序

昔司馬相如嘗曰不乘駟馬車不復過此橋後卒如其言世之人遂高其志而競相慕焉取必於顯榮利達之閒以拾芥視青紫以唾手覓卿相以執鞭求富貴得則揚揚雄飛失則鬱鬱雌伏於是乎決性命滅道義趨捷徑集權門凡可以求逞其志者無所不至而士風下矣嗚呼陋哉是蓋不聞聖賢之所謂志也孔子曰士志於道又曰志於仁孟子曰得志則澤加

於民古之人有志者莫若伊尹匹夫匹婦不被其澤則曰時予之幸是志在於天下也夫聖賢之所謂志性分之內者也其大小崇卑在我也可必得者也世人之所謂志性分之外者也其得喪與奪在天在人也不可必得者也君子以大小崇卑責諸我我得喪聽諸天以與奪付諸人故道得而恆休名成而不與吾友守禮以清才醇學蚤領鄉薦屢不得志於春闈將就選於天曹有愛之者進曰吾黨登甲科者或六七舉而後成顧少徘徊焉古人五十而遇如朱買臣六十而遇如公孫弘七十而遇如王昭素八十而遇

倪小野先生全集

序

十八

如太公望況守禮年力尚有可恃者乎守禮曰一過而不畱者年也應用而易耗者力也華豔而無質者名也博大而有濟者道也吾之年力固有可恃者也與其恃此以成名孰若恃此以行道與其名成以榮身孰若道行以利物古人老而後遇者由始無其時也今值其時矣與其違時而有待孰若乘時而有為噫是言也即聖人之所志伊尹之所以汲汲於天下者也有及物之仁而不以名自榮有安分之義而不與名爭利有趨時之志而不以迂自阻其古之所謂達者乎茲往尹龍陽予故為此言以明其志使益以

自堅而因以覺夫世云

毛塢志序

茲集業陵方思道所志也一丘一壑一草一木一宇一器一飲食一僦遺無所不備搜奇以發秀習野以養真遠譚以賞幽設誓以存戒去俗陋而侈之以美名因尋常而寄之以佳話或曰毛塢一塢耳不志可矣曰是非所以論思道也思道無他玩好以文為戲終日操弄筆札雖檢閱簿書應接賓客亦不廢予初非之既而思之古人動息有養故禮樂未嘗斯須去身而日游於藝禮墮樂廢藝荒而玩好之具出玩好

倪小野先生全集

序

十九

之具出而去道愈遠思道之於文亦游藝之意也故凡其所遇皆為之品題紀述而華之以文況是塢乃其依栖畱戀而終焉以處者乎此塢之所由志也我邑令丘君以義之於思道猶予之知之也猶予之論之也刊是志非為塢也為思道之於文異乎夫人也予為之序

朱白浦遊覽文序

白浦朱守忠以御史清戎江西行之日客部郎梁日平輩暨其弟進士守諧守貴饒於蕭氏園各賦詩志別日乎錄其詩而又屬其弟守諧錄白浦所作遊報

國寺記西山紀行詩爲一卷予觀之皆賢人君子之
盛遊山石雪月花木魚鳥之勝瞻眺登涉之間一觴
一詠一談一笑足以舒其懷抱而達其意趣風流雅
致傳爲故事以興起後人夫遊報國寺在甲戌歲予
正抱病家食矣己卯以後之遊予已在禮部而以性
便慢懶力憚馳驅皆不與然亦各適所好自安今於
其記若詩記之欣慕其盛而以不得與爲恨夫觀其
翰墨陳迹尚欣慕如此使追隨其間同觴飲談笑則
所以薰染變化必有所得而鄙俗少減矣又白浦在
朝於賢士必交嘉會必與恆有招延引接之意此豈
倪小野先生全集 序 二十

送大尹丘集齋序

孔子曰民可使由之不可使知之長民者之於民聚
其所好若肥其肉而堅其骨去其所惡若有以說其
病矣慈母之於子乳之哺之肥其肉堅其骨脫其病
而孺子不知也長民者之於民猶慈母之於子也而
民豈知之哉至於士民之秀而達者則有以知之矣

然各有所知而其議靡一與一利也必議其所以興
之由除一害也必議其所以除之由一剛政也
一曰義也一曰猛也一柔政也一曰仁也一曰不振
也廉也一曰性之介也一曰矯也簡也一曰有要也
一曰直而徑也文有飾與實之議禮有僞與誠之議
故始一議也中一議也終又一議也若醫者之用術
病之寒也而或投之以寒劑或投之以熱劑病之熱
也而或投之以熱劑或投之以寒劑旁觀竊視而議
者紛然及病退而奏功然後知醫者之用術曰此順
之則治者也此攻之則治者也故善治者必擇其言
倪小野先生全集 序 二一

遜山橐序

弗善者一切置於無聞此子產不毀鄉校鄭之所以
治商鞅斥爲亂法秦之所以亡故長民者得民固難
而得士之論尤難集齋丘以義宰我餘姚蓋三年於
此矣其治成而士之論定皆曰集齋之興利也不萬
全不爲除害則無根株連係之累剛不形於色柔又
有以濟其剛廉不激簡不嫚文本於學問之遠而蔚
乎其可觀也禮與士大夫相爲周旋無以傲相加也
此士之論也天子以臺臣之薦召之將大其用於其
行予故敘士論爲贈言

逖山者汝湖謝太史嘉逖之所也予嘗覽而言曰是山之奇有穠以郁者有爽以明者有靜以深者有整以潔者有閒以遠者有金谷之麗而不奢有柴桑之野而不陋有輞川之雅而廣大過之有草堂之幽而高遠過之既而觀逖山槩則又見詩之奇猶夫山也汝湖連魁天下官居翰苑尼於逆豎而家居者十有餘年遂逖於汝湖之山是山前此一荒丘也自汝湖營治其閒一丘一壑一石一草一木爲之曲成皆得以效其奇秀與夫烟嵐雪月風雲之變魚鳥之態耕牧漁樵之侶增其美勝品題嘲弄不一而足精神意

倪小野先生全集

序

二二

興之所寄一也故在於山者猶在於文章也在於文章者猶在於山也嘗聞木翁與客遊至逖山戲謂客曰吾兒經綸在是蓋小可以觀大粗可以觀精使汝湖經綸天下則事業之奇又當何如也逖山槩若干卷予嘗爲之評其槩則以其言乎山者評之盡之矣於是乎序

送鄭司訓會試序

嘗言以文章取科第文章人也而進退上下天也是者進而非者退醇者上而疵者下正也是者退而非者或倖而進焉醇者下而疵者或幸而上焉變也二

者皆天也君子取人務合乎天之正而取於人恆安乎天之變鄭君世潤兩典文衡公無私慎無苟以得士稱以天待人矣今又挾累積耀世之文章而試於春官語人曰強吾志爲其遂與否不敢必而亦不敢歎焉以沮吾志順吾時焉其利與否不敢必而亦不敢靡焉以失吾時以天自待矣觀其贈行詩文咸以取上第必之譬若良農善占早潦宜其時而又加耕耘培植之力則獲有可必者然則以鄭君之文章而強志順時其必獲者歟

送梁掌教會試序

倪小野先生全集

序

二三

屈伸之理孔子於易咸九四言之詳矣予復贅焉蓋不屈則無以爲伸屈不至則伸不大屈者所以養其伸也是故龍之蟄也所以養其神豹之隱也所以養其文鳥之三年不鳴也所以養其聲三年不飛也所以養其力木之止而積也所以養其源木之歸根復命也所以養其本故神完則化文完則顯聲完則一鳴驚人力完則一飛翽天源完則一瀉千里本完則日新不絮凡物皆然而況於人乎屈而無所養其終屈也已梁潔庵不偶於春試掌我邑之教六年屈之至矣予以爲學醇而才優因爲良蓀無俟於養也然

其世故民情或有得其理而未涉其事得其常而未通其變者古之聖賢亦必歷試而後熟也潔庵於二三邑大夫之所行者於衆鄉大夫之所論議者於八百弟子員之所請問者因以反覆於心而所養已熟天下之良藝完矣由是而履場屋而應大庭之對必有以吐奇紆異而克當帝心其大魁天下而伸之至也豈非理之必然也哉

送梁掌教尹黃梅序

梁潔庵擢黃梅縣尹夫今之縣尹古之邑大夫與天子共牧斯民有政之寄者也潔庵以淳厚敏斷之資

倪小野先生全集

序

二四

而充之以學往踐茲官有不難矣予又喜其不難者有二焉夫大匠之造宮室也營度於心而畫形於堵長短廣狹方員之規以小準大分寸不爽而壯偉之觀洞達之奧胥此焉出潔庵與諸生講論斯道閱有年歲脩治之精與夫錢穀刑獄之粗皆有定說所謂舉而措之者猶畫形於堵也今則準而施之耳夫何難哉夫奕之旁觀也孰得孰失孰凡孰神孰以謹而勝孰以忽而敗孰臨機而不悟孰得算而復疑了了於目恨已不得當局以一發其奇也潔庵與邑大夫相爲賓主者幾人旁觀熟矣今則當局發奇耳又何

難哉雖然畫形於堵至操斧則從主人之好臨政而從上之好惟求事之集以行一切之術平日定說自視爲迂而置諸空言嗚呼此民之所以不被其澤也旁觀者清當局則迷迷於求勝之心而先後失著也爲政者之迷多在於速取名譽捷奏勛勳緩急先後之間無序不達而又爲人之旁觀竊指也二者予驗於匠與奕而知者也潔庵往踐茲官則二者固所樂聞也書以爲贈

贈大尹楚石梁入廉序

我朝立法皆因前代而損益之而科舉一法比前代

倪小野先生全集

序

二五

大綱小紀而益以加詳內忌外防而益以加嚴蓋目糊名易書之餘考官則取諸各省學職之有文行者而餘事不與焉提調百執事則藩臬重臣遴選所屬之才望者而去取文字不與焉提學憲臣雖曰奉命之事而場屋之事不與焉雖中使重臣兵糧大事無不參總而科舉之事不與焉巡按則監察於上而已大抵握機者則權輕當權者則機遠所以共成天下之公道而求得天下之真才也比年以來因其舊而稍變通之以寓人法兼任之微意於百執事復責以分閱試卷於是內有內外廉之稱其取者必內外相符

而或低昂於其閒故百執事之責比舊尤匪輕不徒執事而已當其責者持衡均平不徇偏私而足以見其意之公連篇疊卷品藻不差而足以見其識之明受簡屬文旦夕立就而足以見其才之敏巧吏奸胥無所投隙而足以見其事之密且數日之閒幾燕會幾承接幾論議而賢能與否無不立辨此有志者欲因之以自見而喜與之也楚侯以賢能移宰我邑重厚而得體明敏而通變生長關西爲文有秦漢風徵與科場執事重矣哉此役也榮矣哉此役也

贈大尹楚石渠覲還序

倪小野先生全集

序

二六

楚侯以石德長才移令我邑未幾徵用科場又未幾以正官入覲其專治邑事二三月耳紀綱法度聿然振起然奸弊剗而未盡除仁恩布而未盡究如匠氏之治大廈羣才掄集經營規度咸定厥成而弘大軒豁赫奕之制人未得而仰觀也如農之治田播種芟又已竭其力而將秋之候尚缺一溉之資人未得而食其穫也如良醫之治病鍼砭九散各神其用臟腑之疴殆無所容而膏肓之豎尚依憑幽隱將聞風而避此吾邑之民恐明天子畱用我侯不得竟賢者之功爲慮昔子產於鄭仲尼於魯治久而後民歌其德

故君子用世必欲竟其功以見其志然則侯之志亦豈區區而已哉今其還也奸弊將盡除仁恩將盡究弘大軒豁赫奕之制聳動羣目一溉之資收百倍之獲膏肓之豎亦將無所逃矣此我邑之民鼓舞以樂生全之天也是爲贈

贈大尹江西臬序

江侯以進士尹上虞治功告成監司疏聞轉尹餘姚餘姚視上虞大加三倍又正官久乏專任政體弛頹人情玩忽而侯來肅然振起蓋在上虞旁風側喻久矣而實德美政適乎其向慕之心其治不亦易乎於

倪小野先生全集

序

二七

是監司重加旌獎而司訓謝旗峰率諸生詣庭宣慰屬予代言夫學校公議之所出也學校無異議民胥說矣予惟今之令尹古之諸侯有君道焉一有所蔽則無以通天下之志而宜幽釋鬱以成其治然其蔽有七賢者或不能免也況不賢者乎前後左右觀望顏色間言浸語潛奪志意是爲近習之蔽如侯者能爲所蔽乎操觚秉牘輕重在手舞文弄法莫知端倪是爲吏胥之蔽如侯者能爲所蔽乎一呼百應班聲雷沸借假官威虎狼橫行是爲催捕之蔽如侯者能爲所蔽乎公庭質對利口如刀而或厚貌若愚哀詞

動上是爲刁詐之蔽如侯者能爲所蔽乎承接兩連陳說是非陽伸冤抑陰邀厚賄是爲說辨之蔽如侯者能爲所蔽乎圖書醫卜君子所近一投其好耀寵張威是爲藝術之蔽如侯者能爲所蔽乎饋獻之微若表恭敬而要求請託實從此始是爲交納之蔽如侯者能爲所蔽乎夫所謂七蔽者察之而不能蔽君子之心惟公不待察而自不敢蔽矣易曰文明以健中正而應君子正也唯君子爲能通天下之志明則能照健則能斷故其德中正而人自應之然後七蔽去而天下之志通矣侯之明健其天授者孰得而蔽

倪小野先生全集

序

二八

之哉敏達剛明之譽見知監司而聞於天子宜也此學校之公議非予之私議也述以代言

贈郡博李惟貞序

姑蘇李惟貞爲我紹興教授越幾年化孚譽達而提督學校萬旌之口心導行確堪爲人師夫師之道豈易言哉蓋自古聖人之治天下身任其責自孔孟不得位乃成就後學而其師之責則歸於吾儒自漢以來吾儒之雜於是有經師藝師而人師之道微是故道德純備言而爲法行而爲則足曰人師游心古典善解玄要爲學者指迷是曰經師掇英擷華輒擬作

者以擅文苑之宗是曰藝師夫人師則論道爲經據辭爲藝無不可師惟墮於經藝則專門名家人師之道或忽而不講是以後世人才希世取寵資則有餘而化民成俗之術則不足惟貞心醇行確得人師之道爲一省儒官稱首宜其有益於人才多矣予昔守太倉惟貞以列鹿鳴之賓予望之若玉立於品珍之中所謂非公事不入於偃之室者是其養之有素而於今日非取空譽者也茲因諸生之請予以相知之雅故序而贈之

贈推府李約齋序

倪小野先生全集

序

二九

刑者法也刑以弼教教之所以不廢者法耳府之有推掌法者也上比於臬司又上比於三去司官以刑名而教實係焉故選於進士而超擢一省署之列於今家學淵源布於周行江西李氏其盛約齋李氏之傑然者爲我紹興府推如太阿出匣而鋒鉞所及人莫敢撓夫所以易撓者私也約齋無私者也學以窮其奧清以端其本明以識其變公以平其準剛以速其斷私無所容矣孰得而撓之哉夫地則有偏才則有全繁簡散要地也寬猛緩急人也寬猛緩急之迭出者才也朝廷以地用人人以才應用約齋以

全才而應用者也寬猛緩急唯其宜而已竊有碎焉水火濟物者也其不可犯一也然火易避而水易狎掌法者恆比諸火約齊之法如火之不可犯其濟物之功自有不可誣者也是故爲治有體知體而後可以言治矣今大中丞毛東塘嘗爲我府推以知體聞卒爲朝廷倚任約齋不愧於毛者以毛言不暇遠引八邑之所屬望也考績行舉以行贈

贈大尹顧懷東序

孔子曰吾未見剛者懷東顧侯豈非幾於剛者乎百里侯一日萬幾與萬乘天子同況吾邑在東南最巨

倪小野先生全集

序

三十

非庸儒者所能勝也懷東淡然無嗜好人固不得而投之也其所以治吾邑與用氣者殊而一以理爲準下人而無我詢衆而獨斷不怵於勢不誘於利不搖於浮議不泥於成迹夫四者之不能加非不能加也至誠感物而自不加之加也慈祥愷悌而有裁決莫滯之風和緩悠長而有堅忍不拔之操此吾之所謂剛也非世俗之所謂剛也夫徒剛在木則折在火則熾在土則崩在金則燥在水則溢而況於人乎易曰天德不可爲首也此所謂善用剛也六十四卦三百八十四爻於剛柔反覆論之詳矣大抵外剛而內柔先

剛而後柔則凶咎集之懷東外似柔而主之以剛先似柔而收之以剛此吾之所謂剛也治吾邑將期懲創扶植推科聽讞之閒以漸就緒聲聞監司而旌獎瑩至蓋剛則光輝篤實此才識精敏操履嚴謹之譽所由出也以實德膺美薦吾故探本言之歸於寮友以贈

贈魏少尹序

令之有承如手足兄弟然有左右先後之分其勢不甚相遠也而不可以自專其情不可以徑而達也而亦易以達寬猛緩急繁簡文質之閒不必其相同也

倪小野先生全集

序

三一

而有相濟不可盡言以相正也而有相成同寅協恭之義藹然於一堂之上故令苟賢矣丞之才易以見不才亦可以浮沉令苟不賢矣丞雖才得愆責反多於令況不才也耶是丞之毀譽恆係於令之賢否魏之爲丞也歷二令而才顯譽進其始也丘令閩人也其繼也楚令關西人也南北殊俗寬猛緩急繁簡文質豈能盡相同哉魏之所以處二令者不阿不激不異不同但見其才日顯而譽日進二令之賢固可槩見而魏之賢豈可泯哉是以旌獎交馳而委任獨至孔子謂治民本於復上又本於說親信友而其要在

於誠身魏之說親信友固也予不得而知也誠之一德於言貌相接之間予得而知之也誠既立矣於上於民無所不感而況乎處兄弟手足之分也哉

顧氏族譜序

易萃彖曰假廟渙曰立廟廟所以體渙合萃者也自天子以至於卿大夫皆有廟庶人祭於寢寢即廟也卿大夫以下廟以因一族之心孟子曰人各親其親長其長而天下平夫天下各因一族之心則天下之心因矣此治天下之第一義今世所謂家譜又廟之典籍尤不可缺者譜脩則族收族收則昭穆序而廟

倪小野先生全集

序

三二

斯立矣予昔知太倉州有顧姓者族盛而好禮今其孫存仁以進士尹我姚因捧其譜屬予序第觀之略倣歐蘇遺意大宗小宗各有圖註如木有根株水有源委綱紀條貫明白簡易譜錄諸篇傳信闕疑崇賢尚義皆其諸孫手錄未嘗假借文飾蓋近世家譜上授唐虞世家或入春秋秦漢而顧氏則譜其可知斷自某祖始無穿鑿附會之說有顧善夫者近世名人與其三村顧氏譌而祖之易歸依稀久矣今精考而力辨其非尤謹從姓此又崇保之士所不免者其過人遠矣范文正公吳中先達義田一事則屢致羨豔

而不敢乃於彰善懲惡濟貧恤孤弔慶之常則拳拳焉蓋責人以其所及也近世脩譜多採摭家禮儀禮等篇及諸儒議論以垂監戒子孫庸者不知損益變通則託以為迂反致枵格顧氏則虛之以俟後人其意深矣若廟所以綱紀其譜者也否則分視宗族如路人而譜棄為虛文矣此又區區之意云

濟美錄序

三試錄榮觀也以名而已以文百之一二也三試以文千之一二也三試父子以文則絕無而僅有矣若吾姚謝太傅氏文正公及其子汝湖領解元魁春闈

倪小野先生全集

序

三三

入對大庭一以狀元及第一以探花及第俱頒示其文是錄錄區區夸榮觀者哉近日君相留意文體諷諭昭明蓋文隨時推移而義理則萬古一日其體係焉公平日以義理為學而汝湖夙承庭訓故當筆寸唇自肺腑流出綴緝鍛鍊非惟無暇且不屑也發揮義理而大經大術行焉未嘗無氣也而不誇以委木嘗無節也而不急以促未嘗無法也而不刻以附木嘗無機也而不飾以巧義理所到四者相因以見固非加意而為之者也渾厚醇雅之體於此乎具公父子天才英敏科場之士未易希及而所以為式者端

有在矣是錄刊於謝氏義塾以詔諸生君子以世濟其美故易名曰濟美錄云

東谿集序

東谿于公詩文若干卷屬宗正序之宗正謂詩始於三百篇文始於典謨訓誥後惟杜工部韓昌黎詩文近古黃庭堅詩師杜歐陽末如文師韓卒自成家世稱黃詩歐陽文也夫公之作若無所師而亦無所不師詩之雅或淩於杜文之義理誠有韓之所未及者其骨完以堅其氣厚以昌其意遂以長其味淡以真而不可以風容觀也詩可以奏廟堂而歌樓舞榭未

倪小野先生全集

序

三四

之宜文可以喻鬼神而市井之徒未之悟也其調弼高其和彌寡千百人知之而不足一人知之而有餘世有膾炙人口誇耀耳目皆下里之音也何也蓋說詩心者深而說諸耳目者淺也夫文所以達義理詩固不可以義理論然不得於義理未有得於詩者也公之學惟明義理而已博極羣書尚論古人於諸家考源流覈華實坐談之間摘一辭舉一篇無能遁情故發揮吟咏而疊出無窮獨不觀諸山川乎包含停蓄之餘輝耀日月絢繪雲霞鏘鉤雷霆區區纖媚瑣怪不足爲靈也宗正謂公詩出入有唐名流文出入

有宋純儒其不沿襲以自成家其于之詩文也噫

東谿雜著序

東谿公一日曰明中庸首章太極圖說不觀可也衆愕然宗正徐曰此公道明之言也夫中庸天命止一言於子思於太極陰陽五行變化祕而不洩君子脩之之功如戒慎謹獨若是其繁歟蓋其功至則下學上達太極陰陽五行變化自然昭會見太極卽見無極是故君子思不脩耳子思示人獨至周子書其所得以示人詳略相因一而已矣因是以知公平日論議發明斯道類若此其人情物理世變事機了了於

倪小野先生全集

序

三五

漫語之閒宗正少師畢業後頗聞餘緒其子廷寅授受膝前筆而爲書宗正嘗謂公聰睿過人弱冠通周易四書長兼通各經旁涉子史羣典故其爲文學業冠一時古作凌駕前人皆其餘事而此書則淵源根柢也夫斯道古聖賢至於朱子明矣公嘗曰世儒少樹門牆遂排朱子吾於朱子之言說而安之特時有發揮所謂百世以俟聖人而不惑者夫古稱王佐之才豈別有絕能以爲人所不能爲者哉不過斯道既明而無私以行之則識達而舉機動正體統急時務鋪張天下之事而所以佐王者畢矣此公之才

惜小試而止廷實得之宗正於是乎屬望焉

送張懋學序

張龍峰卒業太學結廬清江城阿下帷讀天下書俟有所得而後出一日懷兄龍泉久滯遼左請庭命往省於是告別松菊鎖筠門擇僕唯良飭裝唯劍一囊書一籠厭燕安而甘驅馳擲繁華而向荒漠酸風苦月凍雪飛霜視若素嘗高帽短裘感慨激昂輕萬里畏途吁茲行也何其壯哉覽觀華□限界山川形勢古名將戰鬪之迹登呼鷹臺指顧□騎出沒飲馬長城窟擊劍悲歌吐露豪士肺腑拜兄亭障開瞻望眉倪小野先生全集 序 三六

梁氏族譜序

佛山梁氏自程鄉尉至客部郎日乎凡若干世矣世次昭穆皆可敘其賢善若干人皆可稱述生而嫁娶死而葬姓氏處所久不迷沒是蓋以詩書禮義世其家而譜圖不廢豈非今之所謂故家也哉日乎重脩是譜系以稽古錄家禮儀節相與維翼以導後豈非所謂孝子哉予因曰夫所謂孝者非徒飾文具禮也

有不容己之至情焉蓋祖宗子孫一氣也漸遠則漸分漸分則漸疏故人於祖宗世代遼絕不知面目何如而於同宗子孫流派殊別視若途人惟孝之至則有以體其一氣之意喘息呼吸疾痛疴癢無不相關於是乎有報本返始親親睦族之道此不容己之至情也日乎重脩是譜至情固有不容己者而因之以推廣孝道又日乎終身之事嗚呼勉哉

竹橋十詠序

黃君百川以教授歸鄉徜徉於山水之閒列爲十景各賦七言律所謂竹橋十詠也予童時見其偉衣冠

倪小野先生全集 序

三七

皓鬚眉飄若神仙少長聞鄉評以君爲首今誦十詠知其爲大雅君子也夫雅變而爲風風變而爲騷後世山水之吟多發於風騷其弊也則睥睨天地嘲弄風月畱連花鳥迂誕則荒玩傲則放託意則滯於聲色忘形則混於庸鄙甚至以夢幻爲真境以罵詈爲高節嗚呼是又風騷變而亂者也君十詠瀟散閒遠之意出於塵外而其成語農談孫謀黨規水旱之憂稼穡之樂泉石之趣時物之感皆本於性情而安於禮義篤實光明溫厚典則之氣象藹然可掬孔子曰詩可以觀此也予所謂大雅君子豈不誠然也哉論

其世者於此亦可以見其樂矣予不揣僭和五言律未免風騷之弊鼓瓦缶於黃鐘之側乘家乘者擇而取之可也

楊東丘詩序

此揚公東丘詩也予試評之其雄也如力挽千鈞其激而迅也如豪隼翺於九霄之上其沉也如投物於淵而其旋轉之餘勢猶足以鼓迴瀾其妍也如古樹幽花其用事渾成也如巧工補錦而不見其迹徐而逆之尤長於思處因其思舒處達其思夷處思難其思安處冗劇其思暇處繁華其思淡處圓事其思深

倪小野先生全集

序

三八

處交遊其思厚或曰公學博才高故其詩工予曰固也其超脫擺落之策又公之所獨得而用於詩者也或曰公工於近體而不工於古體予曰詩古今在意而不在體公以近體而寓古意孟子曰今之樂猶古之樂也予於公詩亦云

池閣諸詠序

予闢園屋西穴池潄水池上構閣環植花竹雜樹歲久森鬱迴與嵩隔木山過之唱以七言八句題曰池閣秋江與予遂相和酬夫二公之才縱橫馳騁從容矩度之中予以瓦缶廁鳴金石而學步邯鄲未免蹉

跌意二公嚶咻而予尤再鼓不振東谿公聞而疊和如老將突臨指揮布置少閒武庫變化不可端倪予觀三公之詠知天下有不可窮之才不可窮之典不可窮之句茲閣予名以谿山歲月系之以記諸詠雖未之及而於谿山發美以盡幽增麗以擅勝予乃玩味怡愉與化俱遊所以延畱歲月又何如也故手錄諸詠并其記於後

西疇序

長洲都憲陳公之從孫煥字希敘別號西疇夫西疇農夫之所從事也而希敘以宦家子託志於此其可

倪小野先生全集

序

三九

謂知稼穡艱難不為富貴之所奪者矣天下之民有四曰士曰農曰工曰商而各有厥業士以學農以耕而工商以器以利夫士得志則行所學而已苟未得志則或晦迹於農工商賈之閒而於農者尤多如伊尹耕於莘孔明耕於南陽龐公耕於鹿門而淵明之歸田園是也伊尹孔明上佐之才考其所為學堯舜之道抱膝長吟而其胸次悠然直與天地為徒固非常人之可及者況後出而相湯佐蜀事功赫著曠千古而兩見者乎若龐公所謂吾獨遺之以安淵明所謂農人告予以春及將有事於西疇是農夫作息之

常而善爲子孫計者君子於是則二公優劣有未暇論而託志於農宜有取焉希敘守都憲所遺之安而欲以遺子孫以西疇自號開田陳湖之旁引水爲渠築土爲圩而耕樂其中無旱潦之虞淡烟細雨則蓑笠易軒冕之榮青谿白石則杖履易車馬之盛嘉園雜圃則花卉易錦繡之麗是又西疇之至樂而足以終其身者矣

宮詞序

唐有宮詞昉於關雎也婦道也臣之於君猶婦之於夫也公莫嚴於君臣情莫親於夫婦分而通之以情

倪小野先生全集

序

四十

感喻之機也此離騷之所以托也孔子曰關雎樂而不淫哀而不傷愚嘗以是而論宮詞盡之矣靡麗樂也悽慘哀也君子懼其流也況至於淫且傷哉我姚許曉庵嘗爲國子官宗正以國子生輒侍言論質直慷慨多所曉譬沒後三十餘年其子出其手製宮詞一編蓋曉庵詩學少師父兄詞婉旨奧源洪流長本於關雎正也比於離騷真也用事不以幻誕爲高典也立文不以僻怪爲奇顯也過靡麗於揄揚之際愜悽慘於嗟歎之餘職卑而地散冀傳以達曉庵之志矣嗚呼厚哉

小畫序

北村楊君致政餘集古今名人小畫爲一冊江山雲月草木禽鳥人物諸狀畢具披而觀之入妙窮神一時之傑筆移景體物與造化爭工爲閒暇清玩予惟畫于誰而始也昔聖人以奇偶畫陰陽而天地萬物之象靡不包羅此固文字之始後之巧者亦因是以丹青傳萬物之神而諸家名畫迭出夫聖以數示巧以形示形見於數之表數寓於形之中雖聖巧殊作要之與物相肖而至理亦可以槩見予於名畫未嘗敢以藝視之也道心觀物而著詩思接景而工故自

倪小野先生全集

序

四一

古儒宗詞客而兼善乎畫蓋亦發其蘊而寄之於緒餘北村楊君好之勤集之富以是也夫議者每以好畫爲玩物以過與累爲戒焉噫但知畫而玩也則好之過者誠累矣果知畫之所以始則道心詩思不爲無裨而所以啓義理之奧詞章之藏者多矣而何累之足云

送相士序

予嘗讀論語視其所以一章孟子莫良乎眸子一章知聖賢相人所以定善惡也知者不徒定善惡也而富貴貧賤壽夭禍福因以定焉故其書疊出解子龍

崖讀其書以相人之術行世予乃讀告之曰相者助也相有相助之道也語默動靜飲食衣服皆可以決禍福故躁者鎮之以靜僻者擴之以通華者斂之以實陋者潤之以文使其轉禍爲福在於幾微之間所謂語子唯孝語臣唯忠者是也相者想也思也思而得之者也得其外未得其內得其始未得其終故有一見而得者有旬日而得者有三年至十年而得者所謂相逐心生相隨心滅者是也茲二者啓脩省之端屬變化氣質之方人也相人之術多以天言得予言而行之以天而參乎人君子莫不與焉樂勝喜夸

倪小野先生全集

序

四二

之徒知所警云

南垣書經講義序

五經如康節四象相因之說則舉一可以備其餘卽以書言之有書之易如洪範五行之類是也有書之詩如賡歌之類是也有書之春秋如文侯之命秦晉是也有書之禮樂如伯夷后夔所掌是也故窮一經而天下之道畢矣今之專經非獨力之不相兼亦以道無不兼也吾友茅南垣年先於予而其業相次馳驟南垣治書予治易業不同而恆相議論故有相正有相難有相補有相疎密以相發明以相資多也予

早幸科第南垣老滯於鄉及今三十餘年復相講論益見南垣之所得者有超於昔而予落落遺亡蓋南垣之於書不釋手而予之於易束之高閣久矣是編南垣得之於心而述之者也抱是編以終身必有樂其所得他不足易云

四書因序

孔子曰殷因於夏禮所損益可知也周因於殷禮所損益可知也愚嘗以是而論世之文章則因者理也不可變者也損益者辭也不能不變者也理出於人心人心之理一故不可變也辭則隨其時之汗隆分

倪小野先生全集

序

四三

今日趨而日不同故不能不變也不得其因而損益之不善變者也得其因而損益之善變者也今之時文不能不變者也習尚於場屋而瞻視乎先登且復求有以加之求加新也而怪險荒誕之辭出求加辨也而支離破碎之辭出求加瞻也而繁冗靡麗之辭出則所謂因者益以遠而其弊亦何所不至哉茲編成於吾姚一時之羣彥以四書爲理之奧故托筆於是恐病於偏見陋說故會五經之友而成於理之因者相與講明有素得之於心而肆之於筆所謂得其因而善變者也登於梓以便鈔錄而或傳於四方亦

於其四者而觀之羣彥之意也

正峯序

太湖之中有山曰洞庭某居其所世不知其幾也湖
上之峯綽秀錯奇如武之驚如文之麗如玉女之妍
如丈人之蹠可以形狀者不知其幾也蜿蜒蔓結曰
正峯如大雅君子哉崔嵬之冠披脩博之服垂琳琅
之珮飄綺麗之綬降而爲蓋映而爲屏頓而爲臺環
羅而拱者曰翠曰劍曰旗曰戟可以物狀者其峯又
不知其幾也惟某之居適與正峯相對借以爲號夫
正則以正承之也匪邪則端而承之以公平之心匪

倪小野先生全集

序

四四

撓則直而承之以毅遂之心匪弛則嚴而承之以恭
肅之心匪躁則靜而承之以寧一之心夫君子動必
以正未嘗須臾離也況終日與終身相對者乎孔子
曰出門如見大賓又曰雖無師保如臨父母與茲峯
相對信乎大賓之見師保之臨也式其瞻於青雲之
上挹盛儀於紫霞之表揖讓乎清風徘徊乎明月遊
神虛曠忘言瞻穆卽有形而無形之道存於有見而
不見之悟具易曰正其心萬事理茲峯之助有以哉
遂邑侯顧淮東受獎序

天下之廣佐天子分治者邑侯也天子提其綱邑令

理其目故邑令地專而流正天子日有萬幾邑令亦
日有萬幾吳臨川謂令有五善夫一善缺則不可以
爲邑況缺之多者乎五善備而後可以應萬幾誠者
五善之本也曰凡事豫則立不豫則廢我邑素號繁
劇近以屢有更陞墮玩相乘先生下車未幾而臺司
重加獎譽夫先生青年玉立方舍所事而蒞於案牘
簿書之間言若訥也容若退也事若不敢當也比諸
侈然自大傲然自高者不侔矣蓋其資近於誠而素
以誠是學故不假於外而存諸心者確然矣但見誠
心昭格則請託不行關節自塞廉不足言也於是懸

倪小野先生全集

序

四五

鑑無遁情而明不蔽揮刃有餘地而能不阻平其準
以施而公道大行渣其澤於下而仁恩普過五善日
集所以應萬幾而成天下之務又何難哉昔曾子恂
恂一儒者也世稱爲王佐之才不過一誠而已若先
生者豈非其人歟譬之一木根柢堅固博厚雖當霜
雪風雨之交兀然不搖但見生意敷暢茂達而參天
蔽日之勢已不可禦宗正非知人於先生知其始而
知其終宗正之所知先生之自知也故敢以是贈

秋吟序

白門宋翁好詩老而彌篤某年秋遊西湖輒有品題

名曰秋吟記時也雖然泉石之激附煙雲之勃鬱風木之瑟栗猿鶴之哀怨以至古今孤憤英烈無不感慕於中而發之於聲則蕭散淩厲閒淡清逸不徒畱連吟咏而已謂之秋吟不其然乎三吳之音高者溫和美麗其失也則淫靡纖巧秋吟則又超乎流俗而不可以泛觀矣

送管秋江序

秋江與予爲卅角交自少雋才出羣晚以鄉舉起予致政始仕領蜀幕以詩歌自放視官爲翫遊具豁如也再考歸擲省檄如棄將以病休也天曹察其能轉

倪小野先生全集

序

四六

萊郡判愛之者促就道予思秋江歸時與予論平生不幸多矣其幸者幸不爲有司擅一時之權輕失民情輕棄民命以自快陰禍其身及其子孫而不之悟也夫擅一時之權輕失民情輕棄民命志盈氣滿者然也秋江學以定其志志以帥其氣固無是患而猶以爲慮所存可知矣夫有所慮者必戒而不爲食者慮飽必不至於飽飲者慮醉必不至於醉夫必不輕失民情所謂不虐無告是也必不輕棄民命所謂不殺無辜是也夫不虐無告不殺無辜堯舜之道今聖天子之心也以堯舜之道而承聖天子之心則宣布

德澤恢弘治理何事之不可辦何官之不可爲哉秋江精力尚與強者比吾固有以望之也

贈貳守孔東溪考績序

我紹興在東南爲府最大故其守必大才而其貳守亦必有才與守等者爲之蓋非惟佐贊或權攝也孔公東溪爲我紹興貳守將六年於茲矣近舊守洪公西淙治行冠天下進參本省爲異擢而公權攝佐贊之功亦不可誣天下知有洪西淙即知有孔東溪其聲譽恆相伯仲也宗正臥病林下希接大君子不敢爲公知己昔我邑借公視篆宗正嘗登庭拜識亦不

倪小野先生全集

序

四七

可不爲知公者故敢言之公有慈祥憫悌之念而不溺於儒有決斷辨理之能而不傷於苛有貞固鎮靜之守而不墮於滯有通敏應變之長而不失於泛此其施爲大略也究其本則清白之德如冰壺玉衡懸於秋空皎然光輝不受塵穢照映四境凡在瞻觀之下者皆知之皆能言之也予徵諸聞而又有可言者公自登科入官至今越二十餘年歷大地食豐祿取於民者易而檢於身者嚴淡薄寒素前後一致其家產不加厚僅充食而已宅不加廣僅容身而已僕從不加盛僅給使令而已在紹興六年不以妻孥自隨

自奉不求豐美凡百如爲儒之日箱無餘帛囊無餘金廚無餘饌嘗觀今之清者或不免以清爲己之美而自見者公豆觴往來與服出入在人耳目一準於禮未嘗以陋敝自矯不深城府不峻門戶不厲防軫不形於顏色矜以滿也不挂於言論夸以炫也心平氣和與物無忤操存涵養誠君子之爲己者此居官立政之本人豈得而易及哉

贈推府陳見吾序

浙省大比監試慎擇內外簾官以求士外簾官亦參與去取見吾陳先生以吾紹興府推官執事外簾其

倪小野先生全集

序

四八

選重且榮矣先生積學邑庠以解元起其文傳式海內繼登甲第廷授茲官設施大略任德性而滅血氣運義理而謝權術類非俗吏之所及校文我姚黜浮靡剽切之辭惟取不悖於聖賢者上承提督下接提調旨向膺合識拔英哲大同小異輿論咸服竊惟近日君相留意文體屢頒明諭科場之餘時或勸懲蓋文所以明道亦所以蔽道知文體則道明道明則始足爲天下之才而弼天下之治故今科場上下左右同寅協恭遵奉明諭以重文體以求明夫道者故榜一懸而皆知如是之士則爲士錄一頒而皆知如是

之文則爲文所以挽士習端治術爲國家長治未休之助是固萃賢之力而先生之功亦不可誣也宗正臥病林下於先生雖未嘗握手論文而已在聞風私淑之中敢以是贈

送邑侯顧淮東入覲序

朝覲古述職也我姚至京四千餘里寒沍之月冒冰雪犯風濤易舟車而後至可謂勞矣昔人謂述職爲游觀之樂蓋因以寄耳目之娛宣心志之好也豈徒勞而已哉君子處之覽山川則知形勢歷郡邑則知風俗承尊建則瞻仰親聚僚友則聞見博參朝會則

倪小野先生全集

序

四九

見四口萬國之儀謁省署則見羣工諸司之職於賢才上下而見人品之大小於制度損益而見今日之因革觀號令之所出則知一人之威至神至靈而無遠弗屆也觀貢獻之所歸則知一統之盛至廣至大而無思不服也大賞也而因以勸大罰也而因以懲觀聖顏聆聖聰親炙唐虞之盛非徒諷誦詩書而已歡欣鼓舞慶千載之奇逢又何如也所謂無非事者豈徒述職寄耳目之娛宣心志之好又不足論也淮東尹我姚二年而治學明而誠心著茲行治行聞於上所以廣見聞長材識膺臺垣之擢基公卿之階要

未必無裨云

倪小野先生全集

序

五十

倪小野先生全集卷之二目錄

壽序

贈邵方伯南臯壽序

贈龔封君壽序

贈邵礪松壽序

贈韓憲副尚意壽序

贈東谿于公壽序

贈張副郎良軒壽序

贈王西林壽序

贈謝南臯壽序

倪小野先生全集

卷二目錄

贈王庭堅壽序

贈臨安童慶仙壽序

記

小野亭記

谿山歲月閣記

清暉佳氣樓記

天然洞記

西清書院記

擬翰林院庶吉士題名記

毛忠襄祠碑記

寶烈婦碑記

瑞蓮記

尚意軒記

後復堂記

三樂軒記

草庭記

鷗涯記

酒逸記

梅礪記

月江記

倪小野先生全集

卷二目錄

二

素履記

脩真齋記

遺安堂記

清碧軒記

東潭記

慕栴娛萱記

說

鶴野說

可齋說

致遠說

孫養靜說

跋

書大明一統圖後

題姜夢賓詩卷

題黃伯固文集

題方思道林居橐

題朱青厓去思碑後

跋李序庵詩

跋謝汝湖歸省錄

跋侯城方先生遺文

倪小野先生全集

卷二目錄

三

祭文

城隍廟祈晴文

祭毛忠襄文

祭郭孔明文

祭外父呂翁文

祭朱後軒文

祭駱龍仙文

祭邵汝礪文

祭陳虛齋文

祭懋六舅父汪公文

代諸生祭王掌教妻文

雜著

養拙

心素

靜川

苦節辭

贈節婦

釣溪

閨人母傳

先考贈禮部祠祭郎樸庵公像贊

倪小野先生全集

卷二目錄

四

先妣誥封太安人汪氏像贊

能公贊

壽星贊

俞翁贊

呂孺人贊

樂閒贊

南垣茅公贊

慕椿銘

娛萱銘

麟蹄石銘

鳳翼巖銘

紫雲峰銘

求生無憾銘

哀矜勿喜銘

附錄時藝一首

倪小野先生全集

卷二目錄

五

倪小野先生全集

詩序

七世孫 繼宗 編次

贈邵方伯南臯壽序

頌壽必本於德與功業蓋德者壽之本功業者德之徵觀功業於德亦可見如公之壽可不以功業頌乎公勛冠登高第自州大夫凡幾轉而至大方伯中間凡幾司掌凡幾參貳凡幾總轄所任凡幾要劇國體民情事機物態以至錢穀刑獄軍旅之政無不經其思慮而出於施行緝熙帝載奠安方服薦劔騰聲旌

倪小野先生全集

壽序

一

書揚美功業本細矣宗正以後生薄宦不得走承下風而目覩之姑述其槩公之退十有餘年宗正復侍几杖接壺觴有深知而樂道之者蓋大臣之退或以聲色自娛或鬻門養重高其衙城以抗絕塵俗或野服翩翩脫去崖岸節節傲自放或絕口不談天下之事皆非所以觀公也公惟嗜經史其或造而自娛乃詩歌翰墨無聲色之樂客至則欣然出迎正冠束帶笑語移日既不抗絕為高亦不翫傲自放其談及天下之事則參稽今古應度利害如以身當之而警切可行藩臬諸公有過而叩焉則開懷以對郡邑則曰

父母之邦尤不可以忽然也不當意雖不叩亦罄肺腑以告況其叩者有不盡乎士大夫有以事就謀之者謀之若已事雖狂生庸夫亦曉譬禍福且以溫和之氣孚洽於中故敬而信之者衆公之進也如大河之潤騰而為雲為雨以澤萬類退則雲消雨霽而其餘潤猶有所被也雖托迹於江風山月之閒而愛人利物之心未嘗止息此陰功肅業宗正深知而樂道之者也故老而知日益精神日益全培養壽根篤厚福基上承祖宗累葉之光下啓子孫繁枝之秀故述之為壽序

倪小野先生全集

壽序

二

贈龔封君壽序

四明天下諸洞天之一去邑百餘里歷疊嶂穿邃谷踰峻嶺而後至與塵寰隔絕誠仙隱佳地也有龔姓者世居其鄉某者抱道德才術出用於世曰非有所求也姑試吾所有也予以是知其為仙隱流也為宿遷丞政魯為一時最當道能之將破資顯用某亦將處龔脫穎求當盤錯以別利器適其子寔卿第進士悵然曰吾兒之志行吾志行矣夫當今易行其志者進士一途而已吾何強為哉即日拂衣還四明倚萬仞危峰濯足清谿長嘯天外曠然不羈指白雲紫霞

曰是吾舊所翫者也指青松白石曰是吾舊所撫弄者也指猿鶴曰是吾舊所呼而來麾而去者也今皆無恙彼不吾負吾亦何負於彼哉於是涉巢由之迹舒陶杜之趣引喬松之年忽不知壽躋古希也又曰使吾兒食豐祿吾幸有升斗之加天子之惠也不敢以爲富吾兒陟崇階吾幸有尺寸之進天子之寵也不敢以爲貴吾兒福被生民功在社稷所以報天子也於我何加焉是高而不峻方而不滯貞而能通介而不絕樂而不以爲樂有而不以爲有類古之有道者或曰公遊羣山遇神仙授長生要訣故壽予意所

倪小野先生全集

壽序

三

謂神仙得非先得吾之所敘論者歟

贈邵淵松壽序

淵松邵公壽八十松木之壽者淵松尤壽予以淵松爲公壽不亦可乎予惟姚江邵氏家地崇厚如徂徠之林人材先後輩出如松之森生公兄弟有九老會歲寒不凋者也會中若方伯公憲副公以臺省傑樂退爲鄉邦之式如松之挺拔爲世用者公偃傲其閒抱負不可尋丈爲世所遺隱然丘山之重如松之生於湖者茲松不知植自何年孕元含陽其根與石盤錯漱瀉流泉砂土不留屹立礪礪故輪囷之奇可以

充匠氏之選濯以霜雪之膏潤以烟霞之液鬱鬱蔥蔥借輝日月增光巖壑故入圖畫可以飾廣堂偉閣迅雷烈霆顛風怪雨相與鬪撼則洪響震蕩乾坤羣魔氣噎其或爲微颺飄拂則能吟鳳嘯故體其音可以壯威暢和惟夫生之於淵無爲先容知者不過袖手睥睨擊節豔羨而已輪囷之奇抱之以自固巖壑之光啻之以自養震蕩乾坤之響龍之吟鳳之嘯少舒以自娛予嘗察公筋力之強自固之驗也其顏渥如自養之驗也平生無皺眉之事自娛之驗也以是知公以淵松自況得壽之道素矣予故發之則公當

倪小野先生全集

壽序

益自信

贈韓憲副尚意壽序

韓公今年壽七十合族稱賀韓姚江望族是會衣冠禮儀之盛冠乎一時以爲無詞不足以宣其美姚江擅名文者多其人予非其人也與予有姻好私之也謬以脩詞之責歸於予予遂欣然承之予雖不能文滿知公之深也予與公齒德班行先後遠甚其所謂知者非意氣語話之閒也蓋所謂以其人知其人者也夫公文行科名宦業人皆知之人皆能言之公之所以壽者人未必能知之知之未必能悉也予知公

之深所以樂言之也夫公孝友忠信充內孚外其德
懿矣潔好端靜取與不苟其行高矣聰明通達所遇
皆辦其才長矣德懿而養之以虛冲行高而濟之以
渾同才長而出之以謙遜此三者皆足以進乎仁也
孔子曰仁者壽此公之壽所以不可量也夫人之愛
君愛國少不得志則不免有忠憤激烈之氣言辭開
往往發之或有志不果行則遂飄然於湖海木石之
閒而與世相忘公出入內外升沉州邑當利害險夷
之衝則處以不競行以無事容色言辭略無不平之
氣因循勉爲以冀行其志倘佯宦轍者三十餘年卒
觀小野先生全集 詩序 五

公者特肆言之未知公以爲何如當付之一笑
贈東谿于公壽序
古之聖賢未嘗不欲壽其身非私也壽其身則可以
行道致治故曰悠久所以成物也堯舜禹以聖相傳
而復壽故有以致雍熙太和之治孔子不得行道致
治亦欲壽其身以明道故曰加我數年卒以學易可
以無大過矣夫易乃道之變而無窮者也聖人終身
求之若有不可得而盡者蓋世至唐虞而後有授禪
之道至商周而後有放伐之道至春秋而後有褒貶
之道至有楊墨而後有距之之道至有佛老而後有
倪小野先生全集 詩序 六

至功不可建志不可行適七十致仕之期而後已此
公愛君愛國之誠心所性固有而人莫能知之者也
及其歸也則不問家事不問雨暘日與族親朋舊街
杯暢飲於花月之下漱笑吟味飄若神仙回首世途
杳若春夢此公愛君愛國之心泯於無迹而人尤莫
能知之也公之子桂登鄉進士魁其器當遠致則公
之事業必有所終此公之所以無憾也此皆仁者之
事所以爲壽之本予故言之公之爲人其和似柳下
惠而餽其不流渾俗和光似老子而本之以誠時出
謏諧微似東方朔而守之以正此予之所以爲深知

如
闕之之道世變無窮而道亦無窮也孔子生知之聖
年已七十韋編三絕猶曰加數年以學易僅可以無
大過蓋有以見道之無窮而吾日新之知與天地終
亦可也聖賢之所以欲壽其身者如此彼神仙長生
之術亦私而已矣東谿于公於書無所不讀而尤精
於易至七十之年猶手不停披口不絕吟求無窮之
道早夜弗倦故凡進退予奪毀譽休戚不動於心常
有著述不出以示人公之心以所知日新不已而有
待也由此而壽至踰期則知新著述之富又當何

贈張副郎艮軒壽序

艮軒張公以刑部員外郎謝政時論以不得竟其所施咸不平之予曰天道屈伸予奪之變相為倚伏不可端倪如艮軒魁梧奇偉慷慨豁達而學醇才長其遭屈抑天必有以厚之也已而仲子達登進士第讀中祕書為刑科給事中直言讜論無所回隱動中事機輒有裨益章疏一出為天下慶予嘗記正德中選進士為諫官艮軒弗與時論已不平矣夫君子抱天下之公心者凡所建立苟得人為之如己為之也況得子而為之者乎以是知艮軒不為不竟所施而時

倪小野先生全集

壽序

七

論亦少快矣今年艮軒壽遠以封藩之命過拜堂下榮光重疊鄉邦豔羨予觀艮軒一門子弟停峙飛翔毛質秀異而艮軒夫婦並享遐齡垂視膝下可謂全福此屈之所以為伸奪之所以為予也天必厚之予言亦驗孔子曰仁者壽而左氏所述有威儀定命之說艮軒在刑部正權奸撓政艮軒執橐力辯雖不能盡如其志多所平反其後司刑兩淮卒以是與撫按水火而因以謝政可謂有仁者之陰功其接人無少長必肅衣冠而鏗鏘周旋以仁壽與威儀定命之理觀之則艮軒之食其福殆始下箸而將以大嚼也天

之所厚又何如哉

贈王西林壽序

田舍翁多收十斛麥過生日為樂況上於此者乎然而耀金紫聚黃白遂傲然有餘生日則出珍玩列圖書盛管絃制肥擊鮮廣會賓客詞人頌德術士占福諛夫獻笑自謂豪傑安比神仙酣歌方劇而目反於室隙閱于牆泣向於隅堂上含愠而不知膝下反夷而自若則亦何樂之有哉西林承海日公及陽明之庇門開闢閭閻澤世文章薄宦以取榮善理以取羨無憂無恙連理並茂花萼相輝芝蘭列秀而西林悠然

倪小野先生全集

壽序

八

其閒了無慙德無乖戾之事形於其身也無嫌隙之聲出乎其戶也則其樂亦異夫彼之所樂云

贈謝南阜壽序

四門謝氏以詩書禮義世其家而尤以治生為務至少傅公又擴大其規少傅公之從弟南阜能謹守少傅公之規而家道益昌夫春生而秋成造化之道故人壯作而老休始勞而終逸南阜有治生之資知五穀百果羣畜之性因自然之利通曲成之法趨時而興功取羨以制用勤不矻矻儉不瑣瑣至中年而資財饒裕於是會族有堂禮賓有館延師有塾課農有

堅居工有肆凡百所需割肥擊鮮採華摘實裁堅伐
枯炊杭醱秫不他求而自足日從少傅公遊見嘉禾
被野嘉木成林嘉魚盈沼指而言曰此弟少時之所
理也少傅公曰適矣哉吾弟之志步清陰覽飛翠玩
流光怡情養性相與逸老於湖山之閒而不知歲月
之幾何也夫山林臺閣各有其適臺閣之榮固非南
阜之所慕而山林之樂又南阜與少傅公今日之所
同也茅山汝湖輒對客而言曰家有賢叔無三十年
不知之恨是南阜身在山林而名聞臺閣矣

贈王庭堅寄序

倪小野先生全集

寄序

九

餘姚王氏祖三槐者爲舊而樂安湖之王有庭堅者
督耕於樂安湖之側以自樹嘗指樂安湖而言曰茲
湖樂安之名若爲吾而設故吾於茲湖樂而安之矣
可耕可牧可漁可以舟而遊可以杖而步微風可以
觀波初雨可以觀雲積雪可以觀潔旭日可以觀霽
吾將老於茲湖之側矣吾非不知射厚利華名於四
方如犯瞿峽之逆流泛洞庭之洪濤冒錢塘之驚浪
挈妻子攜囊橐與魚蛟爭命於毫釐之間怖魄而但
魂非吾樂而安也吾實恐而遠焉於是履平坦之途
而得逍遙之趣尚篤實之務而離清和之福忽亦知

年至於六十也三子皆玉立英秀呼至膝前出諧謔
而告之曰吾家簪纓世裔吾以性僻而老於茲湖非
祖宗意也汝輩才質不凡宜策名揚勛毋墮家聲吾
固知今之所謂宦海者即瞿峽洞庭錢塘之險也然
行之有具也其操具有法也舟楫具也操之之法不
出於舟楫之外也舟楫具而善操之則駕長風泛溟
渤無乎不可況所謂瞿峽洞庭錢塘之險哉汝輩勤
學以脩其具慎行以善其操則所謂宦海者無內外
無遠近無險夷皆可樂而安之豈獨茲湖之不一
鄉者哉於是孟子倚齡騰翥於寥廓之上仲季則高
齡嵩齡振翮奮鬣有不可止之勢予乃知茲翁於身
則知守者也於教子則知用者也靜而能守動而能
用類古之有道者歟其貌充而粹常葛巾野服獨立
於樂安湖上氣象飄然人以爲有長生之術茲固其
術也歟

贈臨安童慶仙寄序

倪小野先生全集

寄序

十

予遊錢塘嘗怪其文盛而習尚日趨於靡士餘於華
工餘於巧商餘於利夫錢塘山水名天下而其風氣
之所被者乃若是邪於焉踰西谿望天目窮山水所
來臨安諸邑是道則見其人物無貴賤不問邑市遠

近大抵樸野愿慙而相率以禮投耒耜而衣冠戶達
華而俎豆丘壑道路開鏘鏘有揖讓風蓋浙之山自
天目而來蔓臨安諸邑敷鬱雄頓而衍結於錢塘則
明媚雋秀是山水之流布有華實之分而人物之習
尚有僞之異慶仙童氏臨安之大族予道其境而
嘗抵其家自垂白至壯幾數百繩繩乎以序而見予
於禮賓堂晨夕時習拜揖以度規苦受於一人無敢
譁然撓者噫是族也豈非所謂樸野愿慙而相率以
禮者耶豈非足以當山水之敷鬱雄頓者耶若慶仙
爾雅好禮又童氏之尤者其少長之規咸受成於慶

倪小野先生全集

詩序

十一

仙今壽登七秩尚康強無恙夫山川之氣得其實者
則凝靜深沉而其入近於質得其華者則發舒流動
而其入浮於文禮之在人張之則束筋骸攝精神而
其壽也易弛之則肆情欲馳志慮而其壽也難風氣
由乎山川而壽否係乎習尚慶仙之好禮山川淑其
氣風氣厚其培習尚端其德而壽固有不可量者矣
吾姚茅郡博子季仲家臨安族大而好禮與童氏等
某輩郡博之裔於公爲子行以經學鳴時翩翩乎儒
家者流不憚遠而往賀公壽也吾知合二族相與稱
慶必有可觀故重之以文

倪小野先生全集

七世孫 總宗 編次

記

小野亭記

公嚴靜自守與逆理不合故得奇福
南雅棄官歸當道復有薦者亦以禮
記以引咎也

予素不習禮以墮於野號小野冀以自克也乃遂而
不返故厯官中外凡衣冠禮樂之會朝參趨伺之期
謁訪往來之節皆非所堪尤之者曰慢也非之者曰
鄙也惜之者曰廢也高之者曰玩也與之者曰真也
予則莫知所居也解官屋之西有野一區竚望則長

倪小野先生全集

記

十一

天之末峰巒列峙斜陽之外烟雲幻聚於是立亭以
蓋竚望之所其前則斷城荒塚汚田涸浦秃樹疎籬
閒花雜草莽然野景景與人似遂名曰小野亭今年
幾耳順衰病相值髮不勝筭危冠則敲足疲以曳矩
步則躓齒落而豁語音乖錯筋骸弛束威儀弗淑頽
然一野翁矣乃學却病延生之術息交遊絕登泛薄
滋味希希夷夷坦坦徐徐何思何慮誰毀誰譽安命
脩短與化盈虛不爲子孫之末計而朝夕是圖不僭
卿相之遠憂而水旱爲虞寧屈淮陰之少年而不知
其才足以定霸寧避霸陵之避尉而不知其勇足以

誓口口權而不夸時而不趨以拙養拙以愚養愚不知咎人惟知咎予握粟足飽不求盈餘一枝以安不必廣居撫弄不絃之琴高枕無字之書惟日間壺中之有無較枰上之贏輸矢口嘲弄信手抹塗放情肆志聊以自娛仰邀義皇以上廣漠大野中人與之爲徒也乃坐於亭又不覺恹恹而長吁但見沄沄爲沼磷磷爲畦岡隆而爽徑平而紆枚日以茂苞日以舒一歲成果一季成蔬野而不野而予之野將不磨於野乎雖然榮枯者草木之常也興廢者苑囿之常也所謂化而爲煨燼變而爲荆棘非予之所及知也後

倪小野先生全集

記

二

之人過而指曰此小野之野也孰得而有諸

谿山歲月圖記

身成江澤思鱸膾

世傳邵康節前定數詩於予諱結云身成江澤思鱸膾

繪樂在谿山歲月深予歸田而因感此詩於池閣扁

曰谿山歲月夫歲月一也豈谿山而別有歲月哉云

化日舒以長是歲月以時而異也云山中日月長是

歲月以地而異也夫所謂谿山歲月豈非以時以地

而異者耶予以是自驗之弱冠見錄鄉書遂涉迹仕

途奔試期供公事集政勸營營役役者三十餘年但

見俟而朝俟而暮俟而春夏而秋冬而歲月逝矣子

夏曰事君能致其身致身不有其身也故欲事君則身不吾有況歲月哉白樂天所謂歲月屬官家是也予自脫去羈絆不受促迫幸天不以大擾相加小冗則撥小悶則排得以高枕安睡淺斟細酌閣筆微哦停局長算看花以竟春晷月以終宵暢意罄興延留光景夫偷閒尋樂達者之妙權也至是則閒與樂爲吾固有之物取之不窮用之不竭何必偷且尋哉回視三十年之歲月如一飯之夢片時之春此谿山歲月所以深且長也夫人生大化之中縱至百年歲月亦瞬息而已如予拋擲於少壯而幸獲於將老悔之

倪小野先生全集

記

三

亦晚況至老而不返者耶遂書爲谿山歲月記而因以自慶云

清暉佳氣樓記

山氣日夕佳

陶靖節詩云山氣日夕佳謝康樂詩云山水含清暉

予乃摘其詞扁樓曰清暉佳氣夫朝爲清暉暮爲佳

氣一也蓋天下名山山水皆靈之所鍾清暉佳氣往往

溢於兩開我姚龍山近自豐山延蔓而結於雁山融

蟠羣嶂之中其水東入海門凡幾轉會於咸池至雁

山二江分流夾龍山而西也山水之靈與天下爭勝

予嘗登樓觀之非嵐非霧非烟非霞清暉佳氣超於

形象聲色之表聖人有同天地於此必有契焉曾點
莫春之詠周子庭草不除程子傍花隨柳豈留連光
景者耶是故可以超八極旋萬機育羣有而與造化
爲徒夫天下山水固有坐而得者區區踰峻探幽泛
洪浚猛亦何爲哉陶謝一代豪所云吟嘯閒爾以
陶樂天知命或幾於程周曾點謝不足道也然忘言
以會意寄言以會道陶謝之所同也予自歸田習懶
反真遂狂頓悟登樓之際清暉佳氣接目怡心劃然
自明不可言喻似窺程周以上之境陶謝吟嘯之旨
亦因之而釋然矣遂述以記

倪小野先生全集

記

天然洞記

天然洞未始爲洞也仰而觀若洞焉於是隆而規之
朽而加堊不假安排而天然一洞矣洞之左坦而若
坡橫互於前舊嘗種竹樹花卉至是則森鬱妍麗
交相掩映點以紫雲三石如排峰疊嶂環秀拱奇恍
在深谷雲霞之中夏則綠陰滿戶微颺自來冬則離
照送暄朔風弗厲可涼可溫足避暑寒櫻花於春桂
花於秋豔色清香各擅時美而洞之景又天然矣吾
乃吟於斯奕於斯而坐臥於斯接佳氣弄流暉驅俗
想澄神養知而有以啓天然之悟矣因是而見天下

之事爲圓爲方爲平爲直皆天然也何必安排爲哉
夫是洞成於天然而吾乃怡天然之景啓天然之悟
以見夫天然者故名洞曰天然洞

西清書院記

南雄府治西舊有寺一區曰崇福俗曰西山寺前守
林崇正黜邪毀而去之獨留禪堂并兩翼房宴集遊
息於其處歲久牆壁剝頽棟宇傾撓階墀塌沒人迹
希至鞠爲鼠雀蕪蔓之場予造觀焉見其基域方正
襟抱明廣拱以青山環以翠林曲沼方塘映帶前後
白雲明月徘徊朝夕景物之勝萃於茲堂誠燕集遊

倪小野先生全集

記

五

息之處而又嘉者高人朗士或求之而不可得顧乃
棄於無用後人之責也予遂分命庶工少加脩治而
復綴爲蓮軒平爲蔬圃列嘉樹導清流茲堂景物之
勝增美加麗或曰此非理所先也予以爲居官致理
者有宴集遊息之處而亦足以養其清明純粹之氣
使瑣瑣於簿書期會之間則氣先清矣事機民隱不
能兼照其何以應天下之變而成天下之務哉故文
王之聖必有靈臺靈沼之樂而宴集遊息固不可以
玩愒淫慢者少之也然茲堂也久矣非昔之堂也而
人猶呼曰西山寺是實是名非夫天下之物在正其

名不正則無以彰其實古人於小物尚慎焉而不苟況宴集遊息之處乎予遂易名曰西齋書院西言方也清言地也書院明示所以守之意也於是乎記

擬翰林院庶吉士題名記

宋樂甲申歲太宗文皇帝選進士二十八人改爲庶吉士日赴內閣肄業而以翰林學士司其教欽諭至再大要欲其博古通今成聖賢之學充經濟之用不但富記補資講說炫文采而已又時賜校閱賞賚優渥作興之方養育之恩無不備至此我朝成就人才

倪小野先生全集

記

本

之大典曠千古而僅一見者列聖相承遵行如一故名卿碩輔贊助洪休闡揚大業類由是出而國家得人之功居多竊惟人才生於三代之上者皆天下之全才出爲世用一人足以辦天下之事而建不世之功若皋陶伊傅周召之徒是已自漢以來全才難得以人才名於世者明禮樂則不足於兵刑達世故則又昧於性命治簡或不宜於繁可大或不堪於小嗚呼自古所謂人才果如此者足以當之而天下之事果如此者足以盡辦之耶我朝庶吉士之選蓋欲其無所不通以成天下之全才而恢弘一代之功化雖

豪傑之士有不待教而興於此亦有以充其所未至養其所未完純粹明光而卒與古之所謂全才者並蓋天下之事學而不能有之矣未有不學而能者也而不能不善用有之矣未有不能而善用者也學之後能能之而後用此人才之所由成而國家資以佐治者不衰我朝廷進士科稱得人故事立石太學題名若庶吉士又進士之尤者大不可漫滅請上命立石翰林院題名自宋樂甲申迄弘治乙丑其選凡幾其得人凡幾皆可歷而指也俾後人知前輩勳業皆由學而成不負朝廷教化云

倪小野先生全集

記

七

毛忠襄祠碑記

廣東按察司副使贈按察使毛公弘治辛亥朝廷賜諡忠襄鄉邦像以祀之正德甲戌開州劉侯守達來尹我邑崇敬忠節獎勵風化首問公祠秉虔謁奠顧瞻左右尚缺貞石慨夫過茲祠者欽仰之餘曷由考識於是斷石爲碑命宗正秉筆以記宗正惟公忠節一時名公有傳有狀有銘有表耀鉤耳目不可掩覆復擬而言曰公名吉字宗吉自幼負氣節舉進士授刑部廣東司主事嚴明廉鯁訊囚多立驗錦衣官校逮至者一懲以法不少假借爲所憾中其毒幾死尋

陞廣東按察司僉事分巡潮惠二府時劇盜據險作
亂公預謀制勝連破龍歸寶龍石院三峒功奏未報
廣西蠻賊滋蔓高雷廉三府尤苦之衆推公往治道
路梗塞村落爲虛數百里無人烟公攬轡四顧惻然
不忍王恩覆冒之地置諸異域抵部禁誅求解煩苛
出民於豺狼之吻至雷州報賊劫大體村察知康海
縣知縣王麒忠勇可任偕往擊賊敗走之自是部內
稍寧條上方略上嘉歎陞本司副使降敕獎諭委總
一方軍務公感激思報惠州河源縣告急卽兼程進
兵敗之鋪前又敗之長峰逕口賊遁至清源縣守將

倪小野先生全集

記

八

遇之戰北公亟進援之賊見其旗幟呼曰毛家軍來
矣遂奔踰月新會縣告急公提兵至火磴頗擒斬乘
勝追至雷岫山夜號令諸將比明擊之賊棄營走山
上我師扭勝突入其營陣亂賊乘之刺殺前驅潘百
戶右哨閣指揮師遂潰公獨勒馬大呼曰無退無退
潰已不可遏從騎勸公退避公叱曰爾去誓不與賊
偕生益奮而前揮刀砍賊力屈被害時成化元年三
月一日也是日晝晦烈風雷雨山谷震動七日得屍
貌如生昇歸官吏士民弔哭相屬時從車餘犒軍銀
或密付公家僮爲歸資是日公神降於僮妻悉索以

歸官曰吾平生玉潔肯舍垢入地哉閭署駭觀謂其
斃無易節事聞贈嘉議大夫本司按察使錄其子科
今山東按察司副使爲國子生公以儒起家勇冠三
軍將略天授所至成功一挫身死而偉功不就後人
遂不奇其功而奇其死夫死固奇也考公未死以前
其所爲嫉邪惡摧權貴磊磊落落固足以見其忠節
之實行既其死也其英爽之耿耿者爲風雨雷霆不
忍以私污尤不能掩其忠節之實心然則公其始終
皎皎者豈特以一二死爲奇哉廣東人被公之德者祠
之水旱疾疫禱之禱之輒應咸神之況茲鄉公之所

倪小野先生全集

記

九

生其山川公靈所由萃也人之神之也宜哉歌曰龍
山龍從兮邦人仰止厥潤悠長兮姚江之水挺生公
傑兮秉直如矢仗節而死兮雷霆風雨有赫其靈兮
淫禍善社護持鄉邦兮佐尹之理

寶烈婦碑記

寶烈婦燕人我邑姜仁甫妾也姜判江西瑞州郡正
德辛未夏華林賊攻破郡治口寶以行時姜署印賊
至授寶而出以禦賊寶藏印於密被口至中途顧有
盛姓者父子在口語賊曰盍遣其父報諸官以贖我
賊如其言密語盛以印所在達於姜至花塢鄉給賊

曰我渴欲飲諸井遂投以死賊駭顧而去事聞廷議於時死節婦女所在官司立石旌善亭以紀姓氏大尹劉侯守建嘉賓之烈奉行惟謹君子曰女婦罹變以一死潔身其於女婦之道完矣如實知郡印爲夫生死受夫寄不敢忽於一死潔身之際從容保護以還所寄可謂忠於所事者嗚呼賢哉

瑞蓮記

正德甲戌夏邑治後池蓮花盛開紅錦紛披輝映水日而中一柄特異連蒂雙花娟靚閒麗若二環扶綠雲而降於玉霄之虛婀娜連翩若二彩鸞乘雲而翔

倪小野先生全集

記

十

回稜角晶瑩神工彫飾若珊瑚初出清波而小柯燦燦賀者曰此邑侯陞擢之祥也一見於賈侯再見於張侯今於劉侯三見之其將羽儀天朝矣予曰是固可爲劉侯賀而非予之所以賀者侯以明敏剛斷之才屹立毀譽利害之衝一準於理無少避忌初政之時民頗疑之不踰月而威行恩洽暴攝良寧我邑號爲繁劇無淹事無留獄又以其暇勸率學梓獎勵風化上信下服夫爲政本於心與天人通而天無私又托於草木之無知者故卽此祥則劉侯之草木之無知者知之而天固知之也況於人乎此則予之所

以賀者春秋不書祥瑞而易曰視履考祥善責效於祥瑞則誕故春秋不書然瑞乃德之應故易欲考祥以驗其所至予於劉侯不以爲賀者春秋之意而獨以爲賀者易之意也

尚意軒記

韓公別號尚意用以名軒予因質於公公笑曰汝知水墨畫乎數筆之間經營鬱浹而物態自足若金碧爛然愈工而愈不足觀予曰得之矣乃嗣而言曰意者天地之神聖人之運用也聖人之喻天下意而止也意不能喻而喻之以象象不能喻而喻之以數下

倪小野先生全集

記

十一

此則爲法爲術法術窮而爲權詐弗論也聖人制作始於伏羲之八卦而終於周公之禮樂八卦象之始禮樂數之極也使人心長古意足以喻矣何爲其紛紛也哉孔子曰斯民也三代之所以直道而行也由此觀之人心豈盡不若古哉韓公不敢以爲人心盡不若古而以古人待其人欲以意喻之故渾厚溫淡簡重之氣藹然可親而不可遠言也意而已不多辯動也意而已不多儀非不喜也意而已不溺於豫非不怒也意而已不傷於忿好其人意而已不媚之以夸辭惡其人意而已不加以惡色以至翺翔中外

升沈州郡司牧司憲多所履歷惠而不靡法而不苛
進不貪榮退不絕物亦惟意而已矣雖小物玩適之
閒於詩則矢口吐辭不過於鍛鍊於基則信手移子
不過於籌算茲二者衆皆知之而其意或未知之也
此公所謂水墨畫也然則登公之軒繁縟以爲文矯
飾以爲禮已不覺汗媿而況機械以爲巧險峻以爲
高軫軻多事以爲能者哉予用是以復於公公笑曰
此吾之所以尚意也遂記於軒壁

後獲堂記

張舜美扁其堂曰後獲蓋昭先世種德之心也屬予

倪小野先生全集

記

十二

爲記予惟農必擇其種之良者種於善地而灌溉培
壅扶植芟艾之功日至其後也一聽於天而不計耳
今夫方寸善地也仁其種之良者孝弟苗也乎於家
庭而被於邦國秀也範之以禮義而習之以詩書灌
溉培壅也師賢友明扶植之功也日察其妨人妒物
之私而必去之芟艾勤矣後人之所以享其報者獲
也一聽於天而不計此後獲之說種德者之心仁也
故孔子曰仁者先難而後獲可謂仁矣仁者必有獲
故曰仁則榮又曰仁者必有後然獲之厚薄積散又
有可徵者焉父種之子若孫繼繼種之則獲愈厚而

食愈裕如有周之長世者是也父種之子若孫徒知
食之而弗種之則獲不繼而食漸窘如東周之漸以
衰弱者是也父散之子復種之祖散之孫復種之則
所獲者亦足以延歲月而不乏如中興者是也幽厲
之禍及其身而不及其國蓋其所獲者厚如食之雖
狼藉而不盡然亦微矣秦始再傳而失蓋由所獲者
薄故一食而盡況秦始食之狼藉者耶若五代之君
身種之身獲之身食之而盡無遺於子若孫者也家
猶國也以國言之尤較然矣張氏之先有淡然者在
宋爲名儒至某公以行誼稱於鄉類漢所謂長者久

倪小野先生全集

記

十三

於種德者也今其孫璿以進士爲秋官大夫曾孫達
以進士爲諫大夫暉以邊功爲戶侯其鳴於鄉校潛
於家塾來而無窮吁張氏者子孫之盛處爲孝子出
爲忠臣文則振科武則拜爵獲之可謂厚矣昔于公
欲高其閭門王懿公手植三槐於庭是皆取必於獲
者也今張氏閭門高矣出入駟馬車而諫大夫行將
柄用而其先未聞有取必之言豈非所爲後獲者乎
故予爲記一以述種德者之心一以爲食其報者告
也

三樂軒記

曰中徐子扁其軒曰三樂與昆弟奉其親於中士之及門者於此乎論道焉蓋取孟子三樂之說也夫以今日觀之父母俱存兄弟無故英才有不遠千里而來者人皆曰君子人也君子人也復何愧作曰中於前後二者信自爲樂而於不愧不作未敢居將求之而未已也夫曰中大德固無可議就其細者觀之言而忠信行而篤敬未嘗不求名也而先求其實未嘗不求利也而先求其義不愧不作有之而未居謙也予曰非謙也自知之而自克之也夫子文之忠文子之清自孔子不許其仁豈沒世而不愧不作者耶子

倪小野先生全集

記

十四

路一死無悔忠與清不足言矣自孔子不得其死之論千載之下孰敢以不愧不作歸之子夏篤信聖人而不以時用其言愧作信未能免也顏子出於數子之上孔子曰三月不違仁自其不違之後與不違之前愧作自此乎萌矣蓋自知者啓其端自克者致其實諸子之愧作知之未及顏子之愧作克之未盡於此而見曰中自知之自克之求之而未已也孟子曰君子有三樂而王天下不與存焉是必明內外輕重之分而後可以言樂曰中明內外輕重之分已有素矣他日志得道行而事業之盛又豈有以易今日之

樂哉

草庭記

草庭居士構賓陽軒去軒丈餘爲垣垣之下爲壇點石爲山列盆十數雜植花卉而凡卉亦頗容於其間合而名之曰草庭因號草庭居士夫草之爲物予既而得之素矣潛陽出土膏潤微數厥色蒼蒼而近覩則無於是而得識微之道金玉之芽惟天而柔目觸心動生意油油於是而得體仁之道或蔓而引或叢而生一夕含滋崇朝改榮於是而得日新之道萬彙之殊雜然紛紜細察天能各呈其文於是而得嘉會

倪小野先生全集

記

十五

之道剪繁剔穢惟恐不亟惡種少留良類見蝕於是而得去惡之道一物珍凡相去不遠培灌之至而凡者日返於是而得遷善之道疾風披掃勁而不什雪霜交侵挺挺求固於是而得固守之道焜煌脫落索然無輝唯根唯蔕元氣之歸於是而得反本之道予一日爲草庭告草庭曰庭草不除與自家意思一般是濂溪之所得者今聞先生之所得則又廣矣予曰惟得吾之所得而後可以言濂溪之所得蓋去惡而後可以遷善遷善而後可以日新日新而後可以反本反本則識微以爲知嘉會以爲禮固守以爲義而

後可以體仁體仁則所謂意思者躍如矣予遂書之以爲草庭記如欲求濂溪之所得必自吾言始

鷗涯記

北海之野有處士楊子者嘗曰大丈夫當鶴立鷗翔鵬搏鳳翥其次則鷹揚雲霄挾嚴霜駕迅颺掠遊八極下視荒漠擇非類者而搏擊之於此不偶而或與燕鵲接翼於蓬蒿之下鷄鶩並啄於階除之間則微矣有竊一粒一餌而爲彈射中傷以青鼎俎尤不足論也或蒙人參養以受羈縻籠九華條五采日嚼玉山之禾啄金谷之果依季附滕瞻人眉宇屑吻以俟

倪小野先生全集

記

十六

呼名此莊龜陶牛所以甘於塗泥也於是結廬海涯以觀所謂海鷗者以自娛以自擬而終其身焉號曰鷗涯夫鷗羽族之閒逸者飛止之處蒲雲沙月芷岸蘭汀而已猶湖海清勝之士也飲食衎衎自得與殘噬暴吞營營不足者不同出沒於顛浪洪濤而不驚則又與玩弄世故委心去留而吉凶禍福不少動其心者同一妙悟也其凌風輕舉飄然遠去是脫屣拂衣之標莊龜陶牛雖若自放而不免汙濁尤不若茲鷗心迹俱潔是故處士所以自擬而不願乎其他也

酒逸記

重九後三日庭下菊花始開蘭葉轉秀竹石娟淨炎瘴消釋予與民泰臨軒坐賞笑語移時乃呼酒引酌予病齒久怯酒民泰於酒素亞於予茲以會晤之良感遇之好欣然舉盞若有適乎酒者予因言曰人之適酒未必盡沉酒也常以爲人有酒德有酒量有酒趣有酒興有酒用其適一也若乃賓主敘歡周旋尊俎升降應答至醉不亂名曰酒德鯨飲鯢吸至八斗或一石名曰酒量花前月下與相知一二淺斟微醺各舒所欲言名曰酒趣羈旅風塵倥傯之閒卽地爲景卽人爲侶嘲弄浪謔勸酬往復侑觴令具百出不

倪小野先生全集

記

十七

厭名曰酒興數杯之後臨文則揮毫不窘弔古則慷慨悲歌義舉則毅然當之千萬人吾往名曰酒用民泰曰若吾則德不敢當量不能洪趣則未諳興則未高而又未能用之也惟一醉之餘窮通得喪予奪喜戚不介於心腋挾清風足駕騰雲氣吞四海神遊八極飄然於功名事物之外先生若何以名之乎予曰形不能拘勢不能羈假酒通神無翼遙飛是謂酒逸民泰曰公卿大夫各有官稱山林隱逸以意自號吾以酒逸名繼而擊箸歌曰酒乎酒乎有以逸吾吾將舍吾所有事也抱甕提壺困乎爾泰窘乎爾數癯乎

爾腴鬱乎爾娛胸中天地眼底江湖不知形迹之拘與歲月之徂章甫縫紉之列吾不敢次焉將友乎麴蘖之徒委心委命終身之圖酒乎酒乎莫吾辜予遂書之爲酒逸贈

梅礪記

凡以花稱而清寒淡泊者莫梅若也梅之託有所荒村野水破籬疎林梅之所託也是故在庾嶺有風塵之擾在羅浮有邪媚之嫌在壽陽有脂粉之汙在東閣有觀賞之繁皆非梅之所託也硤川周子以梅礪自號蓋礪石古泉潔梅託於礪則根之古同石花之記

十八

潔同泉薄霜苦月積雪殘雲景物輝映而猿啼鶴唳與仙樵詩衲相盤旋尤梅之所託也梅託於礪而周子託於梅礪也林和靖治居西湖之孤山環植梅花人始知有孤山之梅是梅託於和靖也和靖二十年不入城市固清寒淡泊之流梅之託宜也周子資甚高志甚奇不爲勢利之所驅則亦一和靖又梅礪之所託也

月江記

秋月望倪子與客泛舟蕙花江直下而東幾轉而至咸池匯江愈闊以放浩蕩瀾漫與天相接月出天末

如芙蓉吐秀剗爾痕露炯炯娟好少焉徘徊布射波同溶溶焉漾漾焉金冷萬頃躍如也銜雲衝淩河湍四際生輝萬象畢見是夕烟消霧釋野曠星稀月至中天則高而益朗遠而益澄人在寰宇之中與灝氣上下飄飄乎乘虛御空太乙真人泛蓮舟不足以擬其道遙也倪子顧謂客曰月無乎不宜而於江尤宜蓋江得月而明月得江而用其明也風行水上天下之至文得月是天下之至文而又至麗也至文而至麗大觀備矣朗人達士以之洗滌塵穢陶瀉天眞若謝於牛渚李於采石蘇於赤壁勝游高致千古一轍

倪小野先生全集

記

十九

夫牛渚采石赤壁固不能卒遊也然其人皆隔世矣人知慕之而不知是月今猶昔也在此猶在彼也今吾與子夫豈徒慕者耶遂相與盡興而返

素履記

聞孔昭別號素履蓋取易素履往無咎之義也素潔也又平素也履其平素則潔矣夫人受天地之中以生則素其素有也知誘物化始有不素有志而知學則素又其素具也聖人窮達一素賢者窮不失義達不離道此素履之所以往無咎也嗚呼今之學者占一經而自立孰不欲顯用於世哉然小顯則小湫大

顯則大溜孔昭與予爲卅角交年相若資相若志與
學相若及今老而未死又相若予汨染宦塵自省多
愧孔昭筆耕硯田以經訓爲菑畲薄取自給冰雪之
懷如濯江漢洪波抱玉自珍鮮尤寡過噉噉爲清白
老儒問其居則守先人之址白屋圖書輝映青山如
素也問其食服則蔬盤茗椀對客清談危冠方履端
拱矩步如素也問其業則漫滅遺編出入相隨短檠
諷誦有得輒書如素也故其志與學雖不展亦不緇
其素具與素所有者使幸而小願未必不如予之多
愧達不離道乃未之試窮不失義庶亦近之此素履
記

倪小野先生全集

記

二十

之所以自許也予故爲之記

脩眞齋記

草陵鄒子名其齋曰脩眞予乃言曰草陵喜讀書讀
不成誦或不終篇遇有得輒欣然兀坐若有忘論切
已事滾滾如流爲文可喜可愕非盡用書中語一日
出一編示予錄所得與所戒者予觀之曰已嘗之味
對症之藥也善養生者曰我平日食某味養肺故氣
足食某味養肝故血足食某味養腎故水足故曰已
嘗之味也善攻病者曰此寒症也故投之以熱劑此
熱症也故投之以涼劑故曰對症之藥也於草陵其

所得者飽食酣飲實益於念慮之微而表見於容色
之閒不猶已嘗之味乎其所戒者苦口喫眩足以發
隱中深而去邪私也不猶對症之藥乎今之人讀書
竭日力繼之以夜強記務博華其文炫耀人目獵名
漁寵於心相去遠甚視草陵反治諸心以還其本然
者異矣夫委身瓦礫者弗論也用術假黃白以欺世
又何如哉草陵則取諸曠加意於沙汰鎔鍊之閒惟
其眞而已此脩眞之所以名齋也是爲記

還安堂記

歙人鄒子號鹿門遺隱構堂一區曰還安蓋背龐公

倪小野先生全集

記

二十一

隱於鹿門人有候之者曰先生苦居畝畝而不肯官
祿後世何以遺子孫乎先生曰世人遺之以危吾欲
遺之以安子其聞風而慕之者堂曰還安爲子孫計
長矣予乃爲之言曰人之情惡危而欲安惡貧賤而
欲富貴卽龐公之言論之富貴則危貧賤則安欲富
貴是又欲危也惡貧賤是又惡安也是豈人之情也
哉蓋富貴非危其勢則危貧賤非安其勢則安何也
人處富貴則喜怒動止之情宮室輿馬衣服飲食拏
從之奉刑賞予奪進退之權無有不獲於是志得而
氣盈大則僭擬次則覬覦又次則沉溺而罪禍至矣

予故曰富貴非危而其勢則危也人處貧賤勤稼穡僅可以得食力蠶桑僅可以得衣亟乘屋僅可以得居水旱凶荒先求其備僅可以不死賓客祭祀先求其需僅可以不乏差役賦稅先求其畢僅可以不刑凡所以自營自養早夜孜孜恆恐不給而何暇於他爲況荒村野墅不知篡奪之變山叟谿翁不知交構之機舍車而徒不知傾覆之戒高枕而臥不知謀逆之防予故曰貧賤非安其勢則安也爲子孫計者下遺以富貴而遺以貧賤是遺安之說也是龐公之意也是鄭子之所以聞風而慕者也雖然富貴貧賤天

倪小野先生全集

記

二二

也人之所遇也必甘貧賤而棄富貴巢由沮溺之徒一偏之士也聖人之所以爲安危不在乎富貴貧賤而在乎處之之道處得其道富貴亦安矣況貧賤乎處失其道貧賤亦危矣況富貴乎素富貴行乎富貴素貧賤行乎貧賤是聖賢之所以處富貴貧賤也禹湯文武傳天下於子孫而必授以處之之道子孫世守其道則能未久至桀紂幽厲失道而亡是禹湯文武非不遺子孫以安危初非係於富貴貧賤也此又龐公之未及而吾又爲鄭子告是爲記

清碧軒記

吳下金子煥骨氣類尺瓊自少昂昂灑灑無跼蹐卑猥態服食素淡不與富兒豪俠客爭侈惟日致經傳書史及名人墨蹟閒有琴書古雅亦重直以易凡所聚不同古與今皆可珍玩闢一軒藏貯而暇時則兀坐讀書撫琴或觀畫取適意而止軒前壘太湖奇石爲小山左右前後峰巒疊出呀哈撐突萬狀殊觀斷而復連伏而倏起如憑望江樓而越中羣山在一覽內雜植稊草葱木掩映諸峰巒者迴隱者遠而諸峰綽秀毓翠中峰下又穴尺地爲池遠引搖江水注於中幽寂澄瑩窺見金魚數尾悠悠旋逝遂名曰清碧

倪小野先生全集

記

二三

予過其軒而允章請記予以爲軒以清碧名蓋超然於塵埃之表而有四時不改者存想夫春雨霏微青潤流離而生意潛滋殆周庭之灑如侵旦起視新生舊除赫日流火炎塵迷途茂鬱生陰暑氣忽無冰飛雪灑若處瓊壺秋高月明露華清冷披衣夜坐觸耳天聲草木流輝照我軒楹冬行幽暝雪霜膠連柔葉長條敷榮蔓延而峰巒積雪奇峭愈妍夫是軒之所宜哉然卽是則其人之胸次已可想見所與又詞人墨客彬彬文雅者流清碧之義不獨名軒而已是爲

記

東潭記

某宅東有潭故號東潭夫天下之水流也惟潭則止故靜靜則無所消故清凡水清則見底茲潭水清而不見底故深靜也清也深也潭之常也日映之以濯錦月映之以冶金烟映之以沉璧雪映之以浸玉其元氣之所鍾蛟龍百怪之所穴元氣噓吸而蛟龍百怪相之則吐雲霧潭六合鼓雷擊霆掣電爲雨爲風撼萬木起波濤威震天地雄爭湖海此其光輝變化所遇則然也然有其常而後可以言所遇光輝變化

倪小野先生全集

記

二四

何如也

慕椿娛萱記

莊子論椿以八千歲爲春秋世以喻父也詩曰焉得諼草言樹之背諼萱也世以喻母也人受氣於父受形於母故生生則娛之死則慕之情也孟子曰不失其身而能事其親也吾聞之矣是守身者娛親之本也故娛其耳目娛其心志凡可以娛者無不爲也孔

子曰子生三年然後免於父母之懷少離則慕之慕之之本也況相離而終不見者乎故思其居處思其笑語思其所樂思其所嗜無所不慕也世之人有娛之者夸神仙極富貴踰財與分蹈費僭而不知卒至禍親身辱親身也可以謂之娛乎有慕之者惑異端之言淫於荒誕求於人不可知之域可以謂之慕乎昌化戴某父爲陳州通判捐世幾載母夫人垂白在室世守詩書禮義以淑其家名所居曰慕椿娛萱於情之不可已者盡之矣吾恐其於世人之所娛慕者有犯焉併與其情而喪之也故爲之記

倪小野先生全集

記

二五

倪小野先生全集

七世孫 總宗 編次

說

鶴野說

郭子鶴野者蓋取諸詩鶴鳴于九臯聲聞于野之文也其自況則不羈之意爾夫鶴陽鳥羽族之宗長也不幸而爲人之所羈俛首斂翮於階除之下雖飼之曰俸乘之曰軒呼之曰仙驥寵愛雖良而非其性也在野則籠視天地池視江湖友視鴈鴒奴視鷗鷺飲啄飛止惟性之適古人云昂昂如野鶴之在雞羣蓋

倪小野先生全集

說

一

以況不羈之士也或曰郭子爲科目所羅爵祿所縻進以鴻漸序以鶴行非在野之鶴矣口鶴之不羈者迹也士之不羈者心也自古君子未嘗無所事有所事而自處高明故瀟散閒遠曠達不羈之情恆飄然於富貴功名之外然後中無所累足以應天下之變而成天下之務張良輕萬戶侯封佐成王業謝安抱東山雅致鎮定江左亦其流也雖然此近之者也論其極則所謂有天下而不與焉者矣郭子生長京師交遊請謁不涉權門若寒鄉之士在刑曹聽斷請讞日不暇給公治而退則左圖右史歌詠酣奕若在林

壑其慕高明者乎瀟散閒遠曠達不羈之情亦可以見鶴野自況爲不虛矣吾故爲之說

可齋說

歎人鄭廉字宜簡嘗請齋名於今少司成陸三汀三汀曰汝字宜簡孔子曰可也簡汝盍以可名齋乎於是宜簡遂以可名齋而又請說於予予曰此三汀以人望人之意也予惟可一也而其義有淺深邪正之殊可以仕則仕可以止則止可以久則久可以速則速而各當其可孔子之可聖人也可以取可以無取可以與可以無與可以死可以無死隨時致審以求

倪小野先生全集

說

二

當其可孟子之可賢人也可以爲君子可以爲小人同流合汙而無乎不可鄉愿之可小人也聖人無可無不可而各當其可賢人有可有不可而後當其可鄉愿無可無不可與聖人同然聖人之心公而正故無可無不可而各當其可理之一定而不易也鄉愿之心私而邪故無可無不可而卒歸於不可欲之橫流而無抵也若可也簡之可蓋就其簡而論僅可耳而非其至也聖賢之可義理精微之極可之至也由是觀之可之爲義淺深邪正槩見矣宜簡師山之孫守詩禮以世其家與賢士賢大夫交觀感琢磨以成

其德而不背乎名教久爲三汀之所知三汀不望以孔孟之可而以僅可之可望之是非三汀以人望人之意耶予又慮其知可之爲可而不知所以可汎乎無準而流爲小人之歸故爲之說使知如此爲聖人之可如此爲賢人之可如此爲小人之可則終身趨避之途較然矣古人有曰在柳下惠則可魯男子則不可吾欲以魯男子之不可學柳下惠之可此又予之所望於宜簡者也

致遠說

夫登高者必於崆峒之頂遠也泛海者必於蓬瀛之

倪小野先生全集

說

三

墟遠也是故泉之出而遠也以源洪鳥之飛而遠也以翮健馬之行而遠也以足健車之遠也以輪矢之遠也以機是故聖賢者人之崆峒蓬瀛遠之的也致遠而不以是爲的非吾之所謂遠也反求諸心以洪其源終日乾乾以繼其健行而不滯輪也應而不停機也夫然後可以致夫遠矣苟或安卑以爲高見小以爲大得淺以爲深弱羽淩風疲趾當途泥其輪而求轉室其機而求迅嗚呼烏在其能致遠也哉

孫養靜說

性之久不見我忽一日來謁謂曰子游江湖樂乎遂

舉平日相接相知相慕之友詢之若存若亡若進若退答之頗悉又云某公以德行著某公以文學著某公以政事著如對其人以慰我思卒論之又皆當我意繼出名公詞翰有與之之意吁非其識之進其論安能當我心乎非其識之進星命之術安能感人若是乎近號養靜又請其文曰子養靜固宜識之進若是也子游江湖踪跡半士大夫門若非養靜者雖然迹非靜也而心則靜也子替近於靜也能養靜所謂動而無動靜而無靜似之矣夫靜之說發端於聖經詳於宋儒如子之交遇必聞其說哉聞宋儒之所未

倪小野先生全集

說

四

發是未可知也或他有所聞非吾儒之所知又未可知也目不觀書而未嘗不學故宜識速進我衰病杜門方習靜未死有得當畢其說如之何性之揖而退

倪小野先生全集

七世孫 繼宗 編次

跋

書大明一統圖後

臣惟三代以來大江之南盡爲□服漢視甌越與□
□等唐失河北宋無幽燕大抵漢以前不足於東南
唐以後不足於西北我大明一統華夏輿地四廓無
外盛矣哉臣又惟自古帝王建都惟有周爲要便都
鄴鄴以據上游都宛洛以宅中土我祖宗定鼎於南
擅天下之財賦駐蹕於北據天下之形勝是亦有周

倪小野先生全集

跋

之意也然鄴鄴偏安一隅宛洛四面受敵今北都山
海爲險有鄴鄴之固而便過之南面而治有宛洛之
宜而要固之此我祖宗開拓之弘規創制之遠慮臣
有以仰窺其萬一云

題姜夢賓詩卷

詩與字儒藝也字晉盛詩唐盛究其弊亦未近古而
後之儒終身師之未得其妙而已得其弊觀此卷予
知夢賓詩師唐而雅字師晉而勁輒有古意駁駁乎
方入於妙而其弊也免夫

題黃伯固文集

天地間皆文也文皆自然之迹也而其理寓焉惜者
弗覩也君子於是乎假手爲文旁羅天地萬物之迹
而闡其理而其文益彰矣此皆自然也其弗自然者
非文也是故文章高下淺深醇駁皆於是而定也吾
友黃伯固爲文其於理必自其大者正者言之而一
斷以古今成敗之迹是故其文多出入經史明顯平
實讀之無艱澀究之無滲漏推之無凝滯而於自然
者幾矣因以慨夫務新奇入怪僻俾人不易解以比
於文者嗚呼古之爲文將以爲惜者作也而今欲人
惜焉是豈作者之意哉吾知伯固免矣夫

倪小野先生全集

跋

題方思道林居集

予觀思道林居集評曰三有餘二不足三有餘者何
才有餘氣有餘興有餘二不足者何情不足意不足
他日以語思道思道亦以爲然而請畢其說曰思道
之於詩不事模擬剽竊取諸胷中而出於口吻如健
將接戰短兵長戟惟其所便無少窘挫此才有餘也
尊嚴之所倜傥之際衆目所屬思道則高視豪吟伸
紙捉筆旁若無人取而讀之沛然無滯此氣有餘也
事案牘如對江山居風塵如玩花月此興有餘也音
調喜頤挫而掩遏太過有乖於中和襟度喜曠蕩而

夸誕無稽不得乎平實此情不足也感古悲今而或傷於暴揚化鄙成雅而終失於淺易此意不足也夫三有餘者係於資也二不足者係於學也若思道者豈肯恃資而廢學吾知其所到必幾矣書以塞請以附切磋之義焉

題朱青厓去思碑後

漢史傳何武所居無赫赫名去後常見思夫求赫赫之名則用察爲明用威爲斷速集爲能復古爲高雖足以痛快一時而民陰受其損此民不惟不思而反憾之雖或思之而亦易忘也夫不求赫赫之名則通

倪小野先生全集

跋

三

志爲明惟理是斷微役有漸準古酌今若閭閻不足而民陰受其幅此民所以思之而不忘也醫之於人也用藥之屬傾毒破症強陽澤膚立效於旦夕而元氣潛耗脈病而不之覺也不曾求赫赫之名者乎用藥之良調元理胃護本蔚標歲月之久不惟病之脫也而康壽之基於此焉培受其功者亦不之覺也不猶不求赫赫之名者乎夫民之思不思末也而民俗醇醜國勢安危所由係也我邑侯朱青厓政尚循良所謂不求赫赫之名者也或曰青厓爲御史激揚中度遠近震懾何也曰司牧司憲體有不同故也青厓

資美學醇措而爲政所值輒效昔我邑侯王元善亦擢御史寬猛異劑與青厓相似夫求赫赫之名不過先以風裁自擬慕爲御史而已而二侯不求赫赫之名及爲御史而赫赫之名自若君子毋惑焉可也予故書於朱侯去思碑後

跋李序庵詩

今之爲詩者最多體格似矣而音調或乖音調發於性情而通乎天地溫厚和平古之音調也惟天資美粹與涵養之深者得之非鍛鍊綴緝者所及也於此不講而惟模擬乎體格甚或掇拾糟粕遂曰吾詩古

倪小野先生全集

跋

四

矣尤可歎矣今觀序庵之詩其學問淵深材氣充厚宗正有未暇論惟音韻溫厚和平涵泳之餘真有以見其直追三百篇之遺響宗正昔常按其言論亦略及此而今乃見其所到欣慕之心又何如也謹書卷末以系予私

跋謝汝湖歸省錄

弘治乙丑謝汝湖登第之年也是時國家之治隆盛之極正德丙寅初政嗣舊汝湖以侍從之臣蒙恩歸省捧封敕挂錦衣展拜庭幃士大夫榮之旣而逆豎亂政而少傅木齋公言被罷去汝湖以其子削奪官

爵生受廢棄於是賢俊剝落紀綱蕩滅天下洶洶者
一十六年汝湖讀書樂道於湖山之閒若將終身焉
者迨今上御極恢復弘治之政舉用舊臣誅斥姦黨
木齋公隆以封錫厚以存問汝湖仍復舊官行將柄
用夫君子出處關時運之盛衰汝湖之出也何時今
其處也何時今其再出也又何時予觀茲錄予於是
乎有感焉汝湖之歸也固有所爲也若預有所見而
然者受命二載優游治裝亦有所爲也若恬退以自
安者夫以世之功名之士觀之予於是乎有羨焉竊
念汝湖之登第也宗正附翼爲逆豎外改與衆升沉

倪小野先生全集

跋

五

無所樹立今則又以病謝事夫不可爲而爲可爲而
不能爲觀汝湖出處予於是乎有愧焉

跋侯城方先生遺文

聖賢所以託諸不朽者文也文以載道聖賢體道於
身而發之爲文則文固精神之寄也神仙家攝養精
神爲長生計然終歸於散聖賢之文與天地無窮則
精神長在天地閒其不朽何如侯城方先生負荷斯
道重任卒死於忠人皆惜其人亡族滅觀其文大顯
於世謂之不朽亦宜夫後人之所以想見乎聖賢必
於文而文出於手書者則精神之所接尤爲真切茲

傳記二篇乃先生手書爲一時寶重如寸珠尺璧先
生不朽者於此尤可見矣臧氏伯良台之人傑於先
生所謂曠世而相感者也某不知何如人觀其實先
生之遺篇必擇伯良而授之其亦非常人也歟

倪小野先生全集

跋

祭文

城隍廟祈晴文

神奉天命守茲土而惟其禍福宗正奉天子命守茲土而惟其賞罰陰陽職分相為表裏天子又命宗正等歲祀月謁是又左陰右陽而託以輔宗正之不逮恭惟天以生物為心天子體生物之心以為心神與宗正奉天命天子命守茲土雖一草一木一禽獸不得其生皆神與宗正之責況生人之靈乎茲土去歲

倪小野先生全集

祭文

一

淫雨秋成已虛民久乏食骨肉弗保顛沛流離餓殍載道茲土之民耗半所望者今有年爾二麥將登積雨為淫節枯穗凋蒸鬱內腐田疇既治盜水泛溢插蒔維時無可施功秧始發生隨即黃萎乏食之民上涇下塗不能展轉輸販謀生無門待死而已況疾疫流行十舉九殞茲土之凶災神固監之宗正又瀆言者畏天命畏天子命而神與宗正職守弗稱宜各罹于罰宗正恐懼脩省愆德憲政不敢有於身其才力之不逮惟望神是輔嘗聞天之命官各有攸司風以吹噓雨以潤澤日以烜燠霜雪以摧折四時以生以

倪小野先生全集

祭文

二

長以收以藏天特無思無為而已庶官各以生物之心而行其職正也今淫雨為災是坎官浸濫離官罷曠水盛火衰陽伏陰愆非天之本心明矣且朝廷利病天子許宗正等實封奏聞伏望神悉茲土利病及民物不得其生之狀昭告于天分命庶官抑雨師揚日御竄雲霾降風伯用開障蔽聿回清明天必降聽神言諒無沮過其或山澤谿潭水陸之妖竊神權而肆虐者神惟指揮神師覆巢搗穴明正厥戮然後聞之於天其或厲鬼潛悲吐氣凝陰神其出陷脫幽超彼逋遙之境無使含冤叫號闔閭如此則神功德過

祭毛忠襄文

嗚呼惟公以文學取科第彬彬一書生爾而尤精兵刑濟以勇直官居秋曹克振厥職法不以權貴而撓節不以患難而易縉紳推服名稱籍籍僉憲廣東決

志平賊明條約誓深踰險阨連擣三洞渠魁就滅
□憚其風赤子被其澤鎮臣奏其功天子嘉其策而
公益勵乃心益奮乃力轉征蠻醜山谷指畫大義激
士以一當百且戰且過羣蠻踣雷岫之役如破竹
之勢而逗遛撓功者乃生於肘腋昔諸葛亮出軍祁
山用馬謖以辱師韓琦經略西夏用任福而敗績嗚
呼英雄舉事用匪人而阻於垂成者今猶昔也邪亮
與琦隱忍旋師以圖再舉而公直以屍裹馬革豈非
欲以忠憤之氣愧庸懦於當時表節義於絕域嗚呼
一心相感斯文同脈況光明俊偉如公者哉仰廟貌
倪小野先生全集 祭文 三

祭郭孔明文

嗚呼孔明在吾黨誠所謂耿耿潔白表裏無疵者邪
幼事舉業蚤夜孜孜惟經訓是依歲積月緯以登於
機不立門戶不夸聲譽晚膺秋薦羽翮徘徊年踰知
命而後入仕蓋將竟其所施廉恥以峻其端學問以
厚其基慨悌以達其惠強毅以振其儀充其至必有
以成循良之治而輔王化之熙熙而止於斯惜者謂
其宦不營家福不庇身澤不及嗣嗚呼是世俗之私
也使其位三公祿千乘囊橐蕭然家徒壁立斷無易

移者矣蕭縣之政吾不得而知也聞臺司嘉其賢父
老感其德賻奠如交哭泣如兒吾黨子弟從其遊者
皆驚而但曰奪我明師皆公之梗槩聊託於詞

祭外父呂翁文

嗚呼惟公忠厚愿慤出於天性不加脩飾而渾然古
野之行自今人觀之誠所謂愚然泯然知巧之外以
全天壽以復天慶悠然而逝雲消水靜其若古之達
死生而全性命之正者邪且今之聰明才藝者讀書
史簡禮度而或文姦飾詐見斥於賢聖如公聰明不
及凡人而亦未嘗學其璞玉材木未嘗為椎鑿斧斤
倪小野先生全集 祭文 四

所病者邪嗚呼我之於公忝為半子自得公愛以來
歷窮通之衢而公不戚戚為我不足不欣欣為我有
餘且我妻於公不敢以尺帛豆羹私奉豈特我妻為
然抑亦公之不屑歟且我始涉宦途公老衰矣臨別
之際悽慘嗷呼倏離倏會如是者幾而公康強自如
舊歲拜公堂下候公起居竊喜無恙杯盤同娛意公
之壽不可涯涘而竟止於斯豈天之於公厚其尋丈
而靳乎錙銖聊奠一觴以比生芻

祭朱後軒文

嗚呼惟公泮水之英受學於庭潛心弗耀學抵明經

趙掇高第霄漢揚翎入仕之始分典皇刑昆吾尺剛
鍛鍊而精咸云偉利鉞刃發矟乃尼闔奸出守太安
羣盜猖獗爲城爲于忠勇掩阻以奪厥官久而復自
陪而復奪乃中義非轉判於邊乃遭抑忌掉臂而旋
嗚呼惟公明經爲學主以朴忠允宜昭格乖違弗通
濟物之才揚歷外中隨試輒効而弗顯庸白首餘志
膝下磨礱君子之澤子胥收功嗚呼惟公不知於人
而知於神質於泰靈吐露心真嗚呼惟公獲昌於後
而困於身育字之下曰鳳曰麟兄弟汝吾年好相呼
婚姻玉粲映我葭草流爾先逝涼德益孤嬉遊山水

倪小野先生全集

祭文

五

祭賂龍仙文

孰與爲徒城南之路涕淚跼蹐臨發一奠用表區區
惟公發奇元不可掩之文故名魁科第運英偉不可
禦之才故功著府部縱放浪不可羈之迹故以天地
爲家昭曠達不可拘之懷故與風月爲伍是故用夫
世者也而官止於此惜哉不盡用之者之貴也於公
何尤哉可以光前而不及顯親可以裕後而弗克昌
嗣尼於數也於公何尤哉生之於公不相識於鄉里
而相識於京華知我之深待我之厚居嘗同館有燈
火之光出或聯轡有壺觴之好推我同氣之愛分我

多了之憂公留滯西北我每寄詩與書謂公招隱而
不歸何也以詩答我云東園幾回延海月虛勞賓榻
對娟娟詞意婉婉變音調淒楚令我諷誦泣下今果虛
公榻矣豈非詩識也哉自今以後生未死之年登東
園對海月不知幾宵也皆泣下之時哀哉聞公柩泊
姚江之涯生臥病林下三年不出門戶不能赴哭特
命員兄齋香帛申忱總聞歸塋特差倪澄負羹飯奠
柩前叩頭蓋此兒曾蒙恩非他兒比也

祭邵汝礪文

汝礪之別三易檣稼千里赴音忽以報我緬思側擬

倪小野先生全集

祭文

六

有大負荷如鉅發矟如鑄出冶寶樹臨風塵外瀟洒
開口論事懸河傾寫乾端坤倪窺其上下學精春秋
兼通於左胸中包羅星燦而夥天錦脫機雲霞盡墮
奪目光輝瓊枝瑤朵萬里步驟常途天馬長江巨楫
一赴不舍垂雲之糊圓運南夏抱利待時無施不可
處囊立見天若少假如何窘阻早攫凶禍無乃超邁
厭世穢瑣玉樓是賦天帝之所往來瀛閭旌旗婀娜
遺履歸鄉青山綠野

祭陳虛齋文

維年月日春生倪宗正謹以清酌之奠致祭於中憲

大夫湖廣襄陽府知府致仕進階三品陳公虛齋老先生大人尊親家之柩前曰惟公生累世積善之門而以休德雅量仁人之心承其武乃昌乃熾益篤其祐有啓於前有邁於古弘其厥祉升而未已明經發科受官大夫載陟中憲名位方都黃金橫帶高其里閭履歷百順壽應五圖考終而逝恩從鼎湖不與衆生同其榮枯而方耳垂端然福相歲星降地精全神旺出則輝煌民牧歸則燦爛鄉望鼎鼎煒煒照人世者幾百齡而返耀於雲漢之上賢連接擁濟濟銷銷如芝之秀如蘭之芳如麒麟之遊如鳳凰之翔羅列

倪小野先生全集

祭文

七

階下繞膝捧頤葉葉舒光無不榮其生而哀其亡堂開綠野賓戚時聚基壺遺典以容以與歌舞之娛令節則舉與諸老先生爲神仙之會相爲賓主咸歎洛社缺人香山失侶宗正少遊公門蒙公垂青今復絲蘿附松兼葭倚玉婚姻締盟宗正臥病滄江不得挹榮以攀靈旒執紼以臨佳城情罪縷縷涕淚交并特遣弟宗祥以申厥誠

祭懋六舅父汪公文

惟公自少勇逸不可絆羈家塾之餘就學於賢謂賢僅足以資身未能大振家基也知稼穡難種植之

時散斂之宜於是犯霜露斬草萊不肯瑣瑣覬俛首低眉遇暴則奮其雄遇弱則守其雌操什一之權以聚財資究其心實欲強宗茂族大其門相既而果遂其志厥業過祖厥統垂見安居飽食高年自怡我母太安人以弟姊相呼表裏爲戚骨肉相須恆分其愛而補其無我少長輔我之志益我之圖言猶在耳鑿鑿不磨次子復託婚於汪門實公主其交孚七豚復託婚於愛下不論鄒楚再見陳朱恩何如其深矣情何如其學如不意不肖無知睚眦分挈蒙公垂恕而我心則耿耿不誣我衰病失侍方望後嗣圖報而

倪小野先生全集

祭文

八

公已殂嗚呼如公之亡家無覆冒親無扶持如車脫軸如戶拆茲公仙升舉宗正不得執醴就席握旒啓途遣兒申忱聊置生芻

代諸生祭王掌教妻文

嗚呼惟靈克配我師稱曰師母故生輩今日執綽旗挽麻紼退惜乎奔走蓋乾施於前坤承於後乾始其無坤藏其有此天地之大義夫婦之常經師母則盡之而無負夫金孕麗滿玉孕峴阜以師母之門輝煌乎動舊之冑歸於我師謙以待巾櫛慎以奉箕帚王氏遭寧藩之變家徒壁立不如意者十常八九而師

母則服不華身飾不盈首帛出於箱篋出於簍補缺
備空以相左右故我師志專經書文會師友起躍縱
騰脫塵離垢赫赫帝命姚庠以受觀化於芹校藝於
柳靜肅是資澹泊相守以育青年以事黃耆固中贊
之有在又內顧之無咎蓋期宦輟扶搖於南溟佩劍
崢嶸乎北斗悠悠歲月同享榮壽豈意中道飄逝如
擘失肘我師涕洟未乾於面咨嗟每形於口唯佳男
佳女往模來範足垂不朽鳳凰畜於庭除麒麟遊於
苑囿生輩觀之豈得於氣者薄而得於理者厚資於
身者近而資於嗣者久也耶生輩春風時雨樂在善
倪小野先生全集 祭文 九

祭文式法

誘故於師母敬具一奠默祈天祐剛鬣柔毛和羹鬱
酒德馨魄而有歎心香展以不苟

倪小野先生全集

七世孫 繼宗 編次

雜著

養拙

拙也者巧之反智之對小人之棄而君子所貴榮之
愚參之魯昌之訥黯之憇皆拙之類可以進於道而
不伍於猥薄奸猾之輩孔子曰得者有所不爲其此
之謂夫道家用以潛其光而其道則遠兵家用之
以養其氣而其鋒則銳陳氏子志於醫養拙名齋必
準古方以斟酌不用私智而肯戾有良之譽無庸之

倪小野先生全集

雜著

一

罪嗟嗟拙乎利己利人而終身是佩

心素

鄉有偉人曰心素者猶湛之在王氏也昔王渾爲晉
勳臣子濟尚帝室湛爲渾弟蕭然一室以周易自娛
濟知之歎曰家有賢叔三十年而不知濟之罪也若
心素兄秋官大夫兄子諫大夫而獨淡然於榮名之
間則近於湛者矣余故爲之言曰天有至色是曰太
素二五雜採惟均厥賦緇之自人百 逞驚守其初
心則寂然不動感而遂通天下之故夫易潔靜精微
素之極也故得之者文刊其華禮去其愚道剔其蠹

德斬其賊渾渾丕丕易爲之則此王湛之所以爲癡而人未之識也夫是素也太深則玄太穠則絢掩之則晦揚之則眩故懷却朱紫以白爲貴酌彼寒泉以淡爲味不華之華令聞廣譽江漢以濯秋陽以暴素王之素鬼乎以邈可彷彿者桐江之高柴桑之真天隨之散公瑾之醇若心素者惟四子是慕是爲聖世之逸民

靜川

桃溪應氏有號曰靜川者夫川流而不息者也川而靜是動而靜者也易曰時止則止時行則行蓋時止

倪小野先生全集

雜著

二

則止止而止也時行則行行而止也行而止是動而靜之義也故予爲之言曰欲川之靜惟源之求循源而出毋汨其流或雷霆之擊撞風雨之飄拂壅石之衝逆是其所遭也於汝何尤因遭而有所動則人事有以蕩其天真外變有以感其內憂是誠吾道之羞也根以欲拔隙以情投仁爲忍奪義爲利謀是流爲淤泥沙礫之所汨者亦惟自動而已矣

苦節辭

易曰苦節不可貞若李母之節苦而貞者也予爲之辭曰厥味相反曰苦曰甘甘則適口苦不可堪口苦

於味身苦於力味苦兼辛身苦兼疾李母之苦特苦於心苦味苦力百苦相尋是曰苦節匪伊陳說煥然者固尤苦於雪霏霏皚皚有屋草萊四壁風射二雛啼哀青瑩燈火孀居淚墮飯不兒飽布不兒裹沉慮萬端難而復難細切茶葉雜雪以食心益以苦勞茲肺膈清冷之氣神明與伍乃指機杼以示二雛曰衣曰食匪此焉圖豈憚寒厲骨立不斃織作匪懈雪沾其袂復指示之曰是積學積學孜孜爾機爾師農苦於耕痛苦於藥苦藥多驗苦耕多稔李母之苦厥德以成苦極而甘子以儒名

倪小野先生全集

雜著

三

贈節婦

易曰天地之道貞觀者也天得貞以清地得貞以寧婦人守節故曰天地之大義是唯孺人之貞蚤寡百折不他而後親族信之故曰誠則形年至七十而表其門閭故曰久則徵草野之議允協乎烏臺之評紳之章克承乎鳳闕之旄是唯懿德之聲

釣溪

大江之濱有處士曰釣溪蓋欲釣於海釣於江釣於五湖釣溪寄也而非其志也昔太公釣於蟠溪而得文王釣溪之釣無所遇以故付於子若弟而無所干

也亦嘗釣於經釣於史釣於諸子百家矣其得與否吾不得而知也吾嘗論釣矣超於天地萬物之上而其釣也則汎萬物而遊於中也誠焉有本也慎焉有備也學焉有具也釣於順而無所擾也釣於隱而不以爲難也釣於深而索然以出也釣於遠而陳於吾前也會而釣其通也析而釣其變也詳而釣其細也擴而釣其大也無迎其來也無將其去也惜然無知而中則皎也放焉若狂而究之莫知其底也空空侗侗希希夷夷混世而不隨同物而無我其釣得矣可以末命可以長世若釣溪者其亦有聞於是乎其未

倪小野先生全集

雜著

四

聞於是乎故曰其得與否吾不得而知也

聞人母傳

聞人母出江南徐氏徐氏多以經學顯母習於兒聞若素誦讀者故其歸於聞人氏也綜理家政克脩婦職有子德行文行其父破資延師母罄裝以助無吝色攻苦食淡怡如也近鄰或哂其迂母曰苟能成立餬口人世推其餘以贖老此固資之所出也他何所望哉此其務實而不近名大丈夫之所不及者也子婦肅然稱嚴君之名事舅姑一羹一蔬一菜一蔬稍甘者必進臨終以不得終養爲憾此其孝天性然

也舅庶子百計求舉以安其母姑悅卒舉之而舅亦遂晚年餘願此尤人之所難也聞人氏自宋至今有藥柱圖蓋誌其科第聯蟬至今尤盛族大而好禮稱母親疏無異言故知其賢云論曰婦人無非無儀名非所先也吾黨諸老先生於母咸有挽辭則非泯泯無聞其名彰矣但以不得榮壽少之卽德行輩所到固有必然矣觀其答陳西辭則名登其本心哉徐氏聞人氏門望相埒日熾日大若母者豈非所謂生於名門歸於名門而昌其家者耶

先考誥贈禮部祠祭郎樸庵公像贊

倪小野先生全集

雜著

五

鼻聳鼻揚而頤然其長聲高語洪而洞見剛腸謀利則弱謀義則強有暇則奕有客則觴生蒙直學沒被寵光

先妣誥封太安人汪氏像贊

嗚呼我母孝無容私仁不存有念不畜心冒不形口其相我父貧而能樂剛而無咎榮封載錫上壽允授得人之歡心也以周得天之順助也亦厚

能公贊

岳師爛醉擊鼓而歌其醉也收天地之春其歌也發天地之和想醉之形玉山之傾想歌之聲鸞鳳之鳴

無形無聲乃昭厥靈

壽星贊

孰爲形天有象孰爲道天無極極立於象先而象形於極表故無始無終無貌可肖其託諸丹青者象歟而得吾言或以狀夫道

俞翁贊

其貌近古其心則同其言不詭行而後從不求勝人平施而公不求多福而求避凶剛而知守柔而能無戾於鄉無辱於宗一鄉善士吾黨直躬七十高年雙鐐是翁

倪小野先生全集

雜著

六

呂孺人贊

此呂孺人喜容圖也其夫杏坡公其子樂中公皆以醫行世杏坡尤有名樂中亦有名又以孝爲予知予以戚乃爲之贊曰賢母之愛子常喜其善而怒其不善喜其善則善進怒其不善則不善止孺人之賢予略得知其終始故容不圖其怒而圖其喜乃圖者之深旨爲子者習善如熏去惡如洗則有以承其歡欣愉悅之容末保此圖於不泯不然則擲若丹青之故紙萱花煌煌明白日慈竹猗猗秀春雨鳴呼死而不死

樂圃贊

所居不廣而花木分其居所求易足而子姪共其餘若人者豈非與物同春而春滿屋廬者耶夫人有善惡乃別其區好有清濁從類之殊若人者豈非好在清流而與善人俱者耶

南垣茅公贊

頎然其長聞然其章言不露芒行不滯方名成於儒道和其光造窮理之極自一本而萬殊窺傳心之妙由二帝而三王著尚書以自樂或歌笑其如狂當經學之世曰正吾公可翺翔奈既老之弗起嗟嗟乎終倪小野先生全集

雜著

七

馬歸藏

基椿銘

有椿維秀參天之蒼泯然物表慕而勿忘如見於牆如見於羹見諸夢寐淒淒雨霜

娛萱銘

有萱維花在堂之北雨露怡悅如顏之渥春風萬廻歲年以託影在舞袖終身之樂

麟蹄石銘

仁獸不死厥蹄之遺有遺如存啓我良知步無愆矩踐而若思嗟嗟厥遺託石之奇

鳳翼巖銘

有鳳仙逝蛻其左翼靈骨不朽肅然巖立乘風則翥被雪則跼五采間燦可以瞻德

紫雲峰銘

雲出於山下鬱上騰天地為野剛風凝氣潤以潔色厲而凌勢軋崑崙乘之以登

求生無憾銘

古云斷者不可以復續死者不可以復生故君子治獄惟慎惟明求其生而不可不得已而置之於刑蓋生生天地之德而好生聖人之情嗚呼楊侯佐衡有

倪小野先生全集

雜著

人

聲

哀矜勿喜銘

人情萬狀不可測識姦偽滋長以陷惡逆故君子治之未得其情也求之是力既得其情其心惻惻赤子入井則曰是予之愚蓋有終夜不寢終日不食者若夫沾沾自喜以誇其能乃民之賊嗚呼是念可以占楊侯之德

附錄時藝一首

先生時藝甚多年遠散失於艾選文定中僅存一首附刻於此亦以垂全豹之一斑也。後學山陰吳乘權謹識

故君子不出家而成教於國

傳者論君子身寓於內而化行於外也蓋齊治一理也君子不出乎家而所以治國者在是矣化豈有不行哉大學釋齊家治國有曰家不可教而國不可教也君子以為立教有本身焉而己成教有則家焉而故不以家設教而以身設教不以國教國而以家教國躬行不出乎戶庭而所以立標準者也不在乎聲色之聞脩德不離乎宮壺而所以胥教誨者也不在乎號令之末但見人倫日用之常可以通達乎人心思義相孚之地可以變化乎風俗不必人人誨之

倪小野先生全集

雜著

九

動之有機而千里之應居然可見也不必一一喻之化之有自而四境之治可坐而致也內正則外無不正百官正焉萬民正焉而率吾之教者蓋不令而行矣親和則衆無不和和於朝焉和於野焉而歸吾之教者蓋無為而成矣是君子之教脩於家而行於國豈待出家而後成哉天下無本亂末治之理君子有篤近舉遠之道此治國所以在齊其家歟

艾千子曰註云身脩則家可教矣不出家蓋教成於家也講不出家俱根脩身此先輩文有本末處

倪小野先生全集卷之三目錄

賦

雪莊賦

辭

書陸太常祠壁

詹司訓孝思卷

贈楚尹

樂府

古意四首

筌篋引

倪小野先生全集

卷三目錄

一

巫山高

劉封君挽歌

姑蘇歌

懸壁劍

將進酒

木蘭辭

結客少年場

門有萬里客

折楊柳

白苧辭

相逢行

關雞篇

白馬篇

陌上桑

猛虎行

飲馬長城窟

古別離

行路難

採蓮曲

長安道

倪小野先生全集

卷三目錄

二

長安路

新婦歎

塞北豪

城東虎

姚江竹枝詞二首

金屏篇

吳航謠

歌風臺

擬古從軍行

紫騮馬

棕葉扇

雄州謠

古意

梧桐井

古意二首

明妃曲

楊柳枝

五言古詩

秋原長老詩卷次李崆峒韻

醉茗

倪小野先生全集

卷三目錄

三

感梅

題梁末叔詩稿

三憶

題菜

先月樓

水木清華亭爲崑山李元壽賦

食海魚戲作

贈寫真潘生

大車篇二首

盆草

倚牀琴

次韻答方思道二首

秋江

遠遊篇題畫

醉夢爲李正之題

徐中甫尹南昌

王都諫南渠謫惠州用高名千古重於山爲韻

自述

題周侍御伯通秋齋卷

分得者字爲方思道封親題賀

倪小野先生全集

卷三目錄

四

陸道巖守楚雄

聞方思道行至金山

省直

歲暮

過德州

贈王一寧

百雀圖

贈郭聖東

出棘竹

解藤杉

竈頭桐

槎中鯉

富陽道中

西清書院校諸生

憶南屏山

讀太白詩信筆

題畫

石屋

靈隱寺

雪山

倪小野先生全集

卷三目錄

五

明月洞

枯桑歎

瀑痕峰

麟蹏石

贈十六兄

紅梅圖

嬾竹

嬾梅

嬾石

嬾潮

嬾野

擬古

張良

偶過池亭見海棠已謝悵然有述

夜坐

西施菊

丘集齋欽取二首

寄沈文明僉事

輓史知山少卿

寄魏淺齋御史

倪小野先生全集

卷三目錄

六

寄謝汝湖學士

枯梅復花爲陳虞山太守賦

送鄒草陵

周鼎詞贈鄒草陵

寄王南渠侍郎

漫興

復蕭靜庵提學

謝惠白芍藥

謝鄒草陵惠鯉魚

喜容

調楊時章種牡丹

春思

小園

菊圃

農憂

全線草

石菖蒲

桑畦

送雁峰史太守

水亭二首

倪小野先生全集

卷二目錄

七

登豐山

輓張蘭齋太守

麥莊

送黃文哲黃門奉命祭告使道歸省

寄施德成諸友

聖駕幸太學

行素

靜山

滌齋爲陳郡博賦

春谷

題猷葵園

毘陵王世臣號思東

東厓

克齋

答箕篇

蘇節婦

偶爲范秋官廷宜父雜題壽冊六首

題菜花圖

輓劉封君友桂

挽詩

倪小野先生全集

卷三目錄

九

一齋

橫塘書屋爲欽人鮑滄監生題

挽秦翁

挽秦母

恆齋

寄贈胡希忠子庭懋

郊野春耕

梅花

題萱草圖

雙松圖

題一泓四景

贈潘大巡代作

又代作一首

沛公號普惠題贈

月川

湖南

洗心

望雲思親爲中書王子昭賦

夜坐

棠影移簾

倪小野先生全集

卷三目錄

九

紫竹

竹隱

南垣爲克垂題

心漁爲錢公題

賀石山翁

春風追慕爲廣西馮主事士立題

楚令母挽辭二章

雪山

友蓮

爲陸道川謝洪別駕

潤齋

末思

後溪

希古篇

松谷爲虞畫師賦

恤孤篇

松雲

贈觀瀾居士

西白爲唐子潛題

冰蘂爲星替賦

倪小野先生全集

卷三目錄

十

贈徽州吳柳田

種玉

東原精舍四首

愛桂挽詞

題平湖陸元輔伍塘卷

挽聞人元魁母徐孺人

亦泉

飛來峰

秋香玉兔圖

樂山

題猫

題施翁終墓卷

過韋德容宅題柑

偶賦二首

觀書

石泉爲衢州杜翁題

巫山詞女門

湘妃泣竹圖

小野先生全集

卷三目錄

十一

倪小野先生全集

七世孫 繼宗 編次

賦

雪莊賦

聞人邦允判赤縣事歸遂置身於花石竹木之間不知有官也戊子冬宿於其莊次日雪而回若有所得乃賦其事曰有野廣漠天高木落駕言出遊日色慘薄有莊僻野去城數里優游伴奐於焉以止維寒凜凜不勸自飲簞燈的皪草縛就寢於是倚枕擁衾輾轉復惺壁隙棟隙不觸自鳴淒淒冷冷鋸鋸錚錚倪小野先生全集 賦 一

如蚊如蠅聽之無憑印之無形熟而聽之兢兢淒淒淒密敲輕如屑其下如碎其冰橫窻素練移時爛燦樹影模糊隱隱紛亂開戶視之則見大雪瀰漫皚皚乎焉堆霏霏乎焉散宇宙山川恍然一白而覓乎改觀矣瑟瑟慄慄漉漉淡淡肅肅習習殺氣奔突如李將軍提兵夜襲風飄雨驟踰壘越域使人不可呼吸人銜其枚馬銜其勒乘便擣虛拔淮蔡之叛國聲攪鵝鶩羣醜就執而傍援偏輔皆魄喪而骨立疎楊折葦青山側映谿月輝流逝水漪動有瀟灑如玉太守者倚檣危坐冠聲禁正吁吁乎戲戲乎剗然孤嘯自

唱自應緬懷故舊到門罷興捲帆回棹篙工聽命迴
高人而不見對寒谿之澄靜契我道於不言賞雪宵
之獨勝少焉扶桑影圓朝暉徘徊輕風浮露之中高
帽短裘如鄭先生者從滿陵橋策蹇踏雪而來其眸
若睨其肩若頽揚鞭若有所得鼓瑟若有所推篇長
響遠節短音哀幽思寄草清興在梅慷慨則歌燕趙
神仙則味蓬萊攀八極步上台蓋將駕巨浪而超墟
埃夫是三者雪中之奇事真耶非耶或意之所及而
夢之所協耶或像之所似而景之所接耶是皆不可
得而知也夫千載之下而遇奇事於千載之上依稀
倪小野先生全集 賦 二

彷彿不必究論蓋其心閒而趣曠志高而情放則與
古今而同狀者也噫

倪小野先生全集

辭

七世孫 繼宗 編次

書陸太常祠壁

春雲淡淡兮春雨霏霏檜柏森鬱兮柳依依蘭爲室
兮桂爲楣螭蟠豐碑兮耀華詞吾王之澤兮故人之
思青虬欲下兮江之湄願容與兮歆芳采右迎神
聲在俎兮酒在茅滿堂嬉笑兮幽明之交聲樂繁急
兮維土與匏倏忽以別兮登林梢日渺渺以送兮雲
霧遙山有月兮江有潮我有慕兮還招右送神

倪小野先生全集

辭

一

唐司訓孝思卷

南浦有偉人兮剛直而介濟以夷敏兮德日于邁講
誦六經兮資以聖賢旁通子史兮論說傾川不事矯
飾兮天性恬淡雅好山水兮探幽遠覽尤篤於孝兮
惟養其志事苟可從兮不強爲異賑乏恤寡兮乃快
於心賓朋嬉笑兮暢飲豪吟世有若人兮厥行如古
障樹頽風兮於世有補嗟嗟夫世兮以用舍爲賢愚
孰知茲人不科目而與顏閔齊驅以顯晦爲高下孰
知茲人不卿相而與箕穎同價其出也如麟鳳死圖
其形久則愈明其生也如芝蘭凋畱其香久則愈揚

陰功不泯兮慶在子孫世世濟美兮神明長存

贈楚尹

孟子曰得乎丘民而爲天子是丘民者天子之所由尊崇者也天子而下曰公曰侯曰伯曰子男其所由尊崇可知矣今之縣令古之子男也有君道焉故臺省之明揚不若田野之威慕縉紳之稱譽不若子女之謳歌楚自順天寶坻轉尹我邑自簡易煩當道蓋能之也下車未久已得丘民之心茲行恐明天子畱用幸其來予乃述其心爲之歌曰

倪小野先生全集

辭

二

雲爲旂兮霞爲旌夾青虬兮車北征雙鳧飄飄兮朝玉京雪霜燦燦兮照臣誠天子之屏兮書其名簡其心兮拔其英我丘民兮望政成攀轅臥轍兮道路盈我侯行兮梅花明我侯來兮楊柳青我侯行兮灘有聲我侯來兮江水平我侯來兮春復生公道顯兮恕以行賦不煩兮差役輕鷗鳴伏兮鸞鳳鳴醉此姚江今神有靈我侯之德兮江比清

妙詞一篇

倪小野先生全集

七世孫 繼宗 編次

樂府

古意

武廟欲南巡公同黃鞏連名疏入俱午門外跪五日杖五十是時幾死猶以詩諫也

綠煙縹緲籠朝日雜樹當窻花影密象牀初下強梳妝羞舉憲前畫眉筆昨宵夢見畫眉人朝來臨鏡雙眉顰金蓮不出洞房裏春風遠檻莓苔新

中宵情未洽舟子忙催別執手各無言飲淚聲嗚咽

細雨迷曙光煙景蒼茫茫江深潮去急侵曉送君航君航隨潮不可住妾心隨潮侍君傍請君試聽江潮

倪小野先生全集

樂府

一

聲聲爲妾之悲傷

秋江寒落波澄亮芙蓉花發高一丈江心月色上花枝但見光輝滿江漾我思美人顏正好秋江一別芙蓉老芙蓉開落自年華美人千古情無涯

妾憶出嫁時光華動羣目濟濟神仙班出入瓊瑤閣清晨媚顏容對鏡頻膏沐承茲君子懽清選諒無作一朝見疏遠自分妾命薄日理廚之下羣婢同淪落且炊復且烹風雨黃昏惡跬步遠華堂晨夕爲君作

笠篋引

河之水兮悍且壯魚龍逆奔不能上舟楫具兮善操

者倏焉失勢倏焉喪公乎公乎龍魚之牙利如戈一
壺將奈何公乎公乎舟楫尚覆於清波一壺安足多
河之險兮人共知公乎公乎生長於斯老而不悟實
我悲公乎公乎夫婦之義生雖不相信死願長相隨

巫山高

湘江不可渡遙望巫山高相思無奈何欲飛無羽毛
湘江與巫山相思無奈託夢問巫山之峰何重重飛
度一峰又一峰十二峰頭路轉賒苦爲雲雨相蔽遮
雲兮雨兮有時散巫山依舊隔天涯

劉封君挽歌

倪小野先生全集

樂府

二

百花冥冥日杲杲錦鞍照耀都門道兄弟戚友送遠
遊南國江山馬前好寧知生死有定方回輻慘澹旌
旗縞仙魂已駕行雲歸白鶴一聲唳秋曉來時春色
當纖穠歸時草木含淒風來時歌笑滿庭除歸時哭
聲候城隅南遊雖樂不可復白日不照泉下屋

姑蘇歌

昨過姑蘇城偶有所見而述此嗚呼長民者
不能示以禮義道其恩愛而風俗之敝一至
於此吾故粗述其養生送死之不同以感動
之倘得附吳謳而傳於舟人巷豎之口必有

思其平生之卒而戒子孫以身後事者字子
仁人之心或可因之而生矣

湖水澄清山秀明水山照映姑蘇城城中兒女嬌且
奢臉紅膚白眉髮青四腮鰭魚長腰梗純綿溫麗紗
羅輕姑蘇服食天下稱如何送死非生平嗟伊生長
繁華叢一死魂魄隨颶風平生膚肉愛逾玉一吞瓦
礫波濤中莫言姑蘇山水好死後不得同腐草草木
腐落還著土游魂無著啼霜曉姑蘇尺土如尺金人
死不得入土一尺深

懸壁劍

倪小野先生全集

樂府

三

君不見青龍陣裏風雲休英雄已謝平蠻侯古吳爭
羨高誼酬千金價重君家收特構藏劍室錯鏤銀環
挂東壁風吹練帶垂不搖一痕秋水月光溢夏窗兀
坐毛骨寒急雨打瓦江傾湍蒼鱗玉鼠森開張軒檻
閃電疑離蟠赤身抱泣願俱化恍惚平地窺乾端須
臾澄霽復幽寂壁間形影還相看此心直欲獻天子
佞臣首領安能完

將進酒

將進酒花開時風光照眼桃李枝雕簷高飛白日暮
銀燭輝輝離幃垂蓮花漏水頻相催綺筵擊鼓行金

杯極憐歌喉轉新嫩柳隄旭日常初弄當此青春不
劇飲上林寂寞殘花夢方昆山真高士新洋江隔如
千里安得促席共狂吟夜半白鶴忽飛起諸君飲酒
莫言止一官崇卑同到死萬鐘五斗各一飽素位行
之而已耳張吾眸但見春酒如江流長吸不覺鯨魚
愁諸君飲莫休明日東西各有謀但逢飲者吾之儔

木蘭辭

軍書忽下有爺名擘杼拋機代遠征香夢頻驚金柝
急弱身翻覺鐵衣輕肝腸激烈揚軍氣鄉里咨嗟羨
女英十二年來同火伴晨昏動止獨分明

倪小野先生全集

樂府

四

結客少年場

大風起兮雲飛揚挺身結客少年場黃金散盡無吝
色白馬騎來生耿光江湖落落起黥布郡縣攘攘索
子房莫向人前誇智力時來盡化為侯王

門有萬里客

門前寶馬玉珂聲有客遙爲萬里行劍影陸離心皎
潔刺文漫滅氣崢嶸黑貂敝後功名就白羽揮時議
論生若箇寒衣從爾往青雲夾道與天平

折楊柳

一株楊柳綠含煙折取低枝作馬鞭露葉垂垂愁不

展風條嫋嫋恨相牽青旒飄蕩如花舞願保容顏比
樹妍舞榭歌樓見春色莫忘今日別離邊

白苧辭

白苧裁衣恰稱身垂羅舞袂豔華春光流蕙葉翻風
秀色奪梨花映月新轉盼揚清時獨立含情送意爲
誰親千秋萬歲君王賞願化青雲護紫宸

相逢行

道上相逢雲錦車一時貴盛說儂家弟兄出入麒麟
殿房園栽培芍藥花傾蓋語言明義分銜杯意氣壓
豪華要予同躡青雲路嘉會蹉跎重自嗟

倪小野先生全集

樂府

五

圖雞篇

紫陌園觀同錦籠揚翅樹羽濯清風氣衝楚霸髮盡
豎血戰睢陽心獨雄高步隊前如賈勇長鳴日下似
矜功龍爭虎鬪干戈地笑付當場劇戲中

白馬篇

白馬聯篇碧玉羈人如騰躍馬如飛風高青海呼鷹
去雪滿陰山縛虎歸直探河源爭遠利橫驅□□破
重圍安邊勳業聞天子金印繫繫挂紫衣

陌上桑

採桑陌上是誰妻嫩葉柔條拂面齊腕約銀環凝雪

白鬢垂翠勾壓雲低踟躕使客還停駕惆悵耕夫亦
罷犁自分託心元有處東風回首鳥空啼

猛虎行

遊子悲歌猛虎行苦心耿志向誰明抱琴長往戴安
道持節未歸蘇子卿惡木道傍無好陰盜泉井上有
汚名整車肅肅趨時命肯此踟躕阻去程

飲馬長城窟

飲馬長城之窟傍泉聲鳴咽客心傷鞭敲會苦秦人
築號令猶嚴漢將防水濁漂流烽燧雨沙浮斑駁
饑霜封書遠寄秦川婦應重相思夢戰場

兒小野先生全集

樂府

六

古別離

悲莫悲於生別離別離乃在玉關西唯看墮淚西衣
袂空義飛塵趨馬蹄芳草色深春夢斷征鴻路杳暮
雲低男兒勳業成何日心憶歸期未敢提

行路難

終篋屢亂不須彈且聽人同行路難破山白浪經三
峽插地青霄度七盤班姬失寵顏無恙田相生填酒
未闌一片太空長注目爲雲爲雨竟無端

採蓮曲

白鷺塘西是妾家朝朝塘下採蓮花私憐嬌豔花相

並羞觀招搖葉半遮脈脈片雲含雨意盈盈一水野
天涯吳謳越吹情無極岸芷汀蘭望轉賒

長安道

長安道上聲喧赫云是新封大國伯虎賁舊領殿前
軍狗盜陰藏門下客劍履直入九重門樓臺兼并千
人宅漫令禽鳥被光榮未離極樞蒙恩澤天子之下
稱一人天子威福關喜嘆白日輓回生氣勢青雲提
上令緣因仗鉞秉旄奔偵帥排門入閣通錢神八驕
霧擁熊熊士千騎星馳犀象珍車裝擔負如流水日
日輪蹄權幸里積玉堆金堪作山賣官鬻獄眞成市

倪小野先生全集

樂府

七

用比泥沙太不經欲如豁空應無底財雄笑碎珊瑚
株貨奇預置邯鄲女南苑西山樂未休鑾輿又啓穆
王遊放鷹大漠頻迷處飲馬長江欲盡流遠道風塵
飛羽檄夕陽波浪打魚舟滿眼瘡痍勳業地幾人膏
血宴酣秋古來惡極何可久覆轍相尋前與後兩虎
共圖不俱生六龍反正復何有鬼關家今作笑歌天
奪魄今集四谷市曹僧記李斯言關門意容商鞅走
我昔長安城此徒郎當瘦馬避傳呼未醒浮生熬鹿
夢又看遺影木臚圖獅子豔姬形偃僂妖腰亂領血
糝糊三族之誅亦慘矣萬死不悟何爲乎

長安路

長安路長安路塵埃十丈如煙霧只恐急雨隨風來
瘦馬伶仃日將暮

新婦歎

妾昔爲新婦入門盛容飾裙綃芙蓉花釵分鳳凰翼
團扇蛾眉青高髻鴉頭黑蜀錦纏頭宮樣妝吳綾帕
手銀光色簫韶一派上高樓金蓮步步生嬌羞嫂送
東城隅姑候南陌頭一時交贈慙慙意紅羅百段相
贈稠三年下樓來當廚又是小婦新婦時夜隨花燭
接新婦燭前觀者分妍媸今年接新婦明年接新婦
倪小野先生全集 樂府 八

塞北豪

塞北豪黃沙捲雪烏風高錦繡燦爛青驄驕銀光甲
束緋魚袍出門撓轡橫金刀翻身一箭連雙鵬指揮
猛士如兒曹長驅萬里清腥臊回頭飛機開天朝夜
臥轅門星斗搖平生一卷龍豹韜贏得形容閣上描
甘與野燒同枯焦男兒當如塞北豪

城東虎

虎在山意氣猛吼如雷獸雄長一朝失脚入東市兒
童瓦礫亂如雨踰牆蹈梁上人牀一箭中日市中死
嗟嗟猛虎出山林有若雉兔爲人擒身據崇深不早
悟兒童戲逐當野路

姚江竹枝詞二首

姚城東畔大江橋朝夕遙通定海潮郎心那得如潮
信來往橋邊夕復朝

後橫潭水險如何一過清江數尺波更恐清江橋石

惡郎舟好趁順潮過

倪小野先生全集 樂府 九

金屏篇

君王妙選入金屏自恨元無婉嬈情點綴綠雲新製
錦招搖明月坐吹笙吹笙學得神僊曲十二峰頭騎
白鹿魚龍波浪路漫漫桃李烟霞花簇簇簇簇花開
經幾春回首雲山憶故秦容顏自有胭脂色還念金
屏舊伴人

吳航謠

東吳有客船爲家眼前射利爲生涯青年兒女把篙
櫓紅絲繩映包頭紗姑嫂相逢偶泊處隔船呼喚邀
喫茶船尾半蓬斜日輝倚蓬對緝鞋頭廡願言明春

賣買好十錢買朵杭州花

歌風臺

市宮四顧皆山河樽前起舞風雲歌沛中父老來相
見上堂重認真龍面沛中子弟拜堂下私言不怕人
侮我貴極不忘故脚踏茅茨路樂極反成哀涕淚沾
樽斝三尺出去六龍還至情乃在鄉園開歌風臺下
今荆棘依依草樹風雲色

擬古從軍行

眼前一斗酒坐聽擊筑歌意氣輕沙漠腰劍耀秋波
明日玉關道匹馬渡西河願屬霍車騎挺身符離過

倪小野先生全集

樂府

十

生縛左賢王馬上橫金戈歸來拜天子封邑不辭多

紫騮馬

飄飄紫騮馬曾上崑崙峰上有長生禾咀嚼無春冬
雄氣食野虎殊質孕天龍願爲將軍用長摧□□鋒

棕葉扇

棕葉裁爲扇團團月樣同直以纖微質奉揚仁惠風
紈綺休相如蒲葵頗爾工娟娟素心女持以掩羞容

雄州謠

雨後刈茅草雨前刈茅草茅草長於人刈之何日了
一刈茅盈把再刈茅盈抱我茅比姑多我力比姑少

短裙不掩脛僕僕塗泥道市頭米價高易餒不能飽

古意

早恨衣工拙誤我千金裘裁縫失時制不得尚衣收
鷗鷯毛自好慙慙謝白頭

梧桐井

夜半梧桐井輓轡亦停聲妾心如轆轤輾轉到天明
古意二首

悔不當初委此身悔來君意恐非真綵雲影合佳期
遠白雲歌傳別調新已託虛憲穿幕月甘隨清路上
衣摩四方有志輕離別豈是當年薄倖人

倪小野先生全集

樂府

十一

采石江頭試醉衣妾心對月共光輝琵琶絃上心應
遠芍藥欄邊事已非鸞影依依秋水鏡覩香香綺
羅帷春梅曆有凌寒意肯逐東風散漫飛

明妃曲

昭君恃玉顏不肯賂黃金黃金迷世路玉顏冤抑深
遠嫁同棄置終身抱苦心玉顏一朝埋路邊□人指
點漢嬋娟青青芳草故鄉色東風歲歲還相憐

楊柳枝

畫眉樓畔舞柔枝烟黛初分淺淡姿轉眼春光逐流
水東風散亂不如眉

倪小野先生全集

七世孫 繼宗 編次

五言古詩

秋原長老詩卷次李崆峒韻

逢人何落落逢僧一笑開況是能詩僧骨氣無塵埃
虛堂借我眠燈燭青蓮臺隔座吟哦聲細雪洒江梅
清瘦韻逾遠天末飄風來攬衣立堂下星露明蒼苔
欲解錦囊琴入手幾徘徊寫茲林壑音白鶴俄飛回

醉茗

聞醉飲茗醒未聞飲茗醉若人號醉茗此意豈無謂

倪小野先生全集

五言古詩

一

置身樽鼎間糟粕填胸胃人醉百穢生君醉乃滌穢
清晨淪玉瓶雪鼎泡新翠龍團百和餘清芬鬱蘭桂
恥與桑落伍價壓金陵貴一椀復一椀便覺睡魔退
七椀不辭頻長吸東溟費捧來猶不辭病渴若未飲
盧全量全窄虛此諫議惠百竅津液生舌底九江味
頽然紗幘斜坦腹收春媚悠悠何有鄉同我默不對
千日喚不醒夢採梅花碎

感梅

伊梅母所植母亡梅還存見梅而問母堂上虛黃昏
伊梅未開時我意未敢言花開正綽約欲言仍斷魂

珠簾淡雲態玉鏡明月痕花落爲成子樹老惟存根
冰玉堪比德燦燦枝頭繁折之心惻惻畱以候春溫
東風忽然至寂寞綠葉園青山日落時伊梅空倚門

題梁永叔詩稿

壯哉楚竹集音節慨以慷落落江湖心觸手俱成章
君心近義皇君才薄王楊所以君文章不與時低昂
大雅今復作合以登明堂

三憶

芝庭武揮使嘗燈夕酌予於圃亭又瞰予暇
攜觴豆過話繼後詩筒不絕嗚呼今物故矣

倪小野先生全集

五言古詩

二

作三憶以哭之

憶昔元宵月照君庭上花對月酌花下燭影搖絳紗
此月近元宵與渺天之涯花好共誰折月好酌誰家
月光隨流水花落更歲華良景往往復至人往無回車

二

憶君不可見花下吟窩開望望花日午坐對空樽罍
樽罍待君酒有詩待我裁白日照階庭一鶴立蒼苔
我正午夢醒殘雪畱憲梅忽作故人思小車無復回

三

憶昔君好詩和我端午詞薰風動蒲艾我正喜晴時

高枕看浮雲小軒開清池有詩來雙魚慰我長相思
我思復依依君詩渺難期重閱舊時篇迴見瓊玉姿

題菜

小圃春雨晴百畦長新翠採摘正及時市筐價高貴
盈盈白玉盤大嚼如未餒濡炙羅前筵但覺無滋味

先月樓

樓前江水環渺渺到天際碧落連淨漪黃昏轉澄霽
涼生露氣滿光散雲華細鏡匣玉涵空簾鉤銀墮地
梧葉聲入簷桂樹影搖砌自謂嘉景俱忽憶故人至
瞻梁見顏容倚欄凝志意書成何處將琴展爲誰試

倪小野先生全集

五言古詩

三

坐捫遠懷心笑對寒輝臂干戈西營愁杯罍南樓醉
古人不可期老志由來銳徘徊夜何其歌嘯興還未
舉目望東洋曙白扶桑樹

水木清華亭爲崑山李元壽賦

積雪耀春陽光生讀書處池漪泛新綠芳葉吐高樹
樹色共波光染就日成趣小雨潤若膏風送斷烟去
白鳥點落間叢薄連瀨瀕此景迴難言聊著丹青句

食海魚戲作

巨魚長於人厥口豁若谷雙髻玉又撐髻尾類削木
清晨上海洲失勢何局促沫流沙水痕入市駭衆目

有客買惠我納以輪廚屋廚人睥睨之礪刀浴其鏤
老婦憫餘生舉手不忍觸流涎樽俎間閑筍想膏腴
高呼復狂走始斫几上肉須臾出盆碗鬻烹分頭腹
主人恣大嚼吸濡盆碗覆何當衆客前饒口惟我獨
春日照簷櫺鼓腹對醅醪

贈寫真潘生

我貌具五行於衆固不異反而非其情亦不能嫵媚
想像生色餘充然堂以粹稿木蘊神機弗入尋常視
我徒飽官祿膚肉免憔悴烏紗午日輝海霞分淺醉
錯落頻與眉氣宇吐光霽謝君五色筆營度出天意

倪小野先生全集

五言古詩

四

君實去後圖慟彼兒童記我聞傳神者豈美形相類
所貴傳心神厥意乃古遂春雲謫瑤空微風動新翠
秋月江波平積雪朝曦麗品題縱天豪隨處我神寄
丹青不我假君亦忘繪事

大車篇二首

大車間且好出門何浩浩陰朔白銀轡暢轂黃金轡
駘服駕長風旄旗映青杲百物旣以備豈不願行早
恢廓千鍾箱迢迢萬里道惟願至所期年歲未云老

二

大車間北征道上雞旣鳴趨向極脩廣軌轍循易平

相彼淺收車豈不捷以輕方途兩迷昧忽爾中道傾
遲速既以異成敗亦以明駕茲大車者行行重行行

盆草

客從山間來惠我一盆草抱此霜雪姿舊葉類枯槁
隱隱夜雷鳴一雨朝來攬衣起翫之生意亦微渺
草木良有知葉葉散光皎

倚牀琴

緬仰古君子意思遠以長豈謂言不能言之弗能彰
鬼神情幽眇人情反覆所以託諸琴庶以露潛光
感通徹無碍上下而四旁形骸云在我宛若我心腸

倪小野先生全集

五言古詩

五

而我或昧述語我指下腔物我苟俱悟不彈亦何傷
遠去良不可援之結連牀靜以會其意同遊何有鄉

次韵答方思道二首

相知既以心相報亦以勞清世聯衣冠豈不感逢遭
當途奮援引各欲假羽毛採芳纔爲佩比子金錯刀
意氣管與鮑功業蕭與曹慨慷擊筑歌仰視秋旻高

二

李白有天才一官屈夜郎玉石矇世目用舍反其常
俚音播絲竹昌言指爲狂閨幙羣醜聚蛾眉如清揚
夜郎且勿論亦有韓山陽君才韓與李暫落岷山旁

攜手一盼顧懷袖多芳香我歌轉激烈君已無悽愴

秋江

適興與秋宜獨步秋江曲落日芙蓉邊悠悠曉山綠
雲水道人心風雨漁家宿鱸魚初上時黃花滿茅屋
遠遊篇題畫

壯士懷遠志隱沒誠所羞不封萬里侯當作萬里遊
黃金買駿馬行買西定州風高白羽箭雪重青貂裘
豈不戀枉席遠志良欲饒高貨赴邊急勝覽迫前脩
歸來桑梓里圖畫輝白頭浩歌興百感清響激河流
醉夢爲李正之題

倪小野先生全集

五言古詩

六

春花爛熳開春日遲遲影三杯助午醺夢入清虛境
月照江燈烟破松林暝半掩竹西扉烏呼猶不醒

徐中甫尹南昌

使君冰玉姿皎然出林壑長風破波濤利器當盤錯
高名孺子祠勝覽滕王閣長安起雙鳬天南渺寥廓
王都諫南渠謫惠州用高名千古重於山爲韻

仙臺何高高下臨千丈濠浮雲忽掩互白日風怒號
有鳥往從之中天摧羽毛徘徊天際路瞻望心徒勞

二

云惡匪避罪作善匪趨名中心聊自盡豈敢矯物情

陰陽多變態日月恆安行至道久不渝反則當自平

三

朝辭黃金殿暮宿河水邊高車就長阪去去當十千
四海有知己九重有青天忠信苟不昧旦夕冀返轅

四

變化穹壤開倏忽成今古惠逆理亂樞歷歷如可數
內明秉先幾外順利安土君獨會厥任厥力豈不武

五

高宴張華堂燭下綺羅擁俠客雜燕趙誰懷萬夫勇
扶醉躍驂騑爭矜主人寵主寵良亦榮一諾千金重

倪小野先生全集

五言古詩

七

六

片言結兄弟日夕幸相於入門轉燕婉草草同盤蔬
推枰論心曲落日明庭除好會難復再此後傷離居

七

三忠祠下路望望白河灣垂楊夾車轍此為離別關
佇立瞻飛蓋縹緲煙埃間隕陽不可住嘆已城西山

自述

坦坦復徐徐徐徐復坦坦此道本冲虛天地一滿散
玄機方自悟去去日便懶憶昔壯遊時遇事氣頗悍
快心三十年於道逾以遠迷津涉畔岸悔此歲月晚

醴酒始沾唇渴飲腹未滿實薄名遂彰又覺道緣短

題屈侍御伯通秋齋卷

秋光蕩翠屏高人讀書處烟雲淡生姿娟娟弄庭樹
蘇門鳳凰音秋水芙蓉句風霜一道來淨此炎埃路
分得者字為方思道封親題賀

飄飄棠陵子逸才乃天假科名十五年鬱鬱百僚下

沙河非月政聲名徹朝野旌薦交臺章聿起行天馬

封書及雙親五雲綢揮灑四牡歸江南捧此將壽學

椿光足怕悅恩光照鄉社傷哉久謝萱宰木榮梧楨

少慰顯揚私餘事等飄瓦飄飄棠陵子本是逃名者

倪小野先生全集

五言古詩

八

一朝捧檄心無乃知者寡

陸道巖守楚雄

高才不諧俗大道久湮世豪傑貴知己賢聖阮所忌
此理古固然況復遭陵替知者炳先幾仁人安厥遇
侃侃陸夫子表表鋪錦器小叩未竟音路阻蒼梧帝
明堂大雅材議者無師摯謁路三十年部郡聊小試
晚歲滇南行猥此楚雄寄驂騑失逸步黃鵠飛側翅
眷爾山水懷曠蕩無涯際萬里為壯遊子長抱高致
放浪笑談閒得喪玩為戲馳騁詞翰場擺落翻清麗
旁人知者稀我獨解其意長歌代贈言歌罷瞠目視

聞方思道行至金山

棠陵久病客秋風理倖來清狂舊時態隨處錦囊開
為愛金山好忘却朝天道坐吸清冷泉行拾蓬萊草
長歌弔謫仙月落金陵曉而我苦相思燕臺春日遲
柳條忽轉碧歲月眼前移功業及時就相思復相期

省直

風雨疾復止娟娟素月出
芋帳淡清輝佳氣藹虛室
芳樹垂四簷林泉迴清逸
徒倚有所懷欲往路途窒
虎豹隱北崖竹刺藤稍密
忽聞報更吏此意爽然失
炯炯千里情幽歡隔今夕

倪小野先生全集

五言古詩

九

歲暮

洪鑪播大化日月無停輪
江河漸移徙草木俱謝陳
矧茲血肉軀焉能久精神
所以自強者翼翼求日新
歲暮冰霜泣落日凝浮塵
事功未適會如同棄置人
攬鏡望前途能不生苦辛

過德州

斜日江木麗秋風林木疎
擊鼓催行舟鼓聲落天隅
天風應呼至篙師發江謳
連日舟行濕今日縱所如
乃知通與塞人力非所須
且借月餘輝倚枕理殘書

贈王一寧

幾年不相見形容何落落
坐談問起居人事已非昨
老鶴千里心秋風向寥廓
但得老手在龍虎還就縛

百雀園

羣飛復羣鳴飛鳴各云好
栖息亦自安各占一枝小
凍雪尚未消旭日照林杪
物性得其時夢破竹牕曉

贈郭聖東

十年前謁君陳墅草堂暮
重逢滄州郡顏而喜如故
百杯到淋漓一局各超悟
薰風蒲艾雨同棹婁江路

出棘竹

以下四首方思道有詩大韻

我愛琅玕枝可延風與月
前代六逸翁依之怡曠達

倪小野先生全集

五言古詩

十

每逢叢生處愛惜不忍伐
惜此困棘荆久矣委林樾
方子出棘篇此意先我發
更恐遺蘖存根株未盡拔
春風長玉牙慎勿多斲掘

解藤杉

杉木纏未解苦抑石礪濱
幽谷少經過苦抑誰具陳
下不徹厚地上不及高
是仁人體物意此理如切身
從茲解脫後化育亦既勻
俟以柱廟堂俟以梁天津
物類惡與良區別原有倫

竈頭桐

嗟嗟竈頭桐何年出霜塢
良材中琴瑟合為明堂補

置之八音聞音諧匏與土如何久棄寔始遇方好古
得子竈屋頭偶逢斧斤鼓鏗然金石鳴於是乃見取
秋鴻調正高月白芙蓉浦

棹中鯉

輓彼西江水救此涸轍魚望千里道朝夕俟霑濡
活此槎中鯉乃見方丈夫怡我好生意良可以自娛
佛氏事放生求福何其愚飛而在霄漢沫而在江湖
萬物皆吾與與之仍在吾

富陽道中

扁舟下桐江江水逾浩蕩雲霞石屋深波濤海門壯

倪小野先生全集

五言古詩

十一

神魚挾我舟高駕千重浪三山若可尋羣仙渺相望
西清書院校諸生

書堂既虛敞重軒復朗明前山拱秀麗曲池還澄清
白雲挾飛鳥明月出潛鯨我坐堂之上諸生聚羣英
攷較詩書術敷述天人情業牘暫時謝琴瑟靜處生
眼前栽培意桃李春風榮

憶南屏山

我憶南屏山湖上晚翠綰春風踏湖船漁樵作遊伴
萬松秋濤寒曾訪瓊瑤館清霜裁竹冠落日啜茗碗
爛柯山人來言之趣逾婉令我逸興生却愧官未散

不得壺公術惆悵竹筇短

讀李太白詩信筆

嶺南當五月炎蒸不可驅雨晴片時異炎蒸鬱不舒
暑毒中病骨苔草生坐隅叫號不自定炎蒸苦何如
偶觀太白稿疑是神仙書初讀驚雙目光輝溢璠璣
津津味雋永瓊雪咀嚼餘諷詠移白日心魂與之俱
清風生兩腋飄若騎蟾蜍蓬萊間風臺去來倏忽踰
煙藹蒼茫開庭竹殊蕭疎始知炎蒸毒不到讀書廬

題畫

晴窻日正午聊試題詩筆忽與物情會塵心爽然失

倪小野先生全集

五言古詩

十二

小鳥對鳴時江上秋蕭瑟回首渭川南蘆花映蓬室
石屋

山行到石屋小坐石屋下天愈漏日光晚景爲我假
蹤跡喜幽絕毛髮轉瀟灑方子讀書臺我是同遊者
靈隱寺

西湖幾度到始到靈隱寺秋山意與諧寒泉味初試
却怪飛來峰鑿佛石之崇如何方棠陵處處題名字

雪山

我愛雪中山日華清且麗烟雲淡生姿霽靄浮佳氣
松柏見餘情蒼翠轉淩厲怡我歲寒心日午凭欄地

明月洞

太古有十日其月不知幾羿射九日落餘月亦應死
一月落爲石永浸長江水李白醉騎鯨捉之采石底
今見明月洞頗見太古始

枯桑歎

枯桑殘葉稀新葉將復芽春風吹未發蠶子細如沙
蠶長葉乃齊葉盡蠶成花蠶絲衣被人桑身無護遮

瀑痕峰

廬山飛瀑峰何人掇其頂掇來轉削拔奇氣猶挺挺
飛瀑寂無聲白虹迹炯炯風雲一旦移泉源絕天井

倪小野先生全集

五言古詩

十三

麟蹏石

嗟嗟乎麟兮斃於何歲年宜尼忽慟哭化石泰山邊
雲烟沒頭角四蹄埋黃泉洪水洗山壑翻動太古前
石麟出遺體蹄角猶宛然識者鑒其蹄鼓之金聲堅
攜之遊四方墮落吳山阡而我偶題名惻惻心所憐

贈十六兄

我懷君素知樽前笑不語一醉復何辭兩意久相許
酒呼相如鑑棋博安石堅當歡且莫愁聽我歌白苧

紅梅圖

山中有素女偷食丹砂粒東風吹玉面腥紅暈朝日
却怪傍人眼錯認桃杏質不知值雪霰冰肌却寒栗
是乃造化巧而乃煩畫筆此日登堂與醉中一賞識

嬾竹

嗟嗟乎竹兮委性一何嬾其節朗且疎其枝稀復散
清風不可約雨葉垂垂短橫斜四五竿冰霜歲月晚

嬾梅

嗟嗟嬾竹傍嬾梅託其處一枝著數花聊點瓊瑤樹
青子綴柔條薄薄清酸味採摘任傍人未謝金鼎御

嬾石

倪小野先生全集

五言古詩

十四

茲石出山壑輾轉藉萬牛廉隅削以剗坦然臥林丘
自甘廢棄餘不願匠氏牧野鹿磨蹄角野人厲刀矛
昔遇王初平叱之不舉頭點化謝仙術頑樸爲我留

嬾潮

江湖起渤澥涌入東海門江灣幾百轉勢漸殺以分
初經清江城無以肆騰奔浣涎蛙鮒迹流浪沙礫痕
聲勢兩俱亡悠悠野水村

嬾野

我抱野人性束縛三十年束縛一解之野人性依然
置我水石閒梅竹羅我前四物一何嬾我亦與嬾便

短髮恆不冠不襪赤脚仙揖客不過膝客坐我復眠
放浪逸我老聊結五嬾緣

擬古

眼底梧桐木云出嶧山岑鳳凰巢其巔蛟龍蟠其陰
電雷薄蝕餘天潢復浸淫有客攜贈我價薄千黃金
外膚精細理中抱太古心制爲三尺琴末託清夜吟

張良

我愛張子房楚楚秦漢英一逢黃石公此道爽然明
指揮成事業流浪視功名但得神仙意毋勞問死生

偶過池亭見海棠已謝悵然有述

倪小野先生全集

五言古詩

十五

我愛海棠花臨賞悵花節樹頭浮綠雲樹底飛瓊雪
良會忽蹉跎芳意易消歇惆悵把酒卮青春一廻別

夜坐

中夜亦惕惕披衣水亭坐空林積雨餘月色雲際墮
紫篠引清風當我襟前過一洗萬古心眼底物機破
隔壁舂雷吼詩翁正高臥呼起相與言妙意默而可
豈徒愛畱連庶以振怠惰

西施菊

越女有西施顏色勝脂粉吳門零落後萬古空年華
如何好事者乃以名茲花茲花抱寒玉落日明秋霞

永謝歌舞臺畱戀山人家君子受汚名臨風幾歎嗟
丘集齋欽取二首

姚水接滄洲鯨波朝復夕夜坐蓮花亭天青山月白
援琴一鼓之薰風恣吟繹茲民勞且苦慍解蒙其德
我倚城北樓聞之重歎息從之識素心欲往路途隔

二

江上蓮葉舟飛鳧夾雙櫓渺渺白鷗波細細綠楊雨
文章耀紫霄青雲展儀羽我知君子心忠義乃自許
愛之不可隨江臯獨延佇

寄沈文明僉事

倪小野先生全集

五言古詩

十六

韶州一相見已謂相見難如何相別後途路兩漫漫
託根異處所嗟嗟蕙與蘭香氣揚微颺相好同肺肝
曉史知山少卿

久不見知山知山忽云逝冥逐太陵魂長流杜公涕
往事玉何瑕遺文錦爲製我憶流觴亭春風吹薜荔
寄魏淺齋御史

堂堂魏御史玉中而鐵面繡衣近日星白筆司雷電
糾劾準春秋忠勤佐宵旰鷹揚萬仞秋老眼瞻天漢
寄謝汝湖學士

憶君硯池水停蓄千尺深玉堂恣揮灑散作春空霖

餘波沾潤輒復慰渴者心區區衰朽年守拙槁木林
臨風望飛翰日暮候雲陰

枯梅復花爲陳虞山太守賦

乾坤運元氣賦與恆無偏孤梅抱寒潔吐露元氣先
稿立敵風雪元氣忽速遒太守治神明微存變理權
仁風暢四宇起廢復扶顛播揚拂草木春意潛廻旋
梅乃君子倚威德尤自然燦燦瓊瑤花完璧如當年

送鄒草陵

鄒生如野鶴獨步何昂藏飄然霄漢思整羽垂復揚
蟠臂鬱奇氣吐辭搏青蒼赤手掣鯨鯢凌波出呂梁

倪小野先生全集

五言古詩

十七

篆法傳禹穴丹青寶琳琅夏鼎與周鼓落筆森爭強
豈徒詞翰古復抱古心腸拙言語真晤世務紛縱橫
公車西滯久汲引綆須長瑤瑱定高價榮華候春陽

周鼎詞贈鄒草陵

周鼎落沈淵杳杳歷年歲鎔釜爭時便識者迷茫昧
一朝晚以出力奪千軍隊蛟龍騰躍開國象露魑魅
乃知古治心鎔鑄會天粹扣之金石聲餘音皆瓦碎

寄王南渠侍郎

南渠在諫垣才高抱古直時事論要機聲名乃赫奕
奸權折其鋒君王耳方逆一朝南播遷天風假羽翼

德望台輔開君側正虛席一念懸高堂請之何甚力
春風看萱花舞衣班繞膝自昔寓京華交道頗云密
途路限江山思念動晨夕他日復相逢驚心各頭白

漫興

正月十一日回首觀元旦衣冠各自新禮貌頗不訛
人事案頭塵天時弦上彈詩彙竟成虛近來語多漫

復蕭靜庵提學

寄我草堂吟少陵如不死體驗稷契心發揮風雅旨
史筆落江湖官燈坐風雨烏臺吟嘯餘野亭病應起

謝惠白芍藥

倪小野先生全集

五言古詩

十八

芍藥一寸根保之如雙玉分期已弗愆生意苦可掬
慎密細微初輸瀉炎蒸毒春風試白花請過野亭曲

謝鄒草陵惠鯉魚

送我雙鯉魚已領素書意亂點桃花鮮細翻柳葉肥
膏魚憶所歡骨鯁轉餘味波濤忽爾違感歎食欲廢

喜容

我觀舊影圖神眞頗盡善不知百年後眞否不復辨
百年只畱名如我星夥燦名有傳不傳傳者亦雜駁
古者避世賢沒世名不見但求吾心安餘事付虛幻
而我反觀之輾轉多違願片紙托丹青到底終糜爛

謝楊時章種牡丹

名花遠移來根株半生意草亭忽過我謂此莫輕棄
脫帽把短鉏重培好安置泥翻紫雲香甘泉玉乳溉
拂拭黃金芽提攜厚防忌移換造化手變理通天地
吹噓枯朽枝厥功同起廢昔有韓郎湘仙姿混塵世
能以五彩丹點化闢新麗草庭學道者乃得神仙戲
風雨過重陽萬物皆潛闕仁人愛物心自與造化契
天道慎其初物理窺其細明年三月天且候花小試
掃石持壺觴賞以清平句

春思

小野先生全集

五言古詩

十九

時見細桃花今見海棠樹顏色不尋常光輝照薄暮
啼鳥弄歌聲宛轉畱春住

小園

小園頗不俗亂石綴而橫點出峰巒意參差插太清
落日枯桑影髣髴浮雲生凭几側望閒怡我樂山情

菊圃

聞說南山下秋風菊花開夾竹欹成籬雜蘭已盈畝
攜鉏每及晨抱甕頗同古主人好賦詩遠意陶與杜

農憂

稼穡稱艱難艱難下燒阪春風宅不毛夏日雨如汗

雞豚補賦餘鼠雀侵食半藉此爲生謀舍之子孫慢

金線草

草以金線名春風恣吹輾雨絲亂欲紛露珠綴更輾
紫花映舞裙結苔藉遊輦公子去何長結恨苦柔短

石菖蒲

蒲生脫塵泥臞質含秀潤蟠根與錯節凡卉倂不近
英英綴露華挺挺含風韻苗裔托嵩巖曾蒙漢武問
仙標採拔歸封諸天水郡治之如治軍艾疲不少靳
折腰與焦頭勿雜鉛鋒陣

菜畦

倪小野先生全集

五言古詩

二十

菜秧新移栽弱委半貼土秋陽赫過夏勺泉蒸若鹵
灑灑一夜霖生意回爛腐舊根頗自樹新芽潛欲吐
況復寒露候幸哉免齧蠹小葉如卷舌大葉欲覆武
園童荷鉏立暫謝抱甕苦繼繼且日新俟以成佳圃
送鴈峰史太守

君往惠州去過我南雄府陋邦遺敝政入廩動淒楚
嶺頭文獻祠我詩挂其柱立馬青松下慷慨同弔古
玩傲故態存或說小野圃書院記西清聊可託樽俎
乞爲長官告因不廢堂宇惠州播流風於此已可觀
山城臨蒞初共遵顧公矩補漏復舉偏善政緝舊緒

君是補衮才經畫何其巨翔翔州郡閒所施苦霖雨
相此嶺外邦民□多雜處人情體恤周赤子尤善撫
高明多整暇文章有韓杜我昔慕羅浮越境遠且阻
勝地不可到荒涼昔時庾君能剪秀句百詠已塵腐
春風拂姚城坐憶梅花午

永亭二首

春色暮亦濃醉倚雕欄畔星明疎竹裏風送落花半
玉漏夜深沉銀燭影凌亂貪睡怪痴童茶甌費呼喚

二

夜坐水亭空犬吠四隣寂爐香碧鏡梁燈影清挂壁

倪小野先生全集

五言古詩

二一

語話轉綢繆意氣生感激俯仰天地閒動靜一游息

登豐山

此山高且險上與霄漢侔石道挂懸崖髣髴飛虹遊
山童輕以捷步步志騰踔而我隨之上不敢輕回眸
風高動寒栗天闊益僂僂躋攀極分寸詎肯中途休
不顧瀨顛沛但欲搜怪幽悅悅出寰宇飛步神仙樓
白雲流其下羣山青萍浮澄江一絲藐綠野文綺綢
俯見滄海痕只在山麓流長嘯天地中鳥輩霜花秋
荊棘化桑梓壑海沉山丘塊潏幾變易唐晉承漢周
撐開萬古眼看破萬古愁仙迹宛然在仙人不可求

藥臼對丹爐蒼草何疊稠烟光從地起暝色生松楸
落日萬丈暉倒照寒山頭衣袖映餘光光景爲予留
風骨尚塵埃歸路披颼颼

輓張蘭齋太守

我走風塵途公掌小司馬階秩方赫然聲名輦轂下
落魄春風顛接引煩盤掌張燈坐羣英歡劇燕乃罷
潮州二千石誰是攀轅者我父高談翁門庭正瀟灑
日糴市頭米濁醪鄰家假慙慙媒妁辭痴兒托姻婭
締戚連右族綠公不棄捨萬里建京華書幣遠慰我
我自南雄歸公且樂鄉社金紫頗相輝綠竹開鼓瓦

倪小野先生全集

五言古詩

二二

晨夕往返間肺腑罄輸瀉行看山疊禮坐享海洪暇
傷哉骨肉親登堂淚盈把感慕公垂言平生思不寡
警策如著龜熏蒸若陶冶聰明究詩書艱難知稿稼
飄飄飾虛名浪蕩狂風打生死去畱途抱病望霜野
皮骨倘未空他日拜梧櫟

夢莊

東隴小麥青西隴大麥黃細雨溼柴門鴉鳩鳴野桑
天際微風來清波搖麥芒田家午炊熟餅餌生馨香
白首歸來後閒情寄夢莊

送王文哲黃門奉命祭告便道歸省

九五龍飛初百神允穆穆祀望過羣方斯禮寅以俶
侍臣將命行於赫秉清肅宵征戴月星花霧淫春服
亂江踰嶺海所至恆屬屬公事既竣止親幃同寒燠
腆潔稱豆觴人閒有餘福豈不眷爾私奔命疾而倏
吁嗟天壤間忠孝爲綱軸茲心少自頽俯仰蒙戮辱
壯哉君之行光輝耀傍日可慕不可隨茲心豈君獨
寄施德成諸友

念茲結交久肝膽照平生一自能語言相呼爲弟兄
出門卽聚首嬉戲日管營成童入鄉塾朝暮齊課程
日向成人歲意氣期崢嶸經書事鑽研山房一寒榮
倪小野先生全集 五言古詩 二三

夜雨來雙松連榻談話清後爲餬口計而我東西行
會短離別長歲月令人驚悠悠冀越路我身羈微名
鐘鼓長安曉天星縱復橫仰視亦何言飛雁時一聲
往來極天際我欲隨南征隨之不可得悵快難爲情
千里龍山夢會面恆分明

聖駕幸太學

聖人立人極厥初垂六經千載既以邇木鐸聲未停
皇帝嗣位初萬國咸儀型茲道允得師袞冕貴廟庭
釋菜稱古禮明德諒惟馨分獻恭承命兩廡生光榮
贊謁極褒崇聖賢元有靈講幄五雲開儒生固紫青

易書更進講聖道昭日星皇帝嘻曰俞元臣賜坐聽
元臣再稽首秉心和以屏孰謂唐虞逝明良今適丁
謫謫文明化四布如風霆草木欣舒華鸛雀潛生翎
小臣廁班末遭際荷蒼冥

行素

大鵬行天空翼負萬里風嗟吁鸛雀類上下蓬蒿中
大鵬行渤海泳游隨所在湟潦活鰕魚一勺亦何待
小大分既殊所適良不踰矧茲天命似各有合行途
今觀行素人行行無苦辛殊轍豈足騁所以達吾輪

靜山

倪小野先生全集

五言古詩

二四

山性本至靜靜者故愛山願與山結契托居在山閒
朝看山雲起暮看山雲還雨霽山泉清日麗山花斑
幽尋更高跳萬峰雙屐閒

滌齋爲陳郡博賦

未潔乃假滌吾君潔有素更恐不潔如是以滌爲務
世氛遠外交天光啓中悟江漢何洋洋望之不可渡
一曲滄浪歌指君自新路忽解浴沂心樂此青春暮
吹噓楊柳風呼吸芙蓉露小齋有新篇聊爲進德助
春谷

冰雪未全消山谷春已動花柳弄新妍鶯燕破清夢

名與子真同文重老韓送白雲如可期採摘還相共

題獻葵圖 有序

葵善搏雄兔無逃跨下後王有好獵而國爲人□是將以葵獵雄兔卒至身若雄兔爲人獵而不自知也余因旅葵之訓而究禽荒之禍蓋補聖人慎德之微意聊述詩一章系於圖末

周王溥威德四葵咸慕義西旅底貢葵實乃德之致名公進訓戒謂行宜矜細恐以耳目役反貽盛德累有臣能過慮有君先自治所以旅葵書千載傳盛事

倪小野先生全集

五言古詩

二五

後王肆禽荒狎爲較獵戲縱之食人食餓草不遑視牽出郭東門倏忽誘使驚走搏雄與兔躍馬稱得意回首望郊關烽火報□騎一身如雄兔先啗□人餌始識古君臣明明炳先知

毘陵王世臣厥祖太常卿東齋厥父承事郎東臯而世臣號思東蓋不忘乎先也予故爲之賦東齋天下士家學詩禮宗名位聿以起貽謀垂無窮偉哉東臯君灑灑振家風源深流自遠實大聲亦洪又見思東子言念祖父功欲以誌不忘厥號曰思東東齋未寂寞輝光見顏容東臯尚突兀登眺追遺踪

茲念良可嘉德業期日崇

東厓

寄言問東厓東厓今何若初日照空江流水赴大壑托迹聊自名會意有真樂極目江雲外相思倚山閣

克齋

君子貴崇德有要曰在克威愛克允濟剛柔克協極溫克以將酒戰克以摧敵處己弗之克人欲滅天則處家弗之克思理多愆忒一念克否閒聖狂終異域侃侃克齊子克之須努力

答箕篇

倪小野先生全集

五言古詩

二六

林郎中文縉母王氏早寡其父憑箕作詩以示之曰寄言與爾無他故節義冰霜不可虛卒守終身膺旌典焉

憶昔結髮年辱與君伉儷君身抱明德妾始解中饋君既領鄉書將奮青雲翅妾思逐以飛密效贊助義君倏蹶中途妾命危若墜殉歸分乃宜徘徊橫泗涕念此一孤兒冀以續君志更謝憑箕靈言盡思亦至冰霜照肺肝節義妾之事君存相勉旃君沒敢忽棄辛苦三十年教言時省記小孤幸成立君志復一試澹然長相從存沒諒無愧

蘇節婦

蘇母羅溪上清白比羅溪羅溪長向海不得渾沙泥
肝腸隨曉路冰雪度春閨歌咏萱堂慶儒林不盡題
偶爲范秋官廷宜父雜題詩間

雙松

鬱鬱雙松樹託根南山阿清泉映其側白石夾礫河
凡卉更榮謝惟汝永婆娑天邊承湛露青雲百丈柯

蘭巖偶鶴

蘭巖被新翠白鶴雙飛翔栖止巖之畔日夕啄蘭香
遠韻諧琴瑟清輝皎雪霜致舞青田子霄雲逐鳳凰

倪小野先生全集

五言古詩

二七

萬竹

種德如種竹厥德比竹茂金玉美成林栽培良以厚
緬懷淇澳風毅哉武公壽霖雨收春風枝枝發餘秀

蟠桃

海上蟠桃樹三山相護遮長空一萬里縹緲見明霞
仙臺青鳥使飛入丈人家爲報成甘實春風幾度花

南山橋梓

相彼橋與梓翼翼排青嶂根株連密奧枝葉亦相向
草木抱良知宛有天倫狀至哉商子言三復起清唱

柏鹿

題菜花園

昂藏雪色鹿野性不受羈下踏瓊瑤草仰啖松柏枝
四明有仙客乘之遊海湄桂花三度發曾咏鹿鳴詩
青皇奢物華春色恣拋擲野圃被光榮爛熳蝶蜂日
畫圖霜霰邊秋懷亦蕭瑟醒我少年夢浪揮吐花筆

挽劉封君友桂

尚寶卿
乾之父

憶昔廿載前曾訪桂軒下桂枝始含英轉眼陰蔽廈
兩授大夫封光輝照綠野逍遙金陵仙嬰鏤丹陽馬
一夕夢天遊哀悼盈都社我忝賢郎知此情無由瀉
悵望桂花軒西風一滿酒桂枝餘天香應有繼芳者

倪小野先生全集

五言古詩

二八

挽詩

看君墓上碑若識平生面精金出昆吾堅剛經百鍊
文章科第才勳業循良傳擊劍爲君歌青天雨霜霰

一齋

緣知一齋意乃在天地先克一典謨訓抱一道德篇
大分齊鵬鷗至理忘愚賢坐解梅花數中宵片月圓

橫塘書屋爲歙人鮑漳監生題

堂樾山水奇橫堂讀書處好風生新涼殘月送清曙
采采芙蓉花翩翩鳳凰翥念昔作室心朝夕母遊豫

挽秦翁

市隱有斯人我來人已近湖海識佳名鄉邦談義事
莫表欲輝山劍歌空砒地天將啓後芳偉爾青雲器

挽秦母

淮水曾澄清淑人生水曲賢嗣茂芝蘭懿德比金玉
雞鳴想寒機烏啼繞殘燭猶遺剪髮風我來蒙館教

恆齋

齋以恆爲名恆乃士之守巫醫不可無天地所以久
盛德未易窺存心良亦厚雲雨翻覆場見此江湖友

寄贈胡希忠子庭懋

故人有佳兒石老稱不已起家明一經尋友輕千里

倪小野先生全集

五言古詩

二九

衣冠胡氏風燈火蘇門雨老眼注青天瞻爾振儀羽

郊野春耕

水蒲初生葉水荇初開花布谷樹頭鳴春事到農家
黃犢新試犁黑雲翻汗邪今年公役均縣尹令不譁
四境樂無虞賦不及牛車所以得治私處處比桑麻

梅花

梅花不負我歸來花更繁橫枝夾青竹枝枝向我軒
舊詩猶在卷新酒欲盈樽與汝歲寒意相看各不言

題萱草圖

詩人味此花云是忘憂草君子愛母心託以昭孝道

朝以沐和風晝以曝晴昊萱葉比年芳萱花照顏好
萱草花煌煌君子心皎皎

雙松圖

雙樹何青青交枝復連幹用爲棟梁材採作神仙飯
紫雲倚而奇白石同不爛清歌入畫圖華堂日初晏

題一泓四景

濯纓動月

明月照流水桂影浸淩淩皎皎湛寒碧發我濯纓歌
一濯破淨練再濯翻金波波面微颺生素手弄銀河

洗硯生雲

倪小野先生全集

五言古詩

三十

清波白石磯義之洗硯處纖墨點晴空浮雲旋敷布
聚若疊峰巒散若飄風樹翻影黑蟠中怪龍縮角據

枕流洗耳

流泉過我檻浪浪復湯湯淡然素秋夕落木搖清霜
倚枕洗其耳彷彿箕山陽從此謝世語不蹈喧嘈場

拘清嗽澗

李白夢初醒餘酣猶未消侵晨向石泓掬水嗽瓊瑤
一清欲徹骨兩腋風飄飄聊以適我意不負顏氏瓢

贈潘大巡

代作

我本塗泥子屈曲在舊蟠茲蒙天人力提上青雲端

飲我玉池水濯以清冷湍授以風雲術俟時生羽翰
天人忽遠去長望路漫漫海嶽瞻儀宇聲名北斗間
清響遺巖壑恍若吟鳳鸞守茲指南轍遠到良不難

又代作一首

浩浩淪江汜鬱鬱萬松岑雨露何汪濊風霜何蕭森
風霜君子威雨露君子心小子恆仰止會萃如嘉林
朝以采其花暮以依其陰天風振逸響茲調傳瑟琴
大雅奏明堂願為鸞鳳吟

沛公號普惠題贈

龍山一片雲鬱而未雨長護臥龍身石陰雲之處

倪小野先生全集

五言古詩

三一

天風忽飄飄清陰解煩暑桔槔或廢力吾施亦易爾
吾觀世結夢牽製何日已禪學承遺流不為形骸使
苟得吾所悟亦有洒然舉一洗炎埃室不亦雨新縷
人號曰普惠達之豈過許

月川

我觀月川圖乃知幽人心山中有真境夜半成浮陰
褰裳登彼岸援琴瀉流音白鶴一聲曉恍然何處尋

湖南

結屋抱湖曲湖光清滿屋日出踏湖隄情與魚鳥熟
涼颼拂芙蓉寒波淡醞醑積雪不可行下塘騎黃犢

洗心

心從天地來何乃待於洗物欲如塵泥生後乃洗耳
有覺忽惻然洗之一念始且論洗之方先取元氣水
敬如一寸膠投水清見底還借成湯盤復沾孔時雨
淪淪方寸閒至寶出泥滓此方自古傳吾乃重煩語
怠忘或人情不警心終死再為君申言日新莫自己

富陽道中

扁舟下桐江江水逾浩蕩雲霞石屋深波濤海門壯
神魚挾我舟高駕千重浪三山若可尋羣仙渺相望

望雲思親為中書王子昭賦

倪小野先生全集

五言古詩

三二

杲杲燕臺日灼灼瑤池花懷人心萬里遠望赤城霞
山川盡雲物魚雁渺天涯他年衣錦子四馬送歸車
夜坐

虛堂暑氣薄屋角南風流濯髮倚庭樹爽氣近新秋
飛高螢火細宿穩鵲巢幽湖海茫茫去空懷范蠡舟

棠影移簾

愔愔有君子日落棠樹下棠影簾前移白日度長夏
更散琴書靜棠樹只繫馬嗟嗟乎棠今剪伐何不可
剪伐何不可敢忘棠下坐

紫竹

紫竹昔年種歸來秀滿亭飽經霜與雪秋色掃蒼溟
挺挺抱風槩娟娟養性靈釣鰲竿已具眼底付趨庭

竹隱

竹可比君子託以怡隱心風霜見高節琴瑟瀉餘音
明月虛入戶白雲低結林長掩水西扉俗駕無由尋

南垣爲克垂題

南城垣半額雲盡漏江月喜君屋簷破月色爛如雪
靜坐玩九疇案上洛書列呼子擁膝前一一爲之說
南垣莫我伐南垣莫樹旗旗竿願風折

江月願長同照我心皎潔

倪小野先生全集

五言古詩

三三

心漁爲錢公題

身居茅屋下夢落白石灣六物風已具釣鰲誠不難
出身犯世路風波涉其端得魚意已淺忘魚神乃全
昔有直鉤者游心長逝川撫弄無絃琴暗與風雅關
得理不假物興滿天地間白曰老心漁此心已悠然

賀石山翁

先生環偉才抑之不盡用老根發餘枝無乃天所縱
前年採其一磊砢已驚衆今年採其一娟傭復端重
足以作舟楫足以作梁棟明堂廣構聚轉展羣力送
小者載專車大者九牛共猶有未轉者羣力拽不動

君家如鄧林叢生內不空其陰蟠蛟螭其陽止鸞鳳
層秀擁後先並美排伯仲禮義懋簫籥詩書厚培擁
根株堅且良先生德所種

春風追慕爲廣西馮主事士立題

潯陽回厚地輕颺散繁陰百卉揚榮輝皇皇耀華林
旭日照芳樹上有子母禽母鳴子和之物類同至音
君子抱休惕感慕激中忱寂寞萱花影涕淚交沾襟
三春不可再窮比寸草心榮輝旣以被雨露涵濡深
形容綉圖畫哀思絕素琴遙念躑躅地誦我春風吟

楚令母挽辭二章

倪小野先生全集

五言古詩

三四

阿母爲荆山君侯荆山玉高價博連城光輝始離璞
君侯作霖雨阿母是雲谷雲谷氣神靈霖雨沾濡足
君侯多善政咸云母遺福清霜凋萱花屋角號風木
聲斷南薰絃淚涇斑斑衣服傷哉君侯心乃動盈途哭
哭爲君侯去善政無久牧

二

板輿赴姚江花滿河陽似但看姚江花但飲姚江水
嘗言消息好屢有平反喜西風吹白楊夢斷姚江雨
遙遙萬里魂故鄉乃安處

雪山

我愛雪中山日華
且麗烟雲淡生姿
霽霽浮佳氣
松柏見餘情
蒼翠轉淩厲
怡我歲寒心
日午凭欄地

友進

結交有蓮花
盈盈一水隔
薰風送香氣
坐識君消息
月下湛容光
對之末佳夕
忽焉啓我
心中通而外直
我詩儀型之出水
去雕飾
交道混聲利
於君望三益
爲陸道川謝洪別駕

寒士蒙垂青
伏德江河足
枯朽揚春輝
泥塗出清浴
折節白屋榮
轉眼蒼生福
我詞比木桃
聊以答瓊玉

潤齋

倪小野先生全集

五言古詩

三五

抱真養自完
居卑澤未試
庭前雙桂花
變理多生意
末思

俯仰天壤閒
悠悠思無極
野草三春暉
風木五更泣
斑斕慘舞衣
夢寐見顏色
夢寐篇不廢
燈光淡寒夕

後溪

結屋枕後溪
溪流不息秋
意送溪聲
蕭瑟繞四壁
梅花夢初醒
萬山溪月白
飄風起天末
溪聲度危石
餘韻落枕邊
心魂與之道
乾坤活潑機
翻然悟周易
希古篇

皇皇去日遙
大會度逾午
巧機聿以生
世道漸不古
舊軌不可尋
荆棘阻其武
古道在人心
有覺自還觀
循此充其端
煩文謝織組
希古先求音
溫淡吾自取
撫弄不絃琴
復玩無字譜
象數遂昭然
道德有宗祖
抱樸天壤閒
味者嘖迂腐

松谷爲虛畫師賦

若人愛松谷
飽食清虛氣
雲雨起松根
變化乃初試
解此觀世紛
朗然道有意
盈虧消息機
播弄玩爲戲
胸中一點靈
筆底天然勢
乘興一揮酒
逞爾神仙技
萬象開渾茫
妙手開天地

倪小野先生全集

五言古詩

三六

恤孤篇

傷哉丹鳳雛
嗷嗷失其怙
王母見之憐
惻惻頻盼顧
攜上崑崙顛
百鳥還回護
餌以玉禾粒
飲以金莖露
肅肅羽毛齊
翩翩起雲霧
迴翔天目趾
佳音五雲度
側翅望瑤峰
未隔登遐路
空銜三花草
悲鳴繞其樹

荒野鳥

能返哺

松雲

青山一片雲
徘徊古松畔
春雨助元功
夏峰點奇觀
變化龍是從
滿散鶴爲伴
儼然梁棟姿
過者瞻天漢
贈觀瀾居士

川流浩無息旋波有餘勁
清颺微播揚迴紋傲澄淨
鸞鴛戲連漪蘋藻相輝映
變態觸物生遇陰出奇競
乃知自然文源深而氣盛
孔子川上歎於穆天之命
觀濶發子輿因以窺貞靜
人心活潑機一私多自病
君子重自省夙夜存畏敬
所以生色餘粹益其文炳
西白爲唐子潛題

山人住西白頗得山中意
往來猿雀踪呼吸雲霞氣
古樹有三花古書無一字
指點世人迷聊以餘緒試
冰蘖爲星替賦

湯冰復齋藥清苦乃自試
重滌雪霜操陰滋茶蓼味
倪小野先生全集 五言古詩 三七

炎蒸毒潛消肥甘穢遠退
治瞽先治心化原識幽秘
贈徽州吳柳田

有客來訪我文采何翩翩
扣之若金石至音太古前
至寶混燕石利器抱龍泉
細雨姚江道綠楊書畫船

種玉

君有種玉方我有種德術
方術兩奇妙種玉先種德
方寸地本良春意恆惻惻
仁乃德之根培植善是力
一念妒忌私易爲根之蝕
耘鋤功不替廓然無茅塞
天源一派澄灌溉日加益
厥德茂而茂瓊芽日生息
葉葉流光耀玉立

東原精舍四首

野有蟠龍塘中有臥龍
崗其人抱隱德風雲鬱以蒼
文章炳不掩乃見少微光
慰懃孫學士日日送壺觴

二
去海只百里坐觀海色高
長風送鯨韻倚枕聽波濤
吟哦不自己聊以弄風騷
功名空眼底鄉里見兒曹

三
斯人廬故基涕淚著松樹
松樹復自榮白兔守其處
女蘿上盤結琥珀下乃據
飄飄夢我篇燈夕茅茨度

四

倪小野先生全集 五言古詩 三八

聞有朱山人讀書破萬卷
偶爾論世事一一的受箭
滾滾口懸河煌煌眼飛電
姚江倪小野當作處士傳

受桂挽詞

愛桂人已亡桂花依舊發
舞影何蒼茫吟魂正蕭颯
不見白鶴歸已負赤松約
月明鳳凰啼繞樹還三匝

題平湖陸元輔伍塘卷

伍塘燈梯士厥號抒素情
區區伯威末曷足求其名
青峰光祿墓天恩昭上卿
瞻望已不遠源流伍塘經
風雨停扁舟夢我誦深更
殘月憶高堂彷彿雞初鳴
平生過庭夢此地轉分明
三春一寸心塘草年年生

我昔在兵曹畏僚結伊兄因拜光祿公陸家玉樹榮
伍塘朗眉目氣凌秋吳清別後二十載事業何崢嶸
今觀五塢卷感慕賢孝聲

挽聞人元魁母徐孺人

瑞木有源流嘉穀宜碩茂澆誕正中流春霖發天秀
傷哉徐孺人裔出名家舊賢名蚤見揚未得享榮壽
尊卑內外并家道方盈盈一身任衆責所係良非輕
甘旨願未畢詩書訓獨明婦人心無他豈顧身後名
伊翁我所友伊子我所與德範耿耿在我聞亦已屢
襲桂清江族門牆轉高趾落落公論昭我詩紀厥始
倪小野先生全集 五言古詩 王九

亦泉

門有白雲泉清冷下絕巖試味頗辨真求源亦不遠
青郊作春霖赤日救夏旱滾滾大江流蓮葉船正穩
飛來峰

湖上飛來峰不知是何年星宿移蒼背風雨帶龍涎
曾卓誌公錫不受泰王鞭未須論幻事聊以寄吾禪
秋香玉兔圖

山中桂花發白兔守其根明月在天上清光任吐吞
是豈草莽物乃是明月魂白晝歸天室不見雪霜痕
蒼鷹反端恐飛滿乾坤

樂山

仁者乃樂山樂山本其性氣吐雲雨奇脈流湖海應
朝觀興與飛夜聽心逾靜肺腑重卷幽膏肓泉石病
聞君知所希百慮從茲定

題猫

文具玳瑁理晴耀琥珀光最爾門庭虎殺聲挾秋霜
盆甕夜來穩主人清夢長春風日正午雄踞蘭花傍
題施翁終慕卷

施翁居城市其心抱朴醇吾舊托戚鄰吾故知之真
羣賢贈終慕一一吾能陳憶昔親在堂經營任其勤

倪小野先生全集

五言古詩

四十

娶婦賢而孝供職惟昏晨衣食謀稍理處困頗得伸
高堂相繼逝念念思雙親舊事不脫口逢人語諄諄
開口淚盈眼其語嗟歎頻嗟歎復嗟歎涕淚垂沾巾
乳哺若離抱提攜若離身感觸人至性聽者多悲辛
玄乃吾親兄年歲今八旬此心老若少而不開富貧
搖筆敢夸耀所以明人倫

過韋德容宅題柑

此菓當薦上九珍不足數栽植茲園中主人同出處
相之在我傍漫賦方羨汝汝本瓊玉姿如何雜凡卉
清霜雖未經幾度淅風雨他日登瑛盤乃釀黃金乳

偶賦二首

謝病長閉門老衰百欲退年少讀書心洒然未受穢
所見清益明坐處病萬類始覺世人情一一多悖戾
何必論滕前空自吐肝肺所以商伊尹如覺呼其寐
可由不可知聖人原有誨

二

緬思天下人有暗而有明暗衆而明寡乃是天所生
暗者不自知明者通人情明者在上位所以天下平
暗者或在上相率亂天經唐虞與桀紂由此分渭涇
反觀一家內由此分立傾明暗推其由只在聽不聽

見小野先生全集

五言古詩

四一

觀書

粵若稽古聖仰觀而俯察倫物具精粗一一炳灼灼
然後筆爲書所以代口舌豈徒覺一世垂後啓明哲
仲尼正五經掃除丘與索如何傳種遠根株太繁集
但求文字中反求功蕩滅白頭費精神鑿壁虛映雪
仰彼陋巷賢心齋是眞訣莫訝焚書王所欠玉石別

石泉爲衢州杜翁題

泉爲水之源石爲山之體體立用斯昭源游流不已
源流體用聞其妙具諸己人苟能察之念念體物理
相彼泉石翁於焉得所止嘉樹蔭其顛神物潛其底

紛華謝冠裳塵埃隔城市陽谷侯春溫陰崖避炎暑
白晝弄雲日清秋聽風雨烟霞抱古心猿鶴呼仙侶
枕泉以洗耳漱石乃礪齒洗耳廣聽聞礪齒潔言語
所好肺腑閒厭癖膏肓裏樂壽成其終動靜驗諸始
始終諒無愆勉哉杜君子

巫山神女圖

巫山有神女十二峰模糊爲雲又爲雨倏有而倏無
意態春空滿姿容新月孤造化亦何意神仙本淩虛
塵夢旣以妄文藻成其誣私邪附丹青至今傳畫圖

湘妃泣竹圖

見小野先生全集

五言古詩

四二

君心爲天下憶君二妃心南巡不復返望斷蒼梧陰
鳳凰候翠華薰風想鳴琴雲重不可見駐輦湘水潯
日暮思無極淚下溼羅襟飄洒沾江竹聞聞淚痕深
幾度經風雨末代難消沉至誠動天地可貫石與金
沉復聖過化古蹟寒蕭森

倪小野先生全集卷之四目錄

七言古詩

寄沈黃門文明

贈徐徵君南峰

雲山圖

舟中睡起

題畫

石庵爲長洲大覺寺僧賦

雲巖贈張千兵廷鎮

茗溪沈君以采詩過太倉有贈

倪小野先生全集

卷四目錄

贈夏松月

石峰書屋爲慈溪馮教正賦

醉書瑞光寺僧畫竹

半閒爲姑蘇館人賦

題遺安卷

贈李元壽

茅君求贈沈氏

別龔秀才持憲

舟過崑山適陸秋谷捧部檄至

古松行

題菊

古意

萬松圖

畫竹

謝方棠陵批點詩藁

和方崑山題衙後山石

題畫

烏夜啼觀詞

梅竹圖

蘭竹圖

倪小野先生全集

卷四目錄

夢梅

贈朱思南春試

萬峰深處爲王陽明題

雲山圖

夜訪棠陵於江陰二首

魏馬行贈陳侍御獻可

網魚圖

石上桐用韻答錢朝用

畫梅

龍山贈胡年兄支湖

聾婦行次喬白岩韻

董給事濟之相過賦贈

次顧未齋韻贈玄墓寺僧天真

分得吳山賦贈汪度支希會赴杭

東方棠陵

贈棠陵

聽馬行送黎侍御乾德

次韻題林御史平厓卷

北風二首

次金華陸汝亨雪葵歌

倪小野先生全集

卷四目錄

三

謝余儀制惠扇

東南安別駕黃東村兼呈太守何雱峰

夜泊

題棠陵讀書臺

緋桃

與茅南垣登山

謝能公竹杖

喜雨

觀喜容

白牡丹菊

金陵圖

杭州圖

鷺鷥圖

餘姚圖爲魏二尹題

題一拙道人畫竹

葡萄圖

硯歌爲張兩江題

南臯草堂行爲邵方伯題

石岩花

月下觀白芙蓉

倪小野先生全集

卷四目錄

四

謝楊二檀太守二首

謝聞雪莊惠瑞香花

苦雨

題逸

獵鵲歌

水牛圖

送姚玉崖

後峰卷爲黃伯固題

贈陳劍南

鄧侯酒筵有舞童巧絕戲賦之

送陳秀才歸閩

題竹

梅雀圖

桃花白頭公圖

贈嚴木山

題畫

平海歌用韻爲陶揮使公武作

劉州副擒盜歌

建萊館贈舉人王倫敘

賓月臺

倪小野先生全集

卷四目錄

五

送杭州張揮使

送同年杜魯瞻尹故城

同陳南坡遊張商卿莊

畫牡丹

題十八學士圖

丹陽贈劉衢州思武次方思道韻

水牛圖爲陶揮使題

伍上虞汝珍奏功北上

次李崆峒韻送吳光祿

世祀堂爲蔣進士珙題

爲蘇州王監生冕壽

漱石爲衢二守陸君

用韻賦贈王鳴和太守

鐵梅予旣爲養敬賦養敬少之遂信筆一首

偶過池亭見海棠已謝恨然有述

送嘉定蘇書辦

寄壽韓元

張秀才別號湛泉

風雨

杏坡爲呂醫士題

倪小野先生全集

卷四目錄

六

寄吳希臣忠

贈徐良瑀

謝錢節推

贈蔣翁

題詹德溫石崖卷次方思道韻

贈沈東軒

醉書羅太深壁

贈陳子燦

鐵梅爲諸養敬賦養敬少之信筆一首

東江爲楊時瞻題

題畫

寄孫錦衣伯泉

壽詩

壽星石

荷花

爲中書吳惟德題鸚鵡塘

贈茅克理

愛日

松鷄圖

淳朴圖

倪小野先生全集

卷四目錄

七

題畫

贈杭州劉節推

芝莖石

醉香亭

老岩

用陸二尹韻壽詹母

寄新昌曹大尹

鶴齡

次莫一介韻二首

題畫

贈琴士

東岩

默泉

過韋德容宅有題

洛神圖

天池

長短句

沈石田畫爲姜吏部夢賓題

寶松歌

題張千兵廷鎮平海卷

倪小野先生全集

卷四目錄

八

張參軍歌

贈范恭士

別江揮使廷俊歌

尺石池

題鄭宜簡三友同心卷

秋日題畫贈顧朝楚

聽錢心漁吹簫

且如此

拙逸

清浦怨

送琴士

春暉堂爲唐侍御虞石題

姑蘇圖

長歌送舉人下第

搗衣篇

竹林七賢圖

宿瓜州熊氏樓

鎮江圖

劍池歌贈石生

墮芝石

倪小野先生全集

卷四目錄

九

圖武

聽潮閣

悼安黃門繼母

題蘭

夜酌金宗德宅

爲衢州徐進士良節南峰卷

爲高秀才世美題南屏卷

送湖原明進士南歸兼壽母

爲徐中甫題畫川何大復韻

題秋香玉兔圖送翁別駕之成都

荷亭偶書

冬日

樂閒

寄胡竹西

題杏林橘井圖

用韻爲四川王都憲賦

鵲海歌

愛日

送司訓王宗正

送雷州推官趙受夫

倪小野先生全集

卷四目錄

十

繡衣行贈梁侍御

歌婦娥

疊浪山

題蘭竹圖

爲邵伯衡題字說圖

題蘭圖

新州爲徵人題

過諸鐵梅宅醉中信筆

贈鐵梅

亭上醉同諸郎二公賦

題春海圖壽汪子卿父

題壽圖

小赤壁

夢椿

題漁人四景圖

淵松吟

壽陳封君

四皓

壽邵菊莊翁

石壁爲施一清題

倪小野先生全集

卷四目錄

十一

西河

楊翁夫婦齊壽

存耕

賓竹

高臺山人爲余御史題

愛桂晚詞

椿萱並秀圖爲江大尹歌

戲答禽言二首

題海鶴圖

迎瑞樓爲蕭山來氏題

次東溪先生韻

題畫

正峰

身爲律呂身爲度
雲想衣裳花想容

倪小野先生全集

卷四目錄

十二

昨夜臺前戲

舞

翻歌笑一

翻哀淫素世多此爲古

乾坤一戲臺

咸豐五年六月二十四日

歲次乙卯季夏下浣

倪小野先生全集

七世孫 繼宗 編次

七言古詩

寄沈黃門文明

昔日長安風雪晨，斗酒寒敘東西隣。一朝聚散遍海內，長年半改當時人。君獨飄飄歸去來，吳淞江水桃花新。小蓬明月開往返，蘭芷入賦秋江濱。我慙吏事動如棘，欲往從之成因循。此時尚想吳門賢，同舟長逝遊無垠。一作此時空想吳門賢，張清興起風塵。

贈徐徵君南峰

乃兄世路號青峰，光祿寺少卿。

倪小野先生全集

七言古詩

一

青峰南峰才相擬，青峰五十始應舉。名魁一省動春闈，天下文章共推許。出入文華移彩筆，塗抹雲霞飾寰宇。南峰今年五十來，僂窻轉奮欲起距。自是君家多晚成，少年輕進何足數。譬如松經萬年霜，合補廟堂雙棟柱。雙材並用分所宜，豈容遺一蔽林卉。龍泉離合自有時，延平一旦生風雨。

雲山圖

狂風送雨出西嶺，樹頭渺渺波濤生。雨陣東去天際沒，白雲片片山腰橫。斜日含暉相掩映，白雲踪跡還無定。簷隙茅疎日落光，書窓自覺塵譁靜。謾誦秋水

復高眠忽聽松梢飛，暗泉手拋書卷聊有得。門前已報刻溪船。

舟中睡起

小舟如窳蓬，窳低白晝臥。到日沉西覺來欠，伸推蓬起。蒲風刮刮吹江水，仰看青天繁星明。我欲數之不知名，光輝溢目疎且朗。朗七星如斗，天北橫。

題畫

我疑畫史意多幻，偶觀絃畫殊逼真。昔我行觀四明山，重崖疊嶂何嶙峋。青雲泉落成碧，茅茨雜竹綠溪濱。其中亦有好事者，琴軒幽雅延詩人。此境迴其

倪小野先生全集

七言古詩

二

畫難傳，始知此畫筆入神。溪邊山人若比我，我入四明烏紗巾。君攜歸去常挂壁，百年僚友如相鄰。

石庵為長洲大覺寺僧賦

莽薄蒙密雲煙叢，松根草帶蟠如龍。鬼神呵護嚴且雄，虎熊遠避無行踪。文殊錫杖飛羣峰，卓處疑有神。仙宮赤手剗開混沌，封峻嶒嶒磅礅含虛空。塵寰無處容其躬，四大坐此無不容。上缺一點天光通，下竅直徹滄溟東。牽蘿柄補雲關重，別有日月明玲瓏。昨訪王母過閭風，白鶴使者青猿公。不為我守遊崆峒，回途迷沒桃花紅。遙看衲社岩頭松，呼猿叫鶴聲如鐘。

從此不出神心融華山頂上千年夢

雲岩贈張千兵廷鎮

崔嵬半落山腰懸獨立俯見松頂泉石底雲根變態
生倚日帶雨爭奇妍玲瓏月色雪千嶺掩映花光霞
一川龍虎陣裏雄意態銀光鎖甲生風煙青虬騰駕
不可禦乾坤際會誰爭先蒼生久望夢中霖眼前物
色名時寶功成退斂殊閒雅靜觀四景岩頭眠白衣
待斯須閒萬古一日惟青天

茗溪沈君以采詩過太倉有贈

茗溪有客清且苦平生志願惟好古奔走三吳采風

倪小野先生全集

七言古詩

三

不問山門與蓬戶偶然謁我斐江滸芒鞋未脫半
塵土語言樸野禮貌疎暖項無態媚官府背負一囊
詩一部三吳豪傑肺肝吐珠璣磊砢照日光云是此
客手親組三吳大雅傳二京格韻中和薄秦楚欲叩
知音忙向人收名定價歸李杜我亦好古俗務羈詩
書釋手箭脫弩茗溪之客善談詩喚我吟魂破昏魯
案牘縱橫正惱懷嘲弄風月公餘補茶餅傾倒火爐
溫坐久譙樓過二鼓殘月倚海風入簾雪花點點如
可數忽聞雙鶴鳴東塢何當便起中宵舞

贈夏松月

跨塘橋邊正思君跨塘橋下雨水分伊吾櫓聲出浦
口羣鷗驚起飛白雲我知君棹便高喚君夢初破醒
宿醺相逢拍手各大笑茶鐺倚膝烟氤氳悠悠十里
婁河路婁城臺閣挂斜暈閨門沽酒動清酌鼎頭錯
出羅五葦更深不厭廢宵燭話久愛我詞氣芬繁絲
弱管隔江聽百杯何必煩紅裙一聲野笛清思發冰
雪澆我胸中焚衆寶欲臥我未臥明日萬事仍紛紜

石峰書屋爲慈谿馮教正賦

石刺山峰鬱嵯峨石刺山下白雲多草堂中閑待高
隱松檜日長冰霜柯一泉寒滴洗硯沼九峰翠合藏

倪小野先生全集

七言古詩

四

書阿何時攜手笑歸去慈湖短棹頻相過

醉書瑞光寺僧畫竹

鳳凰飛來明月下玉簫吹處風盈把翠魂飄去不可
尋但見滿湘碧流瀉誰人描此挂山軒六月彷彿霜
風打

半閒爲姑蘇館人賦

半閒先生住城市市聲喧耳眠未起牀頭春酒杏花
香雲蒸霞鬱斗室裏舉頭長吸春江水卯後一醉重
蒙被醒來午日當簷停却喜堂下羅孫子漫呼孫子
整杖履小步市橋嬾梳洗相逢醉處如兄弟小園雨

霽摘春薺海棠館日斜時山色蒼蒼水瀾瀾嗟嗟
先生心自閒未能山居而野處市童爭呼半閒仙始
笑多忙不知止

題遺安卷

塵心喚醒思鹿門歸去欲問鹿門君春風幾度杏蒲
雨柴門倚看苗如雲膝頭高樹有鳴鳩樹下兼有白
鷺羣攜書坐愛午陰薄就餉甘此薺韭輩老妻稚兒
相牽呼欣然從我之耕耘回頭試語妻兒計年年稼
穡惟辛勤農家有業莫外慕龐公遺安我素聞

贈李元壽

李一刻贈
李仁山

倪小野先生全集

七言古詩

五

拙牧有客清且奇論詩之處每稱之因之發我美人
思新洋江月梅花時扁舟往返無停期此意難語竟
睽離忽然訪我婁江湄感子殷勤訂我詩我詩花葉
隨風吹落泥逐水點破籬娟嬌可愛風日姿情景偶
與幽人宜新藤披蔓授其枝我詩就編錦繡摛思牧
堂前雨如絲翠柏石岡綠竹埭岡麓方池水瀾瀾燭
光夜鎖青芋帷煮茗對酌清詩脾眼前不見者是誰
拙牧廬中高睡處

茅君求贈沈氏

茅君謁我到滄州館人沈老相延畱黃雞一筍雨窗

幽青蒲細切香膠浮燈前高酌俱忘愁茅君感此稱
未休更敘此老行詣優壯年升穴驚亡倚孤栖霜月
梧桐秋有琴不彈心悠悠花草亂發迷林丘嗟嗟薄
倖無家遊黃金博得榮閒羞垂老悲吟空白頭嗟嗟
此老吾所褒觀風有使來諸侯

別龔秀才持憲

滄州昨宵朝天車慙慙贈我皆圖書眼底忽訝龔生
無江雨夜過崑山墟海日弄影江林疎忽聞龔生氣
噓噓角巾折雨行沮洳手持一幅明璫瑱云到遊涇
先待予待予不到真躊躇嗟嗟此意今始舒別駕延

倪小野先生全集

七言古詩

六

開斜日餘鱗有酒今盤有魚相逢一醉愁破除殘夜
明月照閨閣欲聯長句弔子胥思君不見情轉紆別
後過訪拙牧廬爲問此意竟何如

舟過崑山適陸秋谷捧部檄至

黃梅江上晴復雨萬里畫鷁停雙櫓篙工疑帶潞河
音問之乃是秋谷至一刻秋谷正蘇門美酒別駕筵
邀之共酌日過午世途艱難未暇論綠楊搖杯歌白
苧遙捧部檄招滄州爲我彈冠醉中舞此意慙慙無
以贈寒裳試不芳洲杜

古松行

我生卽見此松老千尺嵯峨十圍抱古根盤石透礎
泉直幹撐雲當鳥道月浮江水翠欲流風落塵寰
如掃倒挂天邊雙劍秋遠涵月色萬家曉山下書屋
相對開絕憐雨後涼颼來淒切笙簫出林壑分明圖
畫臨樓臺天地有心付正氣廟堂大手需良材仰看
光輝孕琥珀忽訝景色移徂徠一去長安經歲月落
日坐對西山雪迢遙瞻望極鄉關慷慨詩歌比貞烈
清高猶記子陵亭變化愁空神禹穴歸來試問松閒
翁春風幾度生薇蕨

題菊

倪小野先生全集

七言古詩

七

淵明一去千百載何人更繼風流踪南山佳興入庭
戶黃花采采開西風味菜子孫兼愛菊爲托丹青寫
清淑霜前芳草凋繁青露下幽篁長新綠七十餘種
次第開種種殊異超風埃霞臉初回妃子笑雪翎驚
墮仙禽胎錦繡袍明園玉帶水晶盤小擎金杯園林
富貴誰與擬丰采相對蓮花臺最宜晚色倚斜日疎
影亭亭落苔石清渠掩映水繞流淡烟塗抹月初出
美人只在天之涯湘江南北皆秋花汀蘭岸芷同芳
馨品題俱入騷人家陶情屈恨何可言令我執筆心
茫然醅醕竟度寂寥境悵憶長悲過暮年古人寄情

諒非物莫以醒醉分愚賢聖朝文章跨楚晉爲君聊
賦黃花篇

古意

暮秋紅樹豔于錦詩思萬斛傾不窮主人高興不尋
常勸我美酒千百鍾醉餘繁絲動清奏翠幕風飄出
紅袖芳菲桃李照青春燦爛雲霞移白晝歌譜新翻
清更奇宮妝宮樣巧相關翡翠冠高挂枝斜芙蓉裙
展繭香透桃根桃葉是何人昔人遺恨迷風塵相逢
無淚墮青衫明月琴瑟秋江濱鷓鴣入曲轉可哀蜩
蝶隨夢疑非眞金徽誰託此情幽玉珮遙贈相知新

倪小野先生全集

七言古詩

八

蓋態極妍各自逞其中有一婉且靜朱脣欲作樊素
容翠眉半蹙西施病未言更覺麗情多獨立共訝淡
妝靚整衣出席漫徘徊一曲相思竦清聽聽之如瀉
當年情寵辱一旦悲不平紅羅纏頭動高價彩筆贈
賦馳清聲幸看車騎爭照耀便教脂粉生光榮年來
誰識大璞奇暗中空抱眞珠明樓頭望斷湘江舟燈
前坐吟巫山屏翠娥顏色自有眞花魂月貌殊盈盈
曲中羞澀寂無語銀箏收拾錦囊裏向前再拜謝我
詞願將顏色贈知己

萬松圖

銀餅滿貯墨一斗澄江素練開華堂墨餅傾倒春灣
翻鐵筆一掃雲蒼蒼額撐斷礪爪欲禿蛟龍鼓戰昏
東洋須臾雲斂漾初日剛風煮海凝高岡東阿西
參差出青松萬樹搖冰霜翠濤尚鬱東洋聲白骨磊
砢蛟龍偃

畫竹

清風吹拂君子堂生綃一幅翻瀟湘瀟湘日色映澄
波綠雲擾擾排簷簪紫簫何處奏明月青天飛下雙
鳳凰秋色橫空雁影高西來小雨生新涼凭欄一望
心正遠環環杳杳江水長試問瀟湘誰曉來都疊鐵
倪小野先生全集 七言古詩 九

筆那能當吾聞都臺一拙翁甲兵百萬胸中藏典來
揮筆如揮戈烟雲咫尺何蒼茫筆陣如流瀉青玉稜
稜高節凌冰霜對此令人真不俗肉味三月心渾忘
生人清玩足終身菜根一味辭鼎鑪

謝方棠陵批點詩彙

都門一別玉堂客江湖臺閣雲泥隔意趣荒蕪入山
野文章墮落風塵格崑山令尹清婉才豪氣壓倒鳳
凰臺仰視雅騷力追軋如紅彩筆生風雷未遂已自
神交處況是相逢復相契扁舟細雨漫論文斷鐵點
出瓊瑤句湖山曾擅騷人壇作文容易論文難大怪

小怪若不聞作者豈爲傍人看此意慙慙不可說何
當共事采石月

和方崑山題衙後山石

巨靈夜泣山吐精爛石枯木驚喚醒君詩有神鎮丘
壑逸比神仙清比僧筆勢飛軋千丈峰軒然霄漢誰
能凌搜玄組華出節制風雅爲兵騷爲城力搏李杜
奪關隘曹劉奔走前曳旌回颺飄拂珊瑚樹黃金谷
應鏗鉤鳴東揮西洒殊閒暇始知熟路戎車輕巒峰
久矣委叢薄能蟠鳳翥磨榮名木石於世亦希遇昔
晦今顯皆天行醉來高帽挂何處虬枝落落若頭橫

倪小野先生全集

七言古詩

十

海雲含凍尚未雪樹杪時見幽花明北山猿鶴漫騰
嘯宦中山木平生盟還看歲寒勁操節竹君松丈叢
梅兄身後萬事料消歇百年存我醒翁亭一醒一醉
何須說古今風月元同情襄南遺愛在人心尚有峴
山碑裏銘宮商眞韻隱林麓好事寫我流泉聲自古
文章動口服打碑重譯來滄溟

題畫

松梢月色淨如水山影倒落茅簷底紅葉當軒灼灼
明忽憶當年舊知己柴門搖竹驚鳥飛小舟已泊綠
莎渚清興更比剡溪高悠悠江水來千里山中佳夕

是夙期先遣老妻其雞黍泉石餘音待爾傳一夢
花白雲起

烏夜啼

有鳥有鳥名烏子母相哺聲相呼悠悠江水青山
靜風飄霜風明月孤中夜聽之聲轉悲何人感極形
欲枯屋前屋後遠竹遍羽毛愧不如茲雛

梅竹圖

獨倚高樓霜月低誰家纖手理冰絲江風細細梅花
曲湘雲淡淡竹枝詞美人一去天涯遠荒烟野水無
護持何人收拾丹青裏此意復有幽人知

倪小野先生全集

七言古詩

十一

蘭竹圖

倚蘭葉竹調已遠林壑不盡幽人思清風明月如當
年蘭花竹葉還差差欲步離騷不相似高樓無手傳
繁絲故託丹青寫茲意靜中把玩心相宜始知古調
尚可尋在心不在聲與詞

夢梅

道人居此城中山梅花只隔湖山閒夜夜夢落梅花
下六月紙帳雪花打試問梅花尚未開湖山一夜夢
幾迴

贈朱思南春試

君來訪我我不遇我正思君君何處相思不在相識
閒日暮望斷沙谿樹落落乾坤北斗名沉沉風雨江
南句轉眼春光千里人開遍桃花飛柳絮

萬峰深處爲王陽明題

陽明山人讀書處太白山人鎖長住陽明山人去不
來鷗在菰蒲鶴在樹官舫一葉蘇門雨此意躊躇向
誰語忽見漁翁把釣竿鱸魚正美登秋渚

雲山圖

青箬篷底坐吟詩山雨送出若邪溪推蓬遠見溪上
山千峰萬峰隱約閒此時獨得雲山意一幅雲山雜

倪小野先生全集

七言古詩

十二

烟樹畫耶詩耶誰較工若邪髣髴曾吟處

夜訪棠陵於江陰二首

毘陵關吏呼不起寒城夜鎖芙蓉水此心轉急恨無
羽出門便覺行路難秋防正急郊關裏
短短江蒲疎疎柳短櫂獨行午夜後水定但覺江岸
走片月輝光轉皎然美人久俟山塘口

聽馬行贈陳侍御獻可

柏臺仙子清遠器雲霄玉立生霜風吾皇借以宣天
威異寵特錫天閑驄長安曙日雲錦紅翠蹄蹴踏塵
埃空綠袍牙纈相輝映百寮動色瞻儀容上虞縣令

初奏功直聲凜凜弭奸雄嗟我識子十年中立論時事無衆同遭逢聖明諫行日念子豈誇驄馬榮

網魚圖

白白江波紅尾魚蒲花初發柳花疎江洲日暮忘歸去江魚上網不知數風雨欲來猶不來箬笠且挂磯頭樹

石上桐用韻答錢朝用

君才有如石上桐古根屈曲枝龍蔥神明扶植百怪遠蛟龍託迹蟠其中當今大匠執柯斧矩度愆手聰感胸棟梁委棄徒歎空月鳴鳳鳥孤鳴雄嗟嗟石桐

倪小野先生全集

七言古詩

十三

數十丈霹靂火後當高風良材登用天之公如君豈得遺江東裁爲琴瑟補大雅乘時進獻明王宮

畫梅

雪畫堂前春午睡夢中遊遍南屏寺湖船斜泊孤山灣梅花遠映寒山翠湖水澄清湖月明新詩了了江南意覺來綠葉已成陰東風吹老庭前樹脈脈雙峰注目中美人不見湖山空呼童拂拭石上桐冰絃歷亂心忡忡忽覩玉堂舊圖畫似與此夢精神通蕭疎冷淡粉墨痕雪花點綴春玲瓏相思有夢還有調圖畫分明堪索笑

龍山贈胡年兄支湖

龍山高處方千許萬竹生涼蔭龍池故人罇酒水流漸細切玉藕飛瓊絲山中滋味涼自知六月酷暑時景移路人吐舌攢雙眉泥潦一掬甘如醴此地此涼匪我私願君常保雪霜姿尺簡凜凜隨風馳白日酷吏青天欺我有葵扇聊相贈爲民一揮生微颺

蠶婦行次喬白岩韻

東風陣陣逗窻紙時序新驚蠶月是妝臺起傍臨晨星繡針錦杼今暫停急往采桑呼伴女東園桑葉恐經雨舊年苦雨蠶不成生厭鴉鳴桑樹鳴舊年匹帛

倪小野先生全集

七言古詩

十四

未就織候到今年熟日拂拭匹帛裁征衣刀尺入手少遲違又恐邊地風高寒新綿重復牽合難此意離離向誰說牽合未合絲頭絕郎衣樣子舊時同燈下意緒何匆匆

董給事濟之相過賦贈

青紫拾芥少年事嗟君獻策三不利時逢道合策乃奇入手歎賞臨軒試平生骨鯁諫官宜叢中拔擢社稷計念昔偃蹇同風塵意氣相期結兄弟青燈旅館坐深更時事感心欲流涕況是遭逢誠不常官高責重多憂地白馬朝回謝俗人靜思獻納門獨閉十年

兄弟託相知相與論事乃相契惠然訪我長安樓對
酒不酌瞳目視爲言戎馬報未平兵糧舊政多遺廢
於今料理非君誰君才自是公輔器一指一脛未足
云調治腹心壯元氣鸚鵡雀亦有高飛心喜與鴈鵬接
雲翅忠耶佞耶不同謀諫院千古題名記

次韻未齋韻贈玄墓寺僧天真

滄洲夢落湖頭山尋梅偶雨過松關萬峰老子蛻骨
樹我來重見光明顏試翻舊日枯禪衲塵香剝蝕煙
雲斑法華渺渺浮天外天風吹疊青羅帶湖光倒映
普陀國波濤出沒龍宮怪講殿金經散雨花山門玉
倪小野先生全集 七言古詩 十五

帶餘風槩丹霞袍笏驚是誰天真親見玄真師飛錫
初停入禪定麋鹿委性泉石宜高陵深谷觀世變清
風明月參禪機梅花萬樹破黃昏竹林二月迴碧滋
願言茅茨託歲晚韋編細玩精大衍湖海舟航野興
濃雲霄羽翰塵根斷大道滾滾來千年中有墨者相
貪緣能以儒心參佛法氣骨飄爽成神仙

分得吳山賦贈汪度支希會赴杭

吳山靈爽當斗宿天目繚出東南秀王氣曾占五百
期儒真再孕千年後海門浩蕩遙吐吞天柱嵌嶽相
結構鬼物抉裂何代年烟花爛熳長春畫遊韉飛蓋

集宦遊人開天府稱杭州岩壑幽尋上天竺乾坤大
觀滄海樓蘇白才高誰並駕甌閩道接還停舟風流
斷事湖山案牘儼甲古雲烟愁汪君喜領江南檄梅
莊竹塢遠行迹玩傲且作地曹郎品題不讓天祿客
擊劍掩抑楚歌聲揮毫點抹吳山色放鶴亭前萬嶂
秋爲我問訊孫太白

東方棠陵

風塵日日勞馬蹄長安十里東復西幾度相遇不相
見依舊似隔棠陵磯黃昏歸來閉門坐輕寒雨霽明
星低悠然一念頗自得欲攜吾子尋清谿此意輟轉
倪小野先生全集 七言古詩 十六

贈棠陵

棠陵散逸如神仙一官雖繫身飄然看花嘯月逢主
人長安隨處高枕眠我爲棠陵結行窩十日不見一
經過昨夜燈前坐相憶微雨細灑牕頭莎

聽馬行送黎侍御乾德

聽馬御史古所聞今之御史有黎君冰玉丰姿鐵石
腸直氣可以排秋雲袖中封事上天子觸冒忌諱明
國是臺端羽儀百僚瞻姓名已落兒童耳兒童不知

宰相尊威識驄馬黎御史幾迴朝集全門東鳴珂紫
陌人避驄錦鞵照映雲霞紅翠蹄蹴踏塵埃空天子
敕按三川道驄馬到處生霜風嗟嗟勳業正年少登
徒驄馬跨榮耀

次韻題林御史平厓卷

平厓陂陀豁靈爽苗芝初放如人掌採而食之驅俗
想眼底日見菩提長有石如屋藏青春叢薄交加雲
復障屋下蒼苔古海痕萬劫之前曾走浪呼動巨鰲
厓欲移白日乘之托長往

北風二首

倪小野先生全集

七言古詩

十七

北風獵獵吹夕曛騎馬對面人不分雪意轉微雲漠
漠樹頭不定鳥呼羣鴈門早晚羽書急却煩天子親
提軍白頭書生不解事獨看中宵星斗文
北風獵獵吹鬢毛馬頭曉曉蒼山高青雲朋友半生
面白日勳名非我曹蘭花菊蕊犯秋雪十月春風開
小桃驅馳無地逐西狩孤負恩光紅錦袍

次金華陸汝亨雪葵歌

東雲不泄壓城黑禿木無聲夜僵立庭前有草與時
格雪裏殘花殿秋色孤標挺挺僅盈尺風雪并威掃
枯迹廐馬長嘶轉群易吹噓衰朽動悽惻念茲二子

思轉日此心炯炯神明質爲君爲國不自惜陸死黃
生心則一招魂不來杳南北主人已去雪葵室

謝余儀制惠扇

蜀藤如石練爲玉蜀江之水經百濯製作清新手簾
輕錦霞開合涼風生京華年來得高價美人贈我當
朱夏葵榴天色消炎黍滿堂爽氣驅蚊蠅便當珍重
甯篋筭藉以蘅蘭不輕試他日歸尋猿雀君持向山
中揮白雲

東南安別駕黃東村兼呈太守何雪峰

南雄相逢何草草擬在南安一傾倒昨過梅嶺毒炎

倪小野先生全集

七言古詩

十八

烝骨熱皮寒鬱中抱無緣就君青玉案冰壺凍盤色
空皎無緣聽君清夜吟濂谿臺上月空好扁舟臥病
下橫浦玉樹秋風坐中老乃知前約託虛言屈指百
年良會少憶昔雞黍會何奇三年之約千里道半月
相期一山程良會蹉跎成懊惱舉頭可望不可見百
丈文光燭秋昊雙星耿耿遠更明鐵漢樓頭霧如掃

夜泊

霏霏暮雨江灣泊黃昏擊鼓復擊柝數家烟火村樹
昏一丈波濤灘石惡江天漠漠江風吹含香欲發美
蓉枝月華慘淡照流水坐倚蓬窗有所思

題棠陵讀書臺

白龍洞口讀書處長有白雲相護遮白雲疑是白龍
吐書臺靜對紫峰斜怪石當臺降虎豹細流出洞洗
塵沙我來試問方夫子讀得人間書幾車

緋桃

一樹緋桃色正嬌微風細剪絳霞綃一片飛來明月
下攪我幽思當春宵折之欲贈天涯客芳意清香春
漠漠三月時光不可留回頭已倦紅塵脚

與茅南垣登山

西山之石如虎踞西江之水如龍奔山川不改舊形

倪小野先生全集

七言古詩

十九

勢夕陽反照城西門五馬歸來春作伴十年栽植花
成村平生未得遺安計眼底還看賢子孫

謝能公竹杖

山僧贈我紫竹杖拄之直上百丈梯出門月黑山路
迷中天把之扶虹霓虎豹豺狼俱遠避瘦影遙與崆
峒齊偶然擊石山谷應聲徹天門天雞啼便當伴我
遊四方蓬壺閣風東復西

喜雨

四月不雨到五月五日始一雨初看搖漾欲溼
衣轉覺汗漫可漂杵園丁抱甕眠不驚田父把犁喜

相語市頭米價頃刻殊夏麥不登望秋黍

觀喜容

丹青試看十年前錦服新裁御賜鞍氣吐長虹輝白
日身爲列宿倚青天勳名終愧麒麟閣回首雲山舊
頭角春風踏遍花柳川駿馬不如雙健脚

白牡丹菊

菊裏皆稱白牡丹淡拖春光壓石欄春光過眼還留
汝霜露丰安耐曉寒月中疑是羽衣舞素秋萬里瓊
仙府紅紫芳芬意不堪故殿西風心獨苦

金陵圖

倪小野先生全集

七言古詩

二十

雞鳴山下杏花飛綠楊映我遊子衣幾年忘却丹陽
道瘦馬西風凋碧草白雲樓閣夢初醒金陵圖畫開
丹青王基伯業起南服龍蟠虎踞吞東溟秦王知慮
終自殃孫權豎子何足常大明萬年天子氣星躔日
道昭輝光於今宦遊神仙子飛蓋遊韞錦屏裏舳舻
萬里輪稻杭鐘鼎千家長榮梓李白題罷鳳凰臺二
水三山筆底來白頭欲著南都賦登高未讓孟堅才

杭州圖

人開天府稱杭州滿眼烟花爛不收夢斷梅花聽潮
閣影挂扶桑鎖海樓鎖海樓頭長嘯罷白鶴飛來紅

日下會稽公子曾釣鰲蓬萊仙人頻駐馬過眼流光
幾百年古今興廢猶宛然圖開百戰將軍廟澤及于
家太守泉憶昔此地偏安處瘡痍悽楚干戈際關河
號呼花石綱市井剝削桑麻稅於今一統樂昇平吳
歌越吹雜新聲日落湖船猶未返半宿荷花待月明

鷺鷥圖

殘雲拖雨過塘曲蒼波搖漾淨如玉敗荷折葦風蕭
蕭鷺鷥草下秋風肅飄然不踏紅塵機烟沙月渚栖
復飛夢魂初破芙蓉沼形影已落雲霞衣鷗鵬鷺斯
各有適悠悠飲啄得盤石自知鼎俎不足膏更笑蓬

倪小野先生全集

七言古詩

二一

荷亦何窄畫圖託意遠且深無端撩我滄浪吟鴛鴦
不得矜嬌豔羨爾江湖清潔心

餘姚圖爲魏二君題

天姥橫空浮秀氣東飄直向瀛洲住清流一道瀉姚
江紫霞遠壓扶桑樹龍泉井畔讀書臺世南學士名
不灰客星峰高雲弄影秘圖湖上佳氣開甲第千家
映山水風雷次第鳴鵬起遂令文獻抗中原夢寐英
賢作霖雨嗟嗟魏侯來看花棠陰聽事民不誅青袍
白馬觀風地雅愛山水思移家故繪茲圖寄相憶他
日攜歸長挂壁指點城隅小野村蓬頭赤脚吟詩口

題一拙道人畫竹

一拙道人今不見登堂如見冰霜面蕭蕭瓊玉立秋
風墨汁淋漓滿心頗工鳳毛縹緲蒼雲底半軒明月浸
秋水我來岸幘吟興雄炎座一掃淨如洗直節高標
未易攀醉倚欄干重睥睨臥龍百丈忽喚醒恍疑白
日生雷雨

葡萄圖

草龍欲飛勢夭矯綠雲曄曄陰晴昊行空朱日不到
地影娉藥珠宮破曉怪影墮落澄波深泥蟠屈曲神
驪老忽然明月波底生夜光之寶初離抱槽頭夜半

倪小野先生全集

七言古詩

二二

碧翻紅芙蓉甘露奪秋早當時一斛博高官令人却
魏涼州道九華錦衾織作工紫霞滴滴光輝皎慙慙
此意贈相知金刀瑛盤還比好寸根千里冰霜豪貳
師將軍功不小漢家思澤幾百秋棘垣藤障亦纏繞
誰人幻入畫圖中筆勢縱橫行入草墨痕變化莫端
倪張顛醉興時一掃

硯歌爲張兩江題

紫雲曄曄石之精太古之始元氣停百丈潭心護水
靈江翻海覆開雷霆至寶出世煩鬼丁紋理歷歷輝
繁星玉工琢之端其形安若璚兮平若硯潤氣浩瀚

通滄溟墨光潑潑天涵青虛地尚待昌黎銘置君之
囊爲君結劍琴相守慎無缺鳳吟龍吼靜不發莫向
霜途噴風月吾君自是文章傑文思流迴復踴躍
毫一揮九澤竭得此助之揮不歇萬言奏策天皇悅
他日論功豈相衰推封卽墨通侯列

南阜草堂行爲邵方伯題

姚江江上足容與草堂突兀江之漱千丈光輝映斗
牛九重夢寐兆霖雨經淵藝藪白虎通文第武階黃
鶴舉閭閻門開棠樹陰珊瑚株長蔥花渚憶昔先生
就傳年抱書提硯此周旋題橋磊落風雲筆宰社公

倪小野先生全集

七言古詩

二三

平雨露催萬言策定先愛日八卦經探太極前塵埃
欲辨猪龍隊霄壑低鷺鷥天先生始辭草堂出草
堂從此歸物色駿步羣空渚水涯鳳毛彩溢丹丘窟
王家寄託日重煩宦路馳驅轉趨遙石田圖畫景依
倚越客吟哦意蕭瑟中外翔翔二十秋拂衣歸同草
堂幽旋馬廳前書帶秀浴鵝池面筆花浮山中宰相
蒼虬珮雪裏神仙白鶴裘蓬島閣臺尋樂屐蘭洲芷
浦採芳舟草堂蘭葉年年發時弄秋鴻度佳夕五侯
歌舞遣豪華九老昆朋聚仙客靜養菩提謝藥方笑
吐芙蓉擬詩格流波淨練長不收傍人指是玄暉宅

石岩花

此花移自石岩阿冰霜不凋堅貞柯花發或疑踟躕
似叢藥繁英豔色過天風吹墮纖女錦胭脂斑剝綠
雲羅海鬼擎出龍宮寶珊瑚赤焰搖蒼波白晝光輝
上奪日黃昏火樹燒庭莎百花陣後壓妖豔絢赫殘
春功獨多

月下觀白芙蓉

芙蓉花白爛如雪復有青山送明月光輝搖漾烟靄
消瓊雲一朵墜銀闕我欲乘之踏素波清風前導羽
衣歌月中髣髴環珮影重憶當年逢漢娥

倪小野先生全集

七言古詩

二四

謝楊二檀太守二首

封書遠自泰山至開緘一一領佳意入手琳琅金玉
音盈眸鬱勃風雲字簿書無暇昭曠懷親故相關訊
幽事小野臺高燕雀希長天日落鴻側翅
謝公寄我渾脫帽殷勤千里兼書到舊物如割王家
青風流不減遼東阜稀疎髮鬢正宜溫突兀頭顱頗
相肖安得白鶴製爲裘淩寒直踏西皐照

謝聞雪莊惠瑞香花

謝君惠我雙玉樹珊瑚出海光吐霧枝頭藥綻紅葳
蕤赤立蒼波挺不仆而我承以石瑛盆紫雲脂凝土

如故金絲翠葉爭寒威雪花點綴天翻素臘梅水仙
標格清瓊珠在側形覺汗變理陰陽君所諳防微謹
始我方悟隱隱一脈潛回春汛掃庭除俟青顧

苦雨

四月連雨復五月天瓢無底天河泄山城地高十丈
波下流吾恐爲魚鼈昔日太倉新晴文再叩天庭言
恐衰南雄之民生事微市門晝閉火烟滅赤脚婦女
抱茅啼簞食誰賜愁欲絕吁嗟牧職今太荒農月陰
陽失調變當餐閣箸不能下一歎失聲轉吞噎

題逸

倪小野先生全集

七言古詩

二五

注水桃花細點汗流赭羣龍神安輕萬
電及流矢陰山狼煙淨如洗綠楊風颺黃
金尾苕菰國中初過雨奚官拍手醉歌起錦鷲綠烟
遊韞紫髯髯君家圖畫裏君家有子神駒比昂首天
衢時一舉青雲步驟開風塵當途氣象何雄偉

獵鵲歌

西風灑灑醒飛鵲角弓月滿弦正急平原側掠倪麋
驚左哨右哨爭馳突睥睨蒼毛甘戀韞盤飛絕險勢
轉道馬前一片錦雲落連擒雙雉韓彭縛回雕細踏
翠玉聲寶刀倚鞘消霜生共誇將軍射如破犒享狼

稽俎豆

水牛圖

野堂春草新如織綠煙十里散初日苗田如雲小雨
餘一犂功成合閒逸桃林曾論百戰勞田單火陣角
置刀稼穡艱難自年歲須念力盡畱皮毛

送姚玉崖

遊罷燕臺向東海藥籠空空風月在氣酣製作平古
詞落日大江歌慷慨李白英靈雲水沉罇前喚醒今
千載東海崔嵬白玉崖藥苗已長需君採

後峰卷爲黃伯固題

倪小野先生全集

七言古詩

二六

後峰後峰念吾子玉立嵯峨後峰似霹靂不折神鬼
呵崆峒相對風雲起高人意古一瓢懸落日影寒長
劍倚秋烟重掃振衣問茫茫注目扶桑水

贈陳劍南

劍山之南丈人廬雲輦霧細春風舒攤牀堆案帙不
整問之半是神農書丈人施藥出城市杏樹蒼雨林
花疎日暮歸來候者喜笑指橋東嘶白驢

鄧侯酒筵有舞童巧絕戲賦之

錦帕裹頭紅戰脚短袖羅衫腰一捻當筵起舞巧技
生萬轉千迴何綽約有如飛鳥掠地過又似騰猿接

懸蘿空中一朵攪風花平地翻動銀魚波乃知此童
有柔骨幻體天然墮飄忽却隨絲竹按歌聲險絕驚
人疎毛骨少陵劍器誅大娘嶺南此舞第一場樂事
不必憎惋傷春風且盡使君觴

送陳秀才歸閩

獻卿此日遊雄州梅花燈火讀書樓文章當發子長
筆風塵不敵蘇秦張南雄太守一何嬾南雄賓榻不
能畱臨岐折柳歌相贈轉目西風鴉薦秋

題竹

葛陂蒼龍欲飛去神仙挈尾畱不住春雷驚破舜江

倪小野先生全集

七言古詩

二七

波秃尾之龍立烟霧江邊老子歲寒心摩挲老眼對
瓊樹長疑壺公七尺杖把之遠踏青雲路

梅雀圖

野田黃雀何所依蓬蒿之下飛復飛一朝飛集瓊樹
上瓊花映日分光輝自知不足膏君饌羞比交禽羽
毛燦生來未試銜環心幽栖且避韓嫣彈

桃花白頭公圖

桃花幽鳥青春暮細雨輕風散烟霧一片流光逐逝
波芳菲忽遍城南路爲此製得畱春詞鳳笙龍管諧
柔絲五雲一曲飄音沒滿意東風千萬枝

贈嚴木山

金紫官階若寒士一道術威傾新旨素懷冰雪抱玉
壺頽然傾倒向知己過我茅堂鬱蒸天芙蓉萬朵映
秋水爲我論文指我迷心骨泠泠潔如洗如此清風
振萬里酷吏驅之若驅暑解民憫兮阜民財坐弄南
薰默無語敷仁布義佐君理潢池炎塵淨不起

題畫

烟墨潑潑雲山溼无筆塗抹枯樹立飄飄長風
來直送飄航流水急無奈高人磊砢胸極目天際
飛鴻詩魂飄蕩不成句一片秋光無著處

倪小野先生全集

七言古詩

二八

平海歌用韻爲陶揮使公武作

我亦曾跨兩翼鯢海天上下窺清渾呼吸元氣躍神
樞乾天左旋水東奔文武精光未分裂功歌平海慚
白雪將軍叱龍生風雷飛泉出入珊瑚穴直搗扶桑
金烏栖影夜壓樹鳥初啼牙樁星斗定南北浩渺海
道誰憂迷始知將軍謀略遠天維四整坤軸轉小醜
尚爾奮螳螂潛偷出沒試深淺蛟虺走輪明月晴櫓
割不數魚鯢腥龍宮百靈咸效力鼙鼓還應鯨鐘鳴
誰謂渤海投鞭渡舳艫連結蒼背路六軍合勇挾秦
山將軍素已軼蛙怒先鋒捷報將軍聞將軍雅歌呼

孟崙虎帳高掀雲錦翻平波浴日逃風豚採藥何處
神仙客爭古悲壯隱秦策文章同雅儒者流況是功
勳奠天澤文有筆今武有矛身為虎城手鳳樓歸來
高宴會賓佐斜睨箭末星光流貞珉紀事垂無極萬
古應認將軍蹟大書特書兒童謠四口來觀不須譯
將軍之功不多殺火溝血戰羞赤壁

劉州副擒盜歌

滄州濱海木就治況復連年水災繼良民困窮赴溝
壑村落逃亡門戶廢強橫謀生越禮義操弄腰劍國
門禦倚依草莽潛出沒嗟嗟赤子潢池戲我叨民牧

倪小野先生全集

七言古詩

二九

慚坐視法柄空授今皇帝我僚劉公爲我貳輔匡我
力所未至春生秋殺文武才廓清掃蕩真能事黃昏
聞報卽酒厲秋空萬里應翻翅方略中定發何迅眼
底游刃無餘地匹馬指揮壯士旋擒奸宄取諸寄
自古用兵忌濫殺崑岡火炎一何熾劉公自有玉石
辨渠魁殲厥略爾細麗刑允協無再議三木棠頭市
中肆破膚碎骸血淋漓魚斃几上斃刀利市人咸云
快心志此輩不除我受敵劉公父母生全恩根株悉
拔雲除翳我知劉公將相器屈官一州暫小試風塵
邊境大敵勇我輩驚見鷹揚氣今日之功亦奇哉欲

陳當道旌其異封疏未暇上九重聊寫長篇代碑記

蓬萊館小敘舉人鄭巽齋何可齋因稱王倫敘
建侯致之不至噫余以俗吏偶暇地與時誠難
數者而佳客不能滿會能已於懷乎雖然春風
萬里鵬翮高翔是回可望而不可致也

鄭君何君一相見眼底文人屢稱羨如懷吾君天盡
頭高飲誰家雪當面偶過竹院借靜閑頻呼茗椀重
畱戀仰看八極鵬路空正遇春風羽毛健

賓月臺

主人丰采麗冰雪東堂特啓延明月明月如賓來有

倪小野先生全集

七言古詩

三十

期清風使者導瓊節節按東堂主人迎瑤冠玉珮珊
然聲須臾擁出碧雲上賓主光儀同一清畱連款洽
當天處問而不答亦何侶一觴一味聊自酬主人醉
倒賓歸去

送杭州張揮使

將軍有子方青年身長八尺隨龍泉胸胃燦爛羅韜
略豈獨軍戒明三篇綠羅挂金束腰皇皇龍命歸
天朝海門山青烽火滅浙江亭上秋射潮

送同年魯杜瞻尹政城

同年三百半年少杜君年少何老成崑山片玉初辭

璞姿采蘊藉生光明扣之鏗然清以越合補廟堂之
五英赤墀承命作民牧一琴橫道風塵清香花河陽
正及時駐馬棠陰仍問耕愷悌如君真父母循良自
古登公卿太山出雲與於何霖雨蘇蒼生

同陳南坡遊張商卿莊

鳳亭山水近四明山光秀麗水色清崔嵬直接桃花
嶺縈迴不遠蕙江城張君愛山復愛水開箇小圃山
水裏阡陌東西過桑麻池沼春秋種蘭芷小橋斜抱
翠竹溪幽徑別入黃花墅我來相訪賞幽絕畱連偶
值三日雨平生最厭城市居主人高興今何如勸客

倪小野先生全集

七言古詩

三一

飲盡牀頭釀呼童更剪園中蔬高燒銀燭臨池坐雲
端一曲新月墮斬竹便作釣魚竿釣得銀魚三兩箇
冰盤一箸欣共嘗田家百味不能過遂令我飲如流
泉狂歌復有南坡和狂歌豈獨數南坡座中豪傑何
其多劍舞秋霜青眼在樽前夜月朱顏酡連日清酣
誇酒聖凌雲豪興降詩虛綠溪匹馬看青山白雲踏
破披碧蘿

畫牡丹

牡丹愛畫不愛種種者易殘畫耐看富貴雲烟一聚
散青春幾度凭花欄昨日鶯聲臨戶庭綺羅酣醉人

未醒惜花心動酒醒後雲錦墮落驚飄零故託丹青
畫此花共誇筆力畱年華洛陽甲第突兀起春風次
第來君家

題十八學士圖

混沌開時人始生人品不齊難具名淳朴未散多聖
達天下之治垂衣成唐虞以降小人出外陽內陰渾
凶吉知人則哲帝亦難八愷四凶同讓揖三代治化
稱有周婦人豈是九人儔於斯爲盛孔聖言秦漢人
物皆凡流李唐興王去古遠嶽光河脈漸晦淺求才
縷鎖萬當一評品從茲有褒貶今之人才非古同況

倪小野先生全集

七言古詩

三二

是草莽之英雄一時駕馭將相才有唐事業推太宗
干戈未洗尚文治都俞尚見君臣義後來致用爭奇
功敬宗在列難深議小人少而君子多後人須聽七
德歌畫工亦有區區意萬古丹青不滅磨

丹陽贈劉衢州思武次方思道韻

玉衡橫秋出明堂古衢仁政有脚陽天子書屏良不
忘幃帷歷道多寵光雲翰南垂復北翔青山歷歷水
浪浪神明扶植君行藏敢負如斗黃金章

水牛圖爲陶揮使題

野堂春草新如織綠烟十里散初日苗田如雲小雨

餘一犂功成合閒逸桃林曾論百戰勞田單火陣角
置刀稼穡艱難自年歲須念力盡畱皮毛

伍上虞汝珍奏功北上上虞諸縉紳會新祠贈
以詩予追惟舊冬東山之遊君主盟而同遊者
二謝聯舟泛江登臨兩眺歌宴極娛唱和並麗
踰宿而返抵梁湖驛君又唱爲聯句清風雅韻
想不減新祠予故用韻敘此以贈且新祠之贈
述其功予則敘其情功在民情在友他日同有
所感云

瓊梅日下輝九英春風喜挹仙郎清桐崗萬仞雄孤

倪小野先生全集

七言古詩

三三

鳴彩筆如戈當筵橫筆底芙蓉鏤刻明字字落紙金
石聲東山兩跳如赤城新詩弔古輪精誠山水之間
憂樂并鳴騶到處咨村氓黃昏古驛聯句成燈前意
氣傾生平雨花暗墮楓樓斃杯酒如忘身後名短簫
橫笛喧江程山月夜吐江雲輕回首仙駕朝帝京雙
鳬極目江頭情南浦又見碧草榮恨無羽翰隨飛旌
阜蘭汀芷何處生採之欲贈仙郎行

次李崆峒韻送吳江吳光祿

錦袍白馬薰風前欲發未發仙河船忙向長安扣我
館二吳有弟如惠連老成禮數壓賓座眉目清朗肯

青年光輝照我覺形穢秋空氣爽流嬋娟尚書膝前
稱少子更見多賢離繁祉德星聚彩應在吳往歲嘉
占勤史氏一官新得任子思千里兼有趨庭喜驂騑
步驟道何長問閭勳名世無比吳家藏書次天祿書
堂突兀依江麓載向金陵凡幾車藝苑文場恣遊目
善談玄理心所耽新得奇編手親錄世上紛紛驕逸
兒鳳鸞羞與雞羣逐

世祀堂爲蔣進士拱題

岳亭之先蔣最昌岳亭侯封挾漢光遭世中微遠飄
泊遂令蔣氏訛爲楊嗟吁本原失所自末流播蕩虛

倪小野先生全集

七言古詩

三四

蒸霄突兀尚存岳山墓古木鬱秀長藤蒼賢哉拱孫
拜墓下野老指點開述茫青芻酌酒到泉壤西風落
日增惋傷起家進士轉輝赫岳亭世澤奚忍忘殷勤
一疏復初姓又見漢胤重芬芳邇來一百幾十載靈
爽炯炯昭茲堂百世瞻依趨走地羣昭羣穆來踰踰
山花開兮山木落春風扇煖秋雨霜一度登堂一悽
愴乃知孝道君爲倡

爲蘇州王監生冕壽親

山人手移雙玉樹植之洞庭之深處鯨波浩渺絕塵
埃鳳穴光輝吐雲霧春風秋月記歲年連理同心比

夫婦錦衣遊子天上歸山中此日逢初度

漱石爲衢二守陸君題

舊聞吳下漱石子一清可通吳江水作官偶在三衢
閒滿庭碧石瓊玉似問之鑿得衢溪精扣之鏗然有
古聲與子氣骨風相契取以漱齒生潔清朝來漱之
暮復漱餘酣一洗初醒後蘇門舊有嗜茶風此復一
漱功乃懋與子坐談玉雪飛冬月梅花點客衣齒牙
不挂烟火食平生冰蘗心無違

用韻賦贈王鳴和太守

人生貴味辛與苦甘美過傷脾病土人生涉歷快意

倪小野先生全集

七言古詩

三五

多出門何以當威武孰知吉凶禍福衝吾心得之良
有主此理驗之古誠然夙夜貞厲履九五偉哉王子
大丈夫赤手撐牙當虎怒訥言柔兒一書生眼前俗
子敢嗤腐作事磊落不同流節義眞爲世教補奴視
權奸氣吐虹一疏上達何慙魯三木爲因落詔獄鳳
凰東縛野雞舞幸逢聖明不可欺依然雲路振儀羽
昔日沾頭談此事敢謂樽前語誇詡士林詞賦動黃
鐘慚我野音鳴瓦釜三年閣筆不敢題棠陵長村勇
先鼓五馬輝輝向武昌畫船旌旆候江浦過拜高堂
錦服明更喜天年過希古重尋舊日讀書堂玉樹金

蘭鏡環堵人生禍福天定時今日試觀王水部

鐵梅予既爲養敬賦養敬少之遂信筆一首

鐵梅之號何所以我是鐵梅之知己乾坤孕出貞石
骨嶠以剛風堅其髓冰花片片出鎔鑄風塵迴立瓊
瑤樹枝柯雖與鐵色同玉中能辨荆山工人云鐵梅
知不知玉梅花下長相思

偶過池亭見海棠已謝悵然有述

癡童失報海棠開孤負芳情把酒盃幽豔初新我不
來粉紅盡退美人腮細雨柔風俱不管花魂渺渺赴

陽臺

倪小野先生全集

七言古詩

三六

送嘉賓

蘇子白面黑脣軍門杖策清勁兼烏紗錦服暫歸
省頭角崢嶸鄉里瞻松菊門庭添鬱秀葵榴風日消
蒸炎堂前阿母古共姜笑迎遊子鉤青簾

寄壽韓元

不見婁溪韓隱翁十年信息幾迴通歲月催人雙鬢
老隱翁今日古稀逢林下散冠裁翠竹山中野飯啖
青松聞知顏貌更復少欲從東海共騎龍

張秀才別號湛泉

細雨霏霏橫浦船有客來訪文鵬病臥不能接一

語臨別索我題港泉江湖浩蕩道者霖雨潤澤明
時賢苦憶港泉不可見夢落青松白石邊

風雨

雲壓湖頭風雨急燈火無光寒氣襲暗中怕有豺狼
行黃昏按劍還獨立明朝天色復如何舟航萬里暫
蹉跎年來京國江湖想一入江湖憂更多

杏坡爲呂醫士題

道人高隱清江城杏花萬樹映江明朝來一片丹霞
色食之可以度平生道人顏色日漸好春意拍拍盈
懷抱手製奇方濟世人閒來欲訪商山曙人人呼爲
倪小野先生全集

七言古詩

三七

杏坡仙杏花結子東風前

寄吳希臣忠

石君來到書始通開緘如見故人容慙慙遠寄蘇州
絹萬緒千絲色轉濃頗覺頭顱經歲月空將信息託
魚鴻何時共泛蘇州棹霜月楓憲半啓蓬

贈徐良瑀

十年相識徐孺子下榻雄州顏色喜酒杯花下睨乾
坤碁局燈前坐風雨慨慷重見北海賓隱淪擬作西
湖主不惜黃金買翠蛾畫船日日歌金縷

謝錢節推

錢君送我沙水寺冰壺凍碗慙慙意新秋氣動白苧
衣薄午陰生紫羅樹我去朝天君守雄牧民事業古
人同西清物色煩持護來歲還期賞碧筒

贈蔣翁

蔣翁鬚鬢映雪明蔣翁顏色秀而清精神疑是道者
授秋風躍馬豫章城大將喜遇王夫子命之部領偏
哨兵雁野猶帶岩峒氣束縛不作咆哮聲長繩繫首
彭蠡鯨鰲割不數魚鰕腥大將賞罰何公平厥功細
大聞天庭蔣翁之功亦見錄青袍烏帽鄉里榮嗟吁
眼底青梁子一旦虛生亦虛死把酒贈翁雙眼青人

倪小野先生全集

七言古詩

三八

生貴作品藏士

題啓德溫石崖卷次方思道韻

後川之崖何高高玲瓏天柱撐丹霄飛鳥不度愁弱
毛七星旋轉礙其杓攬秀可染仙人袍古樹不折許
由瓢俗人欲上力誠勞長尋老子叢桂招石局分部
猿鶴曹虹霓挽作渡河橋高居遠望氣轉豪年來養
就神仙標一食一飲烟火逃春風咀嚼紫芝苗

贈沈東軒

東軒老翁邀我住軒下一林紫蘿樹曉來日出雲錦
紅瑞氣一簾凝不去老翁高誦玉樞經我正新剪芙

蓉句兩意悠悠各不言箇中卽是參禪處

醉書羅本深壁

杏花樹下酌春酒東風吹面酒易醒青山墮落酒盃裏
酒盃對此何須停雲光滿地日杲杲花陰覆席春
冥冥兄弟如君情不厭落花風雨還同聽

贈陳子燦

看君大書何奇傑越山樵者興初歇看君把筆興方
濃銀鉤鐵柱恣蟠結我有門楣千尺高羨君書法今
古豪爲我大書照日月光輝且歷閭里曹

鐵梅爲諸養敬賦養敬少之信筆一首

倪小野先生全集

七言古詩

三九

剛腸不屈劉元城千載人知鐵漢名昆吾山邊埋玉
骨瓊枝玉樹一時生君山老人梅花曲洞庭三弄盡
商聲夜看金氣凌牛斗不知乃是梅花精

東江爲楊時瞻題

先生自是城市居託迹東江意何如扁舟一葉春風
裏細雨獨釣桃花魚紅塵昔日路途倦青山此夜襟
懷虛我歸亦解浮雲態欲傍蘋花結草廬

題畫

子規啼遍春山裏鯀魚初試桃花水樵者得薪漁得
魚所求各得心何如相逢笑語同歸去白雲迷沒家

何處黃昏慣踏溪橋路指點門前古楊樹

寄孫錦衣伯泉

橫身欲抑彭蠡波赤手欲斬妖與魔豈徒文武冠天
下忠孝堂堂第一科五鳳樓前監綵仗八驕道上動
鳴珂聖主正隆勳德報丹書耿耿誓山河

壽詩

我受樂安湖上叟隱居湖上樂安久少陵潭畔歌百
花靖節門前栽五柳香浮秋露芙蓉盤氣鬱春雲醺
醺酒百年詩禮看趨庭鳳凰舞今麒麟走

壽星石

倪小野先生全集

七言古詩

四十

壽星有時化爲石春風吹之玉顏色巉岩頂骨雙耳
垂蒲葉紛披八字眉青天無雲夜吐氣南極祥光照
天地草庭對之養性靈時點頭今講道經

荷花

荷花不開無奈何荷葉轉盛青婀娜細細香風飄薄
暮重重清影覆蒼波美人佳贈盤爲玉俊士新恩服
換羅曾向憲前聽急雨半窻秋韻繞庭柯

爲中書吳惟德題鸚鵡塘

聞說君家鸚鵡塘青山遠映水浪浪前有禰衡後李
白品題千古重文章漫憶涯翁畱綵筆擬遊仙洞過

茅堂烹茶煮笋他年事爲我先栽紫竹牀

贈茅克垂

茅家兄弟皆可愛二茅風韻更飄然黑而且長如鐵
漢中藏美玉卞和冤放浪形骸詩酒裏馳驅場屋俊
髦前我歸獨擅安石壁君資莫吝賭棋錢

愛日

椿樹綠兮萱花黃庭階白日生輝光孝子愛之心無
極安得此日如年長金烏西飛不可畱蓬萊歲月終
難求唯有仲尼明訓在以色養親消其憂一日不憂
如一年一年不憂如千秋崇官豐祿亦徒爾忤意拂

倪小野先生全集

七言古詩

四一

心生亦死空向高堂泣畫圖眼前誰是綠衣子

松鶴圖

飼之曰俸乘曰軒我非不感君之恩江湖野氣不可
馴長風翼我游乾坤海日初上崑崙頂羽衣露乾弄
雲影遙向青田啄玉芽夜宿松頭萬山靜深林瑞靄
四時青鳳凰驚驚翔蒼冥草堂物色得所依細細茶
烟夢未醒

淳朴園

蓬蒿不斬長於竹野藤之蔓直上屋松柏自穉不盤
束礙日撐天森矗矗鶴不籠兮鹿不樊如在天兮如

在谷風月浩蕩入吾廬白雲亦借簷端宿撫弄一張
無絃琴餘音不盡還往復素書一卷無一字默而對
之三誦讀

題畫

道人長住秋谷裏白雲鎖斷谷東水人間迴若縹緲
閒金城玉壘突兀起石田新長芝花紫採而食之能
不死一曲商歌太古音霜風折竹落松子

贈杭州劉節推

劉侯降生執法星天帝敕典杭郡刑劉侯之才新發
矧光芒照地天爲青發姦摘伏神驅霆天帝藉以宣

倪小野先生全集

七言古詩

四二

威靈書生訴盜登其廳白晝攘金遁其形劉侯卽時
差捕丁有盜斯得係纒置之於法一市寧書生感
德心自銘劉侯通律先通經經以用律律愈精天帝
知名書於屏徵取司平佐法庭鷹今有風揚其翎牙
兮有角不可撓

芝莖石

蘭芝之莖何婀娜化而爲石何磊砢鬼丁掘自崑崙
峰仙人煮以霹靂火歲嘗帶紫雲根春重長青
霞朵七明九光輝堂上壽之徵云在我

醉香亭

百花香霧漲林藪
露濃霞蒸三月後
濛濛撲鼻復沾
屑煖沁詩脾醉於
酒夢爲蝴蝶宿花
房醉香深處無
何有吹面不醒芍
藥風亂紅如雨坐
來久歌聲宛轉
喚不回黃鸝對對
鳴翠柳乍醒更惱
醉餘馨茉莉
花逗南牖

老岩

老岩開闢是何年
疑同滄海變桑田
岩頭古蘚沙浪
痕歲歲春風吹不
鮮怪松乃是蛟龍
化得獐爪角猶
宛然有石嵯峨似
鐘鼓鯨鮪未死聲
徹天有若人兮
抱古樸直氣磊落
非便娟首戴冠切
雲漢腰懸寶

倪小野先生全集

七言古詩

四三

劍開雲烟呼猿叫
雀爲伴侶風清月
白岩頭眠

用陸二尹韻壽詹母

眼前不羨滿簾黃
日喜平反報北堂
瑤池王母獻霞
觴東方小兒優語
狂壽筵伯以神仙
樂紫雲一曲壓
伊涼

寄新昌曹大尹

曹公坐治新昌縣
神明之治眞可羨
已爲蒼生作雨
霖堪與天王掌雷
電求者莫按騏驥
圖美哉足媲循
良傳飛揚萬仞待
秋風摩挲老眼瞻
天漢

鶴齡

仙胎養育崑崙嶽
骨清肉輕神態遠
春雨琅玕未實
時啄食青田香玉
輒一聲嘹唳落青
霄踰颼羽衣舞
正矯千年幾度瑤
池會見我三偷王
母桃

次莫一介韻

山翁何事色枯槁
忽動神機面如掃
風雲踏過閭闔
門歲月夢破邯鄲
道笑探春信意重
重坐弄夜明輝
皎皎菊花園罷梅
花開與化爲徒不
知老

二

山翁在山何綽約
守雌猶如處女弱
酒後揮毫天與
狂花前倚杖風不
惡十雨潮痕沒柳
隄半空月色留

倪小野先生全集

七言古詩

四四

蓮閣不知門外勢
翻天虎鬬龍爭試
奇著

題畫

野翁已得輞川情
忽看圖畫眼偏明
岩雲重掩泉石
色江草微含風水
聲野翁之情君知
否桃花已熟山中
酒側身天地觀烏
飛菩提樹長坐來
久渡舟往返
春秋世事紛紜復
何有

贈琴士

夏宵明月登高臺
天末蕭蕭涼風來
白苧短衫寒透
骨冰天無處著炎
埃疑有高人弄化
權秋鴻一曲秋
柄廻問之是誰不
相識哀猿怨鶴空
徘徊請君莫奏

梅花調雪陣紛紛撥不開

東岩

海濱有山湧如玉海水翻濤打山足大石墮落如岩
昂道人每向東岩宿朝來彷彿扶桑光蓬萊倒挂岩
頭屋九十年來觀世紛乘鶴遙上聞風曲而我同之
重歎嗟但遺手植青雲木一株分作二株榮寶桂王
槐花簇簇

默泉

龍山有泉默而流泉源來自龍峰頭奔騰無聲海波
應掩遏不住雲氣浮春日作旱欲喘牛往來飲之厥

倪小野先生全集

七言古詩

四五

病瘳功論餘潤遠以周不數當年橋井秋

過韋德容宅有題

名園佳樹幾千年一迴相過一迴憐却怪主人意疎
蕩短茅繁竹雜雲烟因歎主人陋巷賢明珠此日光
沉淵風雨清秋嘉樹撼主人抱泣聲徹天

洛神圖

洛中有女古帝子化為神仙長不死容輝微弄星月
灣形影半隱烟霧水神仙亦欲畱其神惟恐好事傳
失真才華詩思如子建一時付託誠茲人雲山日落
依野樹過眼神光飄響度心聰默領一寫之詞客登

堂稱此賦今古丹青幾擅場真意凋殘堪惋傷千載
之下空想像畫師筆力紛爭強嗟嗟舉世求真者當
途四顧塵茫茫

天池山

天池之水長不乾天源隱隱月輝倒映蓬萊
色六月高涼齒昔寒丈人釀得長生酒不數當年玉
露盤

倪小野先生全集

七言古詩

四六

倪小野先生全集

七世孫繼宗編次

長短句

沈石田畫爲姜吏部夢賓題

吳中山水稱石田家家屏障生雲烟一時謬託不復
辨遂令畫史虛名傳石田妙於詩詩亦有窮處於焉
借丹青寫我吟中趣君家茲畫真無價惟我知詩乃
知畫雲山意態千萬重樹林窈窕雲山下曲曲溪流
如有聲尋源只見瀑流挂青鞋緩踏碧苔路囊琴未
解江村暮鍾郎不遇何足嗟天機物色俱超悟我觀

倪小野先生全集

長短句

一

茲畫忘歸期彷彿如在西湖時興來獨出清波門自
惜當時塵慮妄主人勸酒盃到手五中烏帽影參差
山林柔艸殊形勝令我無丘壑思倚竹看畫思漫
漫君家竹屋休長關

寶松歌

君家有松樹松下寶松軒寶松之意難具言吁吁此
意深且長前人栽此南山岡望以充棟梁求以傲雪
霜松兮自蒼蒼人兮何茫茫吁吁此意深且長上有
枝願拂天恐天有限而枝屈旋重雲鬱霧休摩乎其
頭下有根願透黃泉千歲變茯苓萬歲化琥珀龍蟠

虬糾遍生乎九淵好鳥願來栖惡鳥休來啼虎豹礪
角鹿礪蹄我心惻惻傷以悲我願爲女蘿纏綿萬尺
護枝柯冰鏗霜淬淩歲寒風暄日麗生春和恨不託
根徂徠之嵯峨願借巨靈神力潛移默運過江河奇
峰疊嶂軒前羅此松安置青雲阿桑田雖變海此地
無風波天地有窮盡未末無消磨幾經閹闢不爲多
沉思忽杳渺涕淚垂滂沱寶松之意至此無奈何此
意深長漫賦寶松歌

題張千兵廷鎮平海卷

六合之內皆王土祖宗百葉脩文武海涯小民頑且
倪小野先生全集

長短句

二

魯操干戈抗州府尺書報朝廷廷論謂宜搜出廟略
耀皇靈旌旗掩日月號令飛雷霆當時良將多超距
小者比韓彭大者希伊呂帝降手敕曰在汝張將軍
先鋒獨出東海門百艘兩翼分一鼓萬馬奔呼濤叱
浪渤海渾穹魚昂首肆吐吞長蛟毒螭出沒左右軒
乾坤氣定神閒指揮之下安如山回顧海水還潺潺
酣戰日午誠開關羣兇授首凱歌還春生秋殺奉天
命一方保障寧以靜功勳一將風雲高懽忻萬竈鼓
笳競平海有頌三吳賢我今聊賦長短篇

張參軍歌

即延

張君氣骨摩青空鬚長一尺生雄風來佐鎮海立奇
勳千里重見髯參軍蜚江春日百花發官航一葉乘
紅雲袖中黃石書妙授秦漢初太平時節斂方略五
斗飲老東海儒當今鸞詔遍海宇廟廊利器君自許
別意慙慙春半天金鞍細洒綠楊雨

贈范基士歌

機心甚於兵肝腦塗地苦君有機心笑談閒聊以侑
樽俎嗟嗟韓白徒貽笑互千古機心如君或與韓白
遇爭衡四海英雄伍青年挾策走兩都賓主交定動
部府我亦傳得爛柯經醉後脫冠搏龍虎無乃吏事
倪小野先生全集 長短句 三

困簿書爛柯經匣牛塵土新漾江上喜逢君一忬未
了春日午

別江揮使廷俊歌

江公今六十我今四十一屈指百年間世事幾閱歷
公今見我好顏色別後聚散不可測不知到得白
時觀君白頭雙眼碧世間萬物遞消歇寒暑不變惟
金石我知生死有定數知者非我人共識當此離別
淚沾臆燕鶯春花柳密芳草滿地可作廣其君一醉
笑談劇蘇門東望海霞赤思公欲見不可得且將一
缸桃花釀痛飲直到月生壁

尺石池

長江涸赤壁拔五丁鑿塊石渾旁礪石髓中剝腹空
豁仰置呀劃天飄落萬竇呼泉水澄活凝視蟠黑龍
縮角風刮刮魚潑潑生新出惡嗟嗟君子之池今君
子之樂

題鄒宜簡三友同心卷

世人重結交樽酒話平生堂下拜妻子相呼爲弟兄
轉眼利害僅毫髮宿醒未醒睡眈眈主人壁上張郎
題丞相筵中灌夫縛世途茫茫共誰語湖海今逢二
三子親戚朱陳村詩書杜韋里黃金博歌笑白首歸

倪小野先生全集

長短句

四

桑梓冰霜明道義膠漆固終始此意漫向市朝求落
井下石汝輩羞欲著青鞵東南遊與汝爛熳吳淞舟
擊碎玉唾壺歌此激濁流

秋日題畫贈顧朝楚

野水沒蒿蕪滿地悲江湖一葉扁舟隨野夫煙波裏
江寺孤依泊竹木疎君來訪我日初出天低樹杪飛
白鳥茶烟一抹栖枯蒲知我宿處遙相呼此意殷勤
無以贈新詩一幅丹青圖

聽錢心漁吹簫

白雲阿裏青桐屋萬嶺松杉寒夜宿紫簫老人自城

來爲奏赤壁當年曲使我聽之神欲飛飄飄秋霜流
鐵衣似向江頭立江月百年誰謂知音希遶西不見
回書雁獨倚高樓幾聲歎嬋娟深鎖朱門閉隔窓道
我相思意東家少婦新孤寡燈前嗚咽雙淚下履霜
之子無限情還向膝前悲不平纖風動青蘋雛鳳鳴
高岡泛泛落花隨曲水悠悠千里歸滄浪

且如此

且如此且如此素位行之而已矣朝作夕休水流坎
止秋雲淡過目春鳥鳴感耳去之不可留來之不能
拒且如此且如此菜根有味聊自甘茅屋未破安須

倪小野先生全集

長短句

五

理放舟長覺青山隨開窓只見白雲起讀書友聖賢
飲酒忘爾汝黃閣事業掀乾坤丈夫得時龍得雨

拙逸

錢塘江舞潮郎浪頭踴躍如尋常翻身不給江中央
巫峽川逆水舩犯險曲突岩崖牽卒然牛馬相枕顛
泛泛一葉洞庭裏今日風波今日止不與造化爭利
便風檣雨舩隨時使我無舞潮逆水手平生不識龍
門口當時自愧不如人不如人處安吾身

清浦怨

清浦水流不止遊魂隔千里清浦有流移妾心堅自

持清浦有塞噓妾心未自潔燈前暗雨想風波夢魂
夜夜清浦河豈不念婦人不下堂百年幽恨當如何

送琴士

攜琴上燕臺彈罷燕臺月春夢繞江南旌旗侵曉發
歸去還尋猿鶴君南零峰上眠孤雲梅花古調弄江
水我立青霄應遠聞

春暉堂爲唐侍御虞石題

春暉堂畫錦日蒼顏阿母眼如漆鳳冠我我德在躬
牙繡煌煌歎繞膝憶昔春暉涕淚前呱呱兒女啼相
牽冰霜不廢孟母織風雨時頌共姜篇念冰霜與

倪小野先生全集

長短句

六

風雨一朝消盡春暉吐芳菲景畱三月花翔翔輝動
五雲羽春暉之草植瓊園拂天枝葉華且繁報答寸
心應不盡長養至德難具論春暉堂下南山好玉燭
長調春不老一年一迴馳馬道年年感此春暉草

姑蘇園

我昔曾爲太倉守問災三吳忙奔走十朝風雨不開
晴洞庭水接白茅口波浪飄搖映畝閒稼穡爛死雜
蒲柳村落逃亡煙火希春風燕子不知歸今朝偶聞
姑蘇園重重樓閣映江湖華堂笙歌按檀板彩輿簾
幕垂屠蘇吳趨坊間門道眼前佳麗今稱好不知茅

屋與蓬門日色荒涼半秋草安上門有鄭俠賢有圖
直獻君王前乃知畫者抱深思丹青豈獨絢山川

長歌送舉人下第

風塵踰踰憐吾子落日獨步燕門市長劍陸離頻睥睨
欲試未試誰知已誰知已將奈何且彈長劍高聲
歌黃金印條映微雨玉河流水揚清波紫埃拍拍東
風和吹上君顏生婀娜蟲雞得失尚未定鸚鵡高下
誰云多憶昔公孫弘六十猶未遇徘徊公車開落魄
遊何處終作漢家鐘鼎臣白頭事業青雲新雙眸炯
炯舌尚在何況吾子猶精神且收書篋歸東越蓬萊
倪小野先生全集 長短句 七

山上多雲雪餐之可以沃心熱心清自得神仙訣神
仙本近王皇家起來重看金臺花

搗衣篇

搗衣復搗衣搗衣對明月玉腕白於霜月色同皎潔
西風驚地起塵沙測我朱顏與怨嗟似爲郎君報邊
信愁心此夜繞天涯踟躕停玉杵雙淚下如雨生來
不識字無由致私語憑將衣上針線迹一針一線疎
復密行行宛似相思書別絨見之燈火久

竹林七賢圖

清風吹竹林春江映晴碧烟雲爲圖書天地爲幕席

四座羲皇意正開一枰楚漢戰方劇問之此迹何代
傳云是晉室之七賢形容物化幾百載文彩風流今
宛然八斗山尚書一石劉先生痛飲各滿量傷然遺
世情何內向子期陳雷阮嗣宗玄談鬼神避長嘯巖
壑空阿咸琵琶不脫手典來豕吸大盆酒目光爛熳
巖下電阿戎清賞來何後石屏我我鳴琴張高調壓
座疑嵇康龍章鳳質不可貌丹青之意無乃荒神仙
有象何處真廣陵一曲傳其神

宿瓜州熊氏樓

百尺高樓突兀起管絃盡亞紅塵市春光浩蕩白映
倪小野先生全集 長短句 八

空雲影搖漾前江水前江水弄畫屏林巒巖巖連赤
城海門烟樹上朝日珊瑚欄檻江輝生我來登眺當
春初石屏殘雨梅花疎青綾帳底借高枕且枕一卷
羲皇書夢魂轉清越虛疑打窓雪棟角銀河橫簷牙
冰月缺何當獨立聽鳴鴻老鯨夜送金山鐘驚呼主
人語絃景此身如在中潞峰主人默不語相對無情
緒欲呼白鶴乘之遊江北江南迷處所迷處所將奈
何主人按拍我高歌黃梁未熟夢未醒富貴休作尋
常過

鎮江圖

長江萬里奔海門金焦二山控扼無以肆吐吞元氣
遏塞雷霆罔怒聲震蕩搖乾坤鯨鯢吼今蛟龍逝血
戰波濤似平地英雄勝負不知幾百秋眼前江水今
悠悠曾採蘭蕙與芳洲落日更登多景樓試問英雄
迹野老指狼石孔明有長計吳臣當屈膝明主按劍
起乃識中原賊苔花草色迷其處紫烟紅霧輝輝霽
沙樹江山佳麗今如何漁人一曲清平歌我欲和之
獨坐中冷峰但見水浩浩而山峩峩

劍池歌贈石生

虎丘何崔嵬云是吳王墓鑿池徹九泉罔壘復阻護

倪小野先生全集

長短句

九

中藏寶劍幾千年金精光吐上燭天白石雷霆山石
裂萬仞之底沉龍泉臨池高呼呼不起眼前誰是風
胡子張雷亦是希有人令我恨延平津知君久鬱
英雄氣風塵滾滾埋其身笑傾一斗酒爲君洗雙淚
壯士掩抑歌天星落芒華劍今人今爾未遭匪人得
志操鉛刀赤堇山靈泣清旦昆吾迷沒紫石爛

墮芝石

商山商山何磊砢長風萬里吹來紫芝朵鏗然有聲
當我前墮傍人指爲石肉髓甘膩人不識學得仙人
煮石法爛煮此芝還大嚼

閱武

南雄太守紅錦袍八騶橫道開旌旄下場閱武試龍
韜諸葛眼底無孫曹堂上授方略堂下聽指揮雲屯
星布雷震威四圍魚麗合雙分鳥翼飛中有猛士突
而出手輓強弓三十石駿蹄如鶴踏浮塵翻身放箭
巧破的鎗手舞長鎗青蛇丈八長電光盤赤地白日
生慧芒鐵鉞夜叉頭復著黑虎牙黑風海鬼立殺氣
偃塵沙霹靂連聲青海底萬騎銜枚寂不語左哨奔
度東南隅恍惚颼颼風送急雨橫笛短簫韻清平千羽
舞罷和氣生矢石之間有禮樂肅肅雍雍仁者兵陣
倪小野先生全集

長短句

十

聽潮閣

五月二日登吳山道人坐我聽潮閣萬松風雨坐來
收白日猶疑風雨作閒窻遠看洗溪開平地一瀉銀
河落初疑茶沸隔竹榻轉若甕盎相擊春滿城綠車
激午風乾坤轟割闕蛇龍悠然直過江天末千軍夜
喊如逃鋒何常赤日燒青空借我一枕高臥吳山峰
聽此解其意起鼓三尺桐攜之遊四方洗彼塵埃胸

君不見繁絲弱管，歌袖聽潮閣上逢清晝。

悼安黃門經母

母慈子必孝，恩至氣亦通。悠悠千古後，此日還淳風。
賢哉安母初歸時，安氏之子呱呱悲。指畜顧復如親
兒，安氏之子就成立，九霄高奮青雲翼。回顧六尺軀，
念茲恩罔極。死者之恩不可報，生者之恩冀可。

日圓升斗奉親懽，螢花零落西風寒。十里望

風號，白雲飛散天漫漫。慈母當時純孝今如

否，吉甫妻履霜中。怨以妻安氏之子哀之深，乃見

安母慈愛心。

倪小野先生全集

長短句

十一

題蘭

君不見楊葉青，隋隄風雨春冥冥。又不見桃花碧，金
谷三月無顏色。繁華過日不可留，幽蘭遲暮芳清秋。
君子懷之如夙契，故託丹青寫幽致。會稽山人筆入
神，桃花楊葉無生意。當時憔悴湘潭人，此心獨向蒼
梧陳。結綺佩服慕芳，至死不忍離其身。不獨賢者
聖亦爾，荷蘭一曲雅音起。顏琴點瑟誰與傳，千年和
者有韓子。我登君堂聊賦詩，氣味於我偏相宜。主人
何必種九畹，願言此意長如斯。

夜酌金宗德宅

花盈枝，月當戶。三月逢十五，羅衣新試紫陌風時光。

豈得聞歌舞，主人儒雅心。近古華堂夜宴適，花吐黃

閣詞章耀目輝。犬袖高冠列文武，我官滄洲慙無補。

觀風海濱有鄒魯，一時傾蓋南州才。尺刺未見投官

府，但逢好景開樽俎。僚友交懽不相侮，張將軍姜吏

部參軍之子更楚楚。眼前長得數君同，此樽始知青

春不吾負。

爲衡州徐進士良節南峰卷

南墩山高，高南墩書院山週遭。南墩先生隱其中，儲

書萬卷遺兒曹。桂芬蘭茁瓊玉標，南墩去後繼者誰。

倪小野先生全集

長短句

十二

南峰結屋南墩隈，南墩高高多奇峰。獨有此峰鬱秀

開，白洲書扁大於斗。南峰有繼南墩後，雲谷輝光草

木香簷下日見麋鹿走。我欲訪君未同途，今日試觀

南峰圓綠溪綠竹，夾清流溪流曲處茅扶蘇。君歸南

峰愛丘壑，此詩贈君何落落。相思無奈展詩篇，新月

暮挂南峰角。

爲高秀才世美題南屏卷

青波門外綠楊雨，湖光洗我看山眸。千峰萬峰看不

盡，南屏山色湖上浮。何當更泛蓮花舟，紅樹如花發

白雲如水流。光景多變化，獨藉詩篇收。歸來忽逢南

屏子解我詩囊喜相語自有南屏山來無此吟山靈
夜泣風雨秋沉沉爲君書此短長句好挂南屏讀書
處

送湖原明進士南歸兼壽母

憶昔兒辭母母云兒去莫空歸旅食京華二十載名
成歸省萱花幃重把舊縫衣白日生光輝母云白日
之光輝出門須念舊斷機兒云三公亦漫爾二十年
來甘旨遠但願階下春草長芳菲雨露長養三春暉
鶴髮復回黑象服長明緋

爲徐中甫題畫用何大復韻

倪小野先生全集

長短句

十三

羣山簇簇映林薄隱隱寒泉石中落湧作春江幾曲
流曲曲環浸沙田脚前村後村鳴鳴斷雲一片山
頭孤雨意倏有還倏無老農俟餉隔江呼農事及時
當耘鋤東風吹盡生江蒲江蒲青青江樹綠人家斜
抱春江曲棋枰畱客日看花茶匳當軒烟繞竹綠知
此境桃源是却觀圖畫風塵裏王維空道輞川莊昌
黎遙詠盤谷序悄然坐我高眺邊夕陽古剎明遠天
而我觀之心緬然未能脫迹尋神仙君不見山林朝
市各有緣至今誰泛桃花船

題秋香玉兔圖送翁別駕之成都

臨衢白馬行踟躕贈君聊題秋菊圖三十年前看花
夢西風吹醒遊成都羣花早發遲早落踏遍紅塵猶
健脚幽林深谷冷艷邊愛向餘暉玩霜萼成都官舍
山水明成都別駕襟度清此圖相對發清興高歌爽
颯凌青冥君不見嬌鶯乳燕飛芳草虎豹縱橫荆棘
道何如菊畔明月魂侯露餐英長不老

荷亭偶書

日坐荷花亭荷花如美女無處着塵埃清風夾細雨
愛花之心古人同纖月初出瓊瑤宮彷彿環珮乘游
龍香魂淡淡水波空當年子建招不得喜我晚歲還

倪小野先生全集

長短句

十四

相逢相逢不可久零落秋霜後情好結中腸製爲芙
蓉裳服之頗自好吟踏若耶道

冬日

冬日可愛兮茅簷竹戶疎林敗葉積顏堵日光照我
輭草榻隔歲寒袍木棉補瓦盆盛酒兒孫舞頑孫持
我鬚騎兒枕我股一醉不知日過午嗟嗟手簇紅爐
燒翠釜烹鷺膾炙麟脯我樂天然不外取嗟嗟手此
不足數

樂閒

天地閒何可樂唯此身無束縛婚姻已了事逍遙功

名於我雲輕薄風情行伴水邊鷗秋聲臥聽山閒鶴
淵明有賦君觀之醉醒無端分好惡

寄胡竹西

久別竹西君相思對暮雲平安頻有報鸞鳳已成羣
上海舟航十年思銀箏錦瑟醉歌裙江頭悵望真如
夢風雨蕭蕭秋夜聞

題杏林橘井圖

杏林風橘井雨飄瓊雪流玉醴瓊雪玉醴上壽丹骨
換胎移腸若洗昔人妙術今誰傳紫草鄉市有半仙
江山隔越不可見有圖看來人宛然翡翠苔蘭上珊

現小野先生全集

長短句

十五

湖水月邊坐觀白石爛笑指滄溟遷歲星落人世非
狂亦非戲市朝且浪迹醫士聊試技曼倩畫頗
解至人意杏林橘井還優游人不知爾亦休白鹿
峰頭長嘯日一家雞犬亦升丘

用韻爲四川王都憲賦

五湖風景好今日有誰爭雲安老仙歸去來自頭餘
興繞青城老仙元是雲臺客赤手曾煉補天石上爲
吾王張翰蒔下爲吾民置樞席素秋河漢懸瓊瑤白
日雷霆震砂磧老仙顏面不可逢傳播芳馨尚堪挹
我亦慕仙者蓬閣阻雲天嗟嗟室爾遠徒歌好德篇

尋真渺渺疑無路寄語悠悠欣有緣春風得駕滄州
鶴蟠桃會裏卜他年

鵬海歌

陸公諱遠字九萬鵬海其別號也憶昔李太
白爲司馬子微所知作大鵬遇希有鳥賦以
喻其意予接公於五酒笑談閒見其學博才
朗韻逸悟超玩弄世故不以區區介意則茲
官固其寄也曷足爲礙誠所謂可與神遊八
極之表者鵬海之託不亦宜乎夫人孰不欲
爲鵬而未知夫海也無礙則海有礙則非海

倪小野先生全集

長短句

十六

予故擬太白之遺馨謬以希有鳥自居爲之
歌曰

有鳥曰鵬云是鯢之所化一吸爲秋冬一呼爲春夏
龜獻九疇龍呈八卦是何洩天機於下土不若茲鳥
抱渾沌而閒暇觀其揚飛大海縱其所如直與乾坤
相下上不知日月之居諸白蜺青虬道無極道遙適
意豈說廣寒之墟有若人兮託以自名揭孤志而迅
征薄遊湖海識豪傑飽食經藝掇華英自有書契以
至於今日文章不知幾千變胸中一一罷縱橫平生
奇兀有如此但見鵲斯瑣瑣蓬蒿之下空爭衡有策

扶王伯無意謁公卿一官不自礙掉臂乘風行不作
高彈起絕調盃酒吟弄真意傾垂雲之翼且少斂凝
目停視天爲青遇我亦是希有鳥聳身洗吭爲我鳴
乃相與遊汗漫登寥廓飲沆瀣鼓籥榮以樂此無涯
之樂一塵一介復何有眼底滄波長不涸

愛日

光陰不可畱春風還秋霜安得桑榆景長住棹堂
一寸光陰一寸心三公富貴年來忘

送司訓王宗正

乃祖亦以司訓
歷陞京兆尹

京兆有青氈君今復攜去拂之坐講堂輝映杏林樹

倪小野先生全集

長短句一

十七

杏花樹下春風早一絃一調春日好高歌孔顏舒懷
抱風塵富貴何足道莫謂青氈長伴一寒儒京兆舊
有飛騰轡

送雷州推官趙受夫

燈前風雨蕭蕭急明朝梅嶺行不得山城無物可畱
君風雨爲我阻行色湖海交遊有幾人百年聚散無
定辰當此相逢容易別一時拋擲皆青春南雄太守
餘俸錢樽有酒今豆有羶願君少停北去鞭欲別不
別情畱連情畱連苦欲住匹馬單舸道路長孤雲落
日相思處

繡衣行贈梁侍御

繡衣何絢爛繡出天女手中蹲獨角豸雄氣食天狗
紫宸依日月丹霞點星斗天帝不肯輕賜人天庭還
寵執法臣梁君自是天庭秀一官初拜繡衣新雙鳬
寫下江山麗四馬橋邊桃李春却向高堂拜慈母續
衣且作斑衣舞膝下畱連萊子年眼前爛熳萱花午
出門萬里風霜清高騎驄馬金陵城雲霄見儀羽兒
童知姓名綠楊細雨烏臺夕官燭蕭蕭照顏色草成
彈疏上吾皇四海聞聲生霹靂禮闈放榜昔相見瓊
玉丰姿鐵作面今朝氣象果不虛梅關遠候張綱車

倪小野先生全集

長短句一

十八

崔嵬事業轉眼餘老夫屬望今何如

歌嫦娥

月中有叢桂白兔守其株搗就千年藥可以醫凡軀
嫦娥吞之骨飛動萬里雲霄踏丹鳳奔入月宮長不
老玉容長對青光好月宮夜夜霓裳歌塵心未絕今
如何

疊浪山

長風吹海浪潮浪百層蹙浪勢高接天層層疊飛綵
紫鰲負之海上游赤日煮海海不流紫鰲骨立凝作
山海鬼舞兮海若愁昆吾之劍可切石割取一片贈

與好事者陸地波濤滂盈尺

題蘭竹圖

竹有實蘭有花比若人情無涯裁冠紉珮不能遠採
之欲上青山巖清風明月期再來喜君屋壁畫圖開
守官滄洲苦相憶相逢顏色秋初日

爲邵伯衡題字說圖

君不見雲間之鳳鳥引子高飛日初曉又不見庭前
竹明春長竹過舊族南峰有子賢俊姿錦繡羽翼琅
玕枝道以禮樂涵以詩書因名說字方矩圓規如嶠
谷風雲之會如淇園雨露之滋揚輝發秀轉眼時丹
倪小野先生全集 長短句 十九

題蘭圖

蘭比言言有味蘭爲室室可邇託根空谷幽且香倚
蘭一曲吟鳳凰江風雪月音琅琅清魂飄落君子堂
丹青譜之生輝光怕我君子情何長

新州爲徽人題

仲尼東西南北之人閭里豈得拘此身君遊錢塘隨
結屋柳橋梅塢相與鄰芳草萋萋令王孫不歸今幾
春浩蕩江湖丈夫事大風歌罷情偏真烟雲渺渺指

點新州之畫圖幾度桃花憶所親

過諸錢梅宅醉中信筆

鐵梅先生住南野山光滿貯書屋下庭前獨立忬柳
株有客訪之堪繫馬我來正值春日濃白雲出沒天
際峰平田萬頃新水色細路九曲閒花叢酒杯鳥影
橫晴空池魚吹浪搖簾櫳銀髯錯落老大雅疑是當
年舊臥龍當年臥龍識者誰時乎時乎終栖遲英風
吐作雄渾詞垂眉抱膝空守雌君不見濟南伏生允
十餘天子傳來古尚書

贈鐵梅

倪小野先生全集

長短句

二十

鬚眉如雪顏如霞胸中五色綢繆花事不當言默不
語神遊八極回雲車一杯且醉諸夫子乃是詩壇舊
知己請題今日桃李詞青山墮落硯池水硯池水幾
千尺大筆濡之元氣溼不獨花鳥動深愁筆陣詞峰
鬼神泣

亭上醉同諸鄭二公賦

竹裏笑聲人不聞塵衢咫尺隔蒼雲青山日落不知
晚一樽酒盡未成醺未成醺更須飲桃花倚竹爛如
錦綠知春色片時濃臥就桃花展衾枕夢中恐作雲
雨疑且令侍兒歌我詩我詩龍吟鳳凰池飄音飛度

扶桑枝何當一醒視白日長與二公笑語傾襟期

題春海圖壽汪子卿父

我聞海上之蓬萊仙人遍種桃花樹春風吹花花盡
開紅雲紫霧迷沒不知處秦皇漢武竭盡百萬蒼生
力立望波濤空歎息神人不到雲裏宮方士徒鞭海
邊石自非氣骨孕不凡此地終是神仙山南極老人
致書詢西昆玉女鳴珮還嗟嗟此地無幾年歲歲長
見桃花妍龍宮窈窕煖浴日鶴橋參差高倚天東南
有一長髯之翁曾得壺公蒼竹杖拄之平步波濤上
瓊宇飄飄蓮葉舟銀河渺渺桃花浪收拾無限春貯
倪小野先生全集 長短句 二一

題壽圖

閨風臺方壺水相去幾萬里乾輪坤軸旋轉莫知其
底止極日月之出入元氣之終始蒼虬騰而逆鱗黃
鵠舉而弱羽滄波浩渺浴鳥川青峰兀突回龍挂獨
有廣成君飄飄駕片雲手握三才極身被七星文吞

沈瀛吐綢繆朝東暮西超塵氛赴海屋之壽宴脯麟
炮鳳玉爲饌燭明星日珊瑚株籌添歲月蓬萊殿壺
公杖織女車太乙真人泛蓮葉武陵漁父迷桃花

小赤壁

萬炬乘東風烈焰走江虹雷電焚山石烟燦漬石紅
火龍捲飛石偶落茲庭中沙穿復冰齧火痕猶玲瓏
鯨鯢骨立瘦琥珀胎已空草庭自是好事者護以名
花轉瀟灑石竇長疑苦戰秋顛風驟雨鋒鏑下我今
弔以清平詞花枝日日多妍姿周郎曹老不足問洞
簫一曲長相思

倪小野先生全集

長短句

二二

夢椿

君家有崔嵬歷落之古椿以八千歲爲秋以八千歲
爲春靈物終變化天壤畱其神其神何所託乃在根
株親至誠起什木夢寐形影眞芳菲如接星露夕蕭
颯難爲風雨辰清蔭下覆厚如屋綠衣舞罷歌復哭
下有麒麟遊上有鳳凰宿秀分寶桂幾枝青瑞比王
槐滿庭綠百年歌舞夢寐中夢耶寐耶已成空縱有
好手畫未得縱有好調彈未工夢我讀罷枯柏死君
家古椿生夢裏茅屋雞聲燈火寒涕淚流連讀莊子

題漁人四景圖

春

漁人樂春江上桃花潭水深十丈微風吹起鴨綠波
波裏鴛鴦並遊蕩鯪魚正肥意頗欣橫笛一曲隔江
聞飄音杳杳去不斷脈脈春江低度雲

夏

漁人樂楊柳邊短篷斜榻聚漁船炎日如焚照不到
瓦盆白酒蓮花泉遙見西江點雲黑江風獵獵江雨
急醉中且和滄浪歌笑指檣頭舊蓑笠

秋

漁人樂秋江水夕陽紅射蘆花底市頭鰕菜了官租
見小野先生全集長短句

二三

餘博村酷喜相聚蓬頭老妻勸滿觴且云瓶中有儲
糧阿男打網北蕩去有魚持歸堪作羹

冬

漁人樂江上雪搖漾寒潭如浸月老鯨驚吼衆魚跳
舉罾得魚罾竿折侵晨提魚向村家換得斗米用已
奢飽餐高臥日色薄移船就看野梅花

澗松吟

嗟嗟兮石礪松下有泉齧曲屈之危根上有雲封鬱
秀之茂叢泉兮音玲瓏雲兮色青葱於是乎參蒼亢
而招遊鶴抱白石而蟠臥龍嗟嗟兮石礪松磊砢不

死天地未終

壽陳封君

桃源迷沒不知處神仙有境何渺茫姚江北走不百
里異境復有游源鄉赤霞爲城白雲爲塙遠而望之
鬱以蒼中廓曼如雜植桑麻春雲魚龍忽變化白日
雞犬能飛翔太丘翁年六十鬚眉錯落眼方碧清心
一卷秋水經煉骨九轉丹砂術笑指庭桂而言曰倚
歟哉哉謝蘭之馨王槐之碩登薦明堂見採匠石豈
非吾翁栽培之力於是壽鍾其身福集其家麒麟走
而爲御鳳凰吐而成花予也安得與茲翁乘方明之
俾小野先生全集長短句

二四

車行廣漠之野鼓太乙之楫泛浩蕩之涯

四皓

商山白石爛如雪中有紫芝花燁燁採而食之丰骨
清白日羽化鴻飛冥自謂風塵不入眼五侯事業意
何賴圯橋孺子道者流招邀四皓如朋儕君不見草
廬三顧屈英主雲雷歛忽臥龍起

壽邵菊莊翁

先生本是有道者質任自然不外假正言侃侃激浮
流古意悠悠存大雅故家舊物是遺書有兒能讀業
有餘家藏星斗雙龍劍門侯風雲四馬車大兒聲名

播四海隨處政碑何磊磊小兒飛騰毛骨奇萬仞猶
風竦而待先生本是騎鹿仙東瀛西園顧前衣裝
天錫鸞鷟錦綸綺明揚鸞鳳箋家園雅集稱九老春
光長對青山好曳玉團金牛落英垂白含丹比商皓
時起舞飄飄雨扇動微颺懷元吐粹清虛府時起歌
醉中自按南山曲偷偷翁翁頽笮和

石壁爲施一清題

先生結屋石壁下細蔓長藤復纏挂烟雲缺薄竹陰
橫清氣蕭森雨過乍壁下石池一尺深海思江情同
變化春雷未起霹靂聲蛟龍縮角傍人說君不見清

倪小野先生全集

長短句

二五

秋夜玩牛月圓時有靈光遠騰射

西溪

西溪之源莫知其所始起波直浸崑崙趾瑤華照耀
日月飛若木撼動風雲起霹靂一聲江海移西溪作
君臺下池岸芷汀蘭望不極沙鷗野鶴情相宜

楊翁夫婦齊壽

憶昔我醉楊翁宅偉哉楊翁能好客爛熳春暉再洗
樽雷連豪興先投轄烹肥炙鮮秋初筵中饋乃知阿
母賢門停騶從爲兒喜青藜白飯相周旋別來佳話
又幾年阿翁阿母齊壽仙歲華長住東風裏壽域新

開北海邊君不見走五都今離別苦權勢傾今家爲
獨羨楊翁夫與妻碧梧鸞鳳相並棲攜手同行間
農事笑顏對坐試孫啼曾向君平卜消息笑指雙星
天漢低

存耕

君不見附郭幾畝汙邪田十金一畝阡陌連塵海波
濤易翻覆百年主者九變遷若有翁今一片心平若
田今保若金仁義之利萬倍復耨欲易今耕欲深呼
子付之子又子傳家世業無若此青氈尚不墮儒風
丁寧此田宜守死詩書六藝是鉅基友朋麗澤是霖

倪小野先生全集

長短句

二六

雨易耨深耕難鳴起五谷有種護其美

賓竹

我有嘉賓抱此高節抗絕浮塵濯以冰雪臨我南軒
我接之相與揖讓乎清風徘徊乎明月一曲鳳凰吟
唱和兩清越從此永謝俗車轍

高臺山人爲余御史題

高臺山不可攀玉柱萬丈柱天闢高臺山人稟其氣
讀書山下養高致此氣流行噓作春桃花萬樹錢塘
濱霜風颯颯轉秋令豸服生輝鐵冠正君不見高臺
山傍鷹振羽豺狼滅跡孤不語

愛桂挽詞

年年桂花下載歌還載舞今年桂花開去來成今古
清風明月憶是君回首青山一片雲無人伴舞婆娑
影樹吟魂聲不聞

椿萱並秀圖爲江大尹歌

江公自是純孝裔行春駐節姚江水板輿具慶迎養
榮平反日報高堂喜奉翫椿萱並茂之畫圖坐見扶
桑綫度榮與枯椿樹參天靄雲霞萱花繡地明珊瑚
文章蚤起天庭鳳德政先巢御史烏王事既靡鹽復
邊將父母鳴琴有清閒還作綵衣舞綵衣舞綵衣歌
倪小野先生全集 長短句 二十七

戲答禽言二首

姑惡

木賊械兮石確確行人倦兮山日落怨魂化作春鳥
啼却向行人訴姑惡姑惡姑惡催婦織作早夜鞭撻
慮婦家薄

爹歸未

父子有至性禽鳥與人同一朝想遠去子心何忡忡

早夜望爹歸乃在啼聲中爹歸當有期在家作閭公
不如不歸相憶無終窮

題海鶴圖

鶴今本是鳥中之神仙徂徠飛下不知是何年吞珠
珊瑚窟啄玉崑崙巔下視九土雲泥連爭巢蓬蒿聚
燕雀澗血林藪雄鷹鷂海上崔嵬一片石上有黃鵠
弱翅之剛風下有蒼龍縮角之重淵雙立破鴻濛如
在開闢先君家圖畫裏形影猶宛然乘軒侯國不足
貴伴琴太守今誰賢日高三丈君睡醒對我泛泛蓮
花船鳴聲嘹唳舞蹁躚元氣鼓動天轉旋林逋長伴
倪小野先生全集 長短句 二十八

探梅月魏野未動烹茶烟羽衣道士遊赤壁一夢初
破非虛傳

迎瑞樓爲蕭山來氏題

迎瑞樓前粉垣立水墨慘淡烟雲溼扶桑弄影曙色
開眼前塵境恍然失丹霞欲動毛羽揮紫霧分開頭
角出岸側崖顚縹緲回萬里江光殊咫尺中有神魚
拔浪飛桃花滾滾水流急門庭進瑞應無已君家種
德何代始瑞在德今不在他畫師之意豈虛擬君不
見寶桂王槐秀似雲二家世澤昭國史

次東溪先生韻

屈子日憤楚國空騷經分別草與花稚松實忌絲蘿
掩香芷未免菰蒲遮竹兮菊兮君子倚陶巾王駕今
誰家蓋自生民日用來稻黍稷麥并桑麻二物頗爲
清者愛去此取彼毋乃差抑爲城中土似金兼收並
育言徒誇但得有菊秀成畝秋食其英春食芽遠引
細泉繞白石淺剗瘠土加烏沙此中亦可度年歲牆
陰屋影妨清華片雲片月吾適意一草一木詩生葩
先生謂味難兼得厥魚雖美熊掌加君不見虎豹與
龍蛇但使遠去無哈呀孔聖儼較意廣大眼前不棄
犯與豺狗可保兮竹可惜地不是容生紛挐先生聞
倪小野先生全集卷之五目錄

之亦大笑胸中造化原無涯

題畫

山中無戰爭日試戰爭圖虎龍相搏搏風霆可招呼
恐君撩動英雄心我有一曲梅花吟霜空高曠無著
處脉脉溪雲流月陰

正峰

湖上正峰其高幾尋主人對之以正其心雲霞光儀
青空表捲簾端坐發清吟天晴好景開圖畫日暮佳
音形瑟琴仙女側挂玉梳小夫人倒捧香爐陰嗟嗟
正峰大賓如見上帝爾臨

倪小野先生全集卷之五目錄

五言律詩

送王陽明謫龍場

寄文衡山

送吳將軍

視水災二首

贈民太

長洲視荒畱題興國寺二首

夢梅

春申庵題二首

倪小野先生全集

卷五目錄

末壽寺畱題

月庭爲僧賦

雲山爲僧賦

題蘭

紅葉十首

壽江揮使

送梁末叔會試

寄賀錢塘馮氏新居

葵坪爲陶揮使咏號

南村爲王隱士賦

齊峰竹

延奕臺

寧海卷

芝秀爲盧孝子賦

爲楊君賦海村

贈鎮海張參軍

偕顧學士九和武揮使世誠遊淮雲寺二首

入太倉稿贈八十冠帶

悼義士

屋舟

倪小野先生全集

卷五目錄

二

悼竹憲處士

喜雨用張弔川韻二首

江行

對菊

惜春分韻得河字

白河夜泊

過惠北屏別墅

同方棠陵登玉峰山用唐人韻二首

陶揮使舟俟玉峰下用韻奉答

贈杭州衛張揮使

惠山泉二首

聽泉

山莊

秋興二首

送件進士

送屠文治

瓜洲贈舊館人

輓山陰周太史

寄方棠陵

送陳東莊使江南

倪小野先生全集

卷五目錄

三

中秋

留題寶成寺

東劉應徵大尹

送周可貞之南都

孟濱河二首

對菊次鄭少谷韻二首

清明

送王公爵之處州

送范廷植

送徐大章分司鐵冶

道中長至

贈祝篁谿蒲鞋

贈棠陵

懷陸三汀

送王伯安

中秋

送張景川

三月廿五日

送傅司諫公啓出守太平

送同年馮仁甫知江都

倪小野先生全集

卷五目錄

董濟之給事相過

和客部劉雲中催蓮詩

不見菊

三高祠

渡曹娥江

東山寺

青楓嶺

北關舟中

登瓜洲

白雲窩爲張少叅西峰題

四

省直

畫菊

遊思道

除夕

新月

落葉

方思道宅分韻得杯字送呂秋官仁卿

朝天宮習儀次祝篁谿韻

夜過南旺次周侍御文儀見贈韻二首

高郵湖

倪小野先生全集

卷五目錄

顧氏山莊

塘口

東方朔

富陽道中二首

題方思道毛塢次韻

贈汪仲蘇

桃花

禁中詠雪

郊齋二首

贈管石峰

五

小野亭 同後二
十四景

西臯

芙蓉浦

芭蕉徑

薔薇籬

芋田

橘舁

梅岡

桃林

菜畦

倪小野先生全集

卷五目錄

六

菊墩

杏坡

蘭盆

金線草階

蓮花閣

韭畦

柳隄

桂花峒

菖蒲石

海棠庭

牡丹臺

芍藥圃

梨花牖

竹塢

春日山居次鄒草陵韻二首

送魏淺齋御史

謝顧大尹懷東惠竹簟

贈徐三谿見訪

歲暮

謝顧大尹懷東惠大扇

倪小野先生全集

卷五目錄

過陳獻可寓館

題汪白泉南征卷

過天津

遊湖

太倉賞蓮二首

謝沈東溟惠松花餅

常山奉恩寺待方棠陵不至

夜泊釣臺

上天竺閣上

聖果寺用唐人韻二首

訪錢同甫不遇

邀諸子相李汝立張以貞諸及門

謝楊二檀惠秋露白

醉筆

桂樹

遊謝汝湖西莊

閒述

徐蕙臯海光樓

池亭

亭止

倪小野先生全集

卷五目錄

八

秋山

寄沈文元

謝王伯圻惠曆

寄秋江

次楊時章韻六首

題毛世奇松梧深處

輓鄭少谷

寄沈文運

泛汝湖

春草圖用韻

桃花

漫興

憶松

邵南臯桐湖逸墅二首

寄張甬川

寄路龍仙

贈楊二檀使蜀

雪夜懷廷和

舜澳漁寄

藥畦

倪小野先生全集

卷五目錄

九

送人

遊張商卿莊

思萱

末感

悼蘇侍御母

東樂

瞻野挽辭

題毛世臣碧山書屋

題黃伯固焚黃卷

題四友亭

次韻留題南坡新居

雙松圖壽陳後山

面牆樓

壽椿

壽願封君

雙節爲歛人唐氏題

滁山八詠爲孫性甫主事尊翁賦

端本堂爲蔣進士拱題

題雷光祿父穹浪令末思卷

鮑氏樓

倪小野先生全集

卷五目錄

十

送人還廣東

賀梁主政象峰乃弟冠帶

送李秀才還閩

送蕭監生赴選

贈吳半隱

荷亭觀雨

甯陽道中又題

東井

一介

哀詞二首

用方思道韻贈謝石厓

養葵詞

贈徐司馬秋浦

雪洞

寄聞人寶應邦正

壽梅谷巖公

珊瑚松

半野

藏春二首

稼樂

倪小野先生全集

卷五目錄

十一

送胡方崗憲副之蜀西兼贈管秋江四首

贈鄭虛齋陞貴州叅政三首

荷花三首

散鶴

移榴

上天竺閣上

遊謝汝湖西莊月下觀牡丹

鐵梅爲諸養敬賦二首

贈鐵梅二郎

偶過池亭見海棠已謝悵然有述

新月

醉書南坡樓壁

草庭

桑園居士

贈潘巡按二首

素履爲聞孔昭題

釣隱

淮上贈吳秀才厚學

寄靖江朱醫官

贈史大行鴈峰

倪小野先生全集

卷五目錄

十二

寄任仕弘舉人

雪渚

贈胡龍江

寄錢宗正

贈吳應元舉人

文筆峰

題黃百川先生十景

梧峰

一勤

崇蘭挽詞

尋閒

贈行

石菖蒲

玉泉居士

瑞香花

南清軒次韻二首

庭桂

月川

江南泉見寄次韻三首

寄蕭嘉興若愚

倪小野先生全集

卷五目錄

十三

送吳朝獻

次韻酬張良軒

贈張懋中貢元

寄草窓方先生

寄常熟張端岩年兄兼吳中諸同年

壽章樸庵

送淺齋魏豸史大扇侑詩

鶴洲

久雨

寄謝汝湖

答管石峰黃門二首

送楊二檀憲副

贈吳主政孫塘

春初

槐隱

曹娥廟

夢萱為海鹽陸菊隱題

送張節推世良欽取

寄謝汝湖太常

寄張都閫希孟

倪小野先生全集

卷五目錄

十四

送胡方崗憲副之蜀兼贈管秋江又三首

贈魯廷璽

贈邵南峰

用良瑀韻二首

過河舍和方崑山

倪小野先生全集

七世孫 繼宗 編次

五言律詩

送王陽明謫龍場

一鳳鳴初日悠悠別上林流離文士命慷慨逐臣心
但得精神健何憂瘴癘侵風花長滿口應不廢清吟

寄文衡山

憶昔相逢日依稀記酒樽同袍俱浙水清夜伴歸門
消息聞詩句交遊託夢魂玉堂前後步忘却舊蓬蒿

送吳將軍

倪小野先生全集

五言律詩

年少登壇寵淮揚總運漕水靈避虎盾天女賜獅袍
禹貢風雲會堯心日月高東南今因敵於我視難刀

視水災二首

青傘烏紗帽咸呼父母官把竿量積水撥棹渡荒垣
恤患人須到聞飢肉已剗自慚還自艾杯酒不能乾

二

震澤蕩無定三江故道迷斯民半魚鼈厥土復塗泥
萍長根旁帶楊生樹上梯從今先水利撫掌歎燃臍

贈民太

石一子泰

俗吏非因我故入惟有君散衙吟對月入圓坐看雲

廊廟憂何在江湖興不羣流光不可住蘭桂又生芬

長洲視荒畱題典國寺二首

省敘同遊覽楓江一倚蓬地幽偏隱寺僧老善談農
野水通諸瀆湖山露數峰清吟應不寐星露夜堂空

二

塵華何擾擾一笑喜逢僧茶話畱賓榻蓮經鵲佛燈
水山居勝地星月透層冰有分詩綠裏無勞白頭僧

夢梅

閑淡西湖路清標識是君百年元有約一畝已同芬
未憚溪橋雪相依野水雲覺來明月帳竹影翠羅裙

倪小野先生全集

五言律詩

二

春申庵題二首

野寺水雲心如藏萬嶂深徑幽辭路馬林澆宿沙禽
暮舫歸村社晨鐘送梵音偶來詩景在秋色日西沉

二

爲問千年事吟魂未覺勞春申名尚在夜半興偏豪
天高霜氣早月出水光搖客散披衣坐金雞已一號

未壽寺畱題

行衙依古寺此景更堪憐湖光搖落日野色抹長烟
楓落吳江句月明秋水篇西成虛歲望惆悵菊花天

月庭爲僧賦

月庭心事遠披衲坐清秋鶴夢驚花底松聲落殿頭
自憐孤影瘦便覺萬機休爲問傳神處冰花映雪丘

雲山爲僧題

有僧號雲山心事十分閒隱豹迷深淺行龍自往還
光輝孤月外踪跡萬松閒一片袈裟影西飛度玉關

題蘭

湘潭秋意杳漫向畫圖看道韻含風古幽光照石寒
伊何疎眼底無奈借毫端我亦憐遲暮沉吟興未闌

紅葉十首

一夜清霜後焜華忽變丹岸容涵日好官樹倚門寒

倪小野先生全集

五言律詩

三

零亂春花夢蕭森白髮歎秋江一帳望詞客思漫漫

二

一葉舞尊前心驚春暮天游蜂今不管啼鵲正堪憐
送客秋千里臨江錦一川輝輝新月色低照佛灘船

三

風霜重九後可是媚深秋促騎魚書使盈簾鴈字樓
稀疎當野路散漫逐江流酒榭紅顏在春光戀白頭

四

幾樹倚城隅高低接野蕪音書勞代鴈時候記登鱸
漫爾題詩句嫣然點畫圖小橋茅店月錯認杏花墟

五

依栖烟霧渺爭絢小桃春石逕停車晚儒門學字貧
燃萼仍烏睡映水訝魚辛霜草遊人地平鋪襯繡裯

六

何處吹江笛霜風入樹淒秋聲山館裏晚色驛樓西
吳苑悲烏曲隋隄逐馬蹄楓橋重泊夜漁火客愁迷

七

秋日林塘淨酣霜染露鮮偶撩蜂蝶夢聊代鴈魚箋
似綵妝春景如丹駐暮年苦吟猶未了抱膝對風烟

八

倪小野先生全集

五言律詩

四

寒烟蒲柳岸孤樹戀秋華冷淡多冷落依稀伴落霞
霜天驚過鴈月渚散啼鴉忽憶飄零後悠悠立水涯

九

極目疎林外依依映白雲綠江濃似染礙日遠如焚
春景疑三月秋光到十分飄來又飄去愁思共紛紛

十

冰村生晚霽冷豔對芙蓉畱照暹當暝迎寒半入冬
寂寥新怨恨衰晚好顏容戀戀江雲意依然雨後封

壽江揮使

黃花一樽酒白髮六旬人歲月畱心壯山川入眼新

送梁末叔會試

元勳平海日小隊出郊春老劍時猶吼青龍壓戰塵
去去千里道臨風酒一尊杏花期正近春草夢重論
清世文名顯悲歌古道存料應相笑處須記仰山軒

寄賀錢塘馮氏新居

山水明如畫高居四景嘉近輪吳地未先試越溪茶
親戚來同里衣冠識故家遙思傾笑處坐對滿庭花
葵坪爲陶揮使咏號

國種傳來異春華壓蜀城高雲似錦塵遠日爲屏
手植累遺澤心傾愛向明薰風蒲艾酒攜賞倒銀瓶

倪小野先生全集

五言律詩

五

南村爲王隱士賦

一水斜環處茅堂草樹明農閒春犢力隣共午雞聲
梅雨連江去苗雲入野平使車何日過相候鹿門耕
齊峰竹

種竹緣無地依依木假山節高恆戒亢風動自麻頑
石出雲流影天空月露彎新枝容易長春後更須剛

延奕堂

巴橘荒唐後相傳舊石臺夏陰還借竹春色漫辭苔
劇戰三秦地閒籌二謝才山中長歲月野史日頻來

寧海卷

東海不可渡飛渡是將軍橫分千里浪直掃半洋雲
甘苦能同辛艱關爲報君春秋誰秉筆詩史紀奇勳

芝秀爲盧孝子賦

天人無隱報草木有先知忽產千年秀還看五色奇
閨閣稱孝母詩禮兆佳兒欲作元封樂盧家采頌詞
爲楊君賦海村

出門只見海草樹島雲開午潮魚正上秋月鶴初回
欲問乘桴志猶憐作樵材奇觀長在眼蜃氣結樓臺

贈鎮海張參軍

黃石傳書後十年見子孫志懸天北國功著海東門
倪小野先生全集 五言律詩 六

白日蓮花幕青山竹葉尊先生度江擔元帥贈雄文
偕顧學士九和武揮使世誠遊淮雲寺二首

重到淮雲寺花辰愜賞心野光春入閣日色午停林
茶破三分醉梅經幾度吟東吳顧學士詞翰墮琅琳

二

輝輝雲日影長往鏡池心燕子新楊道龍孫舊竹林
高人嘉此會小吏解吾吟坐愛軒庭淨苔花點砌琳

入太倉稿贈八十冠帶

碧眼白鬚眉蒼然松柏姿陳公初伏老呂父却逢時
有子畱君報開官與老宜畫堂梅雨歌吹舞金卮

悼義士

空中浮雲白江上芳草青浮風何浩蕩義士漸凋零
千金不足貴片石應可銘撫世有餘感長歌心惻醒

屋舟

辭世不能遠結廬滄浪中清虛貯江月浩蕩生天風
鼓瑟驚潛魚釣簾數飛鴻塵途渺不接遙與蓬壺通

悼竹窻處士

竹窻啼鳥歇不見竹窻人湘水迢迢夢淇園寂寂春
雨聲空自泣月色爲誰新一曲山陽笛淒風動白蘋

喜雨用張甬川韻二首

倪小野先生全集 五言律詩 七

一派西山雨驚隨萬壑雷冥冥披樹出陣陣過城來
階淨明紅藥池平散綠苔蕙花江上圃小喬看新栽

二

玉曙出昆明桃花新水生淋漓一夜雨寂寞上林鶯
蒲長驚農作山遙想潮聲倚樓吟望久斷岫欲開晴

江行

散步秋江畔黃花細雨天人家半抱郭灘樹獨橫船
鴈落寒生浦魚游意在川怪非城市性過此重畱連

對菊

坐愛黃花久軒庭晚色婁清香疎雨後瘦影夕陽西

得此適幽獨從渠入品題南山京國外誰謂望中迷
惜春分韻得河字

客懷驚索寞春事覺蹉跎遠樹江雲重閒花暮雨多
青萍遊子淚白苧醉時歌延佇金門外楊花滿玉河
白河夜泊

羣航依斷岸烟火似孤村星彩時疑動河流急欲渾
秋聲生碧落客思近黃昏萬事蕭條裏仙洲隔海門
過惠北屏別墅

愧我風塵客相隨野老來贈行歌折柳索笑醉尋梅
日落魚塘靜烟消雉堞開始知鷗鷺逸不受俗人媒
倪小野先生全集 五言律詩 八

同方棠陵登玉峰山用唐人韻二首
天垂練一方點染入禪牀舊閣題新句枯枝作古香
劍飛同石骨鏡側露湖光林麓還花草空悲歌舞場

玉峰樓閣迴湖海半山吞落日在松影懸泉到竹根
嵯危風送雨野曠水浮村偶得神仙侶同遊碧玉門
陶揮使舟俟玉峰下用韻奉答

江皋微雨霽待我駐蘭舟日暮林花淨岸橫沙草稠
醉沾春服溼吟戀夜燈幽不減觀雲興東風下虎丘
贈杭州衛張揮使

相逢一罇酒話舊十年前燈火分詩榻風霜打帽墮
指揮天錫印淡泊月支錢將略推翹楚奇功望蜀川
惠山泉二首

白雲羣嶂合一脈出龍頭天光搖石檻雨意滿山樓
夏月千畦遍秋風一枕浮扁舟重有與茶竈泊西洲
二

茶經題品後久識在山名偶借雲林蔭遙聞雪瀨聲
苔光浮欲定樹影浸還明老桷分瓢酌坐令詩骨清
聽泉

青松依白石坐聽一冷泉煮雪茶烟裏簾風竹雨前
倪小野先生全集 五言律詩 九

有腔傳作譜無礙杳歸禪欲借山人枕逢秋一醉眠
山莊
築屋傍丘山門庭頗靜閑去城六七里抱水兩三灣
翠壁流雲瀉青郊斷雨還纔添數箇竹風月未應慳

秋興二首
客思不禁秋兼登水畔樓片雲依遠樹斜日下芳洲
瞻望星河近歌吟江水流菊花今正好何處插盈頭

二
菊花開復落殘負市橋沽多病憐妻子新愁怯路途
鱸鄉登木稻鷗雨暗江蒲憶昔聞雞舞風雲撫壯圖

送件進士

病骨秋風裏歸心楚水西菊花遲有待詩句託無題
野服騎仙驥朝班隔曙雞莫違思選意名姓達金闕

送屠文治

同趨冰雪道對酒試論心楚客誰懷玉燕臺復置金
古今雙鐵漢兄弟半瓊林長擊江淮楫風雲思正深

瓜洲贈舊館人

晚渡登瓜渚相逢出菜盤十年人似舊三月雪猶寒
客夢春來亂梅花別後殘干戈滿淮海行路尚憂難

輓山陰周太史

倪小野先生全集

五言律詩

十

長逝悲流水高飛感故林經帷歸後夢史筆病中心
草樹風雲合蓬萊歲月深雪舟空有典惆悵過山陰

寄方棠陵

思道今復起猿雀不能甯風雲自有會稼穡終當秋
古心交四海豪氣凌五侯且披錦繡腹黼黻吾皇猷

送陳東莊使江南

霄漢雙龍詔風雲四牡車東曹推表率南國載馳驅
佳麗清遊路踟躕舊隱居歸來富才學好續千長書

中秋

樓居憐此夕月色與秋清極目關山道驚心砧杵聲

書望青天杳愁憎白髮明高堂兒女關誰會倚門情

留題寶成寺

岩腰石欲墮樓閣倚雲懸傍竹眠無暑烹茶話有緣
僧貧偏愛客地僻獨宜禪虛牖疎松影殘棋落日邊

東劉應徵大尹

秋色江亭外風流羨使君佳時逢九月新霽豔孤雲
詩句煩催菊田家欲獻芹登臨辜舊興病枕倚斜曛

送周可貞之南都

舊時周柱史今日漢廷平涉歷風波定形神海嶽清
晚看駉驥路春滿鳳凰城懋績敷陳罷巖廊待老成

倪小野先生全集

五言律詩

十一

孟濱河二首

千年孟濱口惆悵一登高山川多舊壘風雨雜驚濤
鄉信空雙鯉燈期隔六鰲何當風日霽簫鼓木蘭橈

二

五日泊孟濱巨浪渡應難檣索鳴驚夜人煙聚滿灘
微雨迷春色輕風弄午寒舟中無別事緩展古書看

對菊次鄭少谷韻二首

拋擲重陽後西風未嬾花幽香霑細雨冷豔映秋霞
拂席微吟動盈簪短髮斜園林非故遠栽植近清華

二

經過嘉客地茗盃對黃花秋老燕山日暗分朋
歲寒殊自耐風急未應斜彩筆留詩句愁邊

清明

客裏清明候春光忽雨深天涯頻願望風色轉蕭森
折柳聊隨俗無花欲罷吟故山俱涕淚回首隔雲陰

送王公爵之處州

君官處州郡路入雲霄開才兼十縣長興繞九姑山
獨拔清時選喜爲壯士顏蚤跨青田鶴來參鷓鴣班

送范廷植

大范抱奇氣作守平度州文章飾吏事保障分君憂

倪小野先生全集

五言律詩

十二

枝連三玉樹輝映五雲裘爲憶同袍日才名二十秋

送徐大章分司鐵冶

品秩中朝貴才能外省權山川燕古蹟鹽鐵漢遺編
寶氣占星野山靈泣夜天昆吾山下石爲我鑄龍泉

道中長至

貂帽迎風軟黃鐘氣動初雲姿微弄盤雪意轉成虛
村社祈神酒田家卜歲書天涯瞻望路匹馬欲踟躕

贈祝篁谿蒲鞋

新織吳門市却愧春申君幾煩野人思淨舍秋水紋
公餘隨短服濯罷步微薰知君閒散意相贈故殷勤

贈棠陵

散逸棠陵子乃是謫仙徒聲名在霄漢詞賦落江湖
相知賀學士誰言賈大夫日暮長安道瘦馬獨踟躕

懷陸三汀

白馬出門去唯識向君家酒罇棋局會幾度落燈花
塵埃殊不染情興共無涯如何新月夜咫尺路途賒

送王伯安

相別十五載相逢一把衣形容何落落意氣復依依
遠道琴爲伴清時劍有輝吾姚好山水憶爾老同歸

中秋

倪小野先生全集

五言律詩

十三

愁中片月邑別後九秋心鴻鴈江天陣風雲殿閣陰
挑燈只自照理曲不成音雙鬢蕭蕭影年華苦漸侵

送張景川

水光銅雀硯霞色錦鸞箋爛熳黃花候題詩向別筵
春近登堂日秋清過嶺烟依依袍笏夢長繞五雲天

三月廿五日

自愧忠誠薄徒然取罪譴疎狂違素志危病值衰年
迹遠陶弘景心悲魯仲連迷途何所問世事倚蒼天

送傅司諫公啓出守太平

股肱名郡寄耳目侍臣遷拔濯班行表聲名眷注前

江湖清禁夢霖雨舊時賢滿日生民苦還思獻納篇
送同年馮仁甫知江都

憶昔塘宮伴相看到幾人驅馳今亦健遲暮轉相親
飛鳥江淮道鳴琴雨露辰瓊花應再發長慶太平春
董濟之給事相過

多君負奇氣果爾諫垣聲珍重金魚袋光輝紫馬纓
艱難時事計慷慨古人情不寐依星斗朝衣坐五更
和客部劉雲中催進詩

瑞記雙頭並靈分十丈過江湖撥興遠雨露被恩多
醞醖傾金榼驛驛卸玉珂主人邀賞意花信近如何

倪小野先生全集

五言律詩

十四

不見菊

去秋官圃滿客邸忽秋深何處開還落令人嘯復吟
遠懷芳潔操未慰寂寥心搔首清江曲西風拂舊簪

三高祠

漫繫雪灘舟名高仰斗牛天青江月白風定水雲休
碑石彫倪象祠庭落鷺鷥試論出與處時事幾春秋

渡曹娥江

風雨渡曹娥青山半白波海村迷遠樹田水足新禾
宦路輕舟楫漁家寄笠簑秋濤雲漢近更擬問仙槎

東山寺

碧霧開虛閣疎林曙色新江山誰是主雲月可憐人
地勝緣難再身閒意漸真動名猶不泯兩眺自嶙峋

青楓嶺

嶺頭霜日苦烈氣拍秋旻白日長刊血青楓杳住神
女流當國難祀典係人倫盤鬱孤雲在紛紛愧世塵

北園舟中

觀書聊習靜市語若無聞關路遲寒日家山隔片雲
壯心多感慨幾事謝紛紜忽見江頭柳春光又一分

登瓜洲

涉江連日險今日喜平安尺牘憑誰寄囊書漫自看

倪小野先生全集

五言律詩

十五

春光迷遠道客夢繞驚濤何處梅花曲空疑江水寒

白雲窩爲張少參西峰題

寂寂西峰下吟窩宿白雲氤氳霖雨思輝映斗牛文
塵事聊相避幽情那可云一杯會款我垣樹挂斜曛

省直

暑清東省夜此境似山林疎雨雲華溼長河月色沉
幽情半減燭真興一彈琴城柝風前急鳴珂九陌音

畫菊

歲暮苦相憶相逢一愴予秋光憐冷豔野興共蕭疎
圖畫風塵際乾坤霜霰初江南明月夜清夢繞我廬

邀思道

行窩待吾子咫尺隔塵宣雲日春長住林泉意自存
綠知宜野性可是欲吟魂連牀風雨夕心事共幽論

除夕

燈火殘年夕星霜易老身鄉思初到信宦績舊沾塵
童僕貪沽醉門庭改做新朝衣與舞袖明日不同春

新月

樓頭望新月凄然照我衣參差樹影外玉宇動清輝
江山迷客路歲月度親幃縹緲南雲際空瞻鴻鴈飛

落葉

倪小野先生全集

五言律詩

十六

少借微風力如含急雨聲隨塵飛遠道映日舞新晴

飄飄邊色暮蕭索客心驚題詩付流水輕薄解得情

方思道宅分韻得杯字送呂秋官仁卿

秋夜棠陵宅華鉦笑語陪塵襟臨玉樹月色好金臺

鄉園因君重詩壇特地開自憐多病客虛對菊花杯

朝天宮習儀次祝筮谿韻

羣僚趨走地玉樹蔭瑤宮珮影清搖雪鑑烟溼駐風

瞻依三殿迴拜舞萬方同把看紅錦袖恩重感彤弓

夜過南旺次周侍御文儀見贈韻二首

舟行明月下湖水喜清平風露秋將老魚龍夜不驚

光陰催旅食消息到天兵獨坐殘燈裏儵然百感生

其二

星槎泛秋水河漢動浮雲舞鶴知何事驚鴻未得羣
乾坤時序變湖海路岐分落月臨書卷空疑映隙曛

高郵湖

西風阻舟楫此地復徘徊落日波濤壯行途歲月催
頻驚飛羽散新見打魚臺恨望南山遠黃花遲壽杯

顧氏山莊

愛此草亭幽湖光弄晚秋農談逢野老詩思對滄洲
水白蒹葭浦雲黃稻秔穠偶來忘去住歌嘯認吾丘

倪小野先生全集

五言律詩

十七

塘口

行到橫塘口徘徊縱遠眸湖平雲脚樹風急浪前鷗
木葉蕭蕭下天光淡淡流滄洲如可問從此泛扁舟

東方朔

我愛東方朔大隱金馬門沉潛抱真意談笑說英君
多聞幾不惑至德可以羣今爲天上星清輝照白雲

富陽道中二首

細雨秋江道蕭蕭落木清草痕隨岬斷浪勢與雲平
微夢疑浮海歸心數計程鱸鄉逢八月千里羨尊羹

二

一望秋江晚茫茫
深魚龍潛水窟
鵬鵠沒雲岑
泛泛青蓮舫
悠悠綠綺琴
吳山黃菊節
處處候登臨

題方思道毛塢次韻

棠陵新得塢半是舊松筠
仙境故多幻桃源此或真
烟霞空有想樵採未能親
惆悵青鞋路微名絆此身

贈汪仲蘇

我詩多野興頗與意相宣
託以遊湖海聊爾寫雲烟
偶入棠陵眼難齊少谷肩
恐爲花鳥妬攜去莫流傳

桃花

可愛東風藥嬾然
含笑容態脂凝溼
潤錦綃展纖穠

倪小野先生全集

五言律詩

十八

近水驚魚鳥
幽枝避蝶蜂
瑤池秋不老
歲歲喜相逢

禁中詠雪

亂雪飄瑤玉更宜清禁中
階墀紛照映草樹似蒙茸
泥藻迷天路橫斜借殿風
坐看消歇近春意鳳城東

郊齋二首

郊齋借道居雪色助清虛
寒薄春回後月明人靜初
燈光憐此夕書卷卽吾廬
蓬山天外弄曉候五雲車

二

春盡虛堂靜清閒半日綠
鑪香爇薄霧簷涵瀉寒泉
老我空勸業東風感歲年
欲求丹鼎訣借讀悟真篇

贈管石峰

君是珊瑚樹光輝已照鄰
櫻梅看抱負山嶽比形神
北斗懸心夜東吳說事辰
君主恤民隱尺疏報諮詢

小野亭

同後二
十四景

徇往荒園步野亭聊暫畱
白頭晞日影赤脚踏春流
嫩竹眠還起狂花舞未休
暄風吹欲醉一夢到滄洲

西臯

西臯一纓日身欲離風塵
白鳥去何極青山意近人
古城圓若帶平野疊如榻
疑立崆峒表怡吾曠蕩真

芙蓉浦

倪小野先生全集

五言律詩

十九

獨立芙蓉浦芙蓉花正開
赤城連日氣白鳥破風埃
晚景畱人住秋光抱岸迴
採之無所贈日暮復登臺

芭蕉徑

芭蕉當徑曲葉葉舞薰風
如有凌雲興寧無障日功
伊何扶正直無乃任虛空
雪霰飄飄際包含總化工

薔薇籬

薔薇籬不惡花發繡紋交
綠薄蛛絲補紅嬌蝶翅稍
高鶯沾雪絮低護出烟稍
桃杏今成實免爲風雨拋

芋田

壯日塊飽食老年甘輒炊
土膏因雨足園實待霜宜

歲計應兼粟清齋可伴葵人閒三蜀富岷嶺有鷗鷗

橘屏

林落西風候橘屏聊可堪源流出蘇井園畫逼湘潭
秋老綠未歇霜清黃正含木樨棚北路藉以障嵐烟

梅同

栽梅故倚岡爲候臘前陽獨樹危臨水橫枝半出牆
日斜雲弄影春近雪封香却笑寒驢客尋詩祇自忙

桃林

歸來種桃樹花豔已成林觀裏會相見源頭何處尋
自知風露足且度歲年深不折留清賞吟哦萬慮沉

倪小野先生全集

五言律詩

二十

菜畦

菜畦新治罷正值秋風餘含潤根初植迎暄葉漸舒
作齋黃滿甕入饌素行廚夙夜憂君客滋勤味不虛

菊墩

陶潛歸後興亂菊爛如墩落日荒茅遲秋風短竹根
見山如有意尋水却逢源採摘花盈把平生怯酒樽

杏坡

望望杏坡樹東風還自妍宅迷春水裏人老午橋邊
賣菜非吾術看花媿昔年莫疑遙指點竹外一梢懸

蘭盆

山人送蘭至栽之古瓦盆應從淑氣轉却爲流輝明
援琴絕世響入室同心言春谷會尋遍清風想鹿門

金線草階

赤金春吐線階面細紫盤叢草穿如刺殘花點作團
紛紜風裏亂沾溼日中乾七夕庭前會休嘆兒女看

蓮花閣

蓮花紅映閣愛者是何人靜坐周夫子歸來賀季真
月中開佛面波裏出詩神一曲江南調纖風欲動蘋

韭晚

種韭已成晚每餐何可忘破園先試剪壓市欲盈筐

倪小野先生全集

五言律詩

二十一

入夜宜沾雨逢秋重護霜久聞烟火食辛苦洗心方

柳隄

春日正淒淒緩行楊柳隄杖頭無酒債囊裏有詩題
暖覺花香淡遲看樹影低閒情不吾賦黃鳥爲誰啼

桂花峒

月明古峒口風動桂花枝未得尋真路先吟招隱詩
悠悠黃鶴夢渺渺赤松期記得姮娥贈年來有所思

菖蒲石

一片菖蒲石虛涵萬寶泉長畱開闢水不老蓮萊年
秀奪雪山草清拂薰風絃纖塵飛不到伴我讀韋編

海棠庭

百花新過眼獨愛海棠庭枝挂長衾繡英攢雜珮焚
慙濃風細足睡重日遲醒圓以娟娟竹春風翠作屏

牡丹臺

花王壓衆豔故爾築高臺露重金鈴澗風晴繡幄開
清平歌大雅師傅集良材香散春如海蝶蜂還去來

芍藥園

芍藥新成園東風賸有花詩情貪物色老態殷春華
却愛迎人笑仍嫌滿地奢採之無所贈清興繞天涯

梨花牖

梨花當牖發春意正茫茫含雨疑多恨隨風且學狂
如梅嫌混俗似蕙怯升堂獨伴終宵詠銀塘送月光

竹塢

剛竹虛爲塢根橫白石磯高眠忘暑氣飽飯弄朝煙
飄興疑龍化清吟待鳳歸不知風露重預著薜蘿衣

春日山居次鄒草陵韻二首

山中紅雨亂嬾起晝閒扉日上飯初熟春濃蕨正肥
草沒漁人渡鷗尋野水磯黃梅寒復作隔歲木棉衣

二

靜坐小有峒幽意未可言連日作淫雨百水歸近川

倪小野先生全集

五言律詩

二二

相逢燕鶯道正值桃李年謝事復何慮聊以答自然

送魏淺齋御史

淺齋知治體相識笑談閒眷注丈人列徘徊御史班
細心閱蠅圖直道犯龍顏馳馬霜風裏清標不可攀

謝顧大尹懷東惠竹簟

吳門織近古野老惠沾新蠅足不可住龍鬚應共珍
波含淇澳潤夢度邯鄲春感此華而皖及門光照人

贈徐三谿見訪

林居無別事棋局度光陰偶逢徐孺子論文啓我心
江湖迴瀨氣金石奏餘音大雅推前輩懇勤爾所任

倪小野先生全集

五言律詩

二三

歲暮

歲時云暮矣吾道竟如何作事占新曆祈神遣舊魔
陰陽推大化今古付高歌悵望長空外浮雲冉冉過

謝顧大尹懷東惠大扇

草堂苦秋暑佳筵領新裁片月從空墮南薰傍日來
指揮非我事清靜仗伊材輕薄空飄拂芭蕉滿院栽

過陳獻可寓館

春暮楊花雨長安罇酒同感懷俱作客抱愧未勤公
塵夢頻驚鹿君恩卽賜驄試看當案燭膏厚慣淩風

題汪白泉南征卷

難建聯廣陌立馬樹陰西落日催行役秋風入鼓鼙
艱難新白髮辛苦舊黃齋誰謂書生怯魁襍欲自提

過天津

眼底憑舟折風波泗水平生遠行役倦清晝夢魂驚
霜月南征鴈河津夜渡兵況逢搖落後白髮傍愁生

遊湖

小艇泛湖去依依曲渚經鴈衝雲氣白草約水痕青
散逸攜仙侶蕭條渡晚汀魚龍不可犯風色浪溟溟

太倉賞蓮二首

細雨林塘霽池亭弄晚輝折紅新點酒賜綠舊裁衣

倪小野先生全集

五言律詩

二四

花映銀塘麗根分玉井肥西湖歌此曲尚憶月中歸

二

雨前憐藥盤雨後見花齊蛺蝶情偏劇鴛鴦夢欲迷
賞頻緣有約吟苦入無題但畏年華改壺觴未惜攜

謝沈東溪惠松花餅

五嶺炎蒸地相憐衰晚安故投千歲餌兼侑七言詩
匣展流金色匙翻輓玉脂家山千萬樹零落負歸期

常山奉恩寺待方棠陵不至

山雨鳴不歇寒谿流更深沙鷗飛樹杪客權阻山陰
惆悵空高眺蕭疎感舊吟恁恁遊宦路燈火想論心

夜泊釣臺

夜泊釣臺下秋風古樹涼灘聲亂石底月色片雲傍
兒女看今夕江山識故鄉水鷗飛不定空自愛滄浪

上天竺閣上

高閣涵虛敞秋光已十分斜吞谷口月平接樹頭雲
久抱林泉癖新參猿鶴羣山中無夢寐泉聲清夜聞

聖果寺用唐人韻二首

江光逗疎竹雲影度垂蘿獨立閒心遠高眠好夢多
山中半樓閣眼底自風波叢桂花初發無勞楚客歌

二

倪小野先生全集

五言律詩

二五

再到中峰處春風長薜蘿憑欄滄海近坐石白雲多
詩句時刊竹禪心下映波月明古峒口玉女寂無歌

訪錢同甫不遇

遠訪錢同甫城隅日正斜小巷難容馬疎林只帶鴉
橋橫菜成市樓近酒堪賒孤負黃花會徘徊秋水涯

邀諸子相李汝立張以貞諸及門

向有楊梅約枝頭今漸紅重重嘉會集草草舊時同
逝景應難再浮塵此欲空得錢郎相覓頗有少陵風

謝楊二檀惠秋露白

惠我秋露白泰山泉遠分金泥舊封誌玉液暗波痕

沆瀣氣不洩，薜薇香正芬。舉杯頻恨望，未得與同樽。
醉筆

萬竹何青青，圍我水心亭。休歌綠水曲，且誦黃庭經。
海雀盤雲下，池魚倚月聽。留君度今夕，花氣噴人醒。
桂樹

庭前二芳樹，西風幾度花。傳來明月種，移自白雲家。
吟詩怡吾意，風煙記歲華。折之何所贈，春思遶天涯。
遊謝汝湖西莊

柱我紫竹杖，迎人雙鶴鳴。花深瑤館隱，山靜翠屏橫。
雞犬超人世，魚龍臥月明。茫茫春水路，回首暮雲平。
倪小野先生全集 五言律詩 二六

閑述
了悟日何如，浮雲過太虛。莊周齊物論，叔夜絕交書。
脫略形骸外，優游天地初。膝前羅七子，眼底定賢愚。
徐蕙阜海光樓

江樓如斗大，貯得海光多。層起雲成屋，蟾飛月作梭。
蒼茫生畫壁，汗漫待仙槎。擊折扶桑樹，容吾一浩歌。
池亭

小亭春晝靜，簾影動清虛。雲連山橫近，林新竹護疎。
景憐初過雨，情狎欲馴魚。湖海平生興，聊怡隱者居。
亭上

早晚憑欄意，春濃流水涯。疎林候新竹，芳樹戀奇花。
去去求吾願，悠悠計歲華。城隅新結舍，地僻避喧譁。

秋山
雪晝堂前飲，秋山當我前。清宵見巖壑，白晝靜雲烟。
芳樹光輝接，幽居徑路偏。羣峰秀不盡，佳氣醉魂邊。
寄沈文元

相憶沈司馬，風流老更雄。棊枰勢屢變，樽酒興無窮。
沙田堪養鶴，夜雨獨聽鴻。江東雲樹杳，日暮思重重。
謝王伯圻惠曆

鳳曆從天下，山林歲月新。皇圖長撫運，衰質復生春。
倪小野先生全集 五言律詩 二七
手札分投地，心香拜領辰。梅花新寄贈，此意更清真。

寄秋江
秋江不可見，乃見芙蓉花。悠悠綠水曲，隱隱赤城霞。
八手驚詩格，同心賞物華。月高涼夜永，清夢繞天涯。

大楊時章韻六首
留君對明月，兼以賞黃花。話深頻促席，興逸懶回車。
玉樹團青靄，柴門擁白沙。盤蔬與卮酒，莫厭野人家。

二
東軒咫尺地，異卉雜名花。每下高人榻，長停長者車。
種菊秋翻土，脩蒲日洗沙。誰知城市裏，生意滿儒家。

三

野服游行地傳呼辭五花吟邊謝安屐醉裏邵雍車
閒心雲度水古調浪淘沙短竹兼疎柳門巷似漁家

四

夜深秋氣淨庭竹鎖烟花遠山光鬱黛園樹影迴車
人古玉藏石詩精金出沙眼前清樂地不羨五侯家

五

君顏日漸好疑是餌三花長帶蒼龍劍會逢白鹿車
有緣能煮石無得笑蒸沙禹穴探奇後丹書讀幾家

六

倪小野先生全集

五言律詩

二八

細烟深鎖樹重露濕沾花江山聊入詠珠玉欲盈車
閒雲眠圃石明月踏隄沙共君滿瑟意砧杵罷鄰家

題毛世奇松梧深處

谷口松梧合行行谷轉深夏涼留雪意夜靜護雲陰
琴室虛流水書燈出遠林偶來同笑語獨賞歲寒心

輓鄭少谷

少谷不可作形容入渺茫童神目炯炯老氣蒼蒼蒼
瘦馬長安道寒官祠部郎三山五湖水何處獨翱翔

寄沈文運

休文年少日可愛若芝蘭風雨論心舊江湖會面難

故人時入夢相憶或忘餐老眼看天漢長風起鳳鸞

泛汝湖

泛泛湖中櫂紫迴白鷺洲蒲芽含玉肥柳葉帶金柔
白日春長住青山地轉幽瓊花千萬樹隱約五雲樓

春草園用韻

爲解東風意閒釣春入藥細隨吟展翠低拂舞裙紅
入關噴兒戲成相比繡工濂溪觀物妙移作養心功

桃花

顏色未全吐多情何可言露氣微含潤風光足受暄
當筵初識面把筆欲消魂試問栽桃者門牆有舊恩

倪小野先生全集

五言律詩

二九

漫興

遠雲橫片雨天末動涼風餘事推枰裏新知掩卷中
青山意不盡明月夜誰同欲寄舊遊者江湖阻去鴻

憶松

松軒遊夢遠蒼翠隱羣峰天路招飛鶴秋風泣臥龍
畫圍留舊影雨露待新封望斷徂徠石雲深幾萬重

卽南阜桐湖逸墅二首

一片桐湖水歸雲迹正深青山麋鹿伴白日鳳凰吟
問柳諮詢意我花變理心動名霄漢外萬事總圓林

二

桐湖堪遠老好似鑑湖春乾坤勝地風雨是平津
浮雲看倚杖落日坐收綸分得瑞峰草青山牧鳳麟

寄張司川

落落青雲伴長懷張司川夢回龍虎榜望斷雁魚箋
夜雨空談論春風又歲年幾番清興發惆悵刻溪船

寄駱龍仙

我憶駱司馬流滯燕趙間何人會流水隨處踏青山
湖海聲名遠風雲意氣閒滄江垂釣地掃石待君還

贈楊二檀使蜀

運河初繼檣綽部復分曹春注君王龍驅馳賢者勞

曉小野先生全集

五言律詩

三十

使車隨雨露文筆試波濤五月江程穩薰風吹羽旄

雪夜懷廷和

雪色寒宵霽南樓月漸高想君禪影裏生擁木棉袍
殘年爲客思短鬢對誰搔縱有乘舟與座遙怯素濤

舜澳漁寄

舜澳漁所寄吾君又寄漁桃花源洞記蓮葉老人書
地散烟霞闊秋清楊柳疎飄飄江上意得失不論魚

菜畦

治畦君乃事老圃了平生抱甕石溪艮攜鉏山月明
菜花蝴蝶滿桑樹鷓鴣鳴翠色新刪後朝來小雨晴

送人

冰消新水綠風煖舊山青悠悠來去路歷歷短長亭
鳳闕旋雙旆龍泉設一經離愁生眼底共醉願遲醒

遊張商卿莊

小亭池上幽六月如清秋流水與溪接好風因竹留
山明雲欲淨波定雨初收島嶼相迴轉同登採菱舟

思萱

北堂今寂寞無復覩春暉夜雨催銀燭秋風落彩衣
丹青勞想像夢寐接芳菲試問榮枯事窮天竟已非

末感

倪小野先生全集

五言律詩

三一

愁裏看斑衣高堂事已非樹聲驚夜夢草色負春暉
月冷啼鳥歇雲深化鶴歸百年人子恨何處誦無違

悼蘇侍御母

庭樹秋風動雲霄夢一驚奔馳千里計哀慕百年情
丹青圖象服琴瑟想雞鳴獨羨皇恩在泉臺日月明

東樂

試問東樂子此樂爲我言殘雪留梅小和風入柳暄
農談過別墅賓日拂晴軒草木欣欣意閒情寄綠園

瞻野挽辭

試問瞻野子瞻野心何如春風煖空好寒烟淡不舒

牛羊自前阪草樹記吾廬我有招魂賦慙慙爲子書

題毛世臣碧山書屋

結屋碧山下山光壓屋頭茶烟凝薄午松雨報新秋
樵牧渾忘跡江湖獨抱憂石門乘月度一笑爲君留

題黃伯固焚黃卷

九原不可作感此聖王恩雨露新麻詔丘山古柏墳
英靈疑有覺孝慕亦如存草木光輝裏勝惟到鶴像

題四友亭

石林杯酒裏一笑歲寒盟到老空冰雪相依只弟兄
同心諸物理四海識亭名造化栽培意枝條轉自榮

倪小野先生全集

五言律詩

三二

次韻留題南坡新居

雨意微雲外炎天似早秋東堂翻晉帖西壁挂吳鉤
長夏多清夢閒居謝舊憂階除沙月白江漲下飛鷗

雙松園壽陳後山

鬱鬱雙松樹過者咸稱良風雲戀丘壑斧斤辭廟堂
石坪借清蔭瓦甕沉寒芳悠悠後山翁樂此年歲長

面牆樓

四壁如環堵茲樓儉德昭及肩希子貢在目見神堯
入室還收視杜門欲謝招進脩前去路不爲阻迢遙

壽椿

大造栽培意應知此樹靈遺芳看桂子種德比桃庭
家慶曾圖畫天齡昔著經年年春雨色長傍舞衣青

詩顧封君

瀛海仙跡近崑峰秀氣俱詩名連伯仲野興寄江湖
牙緇臺端服龍光家慶圖祥星耀南極誕日應東吳

雙節爲歙人唐氏題

節婦人間少今看雙節門冰霜俱白髮燈火幾黃昏
風聲樹闌里人道立乾坤貞德傳心妙應不在空言

滁山八詠爲孫性甫主事尊翁賦

雙泉下瞰

倪小野先生全集

五言律詩

三三

絕巖下雙泉雙泉萬石巔風雨半空起虹霓百丈懸
流光不知老洗耳是何年悠然太古韻天高落木邊

泉源通槎

古今無止息一派出雲根直接通槎處猶疑卓錫痕
流轉江河思幽深造化原山人看不厭坐悟到無言

流觴勸酒

勸酒復勸酒流觴似昔時流水如有意山人且莫辭
香點桃花片陰分翠竹枝風光題不盡醉裏更催詩

小橋孤月

小橋經過處明月在清溪水光宜入霽烟景復含淒

恨望情何極遲歸路不迷推敲舊詩句清絕勝新題

野寺歸僧

落日青山靜疎林黃葉飛野亭詩客散古寺一僧歸
白雲溪上路新月竹西扉雙猿先入定爲我護禪衣

古亭畱客

壺觴興不盡山鳥似絃歌綠竹題詩遍青山送客多
知音流水在塵世片雲過千古醉翁意今醉意如何

天畔白雲

天畔白雲洞風氣湖海通光輝千嶂日姿態一溪風
閒心應與會浮世亦成空山人偶來處拄杖對孤峰

倪小野先生全集

五言律詩

三四

雲峰飛翠

雲峰奇且秀縹緲隱青蓮望入黃花外晴分白鳥邊
朝清沆瀣氣秋老穴寥天誰攬歸園畫飛翠落風烟

端本堂爲蔣進士拱題

端本堂開日源流漢岳亭衣冠仍舊族詩禮講遺經
宗法明儒議時歌曠世靈年年風日好蘭桂發芳馨

題雷光祿父寄浪令求思卷

不見穹浪令遺編思高堂如在日風木未寧時
湖海音容地春秋涕淚期幾回吾諷誄可比蓼莪詩

鮑氏樓

鮑子非俗士小樓延好賓戶庭連紫氣雲日映青春
香屏塵不到茗枕意偏真花影開棋局相過不厭頻

送人還廣東

白馬照珊瑚青春遊帝都拜爵歸鄉里承家羨丈夫
秋風南去鴈明月夜啼烏過嶺多吟興停鞭賦碧梧

賀梁主政象峰乃弟冠帶

象峰有佳弟嬾著從事衫九霄生遠夢七品帶清銜
鴻鴈草相望芝蘭種不凡嶺南清興動春日候雲帆

送李秀才還閩

膝下歡初合家鄉思又牽山川壯懷抱今古感風烟
倪小野先生全集

五言律詩

三五

轉盼飛騰路堪憐建立年別來候消息秋鷄一聲傳

送蕭監生赴選

聖主龍飛日風雲動俊髦如君負奇特從此慶逢遭
歲月沉經學才能敘吏曹錦衣登節道莫棄舊綈袍

贈吳半隱

半隱今與隱江湖興已閑愛梅兼養鶴種竹可栖鸞
積善傳家寶開心住老丹華堂逢菊月縱飲復加餐

荷亭觀雨

偶過荷亭上斜風送雨來牆頭迷翠柳水面破青苔
浴出溫泉女涼分弄月臺嶺南梅瘴月爲我洗炎埃

富陽道中又題

烟浪茫茫去江城香不分日光微照耀山氣轉氤氳
客擔迷荒度漁舟泊野雲浪頭騰白馬疑是伍將軍

東井

東井聊寄志讀書東井傍波浪情終定源流思自長
藕花含古意梧葉弄秋涼王明天下福有子領行藏

一介

我愛一介子一介性之初酒談重然諾詩話有廉隅
疎石本堅確周道登崎嶇必以和相濟莫以固自愚

哀詞二首

倪小野先生全集

五言律詩

三六

古人有至孝乃在蓼莪詩涕淚流連地劬勞報復私
寸草心不死良工苦獨知夢寐驚風裏庭樹無寧枝

二

落日平原影鵲鶴何處尋飛鳴思急難風雨有哀音
已斷西堂夢但忘子敬琴紫荊花下恨長抱百年心

用方思道韻贈謝石厓

新登清廟鼎用涉巨川舟邦憲持公正民冤省滯幽
輸忠情向海崇德勢陵丘眼底皆吾事君才足應酬

養葵詞

亭亭階下葵赤心含未伸未脫蓬蒿迹猶當風雨辰

扶植藉造化吹噓俟緣因太陽一臨照敢不傾素心

贈徐司馬秋浦

戀戀鯉庭別依依鳳闕思忠孝丈夫事明良際會期
善政看頻試清操羨蚤持矧瞻鵬鶚路縹緲五雲陲

雪洞

洞裏長疑雪孤吟骨不寒春風宛轉入容膝聊自安
平生丘壑思晚歲蛟龍蟠雙眼乾坤外依然有大觀

寄聞人寶應邦正

多君富經術治縣良不難江湖抱遠思琅玕雜清吟
股肱當要衝瘡痍惻惻凋殘春風綵衣席萱花綉雕欄

倪小野先生全集

五言律詩

三七

寄梅谷嚴公

姚江舊梅谷八十三度春根株未蟠固花蕊轉繁新
調羹先獻子種德久存仁屢杖春風裏巡簷索笑頻

礪松

我愛礪底松托生何兀奇白石護古根紫霞宿餘枝
琴瑟有隱響斧斤無先知試問春與秋八千歲爲期

半野

先生城市居而抱太古心稼穡懷舊業漁樵雜清吟
烟破鄭谷曉花密杜陵陰姚江倪小野遠以託知音

藏春二首

烟煨青春色都藏一室中夢迴楊柳月笑對杏花風
造化心長在神仙術頗通潯陽初轉處靜裏試黃鐘

二

春光忽過眼君乃留藏之江山送草色風日護花枝
菖蒲生硯石菡萏散盆池時引閒雲片幽棲翠竹籬

稼樂

稼樂隱君子鹿門重有莊夏霖榮被畝秋日富登場
後獲仁之利知艱業乃昌洛陽春烟煨空花何可常

送胡方崗憲副之蜀西兼贈管秋江四首

安邊尚鎮靜功績莫貪奇但使豺狼避無慚草木知

倪小野先生全集

五言律詩

三八

臣工當努力民隱且占眉落日西山雪從容好賦詩

二

諸葛才無敵君平術最奇陣圖師古意籌略契先知
甲兵范老腹江海張公眉西山白石右過刻太平詩

三

山色離筵畔雲峰壓坐奇立名期不朽論道有新知
分袂憐青眼同袍推白眉兩持嚴武節酬和少陵詩

四

胡公經學富管子伯才奇功名各努力道義久相知
李杜還攜手江山共放眉蜀中風物麗萬首紀行詩

贈鄭虛齋陞貴州叅政三首

秋臺切霄漢舊職鐵冠高眷注歸推轂功名起試刀
籌邊兼將略經國積賢勞天路西南末春風拂錦袍

二

風日度梅嶺星轡不可留一方歌惠政萬里紀清遊
望東關山曉吟邊驛路秋明王御區宇蚤夜合分憂

三

腐儒衰晚地接引荷明公惻悵瞻飛鶴雷連立去騶
生祠空物色宦海成萍踪他日梅關口新碑墮淚中

荷花三首

倪小野先生全集

五言律詩

三九

不到池亭畔名花已過期行逢秋意重生惜晚香衰
極浦揚波闊芳洲落日遲蓼蒲叢亂發冷落兩三枝

二

雙鬢西風裏臨池一怡然低枝長不極餘朵開還鮮
魂斷凌波步心清聽雨眠夜深開水鏡爲爾惜輝娟

三

豈不懷君子花開忽又闌詠歌堪比德想像欲忘食
短炬消金屋長衫羅翠盤飽含風露色玉粒待青鸞

散鶴

沈生江海氣飄然鶴不羣忘機迷野雪得意舞春雲

仙骨高秋健天聲清夜聞鳳凰新詔下擬謁聖明君

移榴

自怪昧木性移爾半年屯始謝東風力欣欣枝葉春花明蒲艾節子過杏梅珍根株須愛護爲爾斬苔菌

上天竺閣上

山中有高閣盡日白雲橫禪榻松影棋枰亂竹聲蹉跎塵世事畱戀野人情興在憑欄處持盃待月明

遊謝汝湖西莊月下觀牡丹

素月出東嶺蒼茫雲水邊花神志揚露清麗近嬋娟擊鼓催春令然燈弄夕妍山中芳意在風色白相憐

倪小野先生全集

五言律詩

四十

鐵梅爲諸養敬賦

金氣吐爲花鐵梅真可嘉老能同玉石落豈化泥沙硬語煩詩句貞顏對物華明月枝頭白精靈舞莫邪

二

梅花元似玉無乃鉄爲名錦鑄真天意堅貞本物情萬迴經劫火三弄盡商聲却媿柔顏色紛紛桃李榮

贈鐵梅二郎

賣藥江南市春風近酒罇花飛畱客席笋出奉親廚不廢伯魚學兼看扁鵲書賢哉陳孺子門有大夫車

偶過池亭見海棠已謝悵然有述

孤負壺觴興蹉跎賞玩期未緣風雨妒先避蝶蜂知餘姿嬌不減幽恨苦相隨芳草畱連地情空檻畔枝

新月

忽憐新月好幽意在西樓淺映殘霞色微升古樹頭痕清露鏡匣影落墮簾鉤百拜喧兒女圓團願未休

醉書南坡樓壁

醉後呼歌女歌高醉易醒風光方浩蕩花意欲娉婷寶扇新題字金釵輕挂纓眼前和白雪喜有楊草亭

草庭

草庭愛幽事盆景點東軒石剝琥珀骨竹洗琅玕根倪小野先生全集

五言律詩

四一

纖花淡日影舊菊帶霜痕復喜棋枰在畱連月照門

桑園居士

鴉鴉鳴未歇春風萬樹柔露芽黃拂剪雨葉綠盈筐稼穡知艱地丘園自賁鄉論功多衣被養拙近羲皇

贈潘巡按二首

周室代巡狩虞廷復侍從風霜司肅殺霖雨喜遭逢感激空圖象踟躕莫住驄萬松書院朗貞石倚高峰

二

白鹿重開講青驄不可畱事業看麟閣文章擬鳳樓羣才趨變化六藝濬源流誰人最年少先爲洛陽收

素履爲圖孔昭題

侃侃素履子冰雪濯其心至禮白爲貴真機玄轉沉
夜玩無字書朝撫不絃琴江湖踪跡遠寥寥空古今
釣隱

南坡隱於釣乃釣人世閒潛心還混沌濯足弄潺湲
舴艋載明月絲綸挂碧山却憶任公子長嘯滿塵寰
淮上贈吳秀才厚學 龜兵子

相逢淮水邊文采何翩翩論劍多奇氣明經得正傳
驂騑當道路鵬鷃破風烟荆楚封侯地轅門爾最賢
寄靖江朱賢官

倪小野先生全集 五言律詩

四二

我憶海江子採藥海江邊醉歌竹枝曲春泛桃花船
養龍新得技放鶴已通仙君王賜恩澤裘馬五雲鮮
贈史大行鴈峰

辛苦抱經術平生非縱橫風雲騰思遠山嶽比神清
眷注當推轂遭逢合秉衡諮詢得民隱流涕奏書成
寄任仕弘舉人

我憶任公子長安幾度春暫時迷物色何處話心真
待價文章重沾恩雨露新泥金千里報此日喜喧鄰
雪渚

野色蒼茫裏江聲蕭颯餘短篷倚前渚雪霽月明初

吟苦梅花發夢清蒲葉疎湖海塵空處高人抱素書
贈胡龍江

夙抱明經學遭逢仁聖君立就萬言策力回八代文
風動驀騶道天開闢闔門三月泥金報春雷天下聞
寄錢宗正

春色長安道鳴玉侯王門笑談集豪士光華瞻聖君
越夢回秋月燕歌動暮雲庭前石麟子相見喜超羣
贈吳應元舉人

中心啓貞悟萬象縱大觀至寶出礪璞利器當錯盤
雲開騏驎步天錫鳳凰食功名如拾芥慎德誠所難
倪小野先生全集 五言律詩

四三

四面皆文筆山臨翰墨堂烟雲飄若洒星斗燦如章
陣圖何磊落書意入蒼茫爲池清影動妙悟跨鍾王
題黃百川先生十景

通德名鄉
名鄉是通德不知作者誰直道循三代淳風自四時
社會歌吟地鄉評禮義資可封看比屋閭閻照茅茨

招賢古里
徵書到林麓賢者尚畱名白屋畫圖去青雲羽翼生
一犁莘野跡萬卷草廬情猿鶴徘徊處雲山秋夜清

官埭義塾

義塾開官埭賢哉兼善規孟嘗空養士李固免尋師

青山燈火夜白屋杏花枝遺風猶未泯樵牧半清詞

平原別墅

青山屋茅屋陰陰花竹開雙屐曾經處一枰誰博來

養心宜隱逸回首絕塵埃平生厭城市得此足徘徊

箭山擁翠

箭山高萬丈空翠拍天浮雨意長含澗山光爛不收

斜拖白鳥陣倒洗碧潭秋娟娟若可攬獨倚夕陽樓

剡水接藍

倪小野先生全集

五言律詩

四四

曲曲剡溪水新藍春深餘柳葉染成碧桃花點作緋

不關南浦意復借夕陽輝童子釣遊處苔痕古石磯

東溪觀漲

溪漲一夜生亂流縱復橫山脚吞欲盡浪頭翻未平

高張跋扈勢微動乘槎情此理忽吾悟一氣自虛盈

南浦臨清

南浦何澄澈生臨明鏡中塵根洗以盡性體悟而空

沙鳥情相狎淵魚樂與同滄浪歌一曲隱隱水雲東

西坡曉牧

曉牧烏犍去一坡春草豐烟溪熟途路鄰伴仰兒童

隔絕豺狼道平安牛馬風野歌反扣角此日慶遭逢

北野春耕

細雨鶉鳩啼春風忙把犁雨足耜前水雲翻耒後沉
深耕盡力厚穫視豚蹄帶經看未罷小憩夕陽西

梧峰

梧峰高百丈梧樹倚峰長抱負堪琴瑟依栖待鳳凰
霜風秋颯颯月露影蒼蒼因以懷虞德烟雲入渺茫

一勤

天運本不息日新乃有功惜陰惟大禹待旦有周公
運甕以自勵斷機斯有終侃侃一勤子心存惕厲中

倪小野先生全集

五言律詩

四五

崇蘭挽詞

崇蘭翁已往崇蘭德何長日月夾天采風雲揚國香
謝秀紛成列孔音清滿堂懿哉培植心後嗣慎毋忘

尋閒

人閒有閒趣惟君尋得之嬾迎世俗客耽坐學禪師
心寄希夷世情怡陶令辭興來每獨往遙與白雲期

贈行

共羨儒林雅東遊鬢未霜江湖意浩蕩州郡譽循良
玉色相看潤蘭言不斷香苧衣無暑氣梅雨送歸航

石菖蒲

我愛石菖蒲千年永不枯根蟠羊肚瘦葉散虎鬚粗
塵氣消書案清標入畫圖曾隨三秀草養植近清都

玉泉居士

我聞玉泉水世澤長且深江河分洞氣霖雨慰初心
濯錦文章麗傳琴意調沉平生樂水性未得遠相尋
瑞香花

濃香驅俗豔孤標爭寒芳葉繡黃金縷花攢紅玉房
珊瑚愁海竭芍藥愧風揚且製青絲幄先春重護霜
南清軒次韻二首

幽意卽山林紅塵未許侵鳥聲歌處緩花影坐來深
倪小野先生全集 五言律詩 四六

雨後謝安履月中元亮琴殘山與剡水心悟寄登臨
二

軒前聚石林苔色漸相侵芳樹過牆密寒泉出井深
風雲生健筆山水付鳴琴賢哉陳孺子紛紛車馬臨

庭桂

桂樹鬱要姿栽培意若何種分明月窟陰滿綠雲坡
恭局依還久詩篇誅更多秋花待諸子攀折莫蹉跎

月川

我觀月川圖乃知幽人心山中有真境夜半減浮陰
寒棠登彼岸援琴瀉流音白鶴一聲曉恍然何處尋

江南泉見寄次韻三首

土窟聊容膝虛疑小洞天年衰思逸老性嬾學安禪
月影穿苔石階流落芋田小車空一過惆悵憶南泉

二

訪我偶不遇留連池上亭潛魚識履韻細草帶衣聲
不盡王猷興空回山簡醒長疑見顏色落月照窻櫺

三

花竹荒城曲江灣地轉幽清暉雷麗句嘉會待新秋
庭樹來雲鶴池灘下海鷗長瞻雙鳳翥日暮獨登樓

寄蕭嘉興若愚

倪小野先生全集 五言律詩 四七

我愛嘉興守循良名不虛龍泉經淬勵足轉跼蹐
眷注書屏列飛騰推轂餘郡齊無暑氣題竹興何如

送吳朝獻

萬里日南道春風吹馬蹄壯心流水遠鄉思白雲低
欲富子長筆還親太乙藜傳臚舊門第轉眼續新題

次韻酬張良軒

玉樹春風裊光暉映畫欄鄉評推石奮家政試劉寬
到老不扶杖逢人必正冠風騷三世筆吾輩讓登壇

贈張懋中貢元

黃金初出範白玉已懸衡利器當盤錯明經非縱橫

蕭何奇國士賈誼起蒼生矜看圖南翻風雲九萬程

寄草窓方先生

草窓久不見因憶小桃源醉筆畱詩句仙槎託夢魂
風濤非世路雲樹記江門君是超然者功名安足論

寄常熟張端岩年兄兼吳中諸同年

晚年歸隱地天下說東吳穀帛出名郡笙歌入太湖
村村田宿鶴日水登鱸一笑相逢裏文章諸大夫

壽章僕庵

重逢抱朴子如意獨全神造化本來物義皇以上人
心齊道德古意匠畫圖真歲月不知老初度小桃春

倪小野先生全集

五言律詩

四八

送淺齋魏秀才入蜀簡詩

扇來西蜀遠相贈故意長顏色猶含潤風霜堪奉揚
得柄操持定當筵錦繡張驅馳何足論可以障吾皇

鶴洲

芳洲白鶴下有客泊孤蓬水接蓬萊碧花開菡萏紅
夢清同對月興遠與凌空因解神仙事書傳遼海東

久雨

夏雨一何長狂波欲覆牆鮮苔如得意禾稼正堪傷
潮信應難卜天心未可量白頭無此緒聊自味滄浪

寄謝汝湖

畫舫聞登水因之代板輿江山千歲裏雨露九霄餘

漢武新翻鳥王祥舊躍魚欲隨牽錦纜野興近何如

答管石峰黃門

石峰吾黨士今爲天上人先春數雨露未晚履星辰
賢叔聞明主野翁爲近鄰橋邊神駿子共識出風塵

二

大邦小司寇侍從拔賢勞晝俱先辭酒暗憲獨秉毫
香飄龍袞近衙啓鳳樓高俸祿散兄弟畱連舊布袍

送楊二節憲副

萬里日南道長驅君所任當朝推銳意壯歲請纓心

倪小野先生全集

五言律詩

四九

清暇文章重先聲籌策深還趨容事天下望甘霖

贈吳主政孫塘

春風上南國地位切星辰承接源流遠遭逢氣象新
霜飛三尺法雨洗五車塵醉共海棠語須憐野老眞

春初

春意不自得雨長寒未舒欲衰求澹泊先病絕馳驅

世事合吟裏花期屈指餘飛鳴亦遠幽意愛吾廬

槐隱

姑蘇有隱者門前槐樹陰綠雲千萬疊猶似入山深

秋風無繫馬春日有鳴禽却笑南柯夢平生千祿心

曹娥廟

曹娥有古廟不斷紫霞香魂逐波濤壯名垂歲月長
春浪花一簇雲暗樹千章隱隱青山路依微翠蓋張
夢萱爲海鹽陸菊隱題

宋老長思母萱堂夢寐間恨殊連骨肉花藥比容顏
香消甘旨廢影散畫圖開舞衣空把看零落舊時斑
送張節推世良欽取

陶邦小司寇鐵面帶冰霜梳笏趨清列圖書束舊裝
遭逢方受福簡拔合登良楊柳薰風轉長吹萬里航
寄謝汝湖太常

倪小野先生全集

五言律詩

五十

我憶玉堂仙台星倚遠天江山榮故里霖雨望豐年
朝衣輝舞綵講帷同家傳採摘無由贈時歌好德篇
寄張都閫希孟

昔日相逢地春空停碧雲棋枰推妙算詩句見雄文
肅齊新號令超拔舊功勳沾被平安福高歌對夕曛
送胡方崗憲副之蜀兼贈管秋江又三首

西夕防偏急吾邦才亦奇莫言勞事久受聖君知
霜風生曠足雲月度蛾眉喜有同心伴揚鞭共賦詩
二

歷試唯經術兼通武略奇賢能列省選姓字百蠻知

爲國憂形贊趨階喜見行臨岐愧無贈曠蕩野翁詩
三

萬里西川役江山險且奇雪霜鵬欲避道路馬能知
君恩託肺腑殺氣斂眉眉感激當朝寵慙慙四牡詩
贈魯廷璽

掉竹歸來晚庭前玉樹榮山林閒歲月江漢舊聲名
老臂頗無恙虛懷夢不驚長安風月夕長憶話平生
贈邵南峰

林臥久閒寂相逢話轉虛抱奇多偃蹇詣遠或紆迂
受抑心無忤安卑道有餘獨憐親契分別意幾躊躇
倪小野先生全集

五言律詩

五一

用良瑀韻
偶雨政多暇深慚學未優小園逃吏俗嘉客伴人幽
年歲忽驚暮功名真覺浮東風住花鳥爲我遺春愁
二

酒懷閒裏適蒸力老來優風動花仍亂煙凝樹轉幽
雲心忘去住鳥性異沉浮日涉園成趣能消宦底愁
過河舍和方崑山

夢脫淺深滿潮平可泛舟恐加三月雨連沒百花洲
禾黍懷他日蘋蘩記早秋欲爲農事計次第兩河脩

祝小野先生全集卷之六目錄

七言律詩上

上謝木齋翁

挽孫忠烈尊師

文徵明扇圖用韻

賜扇

寄陸儼山祭酒

復除禮部五月初日謝恩

送璩同知致仕五首

喜晴軒次韻和姜夢賓吏部

祝小野先生全集

卷六目錄

武揮使攜酒過訪二首

松軒

安定道中

閒味

贈故人遠訪五首

施太守過訪依韻書贈

姑蘇寺卽事二首

同江王二揮使登清遠樓

書竹一首

視水災

偶以公事江遊唐海洲攜數友酌余舟中

中秋對客二首

醉石

省敘長洲王公爵以舟偕行

和吳匏庵閣老訪舊

過東明寺僧出匏庵詩用韻二首

和陳景瞻小山詩

和陳景瞻催菊詩

江揮使山館題二首

過張仕成殿基

祝小野先生全集

卷六目錄

嘉定道中贈故人鄭宜簡二首

僚友劉清白會客賦贈王伯翔

贈茅克理

送王民瞻會試

用元廣韻送胡本清兼東謝汝湖

用韻送元廣世用仲仁諸戚友會試

雪中送邵元廣諸戚友

新春用景明兄韻二首

用前韻送景明兄回姚

壽歐陽封君

陶蒲二揮使冒雪同訪方崑山不遇

用韻贈前人

用韻贈方崑山

登瑞光寺塔頂書壁

同尤宗陽過竹堂寺觀梅十四首

爲袁君賦懷雪

春夜吳門袁君攜酒過舟中用韻三首

用前韻贈楊易儒

用韻答姜吏部咏梅

谷泉

龍小野先生全集

卷六目錄

三

酌姜吏部水亭用韻

蘇門春雨卽事

懷東山四章

苦雨用韻二首

題插花美人圖

凝遠樓用韻

祭忠臺

渡曹娥

曹娥廟

越城懷古

過錢清

鎮海樓

岳王墳

子胥門

題織錦篇

讀李白鳳凰臺吟

婁江阻風

閨情

酌諸僚思牧堂

和靖書院次邵二泉韻

龍小野先生全集

卷六目錄

四

龍泉絕頂用唐方干韻二首

惠山聽泉

秋興

栽梅

翠微房晨起

雪霽

登高

夜泊孟瀆江

舟中對金山

錢予謙宮詞予改五數字

新柳

清江浦寄寄亭爲吳克學題

懷方思道

戲題舊牙牌

雨後

次韻喜陸三汀至

萬壽節

秋興

長至謁陵喜晴

諸陵

倪小野先生全集

卷六目錄

五

哭泰陵

齋居簡省中諸友

車駕幸南郊

聞方思道行至金山

午門春日

喜思道至

中元祀陵

池亭秋霽

用韻答陸三汀

再哭泰陵

夜歸昌平

立春省中卽事

猷錦紀思

郊日喜晴

登樓

偶成

不寐憶陽明

漫述

重陽對菊

重陽登觀星象臺

倪小野先生全集

卷六目錄

六

登樓

送鄭少谷

太白樓

志喜

村夜

桐廬道中

寄題爛柯山兼懷方思道

偶過延祥寺問三影堂已廢遂賦

方思道於我長安舊寓扁曰懷野樓

春草八首用俞北山韻

西清書院春暮

坐愛亭漫興

夏夜雨後

橫浦道中

答方棠陵次韻

天竺見方思道

歸來二首

送張司川

殘菊

醉贈能上人

倪小野先生全集

卷六目錄

七

陶弘景

夾竹梅花枝條憔悴花葉稀薄因爲感歎

擬元宵應制

落梅

漫興

楊梅

韓信

晚眺

登樓

病中

楊妃菊

野居

贈鄒草陵

答汪白野

東鄒天巢

麟蹄石

鳳翼岩

平峰

曲徑

西阜

倪小野先生全集

卷六目錄

八

竹塢

紫雲峰

芝莖石

芭蕉

榴花

白芙蓉

東望望春四首

病起

鄒草陵眞脩齋成

答聞北江繡衣

次韻答嚴木山

贈郭聖東

用韻爲蘇州錢廣文賦西青小隱三首

江陰道中用韻答金大丹

送蔡給事石崗陞僉憲之福建

東昌副謝工部廷桂

昆陵依韻答史先生

寶成寺和左方伯韻

夜宿翠微房

用韻留題楚芳方丈

魏小野先生全集

卷六目錄

九

哭董給事濟之

送許御史補之謫定州

素卿爲毛世臣作五首

次韻答張西峰見懷二首

蘇門贈華仰山

南溪

中秋次秋江韻

樂閒

文山別墅

次東溪公韻題白芙蓉

除夜

送王陽明謫官

別海昌諸友二首

溪邊

寧波天寧寺留題

同方崑山過蘇城錢進士宅夜酌用韻一首

用韻答管秋江

次韻留題古虞費氏園亭

夜雨訪南坡

韶州道中依前韻

魏小野先生全集

卷六目錄

上

次韻答白樓

郊行過呂翁

新鶯

登豐山最高峰

閣上

寄謝石崖

登子陵亭有懷

移竹東于吉先生

月山壽藏爲楊方伯題

爲南坡題扇

咏鳳仙花

南園

秋夜席上信筆

七夕前一日

逢吳草堂

贈天寧禪師

北洲

慈雲寺賦

梅磻贈道士

題所軒

倪小野先生全集

卷六目錄

十一

章樸庵家夜酌

慈湖清道觀雷題三首

贈老道士

贈人

送蘇州孫館人

送同年陳克潤歸閩

登芝樓

咏芡實

催菊

江陰郭上舍見訪夜宴賦贈二首

壽陳總戎母夫人

張千兵攜酒索詩書扇以贈

倪小野先生全集

卷六目錄

十一

倪小野先生全集

七世孫 繼宗 編次

七言律詩上

上謝木齋翁

綸閣經緯寤寐中忽傳手詔走羣公眞龍御極垂情
久司馬還朝屬望隆天錫康強元有意時當平治合
收功眼前出處論伊葛舊德元臣或不同

挽孫忠烈尊師

偃雨妖風彭蠡波東南砥柱障山河七章入奏先知
在一死當鋒獨力多日月重輝雙節傳江湖誰續八

倪小野先生全集

七言律詩上

一

哀歌生前國事紆心計三度霜臺鬢已皤

文徵明扇圖用韻

蛟龍松影落長川老我相依不記年搖落風煙岩骨
瘦輕盈鷗鳥水渦圓坐殘寒日殊無會看到眞山合
有緣此畫分明書此意始知江漢隱時賢

賜扇

素娥分半月醉吏避清風此孝廟御製賜
公句也公腹聯暗合明良一德豈偶然哉

開過葵榴令節同齊紈新製出監宮一時軫重題金
字五色光輝映絳絨天上素娥分半月人閒酷吏避
清風羣臣舞蹈南薰殿四海今成解慍功

寄陸儼山祭酒

我愛雲間陸儼山遠瞻台象照人寰天錫聰明眞相

器地當清要總賢關棊枰雅會容高手詩卷清輝接
舊顏小野庭前望霖雨芋田蔬圃懶潮灣

復除禮部五月朔日謝恩

鳳儀鐘鼓動長安劍珔從容畫漏殘碧樹龍蔥畱日
色翠華搖曳住雲端飄零深感承恩地疎嬾重叨掌
禮官隨看黃門封事報御函幾道出金鑾

送珠江同致仕五首

帽豔偏耐老頭皮幾載風塵兩鬢絲想見剛腸金石
在盡憑天理鬼神知江湖館閣新傳史雪月風花舊

倪小野先生全集

七言律詩上

二

訂詩把手相看如骨肉宦途無奈別離時

二

臺省旌揚薦疏頻斗州何以展經綸夜金故舊元非
主畫錦光輝已照鄰杏雨沉沉相別酒草堂望望欲
歸人我今亦有秋風興頃寄寒江一味尊

三

鬢髮如銀骨半仙一宵風雨夢林泉紫薇堂上清名
在黃菊籬邊老景便商谷遠尋麋鹿友淦川莫斷雁
魚箋別來須憶狂吟夜共對青山片月懸

四

漫賦歸來欲擬陶葛巾野服閒漁樵但祈晚稻多收
秋更憶秋花已長苗九日閒居醒裏適五言雜興老
來僥倖雲謁謁東窓思懷我應愁道路遙

五

我欲歸時不可歸羨君一笑拂裳衣青山境界今宵
夢白髮閒閑舊日輝仙谷遠尋山有路釣臺新築石
爲磯鱖魚竟獨秋風節春水桃花入饌肥

喜晴軒三首

小軒齊色滿池塘好客相過喜欲狂千丈波涵烏帽
影一絲風颭獸爐香殘雲停處山凝白斜照生時海
倪小野先生全集 七言律詩上 三

漲黃終日簿書空碌碌更慙無暇問農桑

二

謝君名我喜晴軒相看雙眉笑裏掀魚鼈憂民今幸
魚馬半於我未須論水聲不斷高低處樹色初分遠
近村別後枕書眠正穩柳梢新綠映朝暉

三

積雨初開萬景宜東軒新啓面清池爲民志喜慙無
記有客題名願得詩淺露日光猶淡淡嬾回雲意故
遲遲近來休怪民無訟農事多忙五月時

武揮使攜酒過訪二首

將軍小隊過山亭醉裏徐籌百萬兵朝報忽聞詢破
賊民情熟識稱專城五雲出海天門遠萬木成林雪
谷清送酒興高仍不倦石牀長掃設楸枰

二

海門烟斷見青山潮到江城夜不關神劍義旗家乘
在輕裘緩帶將臺閒枕戈夢寐華□外畫闥功勳伯
中閒閒說征西還起舞摩挲醉眼角弓彎

松軒

桂花新釀醉清芬小坐松軒幾夕曛老去臥龍誰是
伴年來養鶴已成羣雲開白石飛泉下月照清溪遠
倪小野先生全集 七言律詩上 四

岫分乘興何人過刻曲竹牀茶竈待論文

安定道中

澄江白日漾春暉尚覺餘寒慙客衣蓬簞人家逃未
返葦蕩野飯食初肥夢回蕉鹿悲無著坐對沙鷗喜
暫依久憶豐山最高頂此心遙與白雲飛

閒詠

偶因公事喜江遊陣陣暄風拂面柔搖檻波紋朝日
淨隔簾野色宿烟收小橋人集魚鰕市別浦船依鵝
鶴洲欲待鱸肥攜酒至桃花開遍荻芽抽

贈故人遠訪五首

青蘋綠柳吳淞江輕風送潮來仙艤光輝壓坐鳴玉
佩笑談促席燒銀缸隔年驚喜雲辦合深夜忽訝風
鐘撞別來聚散應無定須記今年聽雨意

二

一宵風雨近端午夾竹榴花開未曾客到多情成會
合詩來高興欲飛騰琴劍遠迎門外履壹觴幽傍雨
前燈摩挲醉眼相看處來歲相逢未可憑

三

二公豪氣吞江湖銀光長衫束珊瑚禮樂鏘鏘出巨
族山川歷歷經大都梨園新詞動四座蘇門美酒傾

倪小野先生全集

七言律詩上

五

百壺安得筆力如子長爲公一賦覽勝圖

四

綠柳西窗話未休好風透葛似新秋草深雙鶴迷庭
院水漲羣魚遠渚洲晴景淡黃生返照暝光虛白墮
中流詩家更有難工處屋角烟生入畫幽

五

端午忽從風雨過天台採藥負佳期穿楊漫試雙飛
箭

題請傍人赤舌休翻覆醉裏書符求護持

施太守過訪依韻書贈

先生相過便論文金玉鏘鏘愜素聞醉去千鍾傾竹
葉喜來雙屐破苔紋夏泉出井流蒼雪午日當簷閣
彩雲爲幕鹿門高節在欲驅妻子事耕耘

姑蘇寺卽事二首

風割簷牙雨脚乾樹頭恍似過清湍細飄雲草沾衣
潤淨洗苔花上石剛餘照斜從松塔塔落新涼晚傍竹
樓寒老僧於我便疎野一笑相看嬾著冠

二

參謁公門匹馬歸虛堂靜坐欲忘機雪烹出鼎茶初
熟雨摘行盤菜正肥笑倚南風揮醉筆臥看北斗憶

倪小野先生全集

七言律詩上

六

朝衣愁心萬縷應無奈驚同民憂願又違

同江王三揮使登清遠樓

笑倚南樓醉眼舒東溟烽火久消除新秋光景今應
未此日風流婉不如孤雲閣雨斜陽外流水環城十
里餘元帥開筵聲樂集琵琶曲落玉盤珠

書竹一首

竹堂臨水延風景紗帽逢君挂竹枝苔煮池泉頻出
供酒分籬菊又當時風動極畝金玉相月明新舞鳳
凰兒淇園一曲煩相和日日相過聽理絲

視水災

斷荷飄萍挂樹梢水痕猶未下塘坳村稀烟火蛙生
甕風捲茅茨燕失巢橫道死亡於我愧隔江啼哭是
誰拋丹青仔細圖形狀思獻君王涕淚交

偶以公事江遊唐海洲攜數友酌余舟中

七浦秋潮天上來畫船直破浪花堆風飄葛芋團團
扇酒泛荷葉淺淺杯水落蒲根魚穴出日斜柳影驚
洲迴興高更欲延明月無奈歸程鼓角催

中秋對客二首

淡雲罩月影朦朧高柳幽篁輾帶風遙念玉樓寒氣
重喜聞鐵騎戰塵空蛩螢四壁催秋老鐘鼓三更報

倪小野先生全集

七言律詩上

七

夜中人事悲歡光景異友朋佳會幾人同

二

今宵明月照姚江欲奮嗟無羽翼雙白髮高堂臨暮
景青衫遊子困他邦衣線手中留遠寄板輿膝下憶
同扛真慙補報違吾願坐對屏前半減缸

醉石

攜壺就便卽頽然微骨清寒與醉便低覆花枝輕似
幄新生苔草輒於甌貞心長抱千年璞渴夢高呼萬
寶泉豫介已超沉溺外請君仔細誦韋編

省敘長洲王公爵以舟偕行畱連信宿聊寫一

時情景記踪跡所到云

日高汀樹照銀塘斜掩蓬窓透曙光疎嬾正耽秋後
枕風流欲送卯前觴鹿遊花苑俄成古廬過蕪田亦
苦荒康濟有才君正壯明時焉得戀鱸鄉

和吳匏庵閣老訪舊

百載榮光宰相來村園枳殼幾回開青山輒事元同
社黃閣行踪合築臺詩緣尚覺春雲動茶舫應隨夜
月回恨不當時隣作牧白衣遙送菊酒杯

過東明寺僧出袍庵詩用韻二首

夜窓燈火照長空仙窟遙通水月宮鶴影遠翻孤樹
倪小野先生全集

七言律詩上

八

月松聲寒雜夜清風重重拔地塵殊遠面面涵湖景
不同愧我兩過無好句翰林遺墨羨名公

二

秋入湖樓宜夜坐憲橫烟樹更悠然名人偶過俄成
古散墨誰收爲譜年吟詠時光俱是伴品題酒量愧
非賢有懷耿耿壺觴外移榻醒看北斗眠

和陳景瞻小山詩

洞庭山墮太湖中移鎮名邨造化功宦裏林泉如我
素尊前花藥到秋紅園開獨樂文難擬職在先憂政
未過最愛峰頭孤石梵坐看月出海門東

和陳景瞻催菊詩

好客相過遲已開幾回索笑遶花臺佳期有待秋疑
老新典無憑句未裁送酒白衣千里思守官彭澤幾
時回坐來却憶輝雙鬢強對西風一嗅苦

江揮使山館留題二首

侯門園囿隱山林秋後籬花半帶金竹木疎疎峰北
聳雲烟淡淡日西沉展穿寒洞三迴曲杯落清流第
幾斟案牘暫辭狂嬾劇醉中設論廟堂心

二

歌舞筵開對碧山石磯亭館水成灣醉同落葉風中

倪小野先生全集

七言律詩上

九

亂吟對幽花雨後斑江閣主人佳此會滁山太守未
知還日來高興乘羸馬應喜長開竹院閒

過張仕成殿基

朝暉淡淡散鴉烏立馬西風問伯園麋鹿臺空宮樹
老鴛鴦瓦落苑池枯寒烟滿地看花處此日平橋賣
酒墟自共苧蘿沉醉去千年後又說亡吳

嘉定道中贈故人鄭宜簡二首

故人共酌清尊酒追話風流十載前漫問淒涼秋日
扇猶憐離別夜江船聲傳鉦鼓催官道與入雲山試
綵牋分付奚奴須遣睡金猊重熨篆香烟

二

畫船燈火照澄江一路歌聲雜鼓譟霜後鱸魚初入
饌月中楓樹半臨窻公餘宦況真成暇醉倒詩魔未
肯降意氣相逢金石固如山九鼎力能扛

僚友劉清白曾客客有王伯翔將赴南雍余亦

呼一壺飲之賦詩以贈

清白堂前延好客一壺桑落共芳辰南都遙赴文章
會北斗初分富貴春鴈字雲開京口月梅花雪作馬
蹄塵鳳凰臺上多題品合采新編寄海濱

贈茅克理

倪小野先生全集

七言律詩上

十

茅容遙自江南來相逢偶在姑蘇臺城隅新月泊蘭
棹眼底故人傾菊杯市橋燈火夜未半江渚梅柳春
將回隔船誰唱烏夜啼往事傷心真可哀

送王民瞻會試

民瞻以姪濟美赴春試別余畱酌圍棋博酒
民瞻棋品余素知者而濟美旁觀時出奇畫
余知王氏有安玄矣遂賦以贈

風雪黃昏酌正深圍棋又費醉餘心謝家料敵還如
古王氏多才直到今杏苑成名相次第槐堂毓秀轉
陰森片言愧我臨岐贈金玉思君報遠音

用元廣韻送胡本清兼東謝汝湖

一日風情共此觴百年聚散幾星霜書傳梅圃迎春
早夢斷蘇門坐夜長南陌春衣歸正試北堂歲酒拜
成行汝湖若見煩相報莫戀江芹野味香

用韻送元廣世用仲仁諸戚友會試

曲調頻更送羽觴新橙清薦洞庭霜帆檣未覺風江
靜草樹俱迷雪岸長三月雷聲來馬報五雲天際共
越行蒹葭相倚人如玉詩句偏於別後香

雪中送邵元廣諸戚友

仙舟簫鼓出婁江萬里青雲拂錦幢春近梅香風作
倪小野先生全集 七言律詩上 十一

使午過茶熟雪翻紅雲清壯厲如生筆玉樹樸樹遠
入意就飲鱸鄉桑落酒寒潮又喜得魚雙

新春用景明兄韻二首

積雪牆陰記舊冬東風消息畫堂通塵香滿路遊人
馬雲錦生輝度海鴻詩酒年華驚漸改柳梅春思共
無窮弟兄還作天涯會蓮燭高燒照醉容

二

梅花未放忽辭冬開渚冰消曲水通柏院清風鳴午
鶴柳塘暄日候春鴻詩文聊借公餘興山水慚於畫
裏窮試問蕙江漁子艇一篷明月肯吾容

用前韻送景明兄回姚

階下黃雞已過冬牀頭酒甕醲泉通到家歌嘯開尊
俎入眼光陰記燕鴻客邸情懷新歲別宦途消息舊
時窮西齋更訂池塘句春夢依依共笑容

壽歐陽封君

黃金不羨滿籬遺白髮觀光祿養時春色五雲分第
宅時名一日動京師喜看柏葉隨新酒興到梅花訂
舊詩聞道江南消息好綵衣勝舞膝前兒

陶蒲二揮使冒雪棹舟追予同訪方崑山不遇
春江高興到雙旌正是江湖午後平半日壺觴金橘
倪小野先生全集 七言律詩上 十二

酒一燈雪月玉峰城湖山奇勝新逢主文武風流解
論兵拙牧廬中人不遇誰家開戒味深更

用韻贈前人

虎額樓船雉尾旌新蟾低與玉峰平柳梅兩度新分
歲燈火千家半遠城江清光生牛斗劍雪濤夜壯馬
陵兵清酣久謝琵琶舞何處梅花曲屢更

用韻懷方崑山

雙鳬何處馬前旌渺渺江程雪樹平柏葉無緣同酒
半梅花有意候衙城敢言淪落唐司馬幸遇清狂阮
步兵眼底極憐光景好東風又見舊衣更

登瑞光寺塔頂書壁

千尋塔上一登臨半地春雲散午陰湖海東西如夾鏡巒峰高下似懸琴鹿臺忽感千年事鳥道應開萬里心農事更憐三月近綠楊村落水浮沉

同尤宗陽過竹堂寺觀梅因誦通仙疎影橫斜水清淺暗香浮動月黃昏之句遂用其字為韻

作詩十四篇

邂逅觀梅二月初蘇門春色雨疎疎倉忙此地綠難再管領何人典有餘笛裏愁新村日暮燈前影落佛堂虛酒醒疑是羅浮別搔首清江一恰予

倪小野先生全集

七言律詩上

十三

二

塵夢忽破入澄境雪花點綴樹頭冷飄拂衣裳風食香照耀階墀月無影侵曉羞添西子妝當春偶被東君倖愛護正在結子時路傍須禁兒童打

三

窈窕禪房翠合屏竹西忽見一枝橫蕭疎詞客同風度冷淡禪僧共月明玉骨終甘輪寶鼎香魂不惹貯銀瓶蘇門斜日頻回首望斷湖山隔市城

四

馬前新興賦梅花湖上青山亂暮鴉悵望林皋寒日

暮愁逢風雪小橋斜分來清玩歸方外引得幽行過

水涯夢斷翠娥離別恨盈盈月色照窻紗

五

吳王殿前半荆枳竹堂樹遶梅花坻冰霜徹骨鐵石存桃李轉眼錦綉般無復麋鹿遊蘇臺但見鱸魚入吳市浮雲故事只尋常三嗅寒香對江水

六

一枝獨伴老僧清亦與詩人有舊盟寒力獨勝和雨瘦暝光忽破倚烟明倒垂檜壁虬蟠幹亂點苔階雀啄英索笑正憐行遠處慣能催老是啼鶯

倪小野先生全集

七言律詩上

十四

七

林麓江湄寒剪剪仙姝幻出何婉變明月清照綽約安蝶粉蜂黃妝尚淺冰霜松竹前定交風塵桃李傍羞盼我望美人天一方相思託此情綰縈

八

枝頭消息先春探凍雲缺薄映朝苔醉眼朦朧對轉醒詩腸枯燥急欲啗江月淡淡綠綺絃谿風縈縈肯樵擔伴我山閒讀書樓更借光輝照幽暗

九

尊前忽逗隔林香萬玉盈枝壓苑牆泰月隨亨君子

道少年推作丈人行
突兀谿橋驢背句蕭條湖水鷺
邊莊正擬歸來栽欲遍
小園築箇野梅堂

十

此花淨潔比君子
千載幻說羞羅浮氣味紛紛雜蘭
蕙根株曲曲蟠龍虬築室依之不可遠
彈琴寫爾真
稱幽翠禽歌舞沒邪淫
一洗還傍湘江流

十一

雨中烟樹半迷朦
遙見冰花樹頭矐殘雲拖影月初
來碎雪迴音風欲動
西湖花落白沉漪南園子熟青
映華玉人相對清酌深且喜公餘謝
倥傯

倪小野先生全集

七言律詩上

十五

十二

一段精神奪雪月
乾坤何處著丰骨兩岸青山木板
橋數竿翠竹水晶窟
落英飄泊魚腹香老幹屈曲雀
足滑多得清颺長擺拂烟液霞汗不汨沒

十三

詞壇當日重蘇黃
吟對梅花亦斷腸雪月盡驅誇白
戰壺觴聊藉劇清狂
風流應不辭山野滋味終當薦
廟堂小石山邊新闢圃看花摘實計深長

十四

寒烟細雨暮山昏
十里相尋過遠村
亂竹離披當野

路短茅寮落結柴門更巡風月開詩卷
小聚漁樵共
酒罇玉樹琪花待清賞欲乘白鶴上崑崙

爲袁君賦懷雪

昔人安貧只高臥積雪三日迷柴門
清芬解有文字
飽突兀還見兒孫存虛窓微夢破寒月短簷孤坐迎
朝暾風味自與黨家別千古想像空乾坤

春夜吳門袁君攜酒過舟中用韻三首

水樓夜半笙歌靜
月落波心醉裏觀燕子正看來此
月鑑鄉偶得授茲官柳榭春光隨日暮蘇門酒價壓
雲安澄江畫鷁芳香滿恰值花辰送薄寒

倪小野先生全集

七言律詩上

十六

二

潺湲流水吳城曲
江境偏宜帶月觀宦況愧非韋刺史詩名誰並鄭都官雲開雉堞緣江轉風定鳥巢傍
樹安最愛梅花伴清賞一枝彷彿玉堂寒

三

二月梅花江渚雪
蓬窓閑向稱幽觀湖山景好今名
郡詩酒情閒卽散官從事更能來陸羽過門媿不問
袁安呼童重簇竹爐火漫引餘杯破夜寒

用前韻贈楊易儒

韋編妙旨君先得
爰曾於靜裏觀失道肯從子巷

主大同已解出門官馬周時到欣遭際買諱才高策
治安信爾老成場屋器年光曾易幾溫寒

用韻答姜吏部詠梅

雪後疎寒二月春梢頭微雨淡雲停山空夢到青蛾
女月落愁生白鶴汀清影可刊畱石壁殘花擬擣鐺
銀瓶飄零無奈憐君劇恰在黃昏半啓榮

谷泉

谷泉先生愛虛清青山築箇谷泉亭文章千古盤谷
序乾坤一卷秋水經桂松花落半迷路猿鶴子長未
出扁何時問渡尋真境只恐桃源入窈冥

倪小野先生全集

七言律詩上

十七

酌姜吏部水亭用韻

竹亭圍綠間青春碧雲嵯峨白日停石缸雪酒逼午
榻水檻風定臨秋汀花開上已違三月酒憶東陽借
半瓶忽感侍君歸隱處斗光猶映讀書榮

蘇門春雨卽事

細雨綠楊春水村江光潑潑照金樽故人一會真兼
美往事千年更共論醉入鱸鄉江草長夢回鹿苑野
花繁昔年傳得紫檀曲試問琵琶月色昏

懷東山

余外祖父母家東山故余少而遊焉及今仕

宦四方每於夢寐筆札閒及之茲表兄自東
山謁余倉州余攜之遊蘇往返信宿細話少
年事付諸大笑且多有可感慨焉者故卽其
所寓所遊所厚者爲詩四章貽兄兄歸告山
靈他日其弗謝絕我矣乎

雙松

昔年辛苦寄書囚幾度蕭疎動客愁盡裏每疑燈破
曉夢餘猶覺枕生秋橫梢烟霧今宵月滿座風雷此
日樓而我俯然丘壑思獨憐猿鶴鎖長畱

禹祠

倪小野先生全集

七言律詩上

十八

雲山阿裏禹王祠桐葉藤花亂竹枝翠壁簷廊題歲
月青杉風日記童兒摩挲鐘鼎圖魑魅瞻仰軒墀半
蒺藜試問神蛙還作雨擬參舊社謁龍池

犀角峰

十年宦海抗塵容忽憶東山犀角峰白日與君探虎
穴青春作伴牧牛童九華安得壺中貯雙屐空畱石
上踪未識別來峰頂迢春雲幾丈玉芙蓉

汪一江

懷人不見汪一江畫圖詞翰共書窓清冰一段涓涓
壑白鶴何日歸鄉邦樹深望斷東風棹花落愁深舊

雨缸無奈醉歌天地濶江風吹斷不成腔

苦雨用韻二首

花落愁深蒲柳天夜牀復恨雨聲連香飄睡鴨餘陰
結影亂歸鴻入望憐撫景情懷翻作惡祈晴文字未
成篇簷牙高揭春輝薄雲脚千竿銀竹懸

二

不堪風雨暮春天陣陣江雲斷復連芳草隔簾隨意
長落花滿地倩誰憐空傳官府三年積更感田家二
月篇懷抱應於何處盡高軒未過榻空懸

題插花美人圖

倪小野先生全集

七言律詩上

十九

半軀雲鬢倦衰容一枝羞襯晚妝濃妒嬌漫謂居春
後顧影應憐舞月中魚雁驚回標格迴蝶蜂栖處夢
魂融隨釵墮落香飄拂翡翠簾籠芍藥風

凝遠樓用韻

東溟萬里接高樓數點青山似覆甌五色彩霞初破
曉一輪明月更宜秋筆格撐峰新墨染書匿漾水斷
香浮眼前空闊塵緣盡醉處思從隻鶴遊

祭忠臺

劉忠愍公球死詔獄我邑布衣成器用雞酒
祭於龍山之顛後人名其處曰祭忠臺

滄江日落祭忠臺動地風雲鬱未開忠節重爲天下
惜英魂疑向朔方來玉堂茅屋心相感白鶴青猿調
轉哀片石嵯峨倚峰頂野僧時上掃莓苔

渡曹娥

霏霏細雨渡曹娥嫋嫋西風送櫂歌東望海門潮勢
穩南來江路雁聲多山橫古廟看碑石天近滄波想
釣艖雪夜扁舟清興在剡溪高士近如何

曹娥廟

曹娥廟前江水長曹娥廟裏紫雲香蒼茫正氣爲江
海竊宛遺容照雪霜牧笛漁歌傳故事月潭星渚露

倪小野先生全集

七言律詩上

二十

靈光青山日落看碑石文章千古祭中郎

越城懷古

越王江上雁鴻飛秋色蕭條草樹稀辛苦遺風今尚
在伯王謀主竟何歸風雲冉冉自今古陵谷依依半
是非試問傾吳紵蘿女浣紗流水送斜暉

過錢清

錢清江上說錢清自是劉公紀德銘江水綠公亦改
邑路人從此盡知名和風甘雨山陰道白日清天漢
史評日暮小橋沽酒處醉歌聊慰仰高情

鎮海樓

錢塘雄鎮此樓孤鳳舞龍飛舊帝都光動江湖爽清
鏡勢吞日月走明珠帆檣遠影來三島鐘鼓餘聲落
九衢欲向樓頭望蒼海扶桑應見幾榮枯

岳王墳

水綠山青宋故都千年祠宇向西湖長留天地精忠
錄不盡風雲百戰圖香霽紛紛芳樹合靈光耿耿大
星孤于今已洗將軍恨當日幽燕不入胡

子胥門

落落懸門雙眼睛注看東越夜來兵臺前麋鹿今何
在江上波濤猶未平世代荒涼空有恨兒童指點亦

倪小野先生全集

七言律詩上

二一

知名隔江誰唱烏栖曲喚醒錫餞還自鳴

題織錦篇

憶昔扶風蘇蕙娘舊恩新怨結中腸玉機夜夜依星
宿錦字行行照雪霜落日樓臺臨渭水春風絃管隔
襄陽千迴不盡短長曲萬古詞人重惋傷

讀李白鳳凰臺吟

黃鶴樓頭崔灝詩鳳凰臺上再揚眉名姬細馬金陵
道明月清風玉樹枝氣轉江河涵渾沌文承漢魏起
陵遲我欲弔君何處所謝安兩眺草橫碑

婁江阻風

江村寒日淡無輝時候迎冬雪意肥傍水菰蒲風裏
亂穿雲鴻鴈日邊飛道途書史堪乘暇波浪帆檣久
覺危欲向漁翁問生計五湖烟月好同歸

閨情

風送殘紅綠樹新關雞舞馬動香塵欄開芍藥新翻
曲簾捲舊薇淺貯春巧剪翠鈿黏鬢額輕圍羅帶解
腰身坐依午檻暝風轉屋角黃鸝似喚人

酌諸僚思牧堂

暮春園林綠如染明月高照流清輝幾番清夜消蓮
燭又見薰風更芟衣疎竹近移臨水曲小橋斜度啓

倪小野先生全集

七言律詩上

二二

雙扉堂開思牧依泉石吏隱於吾願未違

和靖書院次邵二泉韻

曾見孤山畫裏傳孤山風景故依然詩畱身後誰如
子名落人間只號仙湖水新添迷斷路梅花半謝記
殘年山人不廢竹鑑火野鶴飛飛漫避烟

龍泉絕頂用唐方干韻二首

日日登山如有約鼓鐘依舊報昏晨品題好句多存
古次第名花不減春九曲江流眞景別滿城風雨晚
涼均自慙俗駕投雲壑白鶴青猿浪笑人

二

曙鴉啼散江城樹日出烟嵐欲破晨東海遙通鴈鶴
路南郊先見杏蒲春星河倚棟橫斜落石磴懸門上
下均風景滿前題不盡詩篇半是宋唐人

惠山聽泉

白雲一派出山腰流水山中調自高霜信滿空來竹
閣磬聲入夜亂松濤蓮花壺口遲分漏竹葉缸頭暗
落槽後夕官航秋雨裏蓬窓燈火想林臯

秋興

亂鴻隨雨過江城獨上高樓烟水平文武何人推上
將門庭有寇借邊兵飛雲冉冉旌旗影落木蕭蕭殊

倪小野先生全集

七言律詩上

二二

客情欲把牀頭雙劍舞捷書今已報承明

栽梅

一枝移傍竹窻虛山澤丰姿一槍予春色水邊教管
領閒情天外伴蕭疎極憐莫奏傷神曲新贈還將寄
遠書玉箸金盤消息近綠園滋味復何如

翠微房晨起

岩霏晨破日光流竹裏看山倚石樓野樹宿烟橫雨
脚霜林曙鳥下城頭悠悠逝水心同遠片片開花思
轉幽試問青山猿與鶴白雲長日爲誰留

雪霽

南山雪色映樓臺雲日輝輝霽景開岩落獅倪爭突
兀天高鶴鶴自徘徊晴烟縹緲斜穿竹春意依微欲
放梅忽憶越承鐘鼓地光搖玉佩早朝回

登高

坐倚孤峰紫石屏蕭蕭風色拍高冥無邊湖水烟浮
白是處梅花雪點青便覺風塵迷世路欲將文字弔
山靈丹梯更得添千尺去問銀河織女星

夜泊孟濱江

春意冥冥波浪深孤航夜泊大江心海門曠蕩風來
急星野蕭森月正沉鐙影遠涵江雁度劍歌時作水

倪小野先生全集

七言律詩上

二四

龍吟虛疑天際浮雲黑青草沙長互水陰

舟中對金山

鰲頭島嶼浮春水蜃氣樓臺倚畫烟古樹遠搖滄海
日長風直下洞庭船江湖夢落紅塵外雲水圖橫白
鳥邊安得中冷長注目便須移種華峰蓮

錢與謙宮詞予改五數字

楊柳依依拂畫簷宮車歷歷向昭陽春隨流水三分
減恨逐遊絲百尺長白燕縱非前度色青螺過是後
宮妝東君無意偏桃李次第春風到海棠

新柳

淑氣依微雨乍收東風無力弄輕柔離歌起處牽金
縷春色撩人傍翠樓裊裊腰肢新學舞纖纖眉角不
勝愁嬌鶯乳燕初經眼點綴時光與客舟

清江浦寄寄亭爲吳克學題

風波世路旅魂驚寄寄亭中悟此生鴻去半沙無故
迹雲隨流水似浮名邯鄲處處皆成夢楊柳年年解
贈行樽酒逢君無使語閒心一片付棋枰

懷方思道

幾年不見方思道臥病柯山信息稀卷裏春雲瞻態
度梁閒明月想光輝同官盛事何年再兩地多情此
倪小野先生全集 七言律詩上 二五

夕遠獨立江皋舒遠思碧天無盡鳥孤飛

戲題舊牙牌

名器臨身似不勝數回把看絞頭繩風塵冉冉能令
垢歲月悠悠幾摸稜服借輝聊拂拭朝參逐堅強
超承細推命物當時意貴賤無端不可憑

雨後

長安風雨坐來收爽氣西山五月秋雲際綠深宮樹
色天邊碧瀉玉河流浮塵不動輪蹄陷返照重輝燕
雀樓太液池連未央殿權歌初起綵龍舟

次韻喜陸三汀至

一笑相逢到故人風流依舊任清真塵泥初起三千
里桃李驚看十二春翰苑茂華催鬢老吳淞水色上
衣新長安日落基杆畔燈燭猶堪繼短辰

萬壽節

鳳城秋霽燦仙霞天際歲時駐翠華簾捲龍鬚瞻日
近扇分雉尾拂雲斜同稱南極祈堯壽獨醒東方媚
漢家眼底風光蘭桂候天香不斷上林花

秋興

悲風蕭瑟起高臺塞上雲陰接草萊九月雁鴻滄海
去五侯車騎錦塵開越山殘夢身猶滯燕市遺歌調
倪小野先生全集 七言律詩上 二六

轉哀強對時光聊一賞黃花何處避樽壺

長至謁陵喜晴

飛蓋遊韉拂綠霞朔風無力靜塵沙後同飲馬逢泉
窟不解留貂向酒家六代神靈依北極萬年險阻護
中華蕭條草樹烟雲外却怪冬深雪未花

諸陵

至日風光入眼新馬前小隊結浮塵禮儀初領山陵
使恩澤同霑草木春隧道久埋金虎氣寢門欲老石
龍鱗郊關百里烽烟靜野鹿山雞不避人

哭秦陵

清宵立候寢園門松柏蕭森月色昏天地無期四日
御神靈有像列雲屯一經初附文明運再選重宿教
育恩郎署踟躕頭易自不勝涕淚望崑崙

齊居簡省中諸友

伏枕南樓靜裏懷鍾董藥餌亦清齋梅魂縹緲春何
處曙色依依微雪半階風動玉珂驚寤寐月明華省羨
朋儕李錢月米同恩澤真愧官閒與病偕

車駕幸南郊

郊祀將臨淑氣新六龍扶策擁句陳翩翩日月開黃
道肅肅風雲轉紫宸萬國來王奔走地百靈有主太

倪小野先生全集

七言律詩上

二七

和春玄壇金鼎承休命早啓元良禪一人

聞方思道行至金山

憶昔崑山傲吏情簿書長帶石頭清眼迷春樹江雲
遠夢斷吳門海月生秋色漸看青鏡老夜光偏向錦
囊明朝廷正問征西策早上金門一請纓

午門春日

天階新霽豔飛塵細草柔楊色未勻流水盡消殘臘
凍花枝欲動上林春暖移雲影初長日先傾風光近
侍臣記得玉堂曾試筆仙霞低映彩箋新

喜思道至

故人相見意何如喜劇無由問起居病後容顏如得
道別來怨恨久無書最憐萍迹飄零裏又是桃花爛
熳初回首吳門十年夢新洋江上醉鱸魚

中元祀陵

西山嶺雨乍晴時寢殿雲霞五色明秋色一分烟草
際山行十里石谿聲攀龍不見仙遊路駐馬來看聖
德銘獨感年年雷露候幸同草木荷生成

池亭秋霽

林薄生輝破翳雲忽驚秋色已三分風吹籬落新移
菊興滿江湖欲採芹池光倒浸朱簾影雨意先收翠

倪小野先生全集

七言律詩上

二八

簾紋製得芙蓉衣勝錦天涯何處寄郎君

用韻答陸三汀

朔風門外雪花飛日暮關城畫角孤欲挹酒漿瞻北
斗每看圖畫憶西湖清時遊宦相逢地晚歲功名不
負吾但得長爲棋社主青蚨那惜市頭沽

再哭秦陵

重來陪祀寢園前古木蕭森起暮蟬德澤到今爲雨
露音容依舊渺雲烟書生曾獻三千字父老猶思十
八年萬壑松聲當午夜早朝空想奏鈞天

夜歸昌平

空山明月映清谿萬壑猶疑虎豹啼曲曲亂流聲遠
近依依古樹影東西穿林燈火迎歸騎近郭更籌報
曉雞露溼葦衣涼欲透寺門風色已含淒

立春省中卽事

金勝花傳畫省東地分先得受春風流光事業添詩
卷晴畫雲烟散筆鋒一曲陽春情浩蕩九天佳氣日
籠蔥朝衣舞綵趨承地南北關山恨望中

猷錦紀恩

君王賜我猷錦段製爲袍服帶天香春江新染雲霞
色曙殿長依日月光自愧形骸聊藻飾欲憑威武轉

倪小野先生全集

七言律詩上

二九

騰驤故園老去恩榮在爛熳春暉畫錦堂

郊日喜晴

我皇穆穆格天心一夜東風散積陰五色光輝涵近
遠百靈奔走極高深蓬萊仗轉環龍御錦繡旗開映
羽林賦頌無才猶舞蹈齋居無事託清吟

登樓

西山雨氣滿高樓忽漫登臨爽似秋敢謂高眠何足
問自慚多病未知休浮雲變態青天外落日光輝碧
樹頭欲借飄風附書信關山迢遞動鄉愁

偶成

飄然野興菊花初日日攜朋問所如江漢秋清空有
夢烟霞人遠久無書郎曹寄蹟憂何補藥餌求方病
未除花竹諸兒能料理幽期定不負吾廬

不寐憶陽明

樓頭夜半度鳴鴻陣陣長衢走斷蓬關月塞雲俱客
思鄰雞廐馬自秋風却慚將帥煩西顧尤慮江淮缺
上供仗有平生豪俠伴相從東海斬妖龍

漫述

平生心事笑相違眼底交遊亦漸稀綦局於今須袖
手海翁何處是忘機尚期動葉頻看鏡却愧風塵未

倪小野先生全集

七言律詩上

三十

拂衣廿載長安舊書榻一樓山色坐秋暉

重陽對菊

重陽笑對菊花枝冷淡香客況宜西嶠秋光應共
好東曹詩句設相催壺觴燕市悲歌地風日龍山感
興時更上高臺一臨眺白雲撩動是相思

重陽登觀星象臺同鄭少谷

一上高臺興不孤振衣無地立天衢風雲萬里眞堪
御鵬鶚千尋不受呼長喜朝廷依北極且看詞賦擬
西都樽前無奈秋蕭瑟催老黃花景易徂

登樓

風雲渺渺正愁予，關塞迢迢八駿車。寒近宵衣勞夢寐，天高秋月動蕭疎。豈無李牧當邊地，却怪王陽少諫書。清世一官堪倚仗，安居肉食愧何如。

送鄭少谷

少谷山人不肯住，一春多病乞還鄉。瓊花瑤草三山藥，梅雨荷風五月航。側傍乾坤觀世變，行逢烟水弄秋光。青猿白鶴知情性，長候鰲峰舊草堂。

太白樓

雁鴻飛過暮山青，百尺樓頭挂酒星。天地悠悠空醉夢，風雲淡淡自仙靈。兒童指點留貂處，楊柳依稀駐

倪小野先生全集

七言律詩上

三一

馬亭夜半弔君吹，鐵笛魚龍齊向月中聽。

志喜

南雄新命喜何如，便道慈幃問起居。白髮承恩花滿詔，綠衣迎養板爲興。至情欲薄三公貴，好景良逢九月初。且領兒孫供壽斚，紫萸黃菊白鱗魚。

村夜

柴門燈火照寒流，天上星輝燦斗牛。渺渺滄波生遠思，悠悠清夜動離愁。蕭條叢菊時將晚，漂泊孤槎未休。新把一麾江海上，五雲咫尺望揚州。

桐廬道中

連日行舟霧雨中，客程還信一帆風。雲依絕岬隨江轉，人度懸厓有路通。千里移家書卷在，百年懷古釣臺空。蕭條樹色寒江靜，獨對青山聽雪鴻。

寄題爛柯山兼懷方思道

曾讀爛柯仙子書，爛柯山下路踟躕。未尋碁局烟霞際，空滯舟航風雪餘。白日因緣樵徑遠，青山夢寐杏花疎。棠陵尚有風流者，指引峰頭白鹿車。

偶過延祥寺問三影堂已廢遂賦

三影微茫不可尋，夕陽庭草下秋禽。異人一去無消息，往事千年空古今。歲月未醒人世夢，風雲微結殿

倪小野先生全集

七言律詩上

三二

頭陰碁枰詩案今何處，明月禪堂感舊林。

方思道於我長安舊寓扁曰懷野樓

新扁長安懷野樓，知君懷我思悠悠。江湖清夢復何夕，風雨佳期空一秋。鴻雁頻煩傳遠信，菊花應是動離愁。宦途歲月何飄忽，他日相逢易白頭。

春草八首用俞北山韻

萋萋斐斐復芊芊，啼罷黃鸝泣杜鵑。殘夢池塘春雨後，舊遊城郭夕陽邊。依稀微雨浦生離，思畱戀東風解醉眠。舞絮飛花苦無賴，却來簷惹鬪芳妍。

二

一度芳菲一度春樂遊原上曲江濱車輪馬足迷遊
子柳葉桃花歌麗人往事荒涼空寄恨新詩清婉亦
通神陰山七月聞啼鵲邊色蕭條動戰塵

三

雪書堂前春日輝半生遊宦寸心違牽縈梅柳歸期
晚蕪沒田園生事微綠水青山分客路白蘋紅蓼護
漁磯庭階新翠今應滿獨立東風把舞衣

四

雪消冰泮已先芽陣陣東風亂吐花塞上燒痕應得
地江邊春色半繁沙征夫怨婦傳心事野路山橋記

倪小野先生全集

七言律詩上

三三

歲華花外美人消息近輕柔爲藉七香車

五

記得金門觀馬蹄東風十里玉河隄解鞍何處畱閒
典把筆今朝憶舊題低拂舞裙開野宴斜侵輦道膩
春泥夢迴彷彿長安路萬水千山眼欲迷

六

年年見爾亂閒愁芟處還生剪復抽疎雨萋菲新藝
圃寒烟蒼莽晚登樓風塵萬里憐孤塚蘭蕙三春避
遠洲獨愛隔簾青不了滿階螢火弄清秋

七

一春牽惹野情多採掇他年意若何遊遍山中投築
籠歸來江上補漁蓑雨窗細酌青芻酒花塢新成白
苧歌迎路蕭蕭朝市遠一時車馬謝經過

八

塞北江南春不窮春來無處不纖穠助姿喜見當風
力狂態橫生奪蟻封區別太明悲屈子品嘗欲遍藉
神農一般意思生天外混混青連最上峰

西清書院春暮

每乘公暇過西清坐對南山秀色明陣陣落花蝴蝶
影陰陰芳樹鶯鶯聲簾櫳盡靜風初轉池沼春深水

倪小野先生全集

七言律詩上

三四

自生便覺此官非絆我乾坤隨處寄閒情

坐愛亭漫興

坐愛亭中夏日長公移撥遣卽篇章吏人乍散棠陰
轉嶺雨初過水氣涼種竹聊延風與月觀蓮直到露
爲霜年來出處浮雲意隨處青山綠野堂

夏夜雨後

積雨初乾夏夜清淡雲河漢月微明冷冷竹葉猶餘
滴燦燦燈花已報晴涼滿簾櫳宜病骨夢回湖海總
鄉情郡齋與客談詩罷撩動吟魂睡未成

橫浦道中

雲裏看山秋漸濃
半虧半蔽淡雲封
雁鴻作陣衝江影
蘋草含花點岸容
舟楫縱如方浩蕩
冠袍纔著太疎慵
夕陽回首驅馳地
愁絕梅關最上峰

答方棠陵次韻

新洋堂上走詩筒
七浦潮生雨半篷
回首年光何可挽
驚心世變轉難窮
各欣顏色看今夕
自信交遊有古風
公役翻爲閒暇地
佳山佳水好相逢

天竺見方思道

棠陵遊興十分繁
此地登臨第幾遭
信手烟雲塗寺壁
打頭風雨著官袍
竹邊茗碗泉香細
月下梅花句

祝小野先生全集

七言律詩上

三五

格高忽憶白茅觀
海處小蓬燈火聽秋濤

歸來二首

歸去來兮歸去來
秋風江上蕙花開
一天雲水心俱遠
半世風波夢乍迴
興滿東山新製屐
情同北海不空杯
眼看役役迷途者
不識流光暗裏催

二

歸去來兮歸去來
龍泉山下小蓬萊
陰陰花竹開棋墅
隱隱烟霞護釣臺
春日飛鴻偏得意
秋風老鶴已成胎
扁舟且弄滄浪水
日日城南載月回

送張甬川

憶昔同登翰苑年
御河流水映金鞭
夜分燈火雲霄上
時逐班行日月邊
湖海且看新事業
交遊不負舊因緣
澄江月邑城隅別
髮髯山陰雪後船

殘菊

十月風霜菊已殘
賞花清興未應闌
月畱疎影筠籬破
雨煙餘香草屋寒
短鬢淩秋頻對鏡
閒心傍老且憑欄
酒家恐了青蚨直
莫惜貽裘博一餐

醉贈能上人

爲我長開紫竹關
朝朝攜酒上龍山
不妨秋日三分興
且共僧家一味閒
滿地菊花誰與老
穿林燈火未

祝小野先生全集

七言律詩上

三六

知還燒茶煮菜應
非擾長願頭陀圓笑顏

陶弘景

我愛山中陶隱居
白雲樓閣養清虛
聽松小院怡天樂
煉藥名山看道書
短日江山飄忽裏
中原豺虎戰爭餘
圓牛已解浮生意
富貴人閒總不如

夾竹梅花枝條憔悴花葉稀薄因爲感歎

夾竹梅花最可憐
却因夾竹減芳妍
侵凌雪色新春候
牽惹雲陰薄暮前
夢寐忽驚橫瘦影
肝腸自分結清緣
玉人不作東風怨
長領春光自歲年

擬元宵應制

上苑羣芳未試紅
銀花珠樹爛晴空
九霄星月燈傳
影十里樓臺曲度
風虎衛龍驤春不
禁鰲山鳳輦句
偏工臺垣莫上元
宵諫但願年年樂
事同

落梅

援琴三弄落梅花
落盡梅花興轉賒
獨有雪魂依帳
楮空餘月影到
意紗香風低逐
閒雲片春夢清
消淺水涯轉眼
翠禽啼欲罷綠
林深護隱人家

設興

飛盡楊花長綠
萌疎篁叢桂
眼中新鷓鴣
聲裏陰晴
候蝴蝶忙時
去住春人在
山林無俗事
晝長庭館是
祝小野先生全集
七言律詩上
三七

良辰詩篇棋局俱情性有客何妨過我頻

楊梅

五月水盤始薦嘉
牡丹芍藥恨空花
朱炎影裏羅星
實紫豔枝頭帶
露華細灑吳鹽
如點雪清兼越
茗勝食霞歸來
咀嚼方乘興無
復當年舊齒牙

韓信

漢幟煌煌動赤光
英雄塵蹟半微茫
登壇數語謀先
定略地三分勢
欲張鈞遇真龍
淮水舊射空高
鳥楚天長功成
不解全身策回
首雲山媿子房

晚眺

西樓晚眺雨初過
斜日輝輝照薜蘿
城上青山如雉
堞檻前綠水卽
鷗波葵榴開遍
時光轉葛苧裁
成爽氣多消息
盈虛眼前事停
雲不去意如何

登樓

秋夜沉沉獨倚樓
樓牕月色淡雲流
青山古意長盈
眼黃菊新枝欲
上頭海燕塞鴻
空不定鄰雞廐
馬絕非愁當年
亦有飛騰思萬
里雲霄感舊遊

病中

自夏兼秋病裏過
却因多病博閒多
脫冠逢客漫爲
禮倚枕看書微
自哦事少始知
長歲月夢迴空
笑舊祝小野先生全集
七言律詩上
三八

風波詩魔棋癖猶吾授未得奇方奈爾何

楊妃菊

楊妃去後復留魂
幽豔燈前月半昏
芍藥漫爲春日
態胭脂猶帶舊
時痕輕風微轉
飄金縷清露初
乾洗王盆七寶
雕欄消息遠淡
烟細雨過柴門

野居

野居復傍野城隈
野人情性轉悠哉
雀馴只爲庭不
掃燕嬾亦緣門
晏同夢裏江湖
隨几杖花前風
雨洗樽罍惟有
青山解吾意一
簾秀色枕邊來

贈鄒草陵

高臥龍山抱病秋亂攤書卷滿牀頭瘦使肌骨耽吟
癖飽嚼冰霜學道憂陡起創歌何落落傍觀碁局自
悠悠陰晴水旱關心慮夜半虛窻看斗牛

答汪白野

山中忽得子卿書正值東風燕子初笑對野花開未
盡喜占庭鵲報非虛閒心不問揚州鶴春事猶忙杜
子驢翻憶西湖舊時興夕陽石屋竹邊廚

東鄉天巢

問君何事病相尋敢爲憐春太苦吟侵曉雨風偏攪
夢邊城消息亦關心驚拋美景虛杯酒疑怯餘寒戀

倪小野先生全集

七言律詩上

三九

布衾掃石候過頻悵望小園桃李欲成陰

麟蹄石

泗濱怪石沒麟蹄洪水翻波始出泥價重如生應勝
駿氣靈不死未論犀瑞鍾天地星同隕雄踞園林山
與齊憶昔風雲隨矩步郊川踪跡半淒迷

鳳翼巖

鳳凰蛻翼墮瓊林化作奇巖對碧岑隱隱含輝猶五
色軒軒起勢若干尋風低燕雀飛相並日暮雲霞護
正深無意羽儀招不去南薰空自拂虞琴

平峰

有若嵯峨峰頂平玉衡橫處素秋清特翻華蓋留雲
住不礙冰輪放月行碧水臺高凭作几紅塵地遠障
如屏年來重結南山好鰲足齊攀未不傾

曲徑

城市園林地一塵細開石徑去還旋籬根畦角相迴
抱柳影花陰復補牽遠縱野情閒步裏緩尋春意獨
吟邊偶時竚立殊忘返雲滿青山月滿川

西阜

晚行停處拄吟筇獨倚西阜第一重挂日巍巍霄漢
柱浮空隱隱雨雲峰消沉終古興亡恨指點深秋慘

倪小野先生全集

七言律詩上

四十

淡客喚醒高臺蕭瑟與老來猶是不羈踪

竹塢

小開竹塢可藏身窈窕房櫳隔俗塵近映青山寒立
玉低籠涼月碎篩銀飽食秀色寧無肉晚託交期獨
可人磐石倚根便坐臥橫梢且挂白綸巾

紫雲峰

紫雲峰似紫雲浮白日空庭爛不收石笋長含千古
潤嶽邇不老半空秋山中未雨占消息我後何人問
去畱五色光輝長慶裏隨風曾上鳳凰樓

芝莖石

有石如芝未足誇移來元自太清家紫霞天外明三
秀紅日雲頭弄九華豈是神仙傳舊種爲逢盛世長
新芽自知未得商山伴長候銜花白鹿車

芭蕉

芭蕉新長夏陰濃庭院炎塵眼底空綠扇動搖風剪
剪素書絨束意重重兩聲蕭瑟生秋韻雪色模糊羨
畫工更愛虛心不自礙卷舒於我頗相同

榴花

榴花的皦雨中齊新染春霞舞袖低清焰偶撩蝴蝶
夢舊痕錯認杜鵑啼黃梅時節爭遺贈白苧歌詞恣

倪小野先生全集

七言律詩上

四一

品題轉眼薰風謝金谷珍珠胎孕碧琉璃

白芙蓉

芙蓉花白白於霜花上添霜稱素妝淡抹烟容秋有
色淺凌波面月同光玉人夢破吳綾帳粉蝶魂迷野
水塘漫說錦官城外景却嫌紅紫闌春芳

東望望春四首

東望望春春最微海棠枝上藥應稀極知歲月驚心
剎翻覺功名過眼非凍合虛拈新贈筆暖遙重索舊
添衣天時人事終相值未怪園林負早歸

二

東望望春春意生梅花夾石最分明晴空靄靄孤雲
思流水悠悠萬里聲長景自嫌書卷短輕寒初喜酒
杯清竹林忽送憲前影百尺竿頭一鳥鳴

三

東望望春春意濃紅添花藥綠添茸堂前燕子風初
轉水面桃花浪幾重萬物於吾皆感遇一身聊復自
從容縱如陶謝題無盡坐對西來最上峰

四

東望望春春已闌芭蕉陰重覆雕欄霜含白苧裁新
素雨壓黃梅弄薄寒書札思長惟故舊江湖夢斷自

倪小野先生全集

七言律詩上

四二

波瀾時光流轉應難挽坐對青山到日殘

病起

倦倚朱欄日未斜海棠庭下玉梅花風烟隔歲薔薇
藥冰雪迎暄芍藥芽靜試黃鐘窺物理暫停采筆候
年華小園白石流清影爛熳春暉坐紫霞

鄒草陵真脩齋成

青嶂陰下紫芝生聞說真脩齋已成缺薄旋將雲葉
補清虛長見雪花明讀因掩卷翻無語話到呼燈更
有情且息龍蛇呼吸氣風雷還候出蟠聲

答聞北江繡衣

山中忽報北江書庭樹幽花正發初地切星辰司獻
納心存丘壑抱清虛故鄉閭里連驄馬野水舟航候
錦魚歌咏夔龍還起舞踏翻滄海喜何如

次韻答嚴木山

紫氣南來悵望中江城雨過落霞紅百年天地相知
在一日山林佳興同草際魚鳧新得水花邊燕雀晚
喧空愧無蔗茗消餘醉喜有池塘楊柳風

贈郭聖東

開徧菊花君別去重來還是菊花時老僧興好新成
酒小院秋深賸有詩此地賞心看滿把他年別思記

倪小野先生全集

七言律詩上

四三

殘枝可憐光景偏容易落日亭亭翠竹籬

用韻爲蘇州錢廣文賦西青小隱三首

百年書卷隱西青茅屋風光半洞庭萬嶂雲霞連雁
蕩一湖風月占鷗澄高冠自製歌裁竹短笛頻吹和
採菱地僻不來江海棹石橋欄外鎖浮萍

二

湖面春深苔自青苔痕隨雨上階庭茅茨夢破浮雲
路蘭藥香生落日澄野史漸多書卷草宮詞曾賦鏡
室菱楊花落盡愁初謝却怪東風又長萍

三

憐君頭白布袍青詩禮兒郎喜過庭聖世獻牛甘在
野沙田養鶴淺爲澄五言雜興多松菊一歲新登半
芡菱湖底毒龍時作怪茅齋風雨枕青萍

江陰道中用韻答金大丹

秋老江蒲盡減青壺觴背酌處江亭寒雲脚薄低流
月涸水痕高半閣澄滿目戰塵新鬼哭傷心詩句舊
魔醒鄉情傾倒重逢處萬里蘭橈爲爾停

送蔡給事石岡陞食憲之福建

別筵未盡菊花樽一道清風出諫垣未遂歸休違獨
顧又看拔擢是君恩宦遊南去江山好客思秋來感

倪小野先生全集

七言律詩上

四四

慨存封草開來重展讀一燈細雨夢金門

東昌酬謝工部廷柱

東山之後有先生一片高秋倚玉衡山水百年元共
社笑談半日見多情夢回春晝天涯近日送河流雪
後清更藉威名關路穩推蓬臥看海蟾明

昆陵依韻答史先生

簾捲虛堂坐獨清一時懷抱向誰傾末由問字尋楊
子更謝評詩託褚生綠樹江山掠興遠黃梅風雨送
寒輕羽書未得平安報醉把吳鉤拂紫纓

寶成寺和左方伯韻

踪跡天西又斗南，生身偶悟已經三。
龍移雲洞留腥，溼鳥度風林落羽。
斃一葦浮來，曾卓錫亂藤深處，即爲蒼登山忽動，尋仙與欲借階前鶴作驂。

夜宿翠微房

霧雨深深宿翠微，市橋燈火隔江稀。
滿城雪意寒雲合，遶殿風聲落葉飛。
人可邇，今蘭有室路難尋，處竹爲扉柏塢香斷冬宵未，獨坐禪牀擁衲衣。

用韻留題楚芳方丈

禪心詩思共淒涼，坐對梅花映碧塘。
菰米委田餘鶴俸，松根穿水作魚梁。
驚心歲月吟中遶，回首雲山夢

倪小野先生全集

七言律詩上

四五

後忘眼底功名成一笑，宦途十載尚爲郎。

哭董給事濟之

豪氣如君負不平，竟成一夢入燕城。
雨前燈火同辛苦，天外音書赴杳冥。
涕淚聊將知已報，語言無以爲君明。
鯢魚自是東溟物，斗水如何寄此生。

送許御史補之謫定州

落日長安燕市歌，送君南渡白溝河。
春深花鳥俱無賴，氣老風霜更不磨。
慷慨功名期晚歲，踟躕岐路對春波。
帝鄉小謫恩非薄，近日飛騰側陋多。

素卿爲毛世臣作五首

乾坤何處貯芳卿，金屋當年浪得名。
不愧謝家明月號，翻嫌杜子麗人行。
一紙心事傳牙筆，八字妝臺置膽瓶。
却却紫絳新步障，庭前結箇木犀棚。

二

阿妹千金裝寶釵，阿姨千日繡羅鞋。
韶光於我偏無分，水調何人獨有懷。
步月伴迷芳草路，行雲夢落讀書齋。
春風意態無拘束，笑逐飛花舞玉階。

三

靜掃蘭房畫半開，山礬一樹手親栽。
自憐帝子嬋娟種，敢恨唐王錦繡盆。
河漢波清曾獨泛，雨雲情淡爲

倪小野先生全集

七言律詩上

四六

誰來嫣然芍藥難，爲贈爲製當年玉鏡臺。

四

白苧歌聲透洞房，梅花香裏覩新妝。
繁華盡遣增風韻，淺淡偏宜近月光。
分付丹青休著筆，慙慙紅紫漫沾裳。
東隣豔冶空相妒，魂夢驚回錦瑟傍。

五

苦憶江南楊白華，楊華水畔是儂家。
宮妝薄試何郎粉，風味新供學士茶。
欲剪澄江爲綈練，閒調秋水入琵琶。
紅塵未許輕沾染，一段瓊冰絕點瑕。

次韻答張西峰見懷二首

華省清高依玉都綠槐晴晝鳥頻呼黃金世事今非
古皓首郎官有似無笑傾清風生北牖閒看殘雨過
西湖久揀人棄便疎嬾尚有棋壇可著吾

二

雲霄積雨霽皇都鵲樓頭若可呼新月簾櫳光尚
未輕風葛苧暑全無燕歌古調空千古越客歸心渺
五湖眼底勳名只如此逢時不作執金吾

蘇門贈華仰山

獨樹村邊秋日輝澄江霽色映羅衣五年闊別今相
會江上池臺半是非白首交情偏縷縷青山送路自

倪小野先生全集

七言律詩上

四七

依倚樽前舊訂湖居約爲我先裁翠竹扉

南溪

南溪先生住溪南碧苔門徑石爲菴千峰萬峰水華
動五月六月秋氣涵倚竹高彈流遠響傍花新汲洗
餘酣蘭芷青青烟雨裏幽情如對百花潭

中秋次秋江韻

蟾宮四際布華雲疑是嫦娥絃繡紋樂事不知過夜
半時光正好又秋分蛩音有意依吟席竹影凌輝似
舞裙幾處庭臺共明月爲誰成爲誰欣

樂聞

樂聞家傍祕園丘擾擾中間轉念頭明月清風相主
客青蒲黃菊自春秋百年過半聊知足萬事從今可
自由一炷清香供獨坐半空山色夕陽樓

文山別墅

我憶文山別墅莊清江一水路茫茫鶯花好景還相
過雞黍佳期偶自妨早促春耕驚犢睡老耽夜讀聚
螢光草玄亭下天長畫僧喜楊雄鬢未蒼

次東溪公韻題白芙蓉

自古瓊花不可栽芙蓉傳種向秋開羽衣人遠重成
夢玉佩香消似再來清淺水邊梅借影高寒天畔月

倪小野先生全集

七言律詩上

四八

分胎豔詞麗句今無興一洗齊梁滾滾埃

除夜

年來除夜客邊過頻禱無由去舊魔骨肉尚成千里
別憂愁更比隔年多欲憑蒼草占消息忽憶梅花發
笑歌銀燭半殘朱戶靜樽前試問夜如何

送王陽明謫官

雲旌霞旆駕青虬此去逍遙歷九州山水於君真有
分乾坤隨處是清遊馬頭春色搖芳草江上閒花照
白鷗風定長空舒望眼天涯高興一登樓

別海昌諸友二首

別愁無奈對春江
痛酌豪吟未肯降
莫謂杯深空玉甕
還嫌燭短續銀缸
花明海寺香分席
月出烟霄影入窗
湖海舟航雲水跡
綠楊風細送回幢

二

別情深似桃花水
把手重吟李白詩
湖海一春多感慨
文章千古共襟期
清歌何處傳歡笑
好句今宵寫夢思
醉拂錦囊星斗影
雄心一劍許誰知

溪邊

水落晴溪臥石灘
百花風細枕潺湲
東郊景色三春媚
流水心情半日閒
雞黍逢君成一笑
鶯花於我似無關

倪小野先生全集

七言律詩上

四九

無關小舫忽擬乘
明月放下澄江第幾灣

寧波天寧寺畱題

綠水青山到四明
南湖臺殿十分清
園分細雨蒲葵長
塵引清風葛苧輕
樹影萬重藏海寺
潮聲百里入江城
雲霞一片東溟色
願破波濤踏玉鯨

同方崑山過蘇城錢進士宅夜酌聯句復用韻

一首

吳楚詩兵氣壓婁縱橫
白戰醉中簪菊花入甕初成
酒尊菜行盤半澁
油落筆驚人如破壘
飛觴到手不停郵
劇論世事占消息
復啓朱扉看斗牛

用韻答管秋江

幾年早帽挹風流
喜託比鄰地轉幽
烟火數家同旦暮
功名半世異沉浮
山臨屋上還城郭
潮到階前即渚洲
金榜玉堂君次第
草亭爲我採春秋

次韻畱題古虞賀氏園亭

蕉葉亭幽可諧書
雨餘蕉葉遶亭舒
池萍漾日明魚錦
階草和烟沒鶴裾
枕畔茶經翻舊註
筆端花品寵新除
相逢偶傍青谿路
欲向桃源問所如

夜雨訪南坡

烟江樹色與城平
浙瀝孤蓬落葉鳴
淡月烏樓驚不

倪小野先生全集

七言律詩上

五十

定暗潮魚陣關相迎
忽思風雨良宵共
獨傍波濤遠興生
一笑草堂清夢破
燈前重泛菊花觥

詔州道中依前韻

茅屋逃亡半故基
麥黃豆綠是歸期
青山石斷今爲路
蒼海珠荒尚有池
花鳥驚心沾短袂
風塵回首憶殘棋
眼前人事沉吟裏
月色淒涼泊水湄

次韻答白樓

年來養壽與天遊
衰白於今未上頭
松壑臨庭偏耐晚
秋田附郭已登秋
吟邊白石爲詩榻
醉裏青山落酒甌
鄉社畱連宜共老
生同弧矢歲同籌

郊行過呂翁

乘興獨行江上秋風烟極目送江流野橋突兀可呼
鶴村雨蕭條且跨牛午饌偶過親戚話春耕先與老
農謀丈人相見猶強飯笑折黃花贈白頭

新勞

初離幽谷佔芳菲新柳柔柔照羽衣得意正憐朝日
靚調聲尚怯午風微宜春苑上增清麗喬木枝頭二
奮飛莫傍小樓驚遠夢遼西征戍未曾歸

登豐山最高峰

芒鞋踏破白雲墩獨立高峰撫厚坤斷塚累累青作

倪小野先生全集

七言律詩上

五一

陣澄江渺渺碧生痕雲疎淺露飛鴻背崖墮橫支老
樹根回首殘霞迎落日晚來倒影照天門

關上

蔥花江水分入城小閣背市臨幽清廢堞雲開露山
色高林風急多樹聲夢回燈火忽十載淚洒冰霜還
五更忠孝曾無分寸補微名愧次青雲英

寄謝石嵯

風月長安記爽棊昨來勝負盡成非世情相類還多
局國手傍觀已識機坐雪不知煩僕馬入門幾度倒
裳衣狂歌忽憶青峰子日日相過瘦馬蹄

登子陵亭有懷

子陵亭上一登臨海樹微茫日正沉樹石坐來憐月
色片雲望斷隔山陰不堪雞黍虛今夕惟有鶯花照
我心流水悠悠高調杳松風特地洗煩襟

移竹東于吉先生

昨聞移竹近清渠城市山林卽隱居秋到霜根應未
老夜來月色正宜疎已歸鳳侶雲霄上還看龍孫雨
露餘二謝風流過二阮竹林著我更何如

月山壽藏爲楊方伯題

滾滾雙江此合流橫峰如月偃清秋山看龍盡經先

倪小野先生全集

七言律詩上

五二

識地卜牛眠自古留海鶴未歸埋屨杖石羊欲老真
林丘平生事業聞江漢一劍風雲寂寞收

爲南坡題扇

柴扉幽寂抱江灣日上簷楹未啓關一夜雨聲生碧
草十分春色遍青山漁舟渺渺去無極客子依依心
自閒無奈美人隔江水興關莫向剡溪還

咏鳳仙花

鳳凰何日作花神一度開來一度新宿雨娟娟明醉
眼朝霞淡淡點歌脣海棠對燭宜同品茜草搖裙是
後塵經我品題非寂寞秋亭勝賞待詞人

南園

歸去東山與不孤南園風景俯平湖羅裙拂草舞蝴蝶
蝶錦瑟傍花歌鷓鴣舟楫遠尋楊子宅壺觴時過杏花
墟詞客愧無塗抹手爲君漫寫輞川圖

秋夜席上信筆

雪捲琅玕入畫圖銀缸斜照影扶疎白魚味美恰受
釣綠蟻香新初倒壺懽劇高談人鶴鶴醉歌狂舞曲
鳥鳥江天細雨知時節秋草庭前忽半枯

七夕前一日

百尺高樓先得秋醉來散髮坐颺颺海天淡淡畱餘

倪小野先生全集

七言律詩上

五三

照江樹重重送遠愁瓜果盈盤開錦席桂蘭爲楫阻
仙舟倚欄爲問眞消息天上佳期近女牛

逢吳草堂

別後年華入鬢毛仍看詩興舊時豪深沉風雨千鍾
酒嬾散烟霞一布袍踏遍好山停短屐坐來新水送
回舡京華幾度西風裏獨對黃花遠慕陶

贈天寧禪師

吟詩重爲故人情更有高僧助我清翰墨已收湖海
俊京華久識水雲名桃花酒甕如泉湧蓮葉禪燈似
月明眞信偷閑惟竹院篆香烟裏坐雞鳴

北洲

主人家住洲之北半似漁家半似農黃犢曉烟芳草
長白鷗晴日野花濃圩田踏遍寒披笠鄉社歸來醉
臥龍香稻肥魚滋味好漫看新水下吳淞

慈雲寺賦

慈雲一榻坐春霄雪壁江山燭影搖二月微寒凝草
色四時好景過花朝繁華眼底詩能寫魂壘胸中酒
浸澆一曲伊州聞隔坐松房深處破孤寥

梅磻贈道士

石磻梅花幾度春一番開落一番新烟霞有分今逢

倪小野先生全集

七言律詩上

五四

主冰玉生輝却似人隨處江山宜冷淡更憑雪月點
精神年來傳得江南意回首山風吹白綸

題所軒

小軒靜朗揭新題曉坐焚香對伏猊門地清閒生碧
草詩書滋味饒黃齋吟看花雨開晴嶂臥聽松風落
遠溪野老相通休浪問世途於汝正遲迷

章樸庵家夜酌

杏花明月滿澄江燭引輝光淡入憲樂事正同春色
好詩神直使酒魔降蕨菜柔脆初登豆茗飲清恬欲
倒缸珍重主情何以報玉魚於我愧無雙

慈湖清道觀雷題三首

列仙踪跡杳無尋，獨有山人索我吟。
石榻靜分黃鶴夢，海天遙見白雲心。
呼童折笋供清饌，對客哦松共綠陰。
千古慈湖遊覽地，戲題姓氏記雲林。

二

陣陣山風吹芡衣，石嵐成雨綠苔肥。
半空雲盡芙蓉出，九轉峰迴翡翠飛。
北海仙書來迅速，東山吟屐踏崔嵬。
蓬萊只隔江心寺，爲我吹簫白鶴啼。

三

石林高樹涼颼落，洗我煩襟一笑開。
白石坐來松已老，小野先生全集

七言律詩上

五五

老丹峴行到鶴爲媒，名慙翰苑畱詩句。
情重山人送酒杯，夏鳥變聲聽不得。
江風吹雨入黃梅。

贈老道士

幾年不下青山麓，夜抱青猿白鶴眠。
落錯銀髯長一尺，畱連玉女度千年。
梅花久作休臯主，蓮葉曾乘瀚海船。
自笑每耽山水處，逢渠疎野更相宣。

贈人

笑拂銀髯興不羣，南湖堂上見斯文。
對杆未許爭先著，下榻於今愜舊聞。
盆種菖蒲清貯水，簷垂薜荔靜牽雲。
知君最愛清狂客，明日相過坐午曛。

送蘇州孫館人

百花潭裏雨初收，一棹東風下古婁。
劍珮陸離銀燭夜，蒹葭清楚玉壺秋。
兵家漫謂遺書在，翰苑惟憑短句酬。
簾下杏花飄未盡，東風似爲故人畱。

送同年陳克淵歸閩

世上神仙莫遠求，如君卽是赤松遊。
高才偃蹇千金馬，遠意飄飄一點鷗。
喜結杏園兄弟分，漫言茅屋廟堂憂。
三山近接南閩水，悵望長風泛海舟。

登芝樓

神仙已過洞庭去，遺瑞爭看五色芝。
山水仍鍾科甲

倪小野先生全集

七言律詩上

五六

第樓臺勝貯古今詩，鳳歸碧海升還處。
鶴舞青雲夢醒時，自我凭欄歌笑後。
瓊瑤重長萬年枝。

咏茭實

翠蛸毛齊帶水鮮，秋晨兼上採菱船。
經風胎迸離離落，醖露脂凝顆顆圓。
遺贈比芹煩野老，駢羅雜果重華筵。
江湖安得千鍾實，爲折今年展濟錢。

催菊

銀絲金絡已苦蕾，閑倚西風未剪裁。
一度遭逢宜伴客，重陽消息好登臺。
有詩有酒顧相待，無雨無風合早開。
休怪主人苦相促，時光轉眼是園梅。

江陰郭上舍見訪夜宴賦贈二首

菊正開時憶故人故人相見小桃春燈前顏色喜無
恙酒後情懷狂見真千載鴈魚勞作使三吳風月喜
爲鄰剡溪賸有連朝興一路澄江半白蘋

二

酌酒江濱午後湖故人爲我駐蘭橈棋枰對壘心應
遠詩卷臨岐興轉饒黃菊畱連成雅會丹楓冷豔映
清標漁歌晚浦成村泊新月驚看挂碧霄

壽陳總戎母夫人

白王堂前王母宴桑榆暮景小桃春榮膺花誥鸞封

倪小野先生全集

七言律詩上

五七

重戲舞斑衣獸錦新保障功勳推母訓鄉邦風化著
家人餘杯分作投醪惠萬竈懽傳飲幾巡

張千兵攜酒索詩青扇以謝

案牘初休便看花相逢坐到日西斜官清不厭頻遣
酒話久何妨漫煮茶老鶴軒墀傳午漏故人詩卷候
晨衙醉餘雅有投壺興談笑籌兵羨將家

倪小野先生全集卷之七目錄

七言律詩下

庚午冬蘇守林公視河東土依崑山令韻二首
用韻謝方崑山冬夜過訪

有懷方崑山用韻

戲奉方崑山用韻

過方崑山適李同府至弗辭竟歸用韻

謁陸太常墓

送何文東春試

送鄭重賢春試

倪小野先生全集

卷七目錄

一

送李幹春試

次韻答朱龍山

贈吳門袁秀才

賀張千戶繼勳堂

次韻題陳德美竹山卷

周侍御可貞第同額未齋方拙牧賞牡丹二首

苦雨用韻

遊天平次王梁秀才韻四首

王揮使送至吳江志別六首

次韻贈趙受夫

用錢學士韻畱題淨慈寺

岳王祠用李邵二方伯聯句韻四首

吳山次韻送徐良節

用前韻送良節姪上舍裕卿

過松陵用王陽明韻

秋夜卽席送客

省直曉起

雪中董恰事濟之攜觴豆過訪

用韻答張子醇

次祝鳴和韻送劉惟靜

倪小野先生全集

卷七日錄

二

用韻爲呂秋官仁卿題雞黍遺風手卷

分得池字寄汪大集令兄

送姜夢濱謫官

雙壽爲鄧少府贈

鄧同寅贈我盆竹謝之以詩

依訥齋韻

歛人羅思竹乞予詩爲壽遂賦

送葉通判進表

過覺真寺次董中峰韻

常山重開亭次韻和呂南渠進士

歸來

醉書陳南坡壁

亭上贈客

戲述示張小越進士

楊時瞻陳子燦攜酒過園亭

蔣孫二老過

飲邵南臯宅次東溪先生韻

壽柳母

挽翠微房能公

次南臯翁韻題菊二首

倪小野先生全集

卷七日錄

三

嘉會樓

十松次韻

尚意軒次韻

次韻答白樓

贈上虞江尹

次韻答嚴梅谷公

次韻答韓尚意公

半閒

抵臨清過同年蔡石崗

車落村中

謝願上舍

贈畫士潘石泉

釣臺

謝鄧少府惠英石三首

題英石三首

七月廿七日大雷雨

奉次戴戶部冠謫還

喜石民太至

紅菊

黃菊

倪小野先生全集

卷七日錄

白菊

僉憲施聘之過西清有題奉和三首

贈爛柯仙徐先生

南康

登桐君祠

歸來三首

挽諸師陶先生

送拙分廩主政

贈鄧南峰

題周侍御世壽堂

楊時章座上聽曲

贈管秋江二首

醉中贈馬夢中

夾竹梅花

借鐵梅起句足成一首

醉筆二首

次蔣鐵松韻奉答三首

來薰堂

海棠

寄題蕭嘉典若愚香雪堂

倪小野先生全集

卷七日錄

酬任進士士弘

贈及門錢德洪進士

壽詩

鐵梅爲諸養敬賦

萬竹山莊

龍川

贈魏二尹

贈鄧克誠遊太學呈湛司成甘泉

壽石山吳公

壽詩

贈簡翁

寄嶽中張西州石醉逸兼嘲浦進士

南溪挽詞

寄淞江劉太守

謝菊花圖

挽徐蕙皋

賀南阜翁新樓

寄賀海鹽徐世美其子有授科之喜

壽五龍居士

十松次韻二首

倪小野先生全集

卷七日錄

七

南溪

挽石山翁

柏亭

椿萱並秀圖爲江大尹題

挽海鹽徐世用

沈文正宅孤梅倚竹可愛偶同秋江輒爾品題

紫雲峰

木香岩

梅花

正旦用石山翁韻

題蟠桃園壽楊夫人

中秋次秋江韻二首

次南阜公韻贈秋江二首

次南阜公韻奉答二首

謝惠秋海棠

謝朱三峰過訪

賀謝汝湖得子

卽別駕洪公轉擢

寄馮行甫心齋

贈桂柱峰

倪小野先生全集

卷七日錄

七

寄任克敬

秋海棠用王仲先韻

用心漁翁韻寄乃郎緒山

酬米山先生二首

酬徐東餘

酬莫一介

酬馮雪湖

麟蹄石

鳳翼石

平峰

米香岩

海棠用舊韻答秋江公

牡丹用雪湖韻

壽樂閒

次東谿公韻題白芙蓉

次東谿公韻題秋海棠二律

竹塢酬木山

寄題沈文韶嘉園

慧卓爲徐惠民題

白樓爲施德成題

龍小書先生全集

卷七目錄

人

牛乳

三題桐湖逸墅

牡丹

謝邵天行送芍藥

過韋德容

寄復管秋江

贈謝石崖鹿窓

寄沈竹月

壽胡翁

贈邵德成僉憲雲南二首

寄挽顧給事舟卿

寄贈顧僉憲

寄壽太倉顧封君

壽徐封君廷訓

贈陳南清

東湖

建蘭

送陳子辛之宿州

南坡

竹石盆

龍小書先生全集

卷七目錄

九

贈謝汝湖學士

次秋江韻奉答

復王仲行春卿

次莫一介韻

答秋江咏雪次舊韻三首

次韻送解相士三首

賀南臯翁得少子

挽梅谷翁

次雪湖公韻

程燈

東望

次尚意公韻二首

秋懷次秋江用張龍泉韻八首

幕椿娛萱

東原精舍

東望次韻答邵白竹公二首

書魏淺齋扇謝諸公

次韻答秋江公

次尚意公韻奉答

次韻答米山公

倪小野先生全集 卷七日錄

十

池閣次韻答米山公

池閣次韻答秋江公

池閣次韻答陽明公

池閣次韻答東溪公

池閣次韻答雪湖公

池閣次韻答汝湖公

池閣次韻答心漁公

過禪房獨秀峰次孫季泉韻

雨中次東餘韻答秋江四首

答汝湖公

寄復周定齋

次韻酬米山公

寄海寧宋白門次韻

謝尚意韓公

次韻答白樓施公

寄江陰劉毅齋光祿

寄壽汪南泉并東泉

壽項有常母王孺人

次韻慰良軒張公

岳武穆二首次良軒韻

倪小野先生全集 卷七日錄

十一

贈徐良瑀四首

見戴尹美先生挽卷

送管秋江先生四首

昆陵太平寺逢胡長嘯

中秋二首

寄秋江先生

贈鄒上舍得子

印岩爲奉化王郡武鈐子宣題

五馬南巡爲前人題

贈雲南吳司訓文卿

雙壽爲徐拱北題

半村

謝惠蘭

正德三年戊辰題於草庭

過韋德容宅有題

林屋洞壽蘇州袁進士父懷雪

謝聞雪莊月夜送菊

賞白牡丹菊

謝惠白牡丹菊

謝寧波高太守潺亭過訪

倪小野先生全集

卷七目錄

十二

寄張龍泉給事

寄蘇州王吏部濟美

壽木齋老先生

贈徐三溪進士會試

寄毘陵錢別駕朝用

贈管秋江

次韻二首

贈徐良瑀

次韻答南臯公二首

贈楊時通刺史

寄汪惟節

挽謝方伯石崖

送張懋學往遼東并寄懋登黃門

倪小野先生全集

卷七目錄

十三

倪小野先生全集

七世孫 繼宗 編次

七言律詩下

庚午冬蘇守林公視河東土弗以風雨阻爰咨
爰度爰有佳什用比風雅以播金石宗正以儒
吏從歌頌功德不可無作謹依崑山令方君成
韻以紀厥始

遠馳玉節詢民事咸謂豐凶係此河惠在東南歌黍
稷誠過南海冀風波共誇邦伯旬宣重敢謂書生議
論多試看當時江漢績安流分處是滄沱

倪小野先生全集

七言律詩下

一

二

六事任圖先水利荷蒙採擇在包荒掌中指畫無難
事眼底逃亡半異鄉王事深慙虛歲月農功漸見遍
封疆更憐丁壯操戈戟拋却春田習戰場

用韻謝方崑山冬夜過訪

時太倉守城者不肯開門因投徐明秀才

寒月殘輝照夜洋故人獨宿水西倉報傳衙館眠初
起喜到兒童走亦忙半里郊關淹好客小山峰石待
新章黃昏又作江頭別燈火長橋清興妨

有懷方崑山用韻

海寧寺裏酒汪洋懷抱逢君似倒倉來往祇緣公事

累指敵却怪馬蹄忙遙看鳬影離滄海疑聽鷗聲賦
建章無奈相思清不寐寒宵病骨坐來妨

戲奉方崑山用韻

江天露影正茫洋僕隸解聲隔火倉新月不成孤枕
夢東風如促小舟忙自憐王事勞行役却負公文託
報章縣令若何弭盜政江湖荏苒路途妨

時有戎

過方崑山適李同府至弗辭竟歸用韻

雪意生寒起半洋漢口驛名亭旌節候監倉小舟入暮
蒼茫去積案於吾料理忙歲月無情傷志業江湖有
慮上封章馬韋山頂題詩處來往匆匆兩度妨

倪小野先生全集

七言律詩下

二

謁陸太常墓

漿酒清芬椒桂新有歌何處可迎神朝中文譽推先
定祠下心香感慕真恩滿丘山逢聖主名畱臺閣付
詞人百年不起滄溟臥落落珊瑚挂釣綸

送何文東春試

字可齋

古婁兩出狀元公此日於君卜又同萬里洪潮來渤
澥三年神石見穹窿人言溫飽非心素春到繁華滿
眼紅若獻當今時事策也應流涕哭民窮

送鄭重賢春試

字異齋

梅花落盡杏花開尊酒長安漫洗埃三月風光生玉

樹一時聲價定金臺登科不負窮經志當宁方求濟
世才春日裏江明似錦泥金報自五雲來

送李幹春試

字啓元其人
瘦而多病

青雲一鶴瘦如君毛骨當風自不羣貧在愧非韓刺
史病多重見沈休文道途書卷登行李韋布封章比
獻芹尊酒相看何處醉松關雪色映斜曛

次韻答朱龍山

冰泮春江鴻玉流美人蘭舫下蘇州忽瞻霞彩來鸞
鶴獨惜沙濱困鰓鯢野性疎閑尊酒共歌聲爛熳萬
金收相逢偶得公餘興海樹風光盡日留

倪小野先生全集

七言律詩下

三

贈吳門袁秀才

秋水精神玉樹姿驂騑初出渥洼時三場利器應無
敵四聖遺編已得師丹桂功名元有分黃蘗滋味正
須知他時爛熳堂前錦駟馬橋邊稱此兒

賀張千戶繼勳堂

百世光輝羨肯堂平臨天象面離方高明有地嚴階
陛珍重多材壯棟梁吉夢夙符熊羆兆壽筵齊列鳳
鸞行春風春雨初栽竹庭下龍孫已過牆

次韻題陳德美竹山卷

爾別竹山六七載平安日報近何如雨風幾度林還

密鷲鳳羣飛穴未虛官底情深傳此畫江南夢到是
吾廬豪吟不盡滄江興畱待琅玕節下書

周侍御可貞第同顧未齋方拙牧賞牡丹

羅衣一笑洗紅塵池館長畱富貴春醉裏花辰惟此
月別來詩話是何人玉瓶清瀉龍團小錦服重看豸
繼新更愛水光搖滿處牡丹墮影月如銀

二

百和香飛雨後塵蘇王祠裏玉樓春倚風標格停仙
子半日遭逢到故人影亂翠盤看舞妙意傳畫史入
圖新羅衣點染花欄露滿地清輝月墮銀

倪小野先生全集

七言律詩下

四

苦雨用韻

積陰未散杳蒲天極目平蕪一水連陋巷窮原何處
哭飄萍斷梗有誰憐空傳官府三年積更感田家二
月篇獨臥虛堂勞夢寐夜牀復恨雨聲懸

遊天平次王梁秀才韻四首

午後看山背日行山均缺處白雲平羊腸路轉雙流
合犀角峰高一柱撐野樹陰停花下舫石溪聲亂馬
前鉦僧房村店經尋處却厭風塵欲隱名

二

青絲壺榼作山行藤竹根侵路不平樵擔兼挑茶甕

出茅簪斜閣酒旗撐蝶蜂隊裏花迎扇虎豹叢中谷
應鉦一望傷心千古事荒阡廢塚半無名

三

山行纔了復江行八角春盤食案平雞炙隔廚聲偏
搏魚羹閣箸骨又撐價高蘇市經年酒響落楓江入
夜鉦爲說亡吳興廢事城門忽感子胥名

四

林虛歸鳥亂人行一棹歌聲野水平酒席翻新呼獨
飲江程入暝夾篙撐初更遙度譙樓鼓十里連鳴驛
路鉦漁火對愁詩客遠楓橋不改舊時名

倪小野先生全集

七言律詩下

五

王揮使送至吳江志別六首

滿面清輝燭下娟燭花新放爲君妍喜看風度槐堂
後驚問時光艾酒前試折柳枝愁散亂及時梅子正
肥員別離思遠江關路寶帶橋東送客船

二

白苧衣成雪色娟瓊瑤一段愛清妍別情無奈三江
口詩句相知十載前烟深竹麓漁歌歇風定篷窻燭
暈員茶竈書牀畱話久吳門重見散人船

三

碧水蒹葭倚玉娟故人相送笑眉妍身謀肯落他人

後腸斷難爲此夜前鴈字漫憑瓊筆綴鸞刀願保玉
環員知君懷我裁詩處回首婁江百里船

四

澹澹湖光初日娟薰風草樹更新妍四愁誰賦江雲
外一夢相依水驛前畫鷁輕飛清影過白鷗低點漩
渦員南回詩骨忻清健五月黃梅雨裏船

五

環珮垂垂白玉娟日光搖動稱人妍偶逢故友松陵
下時見趙受夫喜見春田穀雨前數點湖峰涵遠隄千尋
江塔倚高員愁生落月推蓬坐西水關頭五夜船

倪小野先生全集

七言律詩下

六

二

碧江日圖花娟娟夏柳條長未減妍風光潑潑青幢
外雲影輝輝彩筆前酒甕新分蒲葉脆戰袍舊染菊
花員宦途消息誰云好吳下圖書載滿船

次韻贈趙受夫

我愛美人靜且娟美人愛我中心妍馬蹄隨踏風塵
裏雞鳴名山共坐燭燈前郎當還作大袖舞踴躍誰憐
舊帽員別去依依雲樹思須記此日松陵船

用錢學士韻畱題淨慈寺

濃淡山輝近復遙西湖西子兩妍嬌山堂題品詩盈

眼學士風流帶解腰嶺月明中雲似水溪流曲處石
成橋烟花十里多悲思柏塚梅莊說宋朝

岳王祠用李邵二方伯聯句韻四首

五國茫茫泣梓宮百年松檜尚淒風金牌無意收河
北玉輦還悲渡越東山色祠前春日好戰圖燈裏夜
堂空新詩聊記登臨候梅雨初晴五月中

二

戰馬風塵不可尋墓堂兀兀隱湖心尚存椒桂千秋
祀愛坐松杉半畝陰廟額輝輝恩寵在碑辭落落歲
年深一時岳牧微垣客幾度豪吟共此襟

倪小野先生全集

七言律詩下

七

三

南峰門外夕陽多弔古悲傷意若何孤節合爲奸相
忌餘威直使鬼兵呵悠悠今古看花夢歷歷興亡采
芰歌閱世英靈相感處杭州刺史有東坡

時守呂
邦祖

四

節過黃梅雨意收隔林鳴鳥似相求雲深空想朝天
路城古猶存嘯月樓相府兼成兒女秋湖船誰話國
家憂青山處處麒麟塚千古功勳孰與儔

吳山次韻送徐良節

偶爾登山共此觴蒲花艾葉酒生香相逢漫說雲林

好歸去獨憐江水長書卷十年存篋笥夢魂十里赴
蒸嘗董帷欲老明經士肯讓青年賈洛陽

用前韻送良節姪上舍裕卿

相聞未送洗泥觴獨羨詩書百世香白璧光輝家乘
在青雲騰路路途長關河五月歸多典廩肉南宮寵
共膏膏漢鳳毛驚衆目棠陵崗上起朝陽

過松陵用王陽明韻

寶帶橋邊李郭舟湖山詩景自天留鱸魚上水未過
午鴻鴈橫空又是秋蘭桂酒樽驚落帽風塵闌塞一
登樓故人情話難爲別斜日輝輝野色浮

倪小野先生全集

七言律詩下

八

秋夜卽席送客

簷牙雲散動星輝席上山人是少微細雨壺觴宜夜
韭西風葛苧秋衣王師新喜傳書捷臣子多慚食
肉肥更惜客途容易別青山百里片帆飛

省直曉起

獨樹庭前生早涼披衣起坐竹方牀遠霞送曙搖雙
闕殘月留輝隔半牆生理且隨今日計閑心不爲此
官妨忽看巢鷺乘風起飛入雲霄道路長

雪中董給事濟之攜觴豆過訪

大雪長安門晏開黃門錦騎冒寒來小窻忽破莊生

夢別屋誰憐寡婦哀鳥影過簷杯裏見龍涎落紙筆
端迴正嫌來市盤蔬乏喜送公廚燒豹胎

用韻答張子醇

子醇五月十三日得子前一日予攜一奕客
往訪次日聞喜與李太伯母夢一道士奕戶
外授一子遂生太伯者同符至十五日名櫻
筍廚子醇第近西垣昔崔慎達異人謂曰君
四十無子爲公求之終南神僧卽其嗣也後
生子微小字緇郎子醇四十始得子亦同子
醇人戲呼爲張和尚合省僚友聞之大笑

倪小野先生全集

七言律詩下

九

道士棋枰傍午圓夢中授子亦奇哉椿萱堂上添孫
喜櫻筍廚前賀客來紫極近臨元有象緇郎晚得定
多才羽毛他日風雲路記取今朝瑞鶴胎

次祝鳴和韻送劉惟靜

長安幾載踏紅塵暫向成都養病身入里還看趨石
慶起家元不困蘇秦消除暑氣西山雪撩引鄉心秋
水尊蜀道有篇思擬贈愧無筆力引千鈞

用韻爲呂秋官仁卿題雞黍遺風手卷

秋近吳淞水勢降江霞和映錦雲幢黃雞初具廚人
飯綠鷄新停仙子艘湖海詩篇今雨滿風雲劍影夜

堂雙同行共被古人意新月淮河楓樹意

分得池字寄汪大集令兄

飛鴻暗度朔雲垂司馬堂前共酒卮明月一方句漏
令寒窓百韻惠連詩今宵指點郎官宿兩地芳菲玉
樹枝湖海神交應不偶夢魂飛繞鳳凰池

送姜夢濱謫官

上感天王德聖明雷霆之下賜全生一官遷調逢山
水兩世忠貞顯姓名父爲御史以遠道圖書攜舊物
長天雲樹動離情勸君努力加餐飯他日重逢舊弟
兄

倪小野先生全集

七言律詩下

十

雙壽爲鄧少府贈

雙星炯炯照蒼梧雙壽庭前映錦鋪銀燭花開垂茜
苔金盤樹老立珊瑚賢郎遠送黃堂俸仙客新傳紫
府圖我欲爲君歌一曲挽留日影住桑榆

鄧同寅贈我盆竹謝之以詩

美人贈我竹一盆枝葉蕭疎景色暄瓊瑤已感殷勤
意雨露還沾長養恩若椀菜盤忘肉味風晨月夕引
詩魂物華記取新年日日相過共酒樽

依韵齋韻

碧草蒼苔細滿基東衙折柬又相期經春花信詩盈

卷旁午魚羹網出池入眼江山頻對酒創身天地似
觀棋未能抱甕家園去空羨園丁臥井湄

歛人羅思竹父曰筠軒思竹之號不忘乎先也
其子綬乞予詩爲壽予遂賦思竹云

紫陽山邊思竹翁年年思竹感春風夢回明月人如
玉路渺青山杖作龍新鳳日來毛羽長遺詩誦罷夢
我同喜逢誕日歌淇澳盛德高年法武公

送葉通府進表

錦樹離亭列駕筵秋金珍重鑄征鞭心傾江漢朝宗
地身近風雲際會天吉利擬占乾九五驅馳不啻路
倪小野先生全集 七言律詩下 十一

三千金門欣傾春風宴盛世歌詞爲我傳

過覺真寺次董中峰韻

野寺孤僧何處尋寺門寥落倚城陰百年佛像俱歸
土九日花枝半帶金獨抱禪心成久坐閒看雲影動
微吟悲歌一曲西風裏未得高丘望遠岑

常山重開亭次韻和李南渠進士

萬竹山中開此亭依然重見故山青石泉況復增蕭
爽風月眞能養性靈四壁壑陰當夏合滿空霜信未
秋聽平生與汝歲寒意未到亭前心已銘

歸來

歸去來兮歸去來動名身後付庭槐三場利器遺書
在百歲高堂舞席開雪裡松根燒骨拙霜前菊蕊採
苦營閒中莫謂全無事籬北籬南理舊栽

醉書陳南坡壁

三月時光花事闌名花猶耐醉中看遭逢且喜故人
合題品應慚好句難日影依依移玉樹風光爛熳舞
金盤白頭父子情無極日日東風開畫欄

亭上贈客

竹亭日午坐清風亭下通江湖不窮隱迹敢希陶靖
節醉鄉未遇王無功坐看麟子年方少臥聽龍吟夜
倪小野先生全集 七言律詩下 十二

正中相見相畱轉相愛眼前人事莫匆匆

戲述示張小越進士

相逢是處兩相呼貴賤賢愚渾一途呼馬呼牛何較
計爲像爲鶴總虛無柳子論天真混沌莊生齊物太
糊塗試觀天地生人始誰是公卿誰大夫

楊時瞻陳子燦攜酒過園亭

可意佳人送酒來小園片石拂蒼苔陶潛偶作閒情
賦杜牧欣逢笑口開桃李陰疎春日轉蕙蘭香細午
風回折葵剪韭尋常事珍重猩脣與豹胎

蔣孫二老過

今日且得竹亭坐復有二仙同賦詩塵埃暫撓眼前
事文字恣吐胸中奇林深不知日已午山好若與雲
相期歸來無限春風意隔水漪漪碧玉枝

飲邵南臯宅次東溪先生韻

華堂燈燭繡屏開杳杳歌聲上舞臺真處意從空處
悟前人事與後人哀風吹玉樹春光轉月落寒江曙
色催翻覆雨雲生眼底勸君且盡掌中杯

壽柳母

河東母範世稱賢厚德淳風太古前手植蟠桃三度
碧眼看奕葉兩重玄園林早實神仙飯海嶽新傳福

倪小野先生全集

七言律詩下

十五

壽篇老去不忘談稼穡頻呼老僕同春田

挽翠微房能公

醉中乃憶能公醉醉唱蓮花弄鼓槌翻笑正平真競
物始知玩傲是吾師空中花鳥春無著江上雲霞相
與宜我欲爲公傳月影夕陽松牖醉題詩

次南臯翁韻題菊二首

菊枝欲發夾蓬高雨妒風欺復捲薜斗甕幾番虛自
抱尺鉏從此且停操瘦侵鶴骨霞垂頂病折鶯翎雪
槌毫失理殘秣殿秋色徑敲籬破嫩於陶

二

漂餘殘菊伴清高却愧芙蓉濯錦濤流出泉香渾不
辨折來花柄強爲操品題有幸蒙佳句食服無緣長
壽毫聞說名園春似海一株相送入甄陶

嘉會樓

南明山前嘉會樓相見於離萬景收吾道自然昭日
月故家於此考源流雍雍傳俎文談盛楚楚衣冠禮
數優壯固斯樓是何物一門仁義繼前脩

十松次韻

出山猶帶紫泥封回首雲邊磴壑空長使虎龍思舊
穴尚畱猿鶴領秋風久居散地嫌材大入明堂羨

倪小野先生全集

七言律詩下

十四

棟隆採擢正勤天子詔萬夫喧動蜀西東

尚意軒次韻

獨羨先生道自頤不絃琴上復何詞遙看草色春偏
好靜與梅梢衆未知一笑相逢眞浩蕩萬機俱寂轉
疎遲開軒尚意徘徊地明月清風赴酒期

次韻答白樓

記得兒童抱硯春書窗燈火隔星辰喜君顏色猶如
舊到老詩篇轉覺新萬事已憑鸞鳳嘯一身長抱虎
龍神白樓幽傍雲岩曲笑與松梅作主人

贈上虞江尹

古虞令尹政稱平堂上彈琴四境清保富安貧眞父
母發奸摘伏似神明鸞栖已作蒼生福驥展應騰碧
漢聲萬里長河餘潤氣化爲霖雨過姚城

次韻答嚴梅谷公

希夷恬淡養天和分俸貲封得福多春意自怡梅滿
谷厚培爭秀桂成坡試論道德眞無忝若有神仙不
是過翻憶壯遊湖海興夢回錦瑟舞陽河

次韻答韓尚意公

關中久不覩青牛至德重逢數復迴簡編爛熳千言
具柱史崔嵬一老畱天外羽儀昭盛世雪中丰采映

倪小野先生全集

七言律詩下

十五

清秋相逢樽罍無機事唯與賓朋較酒籌

半閒

有事驅馳無事閒紅塵回首卽青山太平人世山林
裏澹泊天真動靜閒金馬神仙供職業白衣宰相散
朝班林泉臺閣皆吾地始識君家亦透關

抵臨清遇同年蔡石崗憲副連舟至東昌賦此

爲別

白河南下忽逢君霄漢仙槎倚斗文一道風霜生肅
靜百年兄弟敘慙慙尚思瘦馬城西寺又感秋風水
畔芹眼底路收容易別暮雲斜日鴈鴻羣

車落村中

風高木落動愁魂萬里舟航野水村且就湖頭食魚
蟹不妨秋日看雞豚時光冉冉空棋局心事悠悠對
酒樽天際白雲長極目却憐朝暮倚閭門

謝顧上舍

日日攜初過草廬黃雞紫蟹燦盤盂偶逢佳節重陽
候不盡清談太極書場圃今看停五馬江湖從此續
雙魚主人殷有畱連與途路何妨阻客居

贈畫士潘石泉

謝爾當年貌我姿重逢又是十年期春風顏面不相

倪小野先生全集

七言律詩下

十六

認粉筆臨風點鬢絲岐路畱連還把袂江湖浩蕩漫
題詩舉頭遠望麒麟閣白日勳名今屬誰

釣臺

曲曲清灣湧翠濤桐江南下釣臺高形容萬古畱圖
畫霄漢千尋見羽毛人世未能停宦轍鄉邦猶幸托
儒袍青山白鳥宜情性何日中流一弄篙

謝鄧少府惠英石三首

割取英山一片雲謝君相贈意慙慙冰霜剝蝕松根
色風雨淋漓竹葉紋懷抱靜怡蘇太守形容清肖沈
休文岩頭恐有蛟龍窟六月江雷不可聞

二

幾年山中埋白雲一旦出之神力動磊砢不朽虎龍
骨開闢以來沙浪紋巨靈揭來九華蓋澄氣吐作七
星文風生萬竅鼓天籟隔座秋聲清夜聞

三

書齋小雨散晴雲移竹分苔爲爾勤豪興暫爲橫筆
架古形不論碎琴紋商家孤竹弟兄節蘇氏三峰父
子文欲向君平問消息蜀中無復有多聞

題英石三首

雙峰對峙似爭奇軒檻依稀近武夷咫尺勢分巒岫

倪小野先生全集

七言律詩下

十七

出空虛影落雨雲垂靜依好養林泉癖坐翫應慙鐵
石姿更得新詩發餘秀春風擬長紫霞芝

二

五丁之力何神奇剗拔來致蜀道夷斷峰巉又禿木
折巔崖墮落玄猿垂元氣江河遠通潤春風蒲柳差
爲姿商山他日攜歸去一擊一拊歌紫芝

三

天然標格抱清奇立懦廉頑似伯夷霹靂斜分青嶂
裂芙蓉倒插碧天垂長浮海上魚龍背曾伴山中麋
鹿姿萬里薰風吹不斷庭前忽墮五雲芝

七月廿七日大雷雨

蕭颯秋聲咽壑哀蛟龍捲雨破空來青山石裂雷霆
闕白日江翻天地迴斷送時光驚客旅吹噓涼氣入
樓臺田田水足西成際明日郊行問草萊

奉次戴戶部冠謫還

錦樹斑斑瘴雨晴馬前縹緲五雲明嬋娟合貯黃金
屋夢寐重迴白玉京湖海年來觀世變聖賢道在與
時行緇衣歌味情猶缺却愧平生識重名

喜石民太至

錦旌來自閩閩城五嶺風烟到日清太守獨迎徐孺

倪小野先生全集

七言律詩下

十八

子故人應念石曼卿江湖翻憶如殘夢冰雪相看是
舊盟滿眼清醅逢九日黃花却負病中觥

紅菊

此花名曰醉楊妃七十餘種此種希秋色漸濃疎雨
意暝光忽破落霞輝珊瑚樹畔形骸穢芍藥亭邊物
色非採萼慈親開舞席花枝新映錦袍緋

黃菊

御袍黃是此花榮細雨輕風染欲成燕嘴飽含霜後
藥鸞翎新散日中英紅紫此時難作態魏姚當日浪
傳名誰云宦底秋蕭索無數金錢勝滿簾

白菊

我愛庭前白菊花
菊花之白白無瑕
素心於汝不相負
老眼獨明真可誇
點綴雪光搖帳楮
延爾月色映窓紗
玉人歲暮徘徊意
三吳寒香坐晚衙

俞憲施聘之過西清有題奉和二首

喜看庭樹引鳥栖
驄馬雷連日正西
山郡宦流從此重
草堂詩柄目公提
迂疎長帶林泉癖
撫字應慚道路啼
但得高軒時一過
飽聞清話可忘飢

二

魚沼遊兮鳥樹栖
菜畦新翠路東西
山形環遶當盤

倪小野先生全集

七言律詩下

十九

礪天象平分見攝
提花影簾櫳蝴蝶
夢竹枝庭院鳳凰
啼眼前未論仙茅
種紫菊丹芝可療
飢

又一首

牙繡光輝天上來
西清書院小徘徊
片時玩物成幽賞
數語籌邊見大材
宿雨池塘圍綠竹
薰風時候熟黃梅
流傳盛事煩詩句
從此茅堂秀色開

贈爛柯仙徐先生

江湖一卷爛柯經
夜雨茅茨指點醒
世事坐觀開日月
戰圖笑試役風霆
半簾雨歇竹林寺
一局秋清松子亭
與客推枰斜照裏
無端意思對南屏

南康

昨宵細雨下橫浦
今日南康乘湧流
雙櫓背搖江峽轉
半窓斜映渚霞收
雲烟渺渺龍泉夢
霄漢飄飄鶴馭秋
重有壯年湖海興
詩篇從此記清遊

登桐君祠

桐山新建桐君祠
張令風流希見之
落日登臨懷古地
西風蕭瑟感秋時
遺踪無復大桐樹
好景初看新菊枝
樽酒徘徊坐松影
眼前江水是襟期

歸來三首

歸去來兮歸去來
時光不爲我徘徊
二三齒落牛馬

倪小野先生全集

七言律詩下

二十

歲七八子看豚犬
才浩蕩乾坤吾落
落落咏歌堯舜道
巍巍賞心不問晴
和雨一日還須醉
一迴

二

歸去來兮歸去來
宦途回首半塵埃
神仙長願骨不老
嬉戲應慚心尚孩
冰雪交情看晚歲
菊梅詩句出新裁
郭巾管帽宋章甫
分付傍人莫浪猜

三

歸去來兮歸去來
梅花開遍杏花開
嗟嗟先生且休矣
咄咄古人安在哉
今日且爲今日計
後人莫與後人哀
百年天地容吾老
長坐吟風弄月臺

挽諸師陶先生

師陶先生不可作水南何處覓遺踪白首經書文筆
老青春桃李酒盃空且看圖畫形容在如有神仙夢
宗通碧石軒前琴亦化雨意無復聽秋鴻

送抽分廠主政

錢塘江上雪爲潮六月飛花暑氣消使君欲放登天
棹綠鷁齊飛雙尾搖秋日朝衣沾雨露青年宦轍近
雲霄羨餘不作清時奏節用書成答聖堯

贈邵南峰

兩地栽桃三度花西風吹上紫雲車朝廷推轂今無
倪小野先生全集 七言律詩下 二一

滯兄弟同曹真可誇日轉棠陰閒讀律雨晴山色晚
開衙長安回首江雲外詩思無端路轉賒

題周侍御世壽堂

山接崑崙是壽鄉新洋江上壽源長地靈應聚神仙
氣家學相傳道德方東海蟠桃元有種南陽甘菊遠
傳芳繡衣勝作斑衣舞百代龍光世壽堂

楊時章座上聽曲

喜君座上有秦青一曲相思駐馬聽白苧詞新涼雨
霽紫檀聲杳暮雲停滿堂會意還同舞幕地消魂轉
獨醒江北江南無限思蕙花蘭葉滿秋汀

贈管秋江二首

閭巷東西爾我居一日不見意何如黃花好景今爲
客白髮流年豈待予晚歲交情膠漆裏長途行色雪
霜初夜遊秉燭非無謂棋墅詩壇不可虛

二

秋江八句重當今鑄意銘詞百鍊金已到無痕稱妙
手試論有覺卽禪心長河流轉龍嘔氣空谷清虛鳳
吐音薄宦武侯經略地憐君半世草廬吟

醉中贈馬夢中

馬子長髯笑拂之儼然清興愛吟詩客邊浩蕩江湖
倪小野先生全集 七言律詩下 二二

氣燈下推敲風雨時坐對棋枰方將略踏穿布襪是
仙期若耶溪上雲門路隨我山中覓紫芝

夾竹梅花

夾竹梅花憐爾芬如何反爲爾之屯每觀好事難兼
得却恨高人不可羣歷歷冰霜花半吐依依風月意
平分相知喜有鐵梅老幾度吟哦對暮雲

借鐵梅起句足成一首

梅花夾竹本雙清兩物爭春意未平堪愛堪憐有如
此相親相妒竟何情稀疎不盡東風力蕭颯曾分夜
雨聲注目寒枝倚江閣先生詩句自分明

醉筆二首

醉中信筆興何如，唯有桃花若起予。
接引鳳凰啼絕處，喚醒蝴蝶夢醒初。
歌吟江漢杜工部，嘲弄雲霞陶隱居。
重憶玉堂閒試卷，天風陣陣響瑗瑤。

二

油碧欄杆壓翠波，琅玕籬落列青娥。
香風拂檻初抽蕙，新水平隄舊種荷。
詩句欲傳瓊樹骨，醉懷喜聽鐵梅歌。
塵衢咫尺烟霞外，谷口先生日一過。

次蔣鐵松韻奉答三首

老來詩思涌如川，錦繡文章疊後前。
頻過喜值鶯花

倪小野先生全集

七言律詩下

二二

候虛返慙違雞黍筵，鐵骨晚同諸老契。
諸鐵玉魂長

憶蔡郎賢

治

天風激烈歌聲壯，我欲傳之弔謫仙。

二

布衣高尚拍秋冥，足跡何曾踏縣廳。
古調鏗鏘歌綠水，閒情蕭散悟黃庭。
半園破屋生虛白，一片寒甌守舊青。
九十年來猶自警，聖謨賢範遍書屏。

三

身後休論奉禮廳，眼前長喜一山青。
秋高露淨秀堪挹，夜靜雲流聲可聽。
圍棋有伴歸商谷，吹笛何人過洞庭。
憶昔樓居陶宰相，著書煉藥漫延齡。

來薰堂

堂開竹下名來薰，薰風長夏掃炎雲。
七椀飄飄玉川子，五絃杳杳蒼梧君。
筠簾欲動滿湘影，羽扇頻揮鶴羣午。
涼却抱賢孫臥，有客會書白練裙。

海棠

鴻鵠飛來託舊根，十年長養擅名園。
乍經微雨新如染，獨領東風默不言。
老去品題羞麗句，生來清淑倚開門。
幽姿合與梅同賞，閒落蹉跎各斷魂。

寄題蕭嘉典若愚香雪堂

玉蕊瓊枝眼底生，梅林新志到姚城。
歲寒久別冰霜

倪小野先生全集

七言律詩下

二四

面長憶梅花標度，清溪山音調閒。
縈度鐵石肝腸風，鑄成香雪堂前舊題品。
知君鄉夢屢分明。

酬任進士士弘

學不窺園似仲舒，又憐多病類相如。
賢良正擬三陳策，靡麗翻嫌數著書。
未遇形容看磊落，相過談論慰蕭疎。
鄰居已被餘暉照，江漢星明舊草廬。

贈及門錢德宏進士

文章聲價已喧傳，名姓先歸春注前。
善養且求曾子志，立朝翻愧賈生年。
羣觀指點千金駿，厚載遲回萬里船。
駟馬不誇題柱筆，有人知是玉堂仙。

壽詩

洞庭湖上開草堂七十二峰飛鳳凰畫屏晴隱蓬萊
色銀燭夜弄珊瑚光五陵豪士驚論劍三迥秋風待
舉觴回首雲霄息機慮紫芹黃菊愛鱸鄉

鐵梅爲諸養敬賦

鐵梅之銀何其剛鎔以春陽泮冰霜花開且作御史
面子熱不充兒女腸君山老人傳裂帛壽陽公主怯
新妝重歎山陰荒水渡泥沙千古困梅梁

萬竹山莊

萬竹山莊何青青天然秀氣護山靈淋浪不斷雨風

倪小野先生全集

七言律詩下

二五

曄清虛可誦道德經林逋迴旋排古石草堂缺薄帶
秋星興到欲憑紫竹杖鳳鳴鸞吟試一聽

龍川

主人家住龍川上雲霧深深隱客星江漢源流心獨
遠雨風吟嘯意初醒武侯未起英雄臥老子長存道
德靈浪動桃花看試子崢嶸頭角向青冥

贈魏二尹

銀章疊疊獎賢書萬里風雲發初矜見聲名徹霄
漢喜看顏色映璠璣江梅衝雪春先動海鶴凌風力
有餘受簡賦詩歌盛事詞林猶有病相如

贈郭克誠遊太學呈湛司成甘泉

鯢魚欲化勢橫天鬱鬱風雲三十年科第先登人負
愧文章後範世流傳公車畱滯名非晚太學漸磨志
益堅此去爲尋洙泗脈淵源今有湛甘泉

壽石山吳公

鄉社羣英推達尊九子玉立羅重孫衡風重歌淇澳
水福星長照汾陽門聲華擺落意興遠時事感激言
論存老氣勃鬱風雲筆開來袖手對崑崙

壽詩

烏山山下是烏沙十金一畝好生涯綠楊細雨泥沾

倪小野先生全集

七言律詩下

二六

展白鴈西風稻滿車嬾入市城懷隱德閒看流水度
年華聞君庭有雙雛鳳瑞氣長騰五采霞

贈簡翁

冰蘖平生久自持歷揚中外太平時九卿還轉承恩
盛七秩歸來逸老宜手製方書猶有議心忘機事復
何疑芳名都付春秋筆圖畫麒麟合是誰

寄吳中張西州石醉逸兼嘲浦進士

憶別婁溪今幾年故人入夢思依然春風如舊開桃
李夜雨空疑聽管絃北海無官猶老與西湖有約是
虛傳近來爭羨浦才子不說倪郎醉後篇

南溪挽詞

憶昔南溪之隱君去後化作南溪雲晚歲閒心付寫
水春空詩態倚斜曛沉沉未醒青山夢冉冉時參白
鶴羣寄語漁郎休問訊桃花洞口不相聞

寄淞江劉太守

使君今作吳淞郡好似吳淞江水清行部爭瞻驄馬
道官廚不厭紫萸羹股肱重地能何忝瘡痍疲民賦
欲平日轉棠陰多暇思五經分席課諸生

謝菊花圖

一片清霜開素秋謝君筆底起颼颼無端點出秋花

倪小野先生全集

七言律詩下

二十七

采五色離披爛不收變幻雲霞推妙手招邀風月滿
吟眸慙予亦有陶翁興愛對南山晚倚樓

挽徐蕙皋

忽驚蕙皋秋已零兼風兼雨晚溟溟楚江望斷愁無
語遼海魂歸賦有靈雅服尚存香冉冉騷壇蚤步意
醒醒悲君迷却城東路獨對寒波歌濯纓

賀南臯翁新樓

方伯歸來心自閒神仙樓閣對南山且觀變化烟雲
裏長喜瞻依霄漢閒道德真脩人下老英雄高臥衆
難攀夕陽野樹生佳氣飛鳥悠悠相與還

寄賀海鹽徐世美其子有掇科之喜兼爲子師

茅克理致屬

曾看玉樹謝庭枝榮秀於今傍鳳池喜事徘徊宜不
老佳音喧動到相知朝廷正待萬言策君子無忘一
字師黃道湖邊春日好扁舟共醉杏花巵

壽五龍居士

五龍山下五龍仙呼吸如龍養壽年是處濟人爲化
雨閑來引子戲晴川江湖跡遠頭辭白道德經通意
抱玄八月桂花新釀熟百壺不盡湧如泉

十松次韻二首

倪小野先生全集

七言律詩下

二十八

玉立行行蒼翠深豈惟清韻洗煩襟佳宵曾送三公
夢晚歲偏諧二友心紫石根蟠難辨色青雲枝接共
成陰江湖廊廟徘徊地獨對丹青憶故林

二

十松題味興無窮爲愛斯人似十松抱璞含貞彭祖
相廉頑立懦伯夷風雷聲礪底推龍起風力被頭助
霍翀寶桂王槐應不數爭妍競秀五雲中

南溪

先生有道居南溪採藥青山路欲迷短屐踏空明月
窟小鉏斫破紫雲泥菊香流水穿林遠杏子春風壓

樹低白日閉門醫國念奇方——手親題

挽石山翁

石山崔巍凌太行忽爾頽兮失瞻望寂寞一雙霹靂
手收拾幾迴文繡腸矯矯獨立劍長倚寥寥寡和絃
高張書帶筆花應不死千家萬戶畱春芳

柏亭

柏亭嵯峨如天成糾結虬龍盤繡楹月明玲瓏漏清
影秋意蕭颯生虛聲一曲雅歌青玉案四簷瑞氣紫
雲屏主人醉去客已散海鶴飛來忽自鳴

椿萱並秀圖爲江大尹題

倪小野先生全集

七言律詩下

二九

君家種德世流傳椿樹萱花並秀妍錯節蟠根東岳
畔金章玉質北堂前雲霞動色開圖畫山海爲盟記
歲年葉葉枝枝散光彩恩榮疊至九重天

挽海鹽徐世用

四十年前記薄遊相逢孺子喜淹畱青春客裏曾投
轄黃道湖邊幾繫舟老計正懷鱸美地遠書各值鴈
稀秋間君忽作長仙夢感歎交期一旦休

沈文正宅孤梅倚竹可愛賞意偶同秋江輒爾

題

何事梅花太嬾生枝頭苔蘚未分明偶因候雪春逢

至或是催花句漫成默默傳腔何有譜依依索笑似
無情自云輕豔多容易含蓄東風向北城

紫雲峰

兀立奇峰在眼中紫雲一片墮春空風雷作陣頌無
意江海呼泉默已通秀氣分金菡萏神功幻出玉
玲瓏從龍消息今寥寥且住山中伴野翁

木香巖

木香作巖是何年朽而不化如石堅枯槎曾泛漢西
海中峰乃壓蘇老泉痕寄莓苔濃雨後香同蘭蕙散
風前曉來呼吸沆瀣氣衰晚沉疴一旦痊

倪小野先生全集

七言律詩下

三十

梅花

兩日蹉跎不問梅想應繁葉滿枝開陰晴失候新春
節消息應傳小野臺和靖高吟頻悵望羅浮清夢且
徘徊多情更索秋江句樹下推敲又一迴

正旦用石山翁韻

臘酒今朝出舊瓶雲霞低映醉顏明朝衣久却雞人
遠宮彩新妝燕子輕文字不靈畱宿鬼年華忽改屬
春卿梅花獨與人相似雪畫堂南自品評

題蟠桃圖壽楊夫人

王母蟠桃特使來蟠桃云是母親栽靈根直透崑崙

頂佳實新成沈瀝胎白日雲霞移彩隊青山途路接
瑤臺慈幃此日佳兒報兼接恩光第一廻

中秋次秋江韻

妝樓明月淨無雲無燭堪挑錦繡紋人世佳期今夕
最秋江清影自公分共瞻蟾窟同遊路重憶霓裳舊
舞裙長願光輝照顏色爾醒我醉共懽欣

二

一簾明月隔湘雲倒照池波動細紋庭樹影移更漏
促天花香墮酒杯分舊傳宮怨題紈扇老媿詩狂寫
練裙且對輝光盡清賞莫因得失異悲欣

倪小野先生全集

七言律詩下

三一

次南阜公韻贈秋江

君是龍頭我是身風雲揮手謝時人悠悠流水傳心
遠滴滴青山開笑新各任去來真是散直呼爾汝轉
相親小圓日得少陵味百遍相過不厭頻

二

清風洒洒逼人寒回首風塵多笑顏鄉社棋枰長歲
月宦途詩卷富江山春花秋月堪供老白璧黃金難
博閒抱弄膝前荀氏少漸看頭角欲垂鬚

次南阜公韻奉答

赤脚蓬頭未老身乾坤畱作不羈人花枝照眼年年

別基局逢人日日新佳贈愧無瓊玖報晚交喜得蔥
蘭親近來希踏南州路多謝清風拂我頻

二

官登方岳謝塵寰日日春風吹面顏獨愛樓居依北
斗時敲詩句對南山庭前芳樹光輝合江上秋雲意
思閒嵩谷丈人多道氣玉冠璀璨覆螺鬟

謝惠秋海棠

謝君贈我秋海棠朱脣翠袖舊時妝清
睡細逐行杯更有香纖弱亦能凌晚節稀疏未必減
春芳爲憐離落西風候先與黃花開道場

倪小野先生全集

七言律詩下

三二

謝朱三峰過訪

草堂枉顧謝先生預置三峰亦笑迎舊帶清霜如鐵
面亂敲急雨自金聲日殘未話同心好天遠長懸仰
德誠此後論文定何日歲闌佳氣轉分明

賀謝汝湖得子

羨君家政味關雎膠木螽斯繼有詩萬里風雲騏驎
種九霄雨露鳳凰枝謝庭玉樹傳芳遠王母蟠桃結
子遲愧我早收成底事固應豪傑笑豚兒

郡別駕洪公轉擢

郡中別駕古人同驥足飛騰在眼中材器歷當盤錯

利聲名久入播揚公仙踪縹緲雙鳬鳥行色蕭條一
雀籠畱得清輝照姚水梅花明月挂霜空

寄馮行甫心齋

昔年駐馬浙江濱喜得相依玉樹春山寺壺觴題竹
處客愆鐘鼓聽潮晨息交我是陶元亮求逸君如賀
季真一水悠悠來往地固應各絕素書鱗

贈桂柱峰

相逢詩禮舊儒袍久仰慈湖閣閱高冰玉面顏頽道
氣江湖意興擅詩衰虛名重枉寒暄問衰態仍寬拜
起勞小野亭前供一笑清暉佳氣滿西阜

倪小野先生全集

七言律詩下

三三

寄任克敬

清氣如君抱玉壺南都省署卽江湖錦箋綵筆供揮
洒飛蓋遊韉入畫圖天上昭回龍虎氣人閒傳播帝
王謨公餘覽採才華富隨處登臨興不孤

秋海棠用王仲先韻

涼透筠櫺柏巷紗深秋重見海棠花西風吹醒還魂
樹午日醺濃暈酒葩弱質承恩新雨露孤芳含恨舊
琵琶生來合與梅爲配坐待佳期消息餘

用心漁翁韻寄乃郎緒山

得意春風憂轉重連書上乞大明宮養親卽立忠君

地體國先成造士功不論名隨官職顯但求心與聖
人同杏花壇下班爛舞多壽年年祝華封

酬木山先生

鳳凰毛羽籀龍身長得相依喜出塵節隱詩聯流翰
墨葉分酒色映杯銀盡籠風月無邊景高臥羲皇以
上人昨日攜文來訪我林低恐碍使君巾

二

竹林誰是爾前身坐觀滄水飛紅塵白髮解師板櫂
玉碧山學士魚焚銀冰霜節勁擬高士風雨枝疎如
散人他年喝道擬松下恐負先生僕射巾

倪小野先生全集

七言律詩下

三四

酬徐東餘

千百琅玕佛化身青青無處著紅塵雲頭墮落低懸
幕雨脚飛來亂插銀風月對吾客一老松梅與爾共
三人病翁翻作醒醒者高挂陶公漉酒巾

酬莫一介

乾坤何處著閒身六逸溪邊隔世塵清絕最宜添水
石豪奢何事貯金銀竹林我是嵇中散碁局誰當是
上人報道有人來我塢認君頭戴華陽巾

酬馮雪湖

壺公竹杖久隨身回首風雲絕溘塵落日梢頭霞散

綺流泉竿尾雨飛銀龍孫舊種能超族鳳鳥新巢不
避人昨日柴門相送處竹林餘潤溼衣巾

麟蹄石

自是麒麟出不常此蹄橫臥對茅堂磔柯朽骨來騏
驎燦爛文毛異大羊道在哲人尊孔子詩歌公子啓
周王當今聖化如堯舜四野俱爲牧放場

鳳翼岩

岩如鳳翼拍蒼旻蘊采含輝見未眞自是來儀當盛
世於今覽德是何人陽光忽破丹山日淑氣平分綠
野春百獸虞廷皆蹈舞汝何寥寂伴閒身

倪小野先生全集

七言律詩下

三五

平峰

飛來峰是此峰頂不見飛還峰頂平日月度時如轉
轂乾坤清處似懸衡青蓮花透仙人掌鳥鵲橋橫織
女行萬丈紫蘿飛有與天風吹上倚雲生

木香岩

石骨朽爛如木香如岩之立霄漢昂秋雨淋漓甘菊
水春風飄拂倚蘭堂漢武睽目終歎息少陵病肺宜
徜徉幸哉委棄寄林薄國醫不領花石綱

海棠用舊韻答秋江公

瓊條鐵幹老虬根花吐嫣紅壓綠園多愛劉君空有

恨好吟杜子獨無言倒涵清影蒼苔地半掩幽
竹門宿雨乍乾迎曙色最憐妃子睡醒魂

牡丹用雪湖韻

枝枝濃豔弄春妍標格分明女謫仙風力乍微香
冉冉露華欲淨色娟娟玉樓春入清歌裏金縷衣翻妙
舞邊綠筆錦箋疎麗句閒來漫興了詩緣

寄樂閒

養壽仙方是樂閒樂閒老子壽如山坐看草色同生
意笑對花枝映醉顏雙屐白雲時縱步半扉紅日晝
開闌年年家慶小春月歡動萊衣繞膝斑

倪小野先生全集

七言律詩下

三六

次東谿公韻題白芙蓉

涼風枝葉吐新裁何事今朝冒雪開點染色從秋氣
變清虛影逐夜光來半天浴罷金莖露此日分成玉
女胎香香淩波微步去羽衣爲爾拂塵埃

次東溪公韻題秋海棠

桃杏芳時壓絳州西風小草豔新秋梅花著色驚何
遜燕粉消肌瘦莫愁開落似人眞不偶陰晴爲汝亦
牽憂承恩分得芙蓉露縱有清霜挺不柔

二

藥嬌花嫩避炎州故作嫣紅弄素秋且學啼鵲含舊

淚忽聞鳴鵲報新愁園林重醒三春夢雨露長懷寸
草憂造物有心揚側陋一時風韻寄纖柔

竹塢酬木山

竹下清陰足覆身久辭飛蓋結浮塵簾飄香粉沾衣
葛枝落空肯撲髮銀淇澳詩翁猶未老山陰太守是
何人急來山雨忙歸去偶作林宗折角巾

寄題沈文韜嘉圖

聞君嘉圖清江上移置崑瀛在眼中琬琰舊藏書萬
卷珊瑚新長葉千重沙鷗野鹿情俱狎銀闕瑤臺夢
已通我欲乘槎問牛斗長依天漢待秋風

倪小野先生全集

七言律詩下

三七

惠皋爲徐惠民題

惠花江上是君家時向江頭採蕙花茶籠細烟歸遠
浦蘭橈輕浪弄朝霞日食更覺容顏好新贈無綸道
路賒歲歲年年江海思春風又到白鷗沙

白樓爲施德誠題

解綬歸來臥白樓素心一片晚相投輕花疎葉疑無
影明月清風淡若秋地迴自知塵跡遠春濃長見玉
光浮相過覺我形骸穢羨爾娟娟映雪丘

牛乳

惠我青牛乳一瓢曾經玉女手親調煎霜煮雪翻溫

輿揭菜採花轉嫩嬌點點落梅浮蟻聲紛紛細藕酥
鷺刀素廚此日眞清勝平胃和衷度永宵

三題桐湖遠墅

中外勤勞四十年桐湖歸逸卽神仙坐來隨意流觴
處題罷無端漫筆篇午夢穩時啼鳥避秋霖過後嬾
雲便賸茶却笑東山墅一片機心未易捐

牡丹

豈惟富貴冠羣妍渾脫枝枝幻若仙影密堪藏金翳
翠魂清合對玉嬋娟春風點染榮華裏此日遭逢笑
語邊莫怪芙蓉遠相避寒暄結好各天緣

倪小野先生全集

七言律詩下

三八

謝邵天行送芍藥

琉璃爲葉玉爲芽分得名園種最佳移法正宜初伏
後開時定卜次年花幾迴悵望投吾興從此春芳永
歲華沁潔障炎珍重意江流咫尺竹籬斜

過韋德容

記得昔年題竹處江林碁局尚依稀破窗夜雨雷黃
卷殘菊秋暉望白衣歲月悠悠相對晚風雲淡淡共
忘機園林轉眼梅花雪且掃滄江舊釣磯

寄復管秋江

詩筒遙自蜀中來幾度徘徊艷潏堆喜信預占庭鵲

報笑顏應對野花開江湖落日稀鴻鴈門巷春風易
草萊幽事頻煩相識問碧雲天際獨登臺

贈謝石崖鹿窓

九江越命啓旌麾數道承迎羽檄飛鄉國經過聊問
訊星辰還轉有光輝位當河嶽扶龍御威領風霜振
牙衣此日功名真不偶東山聲望素崔巍

寄沈竹月

幾度相過醉復醒年來魚鴈隔滄溟沙鷗清伴烟霞
夢玉女新傳道德經頻憶西堂清夜雨長瞻南極老
人星聞君白首猶強健欲向徂徠種茯苓

倪小野先生全集

七言律詩下

三九

壽胡翁

六月山中涼似秋苦提樹長動颼颼經傳道德天邊
鶴夢破滄浪海上鷗白石爛時人未老紫芝歌罷意
何求琅玕餌得雙雌鳳欲作雲霄萬里遊

贈邵德成食憲雲南二首

會倚春霄見羽翰飛騰轉眼又鵬搏遙宣帝德殊方
重盛領霜威六月寒共保全晚退服外更瞻玉節塞
雲端岳岳兼有善邊寄談笑論兵是謝安

二

腰橫金斧繡衣明一道霜風眼底生地越堯封承重

寄官承漢使著威名遙分星宿天南朗試卜波濤海
外清紫極雲高回首處江湖夢寐重關情

寄挽顧給事舟卿

太陽西墮水東奔有賦難招未逝魂坐惜涼颼凋玉
樹夢回細雨斷金門秋清堂上琴聲死夜靜天邊劍
氣存聞有鳳雛生羽翼碧梧萊竹映崑崙

寄贈顧僉憲

霜威一道淨炎塵南顧須煩侍從臣控制百蠻兼贊
畫遊觀五嶺賴諮詢羅浮清氣人如玉蕙苾秋風葉
有珍翻憶長安談笑地幾回傾倒是經綸

倪小野先生全集

七言律詩下

四十

寄壽太倉顧封君

十年前憶守滄州處士星明河漢秋未送清風陶令
酒已聞高義范家舟乾坤恩澤來青鎖山水光輝映
白頭晚歲游優多道氣一家煙火亦丹丘

壽徐封君廷訓

徐穉宅邊江水流福源滾滾接瀛州鳳凰兒舞萱花
晝雨露恩深桂子秋善養名高兼祿養身謀德遠卽
孫謀翻思抱硯同門日老鬢相看是舊遊

贈陳南清

長憶南清軒裏人蒼髯詩案款予頻畫欄芍藥先春

動粉筆芭蕉帶雪眞人美正如青玉案地閒偏紫
綸巾少年蚤得龍蛇思呼吸風雲足養神

東湖

小隱東湖東復東杏花春雪藕花風青山雲盡漁歌
起白日波寒世慮空情性自由醒醉裏畫圖不定滅
明中尊羹千里難消得日日詩篇自課功

建蘭

我愛蘭花當暑開異香陣陣淨炎埃因風宛轉通書
室爲我殷勤入酒杯懿德有緣成好合至音無曲轉
徘徊遠求來自福州道未謝春山葭草萊

倪小野先生全集

七言律詩下

四一

送陳子辛之宿州

眼底棋枰下著難於今當局豈傍觀平生才器當盤
錯一面承宣託肺肝春日咏歌沂水舊蒼生夢寐郡
齋寒黃堂牧政趨庭訓消息須傳萬

南坡

丈人之宅南是坡崆峒飛下勢陂陀茵苔初分雲外
采婆娑不老月中柯蒼龍化爲桃竹杖黃犢歸來耕
菜簞生逢堯舜理天下一曲商山白石歌

竹石盆

竹尺強今石一拳瀟湘拂破九疑寒連蒼未辨啼猿

樹掃碧如瞻舞鳳天清影依依橫水鏡太音杳杳度
冰絃休論萬里看圖畫遠勢尤工曠蕩邊

贈謝汝湖學士

一疏陳情送板輿錦旌行傳返鄉閭園林佳麗承歡
處雨露汪洋錫福餘壽幀青翻王母鳥舞衣紅映紫
金魚天皇眷注心何切鳳閣龍樓講席虛

次秋江韻奉答

幽質奇姿出四明神仙移自赤霞城偶同躑躅呼相
快縱有胭脂染不成綵筆謝公歌玉樹絳袍笑我護
瓊英一春欄畔多題品未許棠花獨擅名

倪小野先生全集

七言律詩下

四二

復王仲行春卿

粉署公餘試筆時一緘遙寄慰相知謫仙自有清平
調宣聖曾收愷悌詩野老舊諳臺閣體虞廷重見鳳
凰儀年來農圃多生意兼謝天邊雨露司

次莫一介韻

先生何事不出門東西南北路途昏百年過半復何
慮七子羅前宜獨尊桃竹杖齊泥滑滑木棉袍厚日
溫溫青山長挂龍泉影遙向扶桑弄曙暉

答秋江咏雪次舊韻

冒雪登山興已闌曉來老眼轉瀾漫陽和不洩先春

氣風力兼凝晚歲寒鵬鶚興高迷遠勢蛟龍意靜護
重蟠才誇柳絮終兒女始識騷壇禁體難

二

篆香烟盡夜初闌門外誰知雪渺漫光透紙窗先送
曙夢回綬被欲生寒菖蒲葉動穿珠顆薜荔根團作
玉蟠坐啓詩筒更清絕郢歌一曲和時難

三

入冬雪興未應闌一望紛紛白渺漫細灑竹梢清得
韻旋封梅蘂密生寒簷牙絲引垂珠挂堦面苔生點
繡蟠老眼展書猶可讀不知清苦獨禁難

倪小野先生全集

七言律詩下

四三

次韻送解相士

乾坤寄汝百年身特與塵寰點破春君相極功惟造
命聖賢難事在知人丹青有象傳神妙牝牡無幾認
骨真曰壽曰榮非倖致且尋途路去求仁

二

相衍淵源起聖賢龍厓河上得真傳姦貪空負眼如
電猜忌寧知面似田盧杞鬼形終有貴張良女貌孰
能先須知書外傳心訣一理推來總是天

三

滾滾塵埃變化身求形不若求其神驥圖莫拔風雲

象魚服曾觀沙浪濱砥礪祇于三日別遭逢亦有四
時春眼前仙氣聊相問誰是秋江勇退人

賀南阜翁得少子

老龍引子下青雲頭角還看蚤出羣佳氣鬱葱盈良
位歲星滅沒應乾文小兒逐采堪娛老賢叔過玄漫
對君病我更留皮骨在他年相過喜書裙

挽梅谷翁

我憶高人梅谷翁尚餘花蘂領春風丰姿獨擅江山
勝滋味今收鼎鼐功別調誰傳江水遠清香欲散月
明空一團和氣冰霜裏仔細傳神付畫工

倪小野先生全集

七言律詩下

四四

大雪湖公韻

臘冬大雪春初雨小野園林別有天開徑見山濃與
淡引潮入浦去還旋生涯盡入孤吟裏動業翻疑一
夢前試問蓬萊何處是青松白石紫霞邊

桂燈

一燈高挂桂枝頭皓魄分明住不流的燦金花如白
晝依稀玉樹近清秋天邊夜半房櫳靜海上春生島
嶼浮一曲霓裳歌未罷重疑身在鏡中遊

東望

東望望春春已奢眼前無物不年華海棠粉細日烘

薄楊柳條齊風捲斜感動鬼神絲竹隊留連光景雨
雲車玉河芳草羅衣色極目天涯道路賒

次尚意公韻

位傾星辰第一班風飄翰墨落人閒吹噓花竹精神
別塗抹雲霞意態閒江水源來天共遠石臺塵杳地
難攀芳仙元乘回天筆有脚陽春去復還

二

偶名我洞曰天然聊借逍遙養歲年自愧力微回白
日始知見小望青天棘邊蜘蛛網猶橫挂花底蜂衙尚
倒懸消息與時聊一遣金烏玉兔自回旋

倪小野先生全集

七言律詩下

四五

秋懷次秋江用張龍泉韻八首

秋風飄忽到庭除草際清霜小院虛張翰歸來鱸上
後蘇卿畱滯雁來初青深薜荔堪紉服翠減芭蕉可
學書近接平安飛騎報懷人正在夢醒餘

二

碧石嵯峨小洞深南移日影桂花陰象回霄漢星躔
改涼入樓臺雨氣侵北海樽空因病廢東山展阻謝
幽尋西風吹拂應無極猶有平生放鶴心

三

文君忽作白頭吟唯有相如會我心徇監曾傳新作

賦鳳篇猶按舊彈琴夢迴野水浮雲度思入西風梧
木林細雨捲簾青嶂合對杆袖手話初深

四

爲雨爲雲未可知巫山意態轉疑遲望窮閭闔天無
盡步入崆峒路有涯漢武仙青鳥日宋家郡國紫
芝時棋枰詩卷清狂客十載無書達鳳墀

五

耿耿台星起上公鹽梅舟楫夢魂通請求不識葡萄
紫譚讀長思菡萏紅天運循環今有待帝心眷注正
無窮野亭有老占消息自愧西風兩鬢蓬

倪小野先生全集

七言律詩下

四六

六

秋日獨登江上城村墟霽靄淡烟生雲邊紅葉新如
染天際青峰舊得名霜氣正濃凋瘵和灘聲轉急起
鷓鴣錦囊楓落吳江句坐對滄浪自品評

七

黃金臺上昔曾遊萬里風烟接素秋邂逅逢真緣不
偶登臨作賦興無由翰林學士眼橫電鎮國將軍髯
捲虬袍笏依依趨走地五雲瞻望是西州

八

秋山相對只高眠滾滾山輝到枕邊翠重斜拖殘雨

庖紅翻倒映落霞天屏開小景橫湖石絃試幽吟咽
欄泉檢點念頭無別事近來學佛靜中便

慕椿娛萱

椿在庭兮萱在堂椿兮萱皇皇一憂一喜因無
盡此理此情何可忘泣對畫圖唯色養舞迴綵袖獨
心傷幽冥白日心懸處願保三春寸草長

東原精舍

蟠龍塘裏臥龍岡幾樹梧桐鬱以蒼歲月不知論晉
魏性情聊以學羲皇九峰宛轉春開畫一水迢遙夜
聽柳乘興欲尋安道宅剡溪雪月路微茫

倪小野先生全集

七言律詩下

四七

東望次韻答邵白竹公

東望望春春最微田園生理正依稀百年世上如潮
暮萬事人前半是非傍險且憑桃竹杖耐寒未脫木
棉衣先生相過尋幽興紅朱人時青未歸

二

東望望春春意濃西臯獨上破蒙茸山光水色天無
際杏碧桃紅雲萬重無意依微清晝夢有綠博換少
年容逢君不作尋常語直氣棱棱對面峰

書魏淺齋扇謝諸公

接地陰雲雨脚疎圍東喧嘩大夫車紅深色奪籠花

煙粉細香飄倚竹廚半日榮光輝草木百年佳話難
樵漁兒童指點楊梅朵重會無忘五月初

次韻答秋江公

多謝諸公容我陳江城細雨一停車踏花穿柳來朝
報燒笋烹葵出野廚回首長安真似奕尋盟滄海不
知漁野翁坐識時光轉白苧衣成入夏初

次尚意公韻奉答

萬花推是狀元紅移自崑崙下玉峰魂斷風前春有
恨神遊月下夜無踪欲憑好手傳毫素却共醄醄闌
酒紅記得君王新賜錦綵霞曉出大明宮

倪小野先生全集

七言律詩下

四八

次韻答術山公

橙橘爲屏竹補疎小亭奉候洛陽車鶯花舊節畱春
酒雞黍佳期具午廚樹下菜畦成野圃宅邊柳岸似
村漁知君屢過扶多病且耐西風菊初

池閣次韻答術山公

野光面面送清虛城裏山林似索居花竹十年成勝
地雨風一夜是通渠坐看汗漫迷塵夢入滄浪抱
素書江浦雷聲喧未寂傍人指點化龍魚

池閣次韻答秋江公

滿目蒼雲竹影虛清陰池閣隱人居芳洲地接蓬萊

水夏日香生菡萏渠漢楚未分觀我奕義皇以上讀
何書年來嬾踏風塵路且傍闌干學釣漁

池閣次韻答陽明公

昨宵池月賓榻虛高賢在邇歎離居舉杯已慙孔北
海對奕空憶王南渠蟻行梨上亦成句鶯浴波心翻
怡書拙作酬君方走動嘉音報我復烹魚

池閣次韻答東溪公

萬竹青園金谷虛小開池閣仙居秋來春去不知
老雲影天光漫問渠花墅閒耽安石奕草亭燠著子
雲書歸來正值尊香候雨細風微欲上魚

倪小野先生全集

七言律詩下

四九

池閣次韻答雪湖公

池閣嵯峨凌碧虛月明疑是水仙居攜筐錯認青泥
礪抱硯翻思白石渠丘壑不忘吾道意滄浪久絕是
天書野音一曲聊消遣恐負波心出聽魚

池閣次韻答汝湖公

白雲飛去坐來虛唯有南山伴靜居草際微風搖細
浪竹梢片月墮深渠蓮花影裏新開像藜火明中舊
校書自覺衰年存道氣逢人猶及辨熊魚

池閣次韻答心漁公

舞絮飛花點綴虛飄飄身住水雲居桂坡竹塢翻成

望野水江湖引入渠柱笏有時裁秀句下帷無復理
殘書官袍尚憶臨流寵把看金銜舊賜魚

過禪房獨步峰次孫季泉韻

登山何處弔秋魂猿鶴蕭條故壑存細草幽花迷客
路斷霞殘日照禪關長聽噴玉泉聲舊未探遺珠海
氣昏陵谷變遷猶未定復將詩句託空論

雨中次東餘韻答秋江

整雨清寒起劫灰復疑鴈蕩急傾顏江河若決隨天
轉雷電無憑特地催已見凶年形郡國敢言涼氣滿
樓臺君王南顧應長慮宣化如何空自猜

倪小野先生全集

七言律詩下

五十

二

連日鷓鴣呼不晴縱如黃鵠阻雲程江山不辨蒼茫
色天地重翻開闢聲悶裏冰霜增白髮夢中霖雨負
蒼生寒棠曳屐頻相過自是平生故舊情

三

雨閤重重鬱未開詩筒疊疊雨中來農家辛苦先憂
餒使事便宜貴救災筆勢特奇雲作態陣圖不轉石
成堆弄舟戲釣街衢畔五十年前心尚孩

四

淋雨經旬生夏寒橫騰江漲失高灘乘槎直可犯星

斗跋扈應須罷釣竿近聽鐘鼓聲猶澀試展琴書潤
不乾西北雲天長注目劍峰何日露青攢

答汝湖公

百歲萱堂日日娛雲車雪舫錦屏蘇兩行珠翠供甘
旨百里湖山展畫圖懷橋至情如舊日獻桃嘉會是
清都經緯綸閣從容地移孝為忠信不誣

寄復周定齋

昔日曾親蘭桂芬別來杳杳不相聞閒中吟咏同孤
月病裏形容隔片雲天地正開龍虎會湖山且謝雀
僚羣野亭茶局還多暇獨玩先生手著文

倪小野先生全集

七言律詩下

五一

次韻酬木山公

謝君訪我六月中却怪野池蓮未紅消息盈虛過眼
變出處語默論心同清光滿座月臨戶高調凌雲鴻
度空眼底炎塵何處避且留坐我竹林風

寄海門宋白門次韻

山林道氣老來優寄我雙魚付水流詩句蕭疎推隱
逸刺文漫減傲公侯神交不斷江湖夢農事還同水
旱憂縱使相逢亦無語好於三昧覓丹丘

謝尚意韓公

一絨乃屈丈人尊賤子承之難具論敢託交遊忘齒

德復蒙早晚間寒溫扇搖蕉葉枯藤几酒浸蓮花
瓦盆但得先生時一過竹陰樹影蔭衡門

次韻答白樓施公

別號白樓名不虛神仙自是好樓居樹頭書屋透窺
海山脚江流近作渠照席花枝新得句繞階草帶舊
翻書知君意緒多蕭瑟詩禮庭前憶伯魚

寄江陰劉寂齋光祿

翠竹黃花擁碧岑堂開畫錦大江陰蓬萊崔報神仙
近聞園囿封春注深霄漢羽儀鄉國望江湖寤寐古
人心長思沙上挂香酒四十年前舊知音

倪小野先生全集

七言律詩下

五二

寄壽江南吳東泉

桃花隱隱與天齊紫霧紅霞映日明玉壘金城山水
秀錦袍寶帶弟兄榮尋方新得蠶書古鍊氣元同鶴
骨清瞻望四明應不遠半生空抱慕仙情

壽項有常母王孺人

春臺燭影散金蓮阿母生辰滿百年賜帛恩頒朝野
慶舞遊催動子孫賢閨門高大陰功著堂宇輝華舊
頌傳莫因偷桃今幾度小兒曾上圓風巔

次韻慰良軒張公

滿堂金玉正成行忽憶遼陽欲斷腸隨地榮光輝草

木百年高義濯冰霜塞雲關月情無極春燕秋鴻意
自忙天際高臺獨登處矧看恩詔下巖廊

岳武穆二首次良軒韻

報國精忠血刺文見共識岳家軍英雄國士無雙
比恢復神謀已十分邊邑長瞻燕地月戰圖猶結夜
堂雲馬前早墮書生計終笑難成大將勳

二

冷泉風慘此何時夫婦終成盟誓私燕客已為齊國
相楚人并召伍家兒蠟丸隱隱番書遠旌幟蕭蕭岳
字非一自將軍主征伐宋亡和議至今嘆

倪小野先生全集

七言律詩下

五三

贈徐良瑀四首

木落天高秋氣清與君話舊月微明湖山詩卷逢三
月風雨棋枰過二更冉冉流光催督老悠悠往事覺
心驚年來希跡塵埃路猶憶長江天際橫

二

昔年愛爾最高情每向青山試幾枰有竹有花僧舍
靜一觴一豆客廚清或時畱宿和雲嬾却欲尋歸傍
月明眼底西湖踪跡遠相逢一笑若平生

三

昔日同登玄墓峰七十二朵青芙蓉把手襟期何磊

落回頭踪跡太疎慵呼鷹久謝風雲騎放鶴長閑天
地籠記得湖頭清絕景梅花如雪點青松

四

大慈庵裏把君卮酒肉如山又一時堂上獨登獅子
座階前齊立虎頭兒紅塵隔市多栽竹素饌行廚雜
出葵十五年來歸隱地無邊佳景寄相思

見戴尹美先生挽卷

昔年同上晉陵舟江草江花足勝遊杏苑預期春卷
富楓橋對語夜窻幽名傳流寓他鄉祀道在歸休欲
老謀回首龍坡清夢杳墳丘今已蔽松楸

倪小野先生全集

七言律詩下

五四

送管秋江先生四首

消息飛騰到故人從來天馬老精神馮唐終遇憐才
主蔣琬今當展足辰梅萼向人春欲動棠陰滿地政
初新小園別意多惆悵草色波光野水濱

二

眼前別駕動春風萬里長驅路正通去住幾迴虛酒
壺唱酬從此託詩筒高明人物還多暇忠信平生不
負公花竹野亭今轉秀待君歸老賞心同

三

君是高人未倦遊春風匹馬往萊州笙竽遺韻聞韶

意樽俎雄談定伯謀
禹蹟茫茫尋碣石
周封蕩蕩訪營丘
郡齋燈火歌吟罷
倚枕深思獨未休

四

春風別駕正馳驅
小野亭前詩興孤
花鳥深愁俱曠蕩
江山佳景半模糊
欲懸徐榻須風月
縱命王舟阻路途
君是神仙吾伴侶
蓬萊閣上即仙都

毘陵太平寺逢切長嘯

老景春光日日濃
布袍芒屨任疎慵
棋無敵手韓擒虎
交有知心陸士龍
久住市門真隱逸
相逢竹院大從容
新詩贈爾無他語
嘯倚中庭十丈松

倪小野先生全集

七言律詩下

五五

中秋二首

露溼衣裳夜已深
請君今且罷清吟
千門星月人無語
四檻簾櫳樹有陰
歸去不知論五馬
笑歌何處覓千金
香風陣陣笙簫遠
靜坐沉沉諧素心

二

今宵月色正分明
烟霧潛消樹影平
萬里山川終古意
九霄風露半秋聲
浮雲流水心無住
好景良辰睡不成
忽憶故人魚鴈杳
對牀並轡舊時情

寄秋江先生

蓬萊殿閣五雲輝
獨立西臯望正微
曾見旅懷詩不

惡却嫌家信寄來稀
園花四序長開落
世論千翻半是非
病骨入秋應不死
野亭猿鶴待君歸

贈鄒上舍得子

耿耿文星是樸山
精靈下降照人寰
支流正行黃門後
頭角初分紫氣間
遠到功名占抱印
近聞聰慧勝探環
龍孫自是淇園種
節節逾高不可攀

印岩爲奉化王郡武鈐子宣題

印岩之印倚青天
抱弄祥占記幼年
鳳詔到家先有象
虎符領郡共推賢
思封長護烟嵐氣
化柄新分雨露邊
左綰繁纒如斗大
山輝搖動錦堂前

倪小野先生全集

七言律詩下

五六

五馬南巡爲前人題

使君五馬是游龍
南國江山步驟中
日色遙輝雲錦隊
天恩特賜玉花聰
九霄還轉星辰位
萬里分司雨露功
風送駿蹄如歷塊
前程指日是崆峒

贈雲南吳司訓文卿

多士文章拔擢先
儒官暫寄舊青氍
歲資已脫尋常裏
才望今歸眷注前
萬里功名騰宦路
一經旨趣演家傳
滇池分自姚江派
兩地栽培並秀妍

雙壽爲徐拱北題

獨羨徐家夫與妻
碧梧鸞鳳相並栖
攜手同行問晨

事笑顏對坐試孫啼已見桃花紅幾度舊栽槐樹綠
初齊舞開拱北堂前月指點雙星天漢低

半村

清風明月滿乾坤管領何人是半村山郭衣冠過竹
塢隔江耕釣對蓬門莫論安石開基局縱有王弘謝
酒樽萬事艱難惟稼穡并將方寸付兒孫

謝惠蘭

謝君惠我福州蘭秀色盈盈若可餐幽意相投怯俗
事喧風初轉脫春寒楚辭藻麗吾能賦孔操高深且
不彈更受散香當暑月炎塵應不到花欄

倪小野先生全集

七言律詩下

五七

正德三年戊辰題於草庭

閒說君家粉牡丹牡丹花發壓雕欄南江乘興夜來
賞東道開筵月共看獨感年華開落裏半迷春色醉
醒閒草庭是我題詩處五色雲霞綵筆端

過韋德容宅有題

玉樹森森淩碧虛山茶黃■各扶疎故家喬木千年
後破屋奇書萬卷餘細草菲菲畱舞蝶落花片片引
遊魚黃雞白酒春園裏新出廚中葵笋茁

林屋洞壽蘇州袁進士父懷雪

林屋洞天清且虛東瀛西園路途迷玲瓏日月臨雙

關蕭颯風濤護四隅梅花影裏新詩句苔蘚陰中古
篆書丈人忽解長生訣一笑回來春滿廬

謝聞雪莊月夜送菊

醉楊妃自月中來滿地花光照碧苔人世相逢含笑
面仙娥重作■魂胎合歸金屋疑非處欲報瓊辭愧
未才霖雨蒼生回首日細心愛理手親栽

賞白牡丹菊

我愛秋風白牡丹菊花名品壓花欄出塵標格仙臺
迴帶露丰姿月宇寒佳處翻憐消渴易淡中更覺品
題難一株不惜投吾興珍重如同雙玉盤

倪小野先生全集

七言律詩下

五八

謝惠白牡丹菊

白牡丹花菊裏英謝君相贈更多情玉堂學士投心
素金谷明珠論價輕郢雪歌殘風韻別吳綾帳冷夜
魂清自慚多病空樽學秋水池邊坐月明

謝寧波高太守潺亭過訪

門巷傳呼五馬來野翁忙自掃蒼苔碧空日暮雲還
合玉樹春深花自開餘潤沾濡千里足垂光飛動九
霄迴重逢未卜論文地長倚吟風弄月臺

寄張龍泉給事

瑣郎出佐京畿縣自是聖明垂意深直諫尚存三寸

舌清時不負百年心歲寒嘉樹含奇秀日午輕雲弄
薄陰分得玉堂藜杖火夜長坐對洞庭岑

寄蘇州王吏部濟美

西風一別記燕都忽爾基邊歲月徂湖海交遊懷二
阮雨風夢寐到三吳依稀玉樹蓬萊隔迢遞青天驚
鷺孤老計田園農與圃江南霖雨望來蘇

壽木齋老先生

八十高年位望尊玉堂清切卽崑崙掌中綸綍三朝
宰膝下斑斕五代孫功業文章昭盛德山林臺閣領
殊恩風光不盡長春域舊日栽培桃李門

倪小野先生全集

七言律詩下

五九

贈徐三溪進士會試

冬日晴和鴻鴈飛花魁枝上露春機蒼生霖雨君王
夢碧海鯨鯢文字輝今日遭逢真不偶此行志願諒
無違白頭餘興歌堯舜駟馬橋邊候錦衣

寄昆陵錢別駕朝用

古云一飯不能忘況是雷連館穀長基局對君頻剪
燭詩囊到處復攜觴音書紗紗稀鴻鴈舞席重重列
鳳凰風雨一番湖海夢脫冠歌笑故人傍

贈管秋江

老來吾道託知音翻愧當年知未深笑對一杯惟信

手細吟八句可論心浮雲流水悠悠思翠竹黃花淡
淡陰聲跡相忘言語外陶潛元愛不絃琴

次韻二首

道源曾祝峽川濤此會論文意轉高聊向宦途觀世
變喜居天府縱詩豪麒麟不必論頭角翡翠應知羨
羽毛筠桂園林新料理他年鄉社待嬉遨

二

長向秋江弄素濤芙蓉秀句骨偏高無邊詩景歸閒
散自古參僚隱俊豪歲月爲君留老鬢勳名從此等
秋毫宦途供給聊相借慰爾平生萬里遨

倪小野先生全集

七言律詩下

六十

贈徐良瑀

東風一棹來孺子碧草庭除春欲深磊落棋枰今袖
手沉吟詩句獨怡心閒論舊事酬佳節笑指飛花踏
遠林莫惜雷連盡餘賞牀頭猶有陸生金

次韻答南阜公二首

喧傳門巷到佳賓却愧蔬盤入饌頻茅屋寵光雷盛
事竹林清話勝前人清風小榻堪爲主明月餘杯可
借隣典比庾公應不淺脫冠歌笑任吾真

二

荏苒時光逐鴈賓相逢莫厭酒杯頻意中流水唯知

已眼底青山欲近人詩卷棋枰閒歲月花陰竹影舊
比隣片時笑語琴心破指點浮雲是悟真

贈楊時通刺史

兵民兼寄邊城郡文武之才君所長錯節盤根投利
器輕裘緩帶整戎行山川自古稱三國霖雨於君阻
一方喜有相知胡按察吹噓羽翼轉高翔

寄汪惟節

洞府深深養性靈桃花隱隱亂山青斗邊長識金銀
氣天上新傳道德經落日斜懸黃犢角西風微拂白
鷗翎須知大隱無喧寂叢桂疎篁小野亭

倪小野先生全集

七言律詩下

六一

挽謝方伯石崖

梁木催兮傷我心八哀誰繼少陵吟帝鄉宦海空鳬
影棋墅詩壇鎖樹陰一代功名惟片石三方恩澤尚
殘霖仙遊縹緲崆峒遠謝眺風雲不可尋

送張懋學往遼東并寄懋登黃門

萬里春風吹錦衣陽春草色正芳菲池塘雨後同心
夢鴻鴈天邊接翼飛閒散幾年俱德業聖明無地不
光輝故鄉華第荆花紫爛熳開時憶共歸

倪小野先生全集卷之八目錄

五言絕句

天地之道

問道

堯舜之道

白菜

文武之道

芥菜

君子之道

落梅

聖人之道

爲顧新山題畫用思道韻二首

武世誠亭子偶書二首

吳山三絕

用韻題拜石圖

倪小野先生全集

卷八目錄

一

題畫用思道韻

題畫二首

爲甯侍御宗堯題小像四絕

爲謝侍御伯升題

圯橋

題戲蟾圖

次韻代人寄內

西樓

墨菊

蟹

白頭翁

鴛鴦

濯足

小野亭

西阜

芙蓉浦

薔薇籬

芋田

橘屏

芭蕉徑

倪小野先生全集

卷八目錄

二

梅崗

桃林

菜畦

菊墩

杏坡

蘭盆

金線草階

蓮花閣

海棠庭

韭畹

芍藥圃

牡丹臺

竹塢

桂花洞

菖蒲石

楊柳隄

梨花牖

又桂坡

鴈鴒

江景圖

倪小野先生全集

卷八目錄

三

觀泉圖

紅梅

擬瓊林宴

七言絕句

用韻咏小仙四首

視水災畱題淮雲寺

題畫四絕

贈僧

泛陳湖遠望秋林可愛賦一絕

題杏林春燕圖贈劉舉人

用韻咏梅五首

贈張揮使公榮

墨梅

綠梅

過諸鐵梅醉中信筆

戲簡段戶曹夢潔

釣魚圖

飢歌十首

送人

題畫

倪小野先生全集

卷八目錄

四

葡萄

天澤味僧號

又題葡萄

題扇圖

山亭漫書贈客

秋日吳山偶興

南屏

和方崑山贈賢郎韻

崑山道中用韻答方拙牧

戲奉二陸先生

題畫二絕

題扇意

題杏花圖

菊花三絕

過民太宿處二絕

催菊

西湖四絕

西清書院二絕

贈龍生

秋山

倪小野先生全集

卷八目錄

五

題雜圖二絕

南坡挽曲四章

挽諸後軒三絕

咏菊次韻贈鄭東維七首

竹島

西瓜

李白捉月圖

浴鵝圖

蔡石崗差騎兵遠送詩以謝之

釣鰲圖

安山道中四絕

清河阻風四絕

深母祠二絕

偶書

水亭

書楊時章壁

冬日

題扇圖竹二絕

鶯粟花

雞雞

倪小野先生全集

卷八目錄

六

玉簪花

螃蟹

貓

桂

芭蕉

閒吟

東園

漁浦

東方朔偷桃圖

騎驢翁圖

江上圖

風雨歸舟圖

蘭圖

賀汝湖公新橋

挽鄒草陵喪偶三絕

大木山公韻贈琴士劉愛山五絕

夏日

題吳彩鸞

贈管秋江

與徐良瑀憶玄墓三絕

倪小野先生全集

卷八目錄

七

觀戲

偶書

夜雨和方棠陵

和方棠陵

五言排律

石齋二十韻爲楊閣老題

送蕭子維提學南畿

幽論處贈方思道

贈大尹江公受獎勵

贈太守洪西淙考績

送別駕洪藻塘

挽謝文正公

龍峰書屋

悼吳都憲

楊方伯挽歌三十韻

送錢少府擢四川僉憲

姑蘇訪張揮使畱飲遇雨有述

爲鄧少府題班師圖

悼楊時章妻

瑞香花

倪小野先生全集

卷八目錄

八

壽尚意公

次二檀先生韻奉答

分得折獄無冤贈顧淮東大尹

贈顧淮東擢予科場

贈楚大尹

賀張巡按父母榮壽

七言排律

送江西臬欽取

送顧懷東先生十二韻

詩餘

送劉蓮幕監運南都詞右詞

偶過訥齋園中製詞三闋右詞

聯句

白茅港舟中與方棠陵聯句八首

觀海與方棠陵聯句

自海歸與方棠陵聯句八首

歸至雙鳳鎮將別不忍棠陵因取道謁舟中

新洋江

姑蘇臺

金山寺

倪小野先生全集

卷八目錄

九

楊柳青

五鳳樓

施聘之寓書樓清卷與方棠陵聯句

夜訪錢元抑畱酌與方棠陵聯句

駟馬橋篇送管方伯汝珍與方棠陵聯句

與方棠陵宴姜吏部夢濱之蒼碧堂用韻聯句

酌方棠陵姜夢濱於海寧寺用韻聯句二首

雲岩與姜夢濱方棠陵聯句贈張千戶廷鎮

廖揮使席上聯句五首

虎丘小酌

遊虎丘將歸適謝憲副至酌千頃雲閣聯句

寄壽泉山林老先生與方棠陵聯句

別集附共二十則

清暉樓詩附

謝遷木齋

王守仁陽明

馮蘭雪湖

續清暉樓詩并附

朱衣客若邪

魏尚策方公

倪小野先生全集

卷八目錄

十

倪小野先生全集

七世孫 繼宗 編次

五言絕句

問道

白雲思自閒流水聲不滯萬象空山中亦解問道意

白菜

倚棚白玉肥入甕黃金脆平生咬菜儂知爾園蔬最

芥菜

冰霜滋厚辛雨露含餘潤嘉筵一箸春欲殿肥甘陣

落梅

倪小野先生全集

五言絕句

一

纔見梅花開又見梅花落東風消玉魂惆悵倚東閣

為顧新山題畫用思道韻二首

久住水東溪欲往水西去一夜春草生溪路無尋處

二

久謝市朝踪塵喧已隔耳驚我山中夢秋風落松子

武世誠亭子偶書

日照萬石峰峰下有芳樹彩筆橫春虹記我題詩處

二

江城雨意微忽聽鳩鳴樹濃綠滿園林春光在何處

吳山三絕

我有登山興山人一笑迎題詩過日午山下白雲生

二

再到吳山上書燈記昔年江楓兼木石依舊染風烟

三

陣陣黃梅雨微微白芋風自知詩骨健吟對萬山峰

用韻題拜石圖

上覆芳樹葉下蟠芳樹根中庭獨拜者感激古意存

題畫用思道韻

葉密風亦細砌高水自春琴心忽相會秋意在梧桐

題畫二首

倪小野先生全集

五言絕句

二

大雪埋羣嶂白雲無處樓欲訪翠微寺前溪路亦迷

二

悵望秋江心獨倚柴門樹白石點蒼波幽鳥來還去

爲甯侍御宗堯題小像四絕

風抱大人志霄壑氣已殊欲輕千里道爭羨甯家駒

二

烏鴉飛日午驄馬散朝初時取忠臣傳畱情讀諫書

三

親捧五雲謁歸拜高堂下昔日題橋處今朝停四馬

四

黃鵠不可馴天馬時脫羈他日丹青意莫負野人衣

爲謝侍御伯升題

林深鳥不飛山人開竹扉晚度鹿門坂秋風吹客衣

圯橋

虞廷十六字日月朗天衢圯橋默授受不識是何書

題戲蟾圖

我欲縛龍虎踞踟力未任偶然逢物色悟爾戲蟾心

次韻代人寄內

燭影搖紅霧花枝裊綠烟目中無錦字腸斷憶秦川

西樓

倪小野先生全集

五言絕句

三

浮雲如有意歸鳥如有情坐對羣峰好落日更分明

墨菊

戲墨爛明滅散作秋花魂張顛狂醉與老髮尚畱痕

蟬

秋風入沙渚荷葉半爛死螳蟬潛行聲颯颯疑秋雨

白頭翁

落花何紛紛春風吹日夕流光催人老山鳥頭亦白

鴛鴦

流水何蕩漾孤鷗獨自遊飛雄在何處相憶白蘋洲

濯足

八月秋江淨魚龍臥不驚濯足清淺處秋水應無聲

小野亭

小野名吾亭吾是名亭者亭前花竹秀或以負吾野

西阜

西阜一縱目秋遠澄霽景中野千頃雲落日豐山影

芙蓉浦

獨立芙蓉浦水底一片霞水風吹不散日照芙蓉花

薔薇籬

薔薇有芒刺借以作園籬春風花爛熳翻爲錦繡帷

芋田

倪小野先生全集

五言絕句

四

蹲鴟何累累抱子肥如卵閒坐芋田頭煨以茅柴火

橘屏

秋橘垂嘉實飽釀重陽霜園林搖落候翠屏金點黃

芭蕉徑

小徑盤迴曲芭蕉幾樹新微颺搖動處爲我拂浮塵

梅崗

平生愛梅意故爾倚崗栽長得陽和照還令先臘開

桃林

世人慕神仙空讀桃源記種桃已成林我得神仙意

菜畦

種菜兩三畦霜後轉甘肥老覺滋味長庶免食肉悔

菊墩

亂菊叢如墩秋風爛熳花黃白各不理滿眼金銀香

杏坡

長安杏花雨夢醉江南春今住杏坡畔元是夢中人

蘭盆

幽蘭抱古香脩然山澤姿不與繁華競移種瓦盆宜

全線草塋

草吐赤金線蟠繡滿塋面春芳恐狼藉簇簇落花片

蓮花園

倪小野先生全集

五言絕句

五

夏日觀蓮花蓮花映池閣坐會愛蓮人不知花已落

海棠庭

花開三月候愛爾滿庭嬌能驅桃李豔塵俗一時消

韭畦

雪後理韭畦東風長細芽沉沉春夜酌未許滿盤奢

芍藥園

芍藥新成園坐以待春風攜壺就花飲老態倚嬌紅

牡丹臺

花王壓衆豔獨擅富貴春特置石臺上不混百花塵

竹塢

塢中何清虛園以倚倚竹明月映簾櫳恍疑在深谷

桂花洞

風高木落秋桂花滿洞口爲製招隱詩招我未歸友

菖蒲石

一片菖蒲石中虛涵萬寶潤氣通注河不老千年秀

楊柳隄

忽聽新鶯轉緩行楊柳隄老年無所贈不折待條齊

梨花牖

夜啓梨花牖如雪復如月滿屋生光輝不知燈已滅

又桂坡

倪小野先生全集

五言絕句

六

桂影舞婆娑清光月滿坡長生如有藥可以乞嫦娥

鴛鴦

怪爾多知慧薰風作人語厥靈託硯池墨光射眸子

江景圖

有風波浪起無風波浪沉扁舟自來去江水本無心

觀泉圖

問源何所起問流何所終白日坐空山此意同無窮

紅梅

清香與玉骨雪中有識者爲取世人憐紅顏聊爾假

擬瓊林宴

玉食蓬萊宴金膳琬琰文點衣花作雨入手錦成雲

玉食蓬萊宴金膳琬琰文點衣花
作雨入手錦成雲

擬瓊林宴

倪小野先生全集

五言絕句

七

聲爲律呂身爲度

雲想衣裳花想容

古古今今作古

真真假假以傳真

倪小野先生全集

七世孫 繼宗 編次

七言絕句

用韻味小仙

棠陵方先生曰小仙者桑悅別號也悅嘗有詩自味故公和之然公遠矣

詩過悅遠矣

春日果果花冥冥道人醉坐琅玕庭
薔薇簾箔畫垂地更厭池魚食草聲

二

共歎人生百歲終惟君來往渾淪中
秋高一片崑崙月白鶴騎來下閭風

倪小野先生全集

七言絕句

三

浣溪花練綵雲絨鸞鳳仙袞玉女功
偶逐東風到園圖碧闌干外牡丹紅

四

春花似國酒顏紅翠玉盆生兩袖風
嘉景與人長不老海棠香散月明中

視水災畱題淮雲寺

雨過潮痕未下陸水村何處卜秋登
爲民無補參禪去此後生涯欲問僧

題畫四絕

綠筠遶戶引秋光風渡澄江自送涼
我憶伯牙猶未到西窗抱膝味滄浪

二

楓落橋邊酒日沽午潮初上得江鱸
共君一醉波濤裏直待松梢月挂壺

三

邀得詩僧上我舟寒酸元不怕颼颼
萬山雪霽還歸去驚鷺峰西白鷺洲

四

江蒲生葉杏生花舊穀新分雨後芽
誰著綠簑操耜

倪小野先生全集

七言絕句

二

去春風歲歲屬農家

贈僧

北山草堂清且淨太湖側露天邊鏡
坐誦黃庭月出時遙見光輝遠相映

泛陳湖遠望秋林可愛賦一絕

秋林樹色夕陽中老翠枯黃閒淡紅
天色水光如練日分明圖畫遠橫空

題杏林春燕圖贈劉舉人

鳳苑年年見杏枝兩香日色染胭脂
別來試卜春消息正是東風燕子時

用韻咏梅五首

雪霜摧剝三冬樹風日疎寒二月花伴我清吟長入座宦鄉認是隱人家

二

一枝斜照方塘淨冷落枝頭數箇花無奈東風緣分薄青春玉女別無家

三

忽憶故園花未老官梅無異故園花小齋吟倦還凭几春盡江南夢到家

四

倪小野先生全集
七言絕句

三

柳枝桃樹催寒盡雪後還畱隔歲花紅綠園林看漸滿繁華自是屬隣家

五

青林澱齒肥黃子可怪詩人只詠花經傳考來曾有譜羹和鼎鼎薦商家

贈張揮使公榮

張君氣宇壓三軍耀武曾觀獨出羣雙葉銀刀如閃電戰袍五色舞紅雲

墨梅

李白狂呼捧硯人墨花悞灑粉妝新畫工貌出當時

影水月溪邊別樣春

綠梅

誰憐楊枝染綠袍瓊林宴裏醉風騷花魁新得春皇寵兩袖翩翩翻金水橋

過諸鐵梅醉中信筆

野色如描青閒黃晴空搖曳淡烟光疎籬落落無關鎖滿引春風入草堂

戲簡段戶曹夢澤

芙蓉一朵映秋清壁月流輝淨豔姿分付水仙多愛護江風涼冷不勝吹

倪小野先生全集
七言絕句

四

釣魚圖

醉後西風打釣槎浪花如雪溼衣裳老漁經慣渾忘却臥到黃昏日下坡

凱歌十首

武宗南巡

王師遙向九江城秋盡長江萬里清却就金山翫江水六軍飲馬洗戈兵

二

龍虎山前競鼓笳舳舻千里住平沙水軍取醉春風裏日過金陵賣酒家

三

水靈迤邐住龍驤村婦村童識帝王萬里風行飛檣
騎兩涯星列挂燈檣

四

金陵直下望揚州天上黃龍翼綵舟江漢朝宗今古
地東南玉帛會諸侯

五

淮揚今歲動謳歌澤國田田熟晚禾但得君王長賜
福不妨戎馬日經過

六

此日旋師威武揚山川形勢固金湯縱觀太祖開基

倪小野先生全集

七言絕句

五

處萬乘兵車過鳳陽

七

落日江湖萬頃秋烏龍弄尾打魚舟從來天網難逃

避彭蠡長鯨已繫頭

八

如何吳楚弄戈兵不顧山河帶礪盟天子威靈過漢

室黃麾親下亞夫營

九

小醜成俘未足論一番風雨洗乾坤四家子弟封侯

會六等功名曠世恩

十

鼓笳催發龍江月旌旆橫分鴈障雲禮軟親臨楊宰
相功名新重霍將軍

送人

一出都門信馬蹄青青楊柳接淮隄太平歌裏渡舟
渡揚子江頭日未西

題畫

焦桐何處奏清商行盡春山思渺茫誰謂知心在流
水碧溪立玩到斜陽

葡萄

倪小野先生全集

七言絕句

六

仙人掌上王盤高秋露清香瀉翠濤一自槎仙獻明
主漢家從此說葡萄

天澤味僧號

雨花堂上老龍歸穩臥蒲團掩竹扉只爲蒼生望霖
雨袈裟一片逐雲飛

又題葡萄

一架西風釀紫霞蔗漿茗飲未須誇不堪醉渴涎流
劇豈獨當年見麴車

題扇圖

汲取消湘燃舊蓑茶烟一抹碧差栽蘆花楓葉斜暉

裏百里清江渺逝波

山亭漫書贈客

小山尊酒樂公餘塵事逢君暫破除莫謂官清滋味

薄春風新長一園蔬

秋日吳山偶興

山城秋色夕陽西松頂長風落礫溪高興飛騰霄漢

近垂虹一道是丹梯

南屏

南屏山好西湖上君愛南屏索我詩竹雨桐風清似

洗品題正值感秋時

倪小野先生全集

七言絕句

七

和方崑山贈賢郎韻

喜看家雞毛羽長庭前學舞正依人逢君偶餌神仙

粒可是風雲變化身

崑山道中用韻答方拙牧

敗蘆衰柳響江林殘月臨窻傍水陰燈燭影中清夢

破青綾寒似玉堂衾

戲奉二陸先生

曾將奕戲看劉項

古鴻溝久

昨來成底

事彈丸黑子重連城

題畫二絕

江水迢迢似我心無端別調託焦琴松風吹逐餘音
去立望天涯何處尋

二

九猜作餌千鈞重孤竹爲竿萬丈高借問漁翁莫相

笑此江曾有如山鰲

題扇意

春山遊遍醉忘歸萬壑風生虎豹啼喚醒白雲黃鶴

夢松梢月照薜蘿衣

題杏花圖

上林開遍萬枝紅新賜宮袍照映中莫對畫圖空然

倪小野先生全集

七言絕句

八

羨光陰過眼又春風

菊花三絕

菊花一種擅秋芳富貴何須論紫黃洛下池臺今寂

寞清風千古說柴桑

二

幾迴尋賞未相逢月夕風晨興轉濃好事移來重九

後南山佳色入簾櫳

三

微風微雨菊花辰還候籬邊霽色新試看紫袍金帶

朵光輝爛熳錦堂春

過民太宿處二絕

宦情客思共依依且對黃花醉落暉
天北天南吾宇宙弟兄四海眼前稀

二

不到韓翁山上亭琵琶宛轉夢中聽
春光過眼易消歇幾樹閑花冷翠屏

催菊

枝頭欲開猶未開今朝復喜故人來
眼前花朵堪供笑分付西風好剪裁

西湖四絕

倪小野先生全集

七言絕句

九

有客遠自西湖來我憶西湖一夢迴
十里梅花圍水岸孤山應是小蓬萊

二

南屏山下藕花風南屏山上萬株松
太白山人今已去萬松深處白雲封

三

蘇公隄上柳花飛三月風光試苧衣
却羨黃金買歌笑小姬扶醉月中歸

四

夢落湖頭三十年謝家雙屐米家船
飛來峰下三天

竺猶是人生未了緣

西清書院二絕

西清書院日相過洗竹分花又種荷
誰謂官閒無箇事一春光景苦詩魔

二

南雄太守半閒官民訟公移半日完
日過西清書院裏但逢佳客足盤桓

贈龍生

遠到龍生頭角奇龍門變化近佳期
秋江八月風濤壯須記南雄太守詩

倪小野先生全集

七言絕句

十

秋山

老翠枯黃閒淡紅秋山點出錦屏風
輕烟細霧生明月紗幕朦朧醉眼中

題雜圖二絕

楚人一炬火秦都回首烏江是匹夫
翻覆無端論得失丹青一幅捕蟬圖

二

曾歎當年畢尾嘯月中啼罷送亡吳
蘆花楓葉秋江上猶記蘇門客棹孤

南坡挽曲四章

昨日南坡堂上歌今日南坡堂上哭人事秋風轉眼
開花隕紅兮草凋綠

二

南坡只愛竹山居倚竹臨流日釣魚爲爾招魂何處
所蘆花十里月明初

三

榮名半世挂王門身在山林道亦尊白馬紅纓空舊
影短蓬橫楫是歸魂

四

昔有正平今子陽共傷直道吐剛腸樽前寂寞秋風

倪小野先生全集

七言絕句

十一

飲直道消亡轉可傷

挽諸後軒三絕

忠心只有太山知此是先生自誓詞富貴烟雲輕過
眼青山萬古墓前碑

二

忠心只有太山知身後唯看清白遺更有一經家學
在平生餘志付諸兒

三

忠心只有太山知部郡浮沉意向誰白壁未明空抱
負爲君不盡卞和悲

詠菊次韻贈鄭東維七首

曾伴山中松大夫妖容冶態任僂呼冰霜挺挺花神
整不似楊妃醉後扶

二

開遍青山雨一簾百年長伴老夫潛夕陽輝映紫霜
鬢搖曳秋光壓帽尖

三

羨爾林泉金玉英春風春雨謝逢迎冰霜不改本來
色滿地秋聲老石鯨

四

倪小野先生全集

七言絕句

十二

綠筠籬落護秋香散髮披襟坐晚涼須記重陽新菊
酒百年幾度對花嘗

五

曾種長安富貴家女郎競折露中花鳳凰釵畔盈盈
采鶴頂駕翎簇髻鴉

六

白首妻孥依故園西風叢菊倚頽垣眼前小試星星
采爛熳秋光何處村

七

一枝蕭酒寄風情相憶梅花各擅清疎影暗香佳色

句古人先得二花許

竹鳥

爲待春風立竹枝春風一轉汝先知
柔聲巧處作人語毛羽依然是舊時

西瓜

赤日如焚復如蒸薰風帶露泔柔藤
園丁曾解東陵術釀得初秋一斗冰

李白捉月圖

采石江水何太清采石江月何太明
謫仙乘醉入江去自是平生弄月情

倪小野先生全集

七言絕句

十三

浴鵲圖

學字年來禿紫毫義之筆勢示兒曹
抱鵲且試春江波鼓得波清百丈高

蔡石崗差騎兵遠送詩以謝之

騎兵送我借霜威星月烏橋逐鴈飛
一夜穩眠過七級綠衣魂夢繞親幃

釣鰲圖

魏二尹有生孫之喜適見此圖題賀他日飛
騰以見區區點化風雲之意

夢破滄江萬里濤英兒啼處日初高
風雲頭角天然

異應是任公舊釣鰲

安山道中四絕

星馳部使遠喧呼半酒臨岐聚萬夫
傳道君王征戰返南來旌旆壓江湖

二

鉦鼓喧天駕大艘倚倚試彈氣粗豪
關河一道爭迴避說是將軍部下曹

三

關河運糧去麟麟羽檄交催歲幾巡
軍力民財俱困敝月支日給是何人

倪小野先生全集

七言絕句

十四

四

江淮未返六龍車又見邊關報羽書
南北戰征煩主上百年養士意何如

清河阻風四絕

有曲有曲行路難詞場騁目等閒看
行舟忽涉風波路千古悲歌總肺肝

二

直下黃河正急流逆來風力浪如樓
恰是欲行行不得荒茅渡口暫停舟

三

水面黃埃百尺波南行舟楫此蹉跎
舵師語我看風色日脚浮陰晚若何

四

白日河濱滯去舟風波百里迴添愁
篙工不管前途事沉酣斜陽臥枕樓

漂母祠二絕

當時不有千金報誰識漂母哀王孫
平生義分如此者肯負登壇拜將恩

相憐一飯亦何心自是將軍報德深
當日千金未爲

倪小野先生全集

七言絕句

十五

重長年祠宇寄淮陰

偶書

微風細雨近花朝旭日黃鶯聲正嬌
却怪嶺南春又

老杏花結子柳垂條

水亭

穿城江水遠爲渠壓屋青山畫不如
綠竹排桃相掩映行人指點是吾廬

書楊時章壁

江北江南路慣經看花對酒興無憑
每逢明月清風夜拄杖時過楊草庭

冬日

半開茅屋倚青松銀闕瑤臺雪萬峰
骨枯火然金伏歇薜蘿水挂玉盤龍

題扇圖竹二絕

西風歌罷竹枝詞六月霜風颯颯吹
枝葉無多領秋意相看自是歲寒姿

二

夢醒西堂片月孤微風微雨隔虛無
分明一片瀟湘意看到真時是畫圖

鶯粟花

倪小野先生全集

七言絕句

十六

黃鶯來時花未開黃鶯去時子已熟
風雨惟餘鼠雀吟嘉名空自呼鶯粟

雉雞

山雞獨立清潭上影落清潭五采鮮
且舞且鳴多意態眼前好處自矜憐

玉簪花

白玉花開白玉簪佳人長有惜花心
鳳凰釵畔時相並鋪翠妝丹空鏤金

螃蟹

落日荒烟迷野池晚稻花香螃蟹時
輾沙廚葉橫行

處殿箔魚籠幸不施

猶

午風吹斷篆 烟花下高眠五采氈一入主門安穩
日翻盆倒甕說前年

佳

獨桂蕭蕭洞府前雨淋露沐色娟娟晝長清影朱欄
昨一片雲陰日未偏

芭蕉

一度薰風一葉飛羅舞綵恣飄揚忽來山雨聲蕭
瑟獨傾園林一片涼

晚小野先生全集

七言絕句

十七

閑吟

臥對南窓雨後山喜於枕上見雲還從今解識悠悠
思霄漢江湖縹緲間

東園

枕鋤高臥夢回春細雨微風種種新蝴蝶飛來達社
會青絲白玉送西鄰

漁浦

漁浦舟橫夕照西蒼山烟樹望中迷却於何處悔秋
色遠水孤雲鴈影低

東方朔偷桃圖

放浪談鋒隱漢庭蟠桃會裏試仙靈畫圖畱得先生
影夜夜茅堂挂歲星

騎驢翁圖

錦

蹇驢踏破柳陰烟賸貯詩囊錦繡聯折取春芳送歸
路吟魂不斷夕陽邊

江上圖

江花江草弄春寒山色空濛水渺漫誰解幽人無限
意孤雲相對倚欄干

風雨歸舟圖

亂雲天際蔽山昏急雨沙頭打浪渾篙工記得維舟
晚小野先生全集

七言絕句

十八

石古樹依微江上村

蘭圖

春山窈窕白雲深苦憶幽蘭不可尋傳得宜尼倚蘭
曲月明風細有餘音

賀汝湖公新橋

橫隄曲嶂駕飛虹綠柳青蒲掩映中妝點湖山形勝
地行人只說太常公

挽鄒草陵喪偶

波浪無端齒蒼邊鴛鴦一隻飛上天滿目彩雲招不
得長歌短曲向誰傳

二

草陵喪偶哭何如蒼茫花燭拜堂初舞殘月下青鸞
鏡望斷天邊白鶴書

三

鳳凰一日西飛去鳳雛嗷嗷何所依翠竹蒼梧轉蕭
瑟白雲深處月無輝

次木山公韻贈琴士劉愛山五絕

石礪之泉始出山傍人聽者凋朱顏泛泛半逐流波
逝喜有先生獨挽還

二

倪小野先生全集

七言絕句

十九

安道當年遜剡山嬾將新豔悅龍顏聞君一曲廣陵
散千古為人此日還

三

周文長逝想岐山調轉今傳孔泣顏十操猶能發幽
思乾坤正氣自公還

四

五柳先生本在山至今圖畫舊時顏白鷗一去無消
息夜半聞琴忽自還

五

動中流水靜中山一曲焦琴怡我顏飛花舞絮無拘

東惟有孤雲去復還

夏日

雷送池塘蓮葉雨風消桐檻柳條烟高眠自謂羲皇
上不夢金門玉署邊

題吳彩鸞

山入羅浮道路長玉姝騎虎紫雲鄉神仙妙訣先天
裏反覆觀之柔制剛

贈管秋江

萬里朝天采鷁飛故鄉駐節有光輝秋江百丈無泥
滓分得峨眉片月歸

倪小野先生全集

七言絕句

二十

送陳光祿克大

麗日江頭送雨行忽思爾父念兒情羽毛正值秋風
候涕淚翻傷夜雨聲

與徐良瑀憶玄墓三絕

與汝同登玄墓峰白雲影裏坐青松於今回首烟花
外彷彿別光溪復濃

三老風流一老亡十年前事半微茫扁舟往返吳門
月日日歌聲仿酒觴

三

朝歌笑
朝歌笑
朝歌笑
朝歌笑
朝歌笑

媚媚綠竹立琅玕
亂出梅花萬玉寒
記得佛堂燈火
裏
恭拜詩案坐更闌

觀戲

昨夜臺前戲舞開
一翻歌笑一翻哀
從來人事只如
此
萬古乾坤一戲臺

偶書

蕭蕭帶雨動微寒
柳葉花枝溼未乾
試看隔牆新長
竹
春風一度喜平安

夜雨和方棠陵

出門波浪正漫漫
短日酸風歲欲闌
忽憶龍山題味

倪小野先生全集

七言絕句

上二

虛白情身世只多官

和方棠陵

風雲會合雙龍劍
日月光華五鳳樓
一時淪落江湖
上東游文章此日語

昨夜臺前戲舞開
一翻歌笑一翻哀
從來人事只如
此
萬古乾坤一戲臺

倪小野先生全集

七世孫 繼宗 編次

五言排律

石齋二十韻為楊剛老題

至矣齊名石因人
美重宣英靈開五嶽
鬱秀起三川
長抱氣氣會經渾
渾年早輸鴻漸東
特制鳳儀前
卓爾真難轉磨之
祇自堅廟堂今坐鎮
梁棟賴扶顛
霖雨分餘潤
鏘鏘振大全
遭逢寧論楚
炫耀久噴燕
獨力能排海
神功合補天
九重資倚重
五色勝旬
作彌元圖理如砥
亦教他山攻亦可

倪小野先生全集

五言排律

上二

聲價崑山遠文章漢閣連
具瞻

變象因觀易源流
却自玄剛柔三德
川石銘銘
幾事明通裏貞心
太極先有懷恆耿
耿無日不乾乾
人擬千年廣公方
八柱聯頤風應溺
豫力挽有檢權

送蕭子離提學南畿

浙水英賢地
賓庭起大魁
鏘鏘清廟器
舟楫巨川材
再選尚書省
初宦御史臺
聲名騰日表
言論振風裁
一代韓歐望
千年董賈才
多威羣獸避
鵬影九天迴
教化司南服
輝光映上台
司徒虞典重
使者漢庭推
表率瞻模範
明揚及草萊
祖鵬從此起
桃李應時栽

文體選秦漢賢科拔閑回聖門張羽翼王道藉胚胎
偷狹塵初定麒麟畫欲開乾坤思雨露江漢肅風雷
天子勞兼將生民弱比孩軍需時正急農事歲爲災
驛路旌旗繞樓船鼓角哀星貂臨遠道霜簡淨炎威
別袂牽城柳離筵倚路槐澄清看攬轡惆悵且停杯
瞻望雲門杳趙迎天仗來王陽懷諫疏此際莫徘徊

幽論處 正德末寓京
贈方思道

相過幽論處幽論思轉幽毫端窺罔象舌底解全牛
道合元傾蓋機深欲借籌圖書忘指畫神鬼避窮搜
責善嚴如律評文開似讎拊膺驚往事擊節賞前脩
倪小野先生全集 五言排律 二

或有天人論能無山水謀絃歌存孔思涕淚抱殘憂
木鋸霏霏雪河懸滾滾流禪關參寂寂謠浪息喧咻
幾陣驚離合今朝續唱酬鶴鳴聲自和蘭臭氣相投
疊疊消春困悠悠散旅愁未須揮玉座時見出茶甌
未日疎簾影清風小簾秋弄晴花氣泛繼晷月光浮
銅鴨消清篆金雞隔彩樓情深徐穉榻榮過李膺舟
相遇豈嫌數欲歸還自爾誰知燕市裏亦有白雲丘
贈大尹江公受獎勵

牧職誠不易吾君才術良鸞栖嫌偏側驥步轉騰驤
餘潤先沾被旁薰廣播揚臺評方借寇輿議恐徵黃

獨立劍長倚寡和籍高張光耀郎官宿威飛御史霜
得志行吾素遭說任彼蒼三年登秀麥兩邑接甘棠
痾瘵勞撫字乳哺慰瞻望錯盤當必利經緯出何長
起拔宜推轂遭逢合秉衡君王夢霖雨憶爾佐陶唐
贈太守洪西淙考績

王道久不作於公復見之山川毓英秀金玉粹丰姿
學問頗會商道達堯舜期六經弘化理三物備循特
執法星辰列行春雨露司禮樂侯君子典雅真吾師
剛立柔爲用忠純孝所移劉輿復用趙距竟何施
海晏風波定年豐寒燠時強梁畏威德寡弱倚恩施
倪小野先生全集 五言排律 三

書屏香注久 歷歷行遲宜雙鳧逐朝鳥五馬耀行帷
循良褒漢詔協贊協周儀感激心何壯崇高禮益卑
錢清越江水玉立岷山碑白頭歌盛事曠蕩野翁詩
送別駕洪藻塘

古道何遼廓相逢有藻塘周詩歌愷悌漢詔重循良
借寇思新治方龐譽素錫金莖露清滴玉樹春遲芳
淡薄公廚飯空虛宦邸囊起居一鶴伴消息雙鳧翔
旌獎烏臺峻騰驤驥路亨絃歌化鄒魯黼黻飾虞唐
遺愛石不轉去思江自長愧無刀把贈別駕是王祥

挽謝文正公

海宇天人逝哀歌未休風雷白日變霄漢紫雲收
社稷動名在絲綸德澤流文章三試雋肝膽四朝猷
力障波濤日高飛搏擊秋聖明終有遇徵請復何求
因遂裴公志長懷范老憂去畱關係重終始寵榮優
沾沃江河潤栽培桃李儔英靈瞻仰表石獸護山丘
龍峰書屋

張子讀書屋築倚龍峰傍燈光燭牛斗劍影挂扶桑
靜養風雲氣朗觀天漢章遠意避簷競清機發微茫
蛟窟送江照蟾宮落天香花覆硯池潤草繁書帶長
圖書列琬琰諷誦響琳琅道德歌堯舜器識薄王楊
倪小野先生全集 五言排律 四

悼吳都憲

遭逢良不偶此日起明經學古文章重名高甲第榮
官階頻陟峻仕路恰逢亨牧政三藩著臺綱九棘清
寸心依北斗特命總南征時至天人也感行草木驚
百蠻誰偃元萬國共昇平蠻蠻等中白風雲劍外青
蒼忙成夢寐憔悴盡平生褒恤逾光寵班行憶老成
瓊瑤仍隱耀麟鳳已圖形史館名臣傳邊城大將營
金戈猶走敵銅柱亦標名海內雲龍寂祠前石獸鳴
有靈應不死無媿始吾寧浙水登鰲地吳山駐馬亭

覽遊俱往事感慨有餘情稱述慚詞翰聊輸景仰誠
楊方伯挽歌三十韻

偶出城南郭獨立江上橋浮雲渡絕嶼長風吹落潮
撫懷何耿耿極目更迢迢斯人不復作有賦竟難招
閒氣兼清淑奇材拔楚翹金質渾珍重玉成辭刻琬
文章登上第綱紀振清朝丹鳳歸雙闕蒼鷹立九霄
受知忠赤著建績汗青標冰霜隨使節雨露轉天瓢
斧至星辰應輪埋山嶽搖班行咸讓最爵秩陡遷喬
金章看獨綰玉燭爲時調山河分保障江漢動風謠
救荒蘇餓莩降刖息爭鬪商相能和鼎虞廷合補韶
倪小野先生全集 五言排律 五

有才需將相回首問漁樵事業推先達堅貞見後凋
黑髮鄉中老紅塵物外消雲峰雙蠟屐雪渚一吟桡
醉後歌桃葉閒來理菊苗自分鸞依竹誰驚鹿覆蕉
松梅爲伴侶蘭蕙長瓊瑤年歲悠悠暮風花處處饒
閒心捐世路好夢斷春宵金石名長在麟鳳瑞已描
龍山今寂寞鴈嶺自名堯劍沉雲自去樽冷月誰邀
石碣青山老泉臺白日昭陰陽同聚散生死一逍遙
送錢少府擢四川僉憲

黃堂叅牧政紫漢揭高名驥足塵寰展鴻毛天路亨
公扶三尺法廉比一錢清道德探淵海文章重鼎鑄

五年勞撫字八邑荷生成政績循良最官階拔擢榮
紀綱司國命明慎掌臺評天寵鸞書重雲光豸繡明
劍門風度撒錦水日搖旌一鶴初歸蜀雙鳥候入京
■峨嵋春雨展清白夜堂航蓬島尋真迹蘭亭振舊盟
玉書探禹穴畫舫入吳城俱是詩中景能無別後情
姑蘇訪張揮使畱飲遇雨有述

瘦馬過君門相逢倒酒樽風雷度城市烟火冷鄉村
草露不成綴槐雲已散屯立看孤嶼失坐訝急流奔
芸霧生華屋瓜漿溢翠盆軒墀還舞鶴池沼欲騰鯤
將種生來肖兵書醉裏論逸情翻渤海遠略過崑崙

倪小野先生全集

五言排律

六

劍戟當時利文章舊手存酒酣聊一賦蓮燭盡黃昏
泛陳湖

萬頃玉波闊斜日依依影佳景難再到美事已兼并
斷岸菰蒲生晴沙鷺鷥整草色分天痕湖光搖樹頂
雲斂山屏開風定水鏡靜蓮酒釀玉泉瓜漿出金井
江吹送新涼野烟分遠暝落落農父家泛泛漁人艇
賦此不煩工聊記湖中景

爲鄧少府題班師圖

四海昇平久邊陲寇盜滋山川依險惡區宇等蠻夸
王道嗟違教兵家動正辭天威宜九伐戎事屬羣司

少府才名著頻年政績奇淹畱方展足慷慨欲揚眉
道在儒非怯權歸位不卑風塵混行役造化助施爲
春色輝裘帶秋聲入鼓鼙魚麗裊指畫驄力竭驅馳
受簡從容地橫戈賦味時騎旌衝宿霧輶幕啓晨曦
賞賚承恩府明揚鼓健兒知行神鬼避勢壓嶂厓敲
寨峒看連破寨巢巢訝盡披長纓連繫□小隊緩班師
家室俱安堵瘡痍半就醫一時勳業會百載太平期
入奏同封疏論功合鼎彝如公勞不泯從此陟無疑
圖畫存餘典畱傳啓後思郡僚憐好事詩史託新如
披閱他年意停雲對酒卮

倪小野先生全集

五言排律

七

悼楊時章妻

故故楊朱泣無由夢洛神芍藥顛風裏鴛鴦惡浪濱
鏡痕空粉黛衣帶自香塵玉樹秋何早銀燈漏轉頻
樂羊機已斷牧犢曲猶新月暗秦樓夜花殘金谷春
畫眉閨闔愛剪髮旨甘珍淑慧緣偕偶仁慈惠及鄰
蘋蘩能致謹茶荳頗知辛母範憐遺秀家聲羨懿親
剛柔堪合德風夜久同寅德曜承夫志曾參媿女身
麝死香難泯雞鳴意克勤晨昏梁塵案涕淚鮑宣巾
失釵悲古井化劍感平津雀屏期不再鳳管恨難陳
東軒呼茗椀中饋是何人

瑞香花

幾年催冷艷短景見幽芳避妒稀風雨凌寒盛雪霜
珊瑚明玉燭翡翠出雕房紅綻毵翻白青深葉綉黃
磨臍開欲散鶴頂碎何妨自覺形骸穢應同笑語香
春意沾新舊人情雙晦暘清標綠不惡依倚臘梅傍
壽尚意公

尚意軒開口源流魏國來忠誠渾不泯福壽竟兼該
先達推鄉社時休築釣臺聲名搖四岳地位切三台
屋後龍泉挂堂前豸繡開天高猶雨露市近亦蓬萊
冬日愛可近歲星知其猜衣冠恆肅整履杖且徘徊
倪小野先生全集 五言排律 八

白髮金仙骨紅顏玉女胎平心人似古長笑老如孩
問柳諮詢意看花變理才眼前逢柱史賤子願追陪
大二檀先生韻奉答

近來聞勿藥復舊體陽秋後一身健日南萬里長
書裝蘭滿簾詩具竹爲林大地何寥廓日時宜審詳
唐虞今值運箕頤莫容狂論相應生魏看孫有媿羊
文章當整暇事業正相將山水俱官況星辰滿帝鄉
聲名膺豸薦飛動起鷹揚瞻靑雲上且爲吾道光
分得折獄無冤贈願淮東大尹
事幾炳豫介靜照生艮止清鑒懸玉壺餘威得金矢

臯陶恤不辜曾參慎勿喜忠誠感天地幽縵通神鬼
察假因得真求生或於死協中廣舜仁懲奸弼周禮
斬斷戒羅織洞微見根柢幹運化筆端揭掀覆盆底
四境震動中萬家光明裏國典協民心庭平佐帝理
陰德不可言榮階從茲始于公大門閭請以占後嗣
贈願淮東擢予科場

大比盛典也執事榮選也近日科場內外簾
等惟公德備公明才兼勤慎復優於文事故
執事外簾宗正謹撰此詞用比金石宣道盛
榮以華其行云

倪小野先生全集

五言排律

九

浙水英賢地寶輿是大猷臺高仙宦集天朗桂香浮
欲得良材用應須哲匠求唐虞共佐理宵旰分憂
公是東南美名登科第優治聲追卓魯文體繼韓歐
執事多能列懷忠衆正儔心同天地準權與鬼神侔
規矩身先定聰明知己周入山知楚璞閱庫重吳鉤
豹變探雲霧龍光識斗牛得盧欣喝綵合濟慶維舟
貢士功堪奏忠君德乃休錄成文鑑具飲至禮羅收
宮映星辰燦門戟桃李稠座齊羣玉樹輝映五雲裘
榮與鹿鳴宴長瞻鸛薦秋看花醒舊夢天上廣寒遊

贈楚大尹

將門稱國士禮院起王賓
棘栢遲地魚龍變化身
霖雨爲商傑薰風暢舜仁
錯盤方試利鍛鍊欲成珍
五鳳毫端落雙鳬下馴棠
陰開白晝花院豔青春
殿轉明時路冠彈舊日塵
山公書啓事早晚達楓宸
賀張巡按父母榮壽

種德存心處傳經倚膝兒
駢駢昭國瑞獬豸振朝儀
移孝唯供職推恩亦慰私
榮恩來浩蕩道氣入希夷
桂影天門迴槐陰晝日遲
江湖雙宿像霄漢五雲詞
柳里達尊重室家偕老宜
江山輝玉宇歲月比瑤池
蒨菖華燈吐珊瑚寶樹移
平生臣子願此外復何期
倪小野先生全集 五言排律 十

半是憂愁半是樂
一翻歌笑一翻哀
半是憂愁半是樂
一翻歌笑一翻哀
一翻歌笑一翻哀

倪小野先生全集

七世孫 繼宗 編次

七言排律

送江西臬欽取

如雲如霧紫霓旌指引雙鳬入帝京
楊柳綠搖官道淨芙蓉紅映秘圖澄
夢回霖雨三台近奏罷薰風九賦平
牧政少年煩兩試宦程長日邁孤征文華耀世
黃金重氣宇凌秋白玉橫邦憲講明兼讀律邊謀參
與解談兵仲淹入閣疏時事賈誼登朝哭聖明志在
澄清看攬轡才堪經濟卜持衡依依景運從龍起
爲朝輝待鳳鳴千里榮光歌不盡野翁重贈繡衣行

倪小野先生全集

七言排律

送顧懷東先生十二韻

權動姚江竹馬兒虹霓繚繞七星旗
爭誇天上旌賢寵正慰人間感德私
倚水蕙花秋得意映霞楓葉晚相宜
雙飛綵鷁隨江轉獨御青驄與電馳
錯節盤根今已試精金美玉衆皆知
宣傳萬國循良詔歌誦諸生愷悌詩
五月薰風音自別九天霖雨夢尤奇
海濱鄒魯元同化宋室蘇湖復得師
登車蚤發澄清志調鼎終逢變理期
此日書屏真不偶當途推轂未爲遲
退衙瑞氣看烏集望闕朝陽待鳳儀
特採野謠揚盛

送顧懷東先生十二韻

新嘉坡新雲間千里江陵一日還兩岸猿聲啼不住輕舟已過萬重山

七言拱律

21

終南望茅屋前對終南山終年
客客長閑閑終日世心長自閒
不妨飲酒與垂釣君但能來
往適咸豈而辰季春上浣八日午有

試筆

七世孫 繼宗 編次

詩餘

贈劉逆幕監運南都詞

惟執事發跡閩邦究心理學從王事而練達之既久離天曹而簡拔之居先新傾除書恭飭民牧方止揚塵之輒少試解慍之琴設施之初而閭閻瞻之有慶承接之際而司府稱之曰能蓋愷悌溫良之容如玉出於璞而果敢裁決之氣如刃發於硎故賢者必勞才而

詩餘

見用事關國計而舳舻有泛涉之勞財係民
膏而斗斛有虧損之慮惟爾克勤乃能有濟
立心之本不悖陽城政拙之仁竣事之終必
奏倪寬賦盈之最詞曰

奏倪寬賦盈之最詞曰

姚江新署蓮花幕明月挂高梧賢臺慰遺柏臺符三
江千里道監運上南都游韉飛蓋黃花候覽觀五伯
雄圖爭先受賞獎司徒五雲瞻望處指日返雙鳧

偶過訥齋園中製詞三闋

東風未盡百花殘
梅子枝頭已醺酸
池亭面面水迢迢

盤午日弄輝微雨歇嫩綠生陰護畫欄公餘書史儘君觀

二

一迴登眺一迴新池面波光綠漸勻落紅點綴錦花鱗板橋接引通何處小心亭下月如銀一官懶散可藏身

三

辛夷爲屋桂爲梁芍藥書帷薜荔房芸草窻前不斷香竹風搖曳秋空裏四簾細雨響琳琅他年湖海憶連牀

右詞浣溪紗

倪小野先生全集

詩餘

二

倪小野先生全集

七世孫 繼宗 編次

聯句

白茅港舟中與方棠陵聯句八首

入冬風雨癡如春宗正傍海泥沙愁殺人太守欲開萬世利豪天子應念三吳貧豈惜跋涉探源委宗正博探論議爲經綸他日功成當血食豪廟號合封東海神宗正

二

姑蘇太守眞神仙豪天風遙送觀海船綵雲壓江旌

倪小野先生全集

聯句

一

節盛宗正春雷破浪金鼓闐遐荒父老駭奇觀豪大手文章雷細鐫海門踏遍始歸去宗正屬吏名姓託以傳豪

三

寒雲淡淡日光微宗正衰草茫茫宿雨霏海鴈驚飛雙翅溼豪江鱸初上四腮肥赴亡廬舍誰相問宗正題品山川願未違聊借公程尋勝事豪詩篇贏得滿囊歸宗正

四

斷港寒波平不流豪亂沙荒草正鷗鷺午烟寥落村

南樹宗正宿雨淋漓渡口舟海曲梁生元有命豪吳
中范老合先憂與君且醉鱸鄉酒宗正擊碎唾壺驚
清鷗豪

五
乘桴浮海志宗正作楫濟川才出處元無定豪東南
實可哀十年慙肉食宗正一壑念生涯擬買支川石
豪相攜作釣臺宗正

六
問地無人識豪行踪記板橋沙田潮正落宗正海墅
霧全消灘淺易舟去豪風寒買酒澆高堂何處是宗
倪小野先生全集 聯句 二

正官路轉迢迢豪
七
圍爐清話劇宗正擊缶壯心閒酒和羊酥下豪雲隨
鴈字還茅茨漁舍隱宗正風雨客衣斑不是瀛洲侶
豪同登方丈山宗正

八
舟小親僮隸豪程迂藉轡鞍醉顏風半解宗正吟甘
雨增寒泥潦馬蹄澀豪天空眼界寬明秋如可望宗
正吾不避艱難豪

觀海與方棠陵聯句

地盡白茅港宗正天空滄海東舳艫浮一葦豪臺殿

隱三峰出沒龍壘窟宗正升沉日月宮雪花飛亂白

豪霜葉泛晴紅江漢朝宗所宗正乾坤混沌中蜃龍

懷紫霧豪化鶴想剛風鯨鼓聲偏壯宗正鰲山勢自

隆雲低孤鴈沒豪潮長七鴉通近海名鞭石終難濟宗

正乘桴孰可從徒勞精衛力豪不見碧雞踪夏禹跡

猶在宗正魯連心獨雄暮年哀呂望豪清世惜梁鴻

島珍爭貢宗正皇朝龍錫封波揚今日定豪源遠

幾時窮相水來賢伯宗正同舟得鉅公平生真絕觀

豪老我亦奇逢袖拂珊瑚樹宗正詩探錦繡叢望洋

倪小野先生全集 聯句 三

惟有歎豪涉險尚無功招賈慙文陋宗正祈神願歲

豐仙槎須共跨豪漁釣肯相容宗正

自海歸與方棠陵聯句八首

去去雨將歇歸來雨更多豪蒹蓬蓮葉舫夜度白茅

河宗正

二
小艇大於斗恰容君與僮豪遙知歸泊處野寺二更

鐘宗正

三
細雨寒江道疎燈野市橋宗正歸舟妨斷港喜得晚

來湖 豪

四

沙舻霜前草漁家雨裏烟 宗正 爲憐歸路晚添許刺

舟錢 豪

五

飢無酒飯寒無火唯有詩篇聊解愁 豪 最喜打窗江
雨急一宵清夢竹西樓 宗正

六

曲曲江灣路轉賒小橋橫處是農家 宗正 農家正是

收成候只見枇杷一樹花 豪

倪小野先生全集

聯句

四

七 公守太倉有喜晴軒案陵尹
長官牧拙句偏工行蹤聊寄支

太守喜晴天却雨 豪

塘市 宗正 詩思還爾滄海東 豪

八

隱隱江光破暝烟 宗正 寒潮晚送木蘭船招提昨夜

畱詩處 豪 短燭清香榻正懸 宗正

歸至雙鳳鎮將別不忍棠陵因取道謁舟中聯

句四首

欲別胡未別 宗正 云歸猶不歸登堂見君子 豪 衙宇

應有輝妻子出相見 宗正 築壇羞越雞懷君如鳳凰

豪 我猶枳棘棲豈無鳴岐念 宗正 暫時混羣飛會合

各相慰 豪 翻恨相逢遲可眺屋後山可俯軒前池 宗

正 池以濯吾纓山以畱吾詩風塵自山水 豪 志願諒

無違 宗正

二

鑪火紅如錦 豪 茶鐺沸如潮樂此冬夜溫 宗正 忘彼

滄江遙我歌君肯和 豪 雅什參風謠我貌本嫫母 宗

正 儂亦非娥媚性情苟相合 豪 不在語音嬌嘯歌江

鬼哭 宗正 沙竹風蕭蕭 豪

三

倪小野先生全集

聯句

五

新村來洞庭 豪 好景正相值因之感歲時 宗正 恐墜

平生志燭花照人顏 豪 話言各相厲緬懷征路遙 宗

正 願保珪璋器令名天所怪 豪 中途戒隳廢君子有

深憂 宗正 蚤夜恆自營 豪

四

寒雲壓暮江 豪 凍樹風烟重霜葉響柴扉 宗正 山犬

因驚動嗽嗽向我舟 豪 破我黃昏夢僕夫前後喧 宗

正 恐墮阮塹空舟行時撞隄 豪 濤聲磕盞甕譙鼓出

江城 宗正 高燈擁騶從小郎想候門 豪 大郎正哦誦

更憐姜被寒 宗正 遺柑細君奉 豪 時雙鳳有 家人異國

情素入門足驪閣念君亦有此宗正今夜未能共願

雷君於舟素風流得自縱宗正

正德五年天下例當朝覲監司奏免荒郡正官

而以貳代之太倉州錢淵崑山縣李江寔有是

行州守倪宗正縣令方豪念其行役之艱恨弗

能分誇其遭逢之盛恨弗能預也自海濱同舟

來歸因共賦五勝以別新洋江言啓發也姑蘇

臺言會集也金山寺言眺覽也楊柳青言休謁

也五鳳樓言朝覲也賦成各錄一冊投之行李

途中時一展吟亦將有益於苦辛否乎

倪小野先生全集

聯句

六

新洋江

新洋江水清見底豪新洋江上蘆花雨舟人報潮午

宗正旋把風帆舉綵筵映江簫鼓聲豪壯哉萬里朝

天行冠蓋如雲擁蘋渚宗正錦楓靄靄旌旗明僚友

各長跪豪願儘雙玉瓶以此有限酒宗正飲我無窮

情

姑蘇臺

姑蘇臺上飛白雲豪臺下無復麋鹿羣姑蘇富貴天

下無宗正官遊比之神仙徒神仙徒美且都豪縣公

州牧相招呼招呼宗正正是黃堂馬初

駕駕言邁神京素相隨千里行宗正

金山寺

金山寺在楊子心豪天下山水雄古今六鰲捧出蓬

萊宮宗正紫雲覆護千萬重宮中仙子搖翠裾豪雙

鶴南來歌步虛簷頭玉井泉如乳宗正攜將山茗和

泉煮酌之洗我塵土腸素願畱一剎獻明光宗正

楊柳青

楊柳青楊柳黃豪凍雲缺薄流春光我馬初紆千里

韁宗正辛勤昨夜來齊梁齊梁風勁馬欲僵豪黃塵

白雪沾衣裳此時誰勸君一觴宗正玳筵銀燭思故

倪小野先生全集

聯句

七

鄉故鄉兒女泣君苦豪嗟嗟乎王事靡盬不遑將父

與母宗正

五鳳樓

五鳳樓天上頭宗正凡人不可遊三年述職朝諸侯

豪雞人初報九重曉宗正玉皇寶座紅雲繞大邦小

邦拜其下豪聖德巍巍光四表大酺恩渥宗正利用

大作大奸既殲朝野清廓天子萬年云胡不樂袖中

疏章吳下民瘼天子曰俞歲租從薄臣有狂言末惜

是託唯白茅港唯水之壑弗滂厥流水災加惡唯宗

正有議唯先言是若唯陛下是斷唯廷臣是確厥費

雖多厥利亦博臣請荷鋤以倡疏鑿豪

長洲官舍乃甥求賦扇景與方棠陵聯句

偶見捕魚圖宗正詩魂落翠蘆海風來數鴈豪山月

上雙鱸笛譜翻新調宗正酒錢償舊逋向僕休作笑

豪豈不念江湖宗正

施聘之寓書樓清卷與方棠陵聯句

首陽望望阻且遙宗正石門荒草寒蕭蕭苔溪山水

不用買豪桂林風月何須招濯纓一曲滄浪裏宗正

洗耳千古唐虞朝眼底紛華總如酒豪呼兒庭下栽

芭蕉宗正

倪小野先生全集

聯句

人

夜訪錢元抑留酌與方棠陵聯句

德星今夜合奎婁豪坐到更樓第幾籌華屋庭開深

秉燭宗正羅衣酒溼似翻油城門恐閉賂寒卒豪斗

米奚甘見督郵何日南江同畫舫宗正棠陵山上跨

青牛豪

駟馬橋篇送管方伯汝珍與方棠陵聯句

吳有橋蜀之名豪跨婁水接崑城宗正崑城管老童

時遊壯年過此曾畱盟豪今日車馬榮道傍噴噴庸

夫驚宗正庸夫驚回戒其家遺子何須金滿贏豪咸

日今老郎昨童今朝車馬誰能同控制楚服一面崇

宗正楚人歌舞迎春風干戈連年田野空白骨如麻

落劍鋒天爲蒼生借我公豪封事早夜達聖聰仁而

不弛威而有容撫綏掃蕩行天工宗正野狼投首刃

不紅烟裝雨笠春郊農天子曰惟汝之功豪豐碑高

比衡嶽峰洞庭走其下以濯以磨勿爲塵土封它年

卿相歸宗正此橋增光輝光輝不與相如比邦家之

光樂只君子豪

與方棠陵宴姜吏部夢濱之蒼碧堂用韻聯句

蒼碧堂前喜氣洋豪主人風月啓天倉宗正久無佳

客只癡睡龍長怪浮生多俗忙宗正雪意壓城雲一

倪小野先生全集

聯句

九

邑龍寒聲繞屋木千章豪村醅爐火相看醉龍漫謂

公餘政務妨宗正

二

村居漠漠傍東洋龍三萬牙籤在石倉豪酒甕閒時

傾倒劇龍詩筒別後往來忙宗正一年幾下高人榻

宗正今日聊封太守章欲借梅花伴清賞豪南枝春

意苦寒妨宗正

酌方棠陵姜夢濱於海寧寺用韻聯句

宦路風塵夢泌洋豪汗邪赤子望箱倉龍偶尋昆令

三生約宗正却悞山僧半日忙文斗今看曾子固豪

書舟昨到米元章宗正鳥紗潦倒燈前舞龍吏部名
高醉不妨宗正

二

石鼎微烟起綠洋宗正酒闌清坐話充倉豪香分小
風茶初熟龍勢壓游龍筆正忙豪階下琪花寒不落
宗正壁開蛸篆巧成章豪相畱剛欲投君轄龍却喜
江程風水妨宗正

雲岩與姜夢演方棠陵聯句贈張千戶廷鎮
將軍屢著華君獨嗜恬愴豪奇迹與心清微名過目
暫宗正雖當閑閑榮而有山水愁龍佳境天所畱幽

倪小野先生全集

聯句

十

居人未劫豪變遷任古今聚散分明暗宗正窮窳藏
春風悠揚遮曉暈龍居之聊當龜樵採可盈擔豪雨
意密浮空谷聲低出砌宗正危如罔臨膝虛若舟泛
瀕龍峰腰疑束練石口詫含玲豪亂點眞畫描斜斂
似吞啗宗正從龍意特豪出岫姿愈淡龍萬里白何
茫百丈丹更熅豪上鋪寒著衣下挂晴拖纜宗正古
蹟絡老藤祥光護芳苔龍朝傳神女行夜報鬼工鑿
豪秋形瘦立蒼春顏微染紺宗正暑便風氣涼冷映
雪容澹龍傍樓架橋度穿窻連筆掛豪跣跌穩勝牀
沆瀣甘比醢宗正兩展窮遠探層臺足高瞰龍擬學

山中陶不羨朝內闕豪野心眞自宜世味已全喚宗
正鷗鳥機頓忘猿鶴識何關龍靜觀漸成癖多取詎
爲慍豪別墅諒無雙移文調至三宗正結盟君肯同
入社我應濫龍丘壑懷舊居塵埃積遺憾宗正遊車
且莫膏飢民思哺哈龍

廖揮使席上聯句

詩派西江見此翁宗正憑教詩友此相逢應鵬春宵
破戒成佳句翁公事得閒開笑容豪坐擁紅爐寒力
薄翁歌傳白雪酒杯空應鵬虎丘更有明朝約宗正
預遣舟人理短蓬豪

倪小野先生全集

聯句

十一

二

雪宵新月在梅花宗正更喜詩壇坐客嘉應鵬尊酒
相看同臭味翁吏人半遣隔譚譚宗正豫章欲下高
懸榻豪橄欖時供旋煮茶宗正珍重主翁情未已鑒
甕頭春滿不須賒豪

三

同官會處是詩曹宗正老將登壇氣更豪白戰轉酣
春夜末豪清歌未已月輪高隔林風遞城頭柝翁何
處人乘雪裏舸應鵬昨日野橋多凍骨欲從馬上解
青袍豪

四

滿地燈光雪夜明應鵬梅花斜隔錦圍屏宗正詩喉
正喝頌呼茗秦仙骨初成慣服苓廖邦使年四壁畫
圓山入座秦一簾冰玉月當庭宗正無端話到忘形
處應鵬醉後相看眼更醒秦

五

太守風流舊玉堂應鵬誰教淪落傍崑岡秦時名自
魏同官記宗正水利人傳六事章他日應添東海勝
多才誰被北門光今朝懷抱逢君盡宗正更得西
齋共小牀應鵬

倪小野先生全集

聯句

十二

虎丘小酌聯句

浮屠登罷聽禪房翁旋摘園蔬漫引觴宗正景富却
憐詩力薄秦僧閒應笑宦情忙蒼厓半裂蛟龍窟宗
正寶劍猶冲牛斗光秦試問伯圖今在否宗正東風
芳草幾斜陽秦

遊虎丘將歸適謝憲副至酌千頃雲閣聯句

東山今又見風流宗正望在蒼生愧未酬邂逅虎丘
閒半日朝宣陸離龍劍已千秋松搖月影觀雲閣宗
正梅送春香泛雪舟曾記錯聽流水調願將筆札記
清遊秦

二

日斜山下去還來翁笑口重逢憲節開秦虛閣夜深
張小宴應鵬名山春好作行臺宗正風風高論愛時
念應鵬藉藉賢聲濟世才翁魏我平原門下士應鵬
一紙謝解未能裁秦

寄壽泉山林老先生與方棠陵聯句

閩地多山水秦乾坤鬱秀開豈惟鍾物美宗正信是
毓人才閩闕誇先世秦星辰應上台青年登館閣宗
正白晝在蓬萊著述春秋筆秦蒐羅錦繡堆經緯王
道論宗正詔草聖東裁大學陽城出秦長安司馬來

倪小野先生全集

聯句

十三

棟梁當國壯宗正桃李滿門栽直氣千牛斗秦天威

犯電雷斯文真砥柱宗正吾道復胚胎朝笏還丹陛
歸舟泝碧洄圖書行李載宗正風月酒尊陪岳墓
拂遺像秦嚴灘問釣臺菊松迎舊主宗正猿鶴結新
媒九曲仙槎穩秦三峰俗駕廻茅堂題綠野宗正羽
扇障黃埃園長刊詩竹秦簾開索笑梅農尋墟里話
宗正官任市朝猜曠蕩鷹鷂臂秦逍遙雉去尋杏村
霞爛熳宗正驚渚雪毵毵石竈絲苓熟秦溪田布穀
催林分膏土種宗正栗向小爐煨門有陶公柳秦庭
遺王氏槐八龍騰混沌宗正五馬陟崔嵬秦釋箕裘

念豪重看舟楫材贊霜渾不染宗正名火已全灰佳

節值懸矢豪高堂漫舉杯遐齡將並呂宗正夙望尚

依裴北狄詢無恙豪南山歌有臺花光明錦席宗正

月色墮瓊舞袖聯雛鳳豪賀儀陳牝驄健談占嬰

鏢宗正劇戲雜諧諷瓦缶耳方熱豪唾壺手自按歡

呼金谷宗正醉笑玉山頽王母桃千樹豪安期賈

數枚精神疑得道宗正心事羨如孩鷗劍交翠泉豪

雲聲動九垓蒲輪剛欲下宗正棘署久相控高隱固

云樂豪窮民亦可哀末由聞大誼宗正瞻望重徘徊

倪小野先生全集

聯句

十四

倪小野先生全集

七世孫 繼宗 編次

別集附

先生素負大志甫六齡赴劉少司寇季篋第讀書塾師授以句讀忽仰面上視師責之曰小子亦欲得居此耶先生應聲曰有志未逮師大奇之未幾劉式微其第卒為先生所得

先生自幼工書法貧甚苦乏筆紙每夜臥以指向汪太安人背上畫之書法大進

先生詩文高自位置不屑居何李後同邑駱兩山善

倪小野先生全集

別集附

一

吟咏世無有知者一日奉使過山左題淮陰廟句李崆峒歎為絕唱土人因作詩板懸之先生聞而歎曰近世不信詩而信人如此

先生才大而不屑於細務以忤逆瑾謫知太倉時人憂之及抵太倉值水災三吳皆不足粒先生設賑濟之法上封事六條首議開白茅港生民全活無算聞臣李西涯聞而歎曰賢者固不可測

先生嗜詩酒兼好奕京師國手吳仁甫鄒敏行文用晦節節俱遜之鄭少谷謂先生棋癖當如淫聲美色遠之先生深德其言

方棠陵曰小野詩文皆立就不易稿又曰余嘗交王伯安倪小野所爲詩文俱不糊稿雖宿構者不逮今又見陸良弼信姚之多才人也

先生性嚴毅遇宵小尤立崖岸時逆瑾權傾中外諸翰林有事皆跪見先生絕不與通卽見亦止一揖而已瑾自此憾之

吳石山多髯時號吳鬚生子九髯皆不減乃翁時號九吳鬚然性皆鄙吝值石山八旬九子奉乃翁向勝歸山寺避之先生初不之知也偕同志往賀壽且索飲聞者辭以他出先生大怒奮筆題其廳事曰吳鬚

倪小野先生全集

別集附

二

生下九吳鬚箇箇堂堂大丈夫八十老翁無誕日一班豚犬不如無聞者走報石山頌謂九子曰倪先生罪及女曹矣卽攜九子詣先生謝罪更延諸士夫暢飲大肆而散

先生謫太倉起武選郎同年車若水送之適見一土工斲壁出一聯向先生索對曰泥壁壁泥賤土高陞先生應聲曰水車車水下流上達車大慙

名臣記載先生之言曰德業觀前面人名位觀後面人或問觀之將何以曰從前觀之祇見我不如人而益勵思齊之志從後觀之祇見人不如我而自銷躋

證之憂

先生誕生之夕太安人汪夢七仙子從雲端捧一小兒至曰特送蘇東坡來與女爲子蓋上帝感女孝也寤而生先生蓋七夕云而七仙子乃七姑星也

王陽明曰世傳倪小野爲東坡後身及觀其文章氣節生平出處去就亦略與東坡相似又曰東坡洵才美然未免出入於內典諸書若吾友小野生平學問悉原本六經詎非所謂粹然無瑕疵者耶

先生家居以忠義爲訓當易簣並無一語侵及家事祇遺令謂諸子曰後日子若孫有以不忠不義玷我倪小野先生全集

別集附

三

清白者當念我今日腿上曾帶胡羊毛入棺耳蓋先生廷杖幾斃曾割生胡羊肉貼腎上得甦也

孝廟雅重先生詩名一日召對便殿將以御製詩扇賜先生先命先生賦詩頃刻賦呈御覽孝廟拍案叫絕曰不謂朕詩竟得與倪翰林同句耶蓋孝廟賜先生詩有素娥分半月酷吏避清風之句而先生腹聯適與暗合但多天上人閒四字一時傳爲美談

武廟見先生哭泰陵詩有書生曾獻三千字父老還思十八年之句震怒欲下先生於鎮撫司閤臣李東陽力爲之解曰陛下獨不念先帝耶上爲之霽威

先生年甫十七以義經受業孫忠烈公門七日而升諸弟子上忠烈公歎曰吾道其有傳人矣

翁宗伯大立嘗言先生學問得統於孫忠烈公其後則有錢緒山呂南渠諸理齋張小越鄒原素諸及門克廣其傳師弟淵源洵不可誣也

丈衡山待詔謂小野詩高出何李處在學唐人而不爲唐人牢籠書法亦然學晉人而不受晉人羈勒先生嘗謂陽明詩文起初亦出自何李之門不數年乃能跳出何李窠臼自成一家嗚呼當世若陽明者真可謂豪傑之士矣

倪小野先生全集 別集附

四

黃梨洲曰吾姚詩集之富無過倪小野先生正非特吾姚罕其匹卽有明三伯年來蓋亦難其人也求之古人庶幾宋之蘇陸二公乎

邵得愚曰有明以來吾姚能詩者不下數十家而長於樂府者唯倪小野王陽明兩先生而已至就兩先生而論其中之精微廣大倪實較優於王世儒正不得以耳食掩其公評也

倪小野先生全集

七世孫 繼宗 編次

清暉樓詩附

公樓記已載集中至王謝諸作尤足不朽因附錄於後庶地以詩傳云

謝 遷 木齋

陰翳氣塞風狂舞屋煤吹落皆塵土逆豎含沙射縉紳一時正士胥解組吁嗟天王本聖明六章入奏心獨苦批鱗受杖幾身危血染羈親毛蔽股慷慨歸來義自高築室清暉屏華牕花光月色映樓臺玉椀冰壺耀今古琉璃屏外走明珠老木當場何足數多君妙手更天成一筵新詩動九五海內喧傳解慍功不

倪小野先生全集

清暉樓詩附

一

特忠貞堪繩武琥珀杯清墨汁濃爛醉揮毫驚李杜光芒萬丈斗牛寒清暉佳氣接天府

王守仁 陽明

經鉅世澤著南州地接蓬萊近斗牛意氣元龍高百尺文章司馬壯千秋先幾入奏功名盛耒耜投簪物望優三十年來同出處清暉樓對瑞雲樓

馮 蘭 雪湖

百尺高樓尺五天昂頭直撞斗牛邊帶經鉅落三更月仗劍冲開萬里煙千頃波涵黃叔度一開骨勝柳公權南薰賜扇蒙恩渥酷吏清風句獨傳

續清暉樓詩并附讀

王謝馮三先生作四篇茲錄其

彭莫為之後雖盛弗傳則若邪方

朱衣客

層樓百尺攬清暉靈緒簾開捲翠微新築洪泉歌葉

竹舊巢燕子識烏衣巒坡業盛遺經在文忠公官內

有遺稿常伯風高物望歸文節公官禮部侍郎羸有

象賢繩祖武千秋堂構式增輝

魏尚策

先生風節在斯樓題署清暉擬自倚疏草千年存正

氣詩文百世誦風流象賢孫子恢鴻業樓殿於火復

倪小野先生全集

清暉樓詩并附

祖志經營重建繩祖會玄繼厥謀復野詩文能漫說登臨徒

既賞山川鍾秀紫雲浮

龍泉山色鬱蒼蒼會有盧鴻舊草堂帝遣六丁收不

得年加乙亥又更張樓殿自壬寅開軒水竹荆蠻筆

插架圖書班馬香他日登樓成熟客題詩遙與當拋

梁

倪文忠公傳

倪文忠公者名宗正字本端號小野宋文節公思之

裔也文節公之父曰偁偁之弟曰偕以朝列大夫出

知越州遂居越州之餘姚邑文節公以少宗伯扈蹕

而來臨安僑寓雲之錦山尋依越州公居遂世世為

姚人宋亡其子孫恥言祿明興有桴隱公之孫曰懷

敏少負忠節弱冠登洪武己卯鄉薦書歷官直指臺

奉敕出巡按逮復命忤成祖旨戍閩中遞傳樸庵公

娶於汪有身七夕夢見七仙子七仙子者七姑星也

七仙子抱一嬰彌躡雲而下授汪太恭人曰此東坡

倪小野先生全集

文忠公傳

也上帝感而孝故命蘇文忠翰林為而子遂誕生文

忠公文忠公自剪髮為角輒穎敏絕倫十年學詩為

後進冠聞學書而苦不律之不瞻也乃夜共汪太恭

人枕而寢齧去右爪摩太恭人背畫書書工當其時

孫忠烈公尚未第授經家塾徒眾尤盛文忠公往而

受業於門忠烈公初臨其案問何業曰學書忠烈公

顧而意曰若小學工矣然視吾道全未也居數日問

何益曰學詩詩有進曰益矣然若於吾道猶未也居

七日詣忠烈公前曰宗正先世尚節義今夫子非忠

言不言宗正願為歲寒後彫之柏疾風自勁之草爭

日星光耳忠烈公拭目瞭者良久適開口大笑曰
若誠如是志乎若年雖十七不過渺小末丈夫哉吾
道不孤矣吾黨之學者莫之或先於若也後七年樸
庵公當卒歲苦衣食厥明越出門拾金斤有羨俟遺
者而盡償之不寢一鎰其明年文忠公以儒士赴秋
闈魁於鄉里人以爲欲知天道還金獲報後十年成
進士比廷試初擬第三人以執政阿同官子抑其名
謚唱次五授庶常時孝宗重文忠公詩御便殿命賦
扇詩文忠公挽筆立成上孝宗孝宗覽其天上素娥
分半月人閒酷吏避清風句軒渠喜曰不圖朕詩與

倪小野先生全集

文忠公傳

二

倪翰林相符乃如是邪隨出御製詩扇賜之朝士聞
孝宗中聯亦云素娥分半月酷吏避清風咸交語厘
事孝宗崩武宗卽位寵中官劉瑾權傾內外諸詞林
以事見皆踞皆曲拳皆叩頭文忠公不通一刺相見
獨備僮長揖而不拜瑾銜之文忠公憂譏人之高張
也方正之不容也太阿之倒懸也王社之忽不祀也
迺沐浴焚香閉戶祝天草章奏劾奄瑾逆狀瑾方欲
害文忠公計無所出居無何大學士謝文正遷螯瑾
致仕以文忠公同鄉織入謝黨中出刺太倉州是時
令崑山者三衢方棠陵豪也豪爲人連蹇睥睨天下

士得文忠公倡和欲然若不勝衣太息曰有是哉倪
刺史詩草稟不待點竄雖宿構者莫能爭一字工天
才也文忠公甫下車立誓懸民命以爲江以南厥田
下下厥土塗泥而賦稅甲天下民疲輸將爾乃太倉
益之以汨汨洛水水勢莫殺民命不可活爲今日過
計孰如開白茅港便首議開港他若議蠲免議賑濟
等上言凡六事制皆曰可立下開白茅港議於監司
遣林郡伯往視報之敕文忠公督大役民不怨勞決
日而白茅港工竣執政李西涯曰吾聞其能詩而能
言矣不聞能建厥功不在禹下吾不勝負負吳人世

倪小野先生全集

文忠公傳

三

尸祝云微倪使君儂其魚乎居一稔百廢俱興州人
號古良吏瑾敗臺諫薦文忠公爲南選曹尋改司禮
大夫會武宗議南巡文忠公類類而忖度之當今外
藩心懷叵測上竟出必貽社稷憂偕黃輦等具疏極
諫上震怒特予廷杖杖已臂無膚剗羈親血不俟察
傳其傷罰午門外膝地者五晝五夜濱死人口怨乎
文忠公正色對曰吾祖云何吾師云何吾道吾志云
何縱令死而不大蘇義也吾將安怨爲若坐視聖躬
縱敗度致邦國桎杻天下其誰許我無寧肆微臣於
市以殉迺上詩以諫時人謂之詩諫其明年出知廣

東南雄府苟利蠻人罔不與不者罔不革尋宸蒙反
忠烈公死之文忠公哭之慟會武宗追諫臣知先幾
詔錫彩繪一襲加三品文忠公被杖後遇陰雨創甚
不可忍比年告歸里不與持時事郡邑大夫過而問
者以角巾阜服迓之嘗居私第教授後學時則聖人
之徒有若錢緒山寬時則禮樂名家有若諸理齋變
時則博士業名士有若張小越元時則宰相才有若
呂文安本一經文忠公品題無不悉驗嘉靖初王文
成公以良知覺後覺嘗折衷文忠公謂人曰世傳東
坡爲倪小野前身謂其文章節槩展也後先相當又
倪小野先生全集 文忠公傳 四
曰東坡雖曰奇才未免吐納內典諸書若吾友倪小
野唯根柢六經謂非純粹以精者乎又曰小野詩集
不肯居陶杜後近若信陽何大復慶陽李崆峒視爲
失兒小兒矣文忠公尤善奕京師國手若吳仁甫鄭
敏行文用晦節節皆謝不敏後感鄭少谷言勿復
習凡不憚改過有如此者其居平以忠義爲家訓臨
亡遺令吾子吾孫有不忠且孝者無念我先人兩臂
帶孺親肉殮耳不侵家事片言而歿世宗十七年三
月肅賜祭葬追贈翰林學士易名曰文忠所著有豐
富集突兀稿觀海集太倉稿小野集康熙中其七世

孫復野恐遺卷散失脫漏彙爲倪文忠公全集若干
卷錄板行世

贊曰當闡瑾貴用事朝中文士其不妻妻嬰嬰者鮮
已雖執政若李西涯不能與謝公同去位比太常議
謚僉曰文正說者謂西涯之文哀於謝公夫文者心
之表也伊西涯者匪唯不正抑負厥文若小野公以
謫焉詞臣之末先謝公而彈射之君子曰忠矣可以
謂文矣

音

康熙歲在戊子嘉平月同邑後學邵國麟撰

倪小野先生全集

文忠公傳

五

刻倪小野先生全集跋

復野與予新相知也已丑初夏攜小野先生全集授予梓行予手自繕寫付之剞劂越一歲而成復野屬予跋其後予自揣不學無文又何能出一言爲先生詩文頌恐貽譏大雅以增復野之羞矧前輩諸賢及當世知名士敘跋更僕未易數琳琅極目美不勝收予縱欲以俚鄙之語道先生詩文之精粕不亦贅乎雖然復野之刻是集也人知爲表章先人之手澤已耳而其處心積慮之誠搜羅編輯之苦艱難困憊之狀人豈盡知之邪夫前人之嘉言懿行湮滅而不傳

倪小野先生全集

吳跋

一

者必俟其後之孫子傳之然而無其志則不欲傳無其學則不能傳無其力雖欲傳之亦不得而傳復野有志傳之自髫齡而已然矣積數十年如一日既授予梓一歲中偕次子魯望往來於予殆十餘次予與共寢處者前後幾半載會所刻既多或頗工則捧玩數四喜不自勝若刻不數篇字稍粗拙則爲然不樂者久之予雖未嘗稔知復野之生平此亦其志之發於誠然者之一驗也先生之詩文迄今幾二百年散亡者十之六七其復存者亦多殘缺失次復野之文章氣誼逼眞小野公故能於散亡者摭摭之殘缺者

補綴之失次者整齊之集既成復命魯望精心校讎

不畱片言隻字之譌俾先生之詩文經湮滅之餘而不失當年之舊非復野之有學能文奚能如是且是集合數十萬言刻費須百金卽後賢之有力者克表章之君子以爲難復野家貧課子寸累銖積綿力支吾莫或助之拮据困苦百計乃成其表章之功較有力者更爲過之然則先生是集之傳必俟生復野而後得傳則傳之誠非偶然也是歲予亦有綱鑑易知錄之刻予久離草索居謬誤孔多得與復野相周旋朝夕就正奉爲指南而魯望亦穎悟絕人時參異論

倪小野先生全集

吳跋

二

出人意表是予之不大爲世所訕笑者復野與魯望之功不少也而予亦以復野之託專心是集字必手書法本正韻有識者或能賞之於復野亦不無小補云夫樂莫樂於相知予與復野之樂又於是乎在矣復野名繼宗字太眞小野先生七世孫也

康熙四十九年七月十二日後學山陰吳乘權謹跋



倪小野先生全集後序

有明刑隸逆瑾持國柄諸翰林有事皆跪見倪小野先生絕不與通瑾憾之迫謝文正公罷相以先生爲謝黨出知太倉於乎權閹餓張誰不爭爲投媚乃姚人多與之忤著令不得爲京官古之爲姚也如此既由州牧擢騎部掌選晉祠部司禮大夫與黃輦五十人疏諫武廟南巡予杖跪午門五日垂死猶以詩諫改南雄守詩名大振爲何李所畏忌先是孝廟御製扇詩賜先生有素娥分半月酷吏避清風之句時命先生分賦賦成進覽其腹聯亦云天上素娥分半月倪小野先生全集 卽後序 一

人間酷吏避清風孝廟驚異以得與先生同句爲喜而閣學李西涯亦以本朝詩文推先生爲集大成先生始以忤閹見謫旣以建言外改治州治郡號古良吏宦歸築清暉樓日吟咏其中工書法且善奕方先生誕生時太夫人汪夢七仙子捧小兒冉冉從雲端至日特送蘇東坡與汝爲子故其生平文行略與東坡埒著作富甚有豐富集突兀稿太倉稿觀海集汗漫散帙幾至不可收拾今其裔孫復野蒐羅手錄彙集成書已付剞劂余與復野交獲讀先生全集稽首載拜起執復野手而賀之曰先生品行已登國

史垂不朽增姚人光今亟刻先生全集以公世則蘇不得擅美於前也語不云乎扣盆拊匱相和而歌自以爲樂矣試爲之擊建鼓撞巨鐘乃性仍仍然知其盆匱之足羞也余不揣爰綴數語於簡末以誌景仰之私云

時

康熙四十九年歲在庚寅三月朔日同里後學邵弘

仁謹題



卽後序

二

倪小野集二十二卷

江蘇巡撫
採進本

明倪宗正撰宗正字本端餘姚人宏治乙丑進士
官兵部武選司員外郎時嘗以言事廷杖後終於
南雄府知府嘉靖中賜祭葬贈學士諡文忠所著
有豐富集突兀稿觀海集太倉稿晚年復有小野
集十六卷此本二十二卷蓋

國朝康熙中其七世孫健宗彙輯重刻而題以最後
之名者也謝遷豐富集序述李東陽之言謂明之
詩文至宗正而集大成未免推之已甚宗正嘗有
詩云偶入棠陵眼難齊少谷肩棠陵方豪別號少
谷鄭善夫別號也可謂自知之審矣



ZW 21181808575867